

10ANNIS BAPT. FRANZELIN

E SOCIETATE IESU

IN COLLEGIO ROMANO S. THEOLOGIAE PROFESSORIS

TRACTATES

E DEO TRINO

SECUNDUM PERSONAS

EDITIO ALTERA AB AUCTORE EMENDATA

of *divinity ubMry*
Missouri 631\$^

ROMAE

TYPIS S. C. DE PROPAGANDA FIDE

MDCCCLXXIV.

PETRUS RAGAZZINI

PRAEPOSITUS PROVINCIAE ROMANAE SOC. IESU.

Cum Opus cui titulus « Tractatus de Deo Trino secundum Personas » a P. Ioanne Bapt. Franzelin nostrae Societatis sacerdote lingua latina conscriptum quatuor eiusdem Societatis theologi, quibus id commissum fuerat, recognoverint ac in lucem edi posse probaverint, potestate ab A.R. P. N. Petro Beckx Praeposito Generali ad id data, facultatem concedimus, ut iterum typis mandetur, si iis ad quos pertinet, ita videbitur.

In cuius rei fidem has litteras manu nostra subscriptas et sigillo nostri officii munitas dedimus.

Romae die 11. Octobris 1873.

Petrus Ragazzini S. I.
Praep. Prov. Rom.

TRACTATUS
DE
DEO TRINO SECUNDUM PERSONAS

SECTIO I.
DOCTRINA REVELATA

DE UNITATE NATURAE ET REALI DISTINCTIONE
PERSONARUM DIVINARUM

CAPUT I.
DOCTRINA SCRIPTURARUM SACRARUM DE HAC UNITATE
ET DISTINCTIONE

THESIS I.
*Numerica unitas deitatis in universa revelatione
sicut veteris ita novi Testamenti docetur.*

« Denm unum esse non unitate specifica sed unitate singularitatis
» seu numerica, in revelatione veteris et novi Testamenti manifestum
» est; unde qui in distinctione divinarum personarum etiam naturam
» distinguerent et quavis doctrinae conformatione Deos numerarent ii
» semper indicati sunt a fundamentalis dogmate totius revelationis de-
» fecisse, »

Doctrina de unitate divinae naturae et universa de perfectionibus Dei absolutis praestructa in tractatu *de Deo uno* hic quidem tamquam fundamentum supponitur. Revelatio enim de distinctione personarum hanc unitatem includit, et nisi haec perpetuo ob oculos habeatur, ipsa distinctio intelligi non potest, ut in Scriptura et Patrum explicatione inde a temporibus apostolicis continetur. Hinc opus est perspectum habere modum, quo Scriptura, fidei professiones et ss. Patres illa praesertim aetate, qua distinctio personarum potissimum et fere unice defendenda erat, hanc veritatem unitatis supponant et proponant tamquam fundamentalem et sine controversia penes omnes fi-

deles certissimam. Sicut enim doctrina distinctionis perficit intelligentiam unitatis, ita vicissim communis professio unitatis illustrat praedicationem distinctionis, si quando Patres de hac, *quomodo* sit, obscurius sunt locuti. Propter hunc igitur intimum nexum doctrinae unius cum altera ordo rerum postulat, ut supposito etiam integro tractatu *de Deo uno* hic distinctius consideremus modum, quo revelatio et praedicatio ecclesiastica unitatem Dei velut supremum principium tueatur, cui proinde doctrina de distinctione personarum in revelatione et in professione catholica numquam potuit esse contraria, sed necessario coordinata et sensu eidem unitati consono intelligenda.

I. Revelatio veteris Testamenti habet utique unitatem Dei velut primum articulum et principale fundamentum frequentissime et omnibus dicendi formulis expressam. In novo Testamento ad hanc ipsam doctrinam et ad hanc fidem revelatam appellatur, et eadem confirmatur eodem omnino sensu, quo in Testamento veteri est proposita. Haec autem unitas Dei non solum inculcatur ad excludendos deos fictitios, qui a gentibus colebantur; sed unitas docetur absoluta ad excludendam quamvis distinctionem et numerationem Deorum.

In legislatione Mosaica primus ordine et dignitate articulus continetur solemni protestatione: « audi Israël, Dominus Deus noster Dominus (mrp) unus est... Dominum Deum tuum timebis et illi soli servies, ac per nomen illius iurabis » Deut. VI. 4 sqq. Hoc ipsum Christus Dominus declarat ut « primum mandatum », ac probat paraphrasim: « quia unus est Deus et non est alius praeter eum » Marc. XII. 29 34. Hac ipsa forma excludente in ultimo velut testamento Moy- sis ad populum idem repetitur, ubi Deus inducitur iureiurando confirmans: « videte, quod ego sim solus, et non sit alius Deus praeter me » Deut. XXXII. 39. 40. cf. Io. XVII. 3; Eph. IV. 3-6. Ad hanc fidem confirmandam Deus dirigit portenta, theophanias. et specialem providentiam erga populum suum: « ut scires quoniam Dominus ipse est Deus (ἰπὶ κττ ΝΙΤT mm) et non est alius praeter eum... Scito ergo hodie et cogitato in corde tuo, quod Dominus

ipse sit Deus in coelo sursum et in terra deorsum, et non sit alius » Deut. IV. 35. 39. cf. 1 Cor. VIII. 4. 5. Ita etiam in prophetis et in Psalmis frequenter, « Ego Dominus et non est amplius: extra me non est Deus. Ut sciant, qui ab ortu solis et qui ab occidente, quoniam absque me non est. Ego Dominus et non est alter » (hebr. non amplius) Is. XLV. 5. 6 sq. cf. Rom. III. 29. 30 ; 1 Tim. II. 5.

Est igitur unitas Dei et exclusio cuiusvis numeri Deorum revelata ita, ut omnis doctrina explicite vel implicite tradens duos tresve Deos absque ulteriori examine censi deberet contraria revelationi, quam nulli fidelium ignorare liceat. Atque ideo si in revelatione de reali distinctione et de pluralitate in divinis sermo habetur, ea certissime non ad deitatem naturamque divinam pertinet Deut. XIII. Ps. LXXX. 9-11. Hinc etiam in prophetiis veteris Testamenti quoad hoc doctrinae caput pro novo Testamento non iam talis profectus promittitur, quo « rigorosus monotheismus » solvatur, ut quidam nunc non satis proprie loqui solent, sed quo cognitio revelatae unitatis Dei universalior evadat et distinctior. « Et erit in die illa, exhibunt aquae vivae de Ierusalem, medium earum ad mare orientale et medium earum ad mare novissimum, in aestate et in hieme erunt. Et erit Dominus rex super omnem terram : in die illa erit Dominus unus et nomen eius unum » Zach. XIV. 7-9; Ps. LXXXV. 8-10. Temperatio enim omnimodae unitatis et singularitatis naturae divinae non profectus esset, sed revelatae veritatis negatio. Neque enim affirmando tantummodo unus Deus dicitur, quod quidem et ipsum abunde satis esset ; sed etiam negatione et exclusionem repetitur, praeter unum Deum patriarchis, Moysi, prophetis, populo Israël revelatum non esse alium Deum, ipsum solum esse Deum; et ad hunc unum solum Deum in veteri Testamento revelatum universa revelatio etiam novi Testamenti appellat.

II. Ex hoc primo principio ac fundamento constat, hanc ipsam unitatem numerical» Dei divinaeque substantiae semper supponi in libris novi Testamenti, et in iis significari, quoties simul cum distinctione et connumeratione Patris et

Filii et Spiritus Sancti coniungitur unitas ; quando Pater et Filius dicuntur unum; tres unum; sub uno nomine connumerantur Pater et Filius et Spiritus Sanctus; Filius dicitur esse in Patre, Pater in Filio; omnia quae habet Filius et Spiritus Sanctus, dicuntur ad Patrem revolvi et recapitulari velut ad fontem, quae relatio Filii ad Patrem et Spiritus Sancti ad Patrem ac Filium in universa doctrina Christi amplissime patet. Sed de hac coniunctione unitatis cum distinctione in sequentibus dicendi locus erit; huius enim rei explicatio constituit argumentum totius praesentis tractatus.

Pari modo hoc ipsum fundamentum unitatis substantialis supponitur in professione et explicatione fidei christianae, in omnibus symbolis, in declarationibus et disputationibus Doctorum catholicorum adversus errores varios et inter se invicem oppositos.

In symbolis, quae certe exprimunt professionem tum Pastorum tum plebis fidelium, nominatim in symbolo apostolico fides *a* in Deum » vel expressius « in unum Deum *n* (1) primus est articulus, velut compago et continens vinculum distinctionis* subiectae, qua credendum est in Patrem et Filium et Spiritum Sanctum. Hanc fidem unitatis Dei simul cum distinctione trium qui sunt Deus, docebantur et in ipsa susceptione sacramenti tamquam tesseram Christianorum profiteri iuebantur omnes baptizandi (cf. Constit. Apostol. l. VII. c. 41; Cassian. de Incarn. l. VI. c. 3, etc.). Hanc repetunt ut fidem Ecclesiae universalis Patres et Doctores inde a primaeva aetate, « Primum omnium crede quod unus est Deus, qui omnia creavit. » Hermae Pastor l. II. mand. I.

(1) In Ecclesia Romana et aliis Ecclesiis particularibus occidentis formula antiquissima erat: « credo in Deum Patrem omnipotentem *n* etc* (vel « in Deo Patre omnipotente »). Orientis vero Ecclesiae, inquit Rutenus, fere omnes ita tradunt: * credo in *unum* Deum Patrem omnipotentem » etc. (Ruf. in Expos. symboli). Sensus, ut patet, manet omnino idem. Eutychianis calumniantibus, quod Leo Pontifex in ep. ad Flavianum dixerit: « in Deum Patrem omnipotentem, * ommissa particula *a* in *unum* Deum *r* respondet Vigilius Tapsensis l. IV. c. 1. contr. Eutych.: « Romae et antequam Nicaena synodus conveniret, a temporibus Apostolorum usque ad nunc....ita fidelibus symbolum traditur; nec praeiudicantur verba, ubi sensus incolumis permanet. »

cf. *Recognit. Clement.* 1. IT. n. 43 sq. Irenaeus contra Gnosticorum emanationes ex Dei pleromate, et contra figmentum de Deo alio veteris, alio novi Testamenti frequenter inculcat hanc « regulam veritatis » 1. I. c. 22; hoc *u* primum et maximum capitulum » 1. II. c. 1, unum esse Deum, praeter quem alius non est. *u* Solus unus Deus fabricator (*ὁ ἡμῶν ἱεργός*)... qui fecit omnia per semet ipsum h. e. per Verbum et Sapientiam suam... hic Deus Abraham et Deus Isaac et Deus Iacob, Deus vivorum, quem lex annuntiat, quem prophetae praenunciant, quem Christus revelat, quem Apostoli tradunt, quem Ecclesia credit. Hic Pater Domini N. I. C. per Verbum suum, qui est Filius eius, manifestatur omnibus *n* 1. II. c. 30. n. 9. *u* Ecclesia per universum orbem usque ad fines terrae dispersa ab Apostolis et eorum discipulis accepit fidem in unum Deum Patrem omnipotentem » etc. Sequitur deinde in eadem tradita fide totius Ecclesiae professio in unum Iesum Christum Filium Dei, et in Spiritum Sanctum, qui per prophetas praedicavit dispositiones Dei et adventum 1. I. c. 10; 1. III. c. 4. Origenes postquam monuit, ut *u* servetur ecclesiastica praedicatio per successionis ordinem ab Apostolis tradita et usque ad praesens in Ecclesiis permanens, *n* recenset aliqua ex professione Ecclesiae universali et manifesta. *u* Species vero eorum, quae per praedicationem apostolicam manifeste traduntur, istae sunt. Primo quod unus Deus est, qui omnia creavit... omnium iustorum Deus, Adam, Abel, ... patriarcharum, Moysis, prophetarum. » Subiungitur praedicatio manifesta, *u* quod Iesus Christus ante omnem creaturam natus ex Patre incarnatus est, et homo factus cum Deus esset, mansit quod erat, Deus. Tum deinde honore ac dignitate Patri et Filio sociatum tradiderunt Spiritum Sanctum *n* Origen, de Princip. Praefat. n. 2. 4.

Clarissime vero apparet unitas Dei, qualem antiquissimi Patres semper intellexerunt, ex disputationibus adversus haereticos monarchianos, contra Praxeam, Noetum, Sabelianos, Paulum Samosatenum (1). Cum enim haeretici isti

(1) « Paulus Samosatenns, qui fuit Antiochiae Episcopus temporibus Aureliani principis... Verbum Dei Patris non substantivum sed prolati-

unitatem divinae substantiae assererent ita, ut simul negarent distinctionem realem inter Patrem et Filium et Spiritum Sanctum, defensores dogmatis catholici eandem substantiae unitatem habent velut certissimam et positam penes Christianos extra dubitationem. « Varie diabolus aemulatus est veritatem ; adfectavit illam aliquando defendendo concutere. Unicum Dominum vindicat omnipotentem mundi conditorem; ut et de unico haeresim faciat, ipsum dicit Patrem descendisse in Virginem... Nos vero et semper et nunc magis ut instructiores per paracletum (Montani), deductorem scilicet omnis veritatis, unicum quidem Deum credimus, sub hac tamen dispensatione, quam oeconomiam dicimus, ut unicus Dei sit et Filius Sermo (Verbum) ipsius... qui exinde miserit a Patre Spiritum Sanctum paracletum, sanctificatorem fidei eorum, qui credunt in Patrem et Filium et Spiritum Sanctum. Hanc regulam ab initio Evangelii decucurrisse... probabit ipsa posteritas omnium haereticorum... Haec perversitas (Praxeana) se existimat meram veritatem possidere, dum unicum Deum non alias putat credendum, quam si ipsum eundemque et Patrem et Filium et Spiritum Sanctum dicat ; quasi non sic quoque unus sit omnia, dum ex uno omnia, per substantiae scilicet unitatem, et nihilominus custodiatur oeconomiae sacramentum, quae unitatem in Trinitatem disponit, tres dirigens Patrem et Filium et Spiritum Sanctum. Tres autem non statu (dignitate) sed gradu (originis), nec substantia sed forma (charactere personali), nec potestate sed specie (notionibus distinguuntibus): unius autem substantiae et unius status et unius potestatis, quia unus Deus, ex quo gradus isti et formae et species in nomine Patris et Filii et Spiritus Sancti deputantur » Tertull. contr. Prax. c. 1. 2. cf. Praescript. c. 13. 14. Eodem prorsus modo conveniunt quoad unitatem divinae substantiae cum Noeto presbyteri Smyrnenses (apud

vura vel imperativum sensit atque pronuntiavit, non, ut fides habet catholica, Verbum in substantia vel essentia consubstantivum, i.e. $\alpha\theta\omicron\upsilon\upsilon\sigma\iota\omicron\nu$ Filium Dei Patris » Marius Mereat, ad XII anathem. Nestorii (Opp.T. 11. p. 128. ed. Garner.). Vide Patres alios de haeresi Samosatani in dissertat. Garnerii §. III (ibid. p. 307 seq.).

Epiphan. haer, 57. T. I. p. 480), et s. Hippolytus (n. 3. 6 11. 14. Galland. T. II. p. 455 sq.); Concilium Antiochenum (Collect. Mansi T. I. p. 1033) cum Paulo Samosateno; Zephyrinus, Callistus, Dionysius Romani Pontifices cum Sabellianis (Philosophumena p. 285. 389; Athanas. de decret. Nicaen. n. 26), dum tamen Noeti et Sabellii et Samosateni confusionem personarum iisdem in locis damnant, et illum unum Deum docent esse Patrem et Filium et Spiritum Sanctum, tres distinctos. At haec postulant diligentiolem considerationem in sequentibus thesibus.

Interim ex fundamento declarato constant haec duo.

a) Si in Scriptura et in praedicatione ecclesiastica quavis aetate sermo est de unitate Patris et Filii et Spiritus Sancti, ut sub ratione deitatis vel dignitatis vel exhibendi cultus divini connumerentur, vel unius dicatur esse secundum substantiam, vel dicantur esse simpliciter unum, vel attributum quodcumque divinum vindicetur Filio et Spiritui Sancto, et eximantur a conditione creaturarum; haec omnia necessario intelligenda sunt de unitate numerica naturae divinae in Patre, Filio et Spiritu Sancto.

b) In Scriptura et penes Patres Ecclesiae, qui unitatem aliquo ex hisce modis vindicant, distinctio inter Patrem, Filium, Spiritum Sanctum non potest intelligi secundum naturam divinam et substantiam. Si quando igitur locutiones occurrunt, quae videntur indicare subordinationem et inferiorem dignitatem unius personae prae altera, haec subordinatio certe ab eis intellecta non est et intelligi non potest ratione naturae ac substantiae. Quantamvis enim reperias obscuritatem in modo loquendi et in scientifica conciliatione unitatis Dei cum distinctione trium penes aliquos Patres vetustos, ubi « nondum perfecte de Trinitate tractatum est » (Aug. in Ps. 54. n. 22.), nulla tamen aetate ignoratio dogmatis fundamentalis de unitate divina expressi in symbolo pro omnibus fidelibus, a summis pastoribus usque ad catechumenos, admitti potest ita, ut haec veritas intra ipsos fines Ecclesiae nemine contradicente umquam in discrimen vocari potuerit (cf. Tract, de Tradit, et de Incarnat).

THESIS II.

*Complexus doctrinae in Scripturis novi Testamenti
de unitate et distinctione.*

« Generali quadam consideratione doctrinae Christi et Apostolorum,
- ut in libris novi Testamenti exhibetur, demonstrantur Pater, Filius,
» et Spiritus Sanctus tres distincti, qui sunt unus Deus. »

In Evangeliiis, in epistolis apostolicis ceterisque libris novi Testamenti saepissime mentio fit et doctrina traditur Christi ipsius et Apostolorum de Deo Patre qui est Pater unigeniti Filii sui, de Filio Dei qui proprium Patrem habet Deum, de Spiritu Sancto qui est Spiritus Patris, Spiritus Filii, Spiritus Dei. Hic contenti sumus generali adhuc et obvia consideratione eorum, quae de singulis docentur; de Filio inquam et de Spiritu Sancto, cum ex his ipsis intelligentur ea, quae pro praesenti quaestione ad Patrem pertinent. Dicimus itaque, quoties sive velut per incidens sive data opera in Scripturis novi Testamenti sermo est de Filio Dei secundum sublimiorem eius naturam (humana enim natura Filii incarnati hic non venit in considerationem), et quoties sermo est de Spiritu Sancto in relatione ad Patrem vel Filium vel ad utrumque, omnia prorsus conspirare in hanc sententiam, quod Pater, Filius, Spiritus Sanctus tres sunt invicem realiter distincti, h. e. non sola nostra consideratione sed in se alius Pater, alius Filius, alius Spiritus Sanctus, nihilominus tamen tum tres simul tum singuli sunt unus Deus.

I. Relationem Filii Dei ad Deum Patrem Christus Dominus ipse in universa sua vita et doctrina semper exhibuit et Apostoli deinceps tradiderunt in hunc sensum, ut Filius Dei sit non adoptione, sed Filius per naturam quae una est Patris et Filii.

1°. Praedicatur ubique nomine sibi proprio *Filius Dei*, *Filius dilectus* Mattii. III. 17; *Filius dilectionis paternae* Coi. I. 13; *Filius proprius* Rom. VIII. 32; *cuius proprius Pater est Deus* Io. V. 18; *Filius verus* 1. Io. V. 26; *Filius super domum et familiam* Heb. III. 6; qui non est Filius ideo,

quia obediens Patri, *sed factus est obediens, quamvis esset Filius* *χαίπερ ὧν υἱο* Heb. V. 8; *Filius manens in aeternum* Io. VII. 35; *Filius generatione ac propterea eo sensu, quo nullus angelorum potest filius appellari* Heb. I. 5; *Filius Dei unigenitus* Io. III. 16; *unigenitus Filius, qui est in sinu Patris* ib. I. 8; *Filius, qui dedit aliis potestatem filios Dei fieri* ib. I. 12.

2°. Hoc ipso, quod est Pater et Filius Patris, alius est Pater et alius Filius, *„ Ego et Pater sumus »*; « Pater in me, et ego in Patre »; *„ clarifica me Pater claritate, quam habui apud te, antequam mundus esset »*; *„ Pater operatur et ego operor »*; « solus non sum, sed ego et qui misit me Pater »; *„ qui diligit me, diligetur a Patre meo »* etc.

3i0. At quia est Filius Dei proprio sensu, ideo Deus Pater et Filius simpliciter unum sunt, *„ Ego et Pater unum sumus »* Io. X. 30. Operatio Patris est operatio Filii, et una est Patris ac Filii relatio ad suos fideles, *„ Pater meus usque modo operatur, et ego operor... Quaecumque ille fecerit, haec et Filius similiter (ψοίω) facit »* Io. V. 17-21. *„ Qui diligit me, diligetur a Patre meo, et ego diligam eum... et ad eum veniemus, et apud eum mansionem faciemus »* ib. XIV. 21. 23.

Quae in veteri Testamento dicta sunt de uno Deo Israelis *יהוה*, dicta sunt de Filio Dei. *a* Ad Filium autem (dicit Scriptura): thronus tuus, Deus, in saeculum saeculi... Et (iterum dicit Scriptura): tu in principio, Domine, terram fundasti *ר* Heb. I. 8 sq.

Quare natura Filii est natura Dei, qua est aequalis Deo. « Qui cum in forma Dei esset, non rapinam arbitratus est esse se aequalem Deo » Phil. II. 6. Vitam essentialem quam habet Pater in semetipso, habet et Filius communicatam a Patre, et ideo sicut Pater ita Filius est ipsa vita. *„ Sicut Pater habet vitam in semetipso, sic dedit et Filio habere vitam in semetipso η Io. V. 25. Ideo Filius est „ splendor gloriae Patris (απαν/ασρα τη ιοξη àu-cu) et figura (χαρακτηρ) substantiae eius, portans omnia verbo vir-[^]tutis suae »* Heb. V. 3.

Propter haec eundem supremum cultum postulat Filius,

qui debetur Patri, „ Ut omnes honorificent Filium , sicut honorificant Patrem » Io. V. 23. (Vide Tract, de Incarnat, th. III. seq.)

IL Pari ratione Spiritus Sanctus tura in vita et doctrina Christi ipsius tum in praedicatione deinde Apostolorum ubique proponitur ut *alius* a Patre et Filio, et nihilominus ut *unus Deus*.

1°. Clare exhibetur Spiritus Sancti tamquam tertii *distinctio* a Patre et Filio. Testimonium perhibente Patre de Filio, Spiritus Sanctus corporali specie apparuit distinctus ab utroque Matth. III. 16.17 (cum parallelis). Multis declaravit Christus ipse doctrinam de Spiritu Sancto sermone habito in ultima coena, ubi constanter dicitur Spiritus Sanctus seu Spiritus veritatis *alius* paracletus distinctus a Filio, atque distinctus a Patre et Filio : qui a Patre procedit, qui pariter accipit a Filio, quia omnia quae sunt Patris, sunt etiam Filii; Spiritus veritatis, quem Pater mittit in nomine Filii ; quem Filius mittit a Patre, „ Ego rogabo Patrem et *aliud, paraclitum* dabit vobis, ut maneat vobiscum in aeternum ». Paraclitus autem Spiritus Sanctus, *quem mittet Pater in nomine meo, ille* vos docebit omnia » το πνεύμα το άγιον, ο περζψει ο πατήρ εν τω ονοματι μου, εκείνο υμάς οίδαξει Io. XIV. 16. 26. Quamvis igitur spiritus multipliciter dicatur, et etiam Deus absolute spectatus sit spiritus, constat tamen, hoc nomen *Spiritus Sanctus* in doctrina revelata esse determinatum ad rationem nominis proprii *hypostatici*, quo designetur distinctus a Patre et a Filio (cf. Epiphan. haer. 74).

2°. Divinitas Spiritus Sancti tam evidenter declaratur in universa doctrina revelata, ut nisi distinctio a Patre ac Filio aequae esset expressa, Deum absolute spectatum vel, quod perinde fere est, adtributum divinum in Scripturis hoc nomine designari, nemo non pro certo haberet. Nomina ipsa Spiritus Dei, Spiritus Patris, Spiritus veritatis qui a Patre procedit, non possunt significare aliud quam Deum. » Non minus clare hoc ipsum constat ex descriptionibus adtributorum et efficientiarum Spiritus Sancti. Est „ Spiritus veritatis, qui docet omnem veritatem... alius para-

clitus, qui maneat cum Apostolis in aeternum, Spiritus veritatis » Io. XII. 16. 26; XVI. 13. Qui ergo est absoluta veritas. Hinc Deus revelat omnia per Spiritum suum : sunt tamen distincti, qui dicitur revelare, et is per quem dicitur revelare; est enim Spiritus Dei et Spiritus ex Deo, qui scrutatur profunda Dei. « Nobis autem revelavit Deus per Spiritum suum. Spiritus enim omnia scrutatur, etiam profunda Dei. Quis enim hominum scit, quae sunt hominis, nisi spiritus hominis, qui in ipso est? ita et quae Dei sunt, nemo cognovit nisi Spiritus Dei. Nos autem... accepimus Spiritum, qui ex Deo est » 1. Cor. II. 10-12. Conferenda haec sunt cum iis, quae dicuntur de relatione inter Deum apud quem erat Verbum, et inter Verbum Dei quod erat Deus. Quoad distinctionem : « Verbum erat apud Deum » — « Deus per Spiritum suum... Spiritus, qui in ipso est, qui ex Deo est ». Quoad unitatem : « et Deus erat Verbum » — « Spiritus scrutatur etiam profunda Dei... nemo cognovit nisi Spiritus Dei. »

Porro sicut Pater et Filius veniunt ad nos et manent in nobis, ita cum Patre et Filio venit et manet Spiritus Sanctus Io. XIV. 17-23. Iusti sunt *templum Spiritus Sancti*, et hoc ipso *templum Dei*. « Nescitis quia templum Dei estis, et Spiritus Dei habitat in vobis » 1. Cor. III. 16; « membra vestra templum sunt Spiritus Sancti, qui in vobis est, quem habetis a Deo, et non estis vestri » ib. VI. 19. cf. 2. Cor. VI. 16.

Est ipse Spiritus Sanctus in nobis auctor et causa regenerationis supernaturalis. Sicut enim dicimur *nasci ex Deo* (Io. I. 13), ita dicitur : « nisi quis *renatus fuerit ex aqua et Spiritu Sancto* » Io. II. 5. Sicut dicitur : *charitas ex Deo est*; et omnis qui diligit, ex Deo natus est... Deus charitas est; et qui manet in charitate, in Deo manet et Deus in eo » 1. Io. IV. 7. 16; ita dicitur : « *charitas Dei diffusa est in cordibus nostris per Spiritum Sanctum*, qui datus est nobis... Accepistis Spiritum adoptionis filiorum... ipse enim Spiritus testimonium reddit spiritui nostro, quod sumus filii*'. » Dei » Rom. V. 5; VII. 15. 16; Gal. IV. 6.

Omnia charismatum, quorum auctor non potest esse

nisi Deus, auctor est Spiritus Sanctus, *u* Dabitur vobis in illa hora, quid loquamini; non enim vos estis qui loquimini, sed Spiritus Patris vestri, qui loquitur in vobis » Matth. X. 19. 20; «coeperunt loqui variis linguis, prout Spiritus Sanctus dabat eloqui illis *n* Act. II. 4; *a* Spiritus Sanctus per omnes civitates mihi protestatur dicens, quoniam vincula et tribulationes Ierosolymis me manent » ib. XX. 22; *u* tentabant (Paulus cum sociis) ire in Bithyniam, et non permisit eos Spiritus Iesu » ib. XVI. 7. (confer quoad rem ipsam Act. XXII. 18); *u* non voluntate humana allata est aliquando prophetia, sed Spiritu Sancto inspirati (τὸ πνεῦμα τοῦ ἁγίου γερρμένοι) locuti sunt sancti Dei homines» 2. Pet. I. 21; « scrutati sunt prophetae... in quod vel quale tempus significaret in eis Spiritus Christi praenuntians (το ἐν αὐτοῖς ἰζν-υρα Χριστοῦ προμοίρτυρομενον) eas, quae in Christo sunt, passionem et posteriores glorias » 1. Pet. I. 10. Universim *u* nemo potest dicere (fide, spe et charitate, sicut oportet), Dominus Iesus (1), nisi in Spiritu Sancto. Divisiones vero gratiarum sunt, idem autem Spiritus... Alii quidem datur per Spiritum sermo sapientiae... Haec autem omnia operatur unus atque idem Spiritus dividens singulis, prout vult » 1. Cor. XII. 3 sqq.; Heb. II. 4.

Quae dicitur vox Domini in Testamento veteri, eadem vocatur in novo Testamento praedictio Spiritus Sancti. *u* Audivi vocem *Domini* (>yiN)... vade et dices populo huic: audite audientes, et nolite intelligere » Is. VI. 8. 9. *u* Bene *Spiritus Sanctus* locutus est per Isaiam ad patres nostros dicens: vade ad populum istum et dic ad eos: aure audietis, et non intelligetis » Act. XXVIII. 25. 26.

Insuper Christus Dominus ipse secundum humanitatem et in humanitate ungitur, sanctificatur, mittitur a Spiritu Sancto, *u* Ut revolvit librum (in synagoga Nazarethi), invenit locum, ubi scriptum erat: Spiritus Domini super me, propter quod unxit me, evangelizare pauperibus misit me... Coepit autem dicere ad illos, quia hodie impleta est haec prophetia in auribus vestris » Luc. IV. 18 sqq. (De re ac

(1) Οἱ φέροι; δοναται «»7T5iv χνριο» Ἰησοῦ» vel in aliis Codd. et PP. κν.

modo huius sanctificationis vide Tract, de Incarnat.) Hinc sicut secundum humanitatem potest intelligi, quod Christus dicit: « Pater maior me est » (Io. XIV. 28); ita secundum quod homo est, exhibet Spiritum Sanctum maiorem se. « Si autem ego in Spiritu Dei eiicio daemones, igitur pervenit in vos regnum Dei... Spiritus blasphemia non remittetur... Et quicumque dixerit verbum contra Filium hominis, remittetur ei, qui autem dixerit contra Spiritum Sanctum, non remittetâr ei» Matth. XII. 28 sqq. Ut h.l.prae illis ludaeis, qui Christum tantummodo hominem putabant, fit comparatio inter peccatum contra Filium hominis et contra Spiritum Sanctum (vide Athanas. contra Arian, orat. I. n. 50), et operationes, quas ludaei tenebantur agnoscere ut operationes Dei, ab ipso Christo diserte attribuuntur Spiritui Sancto; ita s. Petrus sumit ut synonyma: mentiri Spiritui Sancto, et mentiri Deo Act. V. 3. 4. 9; atque adeo ipso etiam nomine enuntiat Spiritum Sanctum esse Deum. Vide Bellarmin. de Christo 1. I. c. 13.

III. Tota igitur doctrina Christi et Apostolorum licet ex multiplici ac varia occasione sub diversis aspectibus et aliis atque aliis verbis proposita in eandem semper conspirat sententiam, et vel primo intuitu ac obvia consideratione exhibet revelationem de unitate et distinctione in Deo clarissime eo sensu, quo ab omnibus Catholicis intelligitur ac creditur, et (nemine diffitente a multis saltem iam saeculis) in omnibus symbolis, in Conciliorum definitionibus, in omnium Doctorum catholicorum declarationibus, in professione denique totius universalis Ecclesiae intellecta est ac credita. Tres scilicet esse docentur realiter inter se distincti, alius Pater, alius Filius, alius Spiritus Sanctus, atque hi tres Filius et Spiritus aequae ac Pater sunt verus Deus. Cum autem Deus unus sit unitate singularitatis et exclusa multiplicabilitate, atque adeo Pater, Filius et Spiritus Sanctus doceantur esse ipse verus Deus, qui se revelavit ut unum, praeter quem alius Deus non est; hoc ipso deitas seu absoluta perfectio est non distincta, sed una numero communis tribus illis inter se distinctis, qua sunt unus Deus.

Iam vero ubi plures sunt distincti inter se, qui constituuntur in eadem essentiali perfectione, qua respondetur ad quaestionem, quid res sit essentialiter (το τι -w εἶναι), communis illa essentialis perfectio appellatur ab omnibus doctis et indoctis *essentia* seu (quatenus essentia est principium operationis) *natura*, distincti autem inter se, quorum est natura communis, appellantur hypostases et (si natura est intellectualis) personae (1). Professio ergo Christiana, qua credimus unam naturam et tres personas divinas sive Deum unum naturam et trinum personis, nihil aliud continet, quam quod in ipsa doctrina Scripturarum propositum esse demonstravimus.

THESIS III.

Distinctio personarum et unitas naturae ex specialibus testimoniis novi Testamenti demonstratur.

«In testimoniis specialibus novi Testamenti, quibus personae divinae simul connumerantur, tum realis inter se distinctio docetur, quatenus formaliter unus est Pater, alius Filius, alius Spiritus Sanctus; tum unitas custoditur, quatenus unus est Deus, et tres unum sunt deitate. »

I. Velut compendium doctrinae ac fidei profitendae de Deo uno secundum naturam et trino personis Christus Dominus complexus est in ipsa forma baptismi tamquam sacramento fidei, quo omnes fidem amplexi initiandi essent et Ecclesiae aggregandi, « Data est mihi omnis potestas in coelo et in terra : euntes ergo docete (μαθητεύσατε) omnes

(1) Conceptus hic obiter propositus naturae et hypostasis interim nobis sufficit. Latissime de hac re diximus in Tract, de Incarnatione, ex quo inferius suo loco nonnulla repetemus quatenus opus fuerit. Peropportuna est declaratio s. Ioannis Damasceni. « Hypostasis non significat, *quid vel quale* aliquid est, sed *quis est...* Scire oportet, quod quae natura differunt, dicuntur *aliud et aliud*. . quae autem distinguuntur numero, videlicet hypostases, dicuntur *alius et alius...* Natura significat *quid aliquid* sit, hypostasis vero *hunc aliquem* vel *hoc aliquid* (in se subsistens et non commune pluribus) ἡ μὲν ἁπλοῦς το τι σημαίνει, ἡ δὲ ὑποστασι το> τι>α ἡ ἡίε τι » Damasc. dialect, c. 17. Vide Dialog. I. de Trin. n. 17. (inter Opp. Athanas. T.II. p. 483); Leontium (Galland. XII. p. 714); Theodor. Abucara opusc. 28. (ed. Gretzer p. 511).

gentes, baptizantes eos in nomine Patris, et Filii, et Spiritus Sancti (εἰ το ὀνομα τοῦ πατρο , υἱοῦ τοῦ υἱοῦ, πνεύματος) » Matth. XXVIII. 19. In solemni hac formula, omnibus Christianis in ipso sacramento fidei praescripta ad sanctificationem simul et fidei professionem, enuntiatur ut fidei christianae symbolum ac tessera trium inter se *distinctio* secundum formalem rationem Patris et Filii et Spiritus Sancti, et eorundem *unitas* quatenus sunt unus Deus.

1°. Enuntiari hic distinctionem Patris et Filii, ut alius sit Pater, alius Filius, non autem sit tantummodo unius personae duplex appellatio secundum diversam sui manifestationem aut operationem ad extra, vel secundum duplex adtributum absolutum, est omnino evidens σ) ex ipsis nominibus *Pater* et *Filius*. Neque enim haec nomina dicuntur in relatione ad aliquem alium terminum sed ad se invicem, ut Pater sit ipsius Filii, et Filius sit ipsius Patris. Tum vero necessario intelligitur Pater persona alia quam suus Filius, et vicissim. ζ) Supposita nominum significatione experimentum originem unius ab altero, est evidens illa relatio duorum ad invicem ex ipsa connumeratione cum interposito articulo τοῦ πατρο καὶ τοῦ υἱοῦ (1). Ceterum c) omissis his considerationibus textus immediati, in universa doctrina Christi et Apostolorum de hac reali distinctione, ut alius sit Pater Filii et alius Filius Patris, atque ideo duae sint distinctae hypostases, nullum potest esse dubium (th. II. η. I.). At vero d) si constat, connumerationem esse distinctarum hypostaseon Patris et Filii, etiam tertius terminus, ad quem sub eadem omnino forma connumeratione progreditur, non potest aliud significare quam itidem hypostasim distinctam a prima et secunda: τοῦ πατρο καὶ τοῦ υἱοῦ

(1) Ubi unius personae praedicata iunguntur, articulus non repetitur e. g: « expectantes beatam spem et adventum gloriae magni Dei et Salvatoris nostri Iesu Christi » *siritavsiav* τη δοξη τοῦ /χιγαλου σιου καὶ σωτηρο τμ,ων Ἰησοῦ Χριστοῦ Tit. II. 13. (vid. de Incarn. th. VI. η. 2); « benedictus Deus et Pater D. N. I. Christi Pater misericordiarum et DeUS totius consolationis » ἐὺλογητο ὁ Οἰο καὶ πατηρ τοῦ κυρ» ijuw» I. X. ὁ πατ-ηρ των οἰχτιρμων καὶ 0« παση παξαν.λησιω 2. Cor. I. 3. cf Eph. I. 3; Phil. IV. 20; Coloss. II. 2; III. 17; 1. These. III. 11, 13; 2. These. II. 16; 1. Tim. 1.17.

γ.αι ρεω âyicu πνεύματο . De qua Spiritus Sancti personali distinctione seu per se subsistentia insuper satis constat argumentis indicatis in superiori thesi II. η. II., quae fere eadem sunt, ac quibus innotescit distinctio duarum hypostaseon Patris et Filii. Connumerantur ergo in hac initiationis forma et fidei Christianae professione ab ipso Christo Domino instituta tres distincti, seu tres hypostases Pater et Filius et Spiritus Sanctus.

2". Remanet inquirendum id quod est praecipuum , in qua unitate tres connumeratae hypostases exhibeantur.

a) Demonstratur unitas deitatis trium distinctorum *ex initiatione*, seu ex sanctificatione et consecratione *in nomine* trium. Quaeritur, quid proprie significet illud *baptizari in nomine*. Potest et debet spectari in baptismo duplex ordo, Dei ad homines et hominum ad Deum. Priori in consideratione Deus intelligitur per baptismum nos regenerare, mundare a peccatis, et sua gratia sanctificare. « Salvos nos fecit per lavacrum regenerationis et renovationis Spiritus Sancti, quem effudit in nos abunde per Iesum Christum Salvatorem nostrum, ut iustificati gratia ipsius heredes simus secundum spem vitae aeternae » Tit. III. 5. Hoc ipso per baptismum consecramur et devovemur Deo ei-que addicimur ut obiecto fidei, spei, charitatis et generatim divini cultus supernaturalis, qui est ordo hominis ad Deum. « Ut illam (Ecclesiam) sanctificaret mundans lavacro aquae in verbo vitae, ut exhiberet *ipse sibi* (αὐτῷ, ἑαυτῷ) gloriosam Ecclesiam » Eph. V. 26. 27; « consepulti enim sumus cum illo per baptismum in mortem... ita et vos existimate vos mortuos quidem esse peccato *viventes autem Deo* in Christo Iesu Domino nostro » Rom. VI. 3 13; « omnes enim filii Dei estis per fidem, quae est in Christo Iesu; quicumque enim in Christo (ἐν Χριστῷ) baptizati estis, Christum induistis... omnes vos unum estis in Christo Iesu. Si autem *vos Christi*, ergo... secundum promissionem heredes » ; « unusquisque vestrum dicit: *ego quidem sum Pauli, ego autem Apollo... numquid Paulus crucifixus est pro vobis aut in nomine Pauli* (ἐν ᾧ οὐκ ἐστὶν. Παύλου) *baptizati estis?*... ne quis dicat, quod in nomine meo (ἐν τῷ ἐμῷ ὀνόματι) baptizati estis...

Quid igitur est Apollo, quid vero Paulus? ministri eius, cui credidistis... Nemo itaque gloriatur in hominibus; omnia enim vestra sunt, sive Paulus sive Apollo... omnia vestra sunt, *vos autem Christi, Christus autem Dei* n 1. Cor. I. 12 sq. ; III. 21 sq. Ex his patet tam secundum priorem quam secundum posteriorem considerationem, non posse quemquam sine idololatria baptismo Christi consecrari nisi *in nomine* aut *in nomen* eius, qui verus est I'us. Neque enim sanctificamur nisi a Deo, neque per sacramentum devovemur et consecramur nisi Deo. Ex ipsa igitur ratione sanctificationis et consecrationis in baptismo concluditur, Patrem et Filium et Spiritum Sanctum tres distinctos, in quorum nomine aut in quorum nomen omnes gentes baptizantur, esse verum Deum ac proinde (th. I.) unum divinitate.

7b) Ulterius haec unitas potest intelligi ex ipsa *forma verborum*. Pater in cuius nomine baptizamur, sine controversia est Deus. Iam *nomen* Dei in solemnibus praesertim formulis sacrae Scripturae ponitur pro ipsa re nominis, pro ipso *numine* divino, tum quatenus Deus se manifestat specialibus efficientiis, speciali auxilio et protectione, tum quatenus ex parte nostra est obiectum supremi cultus fidei, spei et charitatis, ipsique « debemus eam servitutem, qua non nisi Deo serviendum est, quae graece appellatur λατρεία » (Aug. Trin. I. n. 13 et saepe alibi). « Protegat te nomen Dei Iacob... in nomine Dei nostri magnificabimur... hi in curribus et hi in equis, nos autem in nomine Domini Dei nostri invocabimus » Ps. XIX. 2. 6. 8. « In nomine meo exaltabitur cornu eius » Ps. LXXXVIII. 25. « Locum quem elegerit Dominus Deus vester, ut ponat nomen suum ibi et habitet in eo » Deut. XII. 5. 11. « Aedificavi domum nomini Domini Dei Israel... sint oculi tui aperti super domum hanc... de qua dixisti : erit nomen meum ibi » 3. Reg. VIII. 20. 29. De Angelo Domini misso dicitur a Domino mittente: « est nomen meum in illo » Exod. XX. 21 (cf. Coloss. II. 9). Pariter « nisi timueris nomen eius gloriosum et terribile, hoc est Dominum Deum tuum (hebr. nomen gloriosum et terribile hoc, Dominum Deum tuum) » Deut. XXVIII. 58.

a Sanctum et terribile nomen eius » Ps. CX. 9 ; nomini tuo psalmum dicam » ib. XVII. 50. et saepe, *u* Qui noverunt nomen tuum ; iu nomine tuo confitebimur ; si obliti sumus nomen Dei nostri » ; *u* timentibus nomen tuum » Ps. IX. 11 ; XLIII. 9. 21 ; LX. 6. « In nomine sancto eius speravimus » ; *u* nomen Domini spes eius » Ps. XXXII. 21 ; XXXIX. 5. *u* Qui diligunt nomen tuum » Ps. V. 12 ; LXVIII. 37 ; CXVIII. 132,

His declaratis intelligitur vis argumenti, quod communi sententia theologorum et etiam ss. Patrum ducitur ex unitate nominis in formula baptismi ad demonstrandam unitatem essentiae Patris et Filii et Spiritus Sancti. Sive enim illud *a in nomine* εἰ το *n* sumatur directe pro re nominis, quatenus est divina auctoritas et divina virtus, a qua pendet efficacia et sanctificatio baptismi, cum adsignificatione divinae maiestatis, cui in baptismo devovemur ; sive ordine inverso significet directe transcriptionem et consecrationem *in nomen Dei* sub invocatione et per virtutem nominis eiusdem, utrumque in idem recidit. Nominis enim unitate, quod commune est tribus distinctis, continetur una auctoritas trium, a qua est virtus et sanctificatio baptismi, et una maiestas, cui ut vero Deo ac fidei, spei, claritatis
* et cultus latriae obiecto consecramur, *u* Quorum una divinitas, una largitio, nomenque Trinitatis, unus Deus est *n* s. Hieronym. in Matth. XXVIII. 19 (et in additamento ad commentar, s. Hilarii transcripto ex Hieronymo). « In nomine Patris et Filii et Spiritus Sancti. Tres personas quidem significavit, sed unum Trinitatis nomen asseruit: unus itaque Deus, unum nomen, una maiestas *n* Ambros. de Inst. virg. c. 10. n. 67. 68. « In nomine Patris et Filii et Spiritus Sancti. Iste unus Deus est, quia non in nominibus Patris et Filii et Spiritus Sancti, sed in nomine Patris et Filii et Spiritus Sancti. Ubi unum nomen audis, unus est Deus » Aug. in Io. tract. VI. n. 9. « Ista Trinitas unus Dominus Deus est, de quo dicitur : audi Israël, Dominus Deus tuus, Dominus unus est ; et : Dominum Deum tuum adorabis et illi soli servies (Deut. VI. 4). Huic Domino etiam Esaias propheta dicit : Domine praeter te alium non novimus, *nomen tuum* nominamus (Is. XXVI. 13. iuxta LXX.). Hoc au-

tem *nomen* Salvator ostendit, dicens discipulis suis: ite, docete omnes gentes, baptizantes eos *in nomine Patri» et Filii et Spiritus Sancti* (Matth. XXVIII.). Istud est *nomen Domini, praeter quem alium non novimus...* In Patre ergo et Filio et Spiritu Sancto unitatem substantiae accipimus, personas confundere non audemus. Beatus enim Ioannes apostolus testatur dicens: tres sunt, qui testimonium perhibent in coelo, Pater, Verbum, et Spiritus; et tres unum sunt (1. Io. V. 7) ». Fulgent. Respons. ad obiectiones Arian, object. X. Vide Athanas. ad Serapion, ep. III. n. 6 et alibi; Greg. Naz. or. XXXI. n. 28; Amphilocho. ep. syn. (Galland. VI. p. 489); Gregor. Nys. ep. II. ad Sebasten. (ib. p. 606. 607); Theodoret. haeret, fabul. I.V. §.3; Hilar. Trin. I. II. n. 1; Ambros. de Spiritu Sancto I. II. c. 8. n. 71. (1).

c) Eximie confirmatur haec unitas, quod, ubi non distincta professio fidei et ipsa forma a Christo instituta exprimenda erat sed tantum res auctoritatis et divinitatis designanda, a qua et in quam consecramur, una tantummodo persona Iesu Christi appellatur, in cuius nomine fideles dicuntur baptizari, « Baptizati sunt in nomine (ἐν τῷ ὀνόματι) Domini Iesu » Act. XIX. 5; « baptizati erant in nomine (ἐν τῷ ὀνόματι) Domini Iesu » ib. VIII. 16; « baptizetur unusquisque vestrum in nomine (ἐπὶ τῷ κυρίῳ) Iesu Christi » ib. II. 38; « iussit eos baptizari in nomine (ἐν τῷ ὀνόματι) Domini Iesu Christi » ib. X. 48. Vide Tract, de Incarn. th. V.

II. In verbis Christi Domini Io. X. 30: « ego et Pater unum sumus, » per se spectatis significari *unitatem* naturae et *distinctionem* Patris ac Filii realem, ut alius sit Pater

(1) Longe diversum est, quod contendebant novi Sabelliani Neocæsareenses a s. Basilio confutati ep. 210. Quod dicitur *in nomine* et non in nominibus, inde illi concludebant, appellationem *Pater* seu *Filius* seu *Spiritus Sanctus* esse unum nomen designans unam eandemque personam. Respondet Basilius: « Patris et Filii et Spiritus Sancti natura quidem eadem et divinitas una, nomina vero (haec relativa) diversa circumscriptas et distinctas notiones nobis exhibent... Probe enim sciendum est, quemadmodum qui essentiae communionem non confitetur, in polytheismum incidit, ita in Iudaismum deferri, qui proprietatem hypostaseon non admittit » Basii, ib. n. 3-5.

et alius Filius, demonstratur iisdem argumentis ex consideratione subiecti et praedicati depromptis, quibus usi sumus in declaratione formulae baptismi. Praeterea vero speciales demonstrationes unitatis enuntiatae per verba « *unum sumus*, *n* qualis ea sit, nobis suppeditat contextus tum ex prima oratione, quam concludit Dominus ipsis verbis: « *ego et Pater unum sumus*, » tum ex oratione altera, in qua sensum proprium verborum a Iudaeis intellectum sustinet.

1°. In priori oratione a) docet Christus, se ipsum esse qui *dat vitam aeternam* ovibus h. e. fidelibus suis, δ) Declarat, neminem posse oves rapere de manu sua, sicut nemo potest rapere de manu Patris. Ubi duo dicuntur: in primis oves seu fideles *ita sunt proprii ac dicati Filio sicut Patri*; deinde Filius *sua potentia servat oves, sicut sua potentia eas servat Pater*, c) Haec tria, quod Filius est donator vitae aeternae, fideles sunt populus eius et peculium eius aequae ac Patris, et eius potentia servantur sicut potentia Patris, ideo conveniunt Filio, « *quia*, inquit, quod dedit mihi Pater meus, maius omnibus est *n* (1). Hoc ipsum alibi dicit

(1) In graeco textu edito legitur: « Pater meus qui dedit mihi, maior omnibus est ζατ-ηρ ὁ, σῆσδζf /z c i. πάντων ἴστί. η Legunt vero « *maius* (αἰζον) *omnibus* » Cod. Alexandrinus, versio latina etiam ante Hieronymum, ut constat ex citationibus Patrum et Codd. (apud Sabatier), versio Coptica. In lectione graeca, ut nunc est, argumenti forma esset alia, « Nemo rapiet de manu mea: Pater meus qui dedit mihi, maior omnibus est: et nemo potest rapere de manu Patris mei. Ego et Pater unum sumus, *n* Dedit oves Filio Pater suus, sed modo qui consequitur ex relatione Patris et Filii: « quos dedisti mihi, quia tui sunt: et mea omnia tua sunt, et tua mea sunt » Io. XVII. 10. Quia scilicet omnia Patris sunt etiam Filii, sed a Patre communicata Filio: ideo etiam suprema potestas dandi vitam aeternam ovibus, et suprema auctoritas in oves, et omnipotentia ad eas servandas in Filio est communicata a Patre. Unde ut illud « *maior omnibus esi* », quod immediate enuntiatur de Patre et de manu Patris, demonstretur etiam pertinere ad Filium et ad manum Filii, subiicit Dominus unitatem Patris et Filii: Pater maior omnibus est: ego et Pater unum sumus. Chrysostomus (horn. LXI. al. LX. in Io. n. 2.) ita commentatur. « Postquam dixerat: nemo rapit eas de manu mea, pergit ostendens suam et Patris manum unam esse. Nisi enim hoc ita esset, nexus sermonis postulasset, ut diceret: Pater qui dedit mihi, maior omnibus est, et nemo potest eas rapere de manu mea. Verum non ita dixit, sed de manu Patris mei. Deinde ne putes, ipsum

aliis verbis directis ad Patrem: « mea omnia tua sunt, et tua mea sunt »; « omnia quaecumque habet Pater (παντα ἅζα ἐχει ὁ -ατηρ), mea sunt » Io. XVI. 15; XVII. 10. Igitur maius omnibus, quod est Patris, et quo sane Pater est super omnia Deus (cf. Eph. IV. 6), illud ipsum est etiam Filii. Hoc *maius omnibus, et haec omnia quaecumque habet Pater*, dicuntur ab Apostolo « forma Dei », qua Filius « non rapinam arbitratus est esse se aequalem Deo » (Phil. II. 6); et propterea Filius praedicatur « super omnia Deus benedictus in saecula » (Rom. IX. 5. vide de hoc loco et de praedicatione Dei Tract. de Incarnatione). Distinctio igitur inter duos (« ego et Pater ») non est in eo, quod Pater sit divinae naturae et sit Deus, Filius autem naturae inferioris, sed in eo unice, quod Pater habet naturam divinam non communicatam, Filius habet eandem communicatam a Patre. Unde in hoc contextu conclusio: « ego et Pater unum sumus, » qua enuntiatur propria ratio propositionum antecedentium, non potest intelligi nisi secundum obvium verborum sensum de unitate naturae simul cum distinctione personarum Patris et Filii.

2'. Alteri parti orationis vel potius orationi secundae a priori distinctae occasionem dedit accusatio Iudaeorum. Cum enim proprio et obvio sensu, quem diximus, sermonem Christi intellexissent, accusabant eum blasphemiae: « quia tu homo cum sis, facis te ipsum Deum. » Iam quid Salvator de hac Iudaeorum intellectione respondet? « Si id falso opinati fuissent, inquit Chrysostomus l. c., illos emendare oportuit... Nunc contra illis ferocientibus eam sententiam confirmat ac probat. « Videmus multis in locis divinum Magistrum praeposteras verborum suorum intelligentias corrigere et verum sensum explicare; contra vero, ubi recte intel-

CBse infirmum, sed per Patris potentiam oves in tuto esse, subdidit: ego et Pater unum sumus. Quasi diceret: non ideo dixi, ob Patris potentiam nemo eas rapiet, quod ego infirmus sim ad oves servandas; ego enim et Pater unum sumus: videlicet secundum potentiam, de hac enim totus eius sermo erat. Si autem eadem est potentia, palam est, eandem esse essentiam... Si autem nemo raperet, quia Pater eum confortasset, superfluum fuisset addere: ego et Pater unum sumus. Nam si ipse minor esset, magnae temeritatis esset hoc dictum, »

lecto sensu propter mysterii difficultatem fides negatur, solet verbis iisdem vel aequipollentibus illud ipsum, quod oppugnabatur, repetere et inculcare (vide Tract, de Eucharist. th. III.). Cum dixisset: *u ego et Pater unum sumus*, » et Iudaei hoc secundum obviam significationem interpretati essent ut aequipollens affirmationi: ego sum Deus, ob idque blasphemiam conclamassent; Dominus respondet non emolliendo dictum sed increpando Iudaeorum incredulitatem, adeoque postulat fidem in id, quod dixerat, et eo sensu quo ipsi intellexerant.

a) Ad incredulitatis exprobrationem pertinet, quod ait: «quem Pater sanctificavit, et misit in mundum, vos dicitis: quia blasphemias, quia dixi: *Filius Dei sum*. » Atqui non haec fuerant eius verba, sed alia: «ego et Pater unum sumus, » et Iudaei non accusaverant, quod dixerit: Filius Dei sum, sed quod dixerit: Deus sum. Haec igitur tria: « ego et Pater unum sumus, » « ego Filius Dei sum, » « ego Deus sum, » (1) Dominus accipit ut propositiones aequipollentes (cf. Io. V. 18), quibus continuo addit quartam ad idem declarandum: « Pater in me est, et ego in Patre, » Ergo Filium Dei se dicit ita, ut Patex' et Filius unum sint, ut Filius aequae ac Pater Deus sit, ut propterea Pater sit in Filio et Filius in Patre, et qui videt Filium, videat et Patrem (Io. XIV. 9-11).

δ) Argumentum huius unitatis naturae Filii cum Patre Christus proponit, ut saepe alibi, ex unitate operum, quae per se quidem et primo ostendunt veritatem doctrinae eius, in connexionem vero cum doctrina, quam hic iterum disertissime declaraverat, ostendunt unitatem naturae et proinde etiam operationis Patris ac Filii. « Si non facio *opera Pa**

(1) Si cui de vi huius demonstrationis difficultas oriretur ex eo, quod non ipse Dominus ait: ego Deus sum, sed Iudaei exprobrant: facis te ipsum Deum; is animadvertat, a Christo modum intelligendi Iudaeorum approbari. Praeterea Io. V. 18. in simillimis adiunctis Evangelista ipse expresse ponit ut synonyma haec duo de Christo: *u Patrem suum* (πατὶ α »διό») dicebat Deum, faciens se aequalem Deo. « (Vide Professionem fidei Episcoporum Africae oblatam Hunerico regi in Hist. Vandal. Victoris Vitens. 1. III. n. 3.).

hypostatice unita est in tempore, et hac ipsa unione sanctificata humana natura (vid. Tract, de Incarnat.) β) Constat, inter rationem filiationis enuntiatae v. 36. et antecedentia v. 35. « si illos dixit deos, ad quos sermo Dei factus est, » non esse comparisonem paritatis sed oppositionis. Est scilicet refutatio accusationis de blasphemia argumento a minori ad maius: si Scriptura deos (licet improprie) dicit homines, ad quos sermo Dei factus est, et non potest refelli tamquam blasphemum, quod Scriptura dicit; quomodo me, qui Deum proprio sensu Patrem meum esse multipliciter demonstro, accusatis blasphemiae, quia dixi: Filius Dei sum (sensu utique proprio, quem ipse Christus paulo ante edixerat, et quem exprobraverant Iudaei)? Sentiebant illi optime, Christum illud idem, quod blasphemiam ipsi dixerant, in sua responsione iterum affirmasse, et fidem in hoc mysterium postulare; unde sicut post auditam sententiam unitatis cum Patre Deo, ita nunc post hanc Christi responsionem violentas manus ei iniicere conantur: « quaerebant ergo eum apprehendere, » Ex toto igitur ductu sermonis certum est, doceri a Christo Patris ac Filii sicut distinctionem secundum formalem rationem, qua alius Pater est alius Filius, ita unitatem secundum essentiam ac naturam, qua Pater et Filius sunt unus Deus. Hoc sensu Patres omnes in disputatione cum Arianis tum singuli tum collecti in Conciliis istud Christi testimonium intellexerunt, eoque velut praecipua haereseos confutatione semper usi sunt (vid. Maldonatum in h. 1.).

III. Quae Io. X. 30. exprimitur unitas: Filius et Pater unum *sunt*, ea Io. I. 1. non vocabulo *unitatis*, sed ipsa rei definitione declaratur; ut non immerito dixeris, in priori illo loco *definitum*, in hoc altero *definitionem* contineri. Proinde si ullum adhuc posset esse dubium de definito, quae scilicet sit credenda unitas Patris ac Filii, ex loco altero, ex definitione inquam rei a Ioanne in ipso capite libri data, verum sensum intelligere oporteret.

« In principio erat Verbum, et Verbum erat apud Deum, et Deus erat Verbum, » Omissa demonstratione, quam in Tract, de Incarnat, th. IX. dedimus, per particulam « in

principio *n* enuntiari *principium absolutum* in ordine durationis et permanentiae, non autem principium seu initium temporis, atque adeo enuntiari aeternitatem Verbi; nunc pro scopo praesenti solum consideramus duo incisa sequentia.

1°. In illo inciso *u* Verbum erat *apud Deum*, *n* enuntiari Verbi *distinctionem realem* ab eo, *apud quem* esse dicitur, evidens est ex toto hoc primo capite, et ex toto Evangelio. Nam Verbum, de quo doceri volumus, quis sit et quid sit, est *u* unigenitus a Patre », « unigenitus Filius qui est in sinu Patris » v. 14. 18. Verbum caro (homo) factum in tempore est Iesus Christus, qui in toto Evangelio seipsum declarat Filium Dei Patris, certissime a Patre suo distinctum. *u* Ioannes unum et eundem novit Verbum Dei et hunc esse unigenitum, et hunc incarnatum esse pro salute nostra » Iren. III. c. 16. n. 2. Est Verbum idem, Filius Dei Patris, qui tamquam hic unus distinctus a Patre et distinctus a Spiritu connumeratur, ut sint tres: *u* in nomine Patris et Filii et Spiritus Sancti. » Quando ergo dicitur: *u* Verbum erat *apud Deum* *η τ.ccc τον 'sic*», non enuntiatur adtributum aliquod absolutum (puta sapientiae vel omnipotentiae) illius, *apud quem* esse dicitur. Neque enim adtributum a Deo seu a persona divina cuius est, distinguitur realiter, ut sit alius et alius; sed *u* Verbum *apud Deum* » intelligitur eodem sensu, ac quando dicitur: *u* unigenitus Filius est *in sinu Patris*, *n* et quando Filius ait: *u* ego *in Patre* et *Pater in me* est », « claritatem habui, priusquam mundus esset, *apud te* *η παρα aci* Io. XIV. 10; XVII. 5. Retinet igitur praepositio *« *apud Deum* » suam significationem distinguendi unum ab altero. Porro hoc Verbum distinctum ab eo, *apud quem* erat, non est verbum transiens sed substantiale, ut evidens est ex omnibus dictis, et vel ex eo solo, quod Verbum erat Deus. Sed qui Deus est, eo ipso est hypostasis ac persona; unde quoniam alius est, *apud quem* in principio erat Verbum et qui itidem Deus est, et alius Verbum; sunt profecto duae distinctae hypostases seu personae divinae. Quod igitur spectat Patrem et Verbum Patris, nondum facta mentione Spiritus Sancti, ean-

dem distinctionem h. l. indicant verba Ioannis : « Verbum erat apud Deum, » quam exprimunt illa alia Matth. XXVIII: « in nomine Patris et Filii, » pariterque Io. X : « ego et Pater unum sumus. »

2°. Nunc videamus declarationem *unitatis*, ex qua intelligemus etiam melius distinctionem, qualis sit. « Verbum erat apud Deum, et Deus erat Verbum » γ.αι 'ο "Χϋος ιν ιρϋγ τον θεβν, ζαι θεβ w à ιογο . In secundo inciso sine dubio *Verbum* (c Acycç) est subiectum et *Deus* (θεο) praedicatum. Apparet id non solum ex nomine θεο sine articulo, sed etiam ex ductu sermonis. Logice enim subiectum, quod Ioannes declarare voluit, et docere quid sit, certe est Verbum; hoc idem ergo est subiectum grammaticum. Transpositionem verborum suadere potuit orationis concinnitas; in his quippe versiculis 1. 4. 5. 7. 10. 11 videmus fere constanter incisum subsequens incipere ab eo vocabulo, in quod antecedens desiit. Attamen talis coniunctionis: erat *apud Deum, et Deus erat,* » multo gravior causa erat, ut Pater, apud quem in principio erat Verbum, et ipsum Verbum unus idemque Deus declaretur.

a) Sane in tali connexione nomen *Deus* evidenter unam eandemque propriam retinet significationem, nec potest in priori inciso sumi sensu proprio et in sequenti sensu solum analogo. Unde sententia est: « Verbum erat apud Deum, et Deus (non alio sed eodem sensu atque adeo unus verus Deus) erat Verbum », h. e. Verbum in principio erat apud Patrem qui est unus verus Deus, et Verbum erat etiam ipsum idem unus verus Deus. Declaratur ergo h. l. unitas Patris et Verbi ita, ut Pater et Verbum sint unus verus Deus, praeter quem alius Deus non est. Proinde quod dicitur Io. X. 30: « ego et Pater unum sumus », definitur in hunc sensum: ego et Pater unus verus Deus sumus. Cum autem *Deus* sit divina essentia et omnis absoluta perfectio, essentia divina cum omnibus perfectionibus absolutis, quas nos ratione distinguimus, una numero dicitur esse Patris ac Filii; seu strictius Pater et Filius dicitur *unum Esse divinum*, una divina essentia. Quamvis igitur tum in aliis locis ubique tum hoc ipso in textu clara sit distinctio, secundum quod for-

maliter Verbum est, ab eo cuius est Verbum, et apud quem in principio erat Verbum; attamen secundum quod et is, apud quem erat, et Verbum ipsum Deus est, declaratur absoluta identitas ac unitas : *u erat apud Deum, et Deus erat, n* Unde distinctio realis unice intelligenda est, prout nominibus ipsis exprimitur, secundum formalem rationem Patris et formalem rationem Filii seu Verbi. Haec autem non sunt absoluta sed relativa ad invicem. Pater formaliter ut Pater Filii non est Filius, et Filius non est Pater; sed *hic alius* est Pater Filii, et *ille alius* Filius Patris. Quatenus vero Pater est Deus et Filius est idem unus Deus, non sunt duo sed unum omnino, sicut una est divina essentia ac natura. Sed de relationibus, quibus personae divinae constituuntur et distinguuntur, alibi data opera dicendum erit.

δ) Ad praecavendas difficultates, quae fieri possent contra declaratam unam eandemque significationem nominis *Deus* in utroque inciso, distinguere debet nominis *significatio* et *suppositio*, et praeterea advertendus est modus significandi nominum formae concretae, quando ponuntur in praedicato. *Significare* dicitur nomen id, ad quod designandum ex sese institutum est. Quando vero ratio significata reperitur in pluribus distinctis, potest nomen applicari uni determinato ex illis pluribus, et tum pro hoc determinato ex illis pluribus dicitur nomen *supponere*. Sic in propositione: homo vivit, significatio nominis *homo* non est alia, sive eam enunties in communi sive de Petro; significat enim semper animal rationale, sed in secunda hypothesisi supponit pro una singulari persona (1). Porro nomina formae concretae designantia substantiam e. g. animal, homo, angelus, Deus *significant* directe naturam et adsignificant rationem hypostaseos, non hypostasim hanc vel illam determinate sed indeterminate. Ideo per praedicatum additum possunt determinari, ut *supponant* pro hypostasi una determinata. Denique notetur, huiusmodi nomina naturae in

(1) « Propria ratio nominis est, quam *significat* nomen. Id autem cui adtribuitur nomen, si sit recte sumptum sub re significata per nomen sicut determinatum sub indeterminato, dicitur *supponi* per nomen" S. Th. de Potent, q. 9. a. 4.

concreto, quando praedicantur de subiecto, h. e. quando iis per modum praedicati enuntiatur de subiecto *quid sit*, semper *stare formaliter*, significare scilicet cuius formae et naturae sit subiectum. Discrimen autem hîc est, quando natura est una tantum specie et in individuis multiplicata, ac quando una numero est natura et non multiplicabilis. In priori hypothese si natura praedicatur de distinctis subiectis, praedicatum etiam enuntiat aliam numero naturam unius et aliam alterius subiecti; in hypothese vero altera praedicatur de pluribus distinctis una numero natura. Cains est homo et Titius est homo, sed alius homo Caius et alius homo Titius. At Pater est Deus et Filius est Deus, non Deus alius et alius, sed unus omnino.

Ex his principiis iam patet, quomodo nomen *Deus* in utroque inciso, de quo agimus, eandem retineat *significationem*, licet non *supponat* utrimque pro eadem persona. In priori inciso « Verbum erat *apud Deum*, » nomen *Deus* suam habet significationem naturae divinae subsistentis, determinatur autem ad supponendum pro Patre per enuntiatam relationem et distinctionem inter ipsum *apud quem* erat Verbum, et inter Verbum. In altero inciso « et Deus erat Verbum, » praedicatum *Deus* idem omnino significat et quidem idem numero, naturam scilicet divinam subsistentem, quae non est duplex sed numero una, neque Pater et Verbum est alius et alius Deus sed unus omnino; attamen sicut in priori inciso supponit pro persona Patris, ita in inciso hoc altero de persona alia scilicet de Verbo (iuxta modum significandi proprium praedicatis) enuntiat, quid sit essentialiter (το τι ἢν εἶναι) (1).

(1) « Forma *significata* per hoc nomen *Deus*, scilicet essentia divina •st nna et communis secundum rem. Unde per se supponit pro natura communi, sed ex adiuncto determinatur eius *suppositio* ad personam (unam determinatam); unde cum dicitur Dens generat, ratione actus notionalis *supponit* hoc nomen Deus pro persona Patris « S. Th. 1. q. 39. a. 4. ad 3. Secundum haec intelligenda sunt, quae secus obscurius dicta videri possent ab interprete doctissimo. « In illis Deus erat Verbum, ait ipse, nomen *Deus* nequit significare naturam divinam sed personam. Vel enim hoc nomen subiectum propositionis foret vel praedicatum, utrovis modo absurda esset sententia. Etenim ... illa propositio signifi'

Maneat igitur, quod diximus, unitatem Patris ac Filii seu Verbi, quae enuntiatur Io. X. 30, hoc initio Evangelii : « Verbum erat *apud Deum, et Deus* erat Verbum, » diserte definiri ceu unitatem divinitatis, ut Pater et Filius sint unus Deus. Cum porro tam in formula baptismi Matth. XXVIII. 19, quam aliis locis Spiritus Sanctus evidenter eadem ratione cum Patre et Filio connumeretur in distinctione et unitate, constat eandem definitionem unitatis Io. I. 1, sicut pertinet ad duas, ita eodem sensu de omnibus tribus personis sanctissimae Trinitatis debere intelligi.

Omnia quae diximus de divina hac praedicatione: *a Verbum erat apud Deum, et Deus erat Verbum, »* pari omnino ratione valent de testimonio parallelo 1. Io. V. 20, ubi pro *Verbo* substituitur nomen alterum *Filius*, et praedicatum *Deus* habet determinationem appositam *verus Deus* : *a ut cognoscamus verum Deum, et simus in vero Filio eius* (A7erbum ^{1*}

caret vel totam naturam divinam esse Verbum, vel Verbum esse totam naturam divinam ; utrumque falso atque absurde et cum superioribus pugnans. Quod si diceres, nomen *Deum* h. l. utique significare naturam divinam sed non universe , alterutrum necessario peccares , vel quod piores naturas divinas esse poneress, vel unam quidem quae dividi posset in partes ac paene distribui.» Ita ille. Nos vero dicimus: nomen *Deus* (si proprie et non analogice sumitur) necessario significat naturam divinam cum adsignificatione per se indeterminata subsistentiae sive in una sive in altera sive in tribus personis. Unde si in illa propositione « Dens erat Verbum,» nomen *Deus* est praedicatum, enuntiat *quid sit* hypostasis posita in subiecto, esso scilicet naturae divinae , sicut nomen *homo* enuntiat quid sit Caius, si dicitur: Caius est homo. Si nomen *Deus* esset subiectum, eodem modo *significaret* naturam divinam per modum subsistentis, sed determinaretur ad *supponendum* pro una distincta persona per praedicatum hypostaticum : « erat *Verbum*. » Insuper Verbum est utique identice tota natura divina, et tota natura divina est Verbum, recteque potest dici natura divina « non universe » h. e. non quatenus absoluta et tribus communis spectatur, esse Verbum, sed quatenus est substantia relativa relatione filiationis ; neque sane ideo plures naturas ponimus vel unam divisam in partes, sed tantummodo una numero natura communis et identificata cum tribus inter se distinctis personis docetur: « una quaedam summa res veraciter est Pater et Filius et Spiritus Sanctus, tres simul personae et *singillatim quaelibet earumdem... Quaelibet trium personarum est illa res videlicet substantia, essentia sive natura divina* » Cone. Later. IV.

erat apud Deum) : *hic (verus Filius) est verus Deus* et vita aeterna *n* (et Deus erat Verbum). De hoc testimonio agimus in Tract, de Incarnat, th. VI.

IV. His suppositis Christi et Apostolorum declarationibus facile tum personarum distinctio tum naturae unitas demonstratur in aliis testimoniis primum ipsius Christi Domini, ubi tres personae connumerantur. « Cum venerit ille *Spiritus veritatis*, docebit vos omnem veritatem... quia *de meo* accipiet... Omnia quaecumque habet *Pater* mea sunt; propterea dixi, quia *de meo* accipiet » Io. XVI. 13-15. Quo in loco praeter unitatem omnium, quaecumque habet Pater, in tribus distinctis, diserte etiam personarum Filii et Spiritus Sancti origo docetur, de qua alibi sermo erit. Vide Io. XIV. 6-11. 16. 17. 23. 26; XV. 26. cf. Luc. I. 32. 35; Matth. III. 16.17; Marc. 1.10.11; Luc. III. 22. Eadem deinde est ratio connumerationis trium personarum frequentissimae in praedicatione et scriptis Apostolorum, nominatim in iis locis quibus baptismus et initiatio in nomine Patris et Filii et Spiritus Sancti supponitur, « Sed abluti estis, sed sanctificati estis, sed iustificati estis *in nomine Domini* nostri Iesu Christi et in *Spiritu Dei* nostri » 1. Cor. VI. 11. « Qui autem confirmat nos vobiscum *in Christo* (*ϰαὶ Χριστόν*) et qui unxit nos *Deus*, qui et signavit nos et dedit pignus *Spiritus* in cordibus nostris *η* 2. Cor. I. 21. 22. « Nemo potest dicere, Dominus Iesus nisi in Spiritu Sancto. Divisiones vero gratiarum sunt, idem autem *Spiritus*; et divisiones ministrationum sunt, idem autem *Domîmes*; et divisiones operationum sunt, idem vero *Deus*, *qui operatur omnia in omnibus* *ν* (το *ν*ε *αὐτὸ πνεῦμα, καὶ ὁ αὐτὸ κύριος, ὁ οὗ αὐτὸ ἐστὶ θεὸς*). Enumerantur deinde gratiae, ministrationes, operationes. « Haec autem *omnia operatur unus atque idem Spiritus*, dividens singulis, prout vult. » Corpus Ecclesiae ex multis membris secundum has divisiones gratiarum, ministrationum, operationum ut unum et ut suum corpus *facit ac habet Christus*; et has omnes divisiones gratiarum, ministrationum, operationum *a posuit Deus* in Ecclesia » 1. Cor. XII. 3-12. 28. Brevissime locum declarat s. Athanasius ad Serap. ep. III. n. 5. « Non extra Ver-

bum est *Spiritus*; sed cum sit *in Verbo*, per ipsum *in Deo* est, ita ut dona *in Trinitate* tribuantur. Nam in horum divisione, ut ad Corinthios scribit (Paulus), idem *Spiritus* est, et idem *Dominus*, ideraque *Deus*, qui operatur omnia in omnibus. Ipse namque Pater per Filium in Spiritu operatur et dat omnia, n Cf. Act. II. 32-35; V. 31. 32; VIII. 37. 39; Rom. XV. 15. 16. 30; 2. Cor. XIII. 13; Gal. IV. 6; 2. These. II. 13. 14; Tit. III. 4-6; Heb. II. 3. 4; 1. Pet. I. 2.

Corollarium 1. Probe distingui debet connumeratio seu coordinatio plurium a* subnuraeratione aut subordinatione unius sub alio. *Connumeratio* est, quando vi verborum et contextus duo vel plura comprehenduntur in eodem ordine sub aliqua ratione entis, adeoque significatur identitas seu paritas in ea ratione, sub qua connumerantur. Unde cum creaturae saltem in *esse creato* omnes inter se conveniant, possunt sub aliqua ratione omnes connumerari, non tamen sub iis rationibus, sub quibus discrepant. At vero Deus prae omnibus creatis tota entis ratione eminet ac differt; et ideo sicut creatura ontologice omnino diversi est ordinis, ita etiam Deo connumerari sine fallacia non potest. *Subnumerationem* dicimus, quando plura quidem nominantur in aliqua connexionem, qua non rerum convenientia ac identitas, sed solum dependentia unius ab altero aut subordinatio indicatur. Haec ergo *subnumeratio* creaturae sub Deo recte fieri potest. In contextibus, ubi utique proprietas sermonis servata supponi debet, ex regulis internis et externis interpretationis connumeratio a subnumeratione facile discernitur. Certe connumeratio est, quando plures *personae* coniunguntur *sub una eademque explicita ratione adtributi divini*, ut in formula baptismi : « baptizantes eos *in nomine Patris et Filii et Spiritus Sancti*, n Hinc videmus longe diversam verborum constructionem, ubi res nominis est diversa : « scribam super eum nomen Dei mei, et nomen civitatis Dei mei... et nomen meum novum » (1) (secundum hu-

(1) Το ὀνομαζόμενον τοῦ Θεοῦ ἡμῶν, καὶ τὸ ὀνομαζόμενον τοῦ υἱοῦ, καὶ τὸ ὀνομαζόμενον τοῦ ἁγίου. Est hic aliud et aliud nomen ; collatione itaque instituta huius loci cum forma baptismi ἡμεῖς τὸ ὄνομα τοῦ πατρὸς ἡμεῶν καὶ τοῦ υἱοῦ καὶ τοῦ ἁγίου

inanitatem donatum illi nomen, quod est super omne nomen Phil. II. 9). Apoc. III. 12. Pariter connumeratio in eodem ordine et in eadem dignitate intelligitur expressa, quando plures personae numeratae, quarum una certo divina est, diserte dicuntur *unum* simpliciter, vel subsumuntur verbo in numero plurali: « ego et Pater unum sumus »; *u* Pater, Verbum et Spiritus Sanctus, et hi tres unum sunt »; « solus non sum, sed ego et qui misit me Pater... duorum hominum testimonium verum est: ego sum qui testimonium perhibeo de me ipso, et testimonium perhibet de me, qui misit me Pater » Io. VIII. 16-18; *u* si quis diliget me... et Pater meus diligit eum, et ad eum *veniemus* et mansionem apud eum *faciemus* n ib. XIV. 23 ; *u* Pater sancte conserva eos, quos dedisti mihi, ut sint unum (inter se) sicut *et nos* »; *u* tu Pater in me et ego in te, ut et ipsi *in nobis* unum sint n ib. XVII. 11. 21. 22.

In huiusmodi *connumerationibus*, ubi Filius se cum suo Patre Deo evidenter in eodem gradu ac ordine collocat, efficacissima continetur demonstratio unitatis, cum de se et de Deo Patre dicit: *nos sumus, in nobis* sunt, testimonium *nostrum, nos veniemus, mansionem faciemus*. Haec demonstrationis efficacia melius sentitur, si ista *duorum* conjunctio ad *unum*, quando Filius de se et de Deo Patre loquitur, comparetur cum divisione, quam semper servat, quando loquitur de se et de hominibus in relatione ad Deum, licet horum frater secundum humanitatem fieri eosque fratres suos appellare dignatus sit. Docuit nos orare: *u* Pater noster! » sed numquam in ordine ad Deum inclusit se ipsum et nos homines communibus huiusmodi pronomini- bus. Dixit: *u* ascendo ad Patrem meum et Patrem vestrum, Deum meum et Deum vestrum » Io. XX. 12. At praeclare monet Augustinus: « non ait *Patrem nostrum*; aliter ergo *meum*, aliter *vestrum*; natura meum, gratia vestrum... Neque dixit, *Deum nostrum*; ergo et hic aliter *meum*, aliter *vestrum*; Deum meum sub quo et ego homo sum ; Deum

πχϋματοί. in hac forma trium *connumeratio* sub una ratione ac re nominis, et proinde unitas Filii et Spiritus Sancti in re nominis seu in absolutis magis confirmatur.

vestrum, inter quos et ipsum mediator sum » Aug. in Io. tract. 121. n. 3.

Longe aliud est *subnumeratio*. Quando agitur de efficientiis Dei et de relatione rationis ad terminum extra Deum; nihil impedit, quominus cum Deo causa prima nominetur causa secunda ministerialis vel instrumentalis, cuiusmodi coniunctionem appellamus *subnumerationem*. Erit vero haec evidens vel ex ipsa rei natura, praesertim si adnumeratum non sit persona sed res aliqua: *a* nisi quis renatus fuerit ex aqua et Spiritu Sancto η Io. III. 5 ; vel si etiam disertis verbis ratio ministerialis exprimatur e. g. : *u* crediderunt Domino et Moysi *servo eius* *n* Exod. XIV. 31. Hinc 1. Io. V. 8: « tres sunt qui testimonium dant in terra, spiritus, aqua, et sanguis, » cum aqua et sanguis non sint personae sed res aliquae creatae, posset nomine spiritus intelligi Spiritus Sanctus, si in ultimo inciso (ut graeca habet editio) indicatus sit terminus testimonii : *u* hi tres in unum vel ad unum sunt, *n* Tum esset subnumeratio, et diceretur Deus Spiritus Sanctus testimonium ferre tam per se quam per aquam et sanguinem vehit causas subiuges. In hac tamen explicatione semper manet aliqua improprietas sermonis ; et sane modus ipse coniungendi tres testes, multoque magis ultimum incisum, si cum Vulgata legitur simpliciter *a* unum sunt », persuadet esse trium connumerationem, atque ideo sicut aquam et sanguinem, ita etiam spiritum esse aliquid creatum. Proinde non persona Spiritus Sancti, sed vel eius effectus (cuiusmodi est testificatio et praedicatio Apostolorum, aut gratia in sacramento baptismi), vel spiritus in cruce commendatus in manus Patris h. e. Christi anima in unitate testificationis connumeratur cum aqua et sanguine. Sed de hoc testimonio mox pluribus dicemus. De connumeratione et subnumeratione legendus est et pro suo scopo adversus Arianos rite intelligendus s. Basilius cont. Eunom. V. p. 308. 309. cf. de Spirit. S. n. 29. 31.

Corollarium 2. Quod Christus ait : « haec est vita aeterna, ut cognoscant te solum Deum verum, et quem misisti lesum Christum η Io. XVII. 3, nihil habet difficultatis con-

tra Trinitatem personarum, quae tum singulae tum omnes simul sunt solus verus Deus. Particula *solus* non iungitur pronomini *tu* ad excludendam pluralitatem personarum quae sint unus Deus, sed iungitur nomini *verus Deus* ad affirmandam unitatem Dei, sicut alibi frequenter hoc fundamentum doctrinae revelatae inculcatur: « ego Dominus et non est alius » etc. (th. I). Manifestum est, quod dicimus, α) ex tota doctrina demonstrata, qua tres distincti Pater, Filius et Spiritus Sanctus docentur esse unus Deus. β) Apparet idem ex ipsa forma grammatica huius loci. Non enim dicitur, ut cognoscant te, qui solus es verus Deus, sed ut cognoscant te verum Deum, qui verus Deus est Deus unus et solus, ἵνα γινωσῶσι σε ὁ ὢν ὁ ἀληθινὸν θεόν, non autem ἵνα γινωσκῶσι ποῦν σε ἀληθινόν θεόν. Hoc est, quod aiunt Patres Athanasius, Chrysostomus aliique, oppositionem non esse inter Patrem qui solus sit verus Deus, et inter Filium qui non sit verus Deus; sed inter solum verum Deum et inter deos fictitios. γ) Quinimo connumeratio ipsa Patris et Filii lesu Christi sub una eademque ratione obiecti fidei et cognitionis vivificae, ostendit unam divinitatem Patris et Filii. « Quamvis Pater dicatur solus verus Deus, non id dictum est ad repudiandum eum, qui ait: ego sum veritas (Io. XIV. 6); sed ad reficiendos eos, qui non sunt natura veri, qualis est Pater eiusque Verbum. Sic enim Dominus ipse statim coniunxit: et quem misisti lesum Christum. Qui si esset creatura, non coniunxisset et connumerasset se ipsum creatori suo. Quae enim societas vero cum non vero? Nunc autem quod seipsum coniunxit cum Patre, ostendit se naturae Patris esse, nosque docuit, se esse veri Patris verum genitum. Hoc etiam didicerat et docuit Ioannes scribens in sua epistola (1. Io. V. 20): et sumus in vero, in Filio eius lesu Christo, hic est verus Deus et vita aeterna π (1) Athanas. contra Arian, or. III. n. 9. (Vide Tract, de Ineam. th. VI.)

Corollarium 3. Nec magis obest demonstratis in thesi

(1) Καὶ ὁ ὢν ὁ ἀληθινὸς, ὁ ὢν ὁ υἱὸς αὐτοῦ I.X. οὗτο ἴστιν ὁ ἀληθινὸς ὁ θεὸς καὶ ζῶν ὁ αἰώνιος. Ita citat Athanasius.

comparatio instituta a Christo Domino Io. XVII. 21 : « ut omnes unum sint... Ego in eis et tu in me, ut sint consummati in unum » (τετελειωμένοι εἰ ἐν). Nam α) unitas Patris et Filii et Spiritus Sancti sine dubio est supremum exemplar sanctae unionis fidelium inter se invicem, quam Dominus rogat a Patre. At per huiusmodi comparationes perfectionis analogae in creaturis cum perfectione in Deo sane non exprimitur identitas aut eadem ratio perfectionis divinae et perfectionis creatae ; nisi forte dicas ad aequalitatem cum Deo nos instrui, quando Christus hortatur estote ergo vos perfecti, *sicut* Pater vester coelestis perfectus est » Matth.V. 48. cf. Lev. XXI. 8; Luc. VI. 36; Eph. V. 1. Multis disputat Athanasius or. III. contr. Arian, n. 17-25 de hac unitatis comparatione per particulam *sicut*, qua, inquit, non identitas sed imago et exemplar declaratur, δ) Licet unitas, quam Dominus rogat pro fidelibus, sit unitas non naturae sed charitatis, tamen huic ipsi supponitur unitas naturae, qualis inter homines est, specifica scilicet, « Si non diligerent invicem, natura unum essent, dilectione non essent: si autem unum natura non essent, unum dici dilectione non possent... Neque dixit, ut nobiscum sint unum, aut, ut ipsi et nos simus unum, sed : unum sint in nobis. Quoniam homines qui natura unum sunt, summe et perfecte secundum suum modum unum esse non possunt iustitiae plenitudine, nisi in Deo perficiantur, ut unum sint in Patre et Filio, id est in ipsis unum, non cum ipsis unum » Aug. contr. Maximin. l. II. c. 22. η. 1. Denique c) aliquando Patres haec ipsa testimonia in Arianos retorquent. Principium enim unitatis, quam Dominus postulat fidelibus, est in multis distinctis numero unum, Spiritus Sanctus scilicet qui datus est nobis, et Christus qui per naturam nostram assumptam est caput Ecclesiae, « ex quo totum corpus compactum et connexum per omnem iuncturam subministrationis... augmentum corporis facit in aedificationem sui in charitate » (Eph. IV. 16), et qui corpore suo, quod est unum numero, in sacramento Eucharistiae est causa et uniens vinculum charitatis fidelium. Atque ita supernaturalis unitas fidelium spectata cum suo

principio est imago illius exemplaris, ubi una numero natura divina est formalis ratio unitatis Patris, Filii et Spiritus Sancti. « Cum de nobis dixit Salvator: sicut tu Pater in me et ego in te, ut et ipsi in nobis unum sint, non identitatem cum ipso nos habituros significatur... sed est postulatio ad Patrem, uti Joannes scribit, ut per ipsum Christum fidelibus impertiat Spiritum, per quem et videmur in Deo esse, et secundum hoc *in ipso Spiritu*, coniungi. Quia enim .Verbum est in Patre, Spiritus autem ex Verbo datur (ἐκ τῆς).ἐγενήθη mdrrai), vult nos accipere Spiritum, ut hoc accepto atque habentes Spiritum Verbi quod est in Patre, videamur et nos per Spiritum unum esse in Verbo et per Verbum in Patre... Unde quemadmodum filii et dii efficimur per Verbum in nobis habitans, ita in Filio et in Patre erimus, et censebimur unum facti in Filio et in Patre, quia in nobis est Spiritus, qui est in Verbo et Verbum est in Patre » Athanas. 1. c. n. 25. « Ego in eis et tu in me, ut sint consummati in unum... Constat, Verbum in nobis factum esse ; nostrum enim corpus (nostram naturam) assumpsit. Et tu in me Pater: tuum enim Verbum sum; et siquidem tu in me es, quia tuum Verbum sum, ego autem sum in eis per meum corpus, et quia per te salus hominum in me perfecta est, rogo ut et ipsi unum sint... ut omnes tamquam a me gestati unum sint corpus, unus spiritus, occurrantque in virum perfectum (Eph. IV. 13). Etenim omnes qui de ipsius corpore participamus, unum corpus efficimur *unum Dominum in nobismet ipsis habentes* n Athanas. ib. n. 22. Praeclarissime argumentum in Atianos convertit s. Hilarius de Trinit. 1. VIII. n. 13-17. « Ut sint unum, sicut nos unum sumus; ego in his et tu in me, ut sint perfecti in unum. Eos nunc, qui inter Patrem et Filium voluntatis ingerunt unitatem , interrogo, utrum per naturae unitatem hodie Christus in nobis sit an per concordiam voluntatis? Si enim vere Verbum caro factum est, et vere nos Verbum carnem cibo dominico sumimus, quomodo non naturaliter manere in nobis existimandus est?... Sivere igitur carnem corporis nostri Christus assumpsit... nosque vere sub mysterio carnem corporis sui

sumimus, et per hoc unum erimus, quia Pater in eo est et ille in nobis, quomodo voluntatis unitas asseritur? « (Vide Tract, de Eucharist.) (1).

THESIS IV.

Ex principiis theologicis textus i. Io. P. 7. genuinus demonstratur.

« Secundum principia catholica de munere Ecclesiae sub assistentia
» Spiritus Sancti Scripturas sacras velut publica revelationis instru-
» menta custodiendi et discernendi a textibus humanis, locus 1 Io. V. 7.
« genuinus censi debet. Ad modum conservationis quod spectat, sup-
» petunt monumenta, quae lectionis immemorabilem antiquitatem de-
» monstrant et suiliciens sunt praesidium historicum, ut a legitimis
» indicibus de textui apostolica origine decerni potuerit. Documenta
» vero contraria quae obiiciuntur, interpolationem non demonstrant;
» quamvis ex illis pateat, omissionem textus in transcriptione codicum
* iam antiquitus plus minusve late propagatam fuisse. »

I. Quoniam critici plures etiam inter catholicos, praesertim post editionem Novi Testamenti adornatam ab Augustino Scholz, fas esse putant genuinitatem testimonii, de quo agimus, in dubium vocare, aliqui etiam palam velut spurium illud respuunt; necessarium putavi, principia catholica in Tractatibus de Traditione et de Scriptura exposita ac demonstrata ad praesentem quaestionem applicare, ut quid tenendum sit, intelligamus. Protestantes qui repudiata auctoritate Ecclesiae custodis et interpretis verbi Dei,

(1) Cavendum hic omnino est a nova quadam opinione hactenus inter Catholicos inaudita, qua Christus Dominus *secundum humanitatem* suam non solum in coelo connaturaliter et in Eucharistia per transubstantiationem sacramentaliter, sed etiam extra Sacramentum in omnibus iustis realiter praesens et inhabitans esse aflirmatur. Ex modo loquendi istorum recentium ascetarum ceterum pietate praestantium suspicari quis posset, eos argumenta et fundamenta, quibus usi olim sunt ubiquetarii, non satis habere perspecta. Tenendum sane est, quod ait s. Bonaventura 3. dist. 22. q. 2. « Ratione humanitatis, quantum est de se, in uno tantum loco est (Christus); quod enim sit in pluribus, hoc est sub Sacramento, secundum quod dicit Innocentius; scilicet quod Christus dicitur esse alicubi *sacramentaliter*, alicubi *personaliter*, alicubi *localiter*. Localiter est in coelo, sacramentaliter est in altari, peisonaliter (persona divina) ubique. r

suo quique ingenio ac arbitrio circumferuntur omni vento doctrinae, methodum catholicam ex oeconomia a Christo instituta ad custodiendum fidei depositum necessariam nec intelligere, nec eâ iuvare possunt, quamdiu in suo errore fundamentaliter versantur. Quod vero catholici nonnulli tutissima principia in huiusmodi quaestionibus non semper sunt secuti, et quandoque fallaci eruditioni plus nimium tribuentes ordinem dependentiae inter auctoritatem ac scientiam in rebus theologicis inverterunt, id certe tuendae veritati et proinde etiam scientiae non profuit.

In praesenti quaestione, utrum ex principiis theologicis constet de genuinitate textus 1. Io. V. 7, solutio pendet a *principio iuris* et a *veritate facti*.

Principium iuris a nemine catholico vocandum in controversiam est illud fundamentale : ad munus Ecclesiae pertinere sub assistentia Spiritus Sancti infallibilem custodiam sicut verbi Dei generatim, ita etiam verbi scripti. Quod quidem non ita intelligendum est, ac si assistentia Spiritus Sancti promissa esset, ne umquam aut textus aliquis aut pars libri divini aut etiam liber integer intercedat. Quamvis enim specialis providentia Dei conservationem librorum divinorum tam veteris quam novi Testamenti tempore agnosci debeat, promissio tamen assistentiae Spiritus veritatis inducentis in omnem veritatem et inde pendens infallibilitas Ecclesiae in custodia depositi fidei per se non includit indefectibilem conservationem omnium librorum eorumque partium, qui sint divinitus inspirati atque adeo contineant verbum Dei scriptum. Ratio est, quia libri inspirati non sunt unicum nec absolute necessarium instrumentum ad conservationem revelationis (cf. Iren. 1. III. c. 4); unde potest Spiritus Sanctus per Ecclesiam conservare integritatem revelatae veritatis, quin ad hunc finem opus ei sit impedire, aut permittere nequeat libri vel partis libri inspirati iacturam.

At vero sicut ex promissione facta Spiritus veritatis, manentis cum Apostolis eorumque successoribus in aeternum, generatim error ipsius Ecclesiae in proponenda doctrina fidei excluditur, ita etiam ex eadem promissa infal-

libilitate fieri numquam potest, ut Ecclesia sive *formali definitione* sive *consensu et doctrina aequivalenti* librum aut textum humanae originis in usum recipiat ac fidelibus proponat tamquam librum aut textum divinitus inspiratum. Itaque ex munere a Christo Domino instituto custodiendi depositum revelationis, et ex charismate promisso ad hoc munus exercendum Ecclesia infallibilis est non solum in proponendo dogmate de inspiratione Scripturarum et de libris inspiratis, quinam illi sint, velut in abstracto; sed eius infallibile iudicium etiam refertur ad obiectum concretum, utrum libri sub certa quadam forma in determinata editione vel versione exstantes sint ac permanserint libri inspirati. Videlicet Ecclesia sub assistentia Spiritus Sancti non solum infallibiliter docet, Ioannem Apostolum e. g. inspiratum fuisse ad scribendum Evangelium, tres epistolas et Apocalypsin; sed eadem infallibilitate definit libros in hac forma vel etiam in hac versione e. g. latina, ut ex multis iam saeculis in publicum usum sunt recepti, esse ipsos libros Ioannis inspiratos. In tali autem iudicio continetur, libros, ut in publico usu exstant, esse incorruptos et non interpolatos atque in hac recensione, ad quam iudicium refertur, conformes textui primitivo, quo sub inspiratione Spiritus Sancti sunt scripti. Quoniam in integritate et conformitate cum textu originali possunt esse gradus majoris vel minoris perfectionis atque, ut per se patet, definitio Ecclesiae inspirationem et integritatem libri non efficit sed exstantem authentice manifestat: ideo ex definitione libri canonici universim spectata nondum quidem potest colligi gradus integritatis et conformitatis cum originali; attamen in eo gradu, quem iudicium Ecclesiae definit, integritas est infallibiliter certa.

Porro cum Ecclesia non novis revelationibus sed assistentia Spiritus Sancti regatur, ne umquam in suis definitionibus incidat in errorem, requiruntur quidem rationes humanitus cognoscibiles ad inquirendam et perspiciendam veritatem, de cuius definitione agitur; at si ad definitionem pervenitur, eius *infallibilitas* non hisce rationibus sed soli assistentiae Spiritus veritatis debetur et „Domino Ec-

clesiae inhabitatori, ne eat in errorem quamlibet studiosissima speculatio» (Aug.in Ps. IX. n. 12). Hinc supposita definitione pertinet quidem ad scientiam theologiam ostendere modum, quo veritatis traditio se habet; non tamen necesse est, ut rationes semper suppetant huiusmodi, quae per se solae praecisione facta ab infallibilis Ecclesiae indico authentico sufficerent ad plenam veritatis traditae demonstrationem.

De his fundamentis, quae diximus *principium iuris*, amplissime demonstratis in utroque Tractatu de Traditione et Scriptura nemini Catholicorum dubitare fas est. Sed qui ex eis genuinitatem ac authenticam loci alicuius Scripturarum, ut nunc exstant, in dubium vocant vel omnino negant, simul hoc ipso negant, Ecclesiam umquam talem textum vel solemni decreto vel sufficienti consensu tamquam partem Scripturae sacrae ac proinde tamquam verbum Dei scriptum declarasse et fidelibus proposuisse.

Tota itaque disputatio (ut eam nunc instituimus) revocatur ad quaestionem, quam diximus de *veritate facti*, utrum definitio et doctrina Ecclesiae, qua suscipit ac proponit tamquam sacros et canonicos omnes libros eosque « integros cum omnibus suis partibus, prout in Ecclesia catholica legi consueverunt et in veteri vulgata latina editione habentur, » comprehendat textum 1. Io. V. 7, de quo agitur. Quicumque catholici genuinitatem negant, eo ipso, ut dixi, negant etiam *veritatem huius facti*; neque enim in dubium vocare possunt aut volunt ipsum *principium iuris*, in cuius negatione fundamentum et propria ratio Protestantismæ constituitur. Nos veritatem facti affirmamus, et hoc ipso nefas putamus genuinitatem textus apostolici in dubium vocare.

Cavendus autem hic est magnopere error in methodo inquisitionis, quo Iohannes Iahn lapsus est in capite doctrinae sin minus identico certe simillimo nostrae quaestioni. Inquisivit is primo critice et historice, quid de auctoritate librorum deuterocanonicorum veteris Testamenti sentiendum sit. Cum argumentis hisce criticis ei viderentur libri inferioris ordinis ac dignitatis quam sint libri protocano-

nici, conclusit, decretum Tridentinum non definitivum parum gradum auctoritatis quoad libros utriusque ordinis. Non hac quaeso, sed via contraria et tuta procedamus. Sicut in omnibus quaestionibus theologicis, ita hic quoque primum inquiratur sensus genuinus doctrinae ac definitionis Ecclesiae; tum demum de historica et critica confirmatione veritatis erimus solliciti, quae sive plenior sive minus plena nobis suppetat, non inde pendet certitudo ex altiori principio theologico firmata.

Ut sensum definitionis Tridentinae sess. IV. eiusque extensionem assequamur, utrum pertineat ad declarandam authenticam huius loci de quo quaeritur, considerabimus primo verba ipsa, contextum, et in eo enuntiatum scopum decreti seu potius duorum decretorum synodali; inde deducemus normam seu regulam, secundum quam indicandum sit de extensione definitionis, ad quas *partes* Scripturae illa pertineat; postremo hanc regulam applicabimus, ut probemus comma Ioanneum, de quo quaerimus, esse *partem* Scripturae comprehensam in decretis Concilii ac proinde eius genuinitatem esse theologice tenendam.

1°. Decretum *de canonicis Scripturis* continet quatuor partes, a) Docet Concilium, duplex esse institutum divinum, quo omnis salutaris veritas et morum disciplina revelata ad nos usque pervenit, traditione scilicet et libris scriptis. Divinas itaque traditiones, et hos « omnes libros tam veteris quam novi Testamenti », « cum utriusque unus Deus si auctor, » synodus pari pietatis affectu et reverentia suscipit. Tum b) singillatim enumerantur sacrae Scripturae libri, qui ab ipsa synodo suscipiuntur, c) Distincte definitur, *partes omnes horum librorum*, credendas esse canonicas, simulque norma traditur, secundum quam Concilium intellexerit et omnes fideles intelligere debeant integritatem ac *partes canonicas* horum librorum. Norma est consuetudo lectionis in Ecclesia catholica et comprehensio in veteri vulgata latina editione: *u* si quis autem libros ipsos integros cum omnibus suis partibus, prout in Ecclesia catholica legi consueverunt et in veteri vulgata latina editione habentur, pro sacris et canonicis non susceperit...

anathema sit. » Denique *d*) quamvis Concilium habuerit sine dubio scopum damnandi errores Novatorum circa libros Scripturae, et coercendi temeritatem etiam quorundam Catholicorum, ut per se patet et constat ex historia (Pallav. VI. c. 11. n. 8); attamen scopum directum et immediatum decreti Concilium ipsum declarat hunc esse, ut constet de auctoritate divina fontium, ex quibus sancta synodus testimonia depromptura sit in confirmandis dogmatibus et instaurandis moribus, « Omnes itaque intelligant (inquit), quo ordine et via ipsa synodus, post iactum professionis fidei fundamentum, sit progressura, *et quibus potissimum testimoniis ac praesidiis in confirmandis dogmatibus et instaurandis in Ecclesia moribus sit usura* » (1).

Sequitur deinde decretum alterum, quo declaratur *authentic vulgatae latinae editionis* librorum sacrorum. Hoc autem, ut alibi demonstravimus (Tract, de Script.), eo tandem redit, quod libri sacri sub hac forma editionis vulgatae declarantur conformes primitivo textui, ut inspirante Deo licet alia lingua et alia forma accidentali quondam scripti sunt. A'deoque iubemur hunc textum vulgatum agnoscere pro textu inspirato non utique quoad verba sed quoad res et sententias. Ratio, qua manifestatur et ex qua a Concilio concluditur haec authenticitas, est eadem iam indicata in definitione divinitatis seu authenticitatis originariae horum librorum, usus scilicet vetustus in Ecclesia catholica. Scopus etiam idem dogmaticus qui declaratur in priori decreto, in hoc altero indicatur, utilitas non parva Ecclesiae Dei, et ut constet de sinceritate librorum divinorum sub hac forma editionis latinae, quae « in publicis lectionibus, disputationibus, praedicationibus, expositionibus » pro authentica haberi iubetur. Imo Concilium ipsum non aliunde, quam ex hac editione latina textus et testimonia Scripturae

(1) Hanc ipsam rationem aliis verbis indicaverat primus inter legatos praesidentes Concilio. « Il legato expose: parergli ottimo consiglio, che in primo Inogo si accertassero e si annoverassero i libri canonici della Scrittura, per istabilire con quali armi si dovesse pugnare contra gli Eretici ed in quai base dovessero fondare la loro credenza i Cattolici » Pallav. l. VI. c. 11. n. 4.

prolaturum erat; unde hoc decretum sicut antecedens pertinebat ad declarandam auctoritatem divinam testimoniorum, quibus synodus usura erat in confirmandis dogmatibus et instaurandis moribus (1).

2". In ipso contextu descripto manifeste traditur norma, secundum quam intelligi debeat extensio definitionis, et indicari de *partibus librorum* pro sacris et canonicis suscipiendis.

a) Concedi utique debet et demonstrari potest ex ipso scopo utriusque decreti atque ex aliis manifestissimis rationibus, de quibus suo loco diximus, conformitatem editionis vulgatae non esse declaratam velut perfectionis supremae pertinentem ad omnes et singulas particulas; parique ratione nomine « partium librorum, prout in veteri vulgata latina editione habentur, » non esse intelligenda omnia aut verba aut incisa, cuiuslibet modi ea sint. At vicissim b) ex scopo, quem Concilium ipsum huic utrique decreto praefixum esse docet, manifestissimum videtur, declarari canonicas partes omnes, prout in veteri vulgata editione habentur, quae dogma aliquod vel morum regulam per se et directe enuntiant, eodemque proinde sensu editionem vulgatam declarari authenticam. Nisi hoc ita esset, decretum suo scopo nullatenus responderet. Si enim nomine *partium*, quae canonicae declarantur, intelligerentur, ut adversarii volunt, tantummodo partes deuterocanonicae Danielis, Esther, etc., etsi authentica Vulgatae tantum in confuso declarata esset, quin sit authentica in specialibus textibus per se dogmaticis; *vi huius decreti* nulla fuisset stabilita securitas sive pro ipsis Patribus Concilii sive pro fidelibus, testimonia quibus ad confirmanda dogmata et reformandos in Ecclesia mores synodus usuram se profitebatur ex omnibus libris et librorum partibus, prout in veteri vulgata editione latina habebantur, esse textus inspiratae Scripturae et non textus humanos sive aliunde sive ab in-

(1) « Convenia levare ogni dubbio sopra i fondamenti delle future decisioni... però si condusse (il Concilio) a voler dichiarare in virtù dell'assistenza promessa dallo Spirito Santo, per autentica e sicura qualche traslazione latina delle sacre lettere » etc. Pallavic. I. VI. c. 17. n. 5.

terprete inductos. Atqui ad hanc securitatem de divinitate instrumenti, ex quo testimonia in confirmandis dogmatibus petenda erant, decretum maxime pertinere, synodus ipsa profitetur. Ergo dicendum est, auctoritatem canonicam librorum declaratam esse in omnibus eorum partibus per se dogmaticis, prout in veteri latina editione vulgata habentur. c) Qui ex scopo polemico Concilii adversus Novatores, quem utique admittimus (Pallavic. VI. c. 11. n. 4. 8), extensionem decreti metiuntur, ii fateri etiam debent, textum dogmaticum ex multis saeculis in Ecclesia frequentissime usurpatum et omnibus notissimum, qui tamen sub tempus Concilii a nonnullis et a Novatoribus speciatim eliminari coepit, necessario intelligi comprehensum illis verbis, quibus suscipere iubemur « libros integros *cum omnibus suis partibus, prout in Ecclesia catholica legi consueverunt.* » d) Non sine absurditate potest asseri, sensum utriusque decreti hunc esse, ut credatur auctoritas canonica librorum et authentia Vulgatae in iis tantummodo partibus, in quibus examen criticum et historicum textus genuinitatem possit demonstrare. Hoc enim modo illud sanciretur, quod Concilium suis decretis voluit excludere, ut scilicet Scripturae saltem in locis controversis singulorum examini permitterentur. Sed auctoritas canonica partium et authentia Vulgatae decernitur eo in statu editionis, prout in catholica Ecclesia legi consuevit et longo tot saeculorum usu in ipsa Ecclesia probata est, atque ab ipso Concilio velut instrumentum divinum in rebus fidei et morum usurpabatur.

Hoc ultimum quod diximus, clarum est ex ipsa natura ac indole Conciliaris definitionis. Ratio manifestans authenticam sive librorum earunique partium per se, sive veteris editionis vulgatae, Concilio erat principium dogmaticum, quod Spiritus Sanctus assistens Ecclesiae non permisisset, ut textus humanus in universa Ecclesia communi consensione et publico usu per plura saecula adhiberetur tamquam verbum Dei scriptum (1). Unde non examine de-

(1) De declaratione authenticae Vulgatae ita scribit historiarius Concilii. - In ciò fare il Concilio dovendo procedere con le diligenze nmane, pensò che secondo esse non convenia tra le interpretazioni approvarsi

mum critico explorandum est, utrum textus huiusmodi dogmaticus exstiterit sive in primitiva editione originali sive saltem in primitiva versione latina, ut ex tali examine decernatur de eius genuinitate vel suppositione. Sed si textus per se sit eius indolis, ut Ecclesiae definitio ad eum pertineat, et si tempore Concilii modo, quo diximus, in Ecclesia catholica legi consuevit et in veteri vulgata latina editione h. e. ex longo iam tempore habebatur, censi debet textus quoad sensum conformis primitivae sententiae sub inspiratione divina scriptae. Imo id verum esset, etiamsi constaret certa demonstratione, textum in latinam editionem postliminio fuisse susceptum; hoc enim solum probaret, veram lectionem non quidem a primo auctore versionis latinae, sed alio modo nobis conservatam fuisse. Consequuntur haec necessario ex principio assistentiae Spiritus veritatis inducentis in omnem veritatem, et ex pendente inde infallibilitate Ecclesiae in custodia verbi Dei sive scripti sive traditi. Neque tamen ideo negatur, optime mereri et laude dignissimos esse viros catholicos, qui in explorandis variis lectionibus sive textus originalis sive editionis vulgatae suam operam impendunt; cum enim veritas veritati contradicere nequeat, huiusmodi studia conferunt ad confirmandam vel certe illustrandam rationem genuinae lectionis. Quamvis enim haec in partibus per se dogmaticis ex principio dogmatico constare queat, cui proinde etiam critica ancillari debet; sunt tamen multa alia, quae fere solis praesidiis criticis et historicis stabiliri possunt, et in ipsis partibus illis per se dogmaticis saltem modus conservationis praesidiis iisdem illustratur.

Quando igitur non de libro integro aut de amplioribus partibus agitur, quae fere per se librum constituere pos-

altra allora che la Volgata, come quella che avanzava tutte d'autorità e che essendosi adoperata universalmente dal tempo di S. Gregorio fino a quest'età nella Chiesa, toccò alla divina provvidenza il farla esenta da errori in cose di fede e costumi, per tenerne esenta la Chiesa che di lei si valeva. E vide che se non bastava una tal ragione, tutte le nuove inquisizioni non sariano bastate a schifar la medesima dubbietà. Pallavic. l. VI. c. 17. n. 5.

sent, vel sine quibus liber ad quem pertinent, iam in substantialibus deficeret et quodammodo alius evaderet; sed si quaestio est de singularibus testimoniis et incisis: ex hactenus dictis duo requirantur et sufficiunt, ut illa tamquam *partes canonicae* librorum Scripturae in decretis Concilii sess. IV. comprehensa censi debeant. Primum nempe ut textus certo sint per se dogmatici ad confirmanda dogmata et morum Christianorum regulam stabiliendam directe pertinentes; tum secundo ut iidem textus tamquam verbum Dei scriptum fuerint ab ipsa Ecclesia longo saeculorum usu suscepti, atque in veteri latina editione vulgata legi consueverint (quod saltem pro Ecclesia latina, quam Concilium in his decretis maxime prae oculis habet, fere cum longo saeculorum usu coincidit). Haec comprehensio in definitione synodali eo erit certior, si de textibus agitur, qui licet duplici illo caractere insignes, fuerint nihilominus tempore Concilii a Novatoribus velut spurii impugnati aut reiecti.

3^o. Si iam haec principia hancque normam applicemus ad id, de quo quaerimus, a nemine potest negari textum. 1. Io. V. 7, comprehendi utroque decreto Tridentino, et declarari partem canonicam sacrae Scripturae.

a) Quin ingrediamur examen criticum et historicum de statu primitivo latinae versionis, certe nemo negare potest, tempore Concilii saltem ex pluribus iam saeculis in usu publico et privato ex omnium Pastorum, Doctorum, et fidelium persuasione hunc textum fuisse habitum ut partem sacrae Scripturae in vulgata editione, quae propria erat toti Ecclesiae occidentali. Fatentur omnes, inde saltem a saeculo IX hunc locum exstare in codicibus vulgatae editionis innumeris consensu tam constanti, ut si in aliquibus Codd. desit, putanda sit exceptio a regula et lectione communi (vid. Appar. Grit. Bengelii in h. 1. §. 19. 21). Recitatus est textus a tempore immemorabili in sacra liturgia (1); adhibitus absque ulla significatione dubii ut

(1) -Ex epistola B. Ioannis hodie nobis est lectio recitata, in qua discimus testimonium dari triplex in coelo, triplex in terra » S. Bernard. Serm. II. in Octava Paschali. Universim (saec. XII. ineunte)

testimonium Scripturae sacrae in Concilio Lateranensi IV ; eodem modo in decretalibus insertis corpori iuris usurpatus ad probanda dogmata (1) ; tempore compilationis falsarum decretalium (saec. IX) velut pars notissima sacrae Scripturae citatus in epistolis suppositis Higinio et Iohanni II ; cummendatus et eius omissio periculoso errori adscripta in Prologo ad epistolas catholicas, qui sub nomine s. Hieronymii inde ab antiquissimis temporibus praefigebatur in Codd. Bibliorum et passim in vetustioribus editionibus (2); commentatum in eundem locum absque vestigio dubii de genuinitate ab interpretibus, nominatim in glossa ordinaria Walafridi Fuldensis et interlineari Anselmi Laudunensis, quarum penes omnes Doctores auctoritas erat magistralis (ut loqui solebant) ; ut verbum Dei scriptum eadem confidentia usurpatum testimonium et ex eo fidei probatio derivata ab omnibus theologis in omnibus scholis, et a Pa-

testatur Rupertus Tuitiensis : « debet semper Epistola Evangelio suae praecursionis officium (in liturgia), et idcirco illa quoque , quae huius Dominicae est (Dominicae in Albis), lectio Epistolae non omititur. Nam in hac lectione victoriosa fides nostra praedicatur et ipsa victoria mundi nuncupatur, quae tribus adiuta testibus, nam Pater et Verbum et Spiritus Sanctus in coelo attestantur, totideiunque in terra testes... ternis inquam in coelo et in terra testibus defensa (fides) regnum coelorum adiudicat » Rupert, de divin. offic. l. VIII. c. 17. Pariter Guil. Durandus (saec. XIII.) : «secundum Romanum Ordinem, inquit » leguntur novem lectiones in Dominicis a Pascha usque ad Pentecosten... In epistola in fide instruimur , quae incipit : omne quod natum est ex Deo, vincit mundum (1. Io. V. 4). Ostendit fidem per testimonium in coelo et in terra et in conscientia. In terra cum dicit : tres sunt, qui testimonium perhibent in terra... Tres perhibent testimonium in coelo, Pater in voce, Verbum in carne, Spiritus in columba, et hi tres unum sunt » Durand. Rational, div. offic. l. VI. c. 37.

(1) De summa Trin. cap. *Damnamus* (1. I. tit. 1. c. 1); de celebr. Miss. cap. *In quadam* (1. III. tit. 41. c. 8).

(2) Ita loquitur auctor Prologi (de cuius aetate vide Maranum in opere: Divinitas D. N. I. Ch. defensa 1.1. c. 19) : « illo praecipuo loco, ubi de Trinitatis unitate in 1. Io. epistola positum legimus, in qua etiam ab infidelibus translatoribus multum erratum esse a fidei veritate comperimus... Patris Verbique ac Spiritus testimonium omittentes, in quo maximo et fides catholica roboratur, et Pater, Filius et Spiritus Sanctus una cum divinitatis substantia comprobatur. »

storibus in institutione populi christiani. Nihil opus est nominare Rupertum, s. Bernardum, Hugonem Victorinum, Magistrum Sententiarum, s. Thomam, s. Bonaventurum. Profecto igitur evidens est, locum de quo quaeritur, a septem saltem saeculis usque ad Concilium Tridentinum constituisse partem epistolae canonicae, *prout in Ecclesia catholica legi consuevit et in veteri vulgata latina editione habebatur.*

b) Porro textum versari in rebus fidei per se revelatae et eminenti ratione dogmaticum esse, nulla eget probatione. Quod aliqui respondent, dogma de sanctissima Trinitate in locis aliis Scripturae expressum esse; unde, inquiunt, negata etiam genuinitate testimonii in hoc contextu 1. Io. V. 7, non tamen negatur, rem et sententiam eandem contineri in Scripturis; haec inquam responsio nemini satis fuerit. Sine dubio conservatio et sufficiens propositio revelationis secundum principia catholica a particulari aliquo textu imo ab ipsa Scriptura universim nec unice nec potissimum pendet; verissimum quoque est, doctrinam de sanctissima Trinitate in aliis locis Scripturae contineri et ex iis demonstrari posse, ut vidimus in thesibus superioribus. At textus 1. Io. V. 7. constituit partem contextus specialis, et sub hac forma hisque verbis explicite enuntiantibus professionem Ecclesiae et « substantiam novi Testamenti, quod exinde Pater, Filius et Spiritus tres crediti unum Deum sistunt* (Tertull. contr. Prax. c. 31), alius locus in Scriptura non reperitur. Deberent sane Catholici, quibuscum agimus, animadvertere modum disputandi Protestantium, qui genuinitatem impugnantes contendunt, tam explicitam huius mysterii propositionem ab omnibus Scripturis esse alienam. Sociniani et Rationalistae non tanta contentione et quavis oblata occasione conclamarent textum hunc spurium esse, nisi veritatem in eo tam diserte enuntiatam aversarentur; alii qui dogma sanctissimae Trinitatis se credere profitentur, tamen negant illud pertinere ad articulos *fundamentales*, quia hunc locum, in quo solo mysterium explicite propositum esse dicunt, ut genuinum non agnoscunt (1).

(1) Audiatur Neander Professor Berolinensis ex castris Pietistarum.

c) Denique sicut Novatores et aliqui audaciores catholici (inter quos in Concilio Tridentino nominabatur Caietanus) impugnabant auctoritatem librorum deuterocanonorum et partes quasdam librorum, ita sub idem tempus paulo ante Concilium non sine offensione catholicorum reiciebant hoc ipsum comma 7^{um} de testibus in coelo. Lutherus publica in disputatione anno 1522 impugnavit genuinitatem, et in sua germanica Bibliorum versione locum eliminavit (Michaëlis Introd, in N. Testam. 1. c. sect. 7); „ Bugenhagen collega Lutheri magna obtestatione omnes deterruit, ne dictum posthac insererent * (Bengel. Apparatus criticus, in h. 1. §. 9), nec nisi post mortem Lutheri primum anno 1574 in Biblia Lutheranorum admissum est. Erasmus in suis duabus primis editionibus novi Testamenti locum omisit, et in tertia demum anno 1522 permotus indignatione catholicorum eum ex cod. Britannico suscepit, „ Repertus est, ait ipse in adnotationibus posterioribus ad h. 1., apud Anglos graecus codex unus, in quo habetur *c-ι τρει* etc. Ex hoc igitur codice Britannico reposuimus, quod *in nostris dicebatur deesse, ne cui sit ansa calumniandi* r (vid. Michaëlis 1. c. sect. 6). Caietanus in suis commentariis in h. 1. etiam ipse insinuaverat dubium de genuinitate.

Resumendo igitur proprias rationes huius loci quas exposuimus, negari nequit, decreto utroque oecumenici Concilii de partibus canonicis librorum et de authentia Vul-

ti Doctrina de Deo uno et trino (inquit) non pertinet ad articulos fundamentales fidei christianae, ut iam ex eo patet, quod in nullo loco novi Testamenti expresse proposita reperitur; nam locus unicus. in quo expresse continetur, de tribus testibus 1, Io. V. sine dubitatione spurius est, et ipsa sua spuria origine demonstrat, quam sit talis connumeratio (hi ties unum) aliena a Scripturis novi Testamenti” Neander Histor. Eccles. T. II. p. 305. ed. 4. 1864. Cum I. D. Michaelis versus tinem saec. XVIII. in Introductione ad libros novi Testamenti impugnans genuinitatem commatis ad minuendam offensionem monuisset, dogma SS. Trinitatis probari posse solidius ex locis aliis novi Testamenti; ad hanc auctoris animadversionem A inister Genevensis Chenevière libri Michaelisiani interpres lingua gallica anno 1822 maligne subiecit notam: « Est-il bien vrai, qu'il y ait dans le N. T. des passages aussi formels en faveur de la Trinité que 1. Io. V. 7 ? » (Introduction au N. T. etc. T. IV. c. 31. sect. 1).

gatae hunc textum comprehendendi, qui certissime pars est libri canonici, « prout in Ecclesia catholica legi consuevit, et in veteri vulgata latina editione habetur » ; qui eminenti ratione pertinet ad partes per se dogmaticas, quas decretum pro suo scopo peculiariter spectabat ; qui simili fere modo ac libri deuterocanonici iam tum non sine offensione catholicorum in dubium vocatus a Novatoribus, in eodem censu eum libris deuterocanonicis a Concilio habendus erat ex ratione ipsa usus antiquissimi in Ecclesia catholica, cui usui innixi Patres Tridentini canonem librorum sacrorum cum omnibus suis partibus definiebant.

II. Quoniam Ecclesia, ut dixi, in custodia verbi Dei proindeque in suis indiciis authenticis non regitur novis perpetuo sibi succedentibus revelationibus ; sed assistentia Spiritus veritatis ab errore praemunitur: idcirco opus est, ut indiciis humanitus cognoscibilibus manifestetur veritas definienda, et in re praesenti divina origo libri seu textus, ad quem indicium Ecclesiae refertur. Rationem, ad quam Patres Concilii in definitione sub assistentia Spiritus Sancti edenda respiciebant tamquam ad sufficientem veritatis manifestationem, in decreto ipso indicatur fuisse publicum, diuturnum et constantem usum Ecclesiae, quo absque ulteriori examine constabat, hos libros cum omnibus suis partibus ex multis saltem iam saeculis receptos fuisse tamquam verbum Dei scriptum. Haec porro ratio ipsa pro fundamento habet principium, quod Spiritus veritatis assistens Ecclesiae et inducens in omnem veritatem permittere non potuit, ut universa Ecclesia in suis actibus publicis, in fidei decretis, in liturgia, in institutione populi christiani, in explicatione et defensione doctrinae per multa saecula haberet et veneraretur tamquam verbum Dei scriptum illud, quod re tamen ipsa tale non esset. Adeoque non solum assistentia Spiritus Sancti, quatenus spectatur praesens Concilio, est principium activum, a qua repetitur definitionis infallibilitas ; sed etiam assistentia eiusdem Spiritus, quatenus spectatur perpetua in Ecclesia, erat Concilio ratio obiectiva definitionis eiusdem (cf. Tractat, de Scripturis th. XVIII, η. III).

Quamvis vero infallibilitas definitionis pendeat ab assistentia Spiritus Sancti sub qua editur, et huic promissae assistentiae innitatur certitudo nostra de veritate definitionis; pertinet tamen ad munus theologiae inquirere et declarare modum ipsum, quo praedicatio et conservatio veritatis per aetatum decursum se habuerit. Adeoque in quaestione praesenti possumus inquirere huius textus 1. Io. V. 7. usum in Ecclesia priscis temporibus, et modum quo ad nos usque conservatus sit.

A saeculo saltem IX textum, de quo agitur, in universa Ecclesia occidentis publico usu habitum fuisse ut partem s. Scripturae, ex paulo ante dictis certum est. At non solum argumento praescriptionis, quod spectatis praesertim constitutione et principiis Ecclesiae, talis usus non nisi derivatione ex antiquitate explicari potest; sed directe quoque ex monumentis adhuc reliquis constat, textum ut genuinum agnitum fuisse in Ecclesia etiam prisca aetate, quousque vestigia versionis latinae prosequi possumus. Exstabat inquam textus, et a Patribus in Africa, Italia, Gallia, Hispania tamquam pars notissima et gravissima sacrae Scripturae usurpatus demonstratur ab octavo usque ad tertium aut secundum saeculum regrediendo.

In collatione iussu Hunnerici regis instituta Carthagine mense Februario anno 484 obtulerunt Episcopi catholici « non solum universae Africae sed etiam insularum multarum » (Victor Vit. de persec. Vandal. l. II. n. 18) professionem fidei, quam deinde XII Calendas Maias per quatuor Episcopos provinciarum Numidia et Byzacenae direxerunt ad regem Hunnericum (1). Ex testimoniis Scripturae contra Episcopos Arianos probant in prima parte n. 1-8 consubstantialitatem Patris et Filii, in parte altera n. 9-23 consubstantialitatem Spiritus Sancti cum Patre et Filio, atque ita unam naturam trium personarum distinctarum. In parte hac altera professionis scriptae nomine omnium Episcoporum catholicorum contra Arianos Episcopos, potentissimos et implacabiles hostes, profertur velut testi-

»
(1) Nomina Episcoporum, qui numerantur 461, vide in Concil. Coli. Harduini T. II. p. 869.

monium non minus notum et certum quam clarum et irrefragabile hoc ipsum de tribus testibus in coelo. « Et ut adhuc luce clarius unius divinitatis esse cum Patre et Filio Spiritum Sanctum doceamus, Ioannis Evangelistae testimonio comprobatur. Ait namque: tres sunt, qui testimonium perhibent in coelo, Pater, Verbum et Spiritus Sanctus, et hi tres unum sunt» (in *libello fidei* n. 11, qui est liber III. Historiae de persec. Vand. Victoris Vicensis).

Hic aliqua sunt animadversione dignissima, a) Cuicumque fuerit commissa conscriptio huius *libelli fidei*, sive Eugenio Carthaginensi sive alii aut pluribus inter Episcopos, certe nemo ausus esset in tali professione, ab omnibus Episcopis approbanda et communi nomine proponenda Arianis, inserere textum velut Ioannis Evangelistae, nec alii omnes ultra quadringentos et sexaginta Episcopi nemine contradicente textum admisissent, nisi communi usu in Ecclesiis Africae et insularum legi consuevisset, 6) Si Episcopi sensissent, Arianos hunc textum non agnovisse genuinum, nec habuisse in suis codicibus; multo vero magis si locus solum in raris exemplaribus exstisset et apud catholicos ipsos non fuisset notissimus et extra controversiam, numquam communi nomine catholicorum tale testimonium velut «luce clariorem» confutationem haeresis Arianae obtulissent legendum et examinandum hostibus suis infensissimis. De hac persuasione Episcoporum, quod genuinitatem textus neque Arianis in dubium vocare possent; argumentum insuper supeditat Vigilius Tapsensis unus Episcoporum, qui professionem obtulerant (nominatus ultimo loco inter Episcopos provinciae Byzacenae). Vigilius enim diserte provocat ad lectionem huius testimonii penes ipsos Arianos: «cur *tres unum sunt*, Ioannem Evangelistam dixisse legitis, si diversas naturas in personis esse accipitis?» Vigil. Taps, de Trin. l. VII. Bibi. Max. PP. T. VIII. p. 789. Quod igitur Michaelis (Introd. in N. T. c. 31. sect. 3. T. IV) et alii velent totam auctoritatem huius professionis fidei revocare fere ad unum Eugenium Carthaginensem, absurdum est (1).

(1) Consensum omnium Episcoporum Africae in professionem ac defensionem fidei scripto traditam Arianis Michaelis l. c. comparat cum

c) Animadvertatur, quod in prima parte professionis quamdiu sistitur in demonstranda consubstantialitate Filii cum Patre, sanctissimi Confessores connectunt seriem longissimam testimoniorum ex omnibus libris praesertim novi Testamenti et etiam ex 1. Io., hunc tamen locum 1. Io. V. 7 non attingunt. Eodem modo auctor libri adversus Pintam Arianum in prima parte tractationis, s. Fulgentius in toto 1. II. ad Trasimundum inter testimonia innumera Scripturae, quibus consubstantialitatem Patris et Filii demonstrant, non utuntur hoc textu, quem tamen certissime agnoverunt et citarunt aliis in locis, ubi agebant de tribus simul personis divinis. Hinc videas, praeproperam et fallacem esse conclusionem, quam plerique adversarii ex argumento negativo nimis generalem constituunt. Patres (inquiunt) disputantes cum Arianis hunc locum opportunissimum non citarunt, ergo illum non habuerunt in suis codicibus. Hoc modo facile erat Scholzio post criticos Rationalistas citare seriem Patrum, quos omnes traducit velut testes indubitatos interpolationis, non alia de causa, quam quod testimonio Iohannis non utuntur. Quamdiu impugnatio haereticorum dirigebatur adversus personam Filii, sive distinctionem a Patre sive eius divinitatem negando, licet omnes illi haeretici ex suis principiis etiam circa personam Spiritus Sancti errasse convincantur; videmus tamen etiam Patrum defensionem prioribus saeculis se continere maximam partem intra limites dogmatis, quod directe impetebatur (1). In hac

subscriptionibus, quas Ministelli Protestantes apponunt vel quondam apponere cgebantur libris symbolicis, quin ideo concludere liceat, eos omnia in hisce libris scripta approbare. Risum teneatis amici!

(1) S. Basilius de definitione Nicaena: « hic cetera quidem, inquit, plene et accurate definita sunt partim ad emendanda quae laesa fuerant, partim ad praecavenda quae suboritura praevidebantur; doctrina autem de Spiritu Sancto transeunter («*γ παθαδρο/ζη*») posita est, nec ullam disquisitionem visa requirere, eo quod nondum tunc haec mota esset quaestio, sed sine insidiis (*ανιτιβουλιτο?* quod haeretici directe in doctrinam de Spiritu Sancto nondum struerent insidias) insita esset credentium animis de illo sententia » Basii, ep. 125. al. 78. n. 3. « De Spiritu Sancto a Patribus non plene (*ιλλιπω*) dictum est, quod tunc nondum mota esset quaestio » Gregor. Naz. ep. 202 (al. orat. 51) η. 1.

autem disputatione de persona Filii non erat necessaria citatio ex epistola Ioannis, cum luculentissima praesto essent testimonia ex Evangelio, quibus distinctio et consubstantialitas Patris et Filii enuntiatur. Non tamen ideo negamus, posse ex quibusdam Patrum contextibus ostendi, eos vel nostrum comma 7^{um} in suis codicibus non habuisse, vel non habuisse ut certum extra controversiam; illud solum dicimus, ut argumentum negativum vim aliquam habeat, non sufficere generalem assertionem, qua Critici nimis expedite decernere solent, Patres textum non cognovisse, quia eo non utuntur, ubi nobis citatio opportuna fuisse videtur.

Si saeculo V. testimonium usu totius Ecclesiae Africanae receptum erat, non est mirum, quod Vigilium Tapsensem et non diu postea Fulgentium et auctorem libri contra Pintam videmus ad illud appellasse in suis disputationibus adversus Atianos absque ulla suspicione, ne forte a quopiam respueretur. « Unitum nomen divinitatis clause est declaratum, dicente Ioanne Evangelista in epistola sua: tres sunt qui testimonium dicunt in coelo, Pater et Verbum et Spiritus, et in Iesu Christo unum sunt... Vides, quia in deitate et in substantia plenitudinis per omnia unum suut, et in nominibus personarum tres sunt » Vigil. Trin. l. I. Bibi. Max. PP. T. VIII. p. 775; l. X. p. 793. Eadem ac penes Vigilium citandi forma est in fragmento dialogi inter orthodoxum et haereticum in Nova Bibi. PP. Card. Mai T. I. p. 496. Pariter ad textum Ioannis diserte appellat s. Fulgentius in l. Responsionum ad obiectiones Arianorum in obiect. 10., et l. de Trin. c. 4 ; item auctor l. adv. Pintam n. 8. (Opp. s. Fulgent, ed. Paris. 1684. p. 68. 331. 540). At in priori loco (ad obiect. 10. Arian.) Fulgentius cum sua citatione coniungit aliam saeculo iam III. adhibitam a s. Cypriano. Verba Fulgentii sunt: « In Patre ergo et Filio et Spiritu Sancto unitatem substantiae accipimus, personas confundere non audemus. Beatus enim Ioannes Apostolus testatur dicens: tres sunt qui testimonium perhibent in coelo, Pater, Verbum et Spiritus, et tres unum sunt. Quod etiam beatus Martyr Cyprianus in epistola de unitate Ecclesiae confitetur....atque haec confestim testimo-

nia de Scripturis inseruit (Cyprianus): dicit Dominus, ego et Pater unum sumus ; et iterum de Patre et Filio et Spiritu scriptum est : et tres unum sunt. » Fulgentio igitur cum aliis Episcopis Africanis nullum prorsus erat dubium, quin in Ecclesiis Africae III. saeculo locus de tribus testibus in coelo lectus fuerit et a Cypriano citatus.

Voluerunt tamen homines critici de hac citatione Cypriani tricas nectere, ne in sua confidentia turbarentur; qua cum Scholzio et aliis pronuntiant, primum videri Vigilium Tapsensem, qui ad hoc comma provocaverit, ac porro *u* merito non solum e textu sed etiam e margine reiici comma subditiuum *n*. Aiunt scilicet, Cyprianum hoc loco (de unitate Ecclesiae ed. Baluz. Paris. 1726. p. 195), quo s. Fulgentius putavit provocari ad testes in coelo, non appellare ad v. 7^o, sed ad spiritum, aquam et sanguinem v. 8^o secundum interpretationem mysticam, qua tria haec intelligebantur significare tres personas Patrem, Filium, Spiritum Sanctum, ut constat ex Augustino (cont.^{*} Maximin. Arian. 1. II. c. 22. n. 3). At vero a) ante Augustinum talis interpretatio rei significatae per spiritum, aquam, et sanguinem numquam erat audita (1). b) Augustinus ad illam significationem mysticam confugit unice, ut sustineret, quod universaliter affirmaverat, numquam in Scriptura plures res dici *unum*, nisi quae sint consubstantiales. Ceterum Augustinus ipse non proposuit illam interpretationem mysticam tamquam certam ac tenendam; sed velut coniiciendo quaerebat, i. tamen non hoc modo posset solvi obiectio contra suum illum canonem hermeneuticum. Certe ergo neque ipse Augustinus umquam usus fuisset versiculo 8^o velut demonis ratione convincente et per se clara unitatis naturae in tribus distinctis personis (2). Hinc interpretatio illa sicut ante Augu-

(1) Quod ait Fridericus Mathaei in sua editione Novi Testamenti, etiam Athanasium T. II. p. 180 explicare v. 8. de personis divinis, id habeas falsum omnino et commentitium. Inspexi plures editiones diversas Athanasii, nec illa pagina nec ullibi tale quidquam ruperire est. In disputatione contra Arium Athanasio supposita n. 44. T. II. p. 229. ed. Maurin. non ex v. 8. sed certe ex nostro 7. citatur: « hi tres unum sunt. »

(2) Verba Augustini l. c. : « Ne forte dicas, spiritum ut aquam et sanguinem diversas esse substantias, ut tamen dictum esset : tres unum »

stinum nemini in mentem venerat, ita post ipsum non nisi a paucissimis permotis 'auctoritate s. Doctoris est adoptata (1) ; et sane per se spectata videtur longius petita et non probabilis (cf. de Rubeis in Dissertatione de tribus in coelo testibus c. 7). Quando ergo Cyprianus et Patres alii maxime Augustino antiquiores, vel etiam recentiores, qui ab eius auctoritate non pendent (ut Pseudo-Athanasius in Disp. contr. Arium n. 44), ad demonstrandum dogma de SS. Trinitate simpliciter dicunt: *u* de Patre, Filio et Spiritu Sancto scriptum est : tres unum sunt, *n* certum omnino est, eos non ad 8^{um} sed ad 7^{um} comma nostrum appellare.

Facundus quidem Hermianensis, qui cum versaretur inter Graecos Constantinopoli, scripsit libros pro tribus Capitulisadlustinianum Imperatorem, allatam citationem s.Cypriani traducit (L I. p. 7.) ad versum 8^{um} . At vero imprimis Facundus videtur in unum confudisse codices graecos, in quibus v. 7. deerat, et codices latinos, in quibus saltem aetate Facundi et in Ecclesiis Africae versiculum extitisse , post ea quae diximus non nisi impudenter negari posset. Apparet haec confusio ex modo ipso citandi ; nam ex una parte ita loquitur, ac si comma 7^u,^o omnino ignorasse!, ex parte altera retinet ex codicibus latinis verba «in terra: » « tres sunt, qui testimonium dant *in terra* » etc. ; haec autem postulant testimonium respondens testium *in coelo*. Hinc ex codicibus graecis , ubi iam acciderat ornis-

sunt; propter hoc admonui, ne fallaris. Haec enim sacramenta sunt, in quibus non quid sint, sed quid ostendant, semper adtenditur... Tria itaque novimus de corpore Domini exisse , cum penderet in ligis o... Si vero ea quae significata sunt , *velimus inquirere , non absurde occurrit ipsa Trinitas*, qui unus solus, verus, summus est Dens, Pater et Filius et Spiritus Sanctus... ut nomine spiritus significatum accipiamus Deum Patrem... nomine autem sanguinis Filium... et nomine aquae Spiritum Sanctum... .S» *quo autem alio modo tanti sacramenti ista profunditas , quae in epistola loannis legitur, exponi et intelligi potest secundum catholicam fidem ... nulla ratione respuendum est.* n

(1) Praeter Facundum Hermianensem hanc mysticam interpretationem Eucherius Lugdunensis (de qq. N. T. Bibi. Max. PP. T. VI. p. 853) paulo aliter conceptam memorat, quam ait placere pluribus, ut potius Trinitas tribus illis testibus in terra significetur quam baptismus et martyrium, ut alii intellexerunt.

sio versus 7, etiam ex versu 8^o verba *uin terran* expuncta sunt. Porro cum Facundus inter Graecos et ad Imperatorem Graecorum scribens versum 7^{um} vel dissimularet vel tunc ob lectionem codicum graecorum non admitteret, homo Africanus, cui notissima esse debuit tam saepe repetita ab Episcopis suae patriae argumentatio ex I. Io. V. pro mysterio SS. Trinitatis, maluit sequi et fere transcribere mysticam interpretationem Augustini in comma 8^{um}, ne argumento in Africa toties inculcato contra Arianos ex verbis «tres unum sunt,» omnino destitueretur. Hac autem methodo adoptata pronum erat citationem etiam Cypriani ad eundem versum 8^{um} traducere. Verum res ipsa et historia huius mysticae interpretationis reclamant; et si auctoritate agitur, ea potior certe est penes s. Fulgentium quam penes Facundum.

Maneat itaque ratum, iam saeculo III. viguisse in Ecclesia Africana lectionem versiculi 7', quam in Ecclesia eadem saec. V^o. et deinceps communem fuisse demonstravimus. Hoc autem posito non potest esse dubium, quin etiam Tertulliani tempore locus idem in Africa legi consueverit; et nisi praeiudicio animum obfirmaverit, facile quisque allegationem concedet in libro contra Prax. c. 25. In superioribus capitibus demonstraverat Tertullianus consubstantialitatem Patris ac Filii, ubi inter alia multa usus est illo Christi testimonio Io. X: ego et Pater unum sumus: «caeci qui non videant, primo *ego et Pater* duorum esse significationem, dehinc in novissimo, *sumus*, non ex unius esse persona, quod pluraliter dictum est; tum quod, *unum sumus*, non *unus sumus*, » etc. ib. c. 22. Iam c. 25 progreditur ad totius Trinitatis demonstrationem, esse scilicet non modo iuxta superius a Tertulliano posita Patrem et Filium, sed pari omnino ratione tres, Patrem et Filium et Spiritum Sanctum unius substantiae. Ad hoc ipsum probandum ista pertinent: «ita connexus Patris in Filio, et Filii in Paracleto tres efficit cohaerentes; alterum ex altero, *qui tres unum sunt, non unus*; quomodo dictum est: ego et Pater unum sumus, ad substantiae unitatem non ad numeri singularitatem » ib. c. 25. Illud «ego et Pater unum sumus, » in su-

perioribus allatum ad probandam consubstantialitatem duorum, hic solum adducitur ad persuadendum, eodem sensu intelligi debere dictum alterum : « *tres unum sunt*; *n* hoc vero dictum ponitur ad probandam consubstantialitatem trium, quae probatio nulla esset nisi verba essent citata ex Scripturis. Conveniunt itaque citationibus omnino parallelis discipulus ac magister :

Cyprianus: «de Patre et Filio et Spiritu Sancto scriptum est, *et tres unum sunt*, *v*

Tertullianus: « Connexus Patris in Filio et Filii in Paracleto, *qui tres unum sunt*. »

Ex his concludere iam possemus, in latina versione antiquissima «primis fidei temporibus *n* edita (Aug. Doctr. Christ. 1. II. n. 16), et quae ineunte saec. III. in Africa iam «in usum exierat» (cf. Tertull. Monogam. c. 11; contr. Marc. II. c. 9; contr. Prax. c. 5), nostrum comma 7^{um} exstistisse, contra ac Millius censuit, qui citationem Tertulliani et Cypriani non ex latina versione sed ex solis graecis codicibus derivatam esse, improbabiliter coniecit.

Confirmatur haec lectio in veteri versione ex Speculo Augustini edito a Card. Mai (Nov. Bibi. PP. T. I. P. II. p. 6. 10) et ex Enarratione Psuedo-Athanasiana in symbolum edita a Iosepho Blanchinio (p. 40). Enarrationem hanc Blanchinius putat latine scriptam in Africa ante ortam haeresim Pelagii. Rationes quibus Emi Cardinales Besutius et Maius Speculum illud prae Maurino asseruerunt Augustino, in Praefatione Card. Mai 1. c. legi possunt. Certum est, in utroque opusculo adhiberi versionem latinam veterem, ut erat ante versionem veteris Testamenti et emendationem novi per s. Hieronymum. Atqui bis in Speculo, semel in Enarratione symboli diserte citatur locus de tribus testibus in coelo. In Speculo sub cap. II de distinctione Patris et Filii et Spiritus Sancti : « Item illic : quoniam tres sunt, qui testimonium dicunt in terra, spiritus, aqua et sanguis, et hii tres unum sunt in Christo Iesu; et tres sunt, qui testimonium dicunt in coelo, Pater, Verbum et Spiritus, et hii tres unum sunt. » Rursum sub cap. III. de Spiritu Sancto recurrit eadem citatio, omissis

testibus in terra. In Enarratione symboli efficacissime dicitur : « respondeat nobis pro cunctis Ioannes , qui in pectore Domini nostri familiariter recubans totius doctrinae potuit arcana cognoscere.... Tres sunt, inquit, qui testimonium perhibent in coelo, Pater, Verbum et Spiritus, et ii tres unum sunt. Nonne post haec nobis huiusmodi fidem et mors est perdere et salus est custodisse? » ib. p. 40.

Ad Augustinum quod spectat, etiamsi dubitare fas sit, utrum hoc Speculum habeat ipsum auctorem ; fieri certe nullo modo potuit, ut s. Pater in Africa saeculo V. comma nostrum ignoraverit. Profecto qui sibi persuadere vellet, anno 430. quo Augustinus obiit, adhuc incognitum, et tempore professionis fidei oblatae anno 484 iam in communi lectione Ecclesiarum Africae fuisse textum tanti momenti; is pensi haberet non minus principia omnia quam constantiam et vigilantiam, quibus Ecclesia in custodiendis ss. Scripturis semper regebatur. Quomodo intra illos quinquaginta annos nemine advertente tanti momenti mutatio universalis fieri potuit in Africa, ubi ob mutationem versionis in re longe minori ortus est ingens tumultus, ut cogeretur Episcopus redire ad veterem et usitatam lectionem « volens post magnum periculum non remanere sine plebe » (Aug. ep. 71. n. 5). Nihilominus cum tempore Augustini in multis codicibus graecis comma iam defuerit, et inde etiam in exemplaria latina alicubi sine dubio haec velut emendatio immigrasset, potuit Augustinus in suis scriptis polemicis, nominatim adversus Maximinum , hoc testimonium, dissimulare iuxta suum principium oeconomicum, quod quae alicubi iq dubium vocantur, « non tanta firmitate proferuntur adversus contradictores » (vid. Tract, de ss. Script.). Diserte saltem locum nusquam citat in operibus quae supersunt; de allusionibus satis claris vide penes De Rubeis dissertat, cit. c. 6. et Card. Mai Praefat. ad Specui. Aug. p. VII. cf. Bengel Apparatus, erit, in h. 1. §. 20.

Iam ex lectione in Ecclesiis Africae concludendum foret, eandem in aliis quoque Ecclesiis occidentalibus non defecisse, etiamsi ad id probandum disertis testimoniis destitueremur. Haec tamen testimonia non desunt. Ad Hispaniam

pertinent « Collectio testimoniorum Scripturae et Patrum », quam F. A. Zaccarias censuit s. Isidoro antiquiorem, Maffei et Arevalus Isidoro ipsi tribui posse putarunt (Opp. s. Isidori ed. Arevalo T. II. p. 27. seq. ; Isidorian. c. 83); codex deinde celeberrimus Bibliorum Toletanus non recentior saeculo VIII (cl. P. Vercellone Apparatus Bibl. T. I. Lect. var. p. 84) ; Etherius et Beatus contra Elipandum, ante hos Idacius, si is est auctor disputationis contra Varimadum (cf. Ruinart. Commentar. in Hist. persec. Vand. c. 4. n. 7. p. 442). In his monumentis exstat expressus versus 7^{us} de testibus in coelo una cum 8^o de testibus in terra ut textus sincerus epistolae Iohannis (Opp. s. Isidor. T. VII. p. 291; Lectiones var. ex cod. Tolet. in vindiciis. Vulg. Blanchinii p. CCIII; contra Elipand. 1.1. n. 26. Galland. T. XIII. p. 296; contra Varimad. Bibl. Max. PP. T. V. p. 729).

In Gallia saec. IV. Phoebadius (aliter Soebadius) Aginensis locum citavit eo fere modo, quo Tertullianus et Cyprianus (1. contr. Arian. Bibl. Max. PP. T. IV. p. 305); disertis verbis ante medium saec. V. Eucherius Lugdunensis (nisi alius sit auctor) transcribit utrumque versiculum in lib. Formularum spiritualium c. 11. ubi agit de numeris, « quos mystica exemplorum ratio inter sacros celebriores facit » (Bibl. Max. T. VI. p. 838). « Ad Trinitatem (refertur) in Iohannis epistola : tres sunt, qui testimonium dant in coelo, Pater, Verbum et Spiritus Sanctus; et tres sunt, qui testimonium dant in terra, spiritus, aqua et sanguis » (1).

In Italia Cassiodorus medio saec. VI. Scripturarum codices tum latinos tum graecos seu, ut loquitur, graecum Pandecten non modo colligebat, sed ut, quos suo monasterio Vivariensi relinquebat, essent emendatissimi, operam sollicitam dabat instituta priscorum codicum latinorum

(1) Quae Griesbach in dissertatione composita ad hunc Scripturae textum omnibus modis eliminandum protulit, ut evinceret huius loci Eucherii interpolationem, eam nec probabilem multo minus certam reddunt. Mirum vero aliquid accidit homini omnem pro genuinitate textus auctoritatem amovendi cupidissimo. Postquam negavit citationem Enchéri!, mox inferius post paucas paginas persuadere conatur, Cassiodorum citationem eiusdem dicti desumpsisse ex Eucherio!

graëcorumque collatione (1). Jam vero Cassiodorus versum utrumque 7^{um} et 8^{um} adducit in suis Complexionibus (ed. Maffei post Hietor. theolog. in opuscul. p. 145). Ad quem locum Cassiodori merito Maffei adnotat: « discimus modo ex auctore nostro, Romanos quoque melioris notae ac vetustiores libros ita loquutos fuisse; cum enim tanto studio monachis suis in Inst. div. lect. praecepit, ut praestantissimis et graeci etiam textus collatione purgatis codicibus uterentur, utque in ambiguis locis duorum vel trium priscorum emendatorumque codicum auctoritas inquireretur, ipsum in primis idem praestitisse quis ambigat? » Vide ibi reliqua. Huc etiam pertinet codex Cavensis a Card. Mai adtributus VII. vel VIII. saeculo, et Ambrosius Ansbertus medio saec. VIII. in Apoc. 1. I. (Bibi. Max. T. XIII. p. 415), in quo utroque monumento comma nostrum exstat.

In Ecclesia itaque occidentis non modo inde a saec. IX. communem fuisse constat et publicum usum huius testimonii tamquam canonicae Scripturae, sed etiam eius derivationem

(1) « Primni tirones Christi auctoritatem divinam in codicibus emendatis iugi exercitatione meditentur... ne vitia librariorum impositis mentibus inolescant. » « Quamvis omnis Scriptura divina superna luce resplendeat... in Psalterio tamen et Prophetis et *epistolis Apostolorum* studium maximum laboris impendi... quos ego cunctos novem codices auctoritatis divinae, ut senex potui, *collatione priscorum codicum* amicis ante me legentibus sedula lectione transivi » Cassiodor. Praefat. ad instit. div. litt. « Quoniam Pater Augustinus (Doctr. christ. II. 15) commonet ita dicens: latini codices id est veteris novique Testamenti, si necesse fuerit, graecorum auctoritate corrigendi sunt... ideoque vobis (monachis Vivariensibus) et graecum Pandecten reliqui comprehensum in libris septuaginta quinque » etc. ib. c. 14.

Cum a I. D. Michaelisio uno ex primis impugnatoribus versiculi 7. quaesivisset commatis defensor, unde ipse sciret, Patres latinos versum citantes non habuisse codices graecos, ille magno supercilio respondit, « non putasse se quemquam theologiae tironem ignorare, Patres latinos excepto Hieronymo graece nescientes uti non potuisse codicibus graecis » l. c. sect. 3. Ergo homo criticus ignoravit, Patres latinos plerosque, qui testes pro hoc commate citantur, optime calluisse linguam graecam, Tertullianum, Cyprianum, Vigilium, Fulgentium, Cassiodorum? Alios Patres Hilarium, Ambrosium etc. qui dixerit graece nescivisse, eorum libros cum scriptis Patrum graecorum Origenis, Basilii etc. numquam comparavit.

a primis fidei temporibus et lectionem in vetere latina versione positivis documentis possumus ostendere (1), ut versio tam ante quam post s. Hieronymum, et multo magis ut ante et post Alcuini recensionem recepta erat.

Quoniam Deus caput visibile totius Ecclesiae suae in Ecclesia latina constituit, in hac et per hanc sicut integritatem fidei universim ita etiam integritatem verbi scripti speciali providentia conservare voluit, ut aperte constat ex historia librorum deuterocanonicorum, quorum authenticia multis fluctuationibus inter Doctores orientales obortis, potissimum constanti traditione, usu, vigilantia, definitionibus Ecclesiae latinae ab imminente obscuracione in apertam lucem vindicata est. Hinc Patribus Tridentinis mirabili Spiritus Sancti providentia usus Ecclesiae latinae in veteri editione vulgata prae lucebat normamque praebebat tutissimam pro utroque decreto tum de libris canonicis tum de authenticia Vulgatae.

Contra in oriente sicut maior erat dissensio quoad libros deuterocanonicos generatim, ita magna occurrit circa hunc textum Ioannis obscuritas. Si placeret appellare ad loca Patrum graecorum, ubi loquuntur de *Trinitate*, de *tribus* hypostasibus et *unitate* essentiae (ut factum esse video a

(1) Quantae auctoritatis antiqua versio latina haberi debeat ad stabiliendam genuinam lectionem etiam spectatis solis rationibus criticis, intelligi potest ex solemni protestatione Tischendorfii hominis Protestantis, qui in studiis criticis consenuit, iisque solis totum defert seposita omni auctoritate sacra. « Antiquissima textus sacri historia, ait, et ipsum studium restituendi antiquissimam eius scripturam a nullis testimoniis magis pendet, quam a veterrimo latino interprete; qui cum in medium fere saeculum II. incidat, codicibus eius IV et V saeculi ab interprete Irenaei, Tertulliano, Cypriano toties comprobatis, quotiescumque graecos testes eosque antiquissimos confirmat, non dubium est, quin secundi saeculi lectio inventa sit, etiamsi discedant plerique vel omnes reliqui testes. Hoc post somnia eorum, qui consensionem antiquissimorum graecorum codicum cum latinis suspectam reddiderunt, nemo hac aetate rectius videtur sensisse Carolo Lachmanno, cui per codices Claromontanum et Boernerianum (latinos) eflici videbatur, ut epistolarum Pauli multis partibus certior lectio sit quam reliquorum novi Testamenti librorum » Tischendorf in N. T. ed. 1866. Prolegomena p. LXIX.

nupero vindice genuinitatis, homine Anglicano Carolo Forster), testimonia utique suppetere innumera. Sed profecto argumenta ad scopum non pertingunt. Nec magis videntur convincere, quae proferri solent ex dialogo « Philopatris », de quo tamen vide, si vacat, Cave Hist. Litter. T. I. p. 17. Positiva documenta valida fere ad haec revocantur. Origenes tamquam ad auctoritatem irrefragabilem appellat ad verba « tres unum sunt, » ut demonstret unitatem naturae in tribus distinctis personis (in Ps. 122. v. 2. Opp. T. II. p. 821). Pariter ad demonstrandam unitatem naturae divinae in tribus personis citantur diserte ut Ioannis verba « hi tres unum sunt, » in disputatione supposita Athanasii contra Arium n. 44 (Opp. Athan. T. II. p. 229). Euthymius Zigabenus (Panoplia P. I. tit. VII. Bibi. Max. PP. T. XIX. p. 47) citat hoc modo : « unum dicitur in iis quae sunt eiusdem essentiae, cum eadem est natura et distinctae personae; ex quo illud: *et tria unum sunt* » το εν επί ρεν των ομοουσιων λεγεται, εν%α ταυτοτι ρεν φύσεω , ετεροτι, δε υποστάσεων. ω το ν.αι τα τρία εν (1). Porro allegatus est totus versiculus et exstat graece ac latine in actis Concilii Later. IV, cui intererant et graeci aliquot Episcopi (Hard. VII. p. 18); deinceps citatus ab Emmanuele Caleca Graeco pro Graecis scribente saec. XIV (Combefis. Auctuar. II. P. II. p. 219) et a Iosepho Bryennio monacho Byzantino schismatico ineunte saec. XV (Griesbach dissert, cit. p. 11). Habetur nunc versus idem in lectione ecclesiastica Graecorum et Russorum et in versione neograeca (Bengel l. c. §. 22) (2). Pro existentia in codd. veteribus adferri potest

(1) Textus graecus ex Ms. Parisiensi productus a D. Martin citatur a Porsonio et a Forstero p. 4. « A New Pica for the authenticity of the text Io. V. 7. »

(2) Schismaticus pertinacissimus Macarius Bnlgakow defendit authenticam nostri commatis in sua «Theologia dogmatica orthodoxa?» T. I. P. I. c. 2. §. 27. Toute l'Église orthodoxe (schismatica) a reconnu et reconnaît comme authentique le texte de l'épître de s. Jean que nous venons d'examiner, et le propose à tous ses enfans pour leur commune instruction. C'est précisément sur ce texte qu'elle fonde aussi sa doctrine de la consubstantialité des personnes divines, dans sa *Confession de foi orthodoxe* art. 1. rép. 9. » Citat theologos Russos vindices authenticæ Theophanem Prokopowicz, archimandritam Macarinm, Hyacinthum Karpinski, Irenaeum Falkowski, Sylvestrum Lebedinski. Ib. p. 222.228.

directe testimonium in Prologo in epp. oath, nomine Hieronymi, indirecte collatio codicum instituta a Cassiodoro. Ex codicibus graecis qui supersunt, tres nominantur, in quibus versiculus exstat, Dublinensis (Monfortianus), Ottobonianus (in Vaticana), Neapolitanus (saec. XI.). Susceperunt illum pariter editiones Complutensis, Erasmi 3U, et deinceps reliquae omnes usque ad Rationalismum inter Protestantes praevalentem.

Postremo si contextum epistolae Ioannis inspiciamus, is certe omisso hoc commate hiulus videtur, eo admisso tam concinnus est et sibi cohaerens, ut si versiculus alicubi in idoneis instrumentis reperiatur, gratulandum sit de opportunissima lacunae suppletione. Hac permotus consideratione contextus ipse Protestans Bengelius exclamat: «adamantina versiculorum cohaerentia omnem codicum penuriam compensat, Certius agnosci hoc dictum (v. 7.) potest, quam pars folii ex libro aliquo amissa, passim quaesita, alicubi reperta et in tota striatura parti non amissae congruens » (l. c. §. 28). Sane reciso v. 7° mira valde est locutio v. 8° genere masculino: « quoniam *tres* sunt.... *hi tres* unum sunt»; nec ulla videtur satis apta eius ratio dari posse (cf. Gregor. Naz. or. 31. al. 37. η. 19), quae ex concinnitate cum versu 7° apparet manifestissima. Insuper quod etiam gravius est, in sequenti v. 9° illud: « testimonium Dei, quoniam *testificatus est de Filio suo* (μαρτυρία του θεού, w μεμαρτυρη) », omnino postulat versum 7l,m, et eo deficiente non habet, quo referatur. Denique huius versiculi congruentia cum Evangelio Ioannis tum quoad rem tum quoad modum loquendi manifestissima est, si conferas Io. V. 31-37; VIII. 14-18; XV. 26 (1).

Non nunc quaero, utrum tota haec demonstratio esset sufficiens, si de libro ageretur privatae vel industriae vel negligentiae permissio. Sed si sermo esset de Codice legum fundamentalium reipublicae commisso in custodiam publi-

(1) Argumenta interna ex contextu etc. ad probandam genuinitatem eximie declarata habes a doctissimo viro Lehir T. II. p. 5. seq. in erudito opere posthumo (Études Bibliques, Paris 1869), quod non potui inspicere nisi post totam hanc meam dissertationem iam pridem absolutam.

cae auctoritatis, profecto huiusmodi usus publicus qui usque ad prima exordia pertingeret, sufficiens foret demonstratio authenticæ, ut dubium nullum legitimum admitti posset; et si lis inferretur, authenticæ iuridice declarari posset ac deberet. Iam vero hic agitur de integritate Scripturæ in aliqua sui parte momenti gravissimi, adeoque agitur de Codice fidei commissio ex institutione divina non privatae industriae sed publicæ custodiæ Ecclesiæ sub assistentiâ Spiritus Sancti. Ideo talis usus publicus et constans Ecclesiæ, qualem ostendimus, in textu per se dogmatico sufficiens est demonstratio, textum fuisse legitime admissum * in codicem Scripturarum; legitime autem admissus non esset, nisi primitus esset scriptus ab Apostolo Ioanne. Unde præcisione etiam facta a decretis Tridentinis et spectato solum usu in Ecclesia per sese, dubium de genuinitate admitti non posset. Ecclesiæ vero ipsi præsto erant rationes humanitus cognoscibiles, quæ ad ferendum de genuinitate indicium abunde satis essent.

Hac genuinitate posita, modum conservationis videmus hunc esse, quod textus utique ex graecis exemplaribus transiit in versionem primis fidei temporibus institutam et ab Ecclesia latina susceptam, atque per hanc potissimum versionem ecclesiasticam semper publico in usu est conservatus. Neque tamen ideo opus est affirmare, hunc usum quovis tempore et in omnibus regionibus fuisse aequè universalem; post lacunam enim in multis codicibus graecis saeculo forte IV. inductam et latius propagatam, fieri vix potuit, quin hinc inde latini quoque libri eis conformarentur, ut etiam nunc exhibent quidam codices latini, qui tamen scripti sunt non ante saec. VI, quo tempore nostram lectionem a latinis Patribus agnitam et usurpatam fuisse luculentissime constat. Hac autem varietate penes orientales inducta et inde etiam in occidente orta aliqua hæsitatio, ut fere accidit quoad integros libros deuterocanonicos, non est mirum, si nonnulli Patres etiam latini (ut Augustinus) ab usu præsertim polemico huius testimonii potius abstinere maluerunt.

III. Cum penes Protestantes non modo vera Christi Ec-

clesia non sit, sed ex eorum principiis fundamentalibus nec ulla religiosa societas visibilis legalis, quae auctoritate contineatur et regatur, sed tantum sint singuli homines, qui suo privato iudicio ducantur; hinc etiam Scriptura non est instrumentum sub custodia et authentica interpretatione publicae auctoritatis destinatum pro ipsa societate, sed est liber destinatus et permissus singulorum examini et scientiae. Igitur sicut nulla authentica interpretatio veri sensus, ita nulla agnoscitur authentica declaratio genuinitatis sive libri integri sive textuum singularium; sed genuinitas et proinde authentia Scripturarum unice exploranda est et cognoscenda a singulis historico et critico examine (vide Tract, de Script.). Ex his vero principiis consequens est, ut dum fundamenta fidei ac religionis in scientia atque eruditione humana constituuntur, maximae saltem parti hominum neque auctoritas Scripturarum constare queat, et ab eruditis ipsis, ad quorum scholam revelata doctrina fidei revocatur, pro diversitate ingeniorum et imperfectionis scientiae modo plures modo pauciores modo omnes libri sacri non utique iure sed tamen sine defectione a principiis fundamentalibus sectae velut spurii aut interpolati reiiciantur.

«Ad incisum itaque in quaestionem vocatum quod spectat, non nunc contendimus, suppetere praesidia critica et historica huiusmodi, ut iis solis etiam supposito falso principio Protestantium, quo Scripturam non secus ac librum profanum et privatum adhibent, genuinitas velut certa et extra dubium posita demonstraretur (1); sed cum ex nostris principiis catholicis genuinitas plene evincatur, simul affirmamus, Protestantes ex suis principiis ac praesidiis criticis non posse demonstrare interpolationem.

Si concesseris, versiculum nostrum 7^{um} saeculo iam IV frequentius, et alicubi fortasse etiam saec. III in codd. graecis defuisse, sive id acciderit errore festinantium li-

(1) Hoc modo non valde efficaciter nec semper felici selectione argumentorum genuinitatem testimonii nuper tueri voluit Anglicanus Carolus Forster. A New Plea for the authenticity of the text of the three Heavenly Witnesses etc. by the Rev. Charles Forster, Cambridge 1867.

brariorum ob similitudinem vocabulorum in utroque com-
mate, ut plerique suspicantur, et fieri potuisse ab exemplis
similium lacunarum inductione confirmant (1); sive factum
sit consilio ad observationem disciplinae arcani, ut putavit
Bengel (1. c. §. 25); sive omissionis propagatio referenda sit
ad operam Eusebii, cui parationem multorum codicum pro
Ecclesia Constantinopolitana Constantinus commiserat (Eu-
seb. Vita Constant. l. IV. c. 36), ut innuit auctor recentis-
simus cl. Lehir (cf. Introd. in N. T. compilatam a cl. H. Val-
roger T. II. p. 566); sive fatearis excisionem fieri potuisse
multis modis, quo autem facta sit, te ignorare; si conces-
seris inquam hunc defectum in multis codicibus graecis
saeculi IV et in nonnullis deinde latinis ad eorum normam
exactis, adversarii nihil habent, quod ultra velut certum
praesidiis criticis demonstrare possint. Atqui ex tali de-
fectu nullatenus potest concludi, testimonium dogmaticum
quod in lectione Ecclesiae latinae inde a remotissima an-
tiquitate exstitisse positivis documentis evincitur, in pri-
mitiva editione epistolae Ioannis non exstitisse. Ergo in-
terpolationem praesidiis criticis demonstrare nequeunt.

Argumenta omnia, quae contra genuinitatem opponi pos-
sunt et ab adversariis non sine magno apparatu in scenam
produci solent, depromuntur ex codicibus Scripturae, ex
scriptis Patrum, ex antiquis versionibus.

Γ. Codices graecos vetustiores saeculo V. vel ad sum-
mum IV. nullos habent; huius supremae antiquitatis cen-
sentur duo vel tres, Vaticanus (B) cum sibi gemino Sinai-
tico Tischendorfii, et Alexandrinus (A), tum unus G. (Card.
Passionei nunc in Biblioth. Angelica) saeculi IX. vel X.;
reliqui omnes sunt recentioris aetatis a X. ad XV. sae-
culum. Adeoque exceptis tribus inter graecos codices, qui
epistolas catholicas continent, nullus superest vetustior
aetate Caroli M. sed scripti sunt omnes eo tempore, quo

(1) Exempla huiusmodi lacunarum, ubi scriptor ab uno vocabulo tran-
silivit ad idem vocabulum occurrens inferius (ὁ/ζοιοτιλιοςβ), adfert For-
ster l. c. cap. 16 descripta fere ex Michaelisio. Memorabilis est ommissio
Mt. XXVII. 35 inter vocem χλωρόν et χληροχ, quae reperitur in 100 fere
codd. (Vide Michaelis Introd. in N. T. P. I. c. 6. sect. 8).

lectionem commatis nostri 7ⁱ in tota Ecclesia latina communem fuisse, nemo negare potest. Sunt utique codices derivati ex antiquioribus, et ipsa copia satis magna eorum, iis quibus comma deest, iam per se demonstraret, omissionem esse vetustiore aetate, qua codices descripti sunt. At si invicem conferas duplicem hanc seriem documentorum, quarum una exhibet incisum a saec. IX. ad XV. in usu publico et universali totius Ecclesiae latinae, altera constituitur graecis codicibus fere opera et auctoritate privata scriptis, qui eodem temporis lapsu illud communiter non habent; profecto ex computatione huiusmodi codicum nulla arte umquam deduces argumentum certum, quo demonstres, textum scriptum a Ioanne esse in hisce privatis exemplaribus graecis (1), in usum vero publicum totius Ecclesiae occidentalis nemine umquam contradicente fuisse susceptum textum in re tanti momenti interpolatum, eandemque interpolationem, nihil obsistente tua illa codicum auctoritate, penes Graecos etiam schismaticos praevaluisse!

2°. Codicum vetustiorum penuria abunde compensari potest scriptis Patrum, dummodo ita habeant, ut ex contextibus certo constet, Patres in suis codicibus textum, de quo quaeritur, non legisse. Ad hoc autem non sufficit, a) quod Patres comma nostrum non citant, ubi testimoniis Scripturae probant divinitatem Verbi et consubstantialitatem Patris ac Filii, vel ubi probant divinitatem Spiritus Sancti. Quod dico, est luculentissimum, ut superius ostendi, ex modo citandi eorum ipsorum Patrum, qui nostro testimonio utuntur. Tertullianus adv. Praxeam, Episcopi Africani in Confessione Fidei ad Iulianum, s. Fulgentius l. II. ad Trasamundum et l. contra Fastidiosum (collato libro de Trin. ad Felicem notarium), idem Fulgentius (vel alius auctor) adversus Pintam Arianum ad illa capita

(1) Ipsemet Michaelis, qui erat inter primos oppugnatores gennitatis huius commatis, statuit tamen principium generale: « On conçoit bien moins l'insertion d'un passage que son omission, surtout entre deux mots qui ont la même terminaison. La supériorité du nombre (des mss.) ne serait pas même dans ce cas décisive, parce qu'une erreur déjà admise dans deux ou trois mss. anciens, se transmet naturellement à toutes les copies que l'on en tire » Michaelis l. c.

doctrinae singillatim probanda congerunt multa testimonia, inter quae tamen non ponunt hoc nostrum; sed ubi agunt de Trinitate in communi, tum demum adferunt etiam haec verba Ioannis. δ) Non sufficit ostendisse, a Patribus quibusdam coniungi immediate versum 6^{um} cum nostro 8^o, ut inde concludas versum 7^{um} defuisse. Coniungunt enim ita Idacius (seu alius) contr. Varimadum, Cassiodorus, Speculum Augustini, libellus Testimoniorum (inter Opp. s. Isidori), Etherius et Beatus, codex Toletanus et Cavensis sicut et alii codd. bene multi, qui omnes inverso ordine post v. 6^{um} ponunt nostrum 8^{um} et deinde 7^{um}. Denique c) non sufficit, quod Patres citant comma octavum absque septimo, si scopus non sit demonstratio SS. Trinitatis sed alius, cui 8^{um} non 7^{us} versiculus congruat.

Iam his conditionibus observatis, sine quibus ex silentio Patrum nihil conficitur pro versiculi defectu in eorum codicibus, demonstrari non potest, Patribus III^o saeculi nostrum comma defuisse. Patrum loca studiose collegit Millius in suis adnotationibus ad h. l., qui licet existimaret, omnibus illis Patribus nostrum testimonium fuisse ignotum, imo etiam in versione Itala defuisse, eius tamen genuinitatem sincere defendit; ex Milio deinde Patrum loca descripserunt Wetstein, Griesbach, Scholz alique, et quod ille tamquam difficultatem solvendam sibi obiecerat, hi tamquam argumentum certum interpolationis susceperunt. Quoad Patres itaque III. saeculi ait Griesbach cum suis foederatis: « comma septimum non legerunt Irenaeus, Clemens Alex, nec in adumbrationibus latine versis neque in ceteris operibus, Hippolytus contra Noetum, Dionysius Alex, in ep. ad Paulum Samosatenum ». Porro addunt: « a Patribus latinis non citatur, ubi vel maxime ad rem pertineret atque omnino expectari posset; huc pertinent auctor de bapt. haeret, apud Cyprianum et Novatianus ».

Inspiciamus singulos. Locum ubi Irenaeus 'comma 7^{um} citare debuisset, indicat Millius l. III. c. 18 (quod in edit. Massuet. est IG^{um}). Atqui eo capite agit Irenaeus de Incarnatione, quod una est persona Iesus Christus, non alius Iesus et alius Christus secundum Gnosticorum deliramenta; unde

ibi nec Mt. XXVIII. 19: « baptizantes eos in nomine Patria et Filii et Spiritus Sancti », nec Io. X. 30: « ego et Pater unum sumus », citantur; nec magis 1. Io. V. 7. huc pertinebat. Inio Irenaeus in operibus nobis reliquis numquam citat Io. X. 30. alterum vero locum Mt. XXVIII. 19. non nisi semel (III. 19. al. 17.), ut ostendat, Spiritum Sanctum eundem qui fidelibus datur, descendisse in Iesum Christum baptizatum. Ubinam ergo maior [erat necessitas adferendi 1. Io. V. 7. quam Io. X. 30? Num forte Irenaeus etiam textu Evangelii carebat?

Clemens Alexandrinus in suis Operibus indubitatis nec Mt. XXVIII. 19. né? Io. X. 30. uspiam citat, quae ergo maior necessitas commatis Ioannei? Solum in Excerptis Theodoti ad calcem Opp. Clementis in editione Potteri n. 61. adfertur Io. X. 30. ad demonstrandam divinitatem personae carnem assumptis; sed de Trinitate ibi nulla est mentio.

Porro si catholici theologi tanta securitate Adumbrationes latinas nomine Clementis, et forte etiam librum Hippolyti contra Noetum, atque epistolam Dionysii producerent pro sua causa, non dubito, quin homines isti κριτικωτατοί suspectarum mercium invectionem conclamarent. Interim ex Adumbrationibus illis (Bibl. Max. PP. III. p. 233) numquam sciemus, quid auctor vel interpretes legerit in epistola Ioannis; constant enim paucis quibusdam sententiis ex epistola decerptis. Hippolytus neque ipse agit de Trinitate personarum, sed de distinctione Patris ac Filii et de Incarnatione Verbi. De Trinitate solum obiter mentionem iniicit n. 14. nullo alio textu adhibito praeter formulam baptismi. At vero inquiunt: « Dionysius saepe versum octavum citat, non item septimum, quamvis de divinitate Christi ac de Trinitate per totam fere agat epistolam ». Respondemus: non saepe sed tantum in quaestione 4a, ubi declarat sanguine Christi nos redemptos esse et ex aqua ac Spiritu Sancto renatos, bis in eodem contextu citat Dionysius verba versus 8: « et hi tres in unum sunt, aqua et sanguis et spiritus » (Opp. ed. de Magistris p. 230.231). Non ergo ibi de Trinitate sed de alia re sermo erat, ad quam versus 7 nihil pertinebat), poterat vero optime applicari

versus 8^U. In tota vero epistola hac et aliis operibus eius nomine editis numquam citatur sive Mt. XXVIII. 19. sive Io. X. 30.; quae autem (rursum quaero) maior necessitas ostendi potest utendi hoc textu 1. Io. V. 7?

Remanent duo scriptores latini saec. III. In primis auctor de baptismo haereticorum, inquiunt, uersum 6^m et 8^{um} coniungit omisso septimo «. At si assumamus, auctorem aeque ac Patres alios in suo codice habuisse ordinem inversum incisorum 7* et 8', nullo argumento id falsum esse demonstrare poterunt. Hoc ipso nec ex illa versuum conjunctione demonstrabitur, multoque minus ex contextu suadebitur, comma 7^m auctori defuisse. Non enim de SS. Trinitate sed de alia prorsus re ille agit. Distinguit «tres species baptismatis, baptisma spiritus, quod plerumque cum baptismo aquae coniunctum est», baptisma aquae, et baptisma sanguinis. Si ergo quaeritur, quomodo unum sit baptisma, «utique manifestum est, inquit, illa ratione, quia diversae sunt species unius ac eiusdem baptismatis ex uno vulnere profluentis in aquam et sanguinem... Et quoniam videmur omne baptisma spirituale trifariam divisisse, veniamus etiam ad probationem narrationis propositae. Ait enim Ioannes in epistola sua de Domino nostro nos docens: hic est qui venit per aquam et sanguinem etc. v. 6. Quia tres testimonium perhibent, spiritus et aqua et sanguis, et isti tres in unum sunt v. 8; ut ex illis colligamus, et aquam praestare spiritum solitum, et sanguinem proprium hominibus (martyrium) praestare spiritum solitum, et ipsum quoque spiritum (desiderium cum charitate) praestare spiritum solitum» (Opp. Cypr. ed Baluz. p. 364). Iam quaeso, quid ad hanc baptismatum distinctionem declarandam opus erat commate nostro 7^m? quod non inter v. 6. et 8. interiectum, ut nunc est, sed post illa citata auctorem in suo codice habuisse, non sine ratione assumimus, quamvis hac assumptione ne opus quidem nobis sit. Insuper in Africa, ubi hic auctor scribebat, saeculo III. comma legi consuevisse, superius demonstravimus.

Alter scriptor latinus obiicitur Novatianus, «qui 1. de Trinitate cum pluribus Scripturae testimoniis probet, Chri-

stum ut et Spiritum Sanctum esse Deum, hunc certe locum in primis opportunum praeterit ». Responsio eadem redit. Novatianus agit quidem multis de divinitate Christi, de distinctione Patris et Filii, paucis etiam c. 29 de Spiritu Sancto, non tamen probationem ex Scripturis instituit de tribus personis in communi; unde licet (c. 12) inducat illud de Christo Mt. XXVIII. 20: « ecce ego vobiscum usque ad consummationem saeculi, » numquam tamen utitur textu v. 19 exprimente simul omnes tres personas: *a* baptizantes in nomine Patris et Filii et Spiritus Sancti ». Quidestergo, cur mireris omissionem etiam huius testimonii 1. Io. V. 7?

Ex Patribus itaque saeculi III. nullus potest proferri testis pro versiculi defectu in codicibus illa iam aetate; sed possunt citari testes pro eius exstantia Origenes, Tertullianus, Cyprianus.

Inter Patres deinde saeculi IV. et V. sunt utique aliqui, ut Cyrillus Alexandrinus (Thesaur. T. V. P. I. q. 463), qui suis contextibus positivum suppeditant argumentum, hunc versum aut in eorum codicibus defuisse aut ab eis fuisse consulto dissimulatum, quod eo tempore iam in pluribus vel paucioribus codicibus deesset. At huiusmodi contextus admodum rari sunt, ut longa series nominum, quae Griesbach fere ex Millio et ex illo Scholzius (additis pluribus erroribus) descripserunt, ad paucos omnino Patres restringenda sit. Certissime praepostere citantur ab eis inter testes omissionis Alexander Alex, in epistola ad Alexandrum Constantinopolitanum, Concilium Sardicense in epistola synodica ad universas Ecclesias (Hard. I. p. 295. 661) et (vel fraude vel inscitia manifesta) Concilium ipsum Nicaenum. In illis enim epistolis non de tribus personis in communi agitur, ideo neque Mt. XXVIII. 19 citatur; imo pro ipsa divinitate Filii in Sardicensi textus Scripturae adhibentur parcissime. Disputationes vero de Spiritu Sancto, quas velut in Concilio Nicaeno habitas cum philosophis gentilium Gelasius Cyzicenus labente saeculo V. retulit, sine dubio sunt supposititiae, quidquid sit de omissione commatis Ioannis in hisce disputationibus Gelasianis (Hard. I. 407 sqq.). Quamvis autem singuli Patres per se et seorsum spectati

positivum argumentum ad evincendum commatis defectum non suppedient nisi paucissimi; nihilominus non negabo, quod initio concessi, ex silentio communi inter Patres graecos pro eo tempore, quo data opera non iam solum de persona Filii sed de Spiritu Sancto et de tribus personis divinis contra haereticos disputatum est, et ex quo tempore demonstrationes catholici dogmatis satis amplae supersunt, adeoque pro labente saeculo IV. et deinceps posse confici, versiculum iam in multis codicibus graecis et inde etiam alicubi in latinis defuisse.

Silentio hic praeterire nolo, quod de s. Leone M. iactant adversarii. «Leo M., inquit Griesbach (p. 13), universum contextum exscribit, sed hunc versiculum transilit in celebri epistola ad Flavianum in graecum sermonem conversa et in Cone. Chalcedonensi praelecta». Si ita esset, necessario dicendus esset Pontifex ad Graecos scribens versiculum consulto praeteriisse; nam in codicibus latinis medio saeculo V. versiculum non exstitisse, absurda esset suspicio. Tribus decenniis post scriptam epistolam ad Flavianum videmus textum in lectione communi Ecclesiarum Africae; legebatur idem testimonium in Hispauia et in Gallia; duabus generationibus post Leonem in Italia illud habuit Cassiodorus (1) in codicibus certo vetustis et emendatissimis; deinceps apparet in lectione communi totius Ecclesiae latinae; quomodo ergo Leoni Pontifici testimonium fuisset incompertum? At enim ex epistola ad Flavianum nihil aliud conficies, nisi quod ordo versiculorum 7^e et 8^e in codicibus Leonis, ut penes alios Patres, fuerit inversus. Citat scilicet Pontifex v. 6^m et ei connexum 8^{um}; ad 7^{um} vero, qui post 8^{um} nostrum sequebatur, non perrexit, quia nihil ad eius scopum pertinebat. Propositum ei erat contra Eutychianos demonstrare veritatem humanae naturae Christi, quae v. 6. et 8. connexis, non autem subséquente 7^o declaratur (ep. Leonis 28. al. 24. ad Flav. c. 5).

3°. Nihil amplius adversarii proficiunt ex versionibus antiquis quam ex codicibus graecis et ex auctoritate Pa-

(1) Cassiodori pater fait in comitatu Leonis, quando impetum Attilae repressit.

trum. Seponantur imprimis versione» aethiopica, amena(1), syriaca philoxeniana et aliae syriacae posterioris recensio- nis, arabicae, slavica; quidquid enim sit de primitiva ea- rum lectione, sunt omnes factae ex textu graeco saeculi IV ad IX, qua aetate concedimus iam in multis exemplaribus graecis nostrum comma defuisse. Coptos iam saec. III. vel ineunte IV. Scripturas sacras habuisse in suam linguam con- versas, colligunt eruditi ex quibusdam factis historiae ec- clesiasticae; sed nemo, puto, sibi arrogabit iudicium certum de primitivo eius statu. Si in uno alterove codice nostris Criticis noto versus 70' deest, huiusmodi lacuna facile postliminio ex codicibus graecis induci potuit. Similis est ratio quoad versionem *simplicem* syriacam. In eius codici- bus, quos nostri eruditi hucusque noverunt, etiam libri deuterocanonici V. et N. T. (2 Pet. 2 et 3 Io. Iud. Apoc.) desiderantur, quos tamen constat saeculo IV. tempore s. Ephrem adhuc in ea exstitisse (cf. Tract, de Scriptur. th. XV.) Nihil ergo mirandum, si etiam quoad hanc le- ctionem 1. Io. V. 7. aliqua perturbatio a Graecis ad Syros permeaverit. Haec certo ita esse, demonstrare non possumus; sed neque id operis in nos suscepimus; demonstrationem adversarii pollicentur, et ad eam sane tenentur ipsi, qui lectionem totius Ecclesiae eamque ex longo iam tempore etiam schismaticis ipsisque Protestantibus communem in- terpolationis arguunt, et ex ss. librorum editionibus eli- minatam vellent. Nobis abunde satis est ostendisse, ex principiis catholicis genuinitatem demonstrari, et ex prae- sidiis omnibus criticis, etiamsi interim Protestantium falsa principia theologica transmittantur, non posse demonstrari interpolationem.

Est sane animadversione digna Protestantium variatio sicut in aliis ita etiam in sententia de hoc apostolico te- stimonio. Nihil omnino novi repertum est contra genuinita-

(1) In multis codd. armenis v. 7 deest, non tamen in omnibus (Card. Mai Nov. Bibl. PP. T. I. P. II. p. 7). Citabatur etiam ineunte saec. XIV. in Conciliis Armenorum Sisqnsi et Adanensi, quorum Acta armeniaco et latine edita sunt a Galano T. I. P. I. Conciliat. Ecclesiae Arm. cum Romana. Ibi p.461. 478.

tem lectionis, quod ineunte saec. XVIII. Millio, Bengelio ceterisque non esset plene compertum, si excipias aliquot codices graecos recentius collatos, ex quibus nullum novum pondus accedit argumentis contrariis. Nihilominus tamen quamdiu dogma ipsum testimonio enuntiatum non vocabatur in dubium, eruditi illi Protestantes, licet destituti catholico principio traditionis et auctoritatis, nescio quo subobscuris sensu christiano ducti, velut reliquiis ab Ecclesia catholica derivatis, intelligebant (1), maioris esse momenti universalem et constantem usum lectionis ecclesiasticae, quam ut eius auctoritas pro genuinitate textus dogmatici oppositis illis argumentis maximam partem mere negativis labefactari possit. Hinc ab exeunte saec. XVI usque ad ultima decennia saeculi elapsi fere soli Sociniani una cum re enuntiata etiam testimonium reiiciebant; Protestantes ceteri adhuc retinentes dogma Trinitatis etiam genuinitatem testimonii auctoritate versionis latinae strenue defendebant, ita ut negatores quandoque etiam in crimen haereseos vocarent; quemadmodum Michaëlis sibi accidisse conqueritur (l. c. sect. 1). Postquam vero dogma ipsum primum per cuniculos impugnari, deinde praevalente Rationalism^o aperte reiici coepit a plerisque Protestantium doctoribus; tura demum non nova argumenta, quae, ut dixi, nulla prorsus habent, sed illas pridem iam notissimas difficultates exaggerare aggressi sunt, quibus testimonium primo dubium, deinde prorsus spurium proclamarent. Quae quidem historia controversiae ostendit, multo magis praeiudi-

(1) Bengel Protestans de hoc testimonio ita loquitur: « Mirabilis est dispensatio divina non solum in toto verbo sed etiam in singulis eloquiis, quae instar siderum varios ortus et occasus habent. Eamque in hoc maxime loco gravissimo observare fas est, quia factum esse credas, ut testimonium clarissimum de SS. Trinitate extremo aevo Iohanne quasi apex apostolici testimonii ederetur. Atque id paulo postquam editura erat, absconditum quodammodo fuit. Itaque Graecis non perinde lectum est... idem autem latine propagatum martyres in Africa potissimum ulteriore corroboravit... Sic Ioannes Socinismum, Antichristianismum etc. hoc versiculo, non dicemus primitus latine conscripto, sed hactenus certe Latinorum potissimum opera conservato redarguit » Appar. in h. l. §. 28.

- S O -

ciis et errore dogmatico quam argumentis criticis eos in hanc sententiam descendisse.

Hoc vero magis mirandum, quod nonnulli etiam eruditi Catholici vel eis in negando consenserint (1), vel certe alicubi genuinitatem aperte affirmare ac tueri vix audeant.

THESIS V.

Demonstratio SS. Trinitatis ex 1. Io. V. 7.

a In doctrina s. Ioannis 1. Io. V. 6-9 declarato nexu inter testimonium Spiritus pro Christo Deo et homine v. 6, inter testimonium trium in terra pro vera Christi humanitate v. 8, et inter testimonium trium in coelo, Patris, Verbi et Spiritus Sancti, qui tres unum sunt v. 7; ex » hoc ipso loco demonstratur trium personarum realiter distinctarum unitas secundum divinam essentiam. »

I. Dicemus primum de nexu versus 6ⁱ cum commate 7^o et 8^o. Ad hoc autem necesse est inquirere scopum, quem Ioannes in epistola praefixum habuit, ac porro determinare sensum tum testimonii tum verborum *aquae* et *sanguinis* et *spiritus*, de quibus in isto v. 6^o agitur. Inde vero etiam significatio testantium v. 8^o intelligenda est, quoniam et ibi tres testes nominantur *spiritus*, *aqua* et *sanguiis*.

Scopus praecipuus Ioannis Apostoli sicut in suo Evangelio ita etiam in hac epistola velut Evangelii introductione is est, ut doceat ac praedicet, « quia Iesus est Christus Filius Dei » Io. XX. 31, id quod initio statim epistolae sicut initio Evangelii apertissime declarat, et in utriusque scripti progressu ubique repetit et inculcat (cf. cl. P. Patrii opus praestantissimum in Evangelia 1.1. c. 4. n. 46 sqq.).

(1) Inter Catholicos labente saec. XVII primus post Concilium Tridentinum Richardus Simon directe argumenta proposuit contra genuinitatem versiculi (Critique du N.T. T. II. c. 18). Nullos illa aetate adhuc reperit approbatores, censores vero severissimos (cf. Bossuet Seconde Instr, sur le N. T. de Trévoux T. IV. p. 609). Quamquam ne ipse quidem Simonins authentiam versiculi explicite negare ausus est; imo etiam fatetur, eaius auctoritate Ecclesiae confirmari et esse admittendam: « Il n'y a que l'autorité de l'Eglise qui nous fasse aujourd'hui recevoir ce passage comme authentique. Les Grecs mêmes qui sont ennemis des Latins, s'accordent là dessus avec eux » (ib. p. 217).

S. Irenaeus hunc scopum Ioannis distinctius exponit l. III. c. 11. Haeretici scilicet, falsi nominis scientiae inventores (1. Tim. VI. 20. cf. Coloss. II), a quibus Gnosticorum sectae propagatae sunt, multitudine inducta Aeonum (ad praesens quod adtinet) alium Verbum, alium Christum, alium Salvatorem appellabant, alium Iesum visibilem, quem aliqui merum hominem alii ne hominem quidem ex Maria Virgine vere genitum admittebant. Omnes vero conspirabant negando, Iesum ipsum esse Filium Dei, aut esse Christum; sed alii aliter Aeonein Christum aut Salvatorem in baptismo specie columbae in Iesum descendisse et tempore passionis ac mortis iterum in coeleste pleroma avolasse fabulabantur. « Hanc fidem annuntians Ioannes Domini discipulus volens per Evangelii annuntiationem auferre eum, qui a Cerintho insemminatus erat hominibus errorem et multo prius ab his qui dicuntur Nicolaitae, qui sunt vulsio eius quae falso cognominatur scientia, ut confunderet eos, et suaderet, quoniam unus Deus qui fecit omnia per Verbum suum; et non quemadmodum illi dicunt, alterum quidem fabricatorem (ozpcupcv), alium autem Patrem Domini, et alium quidem fabricatoris filium, alterum vero de superioribus Christum, quem et impassibilem perseverasse, descendentem in Iesum filium fabricatoris, et iterum revolasse in suum pleroma... Omnia igitur talia volens circumscribere discipulus Domini..... inchoavit in ea quae est secundum Evangelium doctrina: In principio erat Verbum.... Secundum autem illos neque Verbum caro factum est, neque Christus, neque qui ex omnibus factus est (collata velut stipe ab omnibus Aeonibus) Salvator. Etenim Verbum et Christum nec advenisse in hunc mundum volunt; Salvatorem vero non incarnatum neque passum, descendisse autem quasi columbam in eum Iesum qui factus esset ex dispositione, et cum annuntiasset incognitum Patrem, iterum ascendisse in pleroma.... Alii rursum Iesum quidem ex Ioseph et Maria natum dicunt, et in hunc descendisse Christum qui de superioribus sit, sine carne et impassibilem existentem. Secundum autem nullam sententiam haereticorum,. Verbum Dei caro factum est » Iren. l. c. n. 1. 3.

Quamvis vero haec portenta quadraginta circiter annis, qui a scriptione Evangelii et epistolarum Ioannis usque ad Valentinum Gnosticum effluxerant, varie disposita et exculta fuisse non sit dubium ; principia tamen ac semina huius falsi nominis scientiae in Asia minori iam aetate Ioannis Apostoli sparsa fuisse, tum per se probabile est, tum ex testimonio vetustissimorum Patrum, tum ex ipsa forma et ex modo scribendi Apostoli certum redditur (cf. P. Patritium l. c. n. 11 sqq.).

Iam ex ipsa obvia lectione constat, eo spectare hoc etiam postremum caput epistolae v. 4-13. 20, ut doceatur, illum ipsum Iesum qui visibilis apparuit, esse et verum hominem et Christum verumque Filium Dei. « Haec est victoria quae vincit mundum, fides nostra. Quis est qui vincit mundum, nisi qui credit, quoniam Iesus est Filius Dei? » Sequitur inductio, testimonii *re.alis* et testimonii *formalis* de Iesu vero homine et vero Christo Filio Dei. « Hic est qui venit per aquam et sanguinem, Iesus Christus; non in aqua solum sed in aqua et sanguine. Et Spiritus est, qui testificatur, quoniam Christus est veritas ». Locus est obscurus, eo quod plures admittit sensus, inter quos nobis quibus non omnia adiuncta erroris confutandi comperta sunt, sensum unice verum determinare difficile est; Patres etiam et interpretes in diversas abeunt sententias.

Si probari certo posset, Apostolo observatam esse damnationem illius haereseos, quae comminiscebatur, Christum in Iesum baptizatum specie columbae descendisse et completo praedicationis ministerio, in passione ac morte Iesu impassibilem iterum revolasse in suum pleroma coeleste; in hac inquam hypothesis, locus commodissime intelligeretur in hunc sensum : hic tamquam una persona quae est Iesus verus homo et Christus Filius Dei, venit ac manifestatus est tum in baptismo, quo suam vitam publicam et completionem redemptionis nostrae initiare voluit, tum in sua passione ac morte; non solum Christus Filius Dei venit in baptismo super Iesum hominem, discessurus ab ipso sub tempus mortis ; sed una persona Iesus Christus venit et manifestata est non in aqua (baptismo) solum, sed in aqua

et sanguine (sanguinis effusione ac morte). Indicant hunc sensum Tertullianus (de Baptismo c. 16), Beda, Oecumenius, Anselmus Laudunensis (glossainterlinearis) in h. l. Verumtamen probabilior et simplicior videtur interpretatio alia, qua non solum sanguinis, sed etiam *aquae effusio in cruce*, non autem baptismus nomine *aquae* intelligitur. Ita senserunt Athanasius (contr. Apollin. 1. I. n. 18), Augustinus (contr. Maximin. Arian. 1. II. c. 22. n. 3), Eucherius Lugdun. (qq. in Vt. et N. T. Bibi. Max. PP. T. VI. p. 853), Strabo (in glossa ordinaria), Innocentius III. (de celebr. Missarum cap. in quadam l. III. tit. 41. c. 8) et alii. Sane coniunctio haec ipsa aquae et sanguinis videtur omnino congruere cum testimonio Io. XIX. 34. 35, praesertim si adtendatur, pari sollicitudine utroque loco tum epistolae tum Evangelii hanc rem inculcari, quod de perfosso latere Christi exivit sanguis et aqua: «continuo exivit sanguis et aqua; et qui vidit, testimonium perhibuit, et verum est testimonium eius; et ille scit quia vera dicit, ut et vos credatis. »

Porro dubium est de sensu ultimi incisi: «spiritus (το πνεῦμα) est, qui testificatur, quoniam Christus est veritas. » Imprimis dubitari potest de vera lectione. Nam graecus textus editus nunc habet: « οτι το πνεῦμα εστιν ἡ ἀλῆθεια, quoniam Spiritus est veritas. » Sed tam in codicibus graecis et latinis quam apud Patres lectio est varia; alii habent Χριστο alii πνεψ,α. In lectione latina vulgata obiectum testificationis est, quod *Christus est veritas*: non apparens tantum homo, ut aiebant docetae, nec merus tantum homo, in quem descenderit Christus; sed idem verus homo et verus Filius Dei. « Licet secundum hominem sit passus, ait Anselmus Laudunensis (glossa inierim.), tamen Spiritus visus super eum baptizatum in specie columbae, vel spiritus i. e. omnis spiritualis doctor testatur hoc, quod Christus est veritas, verus Dei Filius non phantasma, »

Praeterea nomine *spiritus*, cuius testimonium versu hoc 6°. inducitur una cum aqua et sanguine, quid proprie intelligi debeat, iterum variae sunt sententiae. Cum coniungatur testimonium ab hisce tribus, ab aqua, sanguine

et spiritu, videtur postulari, ut tum aqua et sanguis tum spiritus eadem significatione accipiatur, qua v. 8 dicuntur *a* tres, qui testimonium dant in terra: spiritus et aqua et sanguis, *n* Ibi vero Athanasius, Augustinus, Euclerius Lugdunensis, Walafridus Strabo, Innocentius III, locis paulo ante indicatis intelligunt spiritum, quem Christus in cruce emisit, *a* Sane falli te nolo in epistola Ioannis Apostoli, ubi ait: tres sunt testes, spiritus et aqua et sanguis, et tres unum sunt... tria novimus de corpore Domini exisse, cum penderet in ligno, primo spiritum, unde scriptum est: et inclinato capite tradidit spiritum, deinde quando latus eius lancea perforatum est, sanguinem et aquam *n* Aug. contr. Maximin. 1. IL e. 22. n. 3. Sicut de aqua et sanguine ex latere Christi effuso, ita etiam haec de spiritu in cruce emisso interpretatio suaderi potest cum Eucherio inde, quod Ioannes etiam in Evangelio (Io. XIX. 30. 34. 35) aquam et sanguinem effusum coniungit cum spiritu emisso velut testimonium reale humanitatis Christi. Ibi enim, postquam dictum est: « inclinato capite tradidit spiritum (παρε^ωκε το π.ν-υυ.α) *n*, mox connectitur una orationis serie historia perfossionis lateris Christi: « et continuo exivit. sanguis et aqua. »

At licet haec probabilia sint quoad *spiritum*, qui nominatur in epistola nostra v. 8; verba tamen versiculi 6', ut nunc sunt: *u* et spiritus est qui testificatur, quoniam Christus est veritas », difficillime, in lectione autem altera: *u* quoniam Spiritus est veritas *n* | nullo modo possunt intelligi de anima Christi, sed omnino cum testimonio reali aquae et sanguinis videtur coniungi testimonium formale Spiritus Sancti. In tali vero coniunctione cum aqua et sanguine testificans Spiritus potest intelligi Spiritus Sanctus loquens per Apostolos et per homines testantes (1). Hoc

(1) Cf. *u* Cum venerit Paraclitns, quem ego mittam vobis a Patre, Spiritum veritatis...ille testimonium perhibebit de me, et vos testimonium perhibebitis, quia ab initio mecum estis » Io. XV. 26. 27. « Non vos estis qui loquimini, sed Spiritus Patris vestri qui loquitur in vobis » Mt. X, 20. « Qui habet aurem, audiat quid Spiritus dicat Ecclesiis » Apoc. II, 7. *u* Testimonium Iesu est Spiritus prophetiae » ib. XIX, 10.

modo ioannea etiam in Evangelio cum testimonio reali sanguinis et aquae manantis ex perfosso latere Christi coniungit testimonium Spiritus, nempe suum testimonium apostolicum, et huius veritatem speciali ac insolita sollicitudine inculcat: *a* continuo exivit sanguis et aqua; et qui vidit testimonium perhibuit, et verum est testimonium eius, et ille scit quia vera dicit, ut. et vos credatis, *n* Sic ergo nomine spiritus v. 6^U. et fortasse etiam v. 8["]. potest intelligi *donum* et *effectus* Spiritus Sancti in Apostolis vel generatim in Ecclesia, quod et alibi metonymice Spiritus appellatur. *a* Spiritus i. e. *omnis spiritualis doctor* testatur, quoniam Christus est veritas *r* Glossa interlin. (1). Licet ergo concederetur, eundem nominari Spiritum Sanctum in omnibus tribus versiculis 6. 7. 8; non tamen intelligeretur *eodem modo* testificans v. 6. et 8. sicut v. 7, atque adeo distingueretur testificans in coelo Spiritus Sanctus personaliter ac per se immediate, et testificans in terra per sua dona in Apostolis et in Ecclesia.

Ex his iam apparet, nexum versuum 7[']. et 8[']. cum antecedentibus 5^o. et 6^o. esse arctissimum. Ad illud enim, quod Iesus est Filius Dei, et quod venit in aqua et sanguine, et Spiritus testificatur quoniam Christus est veritas; sequitur v. 7[']. et 8^o. ulterior testificationis explicatio. Obiectum testificationis indicatur duplex, quod Iesus est Christus Filius Dei, et quod est verus homo. Pro utroque distinctim trium adfertur testimonium; sicut etiam Christus Dominus loquens Iudaeis duos induxit testantes Patrem et se ipsum, appellans ad illud: in ore duorum vel trium testium stabit omne verbum (Deut. XIX. 10), et deinceps in ulteriori institutione discipulorum addidit testantem Spiritum Sanctum Io. V. 31-39; VIII. 14-18; XV. 26. Quod itaque Apostolus dixerat de te.

«In hoc cognoscitur Spiritus Dei: omnis spiritus, qui confitetur Iesum Christum in carne venisse, ex Deo est» 1. Io. IV. 2.

(1) S. Bonaventura accipiens cum aliis PP. testimonium spiritus aquae et sanguinis de sacramento baptismi, ait, spiritum posse accipi pro re sacramenti, « et ita non habebit rationem causantis sed potius nomen vel rationem effectus, et ita spiritus non staret pro ipsa virtute influente sed *potius pro ipsa gratia Spiritus Sancti* infusa ipsi animae in sacramento susceptione *r* S. Bonav. in 3. dist. 40. declarat, text. dub. 3.

stantibus paulo obscurius v.6: « hic est, qui venit per aquam et sanguinem Iesus Christus. . . et Spiritus est qui testificatur, quoniam Christus (vel Spiritus) est veritas; » id v. 7^o. et 8^o. distribuit in testimonium in coelo pro divinitate, et testimonium in terra pro humanitate (1), utrobique notans numerum ternarium. « Ioannes Apostolus in epistola sua loquitur dicens: tres sunt qui testimonium dant in coelo, Pater, Verbum, et Spiritus Sanctus, et hi tres unum sunt; per hoc intendens ostendere, quod Christus sit verus Deus. Et tres sunt, qui testimonium dant in terra, spiritus, aqua, et sanguis; per hoc intendens ostendere, quod Christus sit verus homo » Innoc. III; Walafrid. Strabo 11. cc.

II. Quae hucusque diximus, pertinent solum ad determinandum contextum atque sensum v. 6. et S. Nunc tandem veniendum est ad demonstrationem ex v. 7, de qua in praesenti sumus solliciti. Distinctio personarum, quae in formula baptismi demonstrantur significatione nominum et connumeratione trium, hic diserte enuntiatur: Pater, Verbum, et Spiritus Sanctus sunt *tres* testantes. Pariter unitas Patris et Filii et Spiritus Sancti secundum deitatem et absolutam perfectionem, quam in formula baptismi exhiberi ostendimus. hic nomine expresso *unitatis* enuntiatur:

Baptizantes eos *in nomine* — Et hi tres *unum* sunt: Patris et Filii et Spiritus S. — tres sunt qui testimonium dant in coelo, Pater, Verbum, et Spiritus S.

Ie. Res testificanda enuntiata est v. 5. 6, quod Iesus est Christus Filius Dei. Testimonium est duplex; primum *formale*. Nam statim subiicitur v. 9: «Deus (videlicet Pater, nomen enim *Oeus* per additum *de Filio suo* determinatur, ut supponat pro hypostasi) testificatus est de Filio suo». Hoc Patris testimonium de Filio suo, et testimonium ipsius Filii et Spiritus Sancti multipliciter datum est, et a Filio ad illud frequenter appellatum, ita ut modo duae modo

(1) Ordo ntriusque huius versiculi in codd. varius est. in non paucis et etiam apud Patres (ut in Speculo Augustini ed. Mai, apud Vigilium Taps, et Cassiodorum) testimonium in terra v. 7. praeponitur testimonio in coelo v. 8. (vide supra p. 73).

omnes tres personae simul in testificando nominentur, *u* Et vidit Spiritum Dei descendentem sicut columbam et venientem super se, et ecce vox de coelis dicens: hic est Filius meus dilectus (*b* υἱός μου *c* ἀγαπητός) Mt. III. 16. 17; acum venerit Paraclitus quem ego mittam vobis a Patre, Spiritum veritatis qui a Patre procedit, ille testimonium perhibebit de me » Io. XV. 26. cf. ib. XVI. 14. 15; *u* ego sum, qui testimonium perhibeo de me ipso, et testimonium perhibet de me, qui misit me, Pater *n* ib. VIII.18. cf. ib. X. 25 seq.

Altero modo *testimonium reale* de hac veritate, quod «Iesus est Filius Dei,» continetur in hoc ipso, quia Pater, Verbum, et Spiritus Sanctus tres unum sunt. Hoc autem argumentum seu *testimonium reale* dupliciter se habet, a) Per *unitatem* trium ipsum testimonium formale demonstratur divinum, non modo quatenus est a Patre, sed etiam quatenus est a Filio et a Spiritu Sancto, quia Filius et Spiritus unum sunt cum Patre: tres sunt qui testimonium dant, et hi tres unum sunt; unde continuo de hoc trium testimonio infertur: « *testimonium Dei* maius est. » Z) Haec unitas trium per se ipsam exhibet atque adeo non solum verbis sed re testatur *veram et propriam* divinam filiationem Iesu Christi. Nam Verbum caro factum ipsum est Iesus Christus, ut initio Evangelii cui epistola cohaeret, Ioannes demonstravit (Verbum caro factum est, et vidimus gloriam eius, gloriam quasi unigeniti a Patre); sed Verbum est *proprius* Filius Dei per unitatem naturae, quam habet a Patre communicatam, et quam ipsum Verbum cum Patre communicat Spiritui Sancto. Ergo trium unitas demonstrat et per se ipsam realiter testatur, « quoniam Iesus est Filius Dei»; Filius nempe proprius et per naturam unam cum Patre. *a Iesus est Filius Dei* (veritas testificanda): *quoniam tres sunt, qui testimonium dant in coelo, Pater, Verbum, et Spiritus Sanctus* (personae testificantes); *et hi tres unum sunt* (formalis ratio, per quam testificantur).» Quare sicut spiritus, aqua, et sanguis in terra sunt per se ipsa reale testimonium pro vera humanitate Iesu Christi; ita tres in coelo per se ipsos *quatenus unum sunt*, seu per suam unitatem

dicuntur esse reale testimonium pro vera divina filiatione, h. e. pro divina natura Iesu Christi. Ergo quando Ioannes tamquam formalem rationem huius realis testificationis enuntiavit illud, *u hi tres unum sunt*, *n* non potuit intelligere aliam unitatem trium quam naturae. Doctrina igitur Ioannis reducitur ad hoc enthymema. Tres personae in coelo Pater, Verbum (nondum spectata incarnatione), et Spiritus Sanctus unum sunt natura: ergo Verbum incarnatum Iesus Christus est verus Filius Dei per naturam unam cum Patre et Spiritu Sancto.

2'. Quamvis verba Apostoli qui per excellentiam nomen habet theologi, per se ipsa sint clarissima; nihilominus Sociniani et quod sane mirum, etiam aliqui catholici (Placidus Stürmer, Dobmayr etc.) contra vim probationis ex hoc textu reppererunt difficultatem. Incisum «tres unum sunt *n* v. 8, aiunt, non naturae sed moralem tantummodo unitatem indicat, consensum scilicet testimonii; ergo neque ex v. 7. alia unitas demonstrari potest.

Imprimis in inciso: « hi tres unum sunt », inter versiculum 7. et 8. neque parallelismus verbalis indubitatus est, certe non est parallelismus realis. Nam in graecis editionibus (excepta Complutensi) v. 7. est: *εν εις* unum sunt; v. 8. autem: *ει το εν εις* in unum sunt. In Complutensi v. 7. legitur: *ει το i'j εις*; v. 8. hoc incisum omnino deest. Ita etiam in multis codd. latinis solum de testibus in coelo legitur: «et hi tres unum sunt»; de testibus vero in terra omititur. Cuius varietatis praeter codices ipsos qui exstant, testem habemus Concilium Later. IV. (Hard. VII. p. 18). Ita etiam s. Thomas (commentar, in II. decretal, de errore abb. loachim ed. de Rubeis T. VIII. p. 94) ad v. 8. ait: «in quibusdam libris attexitur: et hi tres unum sunt; sed hoc in veris exemplaribus non habetur, sed in quibusdam libris dicitur esse appositum ab haereticis Arianis ad evertendum intellectum sanum auctoritatis praemissae (v. 7) de unitate essentiali trium personarum». Alibi v. 8. legitur: *u et hi tres in nobis sunt* », ut penes auctorem libri adversus Varimadum (Bibi. Max. T. V. p. 729); auctor l. de bapt. haeretic. saeculo III. legit latine, sicut est in graeco:

« et isti tres *in unum* sunt; » alibi additur instar explanationis: «hi tres unum sunt in Christo Iesu», ut in Speculo Augustini (ed. Maii); cf. Cassiodorum seu interpretem commentarii Clementis Alex, in 1. Io. (Bibl. Max. T. III. p. 234). Cassiodorus ipse in Complexionibus ed. Matfei p. 145 incisum v. 8. omittit, et v. 7. ponit interpretationem: « et hi tres unus est Deus ». Haec ostendunt, magnum semper discrimen saltem in sensu fuisse agnitum quoad verba « unum sunt » inter v. 7. et v. 8. Ceterum lectio v. 8. *εἰ ζζ ἐν εἰσι*, videtur satis certa tum ex Patribus graecis tum ex codicibus. In v. 7. autem iuxta Patres et codices latinos, a quibus hic textus nobis conservatus est, et ex collatione cum Io. X. 30 (*ἐν ἑσμεν*) vera censenda est lectio *ἐν εἰσι*, ut citatur a Concilio Later. IV. etiam in versione graeca (Hard. 1. c.), et exstat in cod. graeco Dublinensi Coll. SS. Trinitatis (1) (qui videtur esse idem cum codice britannico Erasmi), atque in editis etiam penes schismaticos Graecos (vide Professionem fidei orthodoxae probatam a quatuor Patriarchis aliisque Episcopis schismaticis ed. Lipsiae P. I. q. 9. p. 25).

Hoc posito in verbis ipsis manifestum est, aliam unitatem enuntiari Patris, Verbi et Spiritus Sancti, et aliam spiritus, aquae et sanguinis. Pater, Verbum, Spiritus Sanctus dicuntur tres esse *unum* simpliciter; spiritus, aqua, et sanguis dicuntur esse *in unum*, pertinere scilicet ad unam eandemque veritatem demonstrandam ac testandam, sive esse unum testimonio.

Concedamus vero parallelismuni verbalem, qualis in nostra Vulgata utique exstat, ut utrobique dicatur: «et hi tres unum sunt»; parallelismus tamen realis sane negari debet. Subiectum in utroque commate est diversissimum, in priori Pater, Verbum et Spiritus Sanctus; in altero spiritus, aqua et sanguis. At pro diversitate subiectorum modificatur etiam significatio praedicati, maxime si subiectum in una propositione sit Deus, in altera aliquid creatum; quis enim dicat idem significari e. g. praedicato sapientiae in duplici

(1) De hoc codice legi possunt vindiciae apud Caroluin Forster Anglicanum Opor. cit. c. XI.

propositione: Deus est sapiens, – homo est sapiens? Iam significatio subiecti in versu 7° est evidens saltem eatenus, quod Pater est verus Deus, quod Verbum et Spiritus Sanctus non sunt adtributa divina, sed sunt realiter distincti tum a Patre tum inter se; dicuntur enim esse «hi tres». Sunt igitur per se subsistentes, et cum ex ipso nomine *Verbum et Spiritu» Sanctus* (ne nunc ad universam Scripturarum doctrinam appellemus) demonstrentur esse naturae intellectualis, sunt tres personae. Tres itaque personae, quarum una nemine ne haeretico quidem diffitente certe Deus est, praedicantur *unum esse*; idque non *subnumerando* sed evidenter *connumerando* tres personas: *hi tres unum sunt* (vide Coroll. J. ad th. III). De tali autem *connumeratione personarum* certissimum est principium s. Augustini. Affirmat Augustinus principii instar hermeneutici et dogmatici, numquam in Scripturis praedicari *unum simpliciter*, quorum diversa est substantia (1). S. Thomas illud restringit ad hunc sensum, numquam *Deum et creaturam* dici *ïinum* simpliciter (S. Th. in Io. X. 30. lect. V*). Bellarmino (de Christo l. I. c. 6.) visum est principium etiam hoc sensu minus firmum; sicut enim dicitur: «qui adhaeret Domino, unus spiritus est» 1. Cor. VI. 17; ita ait posse etiam dici: *unum est cum Deo*; «nam unus spiritus est una res, una res et *unum* idem sunt». At imprimis (pace tanti viri dictum sit) spiritus ibi non est substantia, sed est supernaturale donum fidei, spei, charitatis a Christo derivatum, intellectus Christianus, voluntas christiana, quod Paulus alibi dixit: «nos sensum Christi habemus», et iterum: «hoc sentite in vobis, quod et in Christo Iesu» (1. Cor. II. 16; Phil. II. 5.) Hoc autem sensu «unus spiritus» cum Christo certe non idem significat ac «una res cum Christo, et *unum* simpliciter». Si

(1) a Tu si vis aliquid respondere, ostende secundum Scripturam sanctam de aliquibus rebus dici, unum sunt, quarum est diversa substantia... Potest ergo quisquam Sanctorum dicere, ego et Deus unum sumus? Absit hoc a cordibus et oribus sanctis. Puto autem, quod et vos, a quocumque hoc audiatis, horrescitis » Aug. contr. Maximin. Arian. l. II. c. 22. n. 2. cf. ib. l. I. c. 12.; Serm. 140. n. 4.

vero Spiritus intelligeretur ut causa, tuin sane Spiritus Domini inhabitans in iustis et Dominus, seu Spiritus Filii et Filius simpliciter *unum* sunt. Ita explicuit Pseudo Ambrosius in commentario h. 1. In iustis, inquit, *u* Spiritus Dei est communis cum Deo et hominibus. Cum hac interpretatione conferri possunt loca omnia, in quibus de communicatione et inhabitatione Spiritus Sancti sermo est, ut illud: « quicumque Spiritu Dei aguntur, ii sunt filii Dei » Korn. VIII. 14. Ceterum inter *unum* simpliciter dictum et inter locutiones determinantes, *in quoniam plura unum sint*, differentia magna in eo est, quod *unum* sine addito dictum habens notionem simplicissimam non admittit plures significationes; si vero habet aliquod additum, hoc potest esse huiusmodi, ut accipi queat significatione, qua species unitatis determinetur non substantialis sed accidentalis, cuiusmodi nomen est etiam illud 1. Cor. VI. 17. *unus spiritus*. Lege de his s. Augustinum contra Maximin. 1. II. c. 20. n. 1.

Porro quamvis locutione valde impropria forte dici posset *homo unum cum Deo*, principium Augustini adhuc maneret verissimum, ubi agitur *de usu loquendi biblico* et *de connumeratione personarum*, quarum una est Deus; quod scilicet in Scripturis numquam *persona* aliqua praeter Filium Dei et Spiritum Dei connumeratur cum Deo Patre vel cum Deo ita, ut Deus et persona illa dicantur esse *unum*. Imo etiam praescindendo ab usu loquendi Scripturarum uuiversim evidens est, personas quarum una certe est verus Deus, non posse *connumerari* in eadem linea dignitatis, quin praedicatum *u unum sunt n* sumatur ontologice de unitate *entis* seu *Esse* divini; sicut h. 1. dicitur: *tres sunt, qui testimonium dant in coelo, Pater, Verbum, et Spiritus Sanctus*.

Quod dicimus de usu loquendi biblico, constat inductione et consideratione locorum Scripturae Io. XVII. 11. 20. 21 (cf. Aug. contr. Maximin. 1. c.); 1. Cor. VI. 17; 1. Io. V. 8, quae potissima ab Arianis et ab Unitariis obiici consueverunt ad obscurandum hoc testimonium 1. Io. V. 7.

Ratio principii, quo sensu illud uuiversim evidens esse

diximus, facile patet, quia scilicet ipsa tali connumeratione declaratur personarum aequalitās in aliqua linea perfectionis vel dignitatis; sed aequalitas cum Deo (nam una ex personis connumeratis supponitur esse Deus) enuntiari non potest per praedicatum, *unum sunt*, quin hoc sumatur in suo sensu proprio, quo significat *unum ens* (1). Unitas enim aequalitatis cum Deo nulla cogitari pote&t, quae *realiter* non sit unitas *essentiae*; secundum nostras autem distinctiones rationis, unitas essentiae est prima et fundamentalis, quae omni unitati ratione distinctae supponitur, et quacum omnis alia unitas e. g. adtributorum absolutorum, actionum et relationum ad extra identificatur. Unde qui ad sententiam: « Pater, Verbum, Spiritus Sanctus, tres unum sunt », addit explicationem: unum sunt potentia, voluntate, auctoritate testimonii, is vel intendens excludere unitatem essentiae absurde loquitur de divinis, vel realiter idem dicit, quod est unitas essentiae, dum unitatem considerat in adtributis et actionibus ad extra, quae non nisi nostro modo cogitandi et ratione distinguuntur ab essentia. Sicut igitur in propositione: « Pater, Verbum et Spiritus Sanctus testimonium dant in coelo », ipsis nominibus et ipsa connumeratione in numero plurali iam docetur distinctio, quae deinde explicite enuntiatur per particulam « *tres sunt n* »; ita ipsa connumeratione Verbi et Spiritus Sancti cum Deo Patre in eodem ordine dignitatis iam unitas divinitatis trium distinctorum continetur, et haec unitas explicite ac diserte edicatur declaratione: « hi tres *unum sunt n*.

Contra vero subiectum versiculi 8'. « spiritus, aqua et sanguis », alterius plane est rationis. Aqua et sanguis certe nec personae sunt, multoque minus personae divinae, sed sunt res creatae. Quomodocumque ergo intelligatur sub-

(1) « Unum dicitur sicut *ens*, unde sicut aliquid non dicitur ens simpliciter nisi secundum substantiam, ita nec unum nisi secundum substantiam vel naturam. Simpliciter autem aliquid dicitur, quod nullo addito dicitur. Quia ergo simpliciter dicitur: ego et Pater unum sumus, nullo alio addito, manifestum est, quod sunt unum secundum substantiam et naturam. Nunquam autem invenitur, quod Deus et creatura sint unum sine aliquo addito, sicut illud 1. Cor. VI. 17: qui adhaeret Deo, unus spiritus est » S. Thomas in Io. X. lect. V.

iectum alterum *spiritus*, praedicatum « unum sunt » non potest habere eandem significationem ac commate 7°. in connumeratione Patris, Verbi, et Spiritus Sancti. Si deinde textus graecus consulitur: « εἰς ἓν *liai* in unum sunt, » apparet, non tam inter illa tria quam rei testificandae enuntiari unitatem ; unde etiam in textu latino illa tria intelligi debent unum testificatione. Haec autem unitas testimonii in divinis quidem supponit unitatem eamque numericam naturae, in creatis autem nec numericam nec specificam unitatem postulat.

Ad difficultatem ergo propositam, in qua dicebatur : per illud « tres unum sunt » v. 8 indicatur unitas moralis in testando ; ergo non alia indicatur v. 7 verbis eisdem ; respondetur a) negando consequentiam. Subiecta enim sunt in utroque commate diversissima, et ideo etiam diversa est significatio praedicati « unum sunt ». b) Quatenus tres in coelo, Pater, Verbum, et Spiritus Sanctus exhibent testimonium *reale* et demonstrationem, quod Verbum incarnatum est verus Filius Dei; hoc testimonium non exhibent nisi unitate naturae, quia scilicet Verbum est Deus et unius naturae cum Patre et Spiritu Sancto. Ideo verbis «tres unum sunt», quibus continetur, cur et quomodo exhibeant tres personae testimonium pro Iesu Christi vera filiatione divina, non aliud potest significari, quam trium unitas secundum naturam divinam, c) Quatenus tres personae in coelo dant testimonium *formale* pro filiatione divina Iesu Christi, auctoritas huius testimonii una est, quia una est trium natura. « Pater meus usque modo operatur, et ego operor... non potest Filius a se facere quidquam, nisi quod viderit Patrem facientem ; quaecumque enim ille fecerit, haec et Filius similiter facit » Io. V. 17-23. « Verba quae ego loquor vobis, a me ipso non loquor ; Pater autem in me manens, ipse facit opera » ib. XIV. 10. « Cum autem venerit ille Spiritus veritatis, docebit vos omnem veritatem, non enim loquetur a semetipso, sed quaecumque audiet loquetur... Ille me clarificabit, quia de meo accipiet et annuntiabit vobis. Omnia quaecumque habet Pater, mea sunt. Propterea dixi de meo accipiet, et annuntiabit vobis » ib.

XVI. 13-15. Quod ergo dicitur: « tres unum sunt *n*, continet rationem, cur sicut omnis operatio ad extra una est trium, ita unum sit testimonium, quo testantur tres, Pater, Verbum Patris, et Spiritus Patris ac Filii; ratio videlicet est unum seu unitas *essentiae* (1).

3^o. Confirmatur sensus genuinus hactenus vindicatus, collatione cum sequentibus.

Etenim cum versiculo 7^o. proxime nectitur v. 9. « Si testimonium hominum accipimus, *testimonium Dei* maius est (cf. Io. V. 32 sq. ; VIII. 17. IS); quoniam hoc est testimonium Dei, quod maius est (2), quoniam testificatus est de Filio suo. Qui credit in Filium Dei, habet testimonium Dei in se. » De Iesu Filio Dei vero appellaverat testimonium trium distinctorum, Patris, Verbi et Spiritus Sancti; sed simul declaraverat: *a* hi tres unum sunt. » Nunc illud testimonium *trium* dicit testimonium *Dei unius*; atque adeo illud: *a* hi tres unum sunt, _{ii} aequivalet propositioni alteri: *u* hi tres unus Deus sunt, » Unde Cassiodorus, qui in Complexionibus cum pluribus codicibus et Patribus versum 7^m postponit nostro 8^o, et ita etiam collocatione materiali verborum servat connexionem, recte incisum *u* unum sunt » circumscribit per hoc alterum: *u* et hi tres unus est Deus. » Ipse igitur Apostolus rationem, qua tres unum sint, declarat: quod tres distincti Pater, Verbum, et Spiritus Sanctus sunt *unus Deus*, ac proinde unum sunt unitate naturae divinae, quae nullam admittit multiplicationem.

Declaravimus testimonium Dei v. 9, ut testimonium *Dei unius absolute spectati*; contra hanc explicationem cuiuspiam difficultas oriri posset ex iis, quae Ioannes subdit: « testimonium Dei, quoniam testificatus est *de Filio suo n*, ubi

(1) *u* Fieri nullo modo potest, ut Filius aliquid faciat, quod Pater non faciat. Omnia enim quae Pater habet, sunt Filii, quemadmodum vicissim omnia quae Filii, sunt Patris. Nihil igitur (absoluti) est proprium, quia omnia communia, quia ipsum *Esse* commune est et aequale, etsi Filio sit a Patre» οὐδὲ > οὐ·/ l'δίου, οἱ :<οἱ/α παζτα, *imi* -/ai αὐτὸ το .ivai zcizov zai oaoriuoy, Ji καὶ τω ὧω ~απα του πατρο Gregor. Naz. or. 30. al. 36. η. 11.

(2) In textu gr. omissis verbis «quod maius est:» ὅτι *iusr̄i ἰσην* ¶ μαρτυρία του Στου, ην /zsfXMgTupjzi ffsfi του ὁιον ἄντον.

evidenter intelligitur testimonium *Dei Patris*. At non *Deus* per se est nomen non relativum (neque enim dicit habitudinem ad alterum) sed absolutum, significans divinam naturam per modum concreti quidem atque ideo per modum hypostasis, sed sine determinatione huius vel illius personae distinctae. Cum ergo tres sint unus *Deus* tum singuli tum omnes simul, nomen *Deus* sine addita determinatione non supponit pro una persona distincta ab aliis, sed significat deitatem subsistentem in tribus personis. Quia tamen personae singulae sunt *Deus*, per additam proprietatem personalem nomen *Deus* determinatur, ut supponat pro una persona, cuius proprietas exprimitur (vide supra p. 31 sq.). Sic in propositione: *Deus generat Deum*, subiectum determinatur ad suppositionem pro sola persona Patris per additam proprietatem generationis activae, et praedicatum supponit pro sol.) Filio, propter inclusam proprietatem generationis passivae (το /ew/ircv). Hinc patet, absque ulla confusione vel obscuritate in eodem contextu posse nomen *Dei* accipi nunc absolute pro Deo, qui est unus et trinus, nunc cum determinata suppositione pro una persona; neque enim hac varietate significatio nominis mutatur, quae semper manet eadem, naturae scilicet divinae per modum subsistentis; sed solum fit transitus ab indeterminata suppositione ad suppositionem distinctam, quae per additam rationem personalem clare exprimitur. Ita etiam in creatis nemo dixerit, hanc orationem esse obscuram: homo indiget gratia ad fidei confessionem, ergo homo confitens: tu es Christus Filius Dei vivi, gratia illustratus et confortatus erat; quamvis nomen *homo* a suppositione confusa transeat ad suppositionem determinatam pro Petro. Quibus positis nemo negaverit, in priori inciso v. 9: *u* testimonium Dei maius est, *n* nomen *Deus* sumi absolute, testimonium scilicet Dei Patris, Verbi et Spiritus Sancti, qui tres unum sunt; in inciso autem altero: *u* quoniam (Deus) testificatus est *de Filio suo*, *n* subiectum *Deus* supponere pro sola persona Patris.

Ex his constat, a) prorsus unum idemque esse testimonium seu eundem actum testificationis (τ,ν μαρτυρίαν), sive dicatur Patris, sive Filii, sive Spiritus Sancti,

sive simul Patria , Filii et Spiritus Sancti; ac proinde actum ad extra esse unum et realiter communem tribus personis, quia non agunt, quatenus personae sunt distinctae per relationem ad invicem , sed quatenus sunt unus Deus, δ) Quoniam actus seu operatio in Deo est ipsamet natura divina cum connotatione termini *ad extra*; hoc ipso per unitatem testimonii, quod prorsus unum idemque est, sive dicatur unius sive alterius sive trium personarum, manifestissime velut *consequens* exprimitur unitas naturae in tribus personis, c) Obiter animadvertes iterum, quod diximus in thesi praecedenti, contextum vix aut ne vix quidem sibi consistere, si desit comma 7^m de testimonio trium in coelo. Quando enim v. g. dicitur: testimonium Dei (de divina filiatione Iesu Christi) maius est, supponitur praecessisse narrationem de existentia *huius testimonii Dei*; haec vero narratio nullibi exstat nisi in 7^o. commate.

Coronidis loco opportunum videtur oculis subiicere parallelismum huius loci nunc explicati 1. Io. V. 5-13, cum textibus Io. I. 1-18 ; X. 25-38 in thesi III. declaratis.

Io. I.	1 Io. V.	Io. X.
In principio erat Verbum... Et Verbum caro factum est, et vidimus gloriam eius gloriam quasi Unigeniti a Patre v. 1. 14.	Quis est qui vincit mundum, nisi qui credit, quoniam Iesus est Filius Dei v. 5.	Pater mens quod dedit mihi, maius omnibus est... Facis te ipsum Deum... Dixi, Filius Dei sum... Ut credatis, quia Pater in me est et ego in Patre v. 29. 33. 36. 38.
In ipso vita erat, et vita erat lux hominum v. 4.	Et hoc est testimonium , quoniam vitam aeternam dedit nobis Dens. Et haec vita in Filio eius est v. 11.	Ego vitam aeternam do eis v. 28.
In propria venit, et sui eum non receperunt; quotquot autem receperunt eum , dedit eis potestatem filios Dei fieri, his qui credunt in nomine eius v. 11. 12.	Qui habet Filium, habet vitam, qui non habet Filium, vitam non habet. Haec scribo vobis, ut sciatis, quoniam vitam habetis aeternam, qui creditis in nomine Filii Dei v. 12.13.	Vos non creditis , quia non estis ex ovibus meis. Oves meae vocem meam audiunt, et ego cognosco eas, et sequuntur me , et ego vitam aeternam do eis, et non peribunt in aeternum v. 26-28.

Deum nemo vidit unquam : unigenitus Filius qui ost in sinn Patris , ipse enarravit... Vidi Spiritum descendentem quasi columbam de coelo et mansit super eum.... Qui misit me baptizare in aqua, ille mihi dixit: super quem videris Spiritum descendentem et manentem super eum , hic est, qui baptizat in Spiritu Sancto v. 18.32. 38.

(In principio erat Verbum),

et Verbum, erat apud Deum,

Quoniam tres sunt, qui testimonium dant in coelo,

Pater , Verbum , et Spiritus Sanctus,

et hi tres

et Deus erat Verbum v. 1.

unum sunt. v. 7.

Opera quae ego facio in nomine Patris mei, haec testimonium perhibent de me... Si non facio opera Patris mei, nolite credere mihi. Si autem facio, et si mihi non vultis credere, operibus credite, ut cognoscatis et credatis . quia Pater in me est, et ego in Patre v. 25. 37. 38.

Et non rapiet eas quisquam de manu mea, et nemo potest rapere de manu Patris mei: JEgo et Pater

unum sumus v.28-30.

THESIS VI.

Doctrina veteris Testamenti de distinctis personis divinis.

« Revelatio unitatis Dei in veteri Testamento ita habet, ut non solum » non excludat, sed tum in modis loquendi de Deo uno tum in describendis theophaniis tum in promissionibus futuri Messiae multipliciter » indicet ac respiciat distinctionem personarum, quae sint unus Deus. »

Longe diversae sunt quaestiones, utrum doctrina de distinctione divinarum personarum in Scripturis veteris Testamenti contineatur, et utrum doctrina eadem in veteri Testamento iam sufficienter fuerit proposita ita, ut ad communem fidem populi Israël pertineret. Hoc alterum utique negandum est; nihilo tamen minus certum est, doctrinam de distinctione personarum in libris veteris Testamenti multipliciter modo clarius expressam modo obscurius adumbratam reperiri. Id universim negare nemini christiano fas esset, tum quod Christus Dominus ipse et Apostoli in novo Testamento doctrinam a se praedicatam de Filio Dei atque adeo de Patre et Filio personis distinctis, quae sint

unus Deus, nec non doctrinam de Spiritu Sancto confirmant ex libris veteris Testamenti (Matth. XXII. 44; Marc. I. 2. 3 coll. Malach. III. 1 sqq.; Heb. I. 5-13; Act. II. 17 sqq.), tum quod multa loca veteris Testamenti sunt per se ita expressa, ut saltem post manifestam revelationem novi Testamenti sine detorsione alio sensu intelligi nequeant, tum quod catholicus intellectus et plenissimus Patrum consensus hanc doctrinam in libris veteris Testamenti semper agnovit (cf. Petavium de Trinit. 1. II. c. 7). *

I. Modus, quo Deus in veteri Testamento loquitur de operationibus ad extra, exprimit connumerationem plurium, qui sunt unus Deus, *u Ait (Deus faciamus hominem ad imaginem et similitudinem nostram... Et creavit Deus hominem ad imaginem suam » Gen. I. 26. 27.* Verbum *faciamus* et pronomen *nostram* manifesto includunt designationem plurium in tali velut consiliorum communicatione, nec possunt haec revocari solum ad constructionem sic dicti *pluralis maiestatis* (1). Adhuc minus possunt verba accipi velut allocutio Dei ad angelos, cum apertissima sit *connumeratio* in eadem operatione creatrice, et in eadem dignitate causae exemplaris (vid. supra p. 35). Porro causa exemplaris seu imago archetypa, ad quam homo creatur, una dicitur in illis pluribus, et causa efficiens creationis est unus Deus: « ad similitudinem et imaginem *nostram... Et creavit Deus hominem n* etc. Si haec conferantur cum locis novi Testamenti, ubi tum distinctio personarum tum ex unitate operationis unitas naturae declaratur, parallelismus apparebit evidens ita, ut etiam testimonium veteris Testamenti alio sensu intelligi nequeat.

Consentiens denique Patrum interpretatio et, ut Epiphanius ait (Haeres. XXIII. n. 5), « ex veritate profectus communis fidelium intellectus » non sinit dubitare de veritate sensus, quem verba obvium praeseferunt. « Neque

(1) Nec Rationalista Gcsenius (Gram. mai. §. 216. n. 5) nec Rabbini citati apud Bnxtorfinm (Thesanr. 1. II. c. 10. p. 107) exempla similia pluralis maiestatis reperire potuerunt; quae enim adferunt ex Gen. XXIX. 27. Num. XXII. 6; 2. Reg. XVI. 20; Iob XVIII. 1; Cant. I. 4; Dan. II. 36. nihil ad rem pertinent.

frustra non est dictum, faciamus hominem ad imaginem tuam, tamquam Pater Filio loqueretur; aut ad imaginem meam: sed dictum est, *ad imaginem nostram*. Quod ex persona ipsius Trinitatis rectissime accipitur” Aug. contr. sermon. Arianor. c. 16. Faustinas presbyter romanus postquam ex testimoniis novi Testamenti consubstantialitatem Patris et Filii demonstravit, eandem docet iam intelligi posse levellatam in Testamento veteri, „ Sed videamus, si et Moyses hoc idem docuit, quod Apostoli annuntiaverunt, id est omnia ex Deo facta esse per Filium... Et dixit Deus: faciamus hominem ad imaginem et similitudinem nostram. Non est unius personae dicere, *faciamus* ad imaginem et similitudinem *nostram*, sed neque diversae deitatis. Nam pluralitas horum verborum id est *faciamus* et *nostram*, Patris et Filii personas significat. Quod autem singulariter *imaginem* dicit, una deitas, una virtus utriusque personae manifestatur. Si creatura est Christus, quomodo in opera Dei consors adhibetur? Ad ipsum enim dicitur: *faciamus*. Si non est verus Filius, quomodo una illi cum Patre imago est?... Non enim dixit: faciamus ad imagines nostras, sed ad imaginem nostram... Sufficit interim de hoc uno capitulo Moysen concordasse cum Evangeliiis et Apostolis... Nemo dixit duos Deos, licet Deum et Deum diceret; nemo non unam imaginem Patris et Filii annuntiavit, et ideo unum Deum novit dicere in confessione fides catholica; non tamen ut per confessionem unius Dei, Filius negetur esse, quod Deus est... Nam si non sicut Pater Deus est, ita et Filius Deus, quomodo illis una imago est secundum Moysen, vel quomodo secundum Paulum (Phil. II. 6) in forma Dei Christus est aequalis existens Deo? » Faustin. 1. de Trin. n. 5-7 (Galland. T. VII. p. 442). Communem Patrum interpretationem vide apud Petav. 1. II. c. 7. n. 4 sqq.

II. In theophaniis veteris Testamenti frequenter Deus verus exhibetur missus a Deo vero; adeoque est alius missus, alius mittens, ambo tamen unus verus Deus. Nam ille qui apparet, seu qui ut praesens manifestatur sensibilibus signis (forma humana, flamma ignis, sensibili voce, etc.) dicitur *Angelus Domini* (HIF0 II_n Sû) legatus scilicet Dei;

simul vero ille idem apparens et loquens revelatur ut verus Deus tum expresso nomine tum descriptione adtributorum. Sic in historia Agar : « cum invenisset eam *Angelus Domini*... dixitque ei *Angelus Domini*: revertere ad dominam tuam... et rursum: *multiplicans*, inquit, *multiplicabo semen tuum*... Vocavit autem (Agar) nomen *Domini* (ΓΠΓΠ), qui loquebatur ad eam : *tu es Deus, qui vidisti me* » Gen. XVI. 7-14. cf. XXI. 17. 18. *Angelus Dei* loquens Iacob in somnis seipsum declarat: « Ego sum *Deus Bethel* » Gen. XXXI. 11. 13. *Deus Bethel* autem est « Dominus (ΓΠΓΠ) Deus Abraham et Deus Isaac » ib. XXVIII. 12. 19. Qui Moysi apparuit in rubo ardenti dicitur (in textu Hebraico) *Angelus Domini*, idemque se ipsum definit: « Ego sum qui sum... Deus Abraham, Deus Isaac et Deus Iacob » Exod. III. 2 sqq. *Angelus Testamenti* est ipse Dominator **rw** et Deus, cuius erat templum Hierosolymitanum Mai. III. 1. (heb. III. 3). Est itaque Deus (ĪTIFΠ), qui mittit Angelum, et Angelus missus a Deo est ipsemet Deus (ΠIFΠ). Id etiam explicite declaratur in historia subversionis Sodomorum. « Apparuit ei (Abraham) Dominus (ΠIFΠ) in Mambre... Dixitque Dominus: num celare potero Abraham, quae gesturus sum... Dixit itaque Dominus: clamor Sodomorum et Gomorrhae multiplicatus est. Descendam et videbo... Abiitque Dominus, postquam cessavit loqui ad Abraham. Veneruntque duo Angeli Sodomam vespere (*In*igitur *Dominus* (ΠIFΠ) pluit super Sodomam et Gomorrham sulphur et ignem *a Domino* (ΓTIF0 HNŪ) de coelo » Gen. XVIII. 1-19. 24. Hic clare Dominus apparens in terra, qui alibi dicitur Angelus Dominus, distinguitur ab altero, qui exhibetur Dominus in coelo; sunt ergo duo distincti, sed uterque est Dominus unus (ΠIFΠ), praeter quem non est Deus.

(1) *a* Cmn vero tres viri visi sunt, nec quisquam in eis vel forma vel aetate vel potestate maior ceteris dictus est, cur non hic accipiamus visibiliter insinuatam per creaturam visibilem Trinitatis aequalitatem... Sed quas duas personas hic intelligimus? an Filii et Spiritus Sancti? Hoc forte congruentius; missos enim se dixerunt, quod de Filio et Spiritu Sancto dicimus; nam Patrem missum, nusquam Scripturarum nobis occurrit » S. Aug. Trin. 1. II. n. 20. 22.

Haec de Angelo Dei doctrina, qui ipse est Deus missus a Deo, in veteri Testamento latissime patet, et a ss. Patribus velut argumentum clarissimum ad demonstrandam distinctionem divinarum personarum magno consensu proposita est. Docuerunt ita Iustinus, Irenaeus, Theophilus Antiochenus, Clemens Alex., Origenes, Tertullianus, Novatianus, Patres Antiocheni adversus Samosatenum, Cyprianus, Eusebius, Athanasius, Cyrillus Hieros., Basilius, Hilarius, Ambrosius, Episcopi Sirmii congregati contra Photinum, Chrysostomus, Cyrillus Alex., Theodoretus, Leo M., Cassianus, Isidorus. Vide Petavium l. VIII. c. 2. n. 3 sqq.; Hengstenberg Christolog. T. I. c. 3. p. 219 sqq.; cl. P. Patrizi De Interpret, oraculor. ad Christum pertinentium p. 70 sqq.

Neque vero s. Augustinus huic communi aliorum Patrum interpretationi repugnat; sed imo eam illustrat, et quomodo visibiles apparitiones Dei intelligendae sint, egregie declarat, a) Scopus princeps Augustini l. II. III. IV. de Trinitate est demonstrare adversus Arianos, Filium et Spiritum Sanctum in propria substantia divina aequae oculis corporeis esse invisibiles, sicut invisibilis est Pater. 6) Per subiectam autem creaturam h. e. per signa spectabilia et visibiles species (ita ibi docet Augustinus) non minus Pater potest apparere h. e. praesens significari quam Filius vel Spiritus Sanctus, ut manifestentur vel singulae personae distinctim, vel tres simul personae, vel etiam Deus quatenus unus est, et sine significatione personarum distinctarum. Omnibus hisce modis diversis censet Augustinus, divinas personas in veteri Testamento sese manifestasse; quatenam vero persona in singulis theophaniis distincte exhibeatur, ex contextu narrationis esse desumendum (1). c) Modus manifestationis ab Augustino ita decla-

(1) Sanctarum Scripturarum locis nihil aliud, quantum existimo, divinorum sacramentorum modesta et cauta consideratio persuadet, nisi ut temere non dicamus, quatenam ex Trinitate persona cuilibet patrum vel prophetarum in aliquo corpore vel similitudine corporis apparuerit, nisi cum continentia lectionis aliqua probabilia circumponit indicia. Ipsa enim natura vel substantia vel essentia, vel quolibet nomine ap-

ratur: signa sensibilia, sive sint species aliquae sive voces sensibiles, sunt *efficienter* a Deo uno et trino sicut omnia opera ad extra; neque enim personae divinae operantur ad extra, quatenus distinctae sunt, sed quatenus sunt unus Deus et una natura divina. At *significando* (λειτουργω?) referri possunt ostenta illa sensibilia ad unam vel aliam personam distincte exhibendam (1). Porro si illae species et voces sensibiles immediate a Deo ipso efficiebantur, in illis locis, ubi *Angelus Domini* et idem *Dominus* apparuisse dicitur, intelligi debet manifestata persona Filii, qui dicitur « magni consilii Angelus » (Is. IX. 6. iuxta LXX). Quod si species illae et voces formatae sint ministerio angelorum, tum vero opinatur Augustinus, referri utique significationem ad Deum praesentem demonstrandum, sed quaenam distincte persona demonstrata fuerit, non iam ex appellatione *Angeli* sed ex aliis adiunctis esse desumendum (2). Re-

pellandum est id ipsum, quod Deus est, quidquid illud est, corporaliter videri non potest ; per subiectam vero creaturam non solum Filium vel Spiritum Sanctum sed etiam Patrem corporali specie sive similitudine mortalibus sensibus significationem sui dare potuisse, credendum est » Aug. de Trin. 1. II. n. 35.

(1) . Verumtamen si solae voces et sonitus fiebant, quibus quaedam sensibilis praesentia Dei primis illis hominibus praeberetur, cur ibi personam Dei Patris non intelligam, nescio; quandoquidem persona eius ostenditur et in ea voce, cum Iesus in monte coram tribus discipulis praefulgens apparuit, et in illa, quando super baptizatum columba descendit... Non quia fieri potuit vox sine opere Filii et Spiritus Sancti, Trinitas quippe inseparabiliter operatur, sed quia ea vox facta est, quae solius personam Patris ostenderet... Ibi enim cogimur non nisi Patris (personam) accipere, ubi dictum est: hic est Filius meus dilectus; neque enim Iesus etiam Spiritus Sancti Filius aut etiam suus Filius credi aut intelligi potest » ibid. 1. II. n. 18. Vide Aug. contra sermon. Arianor. c. 15.

(2) « Et hic (Exod. III. 2 sq.) primo Angelus Domini dictus est, deinde Deus. Numquid ergo Angelus est Deus Abraham et Deus Isaac et Deus Iacob? Potest ergo recte intelligi ipse Salvator, de quo dicit Apostolus, quorum patres, et ex quibus est Christus secundum carnem, qui est super omnia Deus benedictus in saecula. Qui ergo est super omnia Deus benedictus in saecula, non absurde etiam hic ipse intelligitur Deus Abraham et Deus Isaac et Deus Iacob. Sed cur prius Angelus Domini dictus est, cum de rubo in flamma ignis apparuit; utrum quia

ipsa huiusmodi ostenta in veteri Testamento facta esse ministerio angelorum, confici putat Augustinus ex Heb. I. 14; II. 2; Act. VII. 53; Gal. III. 19. (De Trin. 1. III n. 22 sqq.).

Consentit itaque Augustinus cum Patribus vetustioribus in eo, quod praecipue quaeritur, in Iheophaniis veteris Testamenti frequenter personarum distinctionem fuisse exhibitam. Discrimen autem in eo est, quod Patres aliqui vetustissimi totam veterem oeconomiam per Filium velut praeludendo Incarnationi administratam esse putabant, atque adeo apparitiones omnes veteris Testamenti referendas esse ad Filium; Augustinus vero hanc exclusionem apparitionis aliarum personarum non admittit. Praeterea quod Patres alii docent, *Angelum Domini* esse ipsum Dominum missum a Domino ac proinde Filium, Augustinus minus certum habet, quia existimat, posse intelligi angelum creatum, per quem Deus loquebatur; et ideo voces emissas: ego sum Deus Abraham etc., referri utique ad Deum, appellationem vero *Angeli* non ipsi Deo tribui sed spiritui creato, cuius ministerio Deus usus sit in sui manifestatione. Quae eadem sententia est s. Hieronymi in Gal. III. 19. (Opp. T. VII. p. 441) et s. Gregorii M. Moral. 1. XXVIII. c. 1. *u* Angelorum vocabulo exprimuntur, qui exterius ministrabant, et *appellatione Domini ostenditur, qui interius praeerat* n Gregor, ib. n. 7. Imo putat Gregorius, etiam voces

unus ex inultis angelis erat, sed per dispensationem personam Domini sui gerebat? an assumptum erat aliquid creaturae, quod ad praesens negotium visibiliter appareret, et unde voces sensibiliter ederentur, quibus praesentia Domini per subiectam creaturam corporeis etiam sensibus hominis, sicut oportebat, exhiberetur? Si enim unus ex angelis erat, quis facile affirmare possit, utrum ei Filii persona nuntianda imposita fuerit, an Spiritus Sancti, an Dei Patris, an ipsius Trinitatis, qui est unus et solus Deus, ut diceret: ego sum Deus Abraham?... Si autem in usum rei praesentis assumpta creatura est, quae et oculis hominis appareret et auribus insonaret, et appellaretur Angelus Domini et Dominus et Deus, non potest hic Deus intelligi Pater sed aut Filius aut Spiritus Sanctus. Quamquam Spiritum Sanctum alicubi Angelum dictum non recolam... de Domino autem Iesu Christo evidentissime legimus apud Prophetam, quod *magni consilii Angelus* dictus est, cum et Spiritus Sanctus et Dei Filius sit Deus et Dominus angelorum » ibid. 1. II. n. 23.

illas sensibiles Patris ad Filium: *u* clarificavi et iterum clarificabo, *n u* hic est Filius meus dilectus, *n* ministerio angelorum fuisse formatas; nemo tamen dubitat, quin earum significatio referatur ad personam Dei Patris. Ita ergo etiam visibiles species *e. g. rubi ardentis, et voces: ego sum Deus Abraham etc. , quamvis dicantur effectae ministerio angelorum, referuntur tamen ad significandum Deum praesentem. In contextibus vero, ut in iis, quos superius ex veteri Testamento citavimus, plerumque non solum praesentia Dei unius, sed etiam divinarum personarum distinctio significatur.

Hanc Augustini doctrinam visum est paulo fusius exponere, ut intelligatur, quatenus cum vetustioribus Patribus consentiat. Inde vero ulterius apparet, quid sentiendum sit de recentis theologi singulari quadam theoria et oppugnatione contra sententiam s. Augustini, *u* Intelligi non potest, ait ille, apparere Deum (rcv θεόν) h. e. Deum spectatum ut unam personam (fôrte voluit dicere , Deum absolute spectatum), quia sic oporteret apparere secundum suam essentiam et in sua essentia, quod repugnat. Neque potest apparere Deus Pater, non quidem ob aliquod attributum ei soli proprium, cuinsmodi nullum est; sed quia Pater est principium in deitate, et quia necesse esset cum Patre omnes personas et proinde ipsam divinam naturam apparere. Quando ergo Augustinus theophaniam diserte etiam ad Deum Patrem refert, negatque theophaniam exclusive ad Filium aut Spiritum Sanctum relatam posse admitti , affirmans temerarium esse dicere Deum Patrem numquam patribus per aliquas visibiles formas apparuisse (Aug. Trin. II. 17); hoc perinde est ac docere, in illis Scripturae narrationibus universi in nullam propriam personalem *apparitionem* Dei esse intelligendam sed meram *manifestationem* Dei. » Hinc quod ait Augustinus, non satis clarum esse, utrum Abrahamo una persona an omnes tres apparuerint, idem theologus expungit mira hac animadversione, apparitionem *u* trium personarum » esse apparitionem *u* nullius personae n. Porro prosequitur: ex sententia Augustini posse etiam dici, ipsos angelos non apparere personaliter in ter-

ris, sed suurti ministerium penes homines exsequi per subiectas creaturas, *u* In hac autem sententia, inquit, nullus ss. Patrum alicuius nominis sequitur Augustinum, quantum equidem scio; a nullo apparitiones angelorum in veteri Testamento narratae tamquam verae et personales apparitiones horum supernorum spirituum in dubium vocantur *n* Dr Kuhn de Trin. sect. I. §. 2.

Fateor, haec omnia mihi videri difficilia et aegre concilianda cum principiis in theologia certis. Etenim *a*) quid quaeso sibi vult discrimen inter *manifestationem* Dei modo Patris modo Filii modo Spiritus Sancti modo trium personarum per species sensibiles, qualem Augustinus describit, et inter *apparitionem* Dei personalem? Seposita unione hypostatica, ubi persona divina naturam visibilem, videlicet humanam, suam facit ita, ut persona divina per hanc naturam sit homo, unde sequitur illud quod theologus citatus non valde opportune affiert ex Irenaeo: « Verbum naturaliter (in sua natura divina) quidem invisibilem, palpabilem et visibilem in hominibus (in assumpta natura humana) factum esse *n* Iren. IV. c. 24 (al. 41.) cf. 1. Io. I. 1; hac inquam unione hypostatica seposita, quam et Augustinus distinguit (1. IV. n. 30. 31), aliter theophaniaseu sensibilis apparitio Dei immensi et ubique praesentis intelligi non potest, nisi per manifestationem in speciebus sensibilibus, ut eam Augustinus describit (cf. S.Th. 1. q.43. a. 7). Ulterius *b*) quid quaeso sibi vult, quod theologus ait, Deum absolute spectatum non posse, personas singulas posse apparere, non tamen personam Patris, quia cum Patre omnes tres personas et proinde divinam naturam apparere necesse foret, et porro apparitionem trium personarum perinde fore, ac apparitionem nullius personae? Profecto in se ipsa sensibus percipi non magis potest persona divina quam natura, sensibiles autem species tamquam signa Dei praesentis non possunt effici ab una persona ut distincta est ab aliis, sed efficiuntur a Deo uno et trino, significatione autem referri possunt sive ad Deum sine indicatione distinctionis personarum, sive ad Patrem, ut distinguitur a Filio et Spiritu Sancto, sive ad aliam personam, sive

simul ad tres personas inter se distinctas, *u* Licet illas creaturas visibiles tota Trinitas operata sit, tamen factae sunt ad demonstrandum specialiter hanc vel illam personam. Sicut enim diversis nominibus significatur Pater, Filius et Spiritus Sanctus, ita etiam diversis rebus significari potuerunt; quamvis inter eos nulla sit separatio aut diversitas *d* S. Th. 1. c. ad 3. Insuper ex ipsa notione SS. Trinitatis certissimum esse debet, sicut cum Patre ita cum quavis alia persona divina omnes tres, et sicut in tribus ita in singulis personis apparentibus naturam aliquo sensu apparere, alio sensu non apparere. Quomodo deinde apparitio trium personarum e. g. in Christi baptismo, vel si, ut Augustinus et alii bene multi non sine ratione censeant, Abrahamo (G-en. XVIII.) apparuerunt tres personae divinae, dici debeat apparitio nullius personae, relinquo aliis explicandum. Denique c) quod theologus putat, explicationem apparitionis angelorum ab Augustino propositam esse huic s. Doctori uni propriam, nemo concedet. Augustinus non negat, angelos personaliter praesentes fieri in terris; cum enim non sint ubique, possunt utique fieri et fiunt praesentes, ubi prius non erant; sed puri spiritus suam praesentiam visibilem reddere non possunt, nisi aut minus proprie operatione in sensus nostros, aut magis proprie per subiectam sensibilem creaturam vel per efformatas sensibiles species, ut Augustinus docet. Qua in explicatione s. Doctori omnes consentire debent, quando iam certum est angelos esse puros spiritus, quam doctrinam Augustinus iam perspexerat, licet eius aetate quaestio nondum esset plene eliquata (cf. S. Th. 1. q. 41. a. 2). A digressionem revertimur ad doctrinam veteris Testamenti de distinctione personarum.

III. Promissus Messias in veteri Testamento docetur esse verus Deus, sed ita, ut sit Filius Dei; quae sane est doctrina in novo Testamento ab ipso iam misso Messia Filio Dei et ab eius Apostolis distinctius exhibita et ex prophetis etiam veteris Testamenti confirmata. Nasciturus ex Virgine est Emmanuel (*Deus nobiscum*), cuius iam in veteri Testamento peculium erat terra et populus Israel Is. VII.14; VIII. 8. cf. Matth. I. 23. Hoc nomen *Deus nobiscum* expli-

catur. « Deus ipse veniet et salvabit vos; tunc aperientur oculi caecorum » etc. Is. XXXV. 4. cf. Matth. XI. 5. « Vox clamantis in deserto : parate viam Domini (1 ;)... Dic civitatibus Iuda: ecce Deus vester, ecce Dominus Deus in fortitudine veniet et brachium eius dominabitur... sicut pastor gregem suum pascet» Is. XL. 3-11; XII. 2; XLV.15. cf. Marc. I. 3. «Hic est Deus noster, et non aestimabitur alius adversus eum ; hic adinvenit omnem viam disciplinae et tradidit illam Iacob puero suo et Israel dilecto suo (quae est administratio veteris Testamenti): post haec (ille idem Deus noster) in terris visus est, et cum hominibus conversatus est » Bar. III. 38. Qui nascitur parvulus et filius hominis, « vocabitur nomen eius Admirabilis, Consiliarius , Deus , Fortis , Pater futuri saeculi (aeternitatis) (1), Princeps pacis » Is. IX. 6. Dominatoris in Israel duplex est egressus seu duplex nativitas, unus egressus in tempore ex Bethlehem Ephrata, alius « egressus ab initio, a diebus aeternitatis » Mich. V. 2. cf. Matth. II. 6. Dominus (ΠΤΡ) ab improbis Iudaeis appetiatus est triginta argenteis Zach. XI. 13. cf. Matth. XXVII. 9. Item *Deus*, qui effundet super domum David et super habitatores Ierusalem spiritum gratiae et precum , de se ipso ait: « et aspicient ad me quem confixerunt, et plangent eum planctu quasi super unigenitum, et dolebunt super eum , ut dderi solet in morte primogeniti » Zach. XII. 10. cf. Io. XIX. 37. Deus ergo praedicatur futurus homo et morte afficiendus. In his locis hisque similibus immediate quidem solum declaratur, Deum ipsum futurum hominem et Messiam ; quia autem constat, Messiam praenuntiari ut mittendum a Deo, includitur cum unitate distinctio, quatenus Deus dicitur mittens et Deus missus.

Sed frequenter etiam tum deitas ac proinde unitas tum distinctio personarum simul enuntiatur. Messias est Deus, et Deus ipsius unxit eum, seu « Christum eum fecit Deus » (Act. II. 36). « Speciosus forma prae filiis

(1) ΙΤΥΝ Gesenius fatetur nomen "W significare durationem perpetuam ; sed Itationalista evasionem ridiculam comminiscitur ad hunc locum: « pater patriae perpetuus » (in Thesauro sub h. v.).

hominum . . . Sedes tna , *Deus* , in saeculum saeculi.... propterea *unxit te* (ἰῆITO0), *Deus* , *Deus tuus* oleo laetitiaae prae consortibus tuis... populi confitebuntur tibi in aeternum et in saeculum saeculi n Ps. XLIV. (45). 7. 8. cf. Heb. I. 8. 9. u *Dixit Dominus Domino meo*: sede a dexteris meis... ex utero ante luciferum *genui te* n (1)Ps. CIX. (110). 1. sq. cf. Mattii. XXII. 42-45. u Ego autem constitutus sum rex ab eo super Sion montem sanctum eius , praedicans praeceptum eius. *Dominus dixit ad me: Filius meus est tu| ego hodie genui ten* Ps. II. 7. cf. Heb. I. 5. Sicut prophetae quovis tempore in maximis populi calamitatibus liberationem expectabant et promittebant a venturo Messia , ita distinctissime propinquiore iam aetate in publicis privatisque aerumnis protestatur Ecclesiasticus: « invocavi *Dominum Patrem Domini mei* (επεζαλεσαριπν ζνριεν πατέρα κυρίου σου), ut non derelinquat ine in die tribulationis sine adiutorio » Eccli. LI. 14.

IV. Secunda itaque persona divina in Scripturis veteris Testamenti sine dubio revelata est. Verum et Spiritus Sanctus, Spiritus Dei , Spiritus oris Dei commemoratur in veteri iam Testamento frequentissime ; praedicatur enim Spiritus Sanctus creator, largitor charismatum, illustrator prophetarum; promittitur pro futuro novo Testamento Spiritus Sancti communicatio abundantioribus donis; Spiritus Sanctus dicitur initiator ipsius Messiae venturi. « Spiritus eius ornavit coelos n Job XXVI. 13; u emittes Spiritum tuum et creabuntur n Ps. CIII. 30; « Spiritum Sanctum tuum ne auferas a me » Ps. L. 13; « quis det, ut omnis populus prophetet, et det eis Dominus Spiritum suum n Num. XI. 29; u verba quae misit Dominus exercituum in Spiritu suo per manum prophetarum n Zach. VU. 12; u et erit post haec, effundam Spiritum meum super omnem carnem, et prophetabunt n Joel. II. 28. 29; « requiescet super eum Spiritus Domini, Spiritus sapientiae et intellectus n Is. XI. 2. 3; LXI. 1. Non id agitur, ut ex huiusmodi locis per se sumptis Spiritus Sanctus tamquam persona distincta herme-

(1) De hoc inciso *genui te* vide inferius th. XXX. et de Ps. 44. 7. Tract, de Incarnatione th. VI. η. II.

neutice demonstratur; at quando in novo Testamento cum Patre et Filio revelatur Spiritus Sanctus ut tertia persona, idque appellando ad testimonia veteris Testamenti, iam etiam illic doctrinam de Spiritu Sancto, SS. Trinitatis hypostasi contineri demonstratur, ita ut doctrina novi Testamenti quoad hoc caput non simpliciter tamquam nova revelatio veritatis numquam dictae, sed tamquam revelationis antecedentis explicatio et distinctior determinatio habenda sit.

Praeterea supposita iam satis clara in veteri Testamento distinctione aliqua personarum vel in confuso vel Patris ac Verbi, etiam personalis distinctio Spiritus Sancti licet obscurius indicata intelligi poterat in iis praesertim locis, ubi aliqua est trium connumeratio. Huc potest referri visio Isaiae VI. 1. sqq.; ubi unus Dominus Deus exercituum a Seraphim celebratura Sanctus, Sanctus, Sanctus ». Triplicatio haec nominis non potest significare tantummodo intensionem, ad quam solet quidem bis, non autem ter repeti idem nomen (1). Quamvis itaque non dicamus, ex hoc loco seorsim spectato posse demonstrari Trinitatem personarum, distinctione tamen ex locis aliis supposita, iam per se probabile redditur, in forma locutionis tam insolita eandem praedicationem in repetitione referri ad aliam et aliam personam. Revera hoc ita esse, confirmatur ex appellationibus Apostolorum ad hanc visionem. Isaias « vidit Dominum (O'IN'IIN) super solium », et « audivit vocem Domini dicentis: vade et dices populo huic: audite audientes et nolite intelligere ». Iam vero teste Ioanne (Io. XII. 41.) Isaias tum vidit gloriam *Filii Dei*; teste Paulo (Act. XXVIII. 25. sq.) verba illa locutus est *Spiritus Sanctus* mittens Isaiam ad populum Israel; ex hac vero personarum distinctione persona *Patris* ut principium per se intelligitur. « Cum Seraphim Deum glorificant, ter dicentes: Sanctus, Sanctus, Sanctus Dominus Deus Sabaoth, Patrem et Filium et Spiritum San-

(1) Non est eiusdem modi repetitio substantivorum ad iactantiam vel ad comminationem 1er. VII. 4; XXII. 29; Ez. XXI. 27 (Heb. 32), quae exempla perperam Gesenius coniungit velut eiusdem rationis cum textu nostro Is. VI. 3 (Gosen. Grammat. mai. §. 173. f.).

ctum glorificant. Quapropter sicut in nomine Patris et Filii baptizamur, ita et in nomine Spiritus Sancti, et effici-mur filii Dei non Deorum. Pater enim et Filius et Spiritus Sanctus Dominus Sabaoth est... Ideoque quae Pater dicit in Tsaia, ea Ioannes ait dixisse Filium; in Actibus autem Apostolorum Paulus ait, eadem Spiritum Sanctum loquutum fuisse » S. Athanas. de Incarnat, contr. Arian, n. 10. Gemina omnino habet s. Gregorius Nyssenus. « Cum vidit Isaias sedentem super solium excelsum, antiquior traditio Patrem esse dicit eum qui visus est, sed Evangelista Ioannes ad Dominum (Christum) refert prophetiam... magnus vero Paulus eundem sermonem testatur Spiritus Sancti fuisse... ostendens, ut opinor, per hanc sacram Scripturam, quod omnis divina visio omnisque Dei apparitio atque omnis sermo ex persona Dei dictus de Patre et de Filio et de Spiritu Sancto intelligitur » Nyss. contr. Eunom. 1. I.T. II. p. 60. (cf. Petav. 1. II. c. 7. n. 14; 1. VIII. c. 2. n. 13; Maranum de Divin. D. N. Iesu Christi 1. I. P. II. c. 17. n. 3). Hac distinctione posita patet, quam praeclare exhibeatur trium unitas, ut ss. Patres adverterunt, non solum quod subiectum trinae praedicationis est unus Dominus Deus exercituum, sed etiam praedicato ipso, quod gloria sanctitatis una est et celebratio ter repetitur eadem.

Distinctio etiam indicatur in illa connumeratione: *« Verbo Domini coeli firmati sunt et Spiritu oris eius omnis virtus eorum »* Ps. XXXII. 6, quem locum Patres pluri-mi de SS. Trinitate interpretantur (vid. Petav. 1. II. c. 7. n. 14). Expressior est Sapientis precatio, *« Deus patrum meorum et Domine misericordiae, qui fecisti omnia Verbo tuo (iv λόγῳ σου in Verbo vel per Verbum tuum), et Sapientia tua constituisti hominem ... da mihi sedium tuarum assistricem Sapientiam... sensum autem tuum quis sciet, nisi tu dederis sapientiam, et miseris Spiritum Sanctum tuum de altissimis »* (το ἄγιον σου πνεῦμα ἀπο ψηιστων) Sap. IX, 1-17. (cf. 1. Cor. II. 10. 11).

Sine dubio igitur Israelitae V. T. maiori lumine praediti ad intimum Scripturarum sensum intelligendum, crediderunt Messiam verum Deum a Deo mittendum, atque pro

diverso gradu illustrationis magis minusve clararn notitiam habuerunt distinctionis personarum et mysterii SS. Trinitatis, id quod multo magis de ss. patriarchis et de prophetis sentiendum est (cf. Mattii. XIII. 17; Io. VIII. 56; 1. Pet. I. 8-12) et de aliis Sanctis V. T. specialiter a Deo illustratis. Ex dictis apparet, quomodo tempore adventus Filii Dei iam antequam ipse doctrina eua hoc mysterium distinctius explicuisset, etiam praescindendo ab illustrationibus extraordinariis et sola spectata revelatione in Scripturis sacris, ipsa dicta et facta novi Testamenti supponant in aliquibus claram cognitionem, in aliis saltem obscuram praenotionem distinctionis personarum in Deo. Huc referri possunt tum verba angeli ad beatam Virginem Luc. 1. 35; tum praedicatio Baptistae Io. I. 32-34; tum confessio Nathanaëlis Io. I. 49 (cf. Tract, de Incarnat, th. III. η. III.); tum modus intelligendi nomen *Filii Dei*, quamprimum auditum est Io. IX. 35-38.

THESIS VII.

Distinctio personarum divinarum exhibita in veteri Testamento descriptionibus Sapientiae genitae.

« Supposita distinctione, quam in veteri Testamento indicari o«ten-
» dimus, praesertim vero instituta comparatione cum expressiori reve-
» latione novi Testamenti de Verbo genito a Patre, negari non potest,
» hoc mysterium internae processions et distinctionis personalis con-
» tineri nominatim in descriptionibus divinae Sapientiae, ut exhibentur
x in libris veteris Testamenti Prov. VIII; Sap. VII seq.; Eccli. XXIV. *

In hisce locis indicatis tria distinguenda sunt. Etenim
a) sermo ibi est etiam de sapientia creata tamquam dono et effectum et manifestationem Sapientiae increatae, sive prout creata sapientia dicitur metonymice dispositio, ordo, pulchritudo omnium operum Dei, sive prout dicitur sapientia legis divinae, sive prout formaliter sapientia est virtus intellectus et animi creati (1). b) Describitur Sapientia

(1) t Salomon ante coelum et terram... Sapientiam omnipotenti genitam esse dicit, cuius secundum virtutem aio non secundum essentiam participatio efficit hominem scientem esse rerum divinarum et humanarum « Ulcm. Alex. Strom. VI. p. 683.

creatrix et aeterna, quae est Deus ipse sub formali ratione Sapientiae substantialis et absolutae. Verum c) ut non possit intelligi solummodo Sapientia sub ratione attributi absoluti, persuadet distinctio personalis in his ipsis locis saepius expressa. Quamvis enim nondum supposita clara revelatione novi Testamenti forte in 11. cc. non satis constaret de distinctione inter personam eius cuius dicitur Sapientia, et personam quae ipsa appellatur Sapientia; hoc tamen mysterio iam cognito, quod Verbum et Sapientia hypostatica tamquam persona distincta gignitur a Patre, eandem veritatem etiam illic enuntiari nemo diffiteatur, qui perpenderit, non homines sed Spiritum Sanctum *a* qui scrutatur profunda Dei », esse auctorem librorum sacrorum. Hisce praenotatis inspiciamus descriptiones ipsas huius Sapientiae creatricis, omnipotentis, omnisciae, quae ergo sine dubio Deus est, ut intelligamus, quatenus personarum distinctio indicetur.

I. In libro Proverbiorum Sapientia ita loquitur. « Dominus possedit me in initio viarum suarum, antequam quidquam faceret, a principio. Ab aeterno ordinata sum (hebr. uncta sum i. e. velut consecrata ad imperium cf. Ps. II. 6) et ex antiquis, antequam terra fieret » Prov. VIII. 22. 23. Manifesta est aeternitas et divinitas Sapientiae, nihilominus iam indicatur distinctio ab eo, qui dicitur Dominus: « Dominus possedit me » ἰϋϋϋϋ. Eodem verbo Heva quando peperit Filium primogenitum, dixit: « possedi (generatione acquisivi, et meum habeo filium) hominem per Deum » Gen. IV. 1. Si dubia esse posset significatio, declaratur subsequentibus: « nondum erant abyssi (ΠῑϗΠῑ idem nomen Gen. I. 2), et ego iam concepta eram. . . ante colles ego parturiebar ». In hebraico utrobique verbum est idem "r0S*in exprimens in significatione sua propria generationem. Ne verba *possedit me, concepta eram, parturiebar* videantur intelligi posse solum de distinctione rationis, et Sapientia concepta dici in mente divina ut consilium divinum et attributum absolutum, adhuc expressior subiungitur declaratio personalitatis distinctae. « Quando praeparabat (Dominus) coelos, aderam. . . cum eo eram cuncta componens, et delectabar per singulos dies

ludens coram eo omni tempore, ludens in orbe terrarum et deliciae meae esse cum filiis hominum» ibid. vv. 24-31, Illud *a* cum eo eram» in hebraico textu legitur: eram *apud eum* , . ita et LXX: ·ψ./,ν παρ αὐτω, et vetusti Patres latini: *apud eum* vel *penes eum*. « Cuncta componens» hebr.

Paraphrasis chaldaica habet: *eram nutrita penes eum*.; Aquila: τιθηνομενη *lactata*. Verbum *delectabar* potest sumi active, ut etiam alibi occurrit *delectari aliquem* (Forcellini); hebraice enim est: « et eram deliciae (eius); » Graeci habent: ἠ/ω ψην, ἡ προσεχαφεν; Patres latini veteres: «eram, cui adgaudebat» (vid. Italam Sabatieri). Potest itaque reddi ad verbum: « eram *apud eum* artifex, vel alumna, et eram deliciae (eius) omnibus diebus (semper)». Iam cum his conferantur, quae in N. T. de Verbo dicuntur: « *in principio* erat Verbum, et Verbum erat *apud Deum*, et Deus erat Verbum, omnia per ipsum facta sunt; » «unigenitus Filius qui est *in sinu Patris* n\ «cui dixit aliquando angelorum: Filius meus es tu, ego *hodie genui te* »; « hic est Filius meus *delectus, in quo mihi complacui*.n Congruunt sane omnia ita, ut non aliud discrimen ostendi queat, nisi quod in N. T. cum Verbum iam caro factum est et visibile in sua natura humana, hypostasis distincta adhuc clarius exhibetur et instantius praedicatur, dum in V. T. minus expressus est transitus a Sapientia absolute spectata ad Sapientiam subsistentem hypostasi a Patre distincta.

Eo certius veritas huius interpretationis retinenda est, quod Patres magno numero in ea consenserunt; tum enim Doctores Ariana haeresi vetustiores ita intellexerunt, nisi quod aliqui, ut Irenaeus (l. IV. c. 20) et fortasse Tertullianus (contr. Hermogen. c. 18), nomine Sapientiae tertiam hypostasim Spiritum Sanctum significari putarunt; tum in ipsa disputatione adversus Arianos admissum erat sine controversia, Sapientiam hic describi hypostaticam et Verbum a Patre persona distinctum (1). Eo autem evidentius

(1) Patrum consensus immerito in dubium vocatur ex iis, quae habet Gregor. Naz. or. 30 (al. 36) n. 2. et Augustinus serm. 58. de verb. Domini, ad quos Petavius appellat (l. H. c. 1. n. 9. 10). Gregorius ait quidem, aliquos ante suam aetatem verba: « Dominus creavit me -, non

est argumentum, quam indubitata et communis fuerit de hac significatione distinctarum personarum persuasio, quod, dum Ariani in hoc ipso loco intellecto de Dei Filio column suae haeresos constituebant, Patres nihilominus relationem verborum ad Filium Dei constanter retinebant; sed confutabant eorum interpretationem de creatione Filii. Illud enim « Dominus possedit me » Ariani legebant: κύριος ἐξτισε Dominus creavit me, ut adhuc nunc est in versione graeca, et in latina veteri fuisse ex Patribus constat (vid. Sabatier), hocque de proprie dicta creatione Filii intelligebant. Patres eis ultro concedebant, esse h. l. sermonem de Filio Dei, sed negabant Verbum dici creatum proprio sensu. Vel enim ex aliis interpretibus ostendebant, pro ἐξτισε legendum esse ἐξτισατο «possedit me» (cf. Basil, cont. Eunom. 1. II. n. 20) (1); vel aiebant, ad significandam generationem Verbi a Patre adhiberi vocem *creavit*, ut excludatur suspicio passionis et imperfectionis in Patre (s. Hilar, de Synod, anathem. 5. cf. S. Th. contr. gent. 1. IV. c. 8); vel etiam frequentius respondebant, Filium creatum dici ratione humanitatis assumptae. Vide Patres apud Petavium 1. II. c. 1,

de Filio sed de sapientia relucente in rebus creatis intellexisse; sed a) ipse hanc opinionem reiicit; 6) non constat illos, quos indicat, vetustiores totum locum et non sola verba « Dominus creavit me » retulisse ad sapientiam creatam; c) non constat, qui homines et cuius auctoritatis illi fuerint; refert enim Gregorius hanc sententiam una cum alia nefarie recusantium admittere divinam auctoritatem verborum Salomonis, qui error postea in Concilio V. exprobratus est Theodoro Mopsuesteno synchrono aetati Gregorii. At nonne Augustinus 1. c. testatur, « multos doctissimos viros » locum intellexisse de sapientia creata, « quam Salomon ad iudicandum regendumque populum acceperat »? Respondemus: sermo ille non est Augustini sed ignoti auctoris (edit. Maurin. in Appendice 246). Tum proferantur quaeso doctissimi illi viri ex Patribus orthodoxis, quorum nullus ostendi potest textum integrum eo modo intellexisse. Verum repones, nonne Athanasius, Epiphanius, Basilius, Gregorius Nyssenus et Nazianzenus, Cyrillus locis indicatis a Petavio (1. c. n. 11) monent, in libro Proverbiorum multa non obvio sed figurato sensu accipi oportere? Utique id monent, sed ita ut verba ipsa « Dominus creavit me » - ad Filium Dei referant, doceantque, verbum creandi h. l. non posse accipi de creatione proprie dicta Filii Dei. §

(1) Κυγιο; ἰζτησατο /zf habebant versiones Aquilae, Symmachi, Theodotionis (vid. Hexapla Orig.).

quamvis vir doctissimus aliam deinde proponat totius huius loci interpretationem parum commodam et ex dictis non probabilem.

II. Quando iam constat Prov. VITI, describi hypostasim distinctam Sapientiae genitae seu Verbi, eadem doctrina etiam in locis parallelis Sap. VII. 21 seq. et Ecclesi. XXIV. 5. seq. agnoscenda est. Observetur autem hic adhuc magis quam in Prov. discrimen, cum describitur hypostasis Sapientiae in se ipsa, et cum consideratur inhabitans in populo Dei, in Salomone, in sanctis et prophetis per legem et per sapientiam ac charismata quae Sapientiae hypostaticae sunt effectus, ne descriptiones effectuum videantur contradicere iis, quae pertinent ad hypostasim Sapientiae divinae in se ipsa. Non parum iuvabit intelligentiam horum locorum prae oculis habuisse modum, quo Patres, ut Iustinus aliique (cf. Tract, de Deo) a Verbo hypostatico, qui est $\epsilon\ \text{Z}\epsilon'/\text{c}\epsilon\varsigma$ simpliciter, progrediuntur ad $\text{loy}\epsilon\text{v}\ \sigma\text{περματικὴν}$ verbum seminale, quod est Verbi ipsius participatio quaedam tum naturalis tum supernaturalis in mentibus creatis, vel etiam eius effectus in sapienti dispositione et magnificentia totius universi creati.

Quod pertinet ad Sapientiam hypostaticam in se ipsa, ea describitur sicut in Prov. ita etiam in Sap. et Ecclesi. imprimis ut aeterna, omnipotens, omniscia, rerum omnium creatrix ac moderatrix. « Cum sit una, omnia potest, et in se permanens omnia innovat »; u attingit a fine usque ad finem fortiter et disponit omnia suaviter »; u horum quae sunt, est artifex » (τῶν οὐτῶν τεχνίτι); « scit illa omnia et intelligit η »; eadem custodivit et gubernavit omnes patriarchas, Adam, Noe, Abraham, Loth, Iacob, Ioseph, Moysen; eadem populum Israel eduxit ex Aegypto, a et fuit illis in velamento diei et in luce stellarum per noctem, transtulit illos per mare rubrum, inimicos autem illorum demersit in mari » Sap. VII. 21. 27; VIII. 1. 6; IX. 11; X. 1-19. In hoc capite X. Sapientia iam coincidit cum *Angelo Domini* seu cum Domino, qui apparuit et missus erat in V. T. distinctus a mittente. Sed hoc omisso etiam diserte et immediate distinctio personalis indicatur.

Sapientia dicitur assistere throno Dei, cum Deo creasse caelos: *u* (tabernaculum sanctum tuum) praeparasti ab initio, et *tecum* (*μῖτα vcv*) Sapientia tua, quae novit opera tua, quae et *affuit* tunc, cum orbem terrarum faceres (*παρούσα, c-ἐποίει τον κόσμον*), et sciebat, quid esset placitum oculis tuis Sap. IX. 4. 8. 9. Tum Sapientia eadem omnium artifex, omnem habens virtutem, omnia prospiciens, attingens ubique, expressius declaratur ut procedens et genita a Deo. *u* Vapor est enim virtutis Dei, et emanatio quaedam est claritatis omnipotentis Dei sincera... candor est enim lucis aeternae et speculum sine macula Dei maiestatis, et imago bonitatis illius. Et cum sit una, omnia potest, et in se permanens omnia innovat » Sap. VII. 25-27. Omnia haec praedicata *u* vapor virtutis Dei, emanatio claritatis, candor lucis, speculum maiestatis, imago bonitatis *n* evidenter idem significant sub analogiis diversis; significatio vero, ubi haec dicuntur de Sapientia aeterna et omnipotenti, non potest esse alia quam originis; hoc autem posito intelligitur distinctio per oppositionem relationis inter principium' et procedentem a principio. Argumentum clarissimum pro veritate huius explicationis petitur ex eo, quod unitas naturae et distinctio personarum in N. T. eodem prorsus modo declaratur. Filius Dei est « splendor gloriae et figura substantiae eius, portansque omnia verbo virtutis suae *n* Heb. I. 3 (1). Hinc etiam Patres tum ante tum post Concilium Nicaenum hac similitudine lucis ac splendoris a luce frequentissime usi sunt ad declarandam distinctionem et consubstantialem Patris ac Filii. Sic Athanasius ad

(1) In textu graeco parallelismus apparet adhuc plenior:

Sap. VII. 25. 26.

Heb. I. 3.

αὐτὴ γὰρ ἴστί τῆ; τοῦ Σσοῦ θύνα-
μεω καὶ cεrρορροία τῆ τοῦ παντοκρα-
τορο δοξῆ; ciXixfnn;...

ἀτταυγασ/χα γὰρ ἴστί ζῶρος ἁΓδιου
χαὶ <<τοπτρον ἀκηλιδωτον τῆ tqu θεοῦ
Μργεια χαὶ ξίχων τῆ αγαθότητα
αυτου*

/ζια δε ουσα τταντα δυναται. καὶ /ζε-
νουσα ἰν εαυτη ircwra ΧαΜιζξί,

ο ων ἀτταυγασ/ζα τῆ \$οζηζ
χαὶ γαραχτηζ τῆ ὑττοστασεω αυ-
τον,

ζεζων re τα παντα τω ρηματι
τῆ δυνα/ζεω\$ αυτου

confirmandam Patris et Filii consubstantialitatem verba citat Theognosti, qui scholae catecheticae Alexandriae prae- fuerat ab anno 270: *u* non extrinsecus adinventum est Filii substantia neque ex non extantibus educta, sed ex Patris substantia est, ut lucis splendor, ut aquae vapor (ὡ τῆς φωτὸς; τοῦ ὕδατος, ὡ ὑπαὶ αὐτῇ); neque enim splendor aut vapor ipsa aqua vel ipse sol est, neque rursus aliquid est alienum, sed est emanatio (ἀπορροία) substantiae Patris, ita tamen, ut nullam divisionem Patris substantia sit perpessa ¹ Athan. de decret. Nie. η. 25. Vide s. Pamphilum Apolog. c. 3. et 5. (Galland. IV. p. 16. 24), et Patres alios apud Petav. 1. V. c. 8. n. 11. sq.

Secundum haec etiam intelligi debent, quae leguntur Ecclesi. XXIV, si forte ibi per se sensus videatur minus expressus. Sapientia, per quam creatum est universum, a qua omnis sapientia gentium, a qua praecipue Lex et Testamentum et caeremoniae et sapientia populi Dei, haec divina Sapientia ait de se ipsa: *u* ego ex ore Altissimi prodigi primogenita ante omnem creaturam ... ab initio et ante saecula creata sum, et usque ad futurum saeculum non desinam » Ecclesi. XXIV. 5. 14, quae manifesto parallela sunt celebrationi Sapientiae Prov. VIII. 22: *u* Dominus possedit me in initio viarum suarum..... ante colles ego parturiebar ». Eodem ergo modo de Sapientia hypostatica et genita intelligenda sunt.

CAPUT II.

DOCTRINA TRADITIONIS DE UNITATE NUMERICA NATURAE DIVINAE
IN PERSONIS RBALITER DISTINCTIS.

THESIS VIII.

*Communis fides Christiano saeculo IV. ineunte in distinctas
personas unius divinae naturae demonstratur ex historia
haeresis Arianae eiusque condemnatione in Concilio Ni-
caeno.*

„ Communi fide a Patribus tradita ante Concilium Nicaenum sae-
» culo IV. ineunte Ecclesia profitebatur unum Deum unamque divinam
» naturam in tribus distinctis personis, secundum quam fidem velut de-
» finitio clarissima adversus novam haeresim in Concilio Nicaeno con-
» stitutum est symbolum, Filium esse Patri *contubitantialem*. „

I. Quae fuerit universalis ac constans fides Ecclesiae tempore, quo Arius suam doctrinam primum protulit, apparet tum ex modo, quo haeresis denunciata est Ecclesiae et denunciatio suscepta, tum ex fraudulentis artibus quibus eam haeretici tegere studebant.

1°. Quando primum Arius suam sententiam palam aperuit, Alexander Episcopus Alexandrinus ad Alexandrum Constantinopolitanum (ut inscribitur apud Theodoretum) (1), et ex Concilio Alexandriae habito ad universi orbis Episcopos litteras dedit, quibus haereticum universae Ecclesiae denunciavit, eiusque novitatem contra fidem traditam iuxta genuinum sensum Arii exposuit, ne fraude et fucatis vocibus ipse cum suis tum adhuc paucis foederatis haeresim tegere, et ita alicubi in communionem ecclesiasticam obrepere posset. Nihil enim dubitabat Alexander eiusque Concilium, quin cognito Arii sensu, negantis unam Verbi naturam cum Patre, ab universis ubique terrarum Episcopis tamquam impius damnaretur, „ Multa habens dicere, inquit ep. ad Alexandrum (apud Theodoret. H.E. 1.1. c. 3.), supersedeo, quod molestum putem pluribus admonere doctores

(1) Ex contextu apparet, epistolam fuisse datam ad plures Episcopos, inter quos utique fuerit Alexander Byzantii. Cf. cl. Hefele Hist, Cone. T. I. p. 238.

unanimis. Ipsi enim a Deo edocti estis non ignorantes, hanc quae adversus ecclesiasticam pietatem nuper se extulit, Ebionis et Artemae doctrinam esse et aemulationem Pauli Samosatani, qui in synodo et iudicio, qui ubique sunt Episcoporum, ab Ecclesia est eiectus.» Queritur, quod Arius et pauci eius sectatores *u* totam apostolicam gloriam calomniantes » divinitatem Christi negando « impiam Iudaeorum et gentilium de Christo opinionem confirmant » ib. p. 525. In altera epistola ad universos Episcopos scribit Alexander cum suo Concilio: *u* multae quidem etiam ante hos existerent haereses, quae plus aequo audaces in dementiam lapsae sunt. Hi vero omnibus suis sententiunculis molientes subversionem divinitatis Verbi, utpote propinquiore Antichristo quodammodo illas iustificaverunt; quapropter condemnati et recisi sunt ab Ecclesia. Dolemus quidem hos, qui et ipsi doctrina Ecclesiae olim imbuti erant, iam ab ea descivisse *n* (Opp. Athanas. T. I. p. 399). « Quis umquam, exclamat, talia audivit? aut quis nunc audiens non obstupescat et aures obstruat, ut ne talium verborum sordes auditum contaminent? » ib. p. 398.

Consensum universalem manifestum reddiderunt Episcopi iam ante Concilium Nicaenum litteris scriptis ad Alexandrum, ut ipse testatur in ep. ad cognominem Constantinopolitanum (1), cum non nisi paucissimi iique ipsi sub vocibus ambiguis haeresim dissimulantibus Ario faverent; maxime vero consensus clarissime patuit in ipso Concilio. «Episcopi qui plus minus trecenti convenerant, inquit Athanasius, mansuete ac perhumaniter ab iis postularunt, ut suae doctrinae rationem redderent et pias demonstrationes. Qui ut loqui coeperunt, digni condemnatione habitusunt, ipsique inter se altercabantur, et videntes inextric-

(1) « Istos, fratres carissimi et fide nobiscum consentientes, aversati una nobiscum contra insanam eorum temeritatem adiungite suffragia non aliter ac alii collegae nostri, qui indignabundi adversus eos mihi scripserunt epistolas et libello contra eos edito subscripserunt quoniam omnia per filium meum Apionem diaconum ad vos misi, epistolas scilicet (Episcoporum) totius Aegypti et Thebaidis, Lybiae ac Pentapolis, et Syriae et Lyciae et Pamphylicae, Asiae, Cappadociae et regionum finitimarum. »

cabilem suae haeresis absurditatem muti permanserunt... Abolitis itaque vocabulis ab illis excogitatis Episcopi contra eos exposuerunt sanam et ecclesiasticam fidem (symbolum), cui cum omnes subscriberent, subscripserunt etiam Eusebiani n Athan. de decret. Nie. η. 3. Advertendum merito est cum Rufino, inter hos condemnatores novitatis fuisse imprimis illos Episcopos non paucos, qui tempore persecutionis pro eadem fide christiana Confessores existerant. u Cum in eodem Concilio esset Confessorum magnus numerus sacerdotum, omnes Arii novitatibus adversabantur. Favebant vero ei viri in quaestionibus callidi et ob id simplicitati fidei adversi » Ruf. H. E. 1. I. c. 2.

2^a Arius ipse et multo magis postea Ariani coacti sunt suam haeresim tegere iis vocibus et sententiis, quae in obvio sensu Filium exhiberent verum Deum atque hoc ipso natura unum cum Patre, ne patefacta genuina sua sententia continuo ab omnibus impii haberentur. Arius quidem ipse e. g. in epistola ad Eusebium Nicomediensem tum doctrinam Alexandri absurdis modis pervertit, quasi docendo aeternitatem Filii negasset eum genitum, tum suam sententiam ita exhibet, quasi admittens Filium verum Deum aeternum, solummodo docuisset Patrem esse principium Filii. «Nos autem, inquit, docuimus et docemus, Filium non esse ingenitum, neque partem ingeniti ullo modo, neque ex aliquo subiecto (ἀνοε ἐ ὑποζεισευου τινο), sed voluntate et consilio ante tempora et ante saecula exstitisse plenum Deum (οτι θεζτ,ρ.ατι ζαι βουζζ ὑπεστη προ αἰωνων πλήρη θεό), unigenitum, immutabilem, et antequam gigneretur sive conderetur sive definiretur sive fundaretur, non fuisse; ingenitus enim non erat. Exagitamur, quia diximus, Filium habere principium, Deum vero esse sine principio (αρχὴν ἔχει c utoc, c oe θεό ἀναρχο ἐστι). Propterea exagitamur, et quia diximus, Filium esse ex non exstantibus (ἐξ οὐζ οντων); hoc vero diximus, quatenus neque est pars Dei neque ex aliquo subiecto » (apud Theodoret. H. E. 1. I. c. 5). Eadem fraude in professione fidei Constantino oblata Arium u proprias impietatis voces occultasse », narrat Athanasius (ep. ad Episc. Aegypti n. 18. cf. Socratem H. E. 1. I. c. 26). Est

evidens , omnes bas locutiones: « Filius est plenus Deus , est ante saecula genitus , est immutabilis, Pater est sine principio et est principium Filii, » esse desumptas ex doctrina totius Ecclesiae iam tunc temporis ita universali ac rata, ut haereticus ipse eodem modo loqui cogeretur , et huic publicae eoque ipso in sensu obvio intelligendae professioni subiicere sensus contortos, qui nemini in mentem venire possent nisi conanti verba clarissima sophisticis artibus detorquere ad significationem contrariam ei. quam ex communi omnium sensu in quovis sincero sermone et inulto magis in publica quotidiana totius populi christiani professione fidei necessario habent.

Iisdem fraudibus etiam deinceps Ariani agere coacti erant, ut scilicet verbis uterentur, quibus populi putarent enuntiari divinitatem Filii, eisque deinde subiicerent sententia alienum non nisi sophistis intelligibilem ; quae vero locutiones ecclesiasticae nulla arte possent detorqueri in alium sensum, eas a se reiici dicerent non iam, quod veram Filii divinitatem negarent, sed ex aliis confictis rationibus, puta quod verba non reperirentur in Scripturis, quod possent intelligi sensu Sabelliano , quod divisionem aut multiplicationem divinae naturae, et (ut Cyrillus Alex. The-saur. l. IX. T. V. P. I. p. 68. ex Eunomio refert) « sectionem naturae in dualitatem *n* indicare possent. Atqui huiusmodi fraudes evidenter ostendunt fidem ac professionem communem omnium Ecclesiarum tum, cum inferretur nova haec pestis, hanc fuisse , quod Filius est verus Deus non secus ac Pater , hocque ipso Pater et Filius et (propter paritatem rationis) Spiritus Sanctus tres sunt unus Deus. De hac Apianorum simulatione conqueritur s. Athanasius. *u* Si hanc fidem (Arii) ecclesiasticam esse confidunt et existimant, suam sententiam aperte declarent. Nemo enim accensam lucernam sub modio ponit sed super candelabrum, ut omnibus ingredientibus luceat. Si ergo defendere possunt, scribant quae supra allata sunt (verba genuina Arii), suamque haeresim nudam omnibus tamquam lucernam exhibeant, Alexandrum beatae memoriae Episcopum aperte accusent, quod iniuste eiecerit Arium haec dicentem , conquerantur

de Nicaena Synodo, quae reiecta impietate consignavit et edidit piam fidem. Verum id eos non facturos, pro certo habeo; neque enim adeo sunt ignari malorum, quae commenti sunt et spargere nituntur, sed probe sciunt, licet initio simplices vano surripuerint artificio, suam sententiam illico tamquam impiorum lucernam exstinguendam, seque velut veritatis hostes ubique ignominia esse notandos. Hinc est quod... sub modium lucernam suam abscondunt, ut lucere existimetur, et ne, si appareyset, cognita et reprobata exstingeretur» Ath. ep. ad Episc. Aegypti n. 18. Populus scilicet christianus sub verbis, quae Arianus retinere cogeantur, sensum intelligebat hactenus ab universa Ecclesia creditum et praedicatum, « Et huius quidem usque adhuc impietatis fraude perficitur, ait s. Hilarius, ut iam sub Antichristi sacerdotibus Christi populus non occidat, dum hoc putant illi fidei esse, quod vocis est. Audiunt *Deum* Christum, putant esse quod dicitur; audiunt *Filium Dei*, putant in Dei nativitate inesse Dei veritatem; audiunt *ante tempora*, putant id ipsum ante tempora esse, quod semper est. Sanctiores aures plebis, quam corda sunt sacerdotum » Hilar, contr. Auxent. n. 6. Hisce artibus non modo plebes sed quandoque etiam Episcopos catholicos inductos fuisse, ut formulas Arianorum intelligentes in obvio verborum sensu communionem cum illis admitterent, constat ex historia symbolorum fidei, quae ab Arianis intra paucos annos plurima edita et iterum reiecta sunt (vid. Hieronym. dialog, cum Luciferian. n. 17-19). Cf. Maranum de Div. D. N. Iesu Christi l. II, c. 6.

II. iuxta communem fidem in directa oppositione ad haeresim Arianorum, qui explicite quidem Filium (ex necessaria consequentia et Spiritum Sanctum) non divinae substantiae ac naturae sed alterius diversae naturae, ac proinde non verum Deum nec proprio sensu Filium genitum a Patre sed creatum esse docebant, Patres Nicaeni definiverunt: « credimus in unum Deum, Patrem omnipotentem... et in unum Dominum nostrum Iesum Christum Filium Dei, natum ex Patre unigenitum, hoc est *ex substantia Patris*, Deum de Deo, lumen de lumine, Deum ve-

rum de Deo vero, genitum non factum, *consubstantialem Patri*, per quem omnia facta sunt... et in Spiritum Sanctum. Eoa autem qui dicunt: erat aliquando, quando non erat, et priusquam nasceretur, non erat, et quia ex nullis existentibus factus est, aut *qui ex alia substantia vel essentia dicunt esse*, aut creatum, aut convertibilem aut mutabilem Filium Dei; hos anathematizat catholica et apostolica Ecclesia *n* (1).

Definitur hic vera generatio Filii a Patre per communicationem naturae in oppositione ad productionem Filii per liberam creationem ab Arianis assertam; et quidem natura, quae est in Patre et per quam Pater est Deus, docetur communicari ita, ut eadem natura sit in Filio, et per eandem Filius sit Deus; proinde docetur non productio alterius naturae, quae solum specificè sit eadem ac natura Patris, ut fit in generationibus humanis, sed communicatio illius ipsius non multiplicabilis naturae, qua Pater est Deus, ut eâdem unâ numero natura Filius sit Deus; sint ergo Pater et Filius non duo Dii sed unus Deus. Sunt haec ex ipsis verbis symboli et magis adhuc ex historia eius definitionis manifesta.

a) Cum Patres Nicaeni, ut refert Athanasius (de decret. Nie. η. 19.), primum vellent scribere: *u* quod Filius non sit ex non exstantibus sed *ex Deo*, *n* haec locutio *u* Filius ex Deo *n* visa est ambigua. Patres enim intelligentes *Filium* sensu proprio, exclusa causa efficiente illud *ex Deo* acceperunt pro principio generante, Ariani contra hoc ipsum *ex Deo* sumentes pro causa efficiente intellexerunt *Filium* sensu improprio, atque ideo hoc dictum suae sententiae nihil officere putabant. Qua fraude animadversa Patres addiderunt declarationem: *u* Filius est genitus ex Patre, hoc est *ex substantia Patris* *n* ἐκ τῆ οὐσίας τοῦ πατρὸς. Non est quidem aliud *substantia Patris* quam Pater, ut Athanasius ibid.

(1) Τον υἱὸν τοῦ Θεοῦ, γεννηθέντα «ζ τοῦ πατρὸς μονογενῆ, τὸ αὐτὸ ὅστο «ζ τῆς οὐσίας τοῦ πατρὸς; ὅσον ἐκ ὅσου, ὥς; ὡς ὡς; ὅσον ἀληθινόν /x ὅσου ἀληθινόν, γέννηθ<ντα, οὐ ποιηθ<ντα, ὁ/κοῦσιο: τῷ πατ<... τοῦ; ὡς λῆγοντα;· ἡν ποτέ, ὅτι οὐκ ἦν, καὶ πρὶ; γ<ννήθηναι οὐκ ἦν, καὶ σ| οὐκ ὄντων «γ<ν<το, ἔτι<α; ὑποστάσει; ἡ οὐσία; ψάσκοντα; «ἵναι... τοῦτου; ἀναθί/ζατιζ?ι κ. λ.

η. 22 animadvertit, sed alius est modus significandi; exprimitur enim diserte principium *quo* generationis, quando dicitur Pater Filium ex sua substantia genuisse, non autem creasse ex non exstantibus. In declaratione generationis proprie dictae ita, ut Aiani sensum iam pervertere nequirent, continebatur, substantiam seu *ουσίαν* Patris, principii generantis, esse eandem Filio communicatam.

Hinc ζ) Episcopi in Concilio, ut explicite etiam declararent naturam in Filio communicatam a Patre, « dixerunt, scribendum esse Verbum virtutem veram imaginemque Patris esse, et Patri sine ulla discrepantia secundum omnia simile, et incommutabile, et semper, et inseparabiliter in ipso (Patre) esse; nec enim umquam Verbum non erat, sed semper erat aeternaliter existens apud Patrem, ut splendor lucis, » Haec sane omnia naturam divinam in Filio satis significare videbantur; nihilominus Ariani ea in sensum alienum adhuc detorqueri posse confidebant: *a* deprehensi sunt inter se iterum murmurare oculisque innuere, istas voces *simile, semper, virtute, et in ipso*, nobis cum Filio esse communes, η Hactenus scilicet Concilium non diserte nominaverat naturam eandem Filii quae est Patris, sed eam in suis characteribus et proprietatibus descripserat nominibus, quibus haeretici sensum improprium subiici posse putabant.

Ad hanc fraudem avertendam coacti sunt Episcopi exprimere ipsam unam Patris et Filii naturam, ita ut simul servaretur realis personarum distinctio. Iam dixerant Filium genitum *ex substantia Patris*, hoc ipso igitur dicebatur substantia eadem communicata a Patre in Filium, alius autem est Pater et alius Filius, quam identitatem substantiae in Filio a Patre simulque distinctionem duorum, qui habent unam divinam *ουσίαν*, praeclarissime exprimi videbant hac tessera: *Filius est* *ὁμοούσιος* (*'consubstantialis*) *Patri*, υ Ubi Episcopi simulationem eorum hac quoque in re animadverterunt, coacti sunt et ipsi iterum sensum ex Scripturis colligere, et quae prius dixerant, eadem clarius significare, et scribere Filium esse *consubstantialem Patri*, ut scilicet Filius non tantum similis, sed similitudine ex

Patre unum idemque esse significaretur *n* (1) Athan. ibid, n. 20.

Quam certo Concilium per illud *u ex substantia Patris* ». voluerit expressam naturam non modo in Patre, sed naturam eandem ut communicandam in Patre et communicatam in Filio, patet etiam ex altera declaratione, ubi damnantur, qui dicunt, Filium esse «ex alia substantia vel essentia. » Nemo Arianorum umquam dixit, Filium esse ex alia substantia vel essentia ut ex principio producente quam a Patre; imo in hoc constituebant discrimen Filii a ceteris creaturis, quod cum ceterae factae sint a Filio, ipse Filius solus sit productus a Patre, at non vera generatione adeoque non communicatione « substantiae vel essentiae paternae, *n* sed operatione libera, quam fraudulenter appellabant generationem (2), ut nomina biblica *Patris, Filii, Unigeniti* retinere et facilius catholicos fallere possent. Quia igitur negabant Filium esse proprio sensu genitum a Patre communicatione essentiae paternae, seu esse *a ex substantia vel essentia Patris* » ut *principio quo* generationis; ideo aiebant, illum esse « ex alia substantia vel essentia », ex essentia nempe creata tamquam *principio constituyente*, non autem ex essentia Patris communicata. Quare in damnatione huius haeresis sicut illud « *ex substantia Patris n* immediate designat naturam ut est in Patre, et adsignificat naturam eandem ut est in Filio genito; ita alterum, quod Filius «non est *ex alia substantia vel essentia* » (3), immediate si-

(1) *ΠαναγχασΟ'οσαν και αυτοί αυΟι; σαναγαγειν εκ των γραφών την οιανοιαν. και οίπε προτερον ελεγον, ταυτα παλιν λευχοτερον ελπειν και γραψαι, όμοουσιον είναι τω πατ ι τον υίον, ίνα μη μονον όμοιον τον υίον. άλλα ταυτον τη ομοιώσει εκ του πατζο είναι σημαινωσι.*

(2) Sincere loquentes appellabant Filii γε/ησιν in sensu liberae efficientiae, quatenus voro in disputatione cum catholicis admittebant γεννησιν, hanc eodem sensu intelligebant (Epiphan. Haeres. 64. n. S.). Cf. Petav. 1. II. c. 1.

(3) Nicaenam synodum in hoc anathematismo (=f ετέρα ύποστασεω η ουσία; φασχοντα; είναι... τουτου; αναθεματίζει ·ή καθολική και αποστολικη εκκλησια) pro eodem habuisse ουσίαν et υνοσταιτιν, assumo velut certum (vid. Petav. 1. IV. c. 1. n. 5 sqq.; cl. Newman dissert. IV. ed. Romae 1847 et alios ibi citatos). S. Basilinm ep. 125. n. 1. respondendo Sabellianis

gnificat, naturam Filii non aliam sed ipsammet naturam Patris esse. « Et ex substantia Patris est, et ipse Filius substantia est Filius » ; « Verbum ex substantia Dei (Patris) est, nec ipsum est diversae naturae » (ἐτεροει^ς); « nisi forte impii audeant iterum contendere, aliam esse substantiam Filii, et aliud esse lumen quod est ex Patre in Filio, ut lumen quidem in Filio sit unum cum Patre, ipse vero secundum substantiam sit alienus utpote creatura; sed hic est manifesto Caiphae et Samosateni sensus, quem Ecclesia damnavit » Athan. 1. c. n. 22. 23. 24.

Porro quoad rem ipsam nihil sane aliud dicitur per hanc declarationem, « Filium esse *cpccvaicv* Patri », quam si dicatur *Filius Dei Patris, genitus a Patre, Pater Deus et Filius Deus, Pater et Filius unum sunt*, dummodo haec sensu proprio intelligantur : « hoc est illud *cpccvaicv*, quod fides antiqua pepererat » Aug. contr. Maxim. 1. II. c. 14. n. 3. At praesentia illius formulae in hoc ipso sita est, quod rationem filiationis, generationis, deitatis, unitatis, clarissime enuntiat constitutam in communicatione essentiae divinae a Patre in Filium. Exinde *cpcovaio* mansit tessera certissima fidei catholicae adversus haereses contrarias negantes sive unitatem naturae in distinctis personis, sive distinctas personas in unitate naturae. (Vide Patres apud Petav. 1. IV. c. 5. n. 4. sqq.).

non eatis commode discrimen defendisse inter duas has voces Concilii, fatetur etiam alter cum Garnierio editor Operum Basilii Maranus (ad T. III. Praefat. §. 1).

THESIS IX.

*Unitas naturae in distinctis personis
tam a Concilio Nicaeno quam a Patribus subsequentibus
intellecta est unitas singularitatis.*

« Absurda est calumnia, Patres Nicaenos et ss. Doctores subsequentes usque ad s. Augustinum non agnovisse unitatem numericam seu singularitatis in natura divina, sed sicut in personis ita in natura distinctionem docuisse. Demonstratur enim fides ac professio unius numero naturae in distinctis personis tum ex communi principio, quod Nicaeni Patres ipsique Ariani supponebant ut certum extra controversiam, tum ex statu quaestionis inter Catholicos declarato in synodo Alexandrina sub Athanasio, tum ex diserta doctrina Patrum, qui fidem in Nicaeno Concilio definitam adversus haereticos vindicarunt. »

Concilium Nicaenum et Patres fidem eiusdem Concilii secutos non unam sed tres numero naturas divinas, specificè tantum unam, docuisse atque ita tritheismum invenisse, asseruerunt Curcellaeus, Cudworthus, Clericus (cf. Maran. op. cit. l. IV. c. 29); eandem sententiam unitatis specificae Patribus tribuerunt Petrus Faydit et post illum alius quidam in Germania monachus Placidus Stiirmer (cf. Wirceburgens. T. II. n. 357); quod vero omnem admirationem superat, nostra aetate Antonius Giinther nobis narrat, ss. Gregorium Nazianzenum (forte voluit dicere Nysseum) et Basilium nominatim unitatem docuisse specificam naturae divinae (Propaedeutica ad specui, theol. T. II. p. 365. 366).

At vero quamvis consubstantialitas (re c/zcouaiou) possit praedicari sensu analogo etiam de creaturis, atque in eis non supponat pro numerica sed pro specifica unitate naturae in distinctis hypostasibus; in Deo tamen non potest supponere aliam quam numericam unitatem divinae naturae in personis distinctis. Per se enim significat unitatem naturae in pluribus distinctis, quin determinet rationem unitatis sive numericae sive specificae. Sed cum in creaturis haec unitas esse non possit nisi multiplicatione naturae in multis, in Deo autem naturae multiplicatio repugnet, hinc ex ipsa ratione intestina subiecti de quo prae-

dicatur, το ομοουσιον determinatur ad suppositionem numericae vel specificaе unitatis. Est haec eadem ratio omnium nominum, quae a creatis transferuntur ad designandas perfectiones divinas, ut scilicet in hac translatione oporteat excludere omnes imperfectiones, quas nomina eadem in creaturis adsigniôcant (Tract, de Deo). Quicunque ergo docet Filium Deo Patri consubstantialem, vel retinet ipsum dogma fundamentale totius revelationis imo conceptum ipsius rationis lumini evidentem de unitate Dei non multiplicabili, tum vero ipsâ praedicatione consubstantialitatis enuntiat unam numero naturam in personis distinctis; vel subverso dogmate ipsoque rationali conceptu unitatis Dei in polytheismum incidit. Atqui hoc alterum de Nicaenis et subsequentibus Patribus supponere est absurdissimum; et certe nemo christianus in verbis Concilii « Filius est Patri consubstantialis » meliori iure suspicari potuit polytheismum, quam in verbis ipsius Christi Domini: « ego et Pater unum sumus ». Ergo in tessera ipsa consubstantialitatis evidenter enuntiatur unitas numerica naturae in personis distinctis.

I. Id convincitur ex ipso disputandi modo Arianorum adversus professionem *consubstantialitatis*. Duo supposebant ut certissima et ab omnibus Catholicis admissa, primo quidem Deum proprio sensu non esse nisi unum, tum secundo Patrem et Filium et Spiritum Sanctum esse tres personas distinctas; at his principiis indubitatis addebant tertium, quod Catholici pernegabant, generationem proprie dictam et consequenter consubstantialitatem distinctorum nullam esse posse nisi divisione et propagatione seu, quod perinde est, multiplicatione naturae. Hinc illi arguebant, professione *ομοουσιον* incidendum esse in alterutrum errorem, quem utrumque etiam Catholici condemnarent, vel scilicet retenta unitate naturae divinae esse cum Sabellianis negandam distinctionem Patris et Filii, vel retenta hypostaseon distinctione esse affirmandam scissionem et multiplicationem divinae naturae, ut accidit in generationibus humanis. Ita iam argumentabatur Arius in epistola ad suum Episcopum Alexandrum, et ita deinceps obiiciebant Euno-

inius et alii frequenter: « si quis contentiosus urgeat, consubstantialem esse Filium dicens, una certe deitas sectionem admittens in dualitatem evadet» (γεγοεν ει οὐαὰα) apud s. Cyrill. Thesaur. l. IX. T. V. P. I. p. 68.

Iam vero haec multiplicatio a Catholicis concessa fuisset, si specificam naturae unitatem in mente habuissent; tura vero quis non videt, quam facili negotio ex omnibus documentis revelationis et argumentis ineluctabilibus erroris convinci potuissent? In hanc igitur demonstrationem unitatis naturae divinae totum robur disputationis Arianorum contra Catholicos incumbere debuisset, et hanc Patres negasse in historia controversiae apparere deberet. Atqui contraria omnia acciderunt. Tam Catholici quam Ariani assumunt ut principium commune et utrimque indubitatum, Deum esse unum, et proinde naturam divinam non specie sed numero unam. Et sicut Ariani ex hoc principio negant veram generationem Filii ex substantia Patris et consubstantialitatem, quia simul assumunt falsum principium, consubstantiale esse non posse nisi multiplicatione naturae; ita Catholici primum demonstrant ex revelatione veram generationem et veram divinitatem Filii, tum vero assumpto principio unitatis naturae non multiplicabilis inferunt, generationem et consubstantialitatem in divinis non esse sicut in humanis per multiplicationem sed per communicationem unius numero naturae a Patre in Filium. « Scripserunt (Patres Nicaeni), Filium Patri esse consubstantialem, ut significarent, Filium non tantum similem sed similitudine ex Patre unum idemque esse (quod est Pater), *μὴ ὁὐὸν ὁ/ἰλciov ἀλλὰ ταυ-cy τῇ ὁμοιώσει...* Namque in corporeis quidem quae sunt similia inter se, possunt distare et invicem longe abesse, quomodo se habent inter homines filii ad suos genitores, sicut scriptum est de Adam et Seth ex ipso genito, fuisse ei similem secundum speciem suam. Cum vero Filii Dei generatio ex Patre diversa plane sit a natura hominum, nec solum similis ille sit sed indivisibilis a substantia Patris, atque ipse et Pater unum sint, ut idem dixit, semperque Verbum sit in Patre et Pater in Verbo, sicut se habet splendor ad lucem, hoc enim et illa dictio

significat; idcirco synodus haec perspicuens recte scripsit *ὁππεύαιον*... Filium splendorem omnes dixerunt, ut eum proprie et sine divisione esse ex substantia, ac unitatem cum Patre declararent... Procul autem hinc absit omnis cogitatio de corporeis, sed imaginationem omnium sensuum supergressi pura intelligentia et sola mente cogitemus genuinum Filium Patris et proprie Dei Verbum et sine ulla discrepantia splendorem lucis. Sicut enim non humano modo, sed ut Deum decet, genitus et Filius dicitur et est, ita etiam cum vocem *οροονσιο* audimus, humanos sensus non debemus sequi nec divinitatis partitiones et divisiones fingendae sunt, sed tamquam de rebus incorporeis cogitantes unitatem naturae et identitatem lucis non dividamus *η* (την ενότητα τη φύσει *η.αι* την ταυτότητα του ηωτο *ρ.η* Οιαφωρεν) Athan. de decret. Nicaen. n. 20. 23. 24. Vide Petav. 1. IV. c. 5; Maran. de Divin. D. N. I. C. 1. IV. c. 30.

II. lure induci solet a theologis historia controversiae de nominibus ὑποστασι, ἐνσια, προσωπον, in synodo Alexandrina ab Athanasio compositae tamquam evidens demonstratio, quam indubitanter in definitione consubstantialitatis omnes Catholici intellexerint unitatem numericam divinae naturae in tribus distinctis personis.

Ut haec controversia intelligatur, aliqua animadvertenda sunt de usu philosophico horum nominum eorumque translatione in usum theologicum ad declarationem mysterii SS. Trinitatis. Philosophi dicebant ουσίαν seu essentiam id, quod cuiusque rei definitione exprimitur (το τι ην εἶναι). Potest iam essentia dupliciter spectari, vel scilicet abstracte, dum consideratur multis individuīs communicabilis et universalis, cuiusmodi est *species*, vel ut est haec determinata singularis realiter exstans essentia. Priori modo spectatam Aristoteles dixit ὁβυτεραν ουσίαν (Scholastici aiebant *secundae intentionis*), quia universalia formaliter ut universalis nec existunt nec possunt existere realiter; altero modo spectatam appellabat πρωτην ουσίαν (*primae intentionis*), utpote realiter in rerum natura exstantem vel quae saltem exstare possit; unde haec *essentia prima*, commode appellari potest et successu temporis etiam appellata est

ὕποστασι sen substantia, quo vocabulo secundum suum etymon realis exstantia (1) exprimitur.

Iam vero in translatione horum terminorum ad exprimendam unam deitatem communem tribus distinctis, et ad designandos tres distinctos, quorum una est deitas, orientales Patres et cum illis Meletius Antiochenus movebantur hac consideratione, quod *hypostasis* seu substantia singularis determinata, si est integra et *connaturaliter* existit, in creatis est in se subsistens non communis pluribus, sed ut hic unus distinctus ab aliis habentibus eandem communem naturam; propterea Patrem, Filium, Spiritum Sanctum realiter distinctos, quorum una est deitas, appellabant tres *hypostases*, deitatem vero tribus communem dicebant οὐσίαν, quamvis in divinis hanc communitatem longe aliam esse videbant quam in creatis. Docebant ergo unam οὐσίαν, tres hypostases. Tres vero realiter inter se distinctos nolebant sine addita declaratione appellare πρὸςοὑπα seu personas, ne suspicio oriretur erroris Sabellii, qui in una hypostasi divina ponebat tres personas secundum diversas manifestationes et operationes *ad extra*, et eandem hypostasim aiebat gessisse personam Patris in veteri Testamento, personam Filii in Incarnatione, personam Spiritus Sancti in sanctificatione et gubernatione Ecclesiae. Contra vero Patres occidentales, qui ὑποστασιν latine dicebant *substantiam*, et consentiens cum eis Paulinus alter Episcopus Antiochenus considerabant, quod deitas est una singularis determinata non multiplicabilis essentia, et ideo ad hanc singularitatem exprimendam appellabant *unam hypostasim* seu substantiam, tres autem inter se distinctos nominabant *personas* non sensu Sabelliano sed eodem omnino, quo orientales dicebant tres hypostases. Hinc factum

(1) Qnia accidentia natura sna non possunt per se exstare sed eorum *este* est inesse alteri, atque adeo minus perfectam habent exstantiam; quae vero possunt exstare per se et non inhaerendo alteri, perfectius exstant, ideo solae essentiae hae perfectiores dictae sunt substantiae. Quia vero ipsae substantiae accidentibus, a multis ex hac ratione substandi deducitur etymologia nominis substantiae; unde s. Augustinus (Trinit. VI. 5), ait, in Deo nbi nullum potest esse accidens, substantiam (secundum etymologiam) improprie dici (cf. Petav. l. IV. c. 3).

est, ut illi priores, cum audirent unam hypostasim et tres personas, suspicarentur Sabellianismum ; posteriores vero, quando nominabantur tres hypostases, timerent periculum Arianismi, quod scilicet numerarentur tres naturae diversae , vel tritheismi ex numero trium divinarum naturarum aequalium. « Res profecto ridenda, ait Gregorius Naz., vel potius lugenda; fidei videbatur diversitas, quae erat de sono vocis altercatio. Hinc deinde Sabellianismus ob tres personas exprobratus est, et Arianismus ob tres hypostases, quae erant figmenta ex nimio studio disputandi » Gregor. Naz. or. 21. n. 35. Porro non de dogmate sed de solis vocibus disputationem fuisse, Athanasius ipsis contendentibus manifestum reddidit hac ratione. Primum interrogavit trium hypostasium assertores, num dicerent hypostases diversae essentiae sicut est aurum, argentum , aes , quae erat Arii sententia ; an vero dicerent hypostases separatas sicut in hominibus sunt hypostases parentum et filiorum, atque ita «tria principia et tres Deos putarent ». Illi vero responderunt, se tres dicere hypostases, quia non solo nomine sed re ipsa tres sunt distincti ; « nec tamen se dixisse , aiebant, tres Deos aut tria principia, nec omnino eos, qui ita dicerent sentirentve, tolerare, sed se sanctam quidem Trinitatem agnoscere, unam tamen deitatem et unum principium et Filium Patri consubstantialem. » Tum interrogati alii, num unam hypostasim dicerent negantes cum Sabellio tres esse realiter distinctos , Patrem , Filium , Spiritum Sanctum, responderunt: «se numquam ita sensisse; sed hypostasim, inquiebant, dicimus censes perinde esse hypostasim dicere ac essentiam ; unamque credimus hypostasim eo, quod Filius sit ex substantia Patris et propter identitatem naturae (δεα την ταυτότητα ζτ. (ρύσεω) ; unam quippe deitatem et unam eius naturam credimus, nec aliam quidem Patris, alienam autem ab illo Filii et Spiritus Sancti». Concludit Athanasius: « his et illi consentiebant, qui, quod tres hypostases dixissent, accusabantur ; et ipsimet dicentes unam essentiam, probabant horum doctrinam, ut eam interpretati fuerant» Ath. ep. synod, ad Antiochenos n. 5.6. cf. Gregor. Naz. or.21. n.30;

or. 42. (al. 32.) η. 16. et alios citatos penes Petav. 1. IV. c. 4. n. 10. sqq.

Hic iam animadvertantur sequentia, a) Hypostasis semper significat substantiam singularem (individuum saltem quatenus individuum opponitur universali), nec potest *una hypostasis* significare unitatem solum specificam. Hinc qui non contenti dixisse unam βυσίαν volebant assertam *unam hypostasim* trium personarum, ipso hoc nomine affirmabant unam numero et singularem naturam trium personarum. Atqui hac data explicatione nominis *hypostasis* omnes Catholici consentiebant, unam esse trium personarum hypostasim seu substantiam singularem non multiplicabilem.

6) Ubi est unitas solum specifica naturae in pluribus personis, necessario numerari debent totidem naturae numero distinctae, quot sunt personae. Quia dicentes unam ουσίαν et tres hypostases in suspicionem veniebant, ne forte ουσίαν dicerent unam specifice, et numerarent tres numero distinctas naturas singulares, ideo hic modus loquendi suspectus videbatur tritheismi iis, qui unam dicebant hypostasin ad exprimendam unam naturam singularem non multiplicatam in tribus personis (1). Atqui et illi priores ean-

(1) Qnaeri potest, utrum et quomodo differant inter se duae formulae: « una ουσία, tres hypostases, » et « una substantia (τὸ ὁμοῦσι;), tres personae »; fuit enim nuper theologus, qui hanc alteram formulam perfectius rei declarandae respondere putavit quam priorem. Respondemus : vocabulorum significatio usu determinatur, ac proinde etiam significatio theologica determinatur per se quidem Ecclesiae vel communi theologorum usu dogmatico, secundum quid et polemica potest etiam pendere ab abusu haereticorum. Si itaque in formula utraque termini -ὁμοῦσι;, *hypostasis*, *persona* spectentur sensu, quo adhibebantur a Catholicis in illa controversia saeculi IV., discrimen reale nullum erat. Si spectetur usus universalis a multis nunc saeculis iam consecratus, essentia, natura, substantia sicut ουσία et ,ὁμοῦσι; adhibentur sine discrimine de deitate, de eo quod est absolutum et unum realiter commune tribus distinctis, vicissim tres distincti dicuntur hypostases vel personae. Nomen graecum ὑποστάσι; iam vertitur *subsistentia*, latinum vero *substantia* respondet graeco ουσία (cf. Rufin. II. E. 1. I. n. 29). Unde iam fas non est dicere unam ὁμοῦσιν, nec saltem sine addito dicendae sunt tres substantiae, sed una substantia et tres hypostases. Si porro usus spectetur polemicus, saeculo quidem IV. illi qui nominabant unam ὑποστάσιν

dem omnino unitatem singularitatis naturae se admittere declarabant, nec posse ullo modo dici tres naturas seu tres deitates, quamvis sint tres personae unius deitatis.

c) In hominibus sine dubio lili sunt parentibus consubstantiales unitate specifica naturae, et ideo sunt plures homines. Atqui Catholici utriusque partis omnes negabant, talem admitti posse unitatem naturae divinae et consubstantialitatem personarum, quin in tritheismum incidatur, et ideo diserte affirmabant in tribus personis identitatem (*ταυτότητα* naturae ita, ut tres sint unus Deus. Evidens est igitur, inter Catholicos etiam eos, qui in modo loquendi de hypostasi et personis dissentiebant, neminem fuisse, qui fidem Nicaenam non profiteretur hoc sensu, quod una numero, non autem solum specificè una est essentia, natura, substantia sive deitas trium personarum distinctarum.

III. Patres universi fidei Nicaenae vindices verbis disertis et declarationibus amplissimis unam numero naturam in tribus distinctis Patre, Filio, Spiritu Sancto docuerunt. Multa quae proferri possent, in pauca contrahemus.

a) Aiunt, mysterium esse supra captum humanae rationis, quod eadem summa res et numerabilis est secundum

divinam, sine dubio imprimis assertam volebant unitatem numericam essentiae divinae, ne, si tres dicerent hypostases, videretur non satis excludi Ariana separatio trium hypostasium diversae naturae; vel ne simpliciter appellando unam οὐσίαν Arianis viam relinquerent ad inferendam calumniam tritheismi, ac si Catholici per unitatem τῆς οὐσίας in tribus distinctis significatam vellent unitatem solum specificam. Qui vero tres dicebant hypostases, praeprimis exclusam volebant calumniam Sabellianismi, si cum hisce haereticis etiam solo nomine trium personarum et unius hypostaseos convenirent. Cum nunc ex multis iam saeculis de significatione nominum liquido constet, discrimen in usu polemico hoc unum observari potest, ut, quando doctrina catholica opponitur haeresi monarchianae, potius tres hypostases vel etiam personas físicas dicamus quam personas simpliciter; sicut in doctrina Incarnationis Nestorianisme directius opponitur formula ecclesiastica: « duae naturae in una hypostasi, - quam si dicantur « duae naturae in una persona, - quoniam tum Sabelliani tres personas unius hypostaseos divinae secundum triplicem formam manifestationis, tum Nestoriani in Christo duarum hypostaseon unam personam, moralem scilicet et secundum relationem, ultro profitebantur.

rationem hypostaseon et una non çultiplicabilis secundum rationem deitatis seu naturae. Atqui nihil mysterii in eo esset, quod trium natura sit specificè una: «quid enim haberet admirationis, inquit s. Maximus (cent. II. de charit.), si ut hominis cum homine ita Filii cum Patre esset unitas et divisio *n* ? Neque sane haec tum ratio mysterii tum exclusio numeri in natura trium hypostasium intelligi ullo modo potest nisi de unitate singularitatis, *u* Nullo sermone declarari potest ineffabilis profunditas mysterii, quomodo res eadem et numerabilis est et numerum fugit, et cernitur in distinctione et in monade intelligitur, et distinguitur hypostasi et non dirimitur subiecto (τω ὑπ'κεφιενω i. e. natura, quae subesse concipitur distinctis hypostasibus, seu melius cum illis identificatur). Porro alius est ille, cuius est Verbum ac Spiritus ; sed ubi in his conceperis distinctionem , vicissini naturae unitas partitionem non admittit » Gregor. Nyss. or. catech. c. 3. T. II. p. 481; Basil, de Spiritu Sancto c. 18. etc. Adhuc expressius, si fieri potest, haec praedicantur, quando iam haeresis tritheitarum innouit. Multis hanc unitatem inter alios vindicat Sophronius in ep. synodica lecta in Concilio VI. Act. XI. *u* Tria unum, quorum est deitas, annuntiamus , seu quod est accuratius et manifestius dicere, quae tria deitas sunt et cognoscuntur; hoc ipsum quippe et unum est, et tria creditur... et neque unum quatenus unum, accipitur ut tria, neque tria quatenus tria sunt, dicuntur unum , quod sane mirabile est et omni plenum stupore. Eadem enim res et numerabilis est et fugit numerum ; numerabilis quidem tribus hypostasibus, fugiens numerum unicitate deitatis (τω ἐνικῶ πρ, θεότητα).... Numeratur igitur S. Trinitas non essentiis aut naturis et diversis deitatibus vel tribus dominationibus , absit , sicut insaniunt Ariani, et sicut novi tritheitae furiunt vanissime dicentes essentias tres et naturas tres et tres dominationes et tres deitates... Neque tres quosdam Deos novimus, aut tres quasdam naturas aut tres quasdam essentias aut tres quasdam deitates, non unigenas non alienigenas, non unius speciei non diversae ipeciei, sed nec penitus Deos aut naturas aut essentias

aut deitates novimus, vel qui talia noverunt, admittimus; sed eum qui ista recipit aut sapit aut novit, anathematibus percellimus » (Hard. Concil. T. III p. 1262. 1263).

b) Ex diserta doctrina eorundem Patrum in creatis, ubi est unitas specifica naturae, haec dicitur esse unitas solum consideratione rationis, in rebus ipsis non una singularis sed multae numero distinctae sunt naturae; ex opposito naturam divinam, aiunt, non consideratione solum rationis sed realiter unam esse singularem in tribus distinctis ita, ut perinde sit dicere naturam Patris identicam cura natura Filii vel Spiritus Sancti, ac dicere identicam secunda ipsa. «Nobis unus Deus est, quoniam una deitas... Quid autem, dixerint fortasse, nonne apud ethnicos quoque deitas una est, ut docent, qui apud illos perfectius philosophantur, et apud nos genus universum nonne humanitas una; nihilominus tamen multi sunt dii et non unus, sicut etiam (multi) homines? At in his communitas habet unitatem solum *ratione consideratam*, singularia autem plurimum inter se divisa sunt... Nostrum non ita habet, nec pars haec Iacob, ait meus theologus (1er. X. 16); sed unumquodque eorum (unaquaeque persona divina) *cum altero non minus unitatem habet quam secum ipso identitate essentiae et potentiae* η (τω παντω τη ουσια και τη δυναμει) Gregor. Naz. or. 31 (al. 37.) η. 14-16. Eodem argumento utuntur Athanas. de decret. Nicaen. n. 20. et alibi; Cyrill. dialog. VI. de Trin. T. V. P. I. p. 592; Maxim, de charit. cent. II.; luculentissime vero Damascenus Fid. orthodox. l. I. c. 8.

c) Hoc sensu passim ab Athanasio, Basilio, Gregorio Naz., Cyrillo aliisque commendatur *μονα* et *παντοτη* naturae, qua tres personae sunt unus Deus, et qua monade negata incidendum est in polytheisimum. « Unus Deus Pater, unus Deus et Filius, et non duo Dii, quoniam identitatem (παντότητα) habet Filius cum Patre; non enim aliam deitatem intueor in Patre et aliam in Filio, nec alteram naturam illam et alteram hanc. Ut ergo perspicua tibi fiat proprietas personarum, numera distinctim Patrem et distinctim Filium, ne vero in polytheisimum scindaris, unam confitere in ambobus essentiam * Basii, contr. Sabell. n. 3.

(T. II. p. 191). « Cum ex omnium confessione deitas una sit, fieri nequit, ut S. Trinitas in identitatem (raurcrzra) naturae non referatur » Cyrill. in Io. (T. IV. p. 20). In professione fidei quae adiecta reperitur epistolae synodicae Concilii Sardicensis (apud Theodoret. H. E. l. II. c. 6. cf. de hac professione Ballerinius Opp. s. Leonis T. III. p. XXXIX.), efficacissime dicitur : « nos vero hanc catholicam traditionem et fidem et professionem accepimus et didicimus, unam esse substantiam (ὑποστασιν/), quam ipsi haeretici appellant cvatav, Patris et Filii et Spiritus Sancti ; et si quaerant, quae nam sit Filii substantia (ὑποστασις), profitemur esse eandem, quae unica Patris praedicatur » (*cpcloycypw, ὁ ἀνττ, iy nt [icvn του πατοο ὁζολοχουριενη*).

tZ) Communis est Patrum declaratio, doctrinam catholicam esse veritatem in medio inter errores oppositos hinc Sabellianorum ac Iudaeorum, inde Arianorum et gentilium. Approbat enim fides catholica in Iudaeis et Sabellianis, quod unam profitentur divinam naturam ; in Arianis ipsisque gentilibus non improbat doctrinam, quatenus distinguunt plures personas: verum damnat in illis prioribus negationem plurium distinctarum personarum, in his posterioribus non modo assertionem diversarum naturarum, sed etiam multiplicationem naturae, ex qua consequatur unitas tantummodo specifica. Atqui Sabelliani et Iudaei naturam divinam docebant unam numero et non multiplicabilem ; hanc ergo eandem unitatem Patres in confesso habebant. Sane cum Sabelliani ideo negarent plures esse distinctas personas, quia ex principio communi omnibus haereticis errantibus in doctrina sive SS. Trinitatis sive Incarnationis putabant, tot semper esse personas, quot sunt singulares naturae, hoc autem ipso multiplicatis personis divinis multiplicatam intelligi naturam, atque adeo tolli unitatem Dei; non minus improbari debuisset unitas naturae ab eis asserta quam unitas personae, si Patres numericam multiplicationem et solum specificam unitatem naturae in mente habuissent. Iam vero Patres naturam divinam prorsus unam et singularem esse cum illis haereticis et cum Iudaeis consentiebant, negabant vero inde consequi unitatem etiam personae seu hy-

postaseos. « Inter duas opiniones interiecta veritas procedit... maneat ex iudaica persuasione unitas naturae, ex gentili autem errore sola distinctio secundum hypostases, sicque utrimque impia opinio sanetur» Greg. Nyss. or. catecli. c. 3. « Unus Deus est Sancta Trinitas, Pater et Filius et Spiritus Sanctus; una est enim Patris et Filii et Spiritus Sancti natura sed non una persona... Verum est enim, quod Sabelliani unam naturam Patris et Filii et Spiritus Sancti credunt; sed falsum est, quod tres personas esse non credunt. Verum est etiam, quod Ariani tres personas Patris et Filii et Spiritus Sancti dicunt; sed falsum est, quod istarum trium personarum tres naturas persuadere contendunt» Fulgent, ep. 8. (seulib. ad Donatum) c. 11. 12. Gemina habent Athanas. contr. Arian, or. III. η. 15; or. IV. η. 10; Gregor. Naz. or. 21. n. 13; Basil, contr. Sabell. n. 3; Isidor. Peius. l. II. ep. 143. p. 190; Faustinas contr. Arian, c. 1. Bibl. Max. PP. T. V. p. 640.

e) Denique non solum Augustinus, quem primum dilucide singularitatem naturae in tribus personis exposuisse aliqui dicere ausi sunt, sed Patres universi Nicaenae synodi defensores, de quibus nunc agimus, declararunt etiam modum, quo unitas numerica divinae naturae in tribus realiter inter se distinctis concipienda sit. Docent enim secundum Scripturas traditumque inde ab Apostolis catholicum intellectum, nulla alia ratione nullaue re Patrem distinguere a Filio, et utrumque a Spiritu Sancto, nisi illo unice, quod formaliter significatur nominibus *Pater, Filius, Spiritus Sanctus*. His autem nominibus formaliter significantur *relativa ad invicem*, non autem absoluta. Quidquid de Deo dicitur praeter hanc formalem rationem relativorum ad invicem, deitas, essentia, natura, perfectio absoluta etc. id unum prorsus est nullam admittens multiplicationem realemve distinctionem. Igitur Pater, Filius, Spiritus Sanctus, quatenus sunt Deus, unum prorsus sunt, una summa res, unus Deus; quatenus vero ad invicem referuntur, Pater formaliter ut Pater Filii, Filius formaliter ut Filius Patris, Spiritus Sanctus formaliter ut spiratus seu procedens a Patre et Filio, sunt alius et alius, tres distincti,

unius tamen singularis essentiae seu naturae. Distinctio ergo trium constat unice mutuis relationibus non vero in natura aut perfectione aliqua absoluta. Hinc cum invicem distincti habentes eandem naturam sint dicanturque personae sive hypostases, personae divinae intelliguntur constitui relationibus. Atqui tota haec doctrina de distinctione personarum, quae sit unice per relationes mutuas et nullo modo per naturam unam tribus realiter communem, non solum enuntiat disertissime unitatem numericam naturae divinae in tribus distinctis, *an sit*; sed etiam explicat, *quomodo sit*, quantum scilicet mysterii ratio in verbo Dei implicita ab hominibus explicari potest.

Interroganti pneumatomacho : « quid igitur deest Spiritui ad hoc, ut sit Filius? nisi enim aliquid deesset, Filius esset », respondet Gregorius Naz. : « non dicimus aliquid deficere, neque enim Deus in aliquo deficiens est, sed differentia eradiationis (τῆ ἐξφανσεως), ut ita loquar, sive relationis ad invicem diversa quoque nomina eis fecit. Neque enim Filio aliquid deest ad hoc, ut sit Pater; non enim defectus est filiatio, nec propterea tamen Pater est; alioquin eadem ratione etiam Patri aliquid deerit ad hoc, ut sit Filius; neque enim Pater Filius est: sed profecto haec nullo modo defectum indicant vel submissionem secundum essentiam. Haec vero ipsa *non esse genitum*, et *esse genitum et procedere* designant alium Patrem, alium Filium, alium nomine Spiritus Sancti appellatum, ut servetur inconfusa distinctio trium hypostaseon in una natura et dignitate deitatis. Neque enim Filius est Pater, nam unus Pater, tamen Filius est id quod Pater; nec Spiritus est Filius, quia ex Deo est, nam unus unigenitus, tamen Spiritus est id quod Filius: tres sunt unum deitate, unum est tres proprietatibus » (1) Nazianz. or. 31. (al. 37.) η. 9. Vide geminas plurium Patrum declarationes penes Petav. 1. IV. c. 10.

Scltolion. Quando Patres iidem, qui naturam divinam unam numero in tribus personis tam multiplici ratione

(1) Οὐρφ γὰρ ὁ υἱὸ πατρὶς st; γὰρ πατήρ, ἀλλ' ὅπρ ο πατρίρ q v t s το
ώο;, ὅτι l/. του 5±ου, ει; γὰρ ὁ lχονογοη; , ἀλλ' ὅπερ ο υἱὸ * iν τα
τρία τρ \$<οτητι, καὶ το \$y τρία ται; ιιιοτητα.

tuentur, explicationem mysterii repetere videntur ex unitate naturae humanae in pluribus hominibus, haec sive comparatio sive declaratio non ubique eodem sensu sed triplici modo diverso ab eis instituitur.

1°. Frequentissime non habent immediate propositum declarare, qualis sit unitas divinae naturae, sed exhibere rationem universalem naturae ac hypostaseos, quam deinde applicant analogice ad naturam et hypostasini divinam, et ex qua ostendunt, cur et quomodo oporteat ratione distinguere inter naturam et hypostasini. Haeretici scilicet universi tam monarchiani quam Ariani et tritheitae nihil distinguentes inter rationem, secundum quam dicitur natura et secundum quam dicitur hypostasis, hoc ipso affirmabant tot semper esse naturas distinctas, quot sint hypostases. Unde vel insistentes revelatae veritati, unum esse Deum unamque divinam naturam, pariter affirmabant unam esse hypostasini, quae eadem tribus nominibus Pater, Filius, Spiritus Sanctus secundum diversas manifestationes ad extra designetur; vel vicissim retinentes veritatem revelatam trium distinctarum hypostaseon tres etiam asserebant naturas. Hoc alterum autem instituebant dupliciter, vel ita scilicet, ut simul salvum vellent dogma unitatis Dei, tum vero unam sicut naturam ita hypostasim divinam admittebant Deum Patrem, hypostasini naturamque Filii et Spiritus Sancti in ordinem creaturarum redigentes; vel ita, ut dogma divinitatis Filii et Spiritus Sancti conservarent, tum ex ipso principio philosophico eis omnibus communi concedendum erat, tres esse distinctas naturas divinas, adeoque naturae unitatem non nisi vel collectivam vel specificam. Cum igitur ex uno illo principio omnes oppositae invicem haereses proficiscerentur, videbant Patres, quanti sit momenti declarare rationem diversam naturae et hypostaseos ita, ut ex unitate naturae non sit consequens unitas hypostaseos, vel vicissim ex trinitate hypostaseon multiplicatio naturae.

In hac declaratione imprimis prae oculis habebant veritatem revelatam, quod unus est Deus, et tres distincti Pater, Filius, Spiritus Sanctus sunt unus Deus. Huic dein-

de dogmati notio philosophica naturae et hypostasis applicanda erat et accommodanda ; non autem, ut ab haereticis fiebat, notioni philosophicae ex ordine creaturarum desumptae subiiciendum, et accommodandum mysterium revelatum. Iam vero in creatis, unde notiones philosophicae primum efformatae sunt, id quod definitione continetur h. e. essentia vel natura, est commune multis et secundum eandem rationem multis inest; singuli vero habentes eandem naturam non sunt aliquid pluribus commune, sed est alius et alius, distinctus ut *hic unus* ab alio eiusdem naturae. Secundum hanc igitur analogiam, ss. Doctores respicientes deitatem unam trium distinctorum, universim definiebant, naturam esse id quod est *commune pluribus* (το κοινόν); hypostasim esse id quod est *distinctum unum ab altero* eiusdem naturae (το περιζόν), *proprium* (το ἰδιόν), non commune pluribus et hoc sensu incommunicabilitatis *individuum* (το ἄτομον}. Ubi tamen diserte docent, in translatione rationum a creaturis ad Deum *commune* et *individuum* non eodem sed sensu solum analogo intelligendum esse; vidimus enim eorum declarationes frequentissimas, unitatem naturae in creatis efformari solum abstractione mentis, et ideo *commun itatem* naturae non esse realem sed solum ratione et mentis consideratione, in Deo vero esse naturam singularem realiter unam tribus communem ; propterea etiam *distinctum* et *individuum* in Deo non esse sicut in creatis per aliquid absolutum (quidquid enim est absolutum, in Deo prorsus unum est et commune tribus), sed per mutuas relationes designatas nominibus personalibus Pater, Filius, Spiritus Sanctus.

Quando ergo docent, sicut in hominibus est una natura humana communis pluribus et tamen sunt plures hypostases invicem distinctae, ita etiam in Deo unam esse communem naturam et esse tres invicem distinctas hypostases unius naturae; haec definitio non pertinet ad asserendam eandem unitatem et distinctionem in Deo qualis est inter plures homines, sed ad declarandam distinctionem rationis inter naturam et hypostasim. Quia scilicet natura dicitur secundum id quod revelatur ut unum h. e. secundum abso-

lutum , hypostasis vero dicitur secundum ea , quae revelata sunt ut realiter distincta, h. e. secundum relativa; ideo ex revelatione ipsa confutatur fundamentale principium haereticorum, quo asserunt tot semper esse naturas , quot sint hypostases. Vide PP. qui hanc naturae et hypostasis definitionem et utriusque distinctionem declarant, penes Petav. 1. IV. c. 7. Cf. Tract, nostrum de Incarnat. sect. III. c. 3.

2°. Natura abstracte sumpta e. g. humanitas, ut definitione et universali notione continetur, una omnino est nec admittit multiplicationem ; profecto enim si humanitas hoc modo sumitur, non possunt concipi duae humanitates. Sed hoc modo formaliter ut universalis non potest obiective existere; quidquid enim existit, singulare est, singulares vero humanitates tot sunt, quot sunt homines, quibus omnibus convenit una notio et definitio universalis. Hinc nihil impedit , quominus ad explicandam unitatem non multiplicabilem naturae divinae assumatur unitas non multiplicabilis naturae abstractae et universalis , dommodo magnum illud discrimen non ab oculis dimittatur, quod natura divina est haec una determinata singularis et realiter atque necessario existens in tribus distinctis hypostasibus, notio autem illa universalis naturae creatae e. g. humanitatis formaliter sub ratione universali, sub qua habet unitatem non multiplicabilem, extra mentis considerationem et in re ipsa non existit. Ita Patres aliqui unitatem divinae naturae in tribus distinctis declararunt, nec sane puto posse mente humana analogiam propinquiorem reperiri ad aliquam mysterii explicationem. S. Cyrillus probat, admissa consubstantialitate Patris et Filii non posse numerari duas naturas, quia tum deberet admitti distinctio inter unam naturam et alteram, distinctio vero naturae a natura divina non posset esse nisi diversitas, et ita non iam essent Pater et Filius consubstantiales , sicut admissa distinctione inter naturam universalem unam et alteram in creatis eo ipso ponitur naturarum diversitas. Neque enim potest intelligi alia et alia natura humana universalis, sed alia natura humana et alia non humana e. g. belluina, adeoque

solum naturae diversae distinguuntur, quae habent definitiones diversas, *a* Si una est Patris natura, et iterum una alia praeter illam natura Filii, nonne necesse erit rationem excogitare, quae dividat et separet duos inter se naturae inaequalis? Non enim licet, etiam in hominibus unam et eandem habentibus rationem consubstantialitatis, aliam et aliam essentiam dicere et singulis existentibus aliquam particularem definitionem tribuere quoad ea, quae sunt multis communia. Si enim hoc faciamus et inducamus aliquam differentiam necessariam inter unam et aliam essentiam (si humanitatem in abstracto sumptam numeremus aliam et aliam), in nihilum abibit universale»' Cyrill. dial. I. de Trin. T. V. P. I. p. 409. cf. in Io.T. IV. p. 798; Damascen. Fid. orthod. 1. III. c. 6.

3*. Platonici, quos ex Scholasticis aliqui Scotistae secuti sunt, universale quod mente concipitur' et definitione enuntiatur, ponebant sub formali ratione universalis habere obiectivam realem existentiam. Unde consequens erat, humanam naturam quatenus est universalis, h. e. ipsam essentiam praecisione facta ab omnibus particularibus et individuantibus notis quae concipiantur velut eam afficere et circumscribere, numero unam esse in omnibus hominibus realiter existentem non secus, ac mente concipitur sub formali ratione universalis ut una non multiplicabilis et omnibus hominibus communis. Sicut igitur conceptus abstractus *hominis* non est alius, si dicitur de Petro et si dicitur de Paulo, et non sunt duae notiones sed una omnino est haec notio universalis, ita supposita illa obiectiva existentia universalium, Petrus et Paulus non habent duas humanitates numero distinctas sed unam humanitatem, praecise ut est humanitas, et non sunt duo homines sed unus homo, praecise ut sola ratio hominis consideratur. Porro illa universalis essentia seu illa praecisa ratio hominis afficitur multis notis individuantibus, quibus fit, ut sit Petrus et sit Paulus; istis vero notis constituuntur ac invicem differunt hypostases. Petrus ergo et Paulus non distinguuntur inter se, quatenus homo sunt; sed quatenus sunt ille hypostasis Petrus, hic hypostasis alia Paulus. In hac philosophia manet utique in-

tegrum discrimen inter divinam essentiam infinitam et naturam finitam, quod divina essentia simplicissima nullam admittens compositionem nullis afficitur accidentibus et nullis notis individuantibus absolutis, sed natura humana esset numero una in pluribus hypostasibus, sicut est unitas divinae naturae in tribus personis. Unde qui hanc sequens philosophiam diceret, Patrem, Filium, Spiritum Sanctum unum esse Deum, sicut Petrus, Paulus, Barnabas sunt unus homo; is unitatem Dei et singularitatem divinae naturae in tribus personis distinctis non negaret, immo vero diserte adstrueret; sed illustrationem et intelligentiam veritatis revelatae ex falsis principiis philosophicis desumeret, adeoque error non esset theologicus sed philosophicus.

Iam vero haec principia philosophicaalicubi secutus esse videtur s. Gregorius Nyssenus. Obiicientibus, ex consubstantialitate trium personarum sequi tres esse Deos, sicut sunt homines tres, Nyssenus respondet: tres homines abusu sermonis dici, ex principiis scientiae debere dici tres hypostases et unum hominem, quia unam habent humanitatem et ideo, quatenus homo sunt, nec distinguuntur invicem nec numerari debent; unde multo etiam magis simplicissima natura divina una in tribus non tres Deos constituit, sed unus est Deus. Quam luculenter Nyssenus asseruerit numericam unitatem divinae naturae, superius vidimus; non ergo hanc unitatem negat nec unitatem Dei talem solum adstruit, qualis unitas trium hominum ex rei veritate est, sed qualis unitas humanae naturae in illis principiis philosophicis asseritur, quae est unitas realis et numerica. *a* Dicimus igitur, inquit, abusum quemdam esse consuetudinis, ut eos qui natura discreti non sunt, per ipsum naturae nomen pluraliter nominemus ac dicamus: multi homines; cui simile est, si quis dicat: multae naturae humanae... Multi quidem sunt eandem sortiti naturam, unus vero in omnibus est homo... Sed hypostaseon quidem ratio per eas, quae in unoquoque considerantur proprietates, dispertitionem admittit et per computationem innumero consideratur; natura vero una est, ipsa secum unificata, ac individua prorsus unitas (p.cv«;) est, quae neque adiectione augetur neque subtractione mi-

nuitur; sed, quod est, unum permanens, etiamsi in multis esse cernatur, indivisibilis, continua, integra est, quae non simul cum singularibus, qui eius participes sunt, dividitur... ut multo rectius fuerit errantem in nobis consuetudinem corrigere et non amplius naturae nomen ad multitudinem extendere, quam consuetudini servientes errorem qui hic latet, etiam ad divinum dogma transferre... Igitur unus nobis confitendus est Deus iuxta Scripturae testimonium: audi Israel, Dominus Deus tuus Dominus unus est; etiamsi nomen deitatis ad totam pertineat sanctam Trinitatem » Gregor. Nyss. l. ad Ablavium T. II. p. 449; l. de commun. notion. T. I. p. 915. seqq. Non valde dissimilia ex Nysseno derivata habent auctor dialogi de Trin. (inter Opp. Athanas.) et Theodor. Abucara opusc. II.

THESIS X. *

DeSS. Trinitate professio catholica eadem ante Cone. Nicaenum demonstratur ex Patribus III et II saeculi.

« Eadem fides, quam Cone. Nicaenum et Patres deinceps confirmant, tradita erat inde ab Apostolis in universali professione et praedicatione Ecclesiae. Patres enim Martyresque superioris aetatis contra errores sibi invicem contrarios et dogmati Ecclesiae repugnantes, sicut personarum distinctionem ita unitatem deitatis diserte vindicabant eodem sensu licet non iisdem semper formulis et explicandi modis, quibus deinceps dogma definitum est a Patribus Nicaenis et subsequentibus. Quando vero Patres illi vetustiores pro indole haereseon suae aetatis potissimum insistebant distinctioni reali personarum, unitatem naturae supponebant velut concessam ab adversariis, non autem distinctionem hypostaseon ad ipsam naturam extendisse censi possunt, licet modum distinctionis plerumque non clare exposuerint, »

Duo praestabimus in hac thesi: primum considerabimus antenicaenorum Patrum doctrinam explicitant de unitate deitatis in personis distinctis, quae sunt unus Deus; tum spectabimus rationem, qua aliquando solani distinctionem vehementius urgent supposita unitate velut concessa et adserta ab ipsis adversariis, demonstrabimusque nunc adhuc solum ex generalibus quibusdam principiis, Patres ob oculos habuisse non naturae sed personarum distinctionem,

atque in his ipsis non tam *modum* distinctionis spectasse quam eius *realitatem* vindicasse adversus haereticos.

I. S. Athanasius de apostolica traditione Fidei Nicaenae adversus novitatem Arianorum ita loquitur. « Nos quidem hanc sententiam a Patribus ad Patres transiisse demonstramus, vos vero, o novi Iudaei et Caiphae discipuli, quos Patres dictorum vestrorum exhibere potestis? Nullum certe prudentem et sapientem unquam proferetis; omnes enim a vobis abhorrent praeter unum diabolum... qui etiam nunc vobis persuadet, ut calumniemini oecumenicam synodum, quia videlicet non vestra definivit sed ea, quae ab initio tradiderunt nobis, qui ab initio ipsi viderunt, et ministri fuerunt sermonis; nam fides quam synodus scripto confessa est, ipsa est fides catholicae Ecclesiae » Athan. de decret. Nie. η. 27. S. Augustinus suis libris de Trinitate velut munimentum praestruit omnium antecedentium Patrum consensum. « Omnes quos legere potui, qui ante me scripserunt de Trinitate quae Deus est, divinorum librorum veterum et novorum catholici tractatores, hoc intenderunt secundum Scripturas docere, quod Pater et Filius et Spiritus Sanctus unius eiusdemque substantiae inseparabili aequalitate divinam insinuent unitatem, ideoque non sint tres Dii sed unus Deus, quamvis Pater Filium genuerit, et ideo Filius non sit qui Pater est... Spiritusque Sanctus nec Pater sit nec Filius.... Haec et mea fides est, quando haec est catholica fides » August. Trin. I. n. 7.

1'. Sane saeculo III. sicut Ecclesia damnavit haereticos monarchianos negantes distinctionem personarum, ita pariter proscripsit haeresim contrariam eorum, qui quavis forma doctrinae cum distinctione personarum simul inducerent distinctionem naturae in Patre, Filio, et Spiritu Sancto. In huiusmodi enim distinctione naturae necessario alterutrum continetur, vel tres esse Deos, vel Filium et Spiritum Sanctum non esse Deum; hoc autem utrumque saeculo iam III. etiam publico et solemni iudicio condemnatum est ut repugnans fidei revelatae ac traditae. Disertissima igitur erat Ecclesiae professio, tres esse realiter distinctos Patrem, Filium et Spiritum Sanctum, hos tamen tres et trium sin-

gnos esse unum verum Deum, praeter quem alius non est. Dionysium Pontificem medio saeculo III. primum quidem narrat Athanasius scripsisse contra Sabellianos, tum ex eius epistola haec recitat, a Porro aequum fuerit etiam adversus illos dicere, qui augustissimam Ecclesiae Dei praedicationem [w σ·μητάτο κήρυγμα τη εκκλησία zcv Bτβυ, augustissimum mysterium ab Ecclesia Dei praedicatum), monarchiam inquam dividunt et discindunt et distribuunt in tres aliquas virtutes et divisas hypostases et tres deitates... qui e diametro, ut ita loquar, opponuntur Sabellii sententiae. Illius enim impietas in eo consistit, quod dicat Filium esse Patrem et vicissim; hi vero tres Deos aliquo modo praedicant, cum in tres hypostases invicem alienas omnino separatas dividunt sanctam unitatem (την άγιαν μεναoa, sanctam unitatem). Necesse est enim divinum Verbum Deo universorum esse unitum, et Spiritum Sanctum in Deo manere ac vivere, et denique omnino necessarium est divinam Trinitatem in unum quasi in quemdam verticem, Deum universorum omnipotentem dico, reduci et colligi (1). Nam insani Marcionis doctrina, quae monarchiam in tria principia secat et dividit, diabolica est, non autem verorum discipulorum Christi eteorum, quibus Salvatoris disciplina placet. Hi enim bene sciunt, Trinitatem quidem in divina Scriptura praedicari, tres vero Deos neque in veteri neque in novo Testamento doceri. Non minus rursum culpandi sunt, qui Filium existimant esse rem factam (ποίημα), et Dominum esse creatum (γεγενεναι τ^ν zvpicv) ... Si factus est Filius, erat aliquando, quando non erat (ην, οζε cw. ην); atqui semper erat, si est in Patre, ut ipsemet declarat, et si Christus est Verbum et sapientia et virtus; haec enim esse Christum divinae litterae docent, utnostis; haec autem eadem sunt Dei virtutes, ac proinde si factus est Filius, erat aliquando, quando haec non erant; erat ergo tempus, quando sine his erat Deus, quod est absurdissimum (2)... Igitur neque admirabilem et divinam uni-

(1) Ἡδη και τη7 Ssiav rçiaoa s?; ivα. wtnreg xcçu?r,y riva, rov Si ov
όλων τον ,παντο/φατο^α λίγω, σ^γγι "αλαι^υσ^αι t î και συν>αρίσθαι χασα
iwyxib

(2) Videlicet haec absolute sumpta sunt divina attributa; ergo cum

tatem (την θαυμαστήν *αι Quay μονάδα) oportet dividere in tres deitates, neque dignitatem summamque magnitudinem Domini evertere opinione, quod factus sit; sed credendum est in Deum Patrem omnipotentem et in Iesum Christum Filium eius et in Spiritum Sanctum, ac Verbum unitum esse Deo universorum. Ait enim: ego et Pater unum sumus; et ego in Patre et Pater in me est. Ita scilicet et Trinitas divina et sancta monarchiae praedicatio integra servabitur » s. Dionys. apud Athanas. de decret. Nie. n. 26.

« Augustissima igitur praedicatio Ecclesiae Dei n h. e. publica et communis professio atque doctrina, teste Pontifice, ad haec revocabatur: quod a) tres sunt distincti Pater, Filius, Spiritus Sanctus, et ideo damnatus est Sabellius; quod δ) Deus unus est, et ideo divina natura, licet sit in tribus inter se distinctis, est tamen unitas indivisibilis et non multiplicabilis (ρνα), adeoque tres sunt Deus universorum, qui in veteri et novo Testamento praedicatur unus Deus. Unde quovis modo dicantur tres deitates, tria principia, non solum ut iam pridem docuerant Marcionitae et alii G-nostici, sed etiam ut tum monarchiani et postea Ariani calumniam inferebant contra Ecclesiam, et ut seriori aetate docebant tritheitae; hos omnes errores excludit augustissima praedicatio Ecclesiae, c) Hac ipsa praedicatione Ecclesia sic ut Patrem ita Filium et Spiritum Sanctum confitetur Deum verum, adeoque damnantur qui Verbum et consequenter etiam qui Spiritum Sanctum dicerent esse creaturam (1).

Christus praedicatur Filius a Patre distinctus, vincitur Sabellius; cum praedicatur nominibus divinis, Patris Verbum, Sapientia, Virtus, vincuntur hi, qui Filium dicunt factum.

(1) Dionysius evidenter prae oculis habet duplicem diversam erroris conformationem. Damnantur scilicet tum ii, qui tres deitates quocumque modo h. e. deitates proprio sensu et proinde aequales docerent vel ab Ecclesia doceri calumniarentur, tum ii qui Filium et Spiritum Sanctum dicerent non vero sensu Deum sed Patre inferiorem (τοι-ψ.α. yeyo>n«i). Neque est necesse ad hanc distinctionem duplicis erroris penes Dionysium intelligendam, ut ostendatur iam tum exstitisse proprie dictos tritheitas, quales saeculo VI emergerunt. Contra evidentem contextum non possumus concedere nupero theologo (Dri Kuhn de Trinit. p. 279 sq.), eundem impugnari errorem a Dionysio, cum primo confutat dividentes

Ante Dionysium eamdem omnino fidem unius deitatis in personis distinctis saeculo III. ineunte demonstrant tum gesta tuui doctrina Pontificum Zephyrini et Callisti, quantumvis contorte referantur ab horum Sanctorum calumniatore in Opere, quod editor Millerus inscripsit « Origenis Philosophumena. » a) Sicut Dionysius Sabellianos confundentes personas aequè damnavit ac alios, qui dividerent unitatem naturae : ita et Callistus Sabellium ipsum « ab Ecclesia eiecit, quod non recte sentiret » (Philos, p. 288) ; ex altera vero parte postulabat professionem, Patrem ac Filium esse *unum indivisibilem spiritum, non aliud et aliud sed unum idemque*. Hanc professionem quia auctor istius historiae (φιλοσοφουμένων) et cum ipso in sectam coalescentes recusabant, Callistus eos publice denunciavit ut inimicos unitatis Dei (δημοσία ημιν ονειδίζοντα ειizzvj' διίσεοι έστε Philos, p. 285. 289). b) Doctrinam ss. Zephyrini et Callisti de unitate Patris et Filii ipsemet eorum adversarius ita exhibet. Zephyrinus suasu Callisti, qui postea in pontificatu successit, publice praedicabat: « ego novi unum Deum Christum Iesum et praeter hunc nullum alium (scilicet nullum alium Deum), qui (Iesus Christus Deus) natus et passus est». Simul vero declarabat Callistus: « non Pater mortuus est sed Filius » (Philos, p. 285) (1). Praedicatur itaque alius Pater alius Filius contra Sabellium, sed sicut Christus Dominus Patrem dixit « solum verum Deum » (supra th. III. Coroll. 2), ita et Filius est idem unus Deus, praeter quem nullus Deus alius est. Ulterius exponitur doctrina Callisti iam Pontificis: Patrem et Filium « esse unum indivisibilem spiritum, non alium spiritum esse Patrem et alium spiritum Filium, sed unum eundemque spiritum; et qui in Virgine incarnatus est, non esse spiritum alium quam sit Pater, sed unum ac eundem spiritum; et hoc sibi velle, quod dictum est : non credis, quia ego in Patre et

divinam unitatem in tres deitates, et deinde refellit a *rursum etiam* eos, qui existimant Filium esse creaturam

(1) Αυτόν δε ρχγ ΤΤgoayx'y (ΚrcXAicrro.) δη/-οσια λγ. ι>. ιγ« otia r/a Χωστόν Ιησουν, και πλη-/ ανρου ουδνα, γ^roy και ΤΓχ0ητον. 7TOTS δε λγων* ου/ ό πατ'Ορ αλλα ο υια;.

Pater in me? Non enim, inquit, dicam duos Deos Patrem et Filium sed unum ». Adversarius quidem haec referens concludit, hoc modo doceri unam personam Patris et Filii, quia intelligere non potuit vel noluit distinctionem secundum personas, si nulla sit distinctio secundum naturam; nihilominus ipsemet fatetur, Callistum noluisse dicere Patrem esse passum, et unam esse personam, « ut, inquit, effugeret blasphemiam in Patrem » (Philos, p. 289) (1). Eandem calumniam repetit, quasi Callistus solo nomine distinctisset Patrem a Filio, quia docebat: « Pater et Filius est unum essentia; neque enim Deus est alius spiritus quam Verbum, nec Verbum alius spiritus quam Deus, atque hoc Verbum est unus Deus et incarnatum est » (Philos, p. 329).

Saeculo itaque III sicut distinctio personarum adversus Sabellianos, ita non minus unitas indistincta naturae divinae a Pontificibus Romanis Zephyrino, Callisto, Dionysio tamquam communis et tradita fides Ecclesiae disertissime declarata est et adversus errores contrarios vindicata.

2° Ubi dogma unitatis Dei cum distinctione personarum conciliandum et adversus Gnosticos, quandoque etiam adversus gentiles explicandum, vel adversus monarchianorum obiectiones tuendum erat, Patres II. et III. saeculi utramque partem dogmatis, non modo distinctionem scilicet sed etiam unitatem, eadem claritate ut fidem communem proponebant.

Irenaeus frequentissime praesertim I. III. et IV. doctrinam declarat. Deus qui in veteri Testamento se revelavit, est unus Deus, praeter quem non est alius; sed ille Deus unus est Pater et Filius in personis distinctis, « Quis est

(1) Λίγων τον λογον αυτόν είναι υιόν, αυτόν και πατέρα, ονοματι με» καλούμενο», l./ δε ό> το πνεύμα άδιαιρετον, ούζ άλλο είναι πατέρα άλλο il υιον. εν δε και το αυτό υπάρχει», και τα παντα γεμειν του θειου πνευματος; τα τε άνω και κάτω, και είναι το έν τη παρΟενω σαρκωδεν πνεύμα ουχ έτερον παρα τον πατέρα άλλα έ> και το αυτό, και τούτο είναι το είρημενον i ου'πιστεύει?, οτι έγω εν τω πατρι, και ο' πατ«ρ Ο.Ι γαρ, ·ησΓ6 θεού; πατέρα και ώον άλλ' ένα... ου' γαρ .%λει λεγειν τον πατέρα πεπονΘεναι και έν είναι πρόσωπό», (άστε) έζφυγειν την εί τον ^τατ^ βλασφημίαν. λ.

vivorum Deus, nisi qui est Deus, super quem alius non est Deus?... Qui igitur a prophetis adorabatur Deus vivus,, hic est vivorum Deus et Verbum eius, qui et loquutus est Moysi, qui et Saducaeos redarguit.... Ipse igitur *Christus cum Patre vivorum est Deus, qui loquutus est Moysi, qui et Patribus manifestatus est* n. 1. IV. c. 5. n. 2. Saepe repetit fabricatorem mundi seu demiurgum non esse aliquem inferiorem Deo summo, ut (xnostici putabant, sed esse ipsum unum summum Deum. Tum vero unum summum Deum creatorem modo Patrem dicit, modo Verbum Patris, modo Patrem per Verbum et per Sapientiam h. e. per Spiritum Sanctum. Dicitur vero Pater creasse omnia per Verbum et Sapientiam, non quasi hi tres essent aliud et aliud, sed imo Pater et Verbum et Sapientia non distinguuntur, quatenus sunt Deus creator, sed omnino unum sunt; adeoque perinde est dicere : Deus creat per Verbum et Sapientiam, ac si dicatur: Deus creat per semetipsum. Quae quidem est eadem unitatis trium explicatio, quam audivimus ab aliis Patribus docentibus, alteram personam cum altera secundum deitatem non minus esse unum quam secum ipsa, „ Secundum magnitudinem, ait Iraeneus, non est cognoscere Deum; impossibile est enim mensurari *Patrem*... Quoniam est tantus Deus, et ipse est, qui *per semetipsum* constituit et elegit et adornavit et continet omnia, in omnibus autem et hunc mundum... Non ergo angeli fecerunt nos, nec angeli potuerunt imaginem facere Dei, nec alius quis praeter *Verbum Domini*, nec Virtus longe absistens a Patre universorum. Nec enim indigebat horum Deus ad faciendum, quae ipse apud se praefinierat fieri, quasi ipse *suas non haberet manus*. Adest enim ei semper *Verbum et Sapientia, Filius et Spiritus*, per quos et in quibus omnia libere et sponte fecit, ad quos et loquitur dicens: faciamus hominem ad imaginem et similitudinem jnostram, ipse a *semetipso* substantiam creaturarum (sua omnipotentia creando), et exemplum factorum et figuram in mundo ornamentorum (ideas archetypas) accipiens... Et quoniam Verbum id est Filius semper cum Patre erat, per multa demonstravimus. Quoniam autem et Sapientia, quae est Spiritus, erat apud

eum ante omnem constitutionem, per Salomonem ait: Deus Sapiētiā fundavit terram... Unus igitur Deus, qui Verbo et Sapientia fecit et aptavit omnia; hic est autem demiurgus n Iren. 1. IV. c. 20. n. 1-4. « Solus unus Deus fabricator... hic Pater, hic Deus, hic conditor, hic factor, hio fabricator, qui fecit ea *per semetipsum, hoc est per Verbum et per Sapientiam suam* n 1. II. c. 30. n. 9.

Athenagoras ipsis gentilibus saec. II. in sua apologia seu legatione pro Christianis non aliam profecto doctrinam de uno Dōo Patre, Filio, Spiritu Sancto exponit, quam communem professionem Christianorum. Primum argumentis philosophicis et etiam philosophorum confessione ostendit, Deum non posse esse nisi unum simplicem spiritum absque ulla compositione, et mundi creatorem. Hunc unum Deum docent libri prophetarum: *a ego sum Deus primus et novissimus; et praeter me non est Deus* » Legat, n. 7-9. Tum distinctius declarat, qualem hunc unum Deum credant Christiani: non sumus athei, qui unum ingenitum et aeternum tenemus Deum, a quo omnia facta sunt per Verbum ipsius. Credimus enim etiam Filium Dei, non quales filios deorum poetae fabulantur, « sed Filius Dei est Verbum Patris in idea et virtute (λέγο πατοο ἐν ἰοεα καὶ ενεργεια h. e. expressio intellectus paterni et aeternum exemplar, secundum quod omnia creata sunt); ab eo enim (Filio) et per eum facta sunt omnia, cum Pater et Filius unum sint. Cum autem Filius sit in Patre et Pater in Filio unitate et essentia spiritus (ἐνοτητι γ.τι δυνάμει πνεύματό (1) h. e. Pater est in Filio, et Filius in Patre, quia Pater et Filius sunt una substantiva virtus spiritualis). Filius Dei est mens et Verbum (νοῦ καὶ λόγο) Patris». Praeter Patrem et Filium Christiani credunt etiam Spiritum Sanctum procedentem a Deo, sicut procedit radius a sole sicut splendor ab igne, u Quis

(1) Apud Athenagoram h. 1. et apud Hippolytum, quem mox citabimus, et alibi nou semel nomen graecnm δονα/ζι essentiam, perfectionem, realitatem, veritatem significat in oppositione ad id, quod est solum apparens et non verum. Vide *Scholion* 2. ad th. XIV. Tract, de Eucharistia. Praeterea animadvertite, sicut a s. Callisto ita ab Athenagora Patrem et Filium dici *unum spiritum*.

igitur non miretur, cum atheos vocari audit eos, qui docent Deum Patrem et Filium Deum et Spiritum Sanctum, eorumque ostendunt et essentiam in unitate et distinctionem in ordine » (1) *ibid.* n. 10. 12. 24.

Noetiani (apud Hippolytum *contr. Noet.* et apud Epiphan. *haeres.* 57) multis testimoniis Scripturae probant haec duo, verum Deum esse unum, et Christum esse verum Deum; unde inierunt, nominibus Pater, Filius, Spiritus Sanctus non alium et alium' sed eundem significari, adeoque eum qui est Pater, sub nomine Filii esse incarnatum et passum (ideo dicti Patripassiani). Iam vero Catholici (presbyteri Smyrnenses et Hippolytus) consentiebant cum Noetianis in utroque antecedente, non nisi unum Deum esse, et Christum esse verum Deum; at simul docebant, non solum Christum Filium, sed Patrem, Filium, Spiritum Sanctum tres distinctas personas unius essentiae esse hunc unum verum Deum. Distinctionem, non secus ac postea Dionysius Alexandrinus agens contra eandem haeresim Patripassianorum (Athanas. *de sententia Dionys.* n. 9. seq.), Hippolytus potissimum demonstrat considerando Verbum incarnatum, Christum. Hinc textus omnes a Noetianis allatos ad demonstrandam unitatem Patris et Filii, quam ipsi extendunt ad unitatem personae, Hippolytus explicat respiciendo Filium incarnatum in natura humana, ut eo sit evidentior personalis distinctio inter Patrem et Filium. Cum enim hic Verbum-homo una sit persona et cum haec persona evidenter distinguatur ut Filius missus a Patre mittente (2), necessario alia persona Pater et alia Verbum credi debet. Tum vero secundum doctrinam Christi non minus certa est di-

(1) Λιγόντα; (χριστιανόν;) 5·ο> *zarfça* και ωο>£·'ν και *zvutfiX áγιον*, *èsizvuvra*; *α'των* και -τ,ν *ίν* *ίνωσει* *δυνα,μιν* *ναι* *εν* *τ-η* *τα* -ι *ξιαρισιν*.

(2) « Ex Spiritu Sancto et ex Virgine erat hoc Verbum, exhibens Deo (quamvis in duplici natura divina et humana) Filium unicum... Igitur caro (i. e. homo), quae, ex Spiritu Sancto et Virgine, Patri a Verbo Patris in sacrificium oblata est demonstratur perfectus Filius Dei. Manifestum igitur est, quod ipse se obtulit Patri. Antea vero non erat in coelo caro. Quis ergo erat in coelo, nisi Verbum sine carne, quod missum est, ut ostenderet eundem qui est in terra, esse in coelo? Verbum enim erat, spiritus erat, Virtus erat » Hippol. *ibi* n. 4.

stinctio personae tertiae Spiritus Sancti. Eo tamen ipso quod Deus unus est, ut recte affirmant etiam Noetiani, distinctio non est in deitate seu in natura personarum, « Necesse ergo est ut quamvis nolens confiteatur (Noetus) Patrem Deum omnipotentem, et Christum Iesum Filium Dei Deum hominem factum, cui Pater omnia subiecit praeter se et Spiritum Sanctum, et sic hos esse tria. Quod si vult scire, quomodo unus Deus demonstretur, sciat unam esse huius virtutem (essentiam, *ὅτι μία οὐναρ, ι rcvrcv*). Et quantum quidem ad virtutem, unus est Deus; quantum vero ad oeconomiam (ad originem et distinctionem unius personae ab altera cf. Tertull. contr. Prax. c.3), trina est ostensio (eadem virtus in tribus est, et nobis sese manifestat). Haec igitur, fratres, demonstrantur a nobis consonanter dicta; unus est enim Deus » Hippol. contr. Noet. n. 8 (Galland. II. p. 459). « Deus solus cum esset nihil habens sibi coaevum, voluit mundum creare... Verbo quidem creat, Sapientia vero ornat... Atque ita adstitit ei alius. Cum alium dico, non dico duos Deos, sed sicut lumen ex lumine, vel sicut aquam ex fonte, vel sicut radium a sole. Una enim virtus, quae ex toto est; totum vero Pater, ex quo virtus Verbum (1) (h. e. Pateret Verbum una virtus est et ideo unus Deus; sed Pater dicitur totum velut fons et principium, ex quo procedit Verbum, et ideo Pater et Verbum qui sunt una virtus, distinguuntur ut principium et principiatum). Hoc (Verbum) mens est, quod prodiens (per incarnationem) in mundo ostenditur Filius Dei (*παῖ θεοῦ* Christus homo)... Hanc oeconomiam tradit nobis Ioannes in Evangelio, et hoc Verbum ipse confitetur Deum sic inquit: in principio erat Verbum, et Verbum erat apud Deum, et Deus erat Verbum. 'Si Verbum erat apud Deum et Deus erat; quid ergo, dicet ne aliquis, Ioannem docere duos Deos? Duos quidem Deos non dicam sed unum, personas vero duas et oeconomiam tertiam, Gratiam Sancti Spiritus (2). Pater quidem unus, per-

(1) Δυναμι; γαρ μία, ι, sn. του -αντο;. το δε παζ πατήρ, ίξ ου δυναμιρλογο .

(2) Δυο μίν ουχ βρω 5ΐου; άλλ' η ε./α. -goo-wra δι δυο, οίχονο/χεα» δε τρτη>. π., χα ι? του άγιου π><υ/ζατοί. Iisdem fere verbis responderunt

sonae vero duae, quia etiam Filius, tertia autem Spiritus Sanctus... Aliter unum Deum intelligere non possumus (ut revelatus est), nisi vere Patri et Filio et Spiritui Sancto credamus *n* ibid. n. 10-14. Totam doctrinam Hippolyti complexus est et illustravit Epiphanius haeres. 57. T. I. p. 480. seq.

Pari ratione Tertullianus consentit cum Praxeas in praedicanda unitate Dei, dummodo ille fateretur etiam distinctionem personarum, quae unitate substantiae sunt unus Deus, *u* Unicum quidem Deum credimus, inquit, sub hac tamen dispensatione, quam oeconomiam dicimus... Haec haeresis meram veritatem se existimat possidere, dum unicum Deum non alias putat credendum, quam si ipsum eundemque et Patrem et Filium et Spiritum Sanctum dicat, quasi non sic quoque unus sit omnia, dum ex uno omnia, per substantiae scilicet unitatem » contr. Prax. c. 2. *u* Opus Evangelii, substantia novi Testamenti... quod exinde tres crediti unum Deum sistunt, ut nove unus crederetur per Filium et Spiritum Sanctum, ut coram iam Deus in suis propriis nominibus et personis cognosceretur, qui et retro per Filium et Spiritum Sanctum praedicatus non agnoscebatur » ib. c. 31.

Episcopi orthodoxi in Concilio II. Antiocheno vel ante illud scribentes ad Paulum Samosatenum priusquam deponeretur (1), multis argumentis ex veteri et novo Testamento in primis probant, Filium Dei esse verum Deum; tum vero

presbyteri Smyrnenses Noeto, et s. Callistus Pontifex auctori Operis « Philosophumena, » qui in errore opposito ditheismi esse videbatur.

Universi eadem est explicatio Hippolyti ac Callisti, quantum huius sententia ex relatione calumniatoris colligi potest. Quomodo ergo hunc auctorem libri *γίλοσο ;οιφα·?ω·/.* cuius sententia de Trinitate non minus Hippolyti quam Callisti doctrinae repugnat, eundemque acerrimum adversarium ss. Pontificum, et principem sectae saltem schismatice vel etiam haereticae contra Ecclesiam Romanam, nobis persuadebimus fuisse ipsum s. Hippolytum, virum in traditione eiusdem Romanae Ecclesiae pia veneratione et summis laudibus celebratum?

(1) Est quidem controversia inter criticos de genuinitate huius epistolae, sed certe documentum satis vetustum est, ut cum antecedentibus coniungi mereatur.

protestantur, Patrem et Filium non duos esse Deos, ut Samosatenus Catholicis imponebat, sed Deum unum eundemque. Cum Samosatenus doceret, Christum appellari Deum, eo quod Verbum, divina virtus tamquam Dei efficientia, in homine Iesu habitaret; adeoque ab aeterno non nisi praecognitione, et in tempore actu quidem posse praedicari Deum, sed sensu longe alio quam Pater Deus sit, ne duo Dii inducantur: Patres doctrinam hanc damnant, quia Filius est ille ipse verus Deus, qui in V. T. apparuit et in omnibus Scripturis Deus praedicatur. Ideo, aiunt, universa Ecclesia inde ab Apostolis profitetur, Filium esse essentia et hypostasi Deum aeternum, neque tamen Patrem et Filium duos Deos esse sed unum Deum, « Visum est nobis, inquiunt, scripto exponere fidem, quam accepimus ab initio et habemus traditam in catholica sancta Ecclesia usque in hodiernum diem ex doctrina Apostolorum... Profitemur et praedicamus, Filium esse Sapientiam et virtutem Dei ante saecula existentem, non praecognitione sed essentia et hypostasi Deum, Dei Filium. Qui vero repugnat, ut non credat et profiteatur Filium Dei Deum esse ante constitutionem mundi, dicens duos annuntiari Deos, si Filius Dei Deus praedicetur, hunc indicamus alienum ab ecclesiastica regula (του εκκλησιαστικόν κανονο), et omnes catholicae Ecclesiae consentiunt nobiscum » Collect. Concil. Mansi I. p. 1033; Opp. Dionys. Alex. ed. de Magistris p. 280.seq.; Routh. Reliquiae sacr. III. p. 289.

Non minus luculenta est declaratio symboli divinitus traditi s. Gregorio Thaumaturgo, qui « maxime eminebat » inter Episcopos contra Samosatenum pugnantes (Euseb. H. E. VII. c. 28). « Unus Deus Pater Verbi viventis, Sapientiae subsistentis (σοφία ὑφεστωση)... Unus Dominus, solus ex solo, Deus ex Deo... invisibilis ex invisibili... Unus Spiritus Sanctus ex Deo subsistentiam habens et per Filium effulgens, videlicet hominibus (1); imago Filii perfecta perfecti; vita, viventium causa, fons sanctus, sanctitas,

(1) Καὶ διὰ ὁμήλαδι ἀνθρώπο . Hoc incisum ultimum omnino videtur Graeculi posterioris alicuius glossema; certe in versione Ruiini nou comparet (vide Lequien Dissert. Damasc. I. §. 3).

sanctificationis auctor; in quo (Spiritu Sancto) manifestatur Deus Pater, qui super omnia et in omnibus, et Deus Filius, qui per omnia; Trinitas perfecta, quae gloria et aeternitate et regno non dividitur nec alienatur... incommutabilis et invariabilis semper eadem Trinitas» (Gralland. III. p. 385. 447).

3°. Hanc fidem in unum Deum, qui sit Trinitas in personis, non ad profundiorum solum et occultiorum aliquam theologiam sed ad professionem omnibus fidelibus communem semper pertinuisse, constare potest ex symbolo, quod in catechesibus declarabatur; ex ipsa forma baptismi; ex doxologia, qua inde ab aevo apostolico deferebatur una adoratio, una *u* gloria Patri et Filio et Spiritui Sancto », vel *u* gloria Patri et Filio cum Sancto Spiritu ». Hanc enim glorificationis et publicae professionis formulam ex traditione apostolica profectam esse, multis ostendit s. Basilius, *a* quam qui ab initio praescripserunt tradideruntque posteris, usu simul cum tempore semper progrediente per longam consuetudinem in Ecclesiis firmaverunt » Bas. de Spiritu Sancto n. 71.

Clarissime vero patet ex confessionibus martyrum, quae fuerit in primaeva Ecclesia communis intelligentia huius mysterii. Confitentur illi coram tyrannis unum solum Deum, qui est Pater, Filius, Spiritus Sanctus; atque dum praedicant unum Deum creatorem omnium et Filium eius Christum, facta a indicibus quaestione, num hic Christus sit Deus alius, constans est responsio, esse unum Deum, praeter quem alius Deus non est. Haec martyrum confessionem videmus eandem in diversis Ecclesiis, et pro hac fide illi tormenta ac mortem subierunt, *u* Verax Deus, glorifico te cum aeterno et coelesti Iesu Christo, dilecto Filio tuo, *cum quo tibi et Spiritui Sancto gloria* et nunc et in futura saecula » s. Polycarpus Smyrnae anno 166 (Ruinart. Act. MM. ed. Veron. p. 31. n. 12; p. 36. n. 14). *u Christum cum Patre et Spiritu Sancto Deum esse confiteor*, dignumque est ut illi animam meam refundam, qui mihi *et creator est et redemptor* n s. Epipodius Lugduni anno 178 (ib. p. 65. n. 6). *u* Dominum Christum confiteor Filium altissimi Patris, unici

unicum , ipsum cum *Patre et Spiritu Sancto unum solum Deum esse profiteor...* Ego uni et vivo sacrifico Deo, qui est benedictus in saecula *n* s. Vincentius Valentiae in Hispania anno 304 (ib. p. 325. n. 5). « *Patrem et Filium et Spiritum Sanctum adoro; sanctam Trinitatem adoro , praeter quam non est Deus... sacrifico modo Christo Deo me ipsum... Adorem Trinitatem inseparabilem , quae Trinitas unitas deitatis est...* Ego sacrifico et immolo me ipsum *Patri et Filio et Spiritui Sancto* » s. Euplus Catanae anno 304 (ib. p. 362). « *Domine Deus omnipotens Iesii Christe...* Gratias tibi ago, Domine Iesu Christe... tibi offero sacrificium meum, *qui cum Patre et Spiritu Sancto vivis et regnas Deus* in saecula saeculorum » s. Afra Augustae Vindelicorum anno 303 vel 304 (ib. p. 401. n. 3). « Tarachus (martyr) dixit: ego *Deo meo* servio et sacrifico... Magis ac magis opto confidere *in nomine Dei et Christi eius*. Maximus (praeses) dixit: iniuste et maledicte, quomodo *duobus Diis* servis, quos voce confiteris, et nunc Deos negas? Tarachus dixit: ego confiteor manifeste, *qui est Deus verax* (ἰγὼ Σσον ομολογῶ τὸν ὄντως ὄντα). Maximus dixit: nunc confessus es *Christum et Deum* (ν.αι πω ν.αι Χρίστον τινα εἶπες, εἶναι θεόν). Tarachus dixit: *et bene* (οὕτως ἔχει), hic est enim *Filius Dei*, spes Christianorum, propter quem patimur et salvamur » s. Tarach. in Cilicia anno 304 (ib. p. 377). « Polemon (index) dixit: quem colis Deum ? Respondit Pionius (martyr): *Deum omnipotentem*, qui fecit coelum et terram... quem cognovimus per *Verbum eius Iesum Christum*... Ad Sabinam Polemon verba convertit: quem colis Deum? Illa respondit: Deum omnipotentem quem cognovimus per *Verbum eius Iesum Christum*. Post haec adstante haud procul Asclepiade Polemon dixit: *quem colis Deum ?* Respondit (Asclepiades): *Christum*. Polemon: *quid ergo, iste alter est ?* Respondit : *non, sed ipse, quem et ipsi paulo ante confessi sunt...* Indices iterum dixerunt: quem Deum colitis ? Pionius respondit: *hunc , qui coelum fecit et sideribus ornavit, qui terram statuit...* Tum illi (iudices): illum dicis, *qui crucifixus est ?* Ft Pionius: *illum dico, quem pro salute orbis Pater misit* r (1) s. Pionius

(1) Est verissimam, has martyrum confessiones plane geminas esse

cum sociis Smyrnae anno 250 (ib. p. 122 sqq.). In utraque quaestione Tarachi et Pionii gentiles conantur convincere sanctos martyres, coli ab eis plures Deos eo, quod et Patrem et Christum dicerent Deum omnipotentem; at Christiani confitentur Patrem et Filium esse unum eundemque Deum, non Deum alterum et alterum; adeoque licet alius sit Pater, alius Filius, non tamen distinguuntur deitate sed sunt unus Deus.

Ex propositis tum Patrum explicationibus tum martyrum testimoniis est evidens, universalem Ecclesiae fidem et intelligentiam dogmatis inde ab Apostolis fuisse eandem, quae in Concilio Nicaeno et deinceps diligentius ac ratis fixisque formulis dogmaticis defensa est, ut dogma

declarationibus Pontificum Zephyrini et Callisti : « novi unum Deum Iesum Christum, et praeter ipsum nullum alium (Deum); » « Verbum non est alius spiritus quam Deus, et Deus non alius spiritus quam Verbum (de nomine spiritus *absolute* non *hypostatice* sumpto cf. Constant. Praefat. in Opp. s. Hilari! n. 62. 63), hoc Verbum est unus Deus. Sunt haec exacta perfectissime ad normam theologiae catholicae nec ulla, ut recentior theologus putavit, indigent emollitione. Minus exacta est ad terminologiam theologicam ipsius explicatio : » Responsio martyris : non est alter, minime sibi vult, Christum esse illum unum Deum h. e. personam identipam cum Patre, sed est tantummodo emphatica expressio consubstantialis deitatis Christi » (Fol. Théologie. Tubingens. 1855, . 361). Responsio martyris utique non significat, Filium esse eandem personam ac Pater est; sed certissime significat, non esse Deum alterum sed unum eundemque Deum, qui est Pater; Deus enim est Pater, Filius, Spiritus Sanctus, « tres simul personae et quaelibet earundem. » Plurimum quippe inter se differunt haec duo, quae theologus videtur habere velut synonyma: « Filius est ille unus Deus idem, qui est Pater, » et - Filius est persona eadem, quae Pater est ». Neque satis recte dicitur, exprimi « *consubstantialem deitatem Christi*; - nam deitas Christi non est consubstantialis deitati Patris sed prorsus una indistincta deitas est Patris et Filii, ac propterea *Filius est consubstantialis Patri*. «Non autem sibi ipsi quidquam consubstantiale est, sed alterum alteri » s. Basil, ep. 52. n. 3. Possunt quidem reperiri Patres, qui dixerint Filium « naturam aequalem Patri », « essentiam de essentia -, imo etiam « essentiam Filii consubstantialem Patri - (cf. Athanas. ad Serap. ep. 2. n.5); sed in huiusmodi dictis essentia Filii seu natura Filii accipi debet pro hypostasi (Petav. 1. VI. c. 10; hlaran. Divinit. D. N. Iesu Ch. 1. IV. . 10. n. 9.).

in directa oppositione adversus novos errores integrum servaretur.

II. Si conferas Petavii librum I. de Trim c. 3-5. cum eiusdem Prolegomenis ad ipsos de Trinitate libros, non adeo obvium erit claram ac distinctam concipere notionem, quid tandem ex Petavii opinione de unitate naturae et de consubstantialitate trium divinarum personarum certa ratione sententia crediderint Patres non pauci, qui floruerunt ante definitionem Nicaenam; videbuntur enim Patrum sententiae eo modo acceptae quo a Petavio l. I. intelliguntur, repugnare iis quae de eorundem Patrum fide ipsemet demonstrat in Prolegomenis. Posteriores theologi multi, et inter hos Natalis Alexander, Maranus, Lumper, Moehler (in Opere « Athanasius Magnus ») et ex Anglicanis Georgius Bullus locutiones vetustorum Patrum difficiliore interpretati sunt, non ut Petavius l. I. sed alio sensu, qui conveniat cum eiusdem Petavii Prolegomenis; hancque suam interpretationem veram esse, ex ipsis Patrum principiis demonstrarunt, ita ut de pleno consensu doctrinae ante synodum Nicaenam cum professione synodi et Patrum subsequentium quoad unam deitatem trium distinctarum personarum saltem inter theologos catholicos res videretur esse liquida. Nunc vero novae quaedam in medium producuntur interpretationes, in quibus error manifestus in intelligendo dogmate revelato Patribus adscriptus obtegitur nomine *imperfectae intelligentiae*, haecque theoria vindicatur ex principiis de profectu intellectus catholici, quae, pro nostra quidem opinione, ultra iustos limites extenduntur.

Ex una parte fatentur hi theologi, fidem et professionem dogmatis eandem fuisse Patrum antenicaenorum ac deinceps; ex parte vero altera affirmant, modum concipiendi et explicandi ipsum dogma fuisse « deficientem ». Defectum autem reperiunt non solum in usu argumentorum, comparisonum, obscurae elocutionis sed in eo, quod Patres antenicaeni plerique naturam Filii putaverint esse aliam inferiorem quam sit natura Patris, ac proinde idem utique censuerint etiam de natura Spiritus Sancti. Credidisse,

aiunt, illos vetustos Patres universos Filium Dei Deum, sed consubstantialitatem cum Patre sensu Concilii Nicaeni nondum intellexisse, imo visos esse tendere ad asserendam naturam Filii velut participationem de natura Patris « quantitate » inferiorem. « Quamdiu enim ratio, qua persona se habet ad personam, non distinguitur a ratione qua natura in Filio se habet ad naturam in Patre, tamdiu subordinate personalis (quod una persona habet originem ex altera) necessario etiam transfertur ad essentiam, nec admittit cognitionem absolutae consubstantialitatis; id quod accidit apologetis et *plerisque Patribus antenicaenis* » Dr. Kuhn de Trin. §. 12. p. 123. Non probant recentes isti theologi, ut modos loquendi duriores Patrum antenicaenorum, comparatione facta cum declarationibus et formulis Patrum subsequentium, in eundem sensum quoad rem ipsam reducere satagamus, solo admissio discrimine ac progressu ab obscuriori et confusiori modo concipiendi ad clariores et distinctiores definitiones; sed duriores illas locutiones veterum urgent velut exprimentes gradum inferiorem ac proinde diversitatem naturae in Filio Dei prae Patre Deo universorum, « Anxium studium, inquiunt, quo multi theologi ubique defendunt vetustiores Patres, et arbitrium quo eorum sententias reducunt ad explicationes Patrum posteriorum, non imitandum sed potius reprehensione dignum est ». Ceterum quoad doctrinam Patrum antenicaenorum securos nos esse iubent ex principio nostra aetate frequenter repetito, quod fateor me non intelligere, quid sibi velit, quando non de animo ac voluntate hominum sed de doctrina agitur et de sententia in se obiective spectata. Aiunt enim velut ad sufficientem apologiam pro sana doctrina illorum Patrum: « quod haereticum facit, non est manca vel etiam falsa theoria sed manca ac perversa fides pertinaciter retenta. » Rursum vero iidem theologi non iufrequenter ita loquuntur, ut concedere videantur, rem ipsam unitatis naturae in personis distinctis Patres de quibus agitur, utique tenuisse, sed solum non satis clare et distincte exprimere valuisse, quod fidei intellectu concipiebant. At si ita est, quomodo non oportet illorum ve-

teruni sententias conciliare cum doctrina subsequendum et cum explicatione catholica mysterii? Certe tota explicatio doctrinae Patrum antenicaenorum a viris his eruditis proposita, ut (quemadmodum aiunt) in intelligentia dogmatis de SS. Trinitate progressum ostendant ab imperfecto ad perfectius mihi eo tendere videtur, ut inducatur opinio, Patres ipsos plerosque inde ad Apostolis usque ad saeculum IV. nihil rati ac fixi habuisse, quo sensu Christus Dei Filius sit dicaturque Deus, quo sensu tres, Pater, Filius, Spiritus Sanctus, sint unus Deus; imo vero videtur ex horum theologorum interpretationibus consequi, unitatem realem singularitatis Dei et ideo consubstantialitatem personarum, quae duo dogmata sunt « substantia novi Testamenti », primis saeculis fuisse saltem plerisque Doctoribus eoque magis aliis fidelibus adhuc incompertam.

At talem profectum, si agitur universim de catholico intellectu et non solum de errore unius alteriusve Doctoris vetusti, admitti non posse, certissimum est tum ex propria ratione huius dogmatis, de quo sermonem habemus, tum ex modo, quo Patres subséquentes suum consensum cum Patribus antiquioribus testati sunt, tum ex disertis et communi doctrina Patrum ac martyrum antenicaenorum.

1°, Agitur de veritate principe ab ipsis Apostolis explicite in Scripturis consignata, necessario in praedicatione Apostolorum fidelibus declarata, ab omnibus fidelibus explicite credenda et in ipsa initiatione baptismi atque quotidie in symbolo profitenda, sanguine etiam coram tyrannis obsignanda. Veritas haec est: unum esse Deum, praeter quem alius Deus non est; tres distinctos Patrem, Filium, Spiritum Sanctum esse hunc unum Deum, non autem tres Deos; nominatim Verbum Patris incarnatum, Christum, esse verum Deum adeoque non Deum alium sed Deum unum cum Patre et Spiritu Sancto. Atqui repugnat toti rationi Ecclesiae divinitus constitutae et promissionibus Christi munitae ad custodiam depositi fidei, ut veritas eo, quo diximus, modo comprehensa in revelatione, explicite tradita ab Apostolis, ab omnibus fidelibus semper et ubique ex-

plicite credenda aliquo tempore non sit secundum genuinum suum sensum in intellectu catholico Ecclesiae. In huiusmodi igitur veritatum intellectu et explicatione talis progressus, quem hi theologi assumunt, ex ipsis principiis generalibus traditionis et oeconomiae fidei christianae admitti non potest. Longe enim diversa est ratio dogmatum, quae explicite in se ipsis sunt ab Apostolis tradita Ecclesiis, a instanti praedicatione » diserte semper proposita fidelibus utpote ab omnibus explicite cognoscenda ac credenda, et veritatum aliarum quarundam, quae vel solum implicite in aliis revelatae sunt, vel usu et observatione quadam communi disciplinae magis quam diserta doctrina propositae, vel certe simplici fide susceptae non autem instanti praedicatione inculcatae. In his posterioris ordinis capitibus non negamus posse aliquando per magisterium authenticum sub directione Spiritus Sancti profectum explicationis locum habere eo fere modo, quo illi theologi profectum asserunt in explicatione dogmatis de SS. Trinitate (vide Tractat, de Traditione). Ex generalibus igitur principiis conficitur, fieri nullo modo potuisse, ut Patres catholici in communi spectati quoad rem ipsam non eandem intellexerint ac docuerint unitatem deitatis et trium personarum distinctionem, quae in Concilio Nicaeno definita est et deinceps multipliciter vindicata. Inde tamen non fiebat, ut modus loquendi sive de unitate sive de distinctione in usum receptus semper fuerit aequae determinatus, minime ambiguus, et excludens ipsam possibilitatem sensus falsi ac haeretici, cuiusmodi formulas ecclesiasticas deinceps statutas et adversus haereticos errores multis declaratas videmus.

2J. Quare si quid penes Patres antecedentes in communi spectatos esset ambiguum per se plures admittens sensus, necessario intelligendum esset secundum explicationes Patrum subsequentium, qui et ipsi suam consensionem cum antecessoribus proclamant, et non aliud licet aliis strictioribus verbis se docere profitentur, quam quod a maioribus inde ab aetate apostolica traditum est. Ita Athanasius quoad doctrinam consubstantialitatis comparat Patres

saeculi III. cum Nicaenis. « Non decet illos cum his committere; omnes enim Patres sunt, neque sanctum esset eos discriminare, quasi hi quidem bene, alii contra male docuissent; omnes quippe in Christo obdormierunt... Neque trecenti illi aliquam scripsere sententiam, neque sibi ipsis confisi verbis nou antea scriptis patrocinati sunt; sed etiam ipsi a Patribus (antecedentibus) progressi eorum verba usurparunt» Athanas. de Synod, n. 43. Si vero de sentiis singularium quorundam Patrum quaeritur, certe illi neque infallibiles sunt, neque ab integritate eorum doctrinae pendet sive in se perpetuitas et constantia universalis traditionis sive huius demonstratio. Attamen in dogmate christiano huius indolis, sicut est professio Dei unius et trini, dissensus a catholico intellectu et detorsio ad sensum praeposterum in Patribus etiam singularibus admitti non potest, nisi evidenter demonstretur, eorum doctrinam nullo modo probabili cum sententia catholica conciliari posse. Ratio huius rei sita est in ipsis principiis Patrum, in eorum unione cum Ecclesia, in auctoritate et veneratione, qua tamquam lumina spectabantur ab Ecclesia ipsa, in connexione, qua Patres diversarum aetatum, sequentes cum antecedentibus, cohaerent; et speciatim quoad praesentem quaestionem ratio est clarissima in ipsa natura dogmatis, quod a doctoribus catholicis ignorari non potuit, et certe intra fines Ecclesiae in discrimen vocari non potuisset, quin alii Pastores Doctoresque continuo reclamarent. Haec res facto ipso constat luculentissime. Cum Dionysius Alexandrinus ad realem distinctionem Patris et Filii adversus Sabellianos efficacius exprimendam usus esset quibusdam modis loquendi, quibus distinctio et diversitas naturae significari videbatur, continuo accusatus est apud successorem Petri Dionysium Romanum Pontificem, qui hac occasione communem fidem sicut de distinctione personarum ita de unitate naturae ea, qua superius vidimus, claritate exposuit, cui definitioni Alexandrinus plenissime consensit, et se semper in eadem fide fuisse protestatus est (vide S. Athanas. 1. de sentent. Dionysii n. 15. 17. 18. 20; de decret. Nicaen. n. 26). Sed de Dionysio alibi dicendi locus erit.

Eadem consensio, sollicitudo, claritas intelligentiae in custodiendo deposito aequè manifeste apparet in damnatione omnium haereticorum, quantumvis subtiliter disputarent et verbis ecclesiasticis suum errorem obtegerent. Rationem, quae in huiusmodi praesertim dogmatibus publicae et communis professionis persuadet consensum Patrum semper praesumendum esse, et dissensum aliquorum non nisi ex evidenti demonstratione concedi posse, complectitur Augustinus loquens de alio dogmate etiam minus obvio, quam est professio SS. Trinitatis: « quia, inquit, et ipsi (Patres orientales) utique christiani sunt, et utriusque partis terrarum fides ista una est, quia fides ista Christiana est » Aug. contr. Iul. I. n. 14. (Vid. Tract, de Tradit, th. XV.).

3°. Si iam doctrinam ipsam inspiciamus, ut in monumentis adhuc reliquis ante tempora Nicaena proposita exstat, non tam distinguendi sunt Doctores diversi inter se, quam potius conferenda duplex series sententiarum apud omnes vel certe plerosque illos Patres.

a) Omnes habent certissimum principium fundamentale, unum esse Deum, praeter quem alius non est; eundem absolute seu sub ratione deitatis et essentiae spectatum esse unum ita, ut Iudaei et monarchiani docent et recte probant ex Scripturis; porro nefas omnino esse, divinum cultum deferre nisi uni vero Deo. Non minus certum habent, Christum Filium Dei et pariter tertium, Spiritum Sanctum, esse verum Deum, divino cultu adorandum; Christum Filium a Patre distinctum esse illum unum verum Deum, qui in V. T. apparuit et se revelavit ut Deum unum. Clarum est igitur, a Patribus illis omnibus tam multiplicationem quam partitionem deitatis seu naturae divinae haberi ex principiis Christianis ut absurdam. Hinc certum est, declarationes distinctionis realis inter Patrem, Filium, Spiritum Sanctum numquam posse penes illos intelligi eo sensu, ut distinctio pertingat etiam ad unam simplicissimam et non multiplicabilem essentiam divinam.

7») De distinctione personarum duplex est diversus modus disputandi illorum Doctorum. Quando simul confutant errores oppositos ex una parte asserentium cum unitate na-

turae etiam unitatem personae, ex parte altera distribuentium quomodocumque etiam naturam cum distinctione personarum, ut vidimus penes Callistum et Dionysium Pontifices; aut quod fere eodem redit, quando Patres vindicantes distinctionem personarum simul repellunt calumniam adversariorum, ac si hoc ipso multiplicaretur natura, ut saepe Irenaeus, non raro Tertullianus alique; in hac inquam disputatione coniungunt et aequè clare defendunt unitatem naturae et distinctionem personarum. At vero frequenter supposita unitate deitatis solum prae oculis habent realem distinctionem Patris et Filii, quam haeretici negabant. Cum iam hic Patribus nullatenus fuerit propositum declarare distinctionem, *quomodo sit*, sed unice eius realitatem, *an sit*, et cum de unitate naturae absque controversia cum adversariis monarchianis consentirent; non est mirum, quod saepe utuntur iis loquendi modis, qui per se spectati possent non solum personarum sed etiam naturarum distinctionem significare, et quibus in disputatione alia, ubi vindicanda essent deitas Filii et naturae unitas, neque ipsi usi essent, et minus adhuc posteriori aetate uti commode possumus, dum formulae et definitiones erroribus tam monarchianis quam trinitarianis directe oppositae iam ratae sunt ac fixae, quas formulas ipsas non nisi paulatim peperit necessitas, ut dogma unitatis et distinctionis semper creditum muniretur adversus haereticos, et fraudes detegerentur, quibus errorem illi occultabant.

Hanc distinctioris et constantioris terminologiae originem testatur historia Concilii Nicaeni superius a nobis descripta (th. IX), imo historia tota Arianorum et Pneumatomachorum, ut tum a Patribus seorsum tum in Conciliis confutati et damnati sunt.

Quod itaque de illis vetustis doctoribus ait s. Hieronymus Apol. contr. Rufin. l. II. n. 17: « fieri potest, ut vel simpliciter erraverint, vel alio sensu scripserint, vel a librariis imperitis eorum paulatim scripta corrupta sint; vel certe antequam in Alexandria quasi daemonium meridianum Arius nasceretur, innocenter quaedam et minus caute loquuti sunt, et quae non possint perversorum ho-

minum calumniam declinare, » totum concedendum est, si sermo sit de rei *possibilitate* et de doctoribus seorsim *singulis* non vero in consensu spectatis. At si quaeratur de *facto*, primum et tertium sine magna probatione admitti non debet, secundum et quartum inspectis scriptis Patrum illorum, qui semper habiti sunt orthodoxi, reperitur esse verissimum.

THESIS XI.

*De difficilioribus concipiendi et loquendi modis,
quibus Patres vetusti distinctionem realem divinarum
personarum significant.*

« Quando ss. Patres sive ante controversiam cum Arianis sive
9 adhuc post Concilium Nicaenum loquuntur 1^o. de relatione Filii ad
9 Patrem velut inferioris ad superiorem; 2^o. de voluntaria genera-
9 tione Filii; 3^o. de operatione Filii ad extra velut ministrantis Deo
9 r Patri, eiusque generatione ad opus creationis: 4^o. de missione et ap-
9 paritionibus Filii etiam in veteri Testamento, velut visibilis et loco
9 » circumscripti prae Patre invisibili et immenso: omnes illae locutiones
9 » penes Patres orthodoxos possunt atque spectatis eorum principiis et
9 » declarationibus debent intelligi de reali distinctione Filii per gene-
9 » rationem procedentis a Patre ut a suo principio, non autem de modo
9 » distinctionis secundum diversitatem naturae; in plerisque vtro simul
9 » respicitur humana natura a Filio assumenda aut assumpta, vel appa-
9 » ritio in loco *per subiectam creaturam*, »

Non potest negari apud Patres antenicaenos occurrere modos loquendi de Filio, et vel diserte vel per consequentiam de Spiritu Sancto, in comparatione cum Patre, qui per se et seorsum sumpti possent significare, et sensu obvio revera significarent Filium natura a Patre distinctum ac inferiorem. Imo locutiones geminae occurrunt non raro penes Patres etiam post Nicaenum Concilium eos ipsos, qui consubstantialitatem Filii cum Patre adversus Arianos studiosissime vindicabant. Unde apud hos posteriores nemo prudens dubitat, quin duriores illae formulae in sensum orthodoxum explicandae sint. Hoc vero ipsum iam praeiudicium est gravissimum, easdem etiam ab antiquioribus hoc tantummodo sensu catholico adhibitae fuisse. At non coarctamur ad hanc solum comparationem cum Patribus

posterioris aetatis; sed ut iam indicavimus inter principia generalia, de quibus dictum est in fine thesis antecedentis, Patres illi antenicaeni ipsi tradunt doctrinam disertissimam de unitate divinae naturae non multiplicabilis, et de Filio qui cum Patre est unus verus Deus. Quare ea omnia, quae proferunt de distinctione Patris et Filii, non possunt habere sensum illum, quo ipsum principium fundamentale subverteretur; non possunt inquam intelligi de distinctione, eoque minus de diversitate naturae, sed necessario intelliguntur tantummodo de distinctione Patris et Filii, formaliter ut est Pater principium, Filius procedens a principio, h. e. de distinctione personarum, salva ac integra manente unitate deitatis sive naturae divinae. Neque vero locutiones istae difficiliores sunt eiusmodi, quae sensum catholicum non admittant, dummodo advertatur, quid Patres ab adversariis concessum supponant, unitatem videlicet deitatis, quid ab iisdem adversariis negatum obtinere velint, distinctionem nempe realem Filii subsistentis a Patre subsistente.

Versantur omnes illae locutiones circa quatuor capita doctrinae catholicae ex ipsis Scripturis desumpta: quod 1°. Deus Pater est principium, Deus Filius est ex Patre genitus; 2°. Pater Filium non generatione materiali et instar brutae naturae, sed interno actu intellectuali et eatenus Pater *volens* genuit; quod 3°. Deus Pater creavit omnia et operatur ad extra per Verbum suum seu per Filium; quod 4°. Filius missus a Patre in Incarnatione et velut in praelusionibus Incarnationis iam in theophaniis veteris Testamenti manifestavit Patrem.

I. Ad professionem generationis ac processionis pertinet, quod Patrem dicunt superiorem Filio, nempe secundum originem et ἁξιώαα personale; vel quod Filium a Patre docent velut a plenitudine derivatum, quatenus scilicet Pater principium est ac fons Trinitatis.

1° Aliquando ab eis Pater praedicatur «Deus universorum», et sub eo numeratur Filius «secundo loco» et «tertio» Spiritus Sanctus, atque ulterius praeter «Deum universorum» Filius dicitur «alter Deus». Sic Justinus:

«Enitar vobis (Iudaeis) persuadere, alium esse, et dici Deum ac Dominum sub creatore universorum, qui et Angelus vocatur, quia nuntiat hominibus, quaecumque illis vult nuntiare universorum creator, supra quem alius non est Deus... Ad Scripturas me referens persuadere vobis conabor, hunc ipsum qui Abrahae et Iacob et Moysi visus esse dicitur, et Deus esse in Scriptura docetur, esse alium ab eo qui omnia creavit Deo, alium, inquam, numero non vero mente (*ἀρβμω λέγω, ἀλλὰ cv γνώμη*) » Iustin. Dialog, cum Tryph. n. 56. « Athei non sumus, qui factorem huius universi colimus... Nostrum autem harum rerum doctorem, natum ad hoc munus Iesum Christum... ipsius veri Dei Filium noscentes, et ipsum secundo loco Spiritumque propheticum tertio ordine habentes rationabiliter nos colere demonstrabimus *n* (1) Id. Apol. I. n. 13.

Esset iam per se incredibile, Iustinum non intellexisse, quod in Scripturis omnibus est evidens, unicum verum Deum esse, qui creavit omnia et qui patriarchis ac Moysi sese manifestavit, atque persuadere voluisse Iudaeo Tryphoni duos esse Deos, unum creatorem omnium, alterum deitate distinctum qui in veteri Testamento se revelavit Deum Abraham, Isaac, et Iacob. Ceterum hoc fundamentum unitatis Dei Iustinus diserte etiam praestruxit. «Nec alius (inquit) umquam erit Deus, o Trypho, nec alius a saeculo exstitit praeter eum, qui hoc universum creavit ac disposuit. Neque alium nobis, alium vobis esse Deum ducimus, sed ipsum illum, qui patres vestros eduxit e terra Aegypti... Neque in alium quemquam speramus, neque enim alius est, sed in eum, in quem et vos, Deum Abraham et Isaac et Iacob» ib. n. 11. Igitur Iustinus tria simul affirmat ut certissima in fide christiana; primo non esse nisi unicum Deum, qui creavit omnia et qui idem Deus Abraham, Isaac, et Iacob patriarchis ac Moysi se manifestavit; tum secundo alium esse Patrem, qui creavit omnia per Verbum suum, et alium qui Filius missus se manifestavit patriarchis; unde tertio

(1) Ἰὸν αὐτοῦ τοῦ ὄντος; 3*ου ἁξαΟου; χαὶ ἐγ δβυτῶρα ἰχοντῶ ,
 .T/IU/χα τῇ 7rgeÇ>/Tixon «γ τρίτη ταξίβι, ὅτι fxxra λογου τιῶγγχῶν. ἀποδη ο/ζ\$».

Patrem et Filium esse unum verum Deum creatorem omnium ac Deum Abraham, Isaac, et Iacob.

His positis partitivum *u alius* », dum Filius dicitur « alius Deus », non potest intelligi de distinctione deitatis unius et alterius, sed necessario intelligitur de distinctione personae, ut Pater sit alius et Filius alius, qui tamen sunt unus Deus. Unde etiam recensio *u* sub Deo qui creavit omnia », et numeratio « secundo loco » ac « tertio ordinem non naturae sed solum personarum subordinationem ratione principii et procedentis a principio indicare potest (1). Vide etiam Tertullianum contr. Prax. c. 3.

Eodem sensu nomen « Deus super omnia » aliquando *hypostatice* usurpatur ad designandum Patrem, quatenus est principium Filii et cum Filio principium Spiritus Sancti, idque factum fuisse videmus non solum a vetustis illis Patribus sed etiam post Cone. Nicaenum ab iis, qui ceteris instantius unam naturam trium defendebant, ut ab Athanasio (Apolog. ad Constant, n. 17.); Basilio (ep. 38. n.4); Gregorio Nysseno (contr. Apollin. n.77. Galland. VI. p.575). Basilius 1. c. ad rem praesentem characteres personales ita describit: Filius a Patre procedit solus per modum unigeniti (*μονο μονογενω*) *j* Spiritus Sanctus a Filio pendet (processione *ις j vicv μεν τρτ'Υ,ται'*), quocum inseparabiliter cogitatur, et ex Patre principio pendentem (origine) subsistentiam habet (*ττ. τε του πατρο αιτια εξ-ημμενον εχει το ειναι*); qui autem est *super omnia Deus*, exsortem characterem suae hypostaseos solus habet, quod Pater est, et quod nullo subsistit ex principio » (2) Basil. T. III. p. 117. (Vide Tract, de Incarnat, th. IX. η. II.)

(1) Nobis pro nostro scopo nec opus nunc est nec animus totam Origenis doctrinam de Trinitate defendere; interim quod velut grave praeiudicium contra eius orthodoxiam obiici solet ex l. V. n. 30 contra Celsum, ubi Filium appellat « alterum Deum *ὁ ωτ' ἴσον θεο* », n si non aliud obstaret, ex dictis facile explicari posset. « Sapientiam nos credimus Dei esse Filium... Et si ideo alterum dicamus Deum, sciant, alterum Deum nos non aliquid aliud dicere quam Virtutem omnes virtutes complectentem et Verbum (seu Rationem *λογος*) in se continens, quidquid rationis est in iis, quae secundum naturam eaque praestantissima creata sunt. »

(2) *Γ ὁ; υπι zcc/tu' / 5εο i αι^-τοκ τι γναζισρ,α τη εαυτου νζοστασιν , το πατιρ mat και «χ μ,ηδ/μια αιτια ὀποστηναι, μο,ο jyei.*

Eodem reduci posset per se loquendo distinctio Origenis inio. torn. 2. n.2.3. (Opp. T. IV. p. 50. 51.). Pater, inquit, dicitur Deus cum articulo (ὁ θεός), Verbum autem quod erat apud Deum et quod Deus erat, appellatur sine articulo θεῶς, idque ideo ut Pater significetur tamquam ἀντιθεός i. e. Deus sine principio a quo procedat, Filius intelligatur in sua proprietate personali is, qui habet divinitatem communicatam a Patre. Explicat hanc distinctionem inter nomen c̄ 5ecs et θεός; alio exemplo. Verbum dicitur c̄ *Ιηζζ* cum articulo, in creatis vero ratio est ἄκρως sine articulo, quia Verbum (i zcyc;) est exemplar et fons omnis rationis, quae in creatis est Ιcyc̄ velut participatio quaedam illius, qui est c̄ 't.zyz-ratio absolute perfecta, u Ambo igitur locum tenent fontis, Pater quidem divinitatis (quatenus communicatur Filio), Filius vero rationis (participatae in creatis), λ Comparatio non est inter communicationem divinitatis a Patre et rationis creatae a Verbo quoad modum, quasi is utrimque idem esset, sed comparatio est inter communicationem solum analogam. Hanc doctrinam, quod deitas in Patre est non communicata ab altero et ideo Pater dicitur c̄ *Sesg* et ἀντοῖεο, in Filio deitas est communicata a Patre per generationem et ideo dicitur θεός, opponit Origenes duplici aut triplici errori: primo generatini eorum, qui Patrem et Filium Deum praedicando putant induci duos Deos; tum eorum, qui ad hunc ditheismi errorem vitandum vel negant personalem distinctionem Filii a Patre, vel concessa distinctione negant Filii divinitatem. «Ex his, inquit, solvi iam potest id quod inultos perturbat, qui volentes Dei amantes esse verentur, ne duo praedicentur Dii, ac propterea incidunt in falsa et impia dogmata, vel ita, ut negent proprietatem Filii aliam a proprietate Patris, confitentes Deum esse, quem ipsi solum nomine tenus Filium appellant (quippe quem non realiter distinctum a Patre credunt); vel ita, ut divinitatem Filii negent, concedentes proprietatem eius et substantiam secundum circumscriptionem, aliam a Patre» (1) Origen. l. c.

(1) Τιὸ φησὶ αὐτοῦ τὴν ἰδιότητα καὶ τὴν οὐσίαν κατὰ τὴν ὑπόστασιν ἑαυτοῦ. Ἡ δὲ οὐσία κατὰ τὴν ὑπόστασιν ἐστὶν ἡ ἰδιαίτη ὑπόστασις, quae scilicet est substantia seu essentia proprietate hy-

Pariter non ad distinctionem naturae sed ad indicandam generationem Filii a Patre, simulque ad declarandam Filii incarnati dominationem secundum humanitatem, pertinet illud, quod non modo ante Concilium Nicaenum, ut Tertullianus contra Prax. c. 13. , sed etiam subséquentes Patres ex ipso usu loquendi biblico (cf. 1. Cor. VIII. 6 ; XII. 4-6; Eph. IV. 5. 6. etc.) animadvertunt, in connumeratione Patrem dici *Deum* Filium vero *Dominum*, significatione scilicet hypostatica horum nominum, quamvis absoluta significatione Filius idem Deus sit qui Pater, et Pater idem Dominus qui Filius, u Pietatis doctrina, ut sciamus unum Deum ingenitum Patrem, unum genitum Dominum Filium, qui Deus quidem appellatur, quando per se et seorsum dicitur, Dominus autem, quando cum Patre nominatur; illud propter naturam (quia una deitas), hoc propter unitatem principii» (ὥα την μοναρχίαν) Gregor. Naz. or. 25. al. 23. η. 15. cf. Hilar. Trin. 1. VIII. n. 35-37; Basil, ep. 8. al. 141. n. 3; Chrysost. in 1. Cor. horn. 20. n. 3; de Incomprehens. horn. 5. n. 1. 2.; Theodoret. in 1, Cor. VIII. 6.

2° Alter loquendi modus pertinens ad rationem principii et procedentis a principio indiget explicatione, quando verbis utuntur, quae per se spectata possent significare partitionem naturae divinae aut communicationem naturae non eiusdem, quae est Patris, sed alterius inferioris. Tertullianus Patrem appellat «totam substantiam, n Filium «derivationem totius et portionem, » atque Filium comparate ad Patrem ait esse «modulo alium ab alio» contr.Prax. c.9.

At vero tum contextus immediatus huius loci tum universa doctrina in toto libro contra Praxeam et alibi a Tertulliano defensa de una substantia ac deitate in tribus personis substantialibus , quae solis relationibus originis in-

postatica velut definita et circumscripta, sub qua ratione iam non est communis pluribus sed incommunicabilis et hoc sensu in divinis « individua substantia rationalis naturae. » Ita etiam a s. Basilio dicitur hypostasis, ubi u non communitas naturae sed rei alicuius *circumscrip- tio* secundum proprietatem spectatur η π α γ μ α τ ο τ ι ν ο χ α τ α τ ο ι ο' ι α ζ ο ν Basil, ep. 36. (al. 43.) η. 2. cf. Tract, nostrum de Incarnatione; Petav. Trin. IV. c. 7.

ter se distinguantur, tam luculenta est, ut Patrem *a* totam substantiam *n* prae Filio dicere non potuerit nisi ratione *principii*, nec Filium potuerit intelligere alio sensu «derivationem totius, » nisi quod «totum» , ipsa scilicet eadem deitas quae est Patris, per generationem derivatur in Filium; vel quod «derivationem totius» dixerit ut *derivationem a toto*, quo nomine *totius* intelligi debeat Pater ut principium primordiale (ἀρχή *rpzarcipzrizz*) et fons Trinitatis. Nomen vero « portionis » est appositum synonymum , idem significans quod « derivatio totius » ; portio quippe idem est ac *partitio* non divisionem significans sed pro perfectione rei, de qua agitur, solum communicationem (1). Tertullianus ipse alibi (contr. Marc. 1. III. c. 6.) hunc sensum explicat, quod Pater est plenitudo, Filius portio quatenus «consors plenitudinis. » Nec quidquam officit, quod contra Prax. c. 9. confirmat illam rationem «totius» ac « portionis » verbis Christi: « Pater maior me est» Io. XIV. 28. Hoc enim dictum Patres quam plurimi etiam post Cone. Nicaenum et in disputatione adversus Arianos interpretati sunt de Filio spectato secundum divinitatem, quod Pater maior dicitur Filio non sane ratione naturae, quam unam in Patre et Filio illi Doctores sua interpretatione defendere propositum habebant, sed ratione originis et secundum αἰω/ζα paternitatis, quod Pater est principium Filii. (Vide PP. apud Petav. 1. II. c. 2. n. 1-9). Hac interpretatione verborum Christi admissa, recte poterat Tertullianus ad ea appellare non solum, ut pro suo scopo principe rem ipsam distinctionis Patris ac Filii demonstraret, sed etiam poterat ex illis suum peculiarem modum loquendi derivare. Declarat ipsemet 1. c., quo sensu dicatur Pater Filio maior: «dum alius qui generat, inquit, alius qui generatur;

(1) Sic etiam Tatianus distinguit partitionem et divisionem [11/ et ατοζοπ-ηv. Verbum ait esse genitum ac prolatum ad mundi creationem non per divisionem sed secundum partitionem (h. c. secundum communicationem ζατα non imminuens eum a quo processit, sicut lumen accenditur a lumino Tatian. contr. Graec. η. 6. Conferri etiam potest locutio latina penes Plinium « vocare aliquem in portionem muneris. » Cf. lust, dialog, cum Tryph. η. 128.

sunt, nempe Deus (ἐν γὰρ ἀρχῇ, θεο); dixit enim: in principio erat Verbum, et Verbum erat in Deo (ἐν τῷ θεῷ), et Deus erat Verbum... Deus et bonus et iustus est... *Unum* autem est Deus, et *supra unum*, et *supra ipsam monadem*. Propterea particula *Tu* (in verbis: Tu Pater in me et Ego in Te) emphasim habens demonstrativam designat Deum, qui solus essentialiter est, erat, et erit(vid. Tract, de Deo th. XXII. η. II.)... Qui enim hos quidem statuit a dexteris, illos vero a sinistris (bonus et iustus), quatenus Pater concipitur bonus existens, id solum quod est, nempe bonus appellatus est (Matth. XIX. 17), quatenus vero Filius existens Verbum eius in Patre est, iustus appellatur, *ex relatione ad invicem* n Clem. Paedagog. 1. I. c. 8. Itaque Deus unus est et supra unitatem, cui scilicet intrinsecus repugnat additio alterius unitatis (Tract, de Deo 1. c.), identique unus Deus est Pater et Filius, qui relatione ad invicem non autem deitate, utpote una, inter se distinguuntur; unde dum Patri bonitas, Filio iudici iustitia appropriatur, qui dicitur bonus et iustus, est idem unus Deus. Vide etiam doxologiam ex usu ecclesiastico desumptam ad finem libri III. Paedagogi Clementis. Ibi est precatio: « placare filioliis tuis, Fili et Pater, *ambo unum*, Domine! » et exspectatur laus ac gratiarum actio in coelo deferenda « soli Patri et Filio, Filio et Patri cum Sancto Spiritu, *per omnia uni* (παν-α ἐνι), per omnia bono, pulchro, sapienti, iusto, cui gloria et nunc et in saecula Amen. »

Hac doctrina supposita manifestum est, in illo dicto: « *natura Filii propinquissima omnipotenti* », non posse esse comparisonem inter naturam absolute spectatam Patris ac Filii, sed necessario intelligi relationem personae ad personam. Quare « *natura Filii* » intelligitur natura formaliter ut identificata cum Filio, ita autem « *natura Filii* » idem significat ac *Filius* vel *persona Filii* (vid. Tract, de Incarnat, th. XXXV. cf. Petav. Trin. 1. IV. c. 2. n. 3. 4). Hac vero significatione hypostatica « *natura Filii propinquissima* (coniunctissima $\pi\rho^{\wedge}\sigma\epsilon\chi\epsilon\sigma\tau\alpha\tau\tau$ omnipotenti (Patri) » recte dici potest duplici ratione.

a) In comparisonem *ad extra* cum creaturis natura Fi-

lii est propinquissima Patri , quia .Filius est generatione, consubstantialis imago Patris, splendor (απαύγασμα) gloriae, et figura (χαρακτήρ) substantiae eius (Heb. I. 3); creaturae, angeli et homines sunt imagines imaginis per creationem. Ita loquuntur Patres frequenter (Petav. VI. 5) et Clemens ipsemet Protrept. p. 62: « est Dei imago eius Verbum, et mentis genuinus Filius , lucis lux archetypa; imago autem Arerbi est homo, » Hic est proprius sensus, quo Clemens Filium appellat naturam propinquissimam Patri; comparat enim in contextu homines, angelos, Filium ratione propinquitatis ad Patrem : « in terra praestantissimum est homo maximae in Deum pietatis; praestantissimum in coelo est angelus , qui loco propius et iam purius aeternae ac beatae vitae est particeps. » Tum progreditur ex creaturis ad illum , qui est super coelum et terram adeoque super omnes creaturas: « perfectissima enim vero et sanctissima et maxime principalis et imperans et regia et beneficentissima natura Filii, quae soli omnipotenti est propinquissima. »

3) Etiam in comparatione *ad intra* secundum originem personarum , quod Filius a solo Patre , Spiritus a Patrè et Filio vel a Patre per Filium procedit, dici potest Filius prae Spiritu Sancto « τ.ρῦσεγ/στατο » Patri. Ita s. (Iregorius Nyssenens: « indifferentiam, inquit, naturae confitentes non negamus differentiam ratione principii et principiati, in quo solo unum ab altero distingui intelligimus, quia unum credimus esse principium, aliud ex principio. Et in hoc, quod est esse ex principio, iterum aliam intelligimus differentiam, unum enim (Filius) est *proxime ex primo*, aliud (Spiritus Sanctus) est per proximum ex primo (το πρῶτον γὰρ προσεχὼν ἐκ τοῦ πρώτου, το οὐ οὐα τοῦ προσεχὼν ἐκ τοῦ πρώτου), ut et ratio unigeniti (το μονογενὲς, quod est solus ex solo Patre) in Filio indubitata maneat, et Spiritum Sanctum ex Patre esse medio Filio non ambigatur (καὶ το ἐκ τοῦ πατρὸς εἶναι το πνεῦμα ρ.τ, ἀμφιβάλλειν νρ,ς τοῦ υἱοῦ μεσιτεία), qui ordo medii (Filii inter Patrem et Spiritum Sanctum) et rationem unigeniti Filio reservet et Spiritum Sanctum a naturali relatione ad Patrem non seiun-

gat n Nyssen. 1. Quod non tres Dii ad Ablav. T. II. p. 459. (cf. Petav. VII. 11.).

IL Examinanda hic porro est doctrina, quae non solum apud vetustiores (ut e. g. apud Hippolytum contr. Noet. n. 15.), sed etiam in disputationibus adversus Atianos saepe recurrit. Concedunt Patres hanc propositionem : Pater Filium *voluntate* genuit. Plerique ex illis ad hanc quaestionem de *voluntaria* generatione habendam adducti sunt perpetuo sophismate adversariorum. Interrogabant Ariani, utrum. Pater Filium genuerit volens an non volens. Si Catholici hoc alterum affirmarent, consequens esse aiebant, ut Pater coactus ac invitus Filium genuerit, vel ut generatio sit non qualis decet spiritum, sed per modum processionis naturalis, qualis est in corporibus cognitione et voluntate carentibus, quod utrumque in Deo repugnat. Si concederetur alterum, Filium scilicet esse a Patre voluntate genitum, hoc ipso inferebant, Filium esse factum cum antea non esset, nec esse Patri consubstantialem.

Patres pro scopo diverso diversimode respondent; aliquando enim uno sensu concedunt, aliquando alio sensu negant, Filium a Patre *voluntate* esse genitum. Ut excludant absurdam calumniam, ac si Filius invito Patre vel per modum naturae brutae genitus diceretur, aiunt Filium esse utique genitum *voluntate*, ubi non voluntatem *liberam efficientem*, quam Ariani in mente habebant, sed voluntatem significant *naturalem concomitantem*, quod scilicet ex ipsa ratione infiniti spiritus generatio Verbi est sane per intellectum et cum voluntate Patris; sicut Deus voluntate Deus est, non quod voluntas sit effectrix Dei, sed quod Deus ex intestina sui perfectione existens vult utique esse Deus nec invite Deus est (1). «Cum non ex voluntate, ut

(1) « Cum dicitur aliquid esse vel fieri *voluntate*, dupliciter potest intelligi. Uno modo, ut ablativus designet *concomitantium* tantum, sicut posera dicere, quod ego sum homo mea voluntate, quia scilicet volo me esse hominem. Et hoc modo potest dici, quod Pater genuit Filium *voluntate*, sicut et est *voluntate* Deus, quia vult se esse Deum, et vult se generare Filium. Alio modo sic, quod ablativus importet habitudinem principii... et secundum hunc modum Deus Pater non genuit Filium voluntate, sed voluntate produxit creaturam * s. Thom. 1. q. 41. a. 2.

cetera, Filius subsistere doceretur, ne secundum voluntatem tantum non etiam secundum naturam haberet essentiam ; data haereticis occasio videbatur , ut necessitatem Deo Patri gignendi ex se Filii adscriberent (h.e.ex sententia Catholicorum id sequi calumniarentur), tamquam naturae lege cogente *invitus* ediderit. Sed haec passionum non est in Deo Patre conditio... Ante tempora omnia Pater ex naturae suae essentia *impassibiliter volens* , Filio dedit naturalis nativitatis essentiam (al. naturalis nativitatem essentiae) » s. Hilar, de Synod, n. 69. « Num quia ex natura non autem ex voluntate sit Filius, iam etiam praeter voluntatem Patris et nolente Patre est Filius? Minime vero, sed potius Pater vult Filium... Ut enim non ex voluntate bonus esse coepit, nec tamen contra sententiam et voluntatem bonus est; namque hoc quod est, ipse vult esse... sic cum Filius proprius sit eius naturae , non praeter voluntatem eius est. Sit ergo volitus et dilectus Filius a Patre, hacque ratione pie quis cogitet, Deum velle et non nolle » s. Athanas. contr. Arian, orat. III. n. 66.

In directa vero oppugnatione dogmatis Ariani, quo Filium libera voluntate Patris factum vel genitum dicebant, ss. Doctores negant Filium esse genitum *voluntate* Patris. Neque tamen inde est consequens, ut *nolens* Pater Filium genuerit; quod enim ex interna exigentia et necessitate perfectae spiritualis naturae procedit, id neque est ex libera electione voluntatis neque contra voluntatem sed ex prin-

Haec Petavio non undequaque probantur. « Cur voluntatem illam *concomitantem* vocent, equidem non intclligo, » inquit l. VI. c. 8. n. 17.20. Nam voluntatem, qua Dens vult esse Deus, putat dici debere *consequentem*; qua vero vult generare Filium, esse voluntatem *antecedentem*, neutram *concomitantem*. At vir doctissimus animadvertere potuisset, hic non spectari ordinem voluntatis, ut prae aliquo termino antecedens est vel consequens vel concomitans, sed quaestionem esse, utrum ablativus « *voluntate* generat Pater » sit ablativus *efficientiae*, ut volebant Ariani, an ablativus *coneomitantiae*. tantum. Quando voluntas *concomitant* contradistinguitur ad voluntatem *effectricem* vel *productricem*, non respicitur ordo prioris aut posterioris, sed affirmatur existentia volitionis et negatur ratio causae vel principii in eadem volitione ; atque adeo hoc sensu potest dici voluntas *concomitans*, quae respectu ordinis esset *antecedens* vel *consequens*.

cipio naturae intelligente ac volente, seu *voluntate concomitante*. «Ergo nec invitum dixerim nec volentem... Nam sicut bonus Pater non aut ex voluntate est aut necessitate (invitus et coactus) sed *super utrumque*, hoc est natura ; ita non generat ex voluntate aut necessitate Pater » Ambros. de Fid. 1. IV. c. 9. n. 103. Vide Augustin. Trin. XV. c. 20. n. 38.

Dextere etiam accipiendum est, quod Patres frequenter respondent Arianis ad defendendam aequalitatem Filii cum Patre in hunc modum. Si Filius minor est Patre, aiunt, vel Pater sibi aequalem generare non potuit, et non est omnipotens; vel noluit, et non est bonus sed invidus (Basilus, Gregor. Nyssenus, Augustinus). Supponitur vera ratio Filii et vera generatio per communicationem naturae ; unde omnipotentia et bonitas, ex qua deducunt plenitudinem communicatae naturae , non potest intelligi effectrix sicut in ordine ad creaturas , sed debet intelligi intima perfectio fecunditatis et communicabilitatis naturae , quatenus identificatur cum Patre. Cum scilicet Ariani Filium omnipotentia et bonitate Dei factum esse dicerent, Patres inflectebant omnipotentiam et bonitatem, prout convenit non effectioni sed generationi ; hoc autem sensu omnipotentia et bonitas *paterna*, formaliter ut paterna et hypostatica, est potentia fecunditatis et bonitas communicationis naturae, qua generatur Filius. Quare sententia illa: «si Pater Filium non potuit vel noluit generare sibi aequalem , aut omnipotens non est aut non est bonus,» revocatur ad hanc alteram: si non potuit vel noluit, non est in Patre summa perfectio communicabilitatis naturae. Patet autem, huiusmodi rationes a Patribus non adferri ad demonstrationem rei, *an sit*; sed supposita revelatione veritatis proponi velut argumenta *ad hominem*, aut ad aliquam declarationem rei, *quomodo sit*.

III. Aliud doctrinae caput, in quo ambiguas et obscuriores quandoque locutiones veterum Patrum occurrere diximus, illud est , quod Pater creat et operatur per Verbum. Quamvis operatio *ad extra* in Deo realiter non sit aliud, quam ipsa divina essentia cum respectu et connotatione termini externi , hocque ipso operatio trium per-

sonarum ita sit una absque distinctione, sicut una est et indistincta divina essentia ; attamen essentia ac proinde operatio communicatur a Patre in Filium, a Patre Filioque in Spiritum Sanctum, in quo communicatio naturae veluti sistit et absolvitur , nec ulterior datur processio quam Verbi per intellectum et Spiritus Sancti per voluntatem seu per amorem. Hic ordo communicationis et relationum exprimitur locutione biblica et ecclesiastica, qua dicitur Pater operari *per Filium in Spiritu Sancto*. Si autem non relatio personarum sed natura respicitur, locutio : Deus fecit omnia per Verbum et per Spiritum Sanctum, convertitur cum altera: Deus fecit omnia per semetipsum. (Vide Irenaeum supra p. 152.)

Iam 1°. haec eadem relatio originis Filii a Patre exprimitur, quando non solum Patres antenicaeni sed frequentissime etiam subséquentes Filium dicunt *ministrare* Patri in mundi creatione et in operibus ad extra. Notatur a Petavio inter veterum dicta, quae a fidei regula discrepare videantur, etiam illud, quod Irenaeus (l. IV. c. 17. al. c. 7. n. 4. et l. III. c. 8. n. 3.) Filium dixerit, Patri ministrare (Petav. 1.1. c. 3. n. 7.), quo modo etiam loquuntur Theophilus Antiochenus (ad Autolyc. 1.II. n. 10), Clemens Alex. (Strom. VII. p. 703.) et alii.

At Irenaeus ipsemet l. c. declarat, ministrationem Verbi et Spiritus Sancti, quibus subiecti sunt omnes angeli, omnino aliam esse quam ministerium creaturae. «Non indiget Deus ministerio (angelorum) ad fabricationem eorum, quae facta sunt, sed habet copiosum et inenarrabile ministerium. Ministrat enim ei ad omnia sua progenies et figuratio sua, id est Filius et Spiritus Sanctus , Verbum et Sapientia, quibus serviunt et subiecti sunt omnes angeli». Eodem sensu audivimus Irenaeum (p. 151) docentem, Deo non opus fuisse ministris angelis ad creationem; habet enim manus suas Verbum et Sapientiam (Spiritum Sanctum), atque ita non per ministros creatos sed per semetipsum , h. e. per Verbum et Sapientiam omnia fecit.

Non aliter loquuntur Patres post Cone. Nicaenum disputantes contra ipsos Arianos. Ita S. Basilius : « Verbum est,

quod in principio erat apud Deum, et Deus erat; Spiritus autem oris Dei Spiritus est veritatis, qui a Patre procedit. Itaque tria intelligis, mandantem Dominum, creans Verbum, et confirmantem Spiritum ». Declarat, his non modo non excludi sed imo includi unitatem actionis in tribus personis: « nemo me credat tres originales (βφχσ,α i. e. non procedentes ab alio tamquam a principio) hypostases ponere, aut Filii operationem esse imperfectam. Principium enim omnium quae sunt, unum est, per Filium condens et perficiens in Spiritu ». Denique s. Doctor explicat modum, quo sicut una natura ita una operatio trium intelligi debeat, et in ipsis relationibus internis ostendit rationem, cur distinguatur mandans Pater et ministrans Filius. « Verbum, inquit, paternis bonis plenum, ex Patre effulgens (ωυ πατρο άσολαριψα), omnia facit ad similitudinem eius, qui ipsum genuit. Nam essentia nihil differt a Patre, nec etiam potentia differt. Quorum autem aequalis est potentia, etiam omnino aequalis est operatio; Christus enim Dei virtus et Dei sapientia. Atque ita omnia per ipsum facta sunt, et omnia per ipsum et in ipsum creata sunt, non quod instrumentale et servile ministerium expleat, sed quod tamquam creator (dyipouvpyrzaic) paternam perficit voluntatem... Proinde quod dicitur mandatum, ne sermonem imperiosum per vocalia organa prolatum intelligamus, Filio velut subdito praescribentem, quid facere debeat; sed. *ut Deum decet, cogitemus voluntatis communicationem, velut formae cuiusdam irradiationem in speculo a Patre in Filium aeternaliter dimanantem* » (1) Basil, de Spiritu Sancto n. 19. 20. 38.

Praeclare et eodem sensu Patres Cone. Antiocheni contra Paulum Samosatenum: « Filium qui semper cum Patre est, credimus implevisse voluntatem paternam in creatione universi. Ipse (Pater) enim dixit et facta sunt; ipse mandavit et creata sunt. Qui autem mandat, alteri mandat, quem non alium esse persuasum habemus quam unigenitum Filium Dei Deum... quippe qui vere est et operatur,

(1) Αλλα Sf07Tg'7rwi δ.λι /χατο; δ<αδοσι·ζ οιον n>ος sp-
b χατοτττ^ω, ικ πατζο si; υιόν άχ ονω; διϊκνουμην.

utpote Verbum simul et Deus, per quem omnia fecit Pater, non tamquam per instrumentum nec tamquam per scientiam non per se subsistentem : *generavit quidem Filium Pater tamquam actum vivum et per se subsistentem, omnia in omnibus operantem* η γεννησαντο p.vj rcv πατοο το wo ω; ζωσαν & κρηειαν γ.xi ένυπεστατο, ένεργουντα τα παντα εν πασο (Mansi Cone. T. I. p. 1035.). Ita etiam Athenagoras (Legat, n. 10.) dicit, Filium prodiisse, ut omnium rerum creatarum esset idea et actus ιδέα γ.αι ενεαγεια. Et Augustinus frequenter Filium ipsum appellat u mandatum non a tempore datum, sed mandatum natum;» « iussionem enim Patris ut fierent omnia, ait, non esse nisi Verbum, per quod facta sunt omnia n Aug. serm. 120. n. 6; 1. conjr. serm. Arian, c. 3; Trin. 1. I. c. 12. n. 26.; contr. Faust. 1. II. c. 5.; inio, tract. XXI. n. 4.

2'. Paulo diligentiori consideratione indiget singularis quidam modus loquendi veterum illorum Patrum de generatione Filii in ordine ad opus creationis. Videntur enim dicere, Verbum a Deo Patre prolatum aut generatum esse ad mundi creationem, idque ita, ut haec Verbi generatio videatur Patri fuisse libera, neque Verbi coaeternitas cum Patre satis intelligatur. Sic loquitur Theophilus Antiochenus. u Nihil Deo coaevum, sed cum ipse sibi locus sit, nec ulla re egeat ac saeculis antiquior sit, hominem facere voluit, cui innotesceret... Habens igitur Deus suum ipsius Verbum in propriis visceribus insitum (τον εαυτόν Yzyo'j εν τ\$ι imoi; σπλαγχνοί), genuit illud cum sua Sapientia (1) proferens ante hoc universum. Hoc Verbum habuit administrum operum suorum, et per illud omnia condidit... Nondum erant prophetae, cum mundus conderetur, sed erat Sapientia Dei in ipso et sanctum Verbum eius, quod semper est apud ipsum» Theoph. ad Autolyc. 1.11. n. 10. Luculentius paulo post appellat u Verbum Dei, quod eius quoque Filius est, non ut poetae filios deorum fingunt, sed ut veritas declarat, Verbum quod semper existit *insi-*

di') Sicut Irenaeus et nonnulli alii Patres (supra p. 113. 151) ita et Theophilus nomine Sapientiae intelligit Spiritum Sanctum tertiam hypostasin cf. ad Autolyc. 1. I. n. 7; 1. II. n. 15. 18.

tum in corde Dei (rsv *t.cyc'I* τον οντα ιιαπαντ^; ενοια^ετβν εν zapJzaSecu). Ante enim quam quidquam fieret, illud Verbum habuit consors consiliorum (συρβουλο), utpote quod est mens eius et intelligentia. Quando autem voluit Deus facere quae statuerat, hoc Verbum genuit *prolatitium* (πω' ρ:οιζc*/i, primogenitum omnis creaturae, non quod ipse vacuus Verbi fieret, sed Verbum gignens et Verbo suo (in se ipso) semper conversans. Haec nos docent ss. Scripturae, et quotquot Spiritu Sancto afflati fuere, inter quos lo.tnnes ita dicens: in principio erat Verbum, et Verbum erat apud Deum. His verbis ostendit, initio solum fuisse Deum et in eo Verbum. Tum addit: et Deus erat Verbum, omnia per ipsum facta sunt. Verbum igitur cum Deus sit et ex Deo genitum, illud Pater universorum cum visum fuerit, mittit in aliquem locum etc. » ibi n. 22. Eandem doctrinam et plerumque iisdem fere loquendi formulis proponunt Patres alii, Justinus dial, cum Trypli. n. 61.: Tatianus contr. Graec. n. 5.; Athenagoras Legat, n. 10.; Hippolytus contr. Noët. n. 10.; Tertullianus contra Prax. c. 5. 6.; Novatianus c. 31.

Evidenter in hisce locis Verbum spectatur dupliciter *a)* in se et in sua interna relatione ad Patrem, ut describitur in primis duobus versiculis Evangelii Ioannis; *b)* in relatione *ad extra*, h. e. quatenus in Verbo consideratur vel idea et consilium creationis ab aeterno communicatum a Patre in Filium, vel iam ipsa in tempore manifestatio et operatio *ad extra* et missio a Patre, ut exhibetur in versiculo tertio eiusdem Evangelii.

In priori consideratione describitur disertissime Verbi aeternitas et essentiae unitas cum Patre; est enim Verbum, de quo Ioannes ait: in principio erat, et Deus erat, quod est mens et intelligentia Patris (νου και φ^υχσι), quod ideo necessario semper est Verbum insitum in Deo Patre. Ne vero habeatur velut attributum absolutum Dei, non minus diserte exprimitur distinctio Verbi ab eo, cuius est Arerbum. Est Verbum, quod teste Ioanne erat *apud Deum*, quod est consiliarius seu consors consiliorum Patris, quod est genitum a Patre generatione aeterna; nam dicitur ab

aeterno esse in visceribus, in corde Patris ita, ut sit Filius Patris, sicut Ioannes appellat « unigenitum Filium, qui est in sinu Patris. » Verbum itaque *ενδιάθετον* hisce Patribus non est attributum absolutum sapientiae, ut Sabelliani et postea etiam Ariani *ἡ κύριος ενδιάθετον* interpretabantur (Petau. VI. c. 3. n. 3.; c. 4. n. 2.); sed est Verbum hypostaticum, Filius a Patre distinctus. Dicitur vero *ενδιάθετον* comparate ad *λογὸν προφορικόν*, non quod Patres, ut Ariani, diversum putassent Verbum *ὑποκείμενον* a Verbo insito; sed unum idemque Verbum, quod consideratum in se et in relatione ad Patrem est Verbum insitum, appellabant prolatitium, quatenus ad extra operatur et manifestatur. Etenim in hac altera consideratione iam ex modo, quo describunt Verbum in corde Patris et Verbum prolatum ad opera divina, manifeste patet, non aliud et aliud sed unum Verbum exhiberi sub diversa ratione. Imo hanc Verbi unitatem diserte enuntiant: « Pater hoc Verbum quod semper habuit in corde *insitum*, quando voluit, genuit *prolatitium*. »

Distinguunt itaque Patres nomine generationis duo valde diversa, generationem aeternam, qua Filius in se est persona a Patre distincta velut consiliarius in visceribus et in corde Patris, tum Filii manifestationem ad extra, quae nec ab aeterno est nec necessaria sed libera, et quae tamquam missio generati dicitur generatio *ad extra*. Hinc Theophilus non dicit simpliciter: « quando voluit, genuit Verbum, » sed : « genuit Verbum *prolatitium*, i) ut scilicet quod ab aeterno erat genitum Verbum insitum, iam etiam sit prolatitium seu manifestatum ad extra. Clarissime Hippolytus l. c. hanc generationem ad extra ait esse ostensionem Verbi, ut quod prius erat visibile soli Patri, fieret agnoscibile creaturis: « quando voluit et sicut voluit, ostendit Verbum suum (*ἐκείνη τὸ πρὸς αὐτοῦ*) temporibus apud eum definitis, per quod omnia fecit... Eorum autem quae facta sunt, ducem et consiliarium et effectorem generabat Verbum, quod Verbum cum in se haberet, essetque inaccessibile mundo creato (i. e. creaturis nondum existentibus), fecit adspectabile, emittens priorem vocem, et lumen ex lumine generans emisit creaturae Dominum; suum proprium

intellectum prius ipsi soli visibilem creato vero mundo invisibilem, hunc fecit visibilem, ut mundus videns eum dum apparuit, salvari posset » (1).

Non minus luculenter hanc rationem generationis definit Methodius Conv. Virgin, or. VIII. n. 9. (Galland. T. II. p. 719). «Filius meus es tu, ego hodie genui te. Observandum enim est, Filium quidem suum esse, indefinite pronuntiasse et sine temporis determinatione; *es* enim illi ait, non *factus es*... Quod vero addit: ego hodie genui te, sibi vult: in coelis ante saecula praeexistentem *volui et mundo gignere*, hoc est, antea non cognitum manifestare» τριβουλιθην ν.αι χοςρω ywt&cti, b εστι à/vcov/zevcv ρωοισαι.

Ita etiam Tertullianus contr. Prax. c. 5-7. considerat Verbum primo, ut ab aeterno generatur a Deo Patre ad intra, sicque appellat *Rationem*; deinde ut manifestatur ad extra, et sic nominat *Sermonem*, quod utrumque, ait, Graeci nomine του λογου comprehendunt (cf. Aug. 1. qq. 83. q. 63.). Ad aeternam generationem refert illud Prov. VIII. 22-26: «antequam quidquam faceret, ante colles ego parturiebar,» ad generationem ad extra applicat sententias v. 27. sq. : « cum eo eram cuncta componens » etc. Quoniam vero ibi Praxeam refellit, qui Rationem seu Sapientiam seu Verbum insitum non aliter admittebat, nisi ut sapientiam absolutam, Verbum vero prolatitium agnoscebat solum verbum transiens et vocale; ideo Tertullianus contendit, ipsam Rationem Patris seu Verbum insitum, genitum in mente Patris ab aeterno, fieri in tempore Verbum prolatitium seu Sermonem. Porro hanc generationem Sermonis *ad extra* appellat nativitatem *perfectam*, non quidem in comparatione cum generatione ad intra, quasi hanc putasset imperfectam; sed respiciendo nativitatem formaliter ut *Sermonis* i. e. ut

(1) Των δι γ·νρ/ζίνων αρχηγόν και συ/ζ(βουλον και ι^γατην εγεννα λογοκ, ιν λογον εχων b sat/τω, αο ατον ts οντα> τω κοσμώ opart,-/ ζοιει, rgOTigav φωνήν φθξγγο|ζινο, και φω ίχ φωτό γεννών, π^οηκιν τη κτίση ηριον, τον ιδιον νουν, αυτω |ζονω προτερον ορατον ύτταργο-/τα. τω δι γινο/ΛΓ/ω ζοσριω αογαρον όντα, ό ατον ttgui, όπω δια του ^ανηναι ιδων ό κοσ/ζο σω-Οηναι δυνηΟί).

Verbi *manifestati ad extra*, quo eodem sensu Theophilus loquitur de generatione Verbi, formaliter ut est *prolatitium*. Hanc itaque *nativitatem Sermonis* dicit Tertullianus *perfectam*, quatenus in oppositione ad Verbum transiens et vocale Praxeanorum, est manifestatio Verbi substantialis ac personalis, « Cum primum Deus voluit ea, quae cum Sophiae ratione et Sermone disposuerat intra se, in substantias et species suas edere, ipsum primum protulit Sermonem, ut per ipsum fierent universa, per quem erant cogitata atque disposita imo et facta iam, quantum in sensu Dei... Haec est *nativitas perfecta Sermonis*, dum ex Deo procedit, conditus (genitus) ab eo primum Recogitatum in nomine Sophiae : Dominus condidit me initium viarum; dehinc generatus (ad extra formaliter ut *Sermo* seu ut Verbum prolatitium) ad effectum, cum pararet coelum, aderam illi simul » ib. c. 7 (1).

Nec desunt inter Patres post Cone. Nicaenum, qui eodem modo generationem ad intra ab aeterno et generationem ad extra in tempore distinguunt. Sic Gregorius qui putatur liiberitanus (inter Opp. Gregor. Naz. or. 49. n. 5.): « Filius non aliunde quam de Patre, quia semper cum Patre; et ideo Sapientia Dei appellatur, ut numquam Pater sine Sapientia h. e. sine Filio suo esse credatur. Haec est illa Sapientia ineffabilis, quae initio viarum Dei apud Salomonem (Prov. VIII. 22) vel condita vel genita vel creata

(1) Si omnia loca Tertulliani et aliorum vetustorum Patrum conferantur, generationem Filii dicunt quadrupliciter : 1°. fundamentalem, qua Sophia semper est in corde Patris persona distincta a Patre, cuius est et ex quo est; 2°. eam, qua Pater, ut loquitur Tertullianus (contr. Prax. c. 5; contr. Hermog. c. 18), agit, cogitat, disponit intra se cum sua Ratione seu Sophia omnia creanda; 3°. eam, qua in creatione profert et ad extra manifestat Verbum seu Sermonem; 4°. qua Verbum incarnatum manifestatur et fit visibile ac palpabile in humana sua natura. Tres posteriores modi supponunt Verbi personam constitutam, et dicunt solum ordinem ac relationem ad terminum externum. Hinc porro patet, in illa frequenti Patrum sententia, qua Pater dicitur *nolens, voluntarie, voluntate* generasse Filium, *voluntatem*, quam in generatione ad intra superius ostendimus non posse intelligi nisi voluntatem *naturalem* et *concomitantem*, in generatione ad extra h. e. in manifestatione Verbi utique esse voluntatem liberam.

describitur ; quam tamen sic conditam dicit, ut semper eam cum Deo fuisse demonstret... Non enim ita Deus Sapientiam suam condidit, quasi aliquando sine Sapientia fuerit; sed cum initium viarum suarum dicat, *initium motus operis alicuius ostendit, ut hoc initium habeat Sapiencia Dei, quod de Deo processit ad creanda omnia* tam eoelestia quam terrena, non quomodo (forte : quod modo) coepit esse. *Ita creata est Sapientia, imo genita-, non sibi, quia semper erat, sed his quae ab ea -fieri oportebat.* His fere gemina habet Zeno Veronensis l. II. tract. IV. et V. (Vide Ballerinius in Opp. s. Zenonis dissertat. II. c. 1.).

IV. Ultimus modus concipiendi et loquendi, quem apud Patres antenieaenos explicatione indigere diximus, pertinet ad visibiles apparitiones Verbi et ad manifestationem Patris per Filium. Videntur enim sensisse, Deum Patrem ratione suae eminentiae et suae immensitatis numquam posse apparere per se ipsum, Filium autem posse apparere, et in his suis apparitionibus esse quodammodo circumscriptum loco; adeoque Patrem esse natura suâ invisibilem, Filium vero aut esse aut posse fieri visibilem, et sic a Filio in sua persona et per suam personam factam visibilem hominibus manifestari Patrem invisibilem. Ex qua doctrina Petavius et nunc iterum recentiores quidam concludunt, vestustos illos doctores putasse Filium natura inferiorem Patre, vel certe unitatem naturae in distinctis personis nondum intellexisse.

Summa doctrinae eadem est apud Iustinum Apolog. I. n. 63.; Dialog, n. 60. 127 ; Irenaeum l. IV. c. 6. n. 3. 5-7; c. 20. n. 4. o. 11.; Theophilum Antioch, ad Autolyc. l. II. n. 22.; Clementem Alexand. (ed. Paris. 1641) Paedag. l. 1. c. 7. p.110.111.; Strom. l. IV. p. 537.; V. p. 562; VI. p.643. 644.; VII. p. 733.; Tertullianum contra Prax. c. 14-16.; Novatianum de Trin. c. 25. 26.

Iam vero 1° nemo eorum dicit, Filium esse aut fieri posse visibilem in sua propria natura divina, quod haec inferioris rationis sit, aut Filius secundum naturam divinam non aequè sit immensus et ubique praesens sicut Pater. Solummodo docent, Filium posse fieri et factum esse

visibilem maxime in natura humana assumpta, qua Deus Filius simul est verus homo, et etiam in veteri Testamento «per subiectam creaturam, » variis scilicet ostentis demonstrantibus praesentiam Filii ut personae missae a Patre et proinde personae distinctae.

Multis et saepe has Verbi manifestationes declarat Irenaeus. « Verbum quidem loquebatur Moysi apparens in conspectu, quemadmodum si quis loquatur ad amicum suum. Moyses vero concupivit manifeste videre eum, qui secum loqueretur, et dictum est ei: non enim videt homo faciem meam et vivet; utraque significans, quoniam et impossibilis (impotens) est homo videre Deum, et quoniam per sapientiam Dei in novissimis temporibus videbit eum homo in eo, qui est secundum hominem eius adventu (i. e. Verbum incarnatum)... Non igitur manifeste ipsam faciem Dei videbant prophetae, sed dispositiones et mysteria, per quae inciperet homo videre Deum... Igitur si neque Moyses vidit Deum nec Delias nec Ezechiel, quae autem ab his videbantur, erant similitudines claritatis Domini et prophetiae futurorum (incarnationis); manifestum est, quoniam Pater quidem invisibilis, de quo et Dominus dixit: Deum nemo vidit umquam. Verbum autem eius, quemadmodum volebat ipse, et ad utilitatem videntium claritatem monstrabat Patris et dispositiones exponebat» Iren. IV. c. 20, n. 9. sq. Doctrina annuntiata est gentibus, «Verbum *naturaliter quidem invisibilem*, palpabilem et visibilem in hominibus factum esse » ibid. c. 24. n. 2.

Pariter Iustinus, Filium Dei, ait, appellari Angelum et Apostolum, quia mittitur a Patre, atque ideo illum qui apparuit in veteri Testamento, esse utique verum Deum, non tamen esse Patrem sed Filium, « qui cum Verbum sit primogenitus Dei, etiam Deus est, ac prius quidem Moysi et ceteris prophetis apparuit per speciem ignis et per imaginem incorpoream (h. e. in variis ostentis, quae non erant verum physicum corpus), nunc autem vestri (Caesarum) imperii temporibus ex Virgine homo factus est secundum voluntatem Patris» Apol. I. 63.; Dialog, n. 127.

Tertullianus urget quidem contra Praxeam, quod Deus

dicatur invisibilis et iterum Deus visus patriarchis ac prophetis, ut inde ostendat distinctionem personarum Patris invisibilis, et Filii qui factus est visibilis. Sed imprimis declarat, «Deum visum esse secundum hominum capacitatem, non secundum plenitudinem maiestatis; » tum concedit, « etiam Filium suo nomine eatenus invisibilem, qua Sermo et spiritus Dei ex substantiae conditione»; attamen pergit, «Filium visibilem fuisse ante carnem eo modo, quo dicit ad Aaron et Mariam.» Hic modus is est, ut patriarchis et prophetis ipsique Moysi, antequam ei loqueretur « os ad os in specie, id est in veritate», semper visus sit « in speculo et aenigmate et visione et somnio Deus, id est Filius Dei. » Imo ipsam visionem Moysis facie ad faciem censet probabilius eodem fere modo explicandam esse, « quia Sermo et spiritus nisi imaginaria forma videri non potest.» At Filius caro factus iam ipse proprie erat visibilis licet non in divina sed in humana natura: non est Pater, sed « alius quem et retro visum in aenigmate, plenius visibilem caro effecit; Sermo scilicet, qui et caro factus est alius, quem numquam quisquam vidit (in natura divina) nisi Pater, scilicet cuius est Sermo » Tertull. contr. Prax. c. 14. 15.

Hinc 2° quando illi Doctores vetusti videntur a Filio, qui visibilis apparet, excludere immensitatem et ei adtribuere circumscriptionem, ut Theophilus 1. c., Tertullianus c. 16, et Novatianus 1. c.; haec circumscriptio ab eis intelligi non potuit secundum naturam divinam Filii, sed ibi primo prae oculis habent naturam humanam, secundum quam utique Filius non est ubique, et dum erat in terris, secundum eandem naturam humanam non erat in coelis; unde et Christus et Apostoli loquuntur de descensu a coelo, et sensu maxime proprio de ascensu in coelum. Porro antiqui illi Patres theophilianias V. T. spectabant velut pro-lusiones quasdam ad Incarnationem et ad apparitionem Dei in carne; atque ideo tum phaenomena illa ignis, nubis, figurae humanae etc., tum actiones manducationis, motus de loco in locum etc. in theophaniis habebant velut umbras naturae humanae assumendae; imo ipsas locutiones anthropomorphicas, quae in V. T. de Deo occurrunt, non raro

interpretabantur velut praesignificationes futurae humanitatis. Secundum hunc igitur considerandi modum negabant immensitatem et affirmabant circumscriptionem ac motum localem Filii non in se suaque divina natura, sed quatenus apparuit in illis phaenomenis circumscriptis et figuris humanitatis assumendae: « quem Pater et hominem nasci ex Virgine voluit, qui et ignis aliquando factus est ad conversandum cum Moyse in rubo » Iustin. Dial. n. 127. Sic etiam Theophilus l. c. disertissime ait, Verbum utpote Sapientiam et Virtutem Patris semper manere « insitum in corde Dei, » sed quatenus est prolatitium ((*npcffcpiy.cv*), scilicet manifestatum in ostentis visibilibus, sic venisse in paradisum et locutum esse Adamo, et mitti a Patre, cum visum fuerit, in aliquem locum. Distinctissime totum hunc modum concipiendi theophanias explicat Tertullianus. « A primordio Sermo erat apud Deum et Deus erat Sermo, cui data est a Patre omnis potestas in coelis et in terra... Ipse ad humana semper colloquia descendit ab Adam usque ad patriarchas et prophetas, in visione, in somnio, in speculo, in aenigmate; ordinem suum (Incarnationis) praestruens ab initio semper, quem erat persecuturus in finem (in plenitudine temporis), ita semper ediscebat (1); et Deus in terris cum hominibus conversari non alius (non alia persona) potuit quam Sermo, qui caro erat futurus. Ediscebat autem, ut nobis fidem sterneret, ut facilius crederemus Filium Dei descendisse in saeculum, si et retro tale quid gestum cognosceremus... Sic etiam affectus humanos sciebat iam tunc, suscepturus etiam ipsas substantias hominis carnem et animam: interrogans Adam quasi nesciens, ubi es Adam? poenitens quod hominem fecisset, quasi non praesciens.... qui etiam passiones humanas et sitim et esuriem et lacrymas et ipsam nativitatem ipsainque mortem erat

(1) Eodem sensu ait Irenaeus l. IV. c. 12. n.4: « quomodo finis legis Christus, si non et initium eius esset? Qui enim finem intulit, hic et initium operatus est, et ipse est qui dicit Moysi: videns vidi vexationem populi mei qui est in Aegypto, et descendi ut eruam eos; *ab initio assuctus Verbum Dei ascendere et descendere* propter salutem eorum, qui male haberent. »

subiturus, propter hoc minoratus a Patre modicum quid citra angelos *n* Tertull. contr. Prax. c. 16.

3^m Animadvertenda est ratio comparationis Filii cum Patre; in hac enim comparatione potissimum sita est difficultas reperiendi apud illos veteres sensum orthodoxum. Ex una parte docent quidem, Filium apparuisse et totam antiquam oeconomiam administrasse ut Deum creatorem universi, Deum Abraham, Isaac, et Facob, qui se ipsum nominat *u ego sum qui sum*; *n* ex altera vero parte dicunt, Filium in veteri Testamento fuisse missum ut Angelum Domini et revelatorem Patris mittentis; imo etiam docere videntur, Patrem ratione suae eminentiae et immensitatis non potuisse per se ipsum et in propria persona apparere (1).

(1) Iustinus ceteris difficilior ita loquitur, *u Ne existimetis, ipsum ingentem Deum descendisse, aut ex aliquo loco ascendisse. Neque enim inenarrabilis Pater et Dominus universorum in aliquem locum venit, neque ambulat neque obdormit neque exsurgit* (cf. Ps. 43. 23); sed in loco suo, qualiscumque is est (cf. Tertull. contr. Prax. c. 5. 1G), manet acutum cernens, acutum audiens non oculis neque auribus sed ineffabili virtute, et omnia inspicit et omnia cognoscit et nemo nostrum eum latet, neque movetur qui loco et mundo universo comprqhen- di non potest, quippe qui erat antequam mundus fieret. Quomodo igitur hic ad quemquam loqueretur, vel ab aliquo videretur, vel in exigua terrae parte appareret? siquidem nec gloriam eius qui ab ipso missus est, poterat populus in Sinai intueri... Nec Abraham igitur nec Isaac nec Iacob nec alius quisquam hominum vidit Patrem et simpliciter Dominum universorum q̄t Christi ipsius, sed hunc (Christum) qui secundum eius voluntatem est, Filium qui et Deus est et Angelus, ex eo quod ministrat consilio eius, quem et hominem fieri ex Virgine voluit, qui et ignis aliquando factus est (χαί πῦρ τῶτῃ γῆς; ad conversandum cum iloyse in rubo. Nisi enim ita intelligamus Scripturas, eo res evadet, ut Pater et Dominus universorum in coelis non fuerit pro eo tempore, pro quo per Moysen dictum est: et Dominus pluit... a Domino de coelo; et iterum quando dictum est per David: attollite portas... et introibit rex gloriae; aut quando rursum ait: dixit Dominus Domino meo, sede a dextris meis » Iust., dialog, η. 127.

Opportuno conferes Clementem Alex. Strom. VII. p. 702-704, ubi omnia praedicata, quae Iustinus enuntiat de Patre, Clemens repetit de Filio. “ Numquam a sua specula excedit Filius Dei, numquam separatus aut divisus (a Patre), non transiens de loco in locum, semper ubique praesens et, nullibi circumscriptus, totus mens, totus oculus, omnia vident, omnia audiens, sciens omnia. » Attributa Dei Filii sunt eadem

Duae hic sunt difficultates, quod primo videntur considerare operationem Filii quae non sit Patris, quo ipso adstrueretur duplex natura; quod deinde expresse videntur censere naturam Filii inferiorem, naturam Patris sublimiorem et solum Patrem immensum.

At quoad primum non diversam operationem statuunt, sed operationem et manifestationem Patris per Filium. Fundamentum autem, cur non Pater sed Filius in V. T. apparuerit et ad condendum novum Testamentum incarnatus sit, exhibent in ipsis characteribus personalibus, quia Pater est principium Filii, Filius tamquam perfecta imago est ex Patre ut a principio. Quia scilicet Filius ad intra et in relatione ad Patrem est plena manifestatio Patris ut consubstantialis imago Patris, ut splendor (ἀπαύχασρ;) gloriae et figura (χαραζ.τηρ expressio) substantiae eius, ideo etiam omnis manifestatio ad extra in ordine ad creaturas est per Filium. Quia autem Filius est consubstantialis et unum cum Patre, ideo Filius manifestans se in se ipso manifestat et Patrem, sicut ipse dixit: « qui videt me, videt et Patrem... ego in Patre et Pater in me est » Io. XIV, 9. 10. Rem explicat Irenaeus, « Patrem quidem invisibilem et indeterminabilem quantum ad nos est, cognoscit suum ipsius Verbum; et cum sit inenarrabilis, ipse enarrat eum nobis. Rursum autem Verbum suum solus cognoscit Pater... Et propter hoc Filius revelat agnitionem Patris per suam manifestationem. Agnitio enim Patris est Filii manifestatio; omnia enim per Verbum manifestantur.... Omnibus igitur revelavit se Pater omnibus Verbum suum visibile faciens, et rursum Verbum omnibus ostendebat Patrem et Filium, cum ab omnibus videretur... *Invisibile enim Filii Pater, visibile autem Patris Filius* » Iren. 1. IV. c. 6. n. 3-6. Eodem apud Clementem, quae Dei Patris apud Iustinum; sed non ideo sicut Iustinus de Patre, ita Clemens de Filio negat apparitionem in tempore et in loco. Filius enim in se quidem invisibilis, missus est a Patre in assumpta creatura visibili; Pater vero nec mitti potest nec creaturam visibilem assumpsit. « Hic Filius voluntate Patris omnipotentis omnium bonorum auctor existit, virtus sensibus non perceptibilis. Non enim id quod erat, visus est non valentibus eum capere propter imbecillitatem carnis; assumens igitur carnem sensilem advenit » Clem. ibi.

sensu Clemens Alex, ait: *„facies Dei est Verbum, quo illuminatur* (nobis ut obiectum cognitionis) *Deus et cognoscitur* n Paedag. I. c. 7. p. 110; Strom. V. p. 562. Expressius deinceps Gregorius Naz. or. 30 (al. 36). η. 20 inter cetera nomina, quae ibi enumerat, Filium ait appellari *Verbum*, *„ quia ad Patrem ita ee habet, ut verbum ad mentem....* Fortasse etiam quis dixerit ita se habere (Filium ad Patrem), ut se habet *definitio ad definitum* (ὡς ὁ λόγος ὁρίζεται τὴν οὐσίαν); nam et definitio *λόγος* dicitur. Ait enim Christus: qui Filium novit, hoc enim sibi vult illud, qui videt Filium, novit et Patrem. Et *compendiosa ac facilis ostensio naturae Patris est Filius. Omne enim genitum genitoris est tacita definitio* n (yswρp.a yap ὡς ὁ λόγος τὸν πατέρα ἀναγγέλλει. v. cxzc σιω~ων 'i.zycz'].

Ad alterum quod spectat, cum Patrem apparere non potuisse dicunt ratione immensitatis et eminentiae, veteres illi non sunt solliciti de quaestione, qualis *posset esse* Dei apparitio et incarnatio in alio ordine hypothetico, sed unice prae oculis habent apparitiones, ut in praesenti ordine factae describuntur, vel certe ab eis descriptae putabantur in ss. litteris. Sic autem qui apparet in V. T., intelligitur *missus* vel, ut ipsi loquuntur, *missus in aliquem locum*. Missio vero divinae personae duo includit, tamquam radicem quidem processionem *ad intra* ab alia persona, quae sit *mittens*, et respectum *ad extra* ad aliquem effectum, vel ad specialem habitudinem personalem, ut accidit in unione hypostatica. Hinc *missionem Filii ad aliquem locum* facile videbant nihil officere divinae eius naturae ac immensitati. Nam sicut divinitas et immensitas ita et haec missio revelata est, et proinde utraque necessario vera. Generatio quippe Filii a Patre et eiusdem Filii personalis habitudo ad naturam circumscriptam, quae ei facta est propria et qua est homo, adeoque eius missio in novo Testamento constat ex revelatione; pro veteri autem Testamento ex appellatione Angeli Domini, qui simul est Dominus Deus, aliisque indiciis deducebant habitudinem personalem Filii ad ostenta illa in theophaniis, quibus Filius Dei futurus homo praeludebat suae incarnationi. Unde circumscriptio et motus localis in Filium missum non cadit ratione na-

turae divinae sed ratione termini, quem missio respicit; intelligitur nempe circumscriptio et motus in loco ratione naturae humanae, et quoad phaenomena, per quae in veteri Testamento praesens apparebat. Contra vero Pater hoc modo tamquam *missus* apparere non potuit, quia nulla est persona a qua procedat, et proinde nulla a qua mittatur. Ideo ex constanti illorum doctrina sicut Christus Filius missus a Patre, ita et Angelus Domini ac Dominus Deus missus a Domino Deo non potest esse Pater.

Hucusque eorum argumentatio satis clara est; sed nonnulli veterum (ut Iustinus et Tertullianus) ulterius urgebant missionem, ut respicit terminum ad extra, et videntur in aestu disputationis adversus monarchianos affirmare, eo ipso quod Pater non potest mitti, etiam non posse personalem habitudinem induere ad terminum externum, adeo ut, si Pater in loco appareret, iam circumscriptio et motus localis caderet in ipsam naturam divinam, quod nemine diffitente evidenter repugnat.

Iam aio : in hac doctrina a) certissime non reperitur error distinctionis naturae, qui illis veteribus obiici solet; nam discrimen quod Filius potest, Pater non potest apparere in loco, ipsi non deducunt ex diversitate naturae et immensitatis, quam unam in Patre et in Filio apertissime agnoscunt, sed ex caractere diverso personali, quo fit ut Pater non possit mitti, Filius possit mitti et reipsa missus sit. b) Hoc discrimen quod prima persona non potest, personae procedentes possunt *mitti*, verissimum est, de quo nos alibi dicemus, c) Si de facto agitur apparitionis in carne, haec utique est propria Filio misso non communis Patri mittenti; et ideo si theophaniae V. T. concipiuntur ut prolusiones ad Incarnationem, istae etiam cum Patribus plurimis (th. A I) referendae sunt ad Filium, d) Non solum de facto constat, sed in ipso caractere personali est ratio *congruentiae*, cur potius Filius quam Pater apparuerit per subiectam creaturam, de qua congruentia paulo ante diximus. e) Considerando theophanias, ut in praesenti ordine laetae sunt, et huius ordinis intestinam congruentiam, quod Pater mittat et Filius mittatur, vetusti illi doctores non

sunt solliciti de alio ordine possibili, de quo revelatio non loquitur; sed simpliciter docent, iuxta ordinem praesentem apparitiones per subiectam creaturam esse proprias personae missae, quae est Filius substantialis imago Patris, adeoque ipsum Patrem non posse visibiliter apparere. Nam eius apparitio non esset per habitudinem personalem ad creaturam, ut ad terminum externum, quae habitudo reservata est Filio; ergo Pater appareret in tempore et in spatio secundum divinam naturam, quod divinae eminentiae et immensitati repugnat. Concedimus facile, ex facto et ex congruentia apparitionis Filii per subiectam creaturam non recte concludi ab illis vetustis doctoribus, apparitionem Patris, si qua foret, iam futuram esse secundum divinam ipsam naturam, et ideo esse impossibile; sed certe propterea nondum inducitur ab illis veteribus distinctio ac diversitas naturae Patris ac Filii.

Ex dictis intelligitur, quomodo iustinus velut absurdum reiiciat, quod Pater qui mundo universo comprehendi non potest, apparuerit in exigua terrae parte; et quomodo consequens esse dixerit, ut Deus videretur coelum reliquisse et loco moveri, si putaretur Deus Pater fuisse, qui *Dominus* apparens in terra pluit super Sodomam ignem *a Domino de coelo*. Ita pariter intelligitur durior illa Tertulliani argumentatio. « Ceterum quale est, inquit, ut Deus omnipotens ille invisibilis... ille qui non habitat in manufactis... cui coelum thronus et terra scabellum, in quo omnis locus non ipse in loco, qui universitatis extrema linea est, ille altissimus in paradiso ad vesperam deambulaverit quaerens Adam, et arcani post introitum Noe clausarit, et apud Abraham sub quercu refrigerarit, et Moysen de rubo ardenti vocarit, et in fornace Babylonii regis quartus apparuerit, quamquam filius hominis est dictus, ni haec it? imagine et speculo et aenigmate fuissent? Scilicet et haec nec de Filio Dei credenda fuissent, si scripta non essent, fortasse non credenda de Patre licet scripta» Tertull. contr. Prax. c. 16. Haec scilicet non solum non sunt scripta de Patre, sed de eo *nec possent esse scripta* supposito principio, quod persona solum quatenus *missa* potest induere personales

habitudines ad extra, et quod in persona *non missa* intelligi deberet haec circumscriptio et hic motus in loco secundum naturam ipsam divinam.

4' Ad hoc caput locutionum, quae ad Filium referuntur, quatenus spectatur factus homo, pertinent illa, propter quae Dionysius Alexandrinus apud Pontificem Romanum cognominem accusatus est, quod scilicet ad ostendendam distinctionem Patris et Filii adversus Sabellianos dixerit, « opus (παψα) et rem factam esse Filium Dei, neque natura proprium sed alienum esse ab essentia Patris, sicut est agricola comparate ad vitem, et faber ad scapham; et vero cum sit res facta, non erat, antequam fieret. » Ita quidem accusatores doctrinam eius exhibuisse, narrat Athanasius (de sentent. Dionysii n. 4), nec tamen haec omnia videntur fuisse verba ipsius Dionysii; sed solam comparisonem illam cum vite et cum scapha Dionysius ipse fatetur a se obiter adhibitam fuisse (ibid. n. 18). Potuit autem adversus Sabellianos uti hac comparatione dupliciter, vel solum generatim ad affirmandam *realitatem* distinctionis inter Patrem et Filium, non vero ad declarationem, *qualis* sit distinctio et quae propria eius ratio; vel potuit respicere naturam humanam assumptam, ut Athanasius Dionysium interpretatur. Cum enim Filius ipse secundum humanam naturam dixerit: « ego sum vitis vera, et Pater meus agricola est » (Io. XV. 1), potuit Dionysius inde demonstrare, alium esse Patrem et alium Filium. Reliqua videntur accusatores ex hac ab eo instituta comparatione deducendo collegisse, quod ergo Filius est opus factum, quod est alienus ab essentia Patris et non consubstantialis, quod factus est, cum antea non esset. Dionysius ipse attestatur, se numquam ita, ut illi obiiciebant, sed contraria omnia sensisse ac dixisse (ibid. n. 15. 18. 20). Ceterum, inquit, etiamsi Patrem relate ad Verbum dixissem factorem, hoc ipsum vocabulum ambiguum ex contextu interpretandum fuisset in sensu genitoris: « ut enim Verbum rem factam esse non sentio, et Deum non factorem sed Patrem eius dico, etiamsi obiter dixissem Deum factorem (ποσ,Γην) loquens de Filio, sic quoque defensionis locus esset; sapien-

tes enim Graecorum se ipsos dicunt factores suorum sermonum (παῖτα των ἰώων Ζο/ων), licet propriorum sermonum patres sint; divina autem Scriptura nos motuum cordis factores appellat, cum nos dicit factores legis et iudicii et justitiae » (ibid. n. 21). Athanasius vero omnes illas locutiones, quas Dionysii accusatores obiiciebant, facilem ait habere explicationem, quia in eis sanctus Episcopus respiciebat non ad Verbum per se spectatum sed ad Arerbum, quatenus caro factum est (ibid. n. 20. 26).

Imo in tota hac causa magni Dionysii manifestius cernitur tum constantia et universalitas fidei in unam naturam distinctarum personarum ante Nicaenum Concilium, tum cautio necessaria, ne ambiguas locutiones PP. illius aetatis facile in sinistrum sensum interpretemur. Sicut enim Dionysius Romanus ex una parte damnavit Sabellianos negantes distinctionem hypostaseon, et ex altera parte occasione accusationis contra Alexandrinum delatae reiecit quamvis distinctionem naturae in tribus hypostasibus (supra th. X.) ; ita Alexandrinus primum urgebat distinctionem realem personarum adversus Sabellianos, tum vero cum quaedam huius distinctionis explicationes viderentur indicare etiam distinctionem et inferioritatem in ivaturae Filii, continuo ab aliis Catholicis reclamatum est et causa delata ad Pontificem ut principem fidei traditae custodem ac vindicem. Porro Alexandrinus in suis scriptis apologeticis plenissimum ostendit consensum cum doctrina et definitione Pontificis Romani, nec expressionibus in crimen vocatis se aliud significare voluisse quam distinctionem personarum. Ipsam formulam postea in symbolo Nicaeno statutam, Filium esse Patri cuccvazcv, cuius professionem iam tum accusatores et ipse Pontifex postulabant, non solum ultro admisit sed etiam testatus est, rem ipsam hac tessera expressam se semper tenuisse. « In alia epistola, inquit, ostendi mendacem criminationem quam contra me proferunt, quasi nollem dicere Christum Deo consubstantialem (ὥ ἀ» Àeymcs τον Χρίστον ομοουσιον εἶναι τῷ θεῷ); etsi enim fatear me hoc vocabulum nusquam invenisse aut legisse in ss. Scripturis, argumenta tamen mea, quae subiunxi, et quae isti tacue-

runt, ab hoc sensu non discrepant » (ibid. n. 18.) (1). Et sane unitas non multiplicabilis naturae in tribus distinctis personis vix disertius exprimi potuit ab ipsis Patribus post Concilium Nicaenum, quam a Dionysio Alexandrino in consensu cum Dionysio Romano iam saec. III. factum erat: *a* sic nos unitatem sine divisione (et proinde sine multiplicatione) dilatamus in Trinitatem (personarum), et rursum Trinitatem sine diminutione (manentibus tribus personis) contrahimus in unitatem (naturae) » Ibid. n. 17. Vide reliquas confirmationes orthodoxae doctrinae apud Athanasium ipsum in libro cit. de sententia Dionysii, et in altero de decret. Nie. η. 25. Certe non solum auctoritas Athanasii sed magis etiam diserta verba Dionysii ab ipso citata persuadent, s. Basilium potius locutum esse de nonnullis abruptis sentiis, cum libros Dionysii prae manibus non haberet, et magis ex abusu Arianorum libenter ad Episcopum Alexandrinum appellantium, quam ex toto complexu doctrinae iudicasse, quando ep. 9. n. 2. ad Maxim, scripsit, Dionysium prima semina Ariani dogmatis sparsisse (cf. de Sp. S. n. 72.).

Scholion 1. Quoniam hactenus de doctrina Patrum antenicaenorum egimus, locus ipse mentionem postulare videtur damnationis, quae medio saeculo III. in Concilio Antiocheno proclamata esse fertur contra Paulum Samosatenum, eo quod vel ipse docuerit vel ex doctrina catholica consequi obiecerit, Filium esse *ὁμοῦσῶν* Patri. Quam praeclara sit haec tessera ad catholicum dogma stricte definiendum, constat ex historia dogmatum et nominatim ex historia condemnatae ac debellatae saec. IV. et V. haeresis Arianae. Nihilominus significatio vocis *ὁμῳούτων* fraudibus perverti poterat dupliciter: *a*) ita ut naturae imperfectio, quam non ipsa vox significat, sed quae consubstantialitatem in creaturis semper comitatur, ipso vocabulo formaliter si-

(1) A Dionysii magistro Origene Filium ex substantia Patris et Patri *ὁμοούσιον* dictum fuisse, hactenus colligitur ex Apologia s. Pamphili (Opp. Origen. T. IV. Append, p. 33); constabit vero multo luculentius, quando Origenis Commentarius in Ev. Luc. ex Cod. ms. Collegii Romani, nisi latrocinia quae nunc grassantur, impedian, publici iuris liet.

gnificata supponeretur ; qua in hypothese iam de divinis personis dici non posset, quin perfectio et unitas divinae naturae negaretur. Quia scilicet *'cvinā*. in creatis hypostasibus distinctis non nisi *specificē tina* est, realiter autem «ὕσται πρώται seu essentiae singulares tot sunt inter se distinctae, quot distinguuntur hypostases creatae, unus alteri non est, quin essentia seu natura singularis sit una in uno et alia in altero distincta numero licet eiusdem rationis, et proinde si de patre et filio agitur, quin natura per aliquam divisionem et multiplicationem a patre in filium propagata intelligatur. Hac ratione frequenter Ariani et Semiariani usi sunt, ut sine manifesta confessione suae impietatis adferrent aliquam excusationem, cur exterminatam vellent hanc tesseram fidei catholicae. Hoc eodem sensu Athanasius (de Synod, n. 45.) et Basilius (ep. 52. n. 2.) interpretantur damnationem vocis *cpccvaicç*, quam Semiariani et deinde etiam Ariani obiiciebant factam in memorato Concilio Antiocheno contra Paulum Samosatenum. Supposita scilicet veritate historiae a Semiarianis primum in medium productae, aiunt, non aliter Patres Antiochenos censendos esse negasse Filium *cpccvaisv* Patri, nisi quod generatio divina non sit per divisionem aut multiplicationem substantiae. 7) Potuissent haeretici, qui essentiam singularem et personam nullo modo distinguebant, in hoc vocabulo *ovσίαν* sumere pro persona, atque ita (sane contra manifestissimam significationem nominis) interpretari Filium *cpccvaicv* Patri, ac si Filius cum Patre una persona diceretur, quam significationem Epiphanius (Ancorat. n. 6; Haeres. 76. n. 7.) putavit subesse posse vocibus *συνούσω* et *ταυτανσίω* (1). Iam Semiariani illi, qui ex sua synodo Ancyrana anno 358 scribentes ad Episcopos Sirmii congregatos primi mentionem fecisse reperiuntur damnatae vocis *εκούσιο*, narrant (apud Hilarium de Synod, n.81.), hoc posteriori sensu vocabulum a Samosateno usurpatum et ideo a Patribus reiectum fuisse, « quia per hanc unius essentiae nuncupationem solitarium atque unicum (unam personam) sibi esse Patrem

(1) Athanasius in Expos, fidei n. 2. (T. I. p. 100) ait, Sabellianos dixisse Filium cum Patre */χονσούσιον* et non *ὁ/χούσιον*.

et Filium praedicabat.» Igitur, si historia damnationis non est conficta, illud saltem constat, contra Samosatenum non de appellatione ἡχ^υσω in sua propria significatione, sed de sensu detorto vocis sermonem fuisse, huncque tantummodo sensum proscriptum. Nam in sensu genuino vocabulum iam paulo ante hoc Concilium Antiochenum a Dionysio Romano Pontifice et ab accusatoribus cognominis Alexandrini et ab ipso Alexandrino, quin et ab huius magistro Origene usurpatum erat, ac paulo post versus finem III. saeculi tamquam ratus et communis terminus theologicus admissum et defensum a s. Pamphilo martyre (Apol. pro Origene Opp. Orig. T. IV. Append, p. 33. 34) ad aptissimam expressionem unitatis naturae in distinctis personis, adeo ut ipse Eusebius Caesarensis illud a Patribus adhibitum fuisse, negare non potuerit (Socrat. H. E. 1.1. c. 8.).

Ceterum videtur sane probabilissimum, totam historiam huius damnationis esse a Semiarianis apte compositam. Cum enim illi libenter supponere consueverint in *ομολοιω* sensum Sabellianum, deductione ex doctrinae capitibus contra Samosatenum statutis poterant inferre, etiam ab Antiochenis Patribus *ε/χcuaiov* non fuisse admissum. Certe in admittendo facto damnationis numquam memorato in controversia cum Arianis, quae de hac voce usque ad annum 358. iam per triginta et eo amplius annos ferbuerat, tantae sunt difficultates, ut illud sine testibus omni exceptione maioribus credibile fieri nequeat; auctoritas vero testium omnis revocatur ad illos Semiarianos inimicissimos tesserae *τεu ψοovσωv*, et ideo cupidissimos Concilio Nicaeno opponendi aliud Concilium. Tota inquam auctoritas in eis sistit; Athanasius enim et Hilarius diserte significant, se ab illis accepisse narrationem, nec Basilius obiter hanc rem memorans, ex ipsis Actis Antiochenis, sed itidem ab adversariis vel forte ex disputatione Athanasii hausisse censendus est. Rationes dabunt Maranus (De Div. D. N. I. C. 1. IV. c. 39.) et Simon de Magistris (in Opp. Dionysii Alex. Praefat. η. XVIII. sqq.), quae falsitatem assertionis Semiarianae saltem probabilissimam reddunt, nec mihi quidem videntur enervatae argumentis oppositis Frohschammeri

(Fol. theolog. Tübing. 1850. fasc. I.) et cl. Caroli Tos. Heffele (Hist. Concil. T. I. p. 115).

Scholion 2. Videntur unus vel alter ex veteribus, Hippolytus nempe et fortasse Tertullianus distinguere inter Verbum et Filium, ita ut secunda persona Trinitatis ante manifestationem *ad extra* et nominatim ante incarnationem ac nativitatem ex Virgine fuerit Verbum, nondum vero perfectus Filius; sed Filius perfectus demum intelligatur, quatenus Verbum est manifestatum et incarnatum. Ita Hippolytus contr. Noët. n. 15. (Galland. II. p. 462.). *a* Dicet aliquis (Noetianus), mirum mihi adfers, cum Verbum appellas Filium. Ioannes quidem utique (ita respondet Hippolytus) Verbum dicit; sed aliam inducit interpretationem. Sic enim hoc Verbum Dei demonstrans tamquam quod erat a principio et nunc est missum, postea in Apocalypsi dixit: et vidi coelum apertum... et vestitus erat veste aspersa sanguine et nomen eius Verbum Dei.... Similiter beatus Paulus ait: Deus Filium suum mittens in similitudinem carnis peccati (Rom. VIII. 3.)... Qualem igitur Filium suum Deus per carnem misit nisi Verbum, quod *Filium vocavit, pita erat nasciturum (homo ex Virgine)? Et dum Filius vocatur, commune nomen amoris erga homines assumit. Nec enim Verbum sine carne et per se perfectus Filius erat, quamvis esset perfectum Verbum, unigenitus.* Neque caro per se seorsum a Verbo subsistere poterat, quia habet subsistentiam in Verbo. Sic igitur perfectus unus Filius Dei manifestatus est. Atque haec quidem sunt de Incarnatione Verbi testimonia.... De Verbi autem generatione quaeris, quod volens Pater genuit, sicut voluit... Atqui generationem eius secundum carnem non pluribus quam duobus (Evangelistis Matth. et Luc.) enarrare concreditum est, et tu audes generationem secundum spiritum (secundum divinitatem) scrutari, quam Pater apud se servat revelaturus Sanctis, qui digni erunt faciem eius videre? »

Locus hic considerari debet in comparatione cum doctrina monarchianorum (Noeti, Sabellii, Praxeae), quam impugnat. Iuxta eorum doctrinam Verbum in Deo (λογο ενωιθητο) non est persona distincta ab eo, cuius dicitur

Verbum, sed adtributum absolutum ; Verbum autem prolatitium (Acyrç *npçfopr/.oc*) est verbum Dei sonans, *a* aër offensus intelligibilis auditu » (apud Tertull. contr. Prax. c. 7.), vel actio transiens in creaturis. Non ergo Verbum carnem assumpsit, sed persona divina, quae est unica sicut unus est Deus. Haec persona ante incarnationem dicitur Pater, per incarnationem fecit se ipsum sibi Filium. Cum vero urgerentur a Catholicis , quod non minus evidenter Christus Filius Dei missus se distinguit ut alium a Patre mittente, confugere cogeabantur ad distinctionem inter Deum et hominem in Christo, atque ita modo saltem loquendi Christum , ut postea Nestorius , in duas personas dividebant. *u* Undique obducti distinctione Patris et Filii... aliter eam ad suam nihilominus sententiam interpretari conantur, ut aequè in una persona (una tantum persona in Deo admissa) utrumque distinguant, Patrem et Filium, dicentes Filium carnem esse, id est hominem, id est Iesum; Patrem autem spiritum , id est Deum , id est Christum. Et qui unum eundemque contendunt Patrem et Filium, iam incipiunt dividere illos potius quam unare... Talem monarchiam apud Valentinum fortasse didicerunt, duos facere Iesum et Christum » Tertull. contr. Prax. c. 27. (cf. de Valentino supra p. 81.).

Nunc ex indole haeresis impugnandae apparet, cur Hippolytus primum probet, quod Verbum est incarnatum; deinde vero insistat tam disertae declarationi, quod Verbum incarnatum est una persona Filius Dei, idem Deus Verbum et homo. Quoniam vero adversarii Filium intelligebant, quatenus est Filius hominis natus ex Virgine, Hippolytus distinguit rationem Verbi unigeniti a Patre et ineffabiliter secundum spiritum (secundum divinitatem) generati a Patre, et rationem filii hominis in tempore ex Virgine nati secundum carnem ; h. e. distinguit unius eiusdemque personae duplicem generationem ex Deo Patre secundum divinitatem, et ex Virgine matre secundum humanitatem, et ex utraque simul ait intelligi *perfectum Filium*, h. e. rationem Filii Dei et Filii hominis, quae Christo Deo homini competit. Quod ergo ait, ante incarnationem fuisse perfe-

dura Verbum et unigenitum Patris, nondum tamen perfectum Filium, non potest sine manifesta contradictione intelligi, quasi nondum fuerit perfectus Filius Dei, cum diserte dicat fuisse unigenitum et generatum a Patre secundum spiritum; sed significat nondum fuisse Filium hominis et generatum ex Virgine secundum carnem. Hinc etiam in veteri Testamento hoc sensu, quem adversarii prae oculis habebant, Verbum ait esse appellatum Filium, quia erat nasciturum ex Virgine. Quod disertius explicat n. 4. aVerbum erat, spiritus erat, Virtus erat. Unus commune nomen et apud homines usitatum in se ipsum assumpsit a principio vocatus *filius hominis* propter futurum, quamvis nondum esset homo, sicut Daniel (VII. 13.) testatur inquiens: vidi... tamquam filium hominis. » Quin etiam diversitate nominis cavet Hippolytus, ne rationem veri Filii Dei ante incarnationem excludere videatur; Filius enim, quatenus est homo factus, (ib. n. 11) appellatur *υ πατ* *Secv* puer Dei *n* (vide textum supra p. 154).

Tertullianus quoque sicut manifestationem Verbi *ad extra* appellat quandoque generationem, quae generationem *ad intra* supponit (supra p. 185), ita videri potest etiam rationem *Filii* respondentem generationi aliquando considerasse in Verbo, quatenus manifestatum est *ad extra*. Deus Pater, inquit, omnia creanda cogitavit et disposuit in Verbo (Ratione, Sophia), et initio temporis Verbum (Sermonem) protulit, et per Verbum omnia creavit: «haec est *nativitas perfecta Sermonis* (substantialis, non vocis trans-euntis supra l. c.), dum ex Deo procedit conditus ab eo primum ad cogitatum in nomine Sophiae: Dominus condidit me initium viarum; dehinc generatus ad effectum: cum pararet coelum, aderam illi simul (Prov. VIII. 22. sq.). Exinde parem sibi faciens (1), *de quo procedendo Filius factus*

(1) Filius parem sibi facit Patrem, de quo procedit; non sane ut principium Patris, sed parem sibi Patrem declarat, quando dicit; « cum eo eram cuncta componens, et etiam processio seu generatio Filii facit esse Patrem, formaliter quatenus Pater est, ut ipse Tertullianus loquitur c. 10: « Pater Filium facit, et Patrem Filius... habeat necesse est Pater Filium, ut Pater sit, et Filius Patrem, ut Filius sit. - Ad-

est primogenitus, ut ante omnia genitus, *et unigenitus*, ut solus ex Deo genitus, proprie de vulva cordis ipsius, secundum quod et Pater ipse testatur: eructavit cor meum Sermonem optimum » (Ps. 44, 2.) contr. Prax. c. 7.

Si in verbis t de Patre procedendo Filius factus est,» processio intelligitur manifestatio, quam dixerat « generationem ad effectum, » et *Filius* sumitur pro praedicato* is quem dixi, sensus erit acceptandus. Sed tum non potest intelligi vel persona illa facta, vel etiam aeterna praexistens persona facta Filius *simpliciter*; sed deberet intelligi persona aeterna facta *Filius manifestatus*, ratione scilicet filiationis respondente huic generationi *ad extra*, quae nihil est aliud quam manifestatio Filii. Dico non potest sine contradictione cum diserta doctrina Tertulliani intelligi vel persona facta vel facta Filius simpliciter, quia locis innumeris docet, Verbum esse ab aeterno genitum et semper fuisse Filium Dei. Sequenti c. 8. ait: « *Sermo erat apud Deum semper*, sicut scriptum est: et Sermo erat apud Deum; et numquam separatus a Patre aut alius (alius Deus) a Patre, quia ego et Pater unum sumus. Haec erit probola (generatio) Veritatis, custos unitatis, qua prolatum dicimus Filium a Patre sed non separatum... Omnis origo parens est, et omne quod ex origine profertur, progenies est: *multo magis Sermo Dei, qui etiam proprie nomen Filii accepit.*» Paulo inferius c. 21: «indubitanter alius ostenditur *qui fuerit a principio*, alius apud quem fuit (Io. 1.1.); alium Sermonem esse, alium Deum (Patrem), *licet et Deus Sermo, sed qua Dei Filius non qua Pater...* alium autem, non quasi separatum, sed dispositione (1) alium non divisione.» Certe ergo processio seu missio ad extra personam hanc aeternam, quae mittitur, supponit, et supponit eam ex ipsa interna processione *Filium Dei*, ergo processio ad

verte autem, quam ineluctabiliter ista locutio insolentior demonstret unitatem Patris et Filii, dum non solum *Pater Filium*, sed *Filius Patrem sibi* parem fecisse dicitur.

(1) Hoc est latinum vocabulum Tertulliani pro graeco ὁρίζουσα, qua ipse frequenter intelligit distinctionem personarum divinarum ratione originis.

extra non facit ut sit Filius, sed solum ut sit *Filius manifestatus*..

Verum ego non video, cur in textu citato c. 7. processio non possit intelligi *ad intra*, neque video, cur nomen *Filius* non possit esse subiectum, et *primogenitus* ac *unigenitus* praedicatum. Tum sensus erit: de Patre procedendo Filius, tum quando paratum est coelum i. e. quando creata sunt universa, in comparatione cum creaturis induit habitudinem primogeniti et unigeniti, quia ipse est ab aeterno ante omnem creaturam et alio prorsus modo genitus a Patre, quam factae sunt creaturae. Sic vero locus nihil habet difficultatis.

Hac distinctione duplicis generationis, cui respondeat diversa consideratio et appellatio Filii, solvi etiam potest difficultas, quae est in verbis Tertulliani contr. Hermogenem c. 3. Defendit Hermogenes materiam aeternam et increatam hac ratione, quod Deus sicut semper Deus, ita et semper Dominare erat; unde necesse esse aiebat, ut semper fuerit aliquid, cui dominaretur; hoc autem esse materiam. Tertullianus negat, eo quod semper est Deus, esse etiam semper Dominum; nomen enim *Deus* significat substantiam Dei absolute et in se, nomen *Dominus* dicit respectum ad extra et connotat creaturam existentem, cuius est Dominus. Hoc illustrat exemplo aliorum duorum nominum *patris* et *indicis*. «Quia et pater Deus est, et iudex Deus est; non tamen ideo pater et iudex semper, quia Deus semper. Nam nec pater potuit esse ante filium, nec iudex ante delictum. Fuit autem tempus, cum et delictum et filius non fuit, quod indicem et qui patrem Dominum faceret. Sic et Dominus non ante ea, quorum Dominus existeret, sed Dominus tantum futurus quandoque; sicut pater per filium sicut iudex per delictum, ita et Dominus per ea, quae sibi servitura fecisset, n

Ex tota doctrina Tertulliani tum in libris aliis tum in hoc ipso contra Hermog. c. 18. absurdum est dicere: fuit tempus, quando Filius qui est Ratio et Sapientia Dei, nondum fuit. Adeoque *filius* si intelligitur h. l. persona secunda Trinitatis, necessario intelligi debet, non quatenus

Pater et Filius *est* et *existit*, sed quatenus Filius et per Filium Pater est *manifestatus*. Verum cum Tertullianus hic Deum spectet absolute et sine distinctione personarum, et spectet relationem Dei ad terminum externum, et rationem patris coniungat cum ratione iudicis, ac relationem filii ad Deum patrem cum relatione peccatoris ad Deum iudicem, videtur saltem longe probabilior explicatio, quam alteri praefert etiam Bellarminus (de Christo 1.1. c. 10.), ut filius intelligatur adoptivus, homo vel angelus, quae scilicet creatura rationalis extrinsecus accedens Deum ex tempore patrem denominavit.

CAPUT III.

DE CONSECTARIIS CONNEXIS CUM UNITATE NATURAE
ET DISTINCTIONE PERSONARUM.

THESIS XII.

*De communitate reali attributorum et omnis operationis
ad extra in tribus personis divinis.*

«Quoniam una est trium personarum essentia, propterea etiam
« omnia adtributa absoluta communia sunt, et adtributum quodvis non
* specie sed numero unum in tribus personis. Propter eandem rationem
» operatio ad extra nulla potest esse propria uni personae, sed quae
» vis necessario communis est et número una indistincta in tribus per-
" sonis, non secus ac una et indistincta est trium natura. »

I. Pater, Filius et Spiritus Sanctus sunt unus Deus. Nullo ergo modo distinguuntur, quatenus sunt Deus; adeoque deitas seu essentia seu absoluta perfectio, qua Deus esse intelligitur et quae Deus est, omnino est una indistincta (1). Distinguuntur autem tres, quatenus formaliter est Pater producens Verbum seu generans Filium, et qua-

(1) In Bulla « Auctorem Fidei » Pius VI. reprehendit dictum Pistoriensium, «Deum in tribus personis distingui. » Isamque, ait Pontifex, « Deus unus quidem in tribus personis distinctis dicitur, non in tribus personis distinctus; cuius formulae commutatione hoc vi verborum subrepat erroris periculum, ut essentia divina distincta in personis putetur, quam fides catholica sic unam in personis distinctis confitetur, ut eam simul profiteatur in se prorsus indistinctam. »

tenus formaliter est Filius genitus a Patre, et quatenus formaliter est spiratus a Patre Filioque. Adeoque distinctio realis unice sistit in relationibus originis unius ab altero: hic relativus ad alterum relativum, principium ad principiatum non sunt unus, sed sub hac ratione relativi realiter distincti; qui est Pater Filii, is non est Filius; et qui est Filius Patris, is non est Pater, est tamen Filius illud absolutum quod est Pater, et vicissim. Hinc est verissimum et ad multas tricas parum utiles prompte explicandas commodissimum illud theologorum axioma: «in Deo omnia unum, ubi non obviat relationum oppositio» (1). Sane quod appellamus adtributum absolutum, realiter non est aliud quam divina simplicissima essentia a nobis sub formali ratione huius vel illius perfectionis, puta sapientiae, iustitiae etc. concepta; nec vero adtributum vel unum ab altero vel ab essentia realem habet originem, secus iam non esset absolutum (solutum a relatione), sed procedens esset relativum ad suum principium processionis, hocque ipso tot essent relativi inter se realiter distincti h. e. tot personae, quot numerarentur adtributa. (Cf. Tract, de Deo th. XIII. XX. XXVI.).

Non igitur ideo solum quia adtributa realiter sunt ipsa essentia divina, sed ideo quia nullam habent originem realem sive ab essentia sive a se invicem, adeoque « nulla obviat relationum oppositio, » necessario sicut essentia per se ita eadem essentia sub formali ratione cuiusvis adtributi absoluti spectata una est et non multiplicabilis. Unde si aliquod adtributum absolutum conciperetur in una persona e. g. in Patre, et negaretur idem in persona altera, eo ipso huic essentia divina simplicissima et divinitas negaretur; et si adtributum specie solum idem, numero autem distinctum in distinctis personis affirmaretur, eo ipso

(1) Axioma quoad sensum tam est antiquum quam professio fidei in Deum unum essentia et trinum personis; quoad ipsa verba adhibitum etiam in Concilio Florentino (decreto pro Iacobitis), tribui solet auctori s. Anselmo: « nec unitas amittit aliquando suam consequentiam, uñ non *obviat aliqua relationis oppositio* » 1. de Spiritu Sancto c. 2. Lege tria priora capita huius libri Anselmi. Cf. Petav. VII. c. 9.

essentiae distinctae et plures Dii inducerentur. Contra vero licet relationes originis i. e. formalis ratio Patris et Filii et Spirati realiter sint ipsa essentia divina, proindeque non ab essentia origine reali procedant nec ab ea realiter distinguantur, habent tamen istae relationes et (quod perinde est) significatione concreta relativi inter se rationem principii ac principiati, unus realiter procedit ab altero, et proinde « obviat relationum oppositio, » ut Pater Filii non sit Filius, Filius Patris non sit Pater, sed sub hac formali ratione relativorum et sub hac sola realiter inter se distinguantur.

Huic numericae unitati essentiae et adtributorum in tribus distinctis nihil obest, quod essentia in Patre est non communicata et communicabilis, in Filio communicata a Patre, in Spiritu Sancto communicata a Patre et Filio, adeoque videatur aliter se habere in una persona quam in altera. Hic enim diversus modus non afficit essentiam absolute spectatam seu ipsum absolutum *Esse*, unum omnino et indistinctum; sed ille modus reipsa est relatio paternitatis, filiationis et processionis. Quid enim sibi vult, quod *essentia in Patre est incommunicata et communicabitur*? Xihil aliud, quam quod essentia absoluta est simul relativum, et sub hac ratione relativi est non procedens ab alio (ayevmw) sed principium producens Verbum seu generans Filium; porro sub hac ratione relativi se habentis ut principium ad Filium, essentia iam non est formaliter essentia absoluta communis, sed est Pater hypostasis. Pariter illud: *essentia in Filio est communicata*, non aliud significat, quam quod essentia absoluta est simul relativum procedens per generationem ut Verbum seu ut Filius ab altero relativo, quod est Pater generans; tum autem iterum sub hac ratione relativi procedentis ut Verbum, essentia non est formaliter essentia absoluta communis, sed est Filius hypostasis: « quaelibet trium personarum est illa res, videlicet substantia, essentia seu natura divina... et illa res non est generans neque genita neque procedens, sed est Pater qui generat, et Filius qui generatur, et Spiritus Sanctus qui procedit; ut distinctiones sint in personis et

unitas in natura n Cone. Later. IV. cap. *Damnamus*. Sed haec melius intelligentur, ubi agemus de propria ratione hypostasis divinae.

Probatio pro hac trium personarum unitate in omnibus perfectionibus absolutis non alia necessaria est praeter eam, qua divinitas Filii et Spiritus Sancti et consequenter unitas essentiae in tribus distinctis multipliciter superius demonstrata est. Formaliter communicatio adtributorum exprimitur in locis Scripturae, ubi Filius in relatione ad Patrem profitetur: «Pater meus quod dedit mihi, maius omnibus est» Io. X. 29.; «sicut Pater habet vitam in semetipso, ita dedit et Filio vitam habere in semetipso» ibid. V. 26.; «omnia quae dedisti mihi, abs te sunt» ibid. XVII. 7; «omnia quaecumque habet Pater, mea sunt; propterea dixi, quia de meo accipiet» ib. XVI. 15.

II. Eodem prorsus modo, ut una est et indistincta trium personarum natura cum omnibus suis perfectionibus absolutis, una est etiam et indistincta trium personarum operatio *ad extra*. Patet veritas ex propria ratione operationis divinae. Ea enim non est aliud, quam ipsa divina essentia sub formali ratione absoluti intellectus et absolutae voluntatis omnipotentis cum connotatione termini extrinsecus efficiendi. Atqui essentia divina, sub quavis formali ratione absoluta pro nostro modo distinguendi spectetur, proindeque etiam sub formali ratione intellectionis et volitionis absolutae prorsus numero una est eademque in tribus personis. Talis ergo est operationis unitas in tribus personis.

Idem declaratur ex ipsa ratione personae divinae. Personae in Deo non distinguuntur nisi relationibus originis, quatenus sub formali ratione relativi una est principium se habens ad alteram ut principiatum: Pater a Filio nullo alio modo distinguitur nisi sola paternitate et filiatione, Pater et Filius a Spiritu Sancto non distinguuntur, nisi quod spiratione se habent ut principium ad procedentem; *paternitas* igitur (quae simul est ἀ/εννησία, quatenus haec intelligatur ut aliquid positivum, seu ut ratio principii sine principio), *filiatio*, *processio* sunt relationes substan-

tivae singulis personis propriae, *spiratio* communis Patri ac Filio potest dici propria solum in comparatione principii spirantis cum Spiritu Sancto procedente, cui non est communis. Praeter has igitur relationes ad intra, et si quae sit *hypostatica* relatio ad extra, reliqua omnia quae de Deo concipi possunt, absoluta sunt et ideo unum indistinctum in tribus, sicut tres sunt unus Deus. Iam vero operatio effe-
ctrix in Deo nec est generatio nec nativitas nec spiratio nec processio, nec *hypostatica* relatio ad terminum externum. Ergo omnis operatio ad extra est una indistincta in tribus personis, sicut una est trium deitas, seu sicut unus est Deus.

Dixi : operatio, non est relatio *hypostatica* ad terminum externum (i. e. a Deo distinctum ac diversum). Relatio *hypostatica* nec ex fide nec supposita fide ex lumine rationis alia potest intelligi, nisi vel *ad intra* personae producentis personam aliam aut procedentis ab alia persona, vel *ad extra* personae hypostatice unitam habentis naturam creatam. Relatio hypostatica *ad intra* profecto non potest esse efficiens terminum externum, sed respicit personam divinam. Terminus vero externus prae hac interna relatione connotari non alius potest (praescindendo nunc ab unionem hypostatica) quam personae manifestatio ad extra per aliquam efficientiam; generatio et spiratio cum hac connotatione est *missio Filii* a Patre, ac *missio Spiritus Sancti* a Patre et Filio. Quod igitur in missione est proprium uni personae et non commune tribus, ex parte personae mittentis non est operatio sed relatio generantis et spirantis ; ex parte personae missae est relatio filiationis vel processionis; efficientia vero ad extra quae connotatur in missione, necessario communis est tribus personis, ut sunt unus Deus (1).

(1) « Missio est et essentielle (pertinens ad essentiam communem) et notionale (proprium personae distinctae), secundum aliud et aliud. Secundum enim respectum quem importat missio ad suum principium, est notionale ; secundum autem respectum quem importat ad effectum in creatura, est essentielle... Nomen potest connotare effectum in creatura dupliciter ; vel secundum rationem principii tantum , et quia eadem est operatio totius Trinitatis , oportet quod tale nomen commune sit toti Trinitati et ad essentiam pertinens; vel ita quod cum ratione principii respectu creaturae etiam aliquid aliud importet (sc. relatio-

Remanet ergo sola *unio hypostatica*, quae potest esse propria uni personae et non communis tribus. Divinae enim hypostases singulae propriam solum habent formalem rationem hypostaseos, sed commune eis est et unum, quidquid ad naturam spectat; functio vero hypostaseos, formaliter ut est hypostasis ratione distincta a natura, nec revelatione nec lumine rationis cognoscitur alia, quam quod sit subiectum habens naturam ut suam. Unde propria uni hypostasi et non communis tribus functio ad extra non alia potest intelligi, quam ut habeat assumptam naturam creatam ut suam, quod fieri posse et factum esse ex revelatione novimus. At hoc *habere naturam* non est operatio effectrix, sed est *hypostatica* terminatio, et status quidam intelligendus secundum analogiam causae formalis non causae efficientis. Quidquid vero efficientiae in ea unione intercedit, id totum est Dei unius et trini. In summa personae divinae ad extra non operantur, formaliter ut sunt tres distincti relativi ad invicem, sed ut sunt unus Deus. Principium enim seu potius subiectum *quod*, operatur, est quidem hypostasis; sed principium *quo* fit operatio, est natura.

Hinc apud ss. Patres et in Conciliis est axioma in doctrina de SS. Trinitate et de Christo momenti maximi: operationes non sunt *hypostaticae* sed *naturales*, h.e. distinctio operationis secundum speciem et numerum non sequitur numerum hypostaseon sed speciem et numerum naturarum. Ubi igitur una numero est natura, etiamsi plures sint hypostases, una numero est operatio, ut in SS. Trinitate; contra ubi plures sunt numero naturae, et ubi naturae non

nem personalem), et tunc quamvis secundum respectum ad creaturam det intelligere essentiam, tamen secundum aliud quod significat, potest ad personam pertinere, sicut assumere carnem importat et operationem quae communis est tribus personis, et terminum operationis in quem terminata est assumptio, quod proprium est personae Filii. Similiter dico, quod *donum* (ut est nomen Spiritus Sancti) praeter respectum ad illum cui donabile est (ad extra), importat respectum ad illum, a quo est sicut a principio, respectu eius auctoritatem (originis) habente (h. e. importat respectum ad Patrem et Filium, a quo Spiritus Sanctus procedit), et ex hac parte est notionale » S. Th. 1. dist. 15. q. 1. a. 2.; dist. 18. q. 1. a. 1.

modo numero plures sunt eed etiam diversae, etiamsi una sit hypostasis, ut in Christo, ibi etiam ordo operationum est multiplex et diversus pro multiplicitate et diversitate naturarum. Hoc principium Patres assumunt ut omnino evidens et concessum ab omnibus, quando de Deo agitur, quia operatio divina est ipsa divina essentia atque ideo admissa alia operatione in Patre et alia in Filio, hoc ipso assereretur alia atque alia essentia. Inde vero contra inotheletas demonstrant, in Christo non posse negari duplicem diversum ordinem operationis divinæ et humanae, quin eo ipso admittatur una tantum natura ac proinde monophysitarum haeresis inducatur. Ita in causa monothetarum ex unitate operationis trium personarum argumentatur s. Agatho Pontifex in epistola ad Impp. lecta in Concilio VI. (Harduin. T. III. p. 1083). *aluxta regulam sanctae catholicae atque apostolicae Christi Ecclesiae duas etiam naturales voluntates in eo et duas naturales operationes esse confitetur et praedicat (eadem Ecclesia). Nam si personalem (quae sequatur numerum personarum) quisquam intelligat voluntatem, dum tres personae in sancta Trinitate dicuntur, necesse est ut et tres voluntates personales et tres operationes personales, quod absurdum est et nimis profanum, dicerentur. Sin autem quod fidei christianae veritas continet, naturali[^] (ex natura ut principio quo, et sequens numerum naturarum) voluntas est, ubi una haec natura dicitur sanctae et inseparabilis Trinitatis, consequenter et una naturalis voluntas et v a naturalis operatio intelligenda est. n* (Vide Tract, de Incarnat, th. XL.).

Iam vero tam in Scriptura quam in praedicatione Patrum unitas actionis velut nostrae intelligentiae propinquior ac notior proponitur tamquam principium, ex quo unitas naturae trium personarum deducatur. Sic Filius Dei unitatem potentiae et actionis suae ac Patris ad servandos fideles et ad dandam vitam aeternam inducit velut declarationem, et generatim quod ipse facit opera Patris sui, velut demonstrationem enuntiati mysterii: *‘u ego et Pater unum sumus; Pater in me est, et ego in Patre’* Io.X.28. sqq. (supra p. 23. sqq.). Unitas testificationis iungitur cum uni-

tate essentiae, et testimonium trium est testimonium unius Dei: « tres sunt qui testimonium dant in coelo, Pater, Verbum et Spiritus Sanctus, et hi tres unum sunt... testimonium Dei maius est » 1. Io. V. 7. 9. (supra th. V.). Pariter affirmat Filius, omnem operationem Patris inde ab exordio esse suam operationem, et negat potentiam suam esse aliam quam Patris potentiam : « Pater meus usque modo operatur, et ego operor... quaecumque ille fecerit, haec et Filius similiter facit (τὰντα καὶ ὁ υἱὸς ὁμοίῳ τ.οῖα)... Sicut Pater suscitavit mortuos et vivificat, sic et Filius quos vult, vivificat.» « Non potest Filius a se facere quidquam, nisi quod viderit Patrem facientem » Io. V. 17. 19. 21. Ex qua actionis unitate Iudaei ipsi intelligebant asseri filiationem Dei propriam et aequalitatem cum Deo : « quia et Patrem suum (πατέρα ἰδίον) dicebat Deum, aequalem ἴσον) se faciens Deo » ib. v. 18.

Eodem pertinet, quod in Scripturis operatio divina modo tribuitur uni Deo absolute spectato praeter quem alius non est, modo personis singulis, modo personis coniunctim. « Ego sum Dominus faciens omnia, extendens coelos solus, stabilis terram et nullus mecum » Is. XLIV. 24. « Confiteor tibi Pater, Domine coeli et terrae » Matth. XI. 25. « Ad Filium (de Filio) autem dicit: tu in principio Domine terram fundasti, et opera manuum tuarum sunt coeli » Heb. I. 8. 10. « Emittes Spiritum tuum, et creabuntur » Ps. CIII. 30. « Spiritus Domini replevit orbem terrarum, et hoc quod continet omnia (πνεῦμα κυρίου ~c συνεχὸν τὰ πάντα), scientiam habet vocis » Sap. I. 7. (cf. Ambros. de Spiritu Sancto l. U. c. 5.; Cyrill. Alex. Dialog. VII. p. 649, et alibi). « Deus per Filium fecit et saecula » Heb. I. 2. « Nobis unus est Deus Pater, ex quo omnia.... et unus Dominus Iesus Christus, per quem omnia » 1. Cor. λΓIII. 6. In huiusmodi locutionibus, ubi Pater per Filium in Spiritu Sancto creare et operari dicitur, tum relatio originis personarum indicatur, tum praeclare enuntiatur unitas operationis, quod scilicet sicut una natura ita eadem potentia et operatio a Patre in Filium, et a Patre per Filium (a Patre Filioque) in Spiritum Sanctum communicatur. Ideo tam in Scripturis quam fre-

quentissime apud Patres, quando simul cum relationibus internis personarum exprimenda est relatio ad opera, Filius et Spiritus Sanctus dicuntur virtus Patris, et Pater dicitur operari per Filium et Spiritum Sanctum tamquam per suam virtutem, per suum brachium, per suas manus; simul vero quatenus virtus et operatio est una, hoc idem esse declaratur, ac si dicatur Pater operari per semetipsum (supra p. 151. 181; vide Petav. de Deo l. V. c. 8. et 9.).

Penes Patres demonstratio unius essentiae ex unitate operationis, vel vicissim huius ex illa passim obvia est. « Pater, Filius, Spiritus Sanctus tres sunt hypostases, quoniam distincta uniuscuiusque est subsistentia; at vero quum personae non quaeque sibi proprio modo neque sibi propria electione ac divisim singulae velint et operentur, sed ut unum sunt (ὁὖν εἰς αὐτὸν, non tres Dii sed unus est Deus» Damasc. de duabus volunt, n. 7. Vide Patrum doctrinam luculentam apud Petav. Trin. l. IV. c. 15.

Hinc patet, non aliam quam unitatem naturae significari, quando dicuntur tres personae esse unum voluntate, consilio, potentia etc. Non raro autem attributa haec absoluta a Patribus exprimuntur ita, ut simul significetur personarum distinctio. Ita quando Pater, Filius, Spiritus Sanctus dicuntur consentire inter se, consultare, una persona alteri cooperari, *consensus*, *consultatio*, *cooperatio* eo modo intelligenda est, quo *consubstantialitas* intelligitur. Namque, ut in re alia ait Cyrillus Alexandrinus, « particula *cum* apposita semper significat alium cum alio» (Anathemat. VIII. contra Nestor, cf. Apolog. ibi contr. Orientales); personarum scilicet non autem per se etiam naturae seu, quod perinde est, operationis (ad extra) distinctio per illam particulam *cum* exprimitur.

Corollarium 1. Non solum credi debet velut *factum* revelatum trium personarum communis operatio ad extra, quasi vero absolute loquendo posset esse operatio propria uni personae, quin eadem sit omnium trium hypostaseon; sed intelligenda est omnis operatio ad extra tam necessario una trium personarum absque ulla distinctione, quam necessario una est trium natura et tres sunt unus Deus.

Corollarium 2. Sicut sensu declarato nemo potest confiteri unam communem operationem trium personarum, quin hoc ipso affirmet unam numero et indistinctam trium naturam ; ita vicissim negatio huius unitatis in operando est argumentum certum vel negatae vel non rite intellectae unitatis naturae. Güntheriani affirmantes, eo ipso quod hypostases divinae realiter distinguuntur, etiam operationem ad extra non posse esse tribus communem et numero unam, sed esse unam operationem uni personae, alteram alteri propriam ; hoc etiam solo indicio clarissimo convincuntur, ab ipsis non minus realiter distinctas numero tres substantias seu essentias divinas admitti quam tres distinctas hypostases. Güntherum vero in eo quem diximus, errore fuisse quoad operationes divinas, est certissimum. « Solvenda est quaestio, inquit Gunther, quaenam ex tribus divinis ac personalibus substantiis ideam Dei de universo et de creatura ad realitatem perduxerit, si ea ad realitatem deducta non est ab omnibus tribus simul. *Hoc ultimum nemo certe affirmabit*, qui intellexerit distinctionem inter processum realem theogonicum in vita absoluti (h. e. inter processiones substantialium personarum) et inter processum formalem singularum hypostasium in illa vita (h. e. inter modum , quo singulae personae se sciunt et se ab aliis intelligunt distinctas)... In manifestatione Dei ad extra omnia sunt personalia, h. e. tribuenda ut operatio ac opus operatum uni personae determinatae et nulli alteri, multoque minus omnibus tribus simul.»? Docet deinde, creationem praedicandam esse a de nulla alia persona quam de secunda, de Filio; » unionem vero creaturae cum Deo effici a persona tertia. Propaedeut. T. II. p. 369-372; Symposion Peregrini p. 388. 396. Communitatem operationis non aliam agnoscit ; nisi quod in quibusdam operibus una persona unam, alia aliam partem exsequitur. Sic ait, in incarnatione Acerbi Spiritum Sanctum produxisse corpus, Patrem creasse animam Christi, vel saltem animae cum corpore unionem effecisse Propaed. ib. p. 371.; Sympos.p. 396. His omnibus omnino contrariam esse doctrinam catholicam, abuude constat ex demonstratis in thesi.

THESIS XIII.

*De ratione qua attributa quaedam et operationes
appropriantur uni personae prae alia.*

« Qnamvis ex dictis attributa absoluta et operationes ad extra sint
- absque distinctione unum commune tribus personis; nihilominus tam
- in Scriptura quam in aliis documentis fidei attributa quaedam et
» quaedam operationes *appropriantur* uni personae prae aliis. Huius
- praedicationis ratio est, ut servata absolutorum communitate mani-
festentur singularum personarum proprietates; quare *appropriations*
* fundamentum est attributi absoluti analogia ac veluti affinitas cum
» caractere hypostatico personae, cui appropriantur. »

1. Ut sit *appropriatio* non sufficit, quod absolutum explicite praedicetur de una aliqua persona ; sed *appropriatio* stricto sensu tum solum est , quando absolutum praedicatur de una persona *prae alia*. Ideo non satis commode vel non stricto sensu appellatur *appropriatio* in locis, ubi Pater dicitur « solus *potens rex regum...* qui solus habet *immortalitatem* » 1. Tim. VI. 15.; vel ubi Filius ait: «ego sum via, *veritas* et *vita* » Io. XIV. 5. (1); vel ubi Apostolis promittitur: «accipietis *virtutem* supervenientis Spiritus Sancti in vos » Act. I. 8 ; quae omnia Didacus Ruiz disp. 82. sect. 2. numerat inter appropriationes cf. S. Th. 1., q. 39. a. 8. Neque enim haec praedicantur ex speciali et propria ratione de una persona prae aliis, sed est simpliciter affirmatio absoluti de una persona (2) etiam per se spectata, ut Deus est, quae sane non magis *appropriatio* dicenda videtur, quam cum singulae seorsum personae e. g. praedicantur Deus.

Neque etiam stricto sensu *appropriatio* est, quando no-

ti) Filius Sapiencia « factus est nobis via temporalis per humilitatem (humanitatem), quae mansio nobis aeterna est (*veritas* et *vita*) per divinitatem » Aug. Trin. VII. c. 3. n. 5.

(2) In ultimo exemplo est quidem *appropriatio* aliqua, quod Spiritui Sancto tribuitur prae ceteris personis operatio ad extra; sed non in nomine *virtutis*, ut Ruiz assumit. Ceterum praedicata potentiae, veritatis, virtutis possunt et solent *appropriari* uni personae; verum hoc intelligitur in iis dumtaxat contextibus, in quibus est quaedam connumeratio et comparatio aliarum personarum.

men, quod per se significat attributum absolutum habens cognationem cum proprietate personali, adhibetur sensu relativo ad ipsam personam designandam, ut quando Verbum dicitur Sapientia genita, vel Sapientia subsistens; Spiritus Sanctus amor vel voluntas procedens aut subsistens. Haec non sunt *appropriata* sed *propria*; neque enim his nominibus attributum commune adscribitur specialius uni personae, sed ipsa proprietas personalis relativa exprimitur.

Sensu stricto itaque *appropriatio* est, quando attributa vel operationes ad extra communes tribus personis praedicantur specialiter de una persona, ut ex tali attributo vel operatione deducamur ad intellectionem aliquam proprietatis personalis. Hic namque est scopus appropriationis, « Ob hoc enim quaedam sive sub Patris, sive sub Filii, sive sub Spiritus Sancti appellatione promuntur, ut confessio credentium in Trinitate non erret. Quae cum sit inseparabilis, numquam intelligeretur Trinitas, si semper inseparabiliter diceretur » s. Leo M. serm. 2. de Pentec. c. 3. Quern eundem scopum declarat s. Thomas. « Sicut similitudine vestigii vel imaginis in creaturis inventa utimur ad manifestationem divinarum personarum, ita et essentialibus attributis. Et haec manifestatio personarum per essentialia attributa *appropriatio* dicitur » 1. q. 39. a. 7.

Hinc patet lex seu fundamentum appropriationis. Fundamentum scilicet est analogia seu similitudo quorundam absolutorum attributorum cum proprietate hypostatica unius personae prae aliis (1). Nisi enim inter proprietatem et haec

*

(1) Quoniam Dionysius vulgo Areopagita dictus duplicem tradit modum manifestationis mysteriorum per symbola, « quorum unus quidem, ut par est, per *similes* sacrarum figurarum imagines procedit, alter vero per *dissimiles* figurarum affirmationes ad omnimodam dissimilitudinem et discrepantiam effingitur » (Coolest. Hierarch, c. 2. n. 3); inde etiam in appropriatione, quae habet nonnullam analogiam cum theologia symbolica, aliqui Doctores, s. Thomas, s. Bonaventura 1. c., Albertus M. 1. q. 60. in. 1., Alexander Hal. 1. q. 67. m. 3. a. 1. praeter similitudinem, de qua in textu loquimur, inducunt ut alterum fundamentum dissimilitudinem. - Possunt manifestari personae divinae per essentialia attributa dupliciter; uno modo per viam *similitudinis*, sicut ea quae pertinent ad intellectum appropriantur Filio, qui procedit per modum intellectus

certa quaedam attributa, ut a nobis concipiuntur, esset peculiaris aliqua affinitas; praedicatio specialis talium attributorum de una persona intellectionem characteris proprii personalis non iuvaret sed potius impediret. « Si loquamur de appropriates quantum ad ordinem vel originem quem connotant, sic appropriantur a parte rei propter convenientiam cum propriis personarum. Unde quia Pater a nullo est, et Filius a Patre, et Spiritus Sanctus ab utroque, et huiusmodi ordo attenditur in potentia et sapientia et bonitate; ideo patet ratio appropriandi. Unde illa, quae non connotant aliquo modo ordinem vel originem, non sunt appropriabilia » s. Bonavent. in 1. dist. 34. q. 3.

Quoniam vero characteres personales possunt considerari sub pluribus rationibus diversis, secundum quas eis respondent diversa attributa; hinc fit ut uni personae possint appropriari plura attributa, et vicissim unum attributum possit appropriari non uni solum, sed sub diversa consideratione etiam aliis personis. Sic e. g. *virtus* appropriatin' Patri secundum characterem personalem, quatenus est principium omnium processuum ad intra; Filio autem,

ut Verbum; alio modo per modum *dissimilitudinis*, sicut potentia appropriabile Patri, ut Augustinus dicit, quia apud nos patres solent esse propter senectutem infirmi, ne tale aliquid suspicemur in Deo » S. Th. 1. q. 39. a. 7. « Appropriatio fit et secundum rationem similitudinis, si consideretur, quod in divinis personis est; et secundum rationem dissimilitudinis, si consideretur quod in creaturis est.... Sapientia similitudinem habet cum Filio coelesti, in quantum est Verbum, quod nihil aliud est quam conceptus sapientiae; deficit autem interdum filio terreno propter temporis paucitatem » ibid. a. 8. Ceterum Augustinus quem Angelicus appellat, non quidem loquitur de hoc tali fundamento appropriationis, sed solum alicubi ait: « apud homines pater deficit senescendo; at non illa (nativitas Filii) sic est, ubi nec crescit Filius nec senescit Pater » contr. Maximin. 1. II. c. 14. n.G. Ad rem ipsam quod spectat, potius ita dicemus: licet fundamentum appropriationis semper sit *similitudo*, scopus tamen directus et princeps potest esse duplex diversus; quandoque enim per appropriationem intenditur manifestatio proprietatis distinguentis, quandoque (supposita distinctione) declaratur aequalitas personarum et unitas in attributis absolutis. Videlicet potest appropriari e. g. sapientia Filio, vel ut intelligatur processio per modum intellectus, vel ut explicite intelligatur viudicaturque Filio eadem absoluta sapientia, quae est Patris. Cf. s. Bonavent. 1. dist. 34. q. 3. ad 2.

quatenus est Verbum per quod facta sunt, omnia, atque inde per appropriationem brachium Dei Patris; item Spiritui Sancto ut procedenti per dilectionem appropriatur omnis effectio charismatum sanctificantium atque ideo *virtus*. Hinc est, quod illud Luc. I. 85.: *u virtus* Altissimi obumbrabit tibi, » Patres alii de Spiritu Sancto, alii de Filio, alii de Patre interpretantur, quae diversitas locum nullum haberet, si appropriatio secundum unum semper modum rata esset ac fixa. Attamen similitudo seu affinitas attributorum absolutorum ac operationum cum proprietatibus personalibus considerata est secundum modum, quo in Scripturis exhibetur et secundum normam catholici intellectus. Est enim in Scriptura, in symbolis, penes ss. Patres appropriatio satis frequens, ut inde fundamentum et modus applicationis facile intelligi queat. Aliquibus exemplis hactenus dicta confirmanda sunt et amplius declaranda.

II. In Scripturis, ubi duae vel omnes tres personae connumerantur, frequenter distinguuntur praedicatis absolutis non sane velut propriis, cum ea alibi demonstrentur communia tribus personis, sed ad designandum characterem personalem singulis proprium. Sic: «divisiones *gratiarum* (*χαρισμάτων*) sunt, idem autem *Spiritus*; et divisiones *ministrationum* (*διακονιών*) sunt, idem autem *Dominus*; et divisiones *operationum* (*ενεργημάτων*) sunt, idem vero *Deus*, qui operatur (*ὁ ενεργῶν*) omnia in omnibus » 1. Cor. XII. 4. sq. Hic vides appropriationem duplicem; prior est illa notissima, qua in connumeratione Pater dicitur *Deus*, Filius *Dominus* (vide supra p. 172). Appropriatione altera Patri principio sine principio tribuuntur *operationes* virtutum h. e. miraculorum, sicut alibi in symbolis et a Patribus ei appropriatur omnipotentia; Filio ut incarnato ac capiti et Domino Ecclesiae tribuuntur disposita ministeria in Ecclesia; Spiritui Sancto procedenti per amorem tribuuntur charismata sanctificantia, quae quidem sanctificatio talem habet relationem et cognationem ad proprium characterem personalem Spiritus Sancti, et tam constanter in Scriptura et a Patribus derivatur peculiariter a Spiritu Sancto, ut nonnullis theologis sanctificatio non per appropriationem tan-

tummodo, sed ut *proprium* de tertia persona enuntiari visa sit; certe a Patribus aliquando virtus sanctificans (duvout; ἀ/ιασηζη) dicitur proprius character Spiritus Sancti (Petav. 1. VII. c. 13. n. 21 sq.), et rationem *doni* seu *donabilis* sub peculiari quodam respectu esse propriam tertiae personae, communis est doctrina. Sed de his alibi dicendi locus erit. Interea illud tenendum ut certissimum, efficientiam charismatum creatorum Spiritui Sancto non propriam esse prae reliquis personis, sed appropriatam ob specialem affinitatem horum effectuum cum eius caractere personali.

Pertinet ad appropriationem frequentissima vehit distributio operationis ad extra per particulas indicantes relationem originis inter ipsas personas operantes una operatione. Pater per Filium in Spiritu Sancto operari dicitur (supra . 180), vel omnia creata dicuntur esse ex Patre per Filium in Spiritu Sancto. Ad illud quod legitur Rom. XI. 36, advertit Augustinus: «quoniam unus est Deus sed tamen Trinitas, nec confuse accipiendum est: *ex quo omnia, per quem omnia, in quo omnia* » Aug. Trin. VI. c. 10. n. 12. Addit s. Thomas: « *ex ipso* dicitur propter Patrem, *per ipsum* propter Filium, *in ipso* propter Spiritum Sanctum » (cf. S. Hilar. Trin. 1. II. η. 1).

Commentatur vero Angelicus hanc distributionem ita, ut coïncidât cum solemni illa appropriatione *potentiae* ad Patrem, *sapientiae* ad Filium, *bonitatis* ad Spiritum Sanctum 1. q. 39. a. 8. ad 4. De hac appropriatione potentiae, sapientiae, bonitatis pluribus agit Richardus Ahctorinus . 2. in libello, quem *de tribus appropriates* scripsit ad s. Bernardum; eademque iterum repetit de Trin. 1. VI. c. 15.

Distinctior autem expolitio illius ordinis *ex quo, per quem, in quo* omnia, continetur appropriatione apud Patres non minus frequenti, qua sive in creatione generating sive potissimum in creatione angelorum et hominum Patri tribuitur consilium, voluntas (βουλι/ζα) aut imperium operis, Filio exsecutio (ἐνεργεια vel δημιουργία), Spiritui Sancto perfectio (τελειωσι;), quae est in sanctificatione. « In angelorum creatione cogita mihi *causam quae sine principio est principium* (vr.v πρὸ καταρχῆ-Α-ην αἰτιαν), Patrem; *conditricem* (την

ορpicvp·/ly.r.y) Filium; perfectricem (τζv τε/.είωπκτ,v) Spiritum; ut *voluntate* quidem Patria sint administratorii Spiritus, *operatione* (ενεργεια) vero Filii ad existentiam perducantur, adventu autem Spiritus *perficiantur*; porro perfectio angelorum sanctificatio est » s. Basil, de Spiritu Sancto c. 16. Eadem, ut patet, est ratio appropriationis in creatione hominis: a primum omnium credendum est, unum esse Deum, qui cuncta ex nihilo per Verbum suum fecit, et per Spiritum Sanctum animavit » Ambros. in symbol, c. 6. (1) (cf. Petav. l. VII. c. 14. n. 21-23). "Recole quae diximus supra p. 181. sqq.

Hanc appropriationem insigniter expressam cernere est in sarcophago Musei Lateranensis eruto ex crypta penes sepulchrum sancti Pauli Apostoli gentium in via Ostiensi. Sculptura putatur esse saeculi IV* sed, ut in huiusmodi operibus saepe usuvenit, probabiliter derivata ab exemplari vetustiori. Hanc, de qua nos agimus, cum reliquis caelaturis in eodem monumento effictis, illustrarunt eruditae suis commentariis viri doctissimi, primum cl. P. los. Marchi, tum cl. I. B. De Rossi, denique cl. P. Raphael Garrucci, cui Archaeologo praestantissime ectypon iu acceptis refero (2).

(1) Tractatum hunc in symbolum sive de Trinitate editores Haurini operum Ambrosii, licet fateantur antiquum, velut supposititium in appendicem reiecerunt. Recentius Aug. Hahn in Bibliotheca symbol, p. 16. illum iterum vindicavit Ambrosio.

(2) Quamvis quoad rei caput plena esset consensio inter eruditissimos Archaeologos, fuit tamen de applicatione et de appropriationis velut ultima specie non parva opinionum diversitas. Ineptus essem, si de canonibus disciplinae archaeologicae vellem ego homo profanus meam interponere sententiam. Nihilominus quatenus de appropriationis legibus ex Scripturae et Patrum doctrina in theologia agitur, certa sunt sequentia. 1*. Ubi non diversa opera diversis personis singillatim attribuantur c. g. creatio, reparatio, sanctificationis charismata, sed unum opus e. g. creatio hominis secundum rationes et velut partes diversas distribuitur in tres personas, constanter penes Patres consilium tamquam mente conceptum appropriatin' Patri, operatio Filio, perfectio Spiritui Sancto (seu si de homine agitur, effectio imaginis naturalis est Filii, consummatio similitudinis snpernaturalis est Spiritus Sancti). 2*. Pater operationibus ad extra se manifestat per Filium, qui est

« visibile Patris » et « facies Patris », ac per Spiritum Sanctum. Pater est in se *Deus invisibilis*, Filius in apparitionibus et manifestationibus est *Dominus visibilis*; « a primordio enim Sermo erat apud Deum, et Deus erat Sermo, cui data est a Patre omnis potestas in coelo et in terra... ipse ad humana semper colloquia descendit ab Adam usque ad patriarchas et prophetas » Tertull. citatus p. 190. Porro 310. Pater *dicit* h. e. generat Verbum ad intra « plenum idearum » cum relatione (rationis) ad extra, ad omnia opera creanda; Spiritus Sanctus procedit ut *donum* cum relatione item ad rationales sanctificandas creaturas. Quando itaque Pater loquitur: faciamus hominem etc., hoc est immediate consilium et « irradiatio suae voluntatis » in Filium et Spiritum Sanctum, non autem concipitur in hoc negotio appropriationis ut locutio ad ipsa creanda, seu ut operatio; haec enim appropriatur Filio et Spiritui Sancto velint « manibus Patris. » Recole dicta (pag. 180-183.) 4. In hoc ipso, quod Patri videtur tribui solum consilium, Filio et Spiritui Sancto operatio et perfectio, ostenditur in tribus personis unitas et consilii et operationis; nam « unus rDeus fabricator... fecit ea per semetipsum hoc est per Verbum et per Sapientiam suam » (per Spiritum Sanctum) Iren. citatus p. 151. 5*. Advertit cum aliis s. Basilius l. de Spiritu Sancto c. 16. et 18., in relatione ad nos Patrem velut remotiorem esse, Spiritum vero Sanctum propinquiorem: « via itaque cognitionis Dei est ab uno Spiritu per unum Filium ad unum Patrem... Qui dona distribuit, occurrit primum Spiritus Sanctus, tum cogitamus eum qui misit (Filium), postremo pertingimus ad fontem ac causam (scilicet causam τροχάταρ.τιχη») bonorum; » atque ideo, ait, Apostolum 1. Cor. XII. 4-6. personarum ordinem inversum posuisse. Cf. Iren. l. V. c. 36. n. 2.

Quando itaque conspicio tres personas simul ad creationem hominis referri, quarum una adest velut agens per duas alias, habens in-

Appropriata alia referuntur et explicantur e. g. ab Augustino: *u aeternitas* in Patre, *species* in imagine, *usus* in munere » Trin. 1. VI. c. 10, quae ipse refert velut ex s. Hilario (cf. Ambros. in symbol. Apost. c. 1.), quamvis Hilarius Trin. 1. II. n. 1. ea habeat paulo aliter disposita: annus Deus Pater ex quo omnia, et unus unigenitus Dominus noster Iesus Christus, per quem omnia, et unus Spiritus do-

super quodammodo fronti inscriptum nomen Patris ; altera tamquam *Dominus manifestatus* solio insidens creat elata manu seu iubendo seu benedicendo ; tertia imposita manu obumbrans perficit sanctificando ; perinde inibi videtur, ac si legerem verba Patrum : « Deus ad faciendum quae ipse apud se praefinierat fieri, ipse suas habet manus, adest enim ei semper Verbum et Sapientia, Filius et Spiritus, per quos et in quibus omnia libere et sponte fecit Iren. 1. c. » Deus solus cum esset nihil habens sibi coevum, voluit mundum creare... Verbo quidem creat. Sapientia vero ornat... atque ita adstitit ei alius * Hippol. citatus p. 154. -Itaque tria intelligis mandantem Dominum, creans Verbum et confirmantem Spiritum... Principium omnium quae sunt, unum est per Filium condens et perficiens in Spiritu n s. Basii, citatus p. 181.

Si verum est, quod ait cl. I. B. de Rossi, solium cui insidet persona repraesentata ut creans Hevam, esse sedem pontificalem : novum huic nostrae explicationi iam aliunde certae accedit argumentum. Sacerdotium enim est secundae personae proprie quidem ut incarnatae, per τὸ Χριστῷ / vero ante incarnationem (vide doctrinam Patrum de prolationibus ad incarnationem in theophaniis V. T. thés. XI. η. IV.). Apud Philonem ὁ , qui et Angelus Domini et Mediator, frequentissime comparet ut λπτου^γο;, ; Ssco et . Hic mundus, inquit, est templum Dei, ῥ? ω ζαι ἀργι.-ρ.υ; ὁ xfwroyovot avrcy S . ι λογο; De Somn. ed. Iloeschel p. 597. Vide .Grossmanni Quaestiones Philoneas p. 48. Cf. Ecclesi. XXIV. 14. gr. 10. (Cornel, a Lapide in h. 1.).

Nihilominus si duae personae, insidens solio et altera manum imponens, per se solae spectarentur, sine dubio possent sub alia ratione intelligi Pater mandans et Filius exsequens ; sed omni analogiae et omnibus modis appropriationis secundum notiones theologicas repugnat, ut persona prima, a qua velut remotior est creatura et quae adstat tamquam operans per duas alias personas, intelligatur vel Filius vel Spiritus Sanctus ; optimo autem ei spectatae in complexu cum duabus aliis personis congruunt omnia, quae nobis tradita sunt de appropriationibus ad Patrem, qui sese manifestat ad extra per Filium Dominum operantem et per Spiritum Sanctum perficientem, ut in cognitionem adducamur Patris, cuius substantiae figura ac plena expressio ad intra est Filius, sicut voluntatis seu dilectionis in Patre Filioque spectatae terminns est Spiritus Sanctus, in quo processiones ad intra absolvuntur.

num in omnibus... una potestas ex qua omnia, una progenies per quam omnia, perfectae spei munus unum. Nec deesse quidquam consummationi tantae reperietur, intra quam sit in Patre et Filio et Spiritu Sancto, *infinitas in aeterno, species in imagine, usus in munere*.ⁿ Interpretatur vero Augustinus l. . . et ex eo s. Thomas l. q. 39. a. 8. haec ita, ut *aeternitas* respondeat proprietati Patris tamquam principii sine principio; *species* seu pulchritudo proprietati Filii, quatenus est perfecta imago Patris ex ipso modo processione per generationem; *usus* seu « dilectio, delectatio et felicitas » proprietati Spiritus Sancti procedentis per amorem Patris ac Filii.

Facile iam explicabis, quando ab eodem Augustino praedicantur « in Patre unitas, in Filio aequalitas, in Spiritu Sancto unitatis aequalitatisque concordia; et haec tria unum omnia propter Patrem, aequalia propter Filium, connexa omnia propter Spiritum Sanctum » Doctr. christ. l. I. c. o. Vide s. Bonaventur. l. dist. 31. a. 2. q. 3. Item alia: « est ergo Pater Filio veritati origo verax, et Filius de veraci Patre orta veritas, et Spiritus Sanctus a Patre bono et Filio bono effusa bonitas » Serm. 71. n. 18. Pariter in symbolis distinctio est Dei Patris *omnipotentis, creatoris*; tum Filii *Domini*, Spiritus Sancti *vivificantis, qui locus est per prophetas*. Denique ad orandi modum quod spectat, Christus Dominus ipse secundum humanitatem tum obedientiam et satisfactiones pro nobis tum orationes explicite direxit ad Deum Patrem, quamvis haec omnia referrentur ad Deum unum et trinum; eandemque praeter alias formam orandi nos docuit, quam et Ecclesia in sacra liturgia frequentissime sequitur, ubi rogatur Pater omnipotens aeternus Deus per Iesum Christum Dominum Nostrum Filium eius, qui cum ipso regnat in unitate Spiritus Sancti Deus. Quae omnia praesertim in coniunctione cum aliis formis, quibus dirigitur oratio ad Filium et ad Spiritum Sanctum, pertinent ad exprimendam unitatem Dei in distinctione personarum simul cum ordine processionum. Cf. s. Fulgentium fragm. 29. p. 626; vide Didac. Ruiz disp. 82. sect. 4. et 7.

THESIS XIV.

De *mutua divinarum personarum circuminsessione*.

¶ Qñne dici solet circuminsessio (τηξίγαζησι circumincesso) divi-
 « narem personarum , quoad rem ipsam non est aliud quam nnumerica
 » unitas naturae in tribus personis distinctis per relationes originis ;
 « formaliter vero circumincesso intelligitur necessaria ex hac unitate
 - et distinctione exurgens personarum mutua velut com meatio seu im-
 } manentia in se invicem. »

I. Doctrina frequens apud ss. Patres et theologos de hac habitudine, quam Graeci περιχωρτισιν, vetustiores scho-
 lastici ut s. Bonaventura (1. dist. 19. P. I. q. 4.) aliquando *circum incesso* vel ut Aureolus (1. dist. 19. P. II. a. 1. propos. 2.) *circumcessionem*, recentiores *circuminsessionem* appellarunt, non aliud est quam declaratio veritatis ab ipso Christo Domino totidem verbis expressae, « Ego et Pater unum sumus... ut cognoscatis et credatis , quia *Pater in me est et ego in Patre* » Io. X. 30. 38. « Qui videt me, vi-
 det et Patrem... non creditis quia *ego in Patre et Pater in me est?* » ib. XIW 9. 10. « Ut omnes unum sint, sicut *tu Pater in me et ego in te*, ut et ipsi in nobis unum sint... Et ego claritatem quam dedisti mihi , dedi eis , ut sint unum, sicut et nos (χαθω ή/ζει) unum sumus » ib. XVII. 21. 22. Quamvis in hisce locis explicite de Spiritu Sancto non agatur, supposita tamen distinctione tertiae personae et unitate essentiae sicut in Patre et Filio ita in omnibus tribus personis, eadem prorsus habitudo circumincessionis mutuae aliarum personarum in Spiritu Sancto et vicissim necessario admittenda est. Adiungi tamen potest praecedentibus explicitum testimonium Apostoli de Spiritu Sancto: «nobis revelavit Deus per Spiritum suum... Quis enim hominum scit, quae sunt hominis, nisi spiritus hominis qui *in ipso est?* Ita et quae Dei sunt, nemo cognovit nisi *Spiritus Dei* » 1. Cor. II. 11.

Γ In his omnibus locis declaratur distinctio personarum, formaliter ut sunt Pater et Filius et Spiritus Sanctus, simulque unitas naturae seu essentiae earumdem. Tum sive ut ulterior (eclaratio huius unitatis et distinctionis sive

ut habitudo inde necessario consequens enuntiatur inexistencia mutua unius personae in alia. Sane si tres inter se distincti sunt unus Deus absque ulla distinctione secundum essentiam, Pater qui Deus est per divinam essentiam et identificatus cum divina essentia, nec esse nec notione paulo magis adaequata concipi potest, quin in se habeat et habere intelligatur sicut divinam essentiam, quacum identificatur, ita et Filium et Spiritum Sanctum, qui identificantur cum eadem numero essentia Patris. Pari ratione nec Filius Deus idem unus per divinam essentiam esse aut concipi potest, quin eodem modo in sua essentia cum ipsa identificatum habeat Patrem et Spiritum Sanctum, et vicissim Spiritus Sanctus Patrem et Filium, « Ego in Patre et Pater in me. Est enim Filius in Patre, quatenus intelligere licet, siquidem totum *Esse* Filii ipsum essentiae Patris proprium est, quemadmodum ex luce splendor et ex fonte fluvius (1), adeo ut qui videt Filium, videat id quod proprium est Patris (essentiam Patris), et intelligat Filium esse in Patre, cum *Esse* Filii sit a Patre communicatum (idem numero). Est vero et Pater in Filio, siquidem quod proprium est Patris (essentia) et ab eo communicatum, hoc ipsum Filius est, sicut in splendore sol, et in verbo (interno) mens, et in fluvio fons. Sic enim qui contemplatur Filium, contemplatur quod Patris essentiae proprium est, et agnoscit Patrem esse in Filio. Cum igitur id quod proprium est Patri nempe divinitas, sit *Esse* Filii, consequens est, ut et Filius in Patre sit et Pater in Filio. Etenim propterea merito, cum antea dixisset: ego et Pater unum sumus, intulit illud: ego in Patre et Pater in me, ut identitatem divinitatis et unitatem essentiae ostenderet» Athan. contra Arian, or. III. η. 3. «Qui Filium vere sumpserit, habebit ipsum utrimque secum adducentem hinc Patrem suum inde

(1) In huiusmodi imaginibus partira etiam in Scriptura obviis maxime vero apud Patres tum ante tum post Concilium Nicaenum frequentis magni interest, ut intelligatur splendor immanens in luce eo solo discrimine, quod lux principium producat, splendor (ἀ-, ὑγασπα) lux refulgens; fons et fluvius aqua una, sed fons quatenus ex se scaturiens, fluvius quatenus emanans ex fonte.

Spiritum Sanctum.... Similiter et qui Patrem admiserit, etiam Filium et Spiritum Sanctum potestate simul admittit. Non enim potest aliqua ullo pacto excogitari vel sectio vel divisio, ut sive Filius absque Patre intelligi sive Spiritus a Filio seiungi queat, sed ineffabilis quaedam et incomprehensibilis in his animadvertitur communio et distinctio » Basii, ep. 38. al. 43. n. 4. Huiusmodi declarationibus inexistentie mutuae personarum per naturae unitatem plena sunt omnia Patrum scripta adversus Arianos (vide Ruiz disp. 107; Petav. 1. IV. c. 17; Thoniassin. e. 28; Bulluin Fid. Nic. sect. 4. c. 4. n. 10. sq.).

Quamvis vero hactenus explicata ratio huius inexistentie mutuae sit unitas naturae, longe tamen diversum est, quod in una persona e. g. in Patre inest essentia, quacum identificatur Filius; et quod in Patre inexistit secundum περιχωρησιν Filius sub formali ratione personae distinctus ab ipso Patre. Illud prius non est inexistencia unius in altero, sed solum nostro modo intelligendi analogiam creaturarum concipimus personam ut intellectum et in ea naturam velut formam metaphysicam; realiter vero est omnino identitas personae et naturae, h. e. res eadem simplicissima sub una ratione, quatenus est absoluta, dicitur et est natura divina, et sub alia ratione, quatenus est relativa, dicitur et est persona divina. Ubi autem realis distinctio non est, profecto non potest esse unum inexistens alteri. At persona a persona realiter distinguitur, et personae omnes tres identificantur cum natura; unde ratione distinctionis recte potest dici una alteri inexistere, ratione identificationis omnium trium cum una communi natura necessario omnes tres sibi mutuo inexistunt, ut declaratum est.

Circumincessio itaque sicut velut formam et continens vinculum habet unam numero communem naturam, ita velut terminos supponit et includit realiter distinctas personas. In commendanda unitate naturae tamquam ratione περιχωρπσεω a ss. Patribus non minus sollicite haec personarum distinctio declaratur. « Qui ab eo qui habet omnia, accepit omnia, Deus a Deo, spiritus a spiritu, lumen a

lumine, confidentius ait: Pater in me et ego in Patre; quia ut spiritus Pater, ita et Filius spiritus, ut Deus Pater, ita et Filius Deus... Quod in Patre est, hoc et in Filio est... *alter al) altero et uterque unum, non duo unus sed alius in alio*, quia non aliud in utroque *n* g. Hilar. Trin. l. III. n. 4. cf. l. VI. n. 19. Totam rationem complectitur Damascenus, « Scimus, hypostases non extra se invicem excedere, et ab invicem inseparabiles et unitas esse, *et in se invicem commeantes inconfuse; unitas quidem absque confusione, tres enim sunt etiamsi uniantur, distinctas vero absque separatione* (1). Licet enim unaquaeque per se subsistat, hoc est perfecta sit hypostasis, et suam proprietatem, id est modum subsistendi distinctum habeat; at uniuntur essentia et essentialibus attributis, adeoque non separantur neque extra paternam hypostasim egrediuntur, atque unus Deus sunt et dicuntur» Damasc. Fid. orthodox. l.III.c.5.

Praedicatio itaque τη περιχωρησεω, ut ea in Scripturis et in doctrina Patrum continetur, compendiosa quaedam est confutatio et exclusio omnium fere haereseon circa mysterium SS. Trinitatis. Dum intelligitur unitas naturae tamquam fundamentum inexistentialis mutuae personarum, excluduntur Ariani et quicumque naturas trium vel diversas vel distinctas admittendo separant personas ab invicem. Dum intelligitur vicissim inexistere unus in alio, refelluntur Sabelliani et alii haeretici, qui negantes distinctionem realem personarum divinarum eo ipso etiam auferunt circumincessionem personae unius in altera. Cf.S.Th.contr. gent. IV. c. 9. Eo fere modo quo in mysterio incarnationis ordine licet inverso praedicatio circumincessionis naturae unius in alteram ratione unitatis personae, cuius est utraque natura propria, excludit et Nestorianorum separationem in duas hypostases et monophysitarum confusionem in unam naturam (2).

(1) Καὶ ἡ ἀλλήλων ἀσυγχύτω «ττιστα/ζιΟα. καὶ ἡνωαα; //«ν ἀσυγχύτω?, τριῖ γὰρ εἰ-τιν el καὶ ἡκωνται, διαιρσν/ζεναι is ὕξιαστα-τι;.

(2) De hac altera circnmincessionem distinctarum naturarum in uno Christo, agimus quantum opus est, in Tractatu de Incarnatione. Hic vero notetur, rationem unius et alterius circumincessionis esse diver-

Quamdiu παρέχωιουσιν hoc solum modo nunc declarato consideramus, quatenus propria eius ratio est unitas naturae identificatae cum omnibus et singulis personis, eodem prorsus modo Pater intelligitur esse in Filio et Filius in Patre, uterque in Spiritu Sancto et Spiritus Sanctus in utroque. At res ipsa et Patrum frequens doctrina nos monet, considerationem hanc non esse plenam, nisi personae ipsae, quae sibi invicem insunt, secundum distinctas proprietates et origines spectentur. «In Patre et Filio est tria considerare, scilicet essentiam et relationem et originem, et secundum quodlibet istorum Filius est in Patre et e converso» S. Th. 1. q. 42. a. 5.; 1. dist. 19. q. 3. a. 2. Sic vero aliquo discrimine «Filius est in Patre sicut originatum in originalité, et e converso Pater in Filio sicut originans in originate » S. Th. 1. dist. 1. c. ad 1. et 3.

2°. Itaque etiam spectato modo processionis personae a persona in divinis, non potest non esse mutua personarum περιχωρσι ac velut immeatio. « Est ex mente et in mente (ἀνψω) ratio semper, et mens in ratione (ἐν ζcya). Aut si haec vera esse negaverint, mens igitur erit absque ra-

sissimam, et utramque fere solum analogia quadam inter se convenire. In mysterio Trinitatis personae manentes inter se distinctae realiter identificantur cum una simplicissima natura divina, et haec est propria ratio necessariae et perfectissimae immanentiae uniuscuiusque personae in aliis et aliarum in un*aque. In incarnatione vero naturae ut termini τη; πίζηνρτ,σ-ω non solum sunt distinctae sed infinite diversae, quantum humanum differt a divino nec proinde utraque sed sola divina natura identificatur cum hypostasi, quae est vinculum τ-ηζ

Humana natura fit quidem ineffabiliter *ad modum* partis propria huic hypostasi divinae, in Verbum vere sit homo, et hic homo vere sit Dens Verbum; at nec Verbum est realiter humana natura, nec proinde humana natura est Verbum. Propterea πιχω-ησι; ibi, si sensu strictissimo loquamur, valet solum concrete considerando et praedicando Deum Verbum, qui est homo Iesus, et hominem Iesum qui est Deus Verbum.

« Ex quo Verbum caro factum est, nec Deum illum sine hoc quod homo est, nec hominem sine hoc licet cogitare quod Deus est... Nihil ibi ab invicem vacat: tota est in maiestate humilitas, tota in humilitate ma-

- iestas » s. Leo serm. 3 de passione Domini. Frequenter tamen PP. insistent potius huius περιχρησιω consecratio, quod in humanam naturam dotes et ornamenta eximia a natura divina, quacum in hypostasi unitur, connaturaliter dimanant. Cf. Petav. Incarnat. 1. IV. c. 14.

tione , et ratio sine mente (νευς μεν ἀλογο ἐσ~αι, λογο de ἀ.νov), sicque inane erit id, quod utramque (mentem scilicet et rationem) patefacit quid sit, et ad nihilum redigetur. Mens quippe semper rationis radix est et origo, ratio vicissim fructus et genimen mentis... Cum autem sit mens quia habet rationem, et vicissim ratio quia mente plena est; quomodo umqftam cogitaretur mens sine ratione et ratio orbata mente?... Huius iam imaginis visjjuomodo congruet Patri et Filio? Aptissima inquam et valde clara est ostensio, quod A'erbi est ex mente processio et sine passione generatio, et utique genitum non dividitur; *sed imo manet in mente generante, et omnino habet in se ipso mentem generantem* ; insuperque ostenditur, Verbum habere consubstantialem immediate , et etiam nostra consideratione simultaneam subsistentiam *n* (nec enim mentem sine ratione, nec Patrem sine Filio et vicissim cogitare possumus) Cyrill. Alex, dialog. II. de Trin.T.V. P. 1. p. 450 452. «Verbum quippe et Sapientia dicitur, quia ex mente et in mente proxime et indivul.-e est, et propter utriusque, ut sic loquar, in se invicem immissi» irem (ἐτς ct/.zrj.a ayrc^pczr.v . Mens enim in Verbo (εν λi'/ω) est, Sapientia et Verbum vicissim in mente (ει %w) esse intelligitur Id. in Io. T. IV. p. 47. Simillima est explicatio S. Fulgentii. « Sic est Verbum apud Deum, sicut est in mente verbum, sicut in corde consilium... Sicut de tota mente nascitur verbum, sic intra totam permanet natum. Et quia cogitante mente non est eius aliquid, ubi in ea verbum non sit; ideo verbum tantum est, quanta est mens ipsa, de qua est; et cum apud illam est, in illa est» Fulg. ad Monim. 1. III. c. 7.

Idem omnino, quod de Verbo procedente per intellectum et immanente sua propria hypostasi, valet etiam de Spiritu Sancto in propria hypostasi procedente per dilectionem Patris ac Filii, processione utique immanente. «Spiritus Sanctus ut actus (ενεργεια) naturalis et essentialis et in se subsistens, procedens ex Deo et manens in Deo» Cyrill. Thesaur. T. V. P. I. pag. 341. Itaque de tribus personis ratione processionum immanentium valet, quod ait s. Anselmus : «totus Pater est in Filio et communi Spi-

cant Patres, ut s. Basilius in citata epistola 38. et praeclarissime s. Dionysius Alex, penes Damascenum (Eclog.c. 1). « Nominum illorum quodlibet inseparabile est, nec a proximo dividi potest: Patrem dixi, et priusquam Filium subli-
ciam, hunc in Patre significavi; Filium subieci, et etiamsi Patrem non ante nominassem, prorsus tamen in Filio iam praeconceptus fuisset; Spiritum Sanctum adieci, simul vero (ipso nomine Spirati) inclusi, et a quo et per quem (a Patre per Filium) processerit. » Vide Ruiz disp. 9. sect. 4.

Quamvis vero relativa universim et per se non habeant realem immanentiam, in Deo tamen hanc habent necessario propter modum originum internarum seu processionum immanentium, ex quibus relationes nostro modo concipiendi oriuntur, seu melius quibuscum relationes sunt realiter prorsus identicae. Unde a) si spectatur immanentia ontologica personarum, haec ratio secundum origines et secundum relationes non est duplex sed una eademque, ut alio in loco etiam s. Thomas eam spectavit 1. dist. 19. q. 3. a.2. 6) Ex ipsis autem originibus mutua personarum immanentia est propter modum processionum, quatenus sunt *per communicationem unius numero naturae*; adeoque propria realis ratio circumincessionis manet unitas naturae in distinctis personis, « Non enim Deus in diversae atque alienae a se naturae habitaculo est, sed in suo atque ex se genito manet: *Deus in Deo, quia ex Deo Deus est* » Hilar. Trin. 1. IV. n. 40.; Ambros. de Spiritu Sancto 1. III. c. 1.

II. Post expositam, quantum res postulabat, Scripturae ac Patrum doctrinam, superest, ut ex ea ipsa deducamus propriam rationem ac notionem illius inexistendae mutuae personarum, quid ea proprie sit, seu quis sit formalis conceptus circumincessionis. De hoc enim theologi inter se disputant, licet omnes consentiant, rationem unde illa necessario consequatur, esse unitatem naturae in personis distinctis, qua de re hucusque diximus.

Petavius Trin. 1. IV. c. 16.; Incarn. 1. IV. c. 14. multum sibi profecisse videtur ex eo, quod περιχωρησι iuxta Patres graecos non sit intelligenda velut complexio ac comprehensio unius in altero, adeoque non sit *circuminsessio*, ut com-

muniter tradiderunt posteriores Scholastici , sed sit com-
meatio seu *circuntincessio* unius in alterum , quoniam et
personae in Trinitate et duae naturae in Christo dicuntur
non περιχωρεῖν ἀ'ὕcrÎKa (circumplecti se invicem) sed *t.v a-*
iiz a//:r'/ot. (commeare in se invicem). Verum neg; re
nemo potest neque sane Petavius negat, περιχώρησι/ esse
id quod Christus Dominus expressit, illis verbis : « ego in
Patre et Pater in me est, n quodque deinceps ss. Doctores
omnes intellexerunt ut immanentiam personarum in se in-
vicem. Iam ad constituendum formalem conceptum huius
immanentiae videtur parum interesse, utrum dicas mutuam
immeationem an circuminsessionem seu mutuam complexio-
nem. Subtilior itaque conceptus, quatenus inter catholicos
quaeritur , non ex nomine, nec aliunde poterit constitui
quam diligentiori rei ipsius in Scriptura et a Patribus tra-
ditae consideratione.

1". Putant plures ex Scholasticis posterioribus, circum-
insessionem personarum (supposita utique unitate naturae)
secundum formalem conceptum esse *a praesentiam* intimam
personarum inter se, quae fundetur *in earumdem persona-*
rum immensitate, n ut docet Suarez l. IV. c. 16. n. 11. 12;
seu ut loquitur Ruiz : *u circuminsessio quidditative forma-*
literque consistit in praesentia intima et inseparabili atque
perpetua *secundum immensum ubi, ratione cuius implicet*
contradictionem unam personam esse alicubi, nisi ibidem
existente ac proinde praesente alia persona n disp.107. sect.7.
n. 9. 14.

Hac in re toto animo sentimus cum Petavio l. c., im-
mensitatem, ut ab his theologis intelligitur, omnino non
ingredi formalem conceptum circuminsessionis; immo sen-
timus, hoc leviori considerandi modo περιχώρησι/, quae ut
paulo ante advertimus, est praeclarissima adumbratio to-
tius mysterii Trinitatis opposita omnibus haeresibus, a sua
maiestate deprimi ad notionem tanto mysterio saltem pa-
rum dignam.

Imprimis ipsa immensitas Dei intelligitur valde impro-
prie, quando concipitur secundum *u immensum ubi* » velut
nescio quae diffusio, cum ea non sit aliud quam divinae

existential perfectio eminens supra omnes relationes loci et spatii, vi cuius perfectionis utique repugnat, ut concipiatur creatura existens vel possibilis alicubi, ubi Deus non sit; cuius quidem perfectionis conceptum s. Augustinus praeclare illustravit ex analogia cum ratione veritatis soluta ab omnibus relationibus loci ac spatii (vide Tract, de Deo th. X[^]XIIL). Quando itaque creatura existit, necessario intime praesens est Deo, quae praesentia nihil utique Deo superaddit supra perfectionem immensitatis. Hinc praesentia Dei sensu proprio dicitur in ordine ad creaturas, et est relatio rationis *ad extra*; scilicet praesentia Dei est Dei immensitas (sensu declarato) cum adsignificatione existentis creaturae. Unde divinae personae, quia realiter inter se distinguuntur et simul omnes identificatae cum divina essentia sunt unus Deus, proprie quidem dicuntur *esse una in alia*, nomen vero *praesentiae* hoc sensu non propria sed solum analogica significatione adhiberi potest, et certe minus clare exprimit modum illius divini *inesse* per identitatem essentiae. Omnes quidem fideles dicunt: ubi praesens est una personae, praesentes sunt omnes tres personae; at nescio an patienter ferrent, si quis diceret e. g. Spiritum Sanctum *praesentem* esse Deo Patri et Filio. Neque igitur caret ratione, licet a recentioribus illis Scholasticis reiiciatur, quod ait Aureolus theologus apprimè subtilis. « Praesentialitas, inquit, videtur esse relatio importans distinctionem eorum, quae praesentialiter assistunt; idem enim non est sibi praesens; sed tota persona non distinguitur a persona secundum essentiam, ergo *secundum essentiam* non erit sibi (una alteri) *praesens* intime sed omnino idem, nec potest talis intima praesentialitas attendi nisi secundum relationes, quae realiter distinguuntur; et tamen constat secundum Hilarium et Augustinum, quod circumcessio personarum attenditur penes identitatem essentiae, quae tota et perfecta subsistit in tribus.... Tota personalitas Filii in personalitate Spiritus Sancti ita debet intelligi, ut nec una illabatur alteri aut *praesentialiter intimetur*, ne per hoc concipiantur *essentialiter distinctae*, aut non uniri identitate in aliqua re simpliciter una; *hoc enim*

videtur habere respectus praesentialitatis » in 1. (list. 19. aa. 1. et 3.

At his omnibus etiarn omissis conceptus ille circumin-
cessionis per praesentiam secundum immensitatem seu im-
mensum *ubi* ex aliis rationibus convincitur omnino falsus.
Nam a) intima talis praesentia Dei est in omnibus crea-
turis; et tamen conceptus huius praesentiae nihil habet
commune cum conceptu περιχωρῶσιν ; sed sensus plane alius
est inexistientiae, quando Filius dicit: ego in Patre et Pa-
ter in me est, ac quando Paulus ait: in Deo vivimus et
movemur et sumus. Ne autem dicatur, ideo ibi περιχωρῶσιν
non esse, quia creatura non est ubique, ubi est Deus, ad-
datur consideratio altera, b) In Christi humanitate pr. esens
est non minus Pater et Spiritus Sanctus quam Verbum,
et tamen ss. Patres agnoscunt et ratio ipsa incarnationis
convincit, περιχωρῶσιν esse tantummodo inter naturam divi-
nam quatenus est Verbi et inter naturam humanam licet
non ubique praesentem eiusdem Verbi, nullo autem modo
inter naturam humanam et duas alias personas. Patio unica
est, quia περιχωρῶσιν nullo modo ex intima praesentia sed
solum ex distinctorum terminorum substantiali vel unione
vel unitate in una substantia (h.e. vel in natura vel in
hypostasi) concipi potest, e) In sententia haeretica trithe-
tarum h. e. si singulae personae distinctae suam haberent
numero distinctam naturam divinam, ut tres homines tres
habent distinctas naturas, intima ioret nihilominus et ne-
cessaria ac inseparabilis praesentia secundum immensitatem
unius personae in omnibus et omnium in singulis; attamen
nulla ibi esset περιχωρῶσιν , ut ea in Scripturis docetur et a
Patribus declaratur. Haec enim est distinctarum persona-
rum inexistientia mutua *per identitatem naturae*. Propterea,
ut iam supra diximus, tum in Scriptura tum a ss. Patribus
circuminsessio tam sollicite commendatur et declaratur,
quia hac una doctrina perspecta haereses omnes negantes
vel singularitatem naturae vel distinctionem personarum
excluduntur. Atqui haec mysterii profunditas et doctrinae
gravitas in conceptu illo praesentiae secundum immensum
ubi non amplius conservatur.

Hinc videas, quid sentiendum de Ioannis Clerici hominis Arminiani adnotatione (sub nomine Theophili Alethini) ad Petavii l. IV. c. 16. de Trinitate. Ait ibi iste mendax Alethinus: *a* si veteres unam numero substantiam animo versassent, numquam de circuminsessione cogitassent; neque enim quisquam dixerit unam substantiam semetipsam circuminsidere... At si intelligamus tres spiritus aeternos perfectissime aequales, locus esse poterit τῇ ἐρ.περεχωρ;σει. > Certe non cogitassent veteres nec Christus locutus esset de mutua inexistencia, si sicut una substantia ita una esset persona; at distinctae personae docentur esse in se invicem circuminsessione propter ipsam numericam unitatem naturae seu substantiae. Ordine itaque omnino inverso dicendum fuisset Alethino: si intelligantur tres spiritus aequales, sed in naturis distinctis, locus nullus esse poterit τῇ ἐμπεριχοφχσει, qualis in Scriptura et a Patribus traditur; quia autem veteres unam numero substantiam credebant in tribus distinctis personis, ideo non solum de circuminsessione cogitabant, sed eam amplissime et multipliciter vindicabant.

2'. Ut, quod coepimus, tandem absolvamus, proprius conceptus mutuae inexistenciae personarum ita videtur constituendus. Quod dicimus de Deo *ad intra* et *ad extra*, non significat ordinem ac relationem praesentiae; sic enim nec esse nec concipi sine absurditate quidquam potest *extra* Deum. Sed dicimus *ad intra* id, quod realiter est ipsum *lisse* divinum, ipsa essentia, ipse Deus; *ad extra* vero dicimus, quidquid a divina essentia diversum est/adeoque quidquid est vel esse potest creatum. Unde si ea quae sunt *ad extra*, dicuntur *manere in Deo*, id intelligitur, quatenus Deus ens primum et causa prima vi immensitatis in omnibus est per essentiam, praesentiam, et potentiam (vide Tract, de Deo th. XXXIV.).

Quae vero sunt *ad intra*, de eorum *immanentia* sermo esse potest dupliciter. Si primo spectentur absoluta quae concipiuntur a nobis sive ut attributa sive ut actiones, eorum *immanentia* supponit distinctionem rationis (h. e. secundum nostrum modum concipiendi), et formaliter est ipsa

identitas cum Deo seu cum divina essentia seu attributorum inter se invicem; possunt enim dici attributa immanere Deo, vel divinae essentiae, vel inter se invicem. Sic e. g. possumus dicere sapientiam, actura creantem etc. Deo immanentem. Hoc autem dici non posset, nisi aliqua esset rationis distinctio; neque enim quod concipimus sine ulla distinctione, dicimus idem immanens sibi ipsi; formaliter vero in his absolutis per *immanentiam* significamus illam inexistentialitatem (analogia ex attributis creaturarum desumpta), quae in Deo est identitas attributi cum *Esse* divino seu cum divina essentia.

Alio modo, qui proprie ad rem praesentem pertinet, spectandae sunt personae divinae, quae realiter identificantur quidem cum divina essentia et proinde cum attributis absolutis, sed inter se invicem realiter distinguuntur. Unde cum una persona dicitur immanere vel inexistere alteri, supponitur non iam distinctio rationis sed distinctio realis, et propterea alio sensu et magis proprie personae sibi invicem quam attributa essentiae vel sibi invicem inexistere dicuntur (1). Formaliter per hanc mutuam inexistentialitatem personarum significatur non iam identitas personarum inter se, quatenus personae sunt, cum imo realis supponatur distinctio; sed significatur personarum, quae dicuntur sibi inexistere, identitas cum una numero essentia et propter hanc identitatem comprehensio unius personae in alia. Si volumus modum distinctionis et identitatis expressius significare, possumus dicere: personae sibi mutuo immanentes sunt, quatenus una ab altera procedit *ad intra*, h. e. in identitate unius numero essentiae. Sicut ergo immanentia attributorum, quae ratione distinguuntur, est

(1) Si quaeritur, utrum humana natura Christi sit relate ad Verbum *ad intra* an *ad extra*, respondetur: si spectes divinam naturam (καὶ τὸ θεῖον), natura humana est *ad extra*, et a solis Eutychianis dicitur esse *ad intra*. Si spectes Verbum incarnatum formaliter ut est hypostasis h. e. ut est hic aliquis (ὁ τις) habens naturam humanam et per eam verus homo, natura humana est huic compositae hypostasi h. e. huic Verbo homini *ad intra*, quia licet non constituat hanc hypostasim, est tamen (ad modum partis) aliquid huius hypostaseos, quatenus illa homo est. De his in Tract, nostro de Incarnatione.

eorundem realis identitas cum essentia, ita hic *circuminsessio est personarum ad intra procedentium et realiter distinctarum unius in altera mutua comprehensio propter identificationem earum omnium cumina numero natura seu essentia*.

Posset secundum dicta videri alicui circuminsessio nihil differre a personarum consubstantialitate. Respondemus: sine dubio sicut verbis Christi Io. X. « ego et Pater unum sumus, » et « Pater in me est et ego in Patre, » ita consubstantialitate et circuminsessione res eadem, eadem duplex veritas unitatis naturae et distinctionis personarum comprehenditur; sed eadem res eademque veritas duplici diversa notione concipitur. Dum dicimus personas consubstantiales, concipimus unam esse naturam distinctarum personarum in oppositione directa ad baeresim statuentem diversas naturas in tribus personis, et consequenter etiam in oppositione ad tritheismum propter singularitatem divinae non multiplicabilis naturae. Quando vero dicimus circuminsessionem, concipimus esse mutuo unam personam in alia, quatenus omnes personae in una numero natura subsistunt, ut directa sit oppositio contra baeresim, qua una persona diceretur subsistere seiuncta ab altera non quidem secundum *ubi* et per negationem praesentiae (talis enim error admissa divinitate a nemine concipi posset), sed una seorsum ab alia et *extra aliam*, quatenus distinctam haberet naturam, quomodo tres e. g. spiritus subsistunt. Quare circuminsessio est in directa oppositione contra tritheismum et consequenter atque a fortiori contra Arianisnium.

THESIS XV.

*De unitate perfectionis in personis sive sinrjvlis
sive tribus simul spectatis.*

- Ex ratione *circuminsessinnie* declaratur unitas perfectionis divina-
- rum personarum, quod 1^a plenitudo perfectionis singularum, quatenus
- relatione originis ad invicem referuntur, exigit, ut una alias habeat
- sibi immanentes; unde 2^a totum *perfectionis etimn relaticae* trium
- personarum habent singulae non quidem ut *constituens* sed per *Imnui-*
« *nentiam* necessariam; quae unitas perfectionis 3^a declarator ex reali
- identitate tum omnium tum singularum personarum cum infinita es-
» sentia divina. -

I. Post declaratam propriam rationem mutuae inexist-
- stentiae personarum singularum in omnibus et omnium in
- singulis possumus explicare, quomodo ad singularum et
- omnium perfectionem pertineat haec ipsa immanentia mu-
- tua. Intellectus divinus ex intima necessaria sua perfe-
- ctione intelligendo producit Verbum consubstantiale. Sic
- consideratus intellectus est relativus ad Verbum suum ut
- mens producens, et Verbum est relativum ad producentem
- ut procedens ab illo; ille Pater, hic Filius. Unde Pater
- constituitur quidem formaliter, quatenus est intellectus pro-
- ducens Verbum (quod abstracte dicitur: Pater constituitur
- relatione paternitatis identificatae cum essentia); sed eadem
- intestina necessitate qua intelligendo producit Verbum,
- habet suum Verbum ut terminum productum immanentem
- intellectionis; nec esset intelligendo producens adeoque
- non esset Pater sine Verbo sibi immanente. À'errissime itaque
- ss. Patres dicunt, sine suo Verbo Patrem fore sine intelli-
- gentia sine sapientia (αααααα και αλςαααα, non quasi Verbum
- esset formaliter intelligentia et sapientia, qua Pater sapiens
- est; sic enim sapientia est absoluta, communis Patri et
- Filio et Spiritui. Sancto, et quatenus est in Patre, est prin-
- cipium *quo* producit Verbum; sed sensus Patrum verissi-
- mus est, quod intelligentia et sapientia, ut est in Patre,
- habet necessario Verbum productum ut terminum, et sub-
- lato necessario hoc immanente producto neque esset intel-
- ligentia. (Vide Patres apud Ruiz disp. 29. sect. 3; Petav.
- l. VI. c:9.cf. s. Thom. opusc. contra Graecos c. 7.). Itaque

sine dubio pertinet ad perfectionem Patris non quidem velut forma constituens sed velut terminus necessarius suae paternae intellectionis, ut habeat in se a se productum immanens Verbum. « Cum enim hoc Verbum in Deo ponatur per hoc, quod *Deus se ipsum intelligit sui Verbum intelligibile concipiendo, oportet si aliquando Dei Verbum non fuit. quod tunc Deus se ipsum non intellexit.* Semper autem quando Deus fuit, se intellexit, quia eius *intelligere* est eius *esse*. Semper ergo Verbum eius fuit» S. Th. Compend, theol. c.43. Hanc rem magni momenti ad aliquam nostram personarum divinarum intelligentiam verbis exprimimus praestantis theologi Didaci Ruiz. « Pater habet in se, inquit, totum Filium et eius filiationem tamquam terminum perfectum operationis vitalis (qua intelligendo producit Verbum), h. e. tamquam Verbum eiusdem omnino substantiae ; proindeque Pater intra se ipsum filiationem habet tamquam perfectionem sibi debitam et suam, sine qua foret defectuosus (melius: sine qua omnino non esset, quia perfectus non esset).... Nam et arbor perficitur fructu sibi unito et in ipsa manente; intellectus creatus perficitur verbo mentis producto per intellectionem et manente in ipso intellectu. Ergo a fortiori Pater perficitur Filio, quippe qui fructus est vitaliter productus et quidditative postulans coniungi cum sua radice seu principio, et est Verbum productum per actionem immanentem intellectus paterni. Ergo Pater ad sui perfectionem quidditative postulat intra se ipsum et in se continere perfectionem filiationis, non tamquam constitutivam suae personae sed tamquam decus et ornamentum suae personae » (melius: tamquam terminum suae intellectionis producentis seu notionalis) Ruiz disp.30. sect. 6. n. 13. 14.

Maximè Verbum, splendor gloriae et perfecta expressio substantiae paternae et imago consubstantialis, sine initio et sine fine interna necessitate procedens et semper generatum ut terminus intellectionis paternae, in hac ipsa sua perfectione complectitur et sibi immanentem habet mentem dicentem seu Patrem principium sui , nec esset sine immanentia sui principii Verbum perfectum.

Patet vero , eodem modo de perfectione voluntatis seu dilectionis in Patre et Filio , cuius necessarius terminus productus est amor subsistens Spiritus Sanctus , sentiendum et loquendum esse. Dilectio illa (ut est in Patre et Filio) ex ipsa intima necessaria perfectione sua exprimit amorem subsistentem ut suum terminum immanentem. Hinc sa. Doctores sicut dicunt Patrem sine Verbo fore sine sapientia, eodem sensu aiunt sine Spiritu Sancto Deum non fore sanctum, „ Quae Deitas, si imperfecta? Perfecta autem quomodo erit, cui ad perfectionem aliquid desit? Deest enim, si non habeat sanctitatem. Hanc autem quomodo habeat, si non habet Spiritum Sanctum?» Gregor. Naz. or.31. al. 37. n. 4. Sanctitas scilicet dilectionis (vid. Tract.de Deo th. XXIX.), ut est in Patre et Filio, terminum internum productum habet Spiritum Sanctum (1), et divina dilectio Patris et Filii sine hoc termino , h. e. quin dilectio sit spiratio, in sua perfectione non est. Pertinet igitur ad perfectionem Patris et Filii habere immanentem suum Spiritum ut terminum necessarium suae dilectionis notionalis seu spirationis.

Vicissim ex eadem ratione , qua Verbum habet in se Patrem immanentem ut sui principium, haecque immanentia exigitur ad ipsam Verbi perfectionem, pariter amoris subsistentis perfectio est, ut habeat sibi immanens principium sui, Patrem inquam et Filium.

II. Quisque facile videre potest, quomodo ex principiis traditis possit concipi et declarari in mysterio ss. Trinitatis veritas certissima , quam Augustinus cum aliis Patribus saepe praedicat, ut in conclusione libri VI. de Trin. «Hic in rebus corporeis (ex quibus ibi Augustinus scrui-

(1) « Sicut in divinis modus ille, quo Dens est in Deo ut intellectum in intelligente, exprimitur per hoc, quod dicimus Filium qui est Verbum Dei; ita modum, quo Deus est in Deo sicut amatum in amante, exprimimus per hoc, quod ponimus ibi Spiritum qui est amor Dei... Necesse est, quod amor quo ipsum summum bonum amatur, quod Deus est, eminentem quamdam obtineat bonitatem, quae nomine sanctitatis exprimitur... Convenienter igitur Spiritus, quo nobis insinuat amor quo Dens se amat, *Spiritus Sanctus* nominatur - S. Th. Compend. theol. c. 46. 47.

tatur vestigium Trinitatis) non tantum est res una quantum tres simul, et plus aliquid sunt duae quam unares: ceterum *in illa summa Trinitate tantum est una quantum tres simul, nec plus aliquid sunt duae quam una*; et in se infinita sunt» Aug. Trin. VI. n. 12. Rationem ipsemet declarat ibidem proseguens: « ita et singula sunt in singulis, et omnia in singulis, et singula in omnibus, et omnia in omnibus et unum omnia. Qui videt hoc vel ex parte vel per speculum et in aenigmate, gaudeat cognoscens Deum, et sicut Deum honoret et gratias agat; qui autem non videt, tendat per pietatem ad videndum non per caecitatem ad calumniandum.» Illa *singula* et *omnia*, quae dicuntur esse in singulis et in omnibus tribus inter se distinctis, et omnia dicuntur esse unum, non solum intelliguntur ab Augustino essentia ac attributa absoluta sed etiam relativa, h. e. etiam characteres personales et proinde ipsae personae; nam de his characteribus distinguendis et inter se distinctis in contextu immediate antecedenti locutus erat. Suprema ratio etiam in relativis, cur « omnia in singulis et unum omnia, » tandem est eorum realis identitas cum infinita et absoluta essentia. Itaque non solum sunt « singula in singulis, » atque adeo (loquendo de relativis) singuli characteres constituentes in singulis personis seu personae singulae in se ipsis (e. g. Pater per se et in se hypostasis), sed etiam « omnia in singulis »; proindeque in Patre non solum paternitas constituens sed etiam Filius et Spiritus Sanctus, quamvis non tamquam formaliter constituentes Patrem sed tamquam termini necessarii interni paternae intellectionis et dilectionis; pariterque in Filio Pater et Spiritus Sanctus, in Spiritu Sancto Pater et Filius. Hoc ipso sunt « singula in omnibus et omnia in singulis, » singulae personae in se et in duabus aliis personis, et omnes in unaquaque. Tandem « omnia unum, » tres personae non utique una persona, non tres unus; sed tres unum, una essentia et Deus unus.

Hanc vero mutuam immanentium et identificationem Augustinus velut rationem declarantem connectit cum eo dogmate, quod «in illa summa Trinitate tantum est una, quan-

tum tres simul. » Supposita fidei veritate, quod trium solis relationibus originis distinctorum una numero est essentia seu natura divina, facile intelligitur una eademque *absoluta* perfectio, sive una persona quae unus Deus est, sive tres considerentur quae sunt unus idem Deus; neque enim essentia et proinde absoluta perfectio augetur vel multiplicatur in pluribus personis nec minuitur in singulis: « una summa res, quae veraciter est Pater et Filius et Spiritus Sanctus, *tres simul personae et quaelibet earumdem* » Cone. Later. IV. At difficultas et magna diversitas opinionum inter theologos exstat, quando declarandum est, quomodo tres personae formaliter secundum relativa, quibus inter se realiter distinguuntur, non sint plus *perfectionis relativae* quam una persona. Quandoquidem tres sunt personae reales, licet distinctae solum quatenus sunt tria relativa ad invicem, et proinde sunt tres res relativae, tria entia relativa (ut plerique concedunt), quâ fit, ut tres res relativae simul spectatae non sint plus perfectionis relativae quam una ex tribus?

In huiusmodi quaestionibus ante omnia servanda est summa reverentia, quae adorando mysterio debetur, adeoque res concipienda ita, ut consideratio absque importuna curiositate modeste tendat ad distinctiorem aliquam intelligentiam Dei in sua infinitate super creata omnia et maxime super omnia sensibilia ac materialia eminentis. Tum vero proposita difficultas ex principiis de circuminsessione ita declarari potest. Intellectus divinus in actu seu *intelligere* divinum substantiale sub ratione formali ut produ-cens immanens Verbum consubstantiale est *Deus Pater*; adeoque perfectus Pater non est nisi ut simul includit immanens sibi Verbum velut terminum intellectionis notionalis. Ex eadem ratione Pater et Filius in plena perfectione sua relativa non est, nisi quatenus ut terminum volitionis seu dilectionis notionalis includit Spiritum Sanctum (1).

(1) « Nec quoniam Trinitas est, ideo triplex (compositus ex tribus velut partibus) putandus est; alioquin minor erit Pater solus aut Filius solus quam simul Pater et Filius. *Quamquam non inveniatur, quomodo dici possit aut Pater solus aut Filius solus, cum semper atque in-*

Vicissim ad perfectionem relativam Verbi pertinet immanencia Patris ut principii, et ad perfectionem relativam Spiritus Sancti eodem modo immanencia Patris ac Filii. Hinc plena perfectio relativa Patris comprehendit in se, quidquid est perfectionis relativae in duabus aliis personis; sicque vicissim dicendum est de personis singulis, quod in plenitudine perfectionis relativae comprehendunt perfectionem relativam aliarum personarum. Modus autem comprehensionis respondet proprietati singularum personarum; in singulis enim una relativa perfectio est constituens, aliae ad plenitudinem perfectionis insunt tamquam termini interni vitalis productionis vel tamquam principium produciens. Hoc ipsum redigere possumus ad hanc formulam: singulae personae perfectionem relativam qua constituuntur, habent *formaliter*; perfectiones relativas aliarum personarum habent non *formaliter* h. e. ut constituentes, sed *per immanentiam* seu *correlative*. Igitur unaquaeque persona non solum est tota perfectio absoluta eadem, quae sunt tres personae simul, quia essentia divina una est; sed etiam unaquaeque persona in plenitudine suae perfectionis relativae habet perfectiones relativas omnium personarum modo singulis personis convenienti (1).

separabiliter et ille cum Filio sit et ille cum Patre, non ut ambo sint Pater aut ambo Filius, sed quia semper in invicem, neuter solus n S. Aug. Trin. V. c. 7. « Non posset esse Pater perfectus, nisi Filium haberet, quia nec Pater sine Filio esset; nec esset Dens perfectus, nisi haberet Verbum, et nisi haberet spiramen vitae (Spiritus Sanctum), sicut Athanasius dicit... In quo apparet, quod non esset Pater Deus perfectus, nisi Filium et Spiritum Sanctum haberet » s. Thom., opuscul. I. contr. error. Gaecorum c. 7.

(1) Ruiz multis explicat hanc rationem, cur et quomodo una persona comprehendat perfectiones relativas omnium personarum disp. 29 et 30. « Mutua immanencia omnium personarum in se invicem cohaeret cum ea perfectionis infinitate, ratione cuius tantum est una persona quantum tres simul. Et certe sublata circuminsessione non potest reddi sufficiens Ratio, propter quam una persona sit tantae magnitudinis et perfectionis, quanta tota Trinitas est, iuxta doctrinam Patrum et Scholasticorum » ib. disp. 30. sect. 6. n. 10. Ad objectionem: unaquaeque persona per se sumpta est integra et perfecta persona etc., ita idem theologus respondet. « Unaquaeque persona dupliciter potest singilla-

III. Haec licet ita sint et propo-ita consideratio non sine fructu possit institui; nihilominus sicut circuminsessio ultimatum revocatur ad unitatem numericam essentiae in tribus distinctis personis, ita etiam haec veritas, quod singulae personae sunt tota infinita perfectio quae nec augeri nec minui potest, quanta perfectio sunt tres simul personae; etiam haec inquam veritas tandem explicanda est ex unitate essentiae tamquam ex proprio suo fundamento, ad quod in hoc capite ss. Patres quoque frequentius appellant (cf. PP. apud Iluiz disp. 30. sect. 2.; apud Petav. de Deo 1. VI. c. 7. n. 12. sqq.; de Trin. 1. VIII. c. 9. n. 16.).

At modus hoc ipsum declarandi apud diversos theologos valde diversus est. Nostra explicatio ex principiis expositis in Tractatu de Deo deducitur. Unum infinitum *Esse*, una res (ut loquitur Cone. Later. VI.) est simul *absoluta* et *relativa*. Ut est *absoluta*, est ac dicitur una infinita essentia; quatenus est *relativa*, non est nec esse potest unum relativum (siquidem relatio ibi est ad intra unius ad alterum), sed ex intestina illius essentiae ac naturae necessitate sunt tres relativi Pater, Filius, Spiritus Sanctus inter se distincti sub formali ratione relativorum, qui sub formali ratione absoluti, ut dictum est, tum singuli tum omnes simul sunt una essentia: « eadem essentia quae in Patre est paternitas, in Filio est filiatio » S. Th. 1. q. 42. a. 6. ad 3. Itaque res eadem existens simul ut una absoluta essentia et ut trina substantialis relatio seu ut tres relativi ad invicem, non potest a nobis uno conceptu intelligi; sed alius est conceptus, cui respondet ea res ut absoluta (et haec est ac dicitur formalitas vel formalis ratio

tim ac per se considerari. Primo quidem sicut est in se ipsa realiter distincta a duabus aliis personis, *ceterum cat intra se ipsam continens vitaliter immanentes et perficientet ipsam*. Hoc modo quaelibet persona per se sumpta est integra et perfecta persona, Pater est integer Pater similiterque Filius et Spiritus Sanctus. Secundo modo potest unaquaeque persona siugillatim ac per se sumi abstrahendo ab hoc, quod intra se ipsam vitaliter immanentes contineat alias personas. Atque ut sic accepta persona abstrahitur a perfectione sua, ideoque nondum est perfecta, uel Pater esset perfectus Pater - (nisi immanentes haberet personas reliquas) ib. sect. 7. n. 11.

absoluti seu essentiae), atque alius est conceptus, cui reg eadem respondet ut relativa sive in confuso sive distincte ut Pater vel Filius vel Spiritus Sanctus vel Trinitas (sub quo conceptu est ac dicitur formalitas vel formalis ratio relativi seu personae). Quare est distinctio rationis cuius fundamento in re inter absolutum et relativum, inter essentiam et personam. Est haec distinctio cum *abstractione formali*, qua essentiam concipimus explicite *sine expressa notionem* personae, licet ratio personae in illa re concepta includatur implicita (1). At distinctio non est cum *praecisione obiectiva* (ut diximus in Tract, de Deo Tb. XIII. XXVI.); h. e. nec ratio formalis personae ita concipi potest, ut non includat rationem essentiae (in quo plerique theologi consentiunt); nec ratio formalis essentiae ita concipienda est, ut non includat rationem personae. De hoc posteriori plures theologi aliter loquuntur, nos tamen argumentis convicti sequimur alios multos, inter quos sunt Gregorius de Valentia in 1. disp. 2. q. 13. punct. 1. et qui amplius haec declaravit Card, de Aguirre Theol. S. Anselm. T.I. disp. 26; disp. 31. sect. 4. sqq. cf. T. II. disp. 73. Non dico, in notionem essentiae includi necessario *notionem* personae; sed dico, rationem illam obiectivam quae concipitur *notione essentiae divinae* (vel cuiuscumque attributi absoluti) esse talem, ut realiter includat et *supposita revelatione* ac fide indicari debeat includens rationem relativam, personasque Patrem, Filium, Spiritum Sanctum. Si vero indicaretur, realitatem quae obicitur conceptui divinae essentiae (vel attributi absoluti) esse abstractam *praecisione obiectiva* ita, ut non includat personas; is non esset conceptus *essentiae divinae*, et hoc iudicium esset omnino falsum.

Ex his principiis sequitur solutio propositae quaestionis. Si ratio personae seu relationes substantiales seu proprietates personales (quae omnia idem significant) sicut inter se mutuo ita ab essentia realiter distinguerentur, atque adeo esset quaternitas (ut Abbas loachini ex unitate nu-

(1) Quid sit haec distinctio *cum abstractione formali* ad discrimen & *praecisione obiectiva* optime declaratur ex modo, quo se habet distinctio formalis in transcendentalibus, inter *ens*, *verum*, *bonum*.

merica essentiae et Trinitate personarum consequi putabat); tum sane essentia simul cum personalitate, et a fortiori essentia simul cum tribus personis plus perfectionis comprehenderet, quam essentia per se sola vel singulae personae seorsum; hoc vero ipso neque essentia neque singulae personae et consequenter nec omnes personae simul essent infinitum *Esse* comprehendens totam plenitudinem *Entis divini* (1), et proinde ipse conceptus Dei perverteretur. At essentia divina una eademque est tum absolutum tum absque alterius perfectionis additione (nihil enim perfectionis divinae extra ipsam esse vel concipi potest) simul est et relativum Pater, et relativum Filius, et relativum Spiritus Sanctus: *u una summa res, quae est Pater, Filius et Spiritus Sanctus, tres simul personae et quaelibet earumdem.* *n* Dum igitur concipio formalem rationem essentiae seu absoluti, non quidem explicite concipio relativum, attamen concipio id, quod ex intima sui ratione necessario est simul relativum trina substantiali relatione, adeoque est omnis perfectio, tum quae sub ratione absoluti, tum quae sub ratione relativi explicite concipitur, quae ambae rationes solo conceptu nostro alio et ajio distinguuntur, re ipsa vero sunt una res, ut iam dictum est. Ergo etiam vicissim sub notione personae e. g. Patris concipio quidem explicite relativum, quod in notione essentiae solum erat implicitum; sed profecto non plus neque minus perfectionis comprehenditur sub hac Patris notione quam sub notione essentiae, quod idem valet de notione sive Filii sive Spiritus Sancti, et proinde etiam valet sicut de singulis ita de omnibus tribus simul. Quapropter in personis singulis absolutum simul spectatum cum relativo, seu essentia simul cum relatione non est aliquid maius aut perfectius, quam essentia absoluta per se spectata; neque essentia spectata simul cum tribus relationibus, quae cum illa realiter unum sunt, est aliquid maius aut perfectius quam essentia per se spectata. Ergo cum singulae personae sint realiter es-

(1) Huius rei rationem vide in Tract, de Deo th. XXVI., ubi egimus de compositione metaphysica, quae sit certum indicium et consequentarium limitationis.

sentia divina, tres personae non sunt aliquid maius quam una per se spectata.

Nimirum *essentia divina est plenitudo entis divini incapax sicut diminutionis ita incrementi, una eademque identificata tum cum singulis tum cum omnibus tribus relationibus substantialibus sive personis, quamvis personae sub notione essentiae non explicite concipiantur sed comprehendantur implicite. Hinc tres personae sunt eadem plenitudo cum explicita expressione relationum substantialium; persona unaquaeque item est plenitudo eadem cum explicita expressione unius relativi et cum comprehensione duarum reliquarum personarum, quatenus identificantur cum essentia, et quatenus propterea sub formali ratione relativorum pertinent non quidem ut constituentes sed ut termini immanentes ad perfectionem personae uniuscuiusque. Qua in ultima ratione, ut patet, redditur ad circuminsessionem.*

Totum hoc expressit egregie s. Cyrillus Alexandrinus. *a* Simplex et incomposita est illa omnibus supereminens natura, hypostaseon quidem proprietatibus, et personarum ac nominum differentiis dilatata (ἐξευρυνψενη h. e. communis pluribus personis)#et in sanctam tendens Trinitatem (« ἁγίαν ἰci/σα τριαδα); verumtamen unitate naturali et omnimoda identitate ad unum quiddam concurrens, in Dei nimirum nomen et rem: ita ut in unoquoque tota intelligatur natura, una cum eius proprietate, hypostatica nimirum. Manet enim unumquodque id quod est in unione cum aliis naturali, illa quoque possidens in sua natura (κακεῖνα πλ«v-τοῦν εν ἰοia ουσει); est enim Pater in Piiio et Sancto Spiritu, similiter quoque Filius et Spiritus in Patre, et in se mutuo *n* Cyrill. dialog. VII. T. V. P. I. p. 641.

Nunc ex dictis respondetur in forma ad difficultatem initio propositam, in qua dicebatur: tres perfectiones relativae sunt inter se realiter distinctae; atqui tres simul perfectiones sunt aliquid melius et perfectius quam una illarum. Ergo etc. Reap. *Distinguo maiorem*: sunt tamquam relationes oppositae realiter inter se distinctae ita, ut in una communi essentia quacum identificantur, unum sint (h. e. ita, ut distinctio sit inadaequata), *concedo M*; sunt

distinctae absque unitate in communi essentia (h. e. ita, ut distinctio sit adaequata), *nego M.* Pariter *distinguo minorem*: tres perfectiones relativae distinctae turn inter se tum ab essentia essent aliquid maius (inducta quaternitate et subversa infinitate divini *Esse*), *concedo m*; tres perfectiones relativae distinctae inter se per mutuam oppositionem sed identificatae tum singulae tum omnes cum una eademque infinita essentia, sunt aliquid maius et perfectius quam una, *nego m.*

Si ulterius urgeatur: Pater non habet perfectionem relativam, quae est proprietas Filii etc. ergo etc. *distinguo antecedens*: Pater non habet illam rem seu potius non est illa summa res, quae identice est Pater, Filius et Spiritus Sanctus, *nego A.* Pater non habet illam rem sub formali relatione jiliationis, *subdistinguo A.*: non habet illam tamquam constituentem ipsum Patrem, *concedo A.*; non habet illam ut convenit Patri, scilicet ut suum Verbum tamquam terminum immanentem necessarium suae vitalis intellectionis, *nego A.* Huc spectat, quod ait s. Bonaventura: «est naturae unitas et personarum pluralitas, et *tantum est in unitate quantum in pluralitate, sed non tot modis* » 1. dist. 19. P. II. q. 1. ad 3.

Scholion. Theologi nonnulli, inter quos Suarez 1. III. c. 10., distinguunt in Deo perfectiones absolutas et perfectiones relativas ita, ut priores quidem sint simpliciter simplices et in sua formali ratione communes omnibus personis sicut una numero divina essentia; posteriores vero aiunt non esse perfectiones simpliciter simplices, easdemque non formaliter sed solum eminenter contineri in ipsa divina essentia, atque ideo ulterius singulis personis singulas perfectiones relativas formaliter, eminenter vero omnes omnibus inesse; sicque putant satis explicari, quomodo una persona non minus quam tres simul sit omnis perfectio. Hic modus considerandi et loquendi erit forte necessarius, si admittatur *praecisio obiectina* essentiae divinae a proprietatibus personalibus, et hae concipiantur velut perfectio superaddita essentiae; nos vero neque illam praecisionem neque hunc modum considerandi sequi possumus.

a Perfectum , cuius nihil est extra, *n* ut ex Aristotele definire solent Scholastici; videlicet perfectum est, cui nihil deest sibi convenientium: est igitur perfectio plenitudo convenientium (vide de his Tract, de Deo th. XXIX.). Illa omnia, quae re vel ratione distincta constituunt hanc plenitudinem, dicuntur perfectiones, in creaturis quidem tamquam formae perficientes; in Deo autem illa singula sunt realiter ipsa plenitudo. Nam in creaturis perfectiones tum omnes tum singulae sunt tantum entitas *aliquo gradu* cum negatione ulterioris possibilis realitatis, h. e. sunt perfectione *limitatae*, et eatenus in comparatione cum entitate illimitatâ (et hoc sensu absoluta) sunt perfectiones *secundum quid*. Ideo quia ibi nulla perfectio includit totam rationem entis illimitati, possunt esse illae perfectiones realiter distinctae; et quae etiam non distinguuntur realiter, possunt concipi cum *praecisione obiectiva* ab aliis. Quamvis e. g. intellectus et voluntas in spiritu creato, haec natura connaturaliter subsistens et hypostasis, haec realis essentia et existentia supponantur realiter una res et una perfectio, concipiuntur tamen intellectus, natura, essentia, quin in formali ratione et perfectione ita concepta includatur voluntas, subsistentia, existentia, h. e. concipiuntur cum *praecisione obiectiva*. At si ratio seu realitas concepta esset realitas in se illimitata includens totam perfectionem entis et proinde perfectionem etiam voluntatis, subsistentiae, existentiae; talis *praecisio obiectiva* repugnaret. Iam vero in Deo omnino ita est. Quidquid realitatis *divinae* concipitur, id prorsus est plenitudo realitatis infinitae includens totam perfectionem et plenitudinem *entis illimitati*, cui nihil adiici potest; nihil enim est extra, h. e. nihil perfectionis sine imperfectione seu (ut dicunt) perfectionis simpliciter simplicis seu perfectionis infinitae extra et ultra rationem illius *Esse* plenissimi concipi potest. Ideo nihil ibi potest *abstrahi praecisione obiectiva*. 'Quaero enim, id quod conceptu praecisivo abstrahi dicitur e. g. formalis ratio *paternitatis*, habetne rationem entis *divini* an non habet? et formalis ratio illa, a qua facta est talis praecisio, e. g. *essentia* (non solum in re ipsa, sed ut est in conceptu) manetue ens *divi-*

num? Si *patemita* ita praecisa non habet rationem entis *divini*, haec non est paternitas *divina*; illa enim Deus est, nec potest concipi tali praecisione, ut ipsa Deus non sit, quin conceptus desinat esse conceptus paternitatis *divinae*. «Credimus et confitemur solum Deum Patrem, Filium et Spiritum Sanctum aeternum esse, nec aliquas omnino res, sive *relationes sive proprietates sive singularitates vel unitates dicantur, vel alia huiusmodi adesse Deo, quae sint ab aeterno et Deus non sint* » (Symbol, traditum Eugenio III. in Cone. Rhemensi et a Pontifice probatum contra (ilbertum Porretanuii. Harduin. VI. P. II. p. 1299.). Sicut igitur a relationibus non potest praecidi essentia, ut etiam Suarez concedit, ita dicimus nec ab essentia, *quatenus fide cognoscitur*, praecisione obiectiva abstrahi relationes internas. Id quod nos concipimus expressa notione ut essentiam divinam, est simul trina substantialis relatio, Pater et Filius et Spiritus Sanctus, non minus necessario ex intima sui ratione, quam est immutabilis aeternitas, sapientia, bonitas et cetera attributa absoluta. Propterea quemadmodum essentia divina, ut eam etiam solo lumine rationis cognoscimus, non potest concipi *praecisis* attributis absolutis, quin notio essentiae divinae pervertatur; ita eadem essentia, ut eam fide cognoscimus, non potest concipi *praecidis* relationibus substantialibus, quin pariter recedatur a notione essentiae, qualis obiective revera existit et nobis per fidem est cognoscibilis. Unde sicut attributa absoluta ita etiam substantivae relationes seu proprietates personales non aliquid addunt essentiae, ac si eam velut complementent ad plenitudinem perfectionis; sed sunt ipsa essentia divina sub alia et alia ratione seu functione. (Vid. Tract, de Deo th. XIII.). Hinc etiam vicissim unaquaeque proprietas personalis seu relatio substantiva seu persona (quae omnia idem significant licet modo diverso) propterea quod realiter est ipsa essentia divina, est etiam plenitudo entis divini, ac perfectio infinita; et quia singulae personae sunt eadem essentia ac plenitudo entis, sub ratione *perfectio- nis* (sensu hoc proprio vocabuli) non sibi opponuntur, sed. «tres unum sunt. » Sic igitur « summa illa res, » quae

Deus est, sive sub ratione expressa essentiae, sive sub ratione expressa personae unius, sive sub ratione expressa Trinitatis est una et eadem plenitudo infiniti *Esse*, atque ideo *una eademque perfectio* sensu proprio huius nominis.

Dixi: non sibi invicem opponuntur personae sub ratione *perfectionis proprie dictae*. Nam *intelligere* notionale producens Verbum est utique perfectio sed non alia quam *intelligere* absolutum, quod est commune tribus personis estque ipsa essentia; pariter formalis ratio Verbi ut est terminus immanens necessarius intellectionis paternae, sane est perfectio, sed non perfectio alia quam sapientia absoluta, quae communis est tribus; idem valet de termino expresso dilectionis Patris ac Filii seu de Spiritu Sancto.

Dices: haec omnia solum ostendunt, perfectionem *absolutam* esse unam singularem et trium simul personarum; sed nondum ostendunt, quomodo *perfectiones relativae*, quae sunt tres inter se distinctae, non sint plus perfectionis quam una. Respondeo: a) haec omnia ostendunt, *perfectiones relativae* tres distinctas dici improprie. Perfectio enim proprio sensu plenitudinis entis divini sunt singulae relationes seu proprietates personales, quatenus sunt ipsaemet realiter essentia divina; haec autem non est trina sed una trium et ideo una sensu proprio perfectio. b) Si epitheton *relativa* restringit nomen *perfectionis* ad significandam *proprieta-tem relativam*, sunt utique hoc sensu tres distinctae *perfectiones relativae*, et tres sunt *plures* quam una, sed non sunt *plus perfectionis*. Nam haec locutio *plus perfectionis* exprimit augmentum perfectionis proprie dictae per additionem unius ad alteram, quod est in divinis absurdum, cum singulae sint tota perfectio infinita, quia sunt realiter ipsa infinita essentia. Contra quando sensu dicto improprio nominantur *plures perfectiones relativae*, non additio plurium ad unitatem sed numeratio distinctarum proprietatum exprimitur, quae sub ratione perfectionis sensu proprio acceptae unum sunt non additione sed identitate cum essentia, c) Tres relationes, tres res relativae, tria entia relativa, tres perfectiones relativae etiamsi inadaequato nostro conceptu spectentur, non quatenus unum sunt, et unde proprie habent

totam rationem perfectionis, sed spectentur solum formaliter sub expressa ratione distinctorum, adhuc sic una relatio includit alias omnes licet diverso modo. Etenim *intelligere* notionale formaliter ut produciens et relativum ad Verbum in hac sua *relativa perfectione* includit Verbum, non quidem ut formam constituentem sed ut terminum immanentem: « perfectionis plenitudo per Verbum attenditur in dicente » (S. Th. contr. gent. IV. c. 45.). Eadem est ratio in perfectione relativa Verbi et Spiritus Sancti seu Spirati, ut in thesi declaratum est.

THESIS XVI.

De aequalitate et similitudine divinarum personarum.

« Cum *aequalitas* ac *similitudo* supponat distinctionem et significet
 - aliquam unitatem, illa quidem perfectionis unitatem sine excessu,
 - haec vel unitatem eandem vel convenientiam inferiorem: divinae personae sicut secundum essentiam *identicae*, ita simpliciter *aequales*
 • praedicandae sunt; *similes* autem in uno quidem sensu possunt, in alio
 ■ non possunt dici. Unde ss. Patres orta iam haeresi Ariana et Semi-
 ■ ariana non professionem *similitudinis* simpliciter, sed *similitudinis s-*
f eundum essentiam et *secundum aequalitatem* (;τα^αλλαζτ*) admittere
 ' solebant, n

Theologi scholae cum Magistro 1. dist. 19. et cum s. Thoma 1. q. 42. doctrinae de circumin sessione coniungunt velut membrum connexum quaestionem de aequalitate personarum. Et sane licet modus considerandi personas secundum utramque illam rationem sit distinctus, fundamentum tamen utriusque est idem, « Aequalitas in divinis, inquit Aureolus (1. dist. 19. P. II. a. 1. propos. 2.), non est aliud quam distinctorum, puta suppositorum, indistinctio in quadam re omnimode indistincta (in essentia); haec autem indistinctio est idem quod identitas, secundum quam una persona dicitur alteri ideutice immanere. Secundum hoc circumin sessio et aequalitas idem sunt, propter quod Magister in praesenti dist. 19. cum egit de aequalitate, statim se transfert ad circumin sessionem. Unde qui concipit individuum Trinitatem, seu Trinitatem distinctam (personis) in quodam indistinguibili (essentia) indistinctam, habet omne

illud, quod important omnes habitudines illae» (identitas, aequalitas, similitudo, circumincessio).

I. *Identitas, aequalitas, similitudo* generatim dicunt a) aliquam distinctionem terminorum; 4) eorumdem terminorum aliquam unitatem seu convenientiam in ratione formali, secundum quam identica, aequalia, similia intelliguntur. Plura enim *u* sunt *eadem*, quorum substantia una; *similia* vero, quorum qualitas una; *aequalia* autem, quorum quantitas una » (Aristoteles Metaphj-s. V. c. 15.).

Identitas itaque simpliciter dicta per se non includit distinctionem realem sed solum distinctionem rationis, sicut aliquid dicitur identicum sibi ipsi, persona divina identica cum essentia; potest tamen distinctio realis terminorum praesupponi praesertim addita ratione, secundum quam consistat identitas. Ratio vero formalis identitatis est unitas *essentiae*. Personae itaque divinae sunt una alteri *identical secundum naturam vel essentiam*.

Aequalitas, quod idem valet de similitudine, includit distinctionem *realem* terminorum, nec enim quidquam sibi aequale est aut simile. Formalis vero ratio aequalitatis est convenientia sine excessu unius prae altero seu unitas *in quantitate*, eoque perfectior est aequalitas, quo (supposita terminorum distinctione) maior unitas quantitatis. Quantitas non solum est molis et extensionis, de qua in Deo non potest esse sermo, sed etiam nobilior *quantitas virtutis* seu perfectionis: «in his quae non mole magna sunt, hoc est maius esse quod est melius esse » Aug. Trin. VI. 8. In Deo *quantitas* perfectionis est ipsa infinita indivisibilis essentia. Haec cum sit in personis realiter distinctis una numero tum singulis tum omnibus simul, patet perfectissima aequalitas inter personas, uniuscuiusque ad alteram et ad omnes simul.

Similitudo paulo maiori consideratione indiget, quia latius patet et magis ambigua est nominis significatio. Supposita terminorum reali distinctione formalis ratio similitudinis dicitur esse convenientia vel unitas *qualitatis*. Qualitas in Deo non potest intelligi perfectio superaddita essentiae, sed intelligitur ipsa quidditas essentiae (ut

τα ποιοῦν idem sit ac zo τι -b twai)) vel essentia spectata secundum essentialia sua attributa. In hoc quidem nulla apparet difficultas, verum similitudo etiam in modo loquendi Scripturae et in relatione ad Deum quandoque latius sumitur. Neque enim similitudo, sicut aequalitas, per se postulat convenientiam sine excessu unius prae altero, imo neque convenientiam in eodem ordine; unde etiam adumbratio perfectionis et spiritalis naturae Dei in creaturis rationalibus et maxime in elevatione per dona gratiae dicitur similitudo cum Deo. Quare imprimis distinguere debet similitudo *naturalis*, et similitudo quae in comparatione cuius naturali dicitur *analogia*. Similitudo *naturalis*, de qua sola nunc sumus solliciti, in hac distinctione non intelligitur, quasi natura una et altera essent termini atque una alteri similis aliqua qualitate, sed *naturalis* similitudo hic dicitur, quod unitas naturae est formalis ratio similitudinis distinctorum, sicut Apostolus ex forma seu natura humana assumpta dicit Filium Dei « in similitudinem hominum factum » (Phil. II. 17.). Possunt itaque personae divinae sensu catholico dici similes similitudine *naturali* seu secundum essentiam vel in essentia. Si quando vero etiam veteres Doctores catholici dicunt naturam Filii similem naturae Patris, intelligi debet natura quatenus identificatur cum Filio et quatenus identificatur cum Patre, h. e. hypostasis hypostasi similis secundum naturam; non vero natura similis dicitur naturae nisi ab Arianis et Semiarianis. Patet ex dictis, *similitudinem* inter divinas personas, ut sensu catholico praedicatur, coincidere cum *aequalitate*, et utramque esse tandem personarum *identitatem* secundum essentiam (Aureol. 1. c. a. 1.).

II. Ex ipsa diversa significatione nominis intelligitur, quomodo Ariani et Semiariani fraudulenter pro tessera catholica ὁμοῦσιν substituerint alteram ὁμοιουσιον, et quomodo nihilominus hanc plures etiam ss. Patres sensu catholico interpretari potuerint, praesertim cum addita determinatione, Filium esse Patri similem *per omnia et sine ulla discrepantia* (χοιGV τω πατρι ζατα παντα και απαλλαζτω). Haeretici enim significare volebant essentiam similem essentiae

atque ideo essentias distinctas tamquam terminos comparationis, quorum similitudinis ratio formalis (si quidem alter terminus est essentia divina, quae non nisi una esse potest) constituenda necessario erat in quadam solum adumbratione et participatione; atque adeo intelligebant similitudinem *analogam*, quae in comparatione cum similitudine *naturali* potius est dissimilitudo.

Hoc optime perspexerunt Ariani illi, qui cum Aëtio et Eunomio impietatem sine fuco profitebantur, et ideo pro fraudulenta illa similitudine, sine ambagibus Filium (licebant Patri dissimilem (αὐτὸς/οὐκ αὐτός, inde dicti Anomoei). Sic disputat Eunoinius (apud s. Basii, contr. Eunom. 1. I. n. 21. T. I. p. 233) argumentatione sane valida adversus fucatos Arianos illos, qui Filium Patri similem non tamen aequalem et consubstantialem profiteri volebant. Cum in Deo, inquit, nulla sit sive qualitas, sive moles aut quantitas, similitudo (perfecta et propria) Filii ad Patrem non posset dici nisi secundum essentiam; « at quae secundum essentiam est similitudo sive comparatio sive communio, nullam praeeminentium vel differentiam relinquit, sed aequalitatem manifesto efficit. » Basilius in responsione (ib. p. 234) veram rationem similitudinis inter Patrem et Filium declarat esse ipsam essentiam, quod scilicet una est essentia Patris et Filii, sicut ratio aequalitatis est identitas non molis (quae in Deo nulla est) sed perfectionis, atque ideo verissime Filius Patri similis est vera similitudine naturali hocque ipso Patri aequalis est. « Similitudinem dico non secundum identitatem externae formae (τῆς εἰδὸς) perspicui, sed secundum ipsam essentiam. Quibus enim forma figuraque circumiacet, iis secundum formae (τοῦ εἶδός ; identitatem inest similitudo ; quae vero natura aliena est a forma et figura (Filius Dei), reliquum est, ut in ipsa essentia habeat similitudinem, atque aequalitatem non in dimensione molis sed in identitate virtutis (ἐν τῇ ταυτοῦχτι, τῇ ἀνναμέω). Ait Scriptura : Christus Dei virtus et Dei sapientia, tota videlicet paterna virtute in ipso residente.»

Catholici itaque asserebant contra Anomoeos quidem similitudinem Filii cum Patre sed similitudinem naturalem

per identitatem naturae, atque ad hanc determinandam coniungebant cum similitudine aequalitatem (1), et addebant illa epitheta similitudinis *per omnia* et *sine^ulla discrepantia*. ¶ Ego vero, inquit Basilius, quod spectat *similitudinem secundum essentiam*, dummodo adiunctum habeat illud *sine ulla discrepantia* (το ἀπαραλλακτω), suscipio hanc vocem, utpote quae eodem redit ac consubstantialitas iuxta sanum videlicet sensum *consubstantialis*.... Si quis autem a nomine *similis* illud alterum *sine discrepantia* abscindat, ut Constantinopoli fecerunt (2), suspectum habeo vocabulum ut imminuens unigeniti gloriam; nam in obscuris etiam assimilationibus quae plurimum ab exemplaribus differunt, *simile* non raro concipere solemus » Basii, ep. 9. (al. 41.) n. 3. Vide Petav. 1. IV. c. 6.

Quamvis haec similitudo naturalis, ut ex dictis patet, sit reciproca inter omnes tres personas, potest tamen adhuc peculiariter similitudo sicut imago sumi pro proprietate hypostatica, atque hoc peculiari sensu soli Verbo in relatione ad Patrem convenit ratio *similitudinis* et (ut addit Aureolus 1. c. a. 6.) *aequalitatis*. Quia sic ad rationem similitudinis non sufficit identitas naturae, sed insuper requiritur origo a principio et exemplari eaque non quaecumque sei ita, ut modus processionis ex ipsa sua propria ratione sit ad repraesentandum archetypum; hoc autem modo solum Verbum procedens per intellectionem paternam est Patris imago et similitudo. De hoc alibi; interim confer S. Th. 1. q. 35.; Petav. 1. VI. c. 5.; VII. c. 14.

'(1) « Non solum dicimus Filium similem Patri, ut excludatur error Eunomii; sed etiam dicimus aequalem, ut excludatur error Arii » S. Th. 1. q. 42. a. 1. ad 2.

(2) Aeacius, Eudoxius et alii Ariani conscriptores formulae Fidei, qua etiam Ulphilas suos Gothos Arianismo infecit (Petav. 1.1.c. 9. n. 12.).

SECTIO II

DE ANALOGICO NOSTRO CONCEPTU MYSTERII SS. TRINITATIS

CAPUT I.

DE SUPERRATIONALI INDOLE MYSTERII

THESIS XVII.

*In revelatione ipsa docetur,
dogma SS. Trinitatis esse mysterium. proprie dictum
excedens vim rationis humanae.*

«Dens revelans se trinum in personis, explicite etiam revelavit,
- praeter *notum Dei* per ea quae facta sunt, intellectu conspiciendum,
' esse *profunda Dei*, quae cum sint supra vim intelligendi humanam,
" solus Spiritus Dei scrutatur, nobisque revelavit. Ad haec *profunda Dei*
n imprimis pertinere internas processiones et Trinitatem personarum,
t tum ex verbo Dei scripto tum ex perpetua professione et intellectu
» catholico demonstratur, tum ex ipsa propria ratione huius dogmatis
» in comparatione cum nostro modo intelligendi consequitur. Est ergo
* SS. Trinitas mysterium proprie dictum, cuius veritas nec citra reve-
- lationem lumine rationis humanae cognosci, nec *supposito revelatione*
p ex principiis mere rationalibus demonstrari potest, n

Ad sensum propositionis rite intelligendum oportet no-
tionem *mysterii proprie dicti* universim perspectam habere.
1'. Non sufficit dicere, rationem personae et consequenter
Trinitatis personarum in Deo supereminere nostrum con-
ceptum, ut sive ante sive post revelationem susceptam non
propria sed solum analogica notione eam apprehendere va-
leamus. Quamvis enim id sit quidem verissimum, attamen
commune hoc est essentiae omnibusque attributis divinis;
neque propterea existentia, omnipotentia, sapientia Dei etc.
simpliciter mysteria sunt superrationalia. Mysterium vide-
licet stricto sensu in veritatibus fidei duo includit, quod
neque existentia veritatis (*an sit*) solo lumine rationis in-
telligitur, neque interna eius ratio (*quid sit*) conceptu
proprio (ut proprium condistinguitur ab analogo) etiam
supposita fide a nobis apprehendi potest. Brevissime dice-
mus: in mysteriis *tam notitia apprehensionis* quam *cognitio*
consensionis, seu *tam idea quidditatis* quam *indiciu ver-*

tatis est supra vires rationis. Hac in re non parum sibi illuserunt Güntheriani, qui solo lumine rationis partam intelligentiam vindicantes de SS. Trinitate *quia* est *et quid* est (ut aiebant), nihilominus affirmabant indolem mysterii superrationalis satis servari fatendo, quod Deum non cognoscimus, *quomodo* est, et sicut Deus ipse se ipsum cognoscit. Sed si solum non cognoscimus proprie, quomodo est, non magis Trinitas, quam Dei unius existentia est supra rationem; hoc autem ipsum indolem mysterii subvertit, qualem in Scriptura et a Patribus assertam videbimus. Quod vero Deum non cognoscimus, sicut ipse cognoscit se ipsum, id ad rationem mysterii nihil pertinet; talis enim modus cognoscendi est comprehensio, quae creaturae etiam in quacumque elevatione supernatural! ad visionem beatificam omnino repugnat.

2n. Non tamen mysterium ita est, ut de eo supposita revelatione nihil intelligamus, *quid sit*. Profecto nisi aliquo modo notionibus saltem analogicis apprehenderemus, quid sit illud, quod revelatur et credendum proponitur, neque fides explicita in talem veritatem locum habere posset; non enim vocabula sed res seu veritates verbis significatae sunt obiectum (materiale) fidei. Quoad ideam igitur quidditatis, seu quam appellavimus *notitiam apprehensionis*, videtur mysterium perinde se habere ac cognitio etiam absolutorum attributorum Dei. At quamvis differentia potissimum sit in *iudicio veritatis*, quod de SS. Trinitate est omnino superrationale, de existentia Dei et attributis absolutis non item; nihilominus manet adhuc magnum discrimen in ipsa *notitia apprehensionis*. Ad analogicum conceptum attributorum Dei ex adumbrationibus in creaturis pertingimus lumine rationis per viam *affirmationis*, *negationis*, et *transcensionis* (τη υπέροχη), adeoque ab analogo inferiori ascendimus ad conceptum archetypi seu (ut aiunt) *primi analogi*, qua in mentis operatione non ad solam *notionem analogam quidditatis*, sed simul *ad indicium veritatis* pervenitur (Tract, de Deo th. XII.). Contra vero notionem ipsam personarum, quae relationibus constituentur et quae sub formali ratione, personarum realiter inter se di-

distinctae simul sint una numero essentia, numquam apprehenderemus, nisi praecederet positiva doctrina et revelatio. Proposita demum revelatione quaerimus analogias in creatis ad aliquem efformandum conceptum; adeoque licet ratio hic aliquid agat lumine proprio, seu ex ideis rationalibus, semper tamen innititur positivae revelationi, sicque ab objecto revelatione proposito ratio velut descendit ad investigandas adumbrationes in creaturis, non ut demonstretur *indiciū veritatis* (an sit), hoc enim fide sola constat; sed ut formetur conceptus aliquis analogus rei credendae.

Radix et fundamentum huius discriminis est, quod Deus creator et prima causa *ad extra* operans intelligendo ac volendo et universim secundum attributa absoluta, haec ipsa attributa « sempiternam virtutem et divinitatem » exhibet « intellectu conspicienda per ea, quae facta sunt » (Rom. I. 19. sqq. vide Tract de Deo Sect. I.); contra vero personae relativae ad invicem interque se realiter distinctae sunt relationes immanentes, nec generatio et processio *ad extra* referuntur; adeoque personae operantur quatenus sunt unus Deus, non autem quatenus ad se invicem referuntur et relationibus distinguuntur. Sic ergo Deus secundum absoluta ex operibus cognoscibilis est ut causa ab effectu, *quia* est, et analogice *quid* est; sed sub formali ratione relationum *ad intra* non est causa operum *ad extra*, atque ideo neque ut causa ex effectu cognoscibilis, *an sit*, et *quid sit*.

Postquam revelatae sunt internae illae processiones et personae distinctae, possumus quidem in creaturis maxime in spiritu creato, reperire analogias ad efformandum aliquem conceptum processionum et personarum divinarum, *quid sint*. Id vero inde est, quod spiritus creatus tamquam imago Dei exhibet immediate analogiam divinae intellectio-
nis et volitionis (dilectionis); unde postquam ex revelatione novimus processiones in Deo secundum intellectum et dilectionem, possumus pervenire *mediate* per conceptum intellectio-
nis et dilectionis ad efformandum conceptum processionum. Proprie ergo dicendum esset: ex creaturis *immediate* apprehendimus analogice absoluta attributa, et (supposita

revelatione relativorum) ex attributis absolutis (adeoque ex creaturis *mediate*) apprehendimus analogice processiones et relationes internas (cf. S. Th. 1. q. 32. a. 1. ad 1.). Si quando igitur Patres, ut Athanasius orat. I. contra Arian, n. 11.12., videntur de distinctis personis interpretari illud Apostoli Rom. I. 20.: « invisibilia ipsius a creatura mundi per ea quae facta sunt, intellecta conspiciuntur, sempiterna quoque eius virtus et divinitas »; haec Patrum accommodatio intelligi debet de immediata cognitione absolutorum attributorum ex creaturis, et de mediate deducto conceptu personarum *supposita revelatione*. Ita s. Cyrillus postquam indicavit, sempiternam virtutem in illo textu Pauli posse intelligi Filium, qui est Dei potentia et Dei sapientia, continuo hunc subiicit commentarium. « Scriptum est, nemo novit Patrem nisi Filius, et cui Filius revelaverit. Si autem soli Filio Pater cognoscitur, et per solum illum aliis revelatur, non ergo per creaturam neque ex iis intellectus quae facta sunt, Pater conspicitur; sed creatura quidem clamat suum creatorem Deum Verbum (non ut distinctum a Patre sed ut creatorem); Verbum autem (iam per revelationem cognitum ut persona distincta) in se ipso ostendit Patrem. Idcirco Philippo dicenti : ostende nobis Patrem, non ex creaturarum pulchritudine concludendo eum intelligere iubet (1), sed se ipsum ostendit dicens: qui vidit me, vidit et Patrem » Cyrill. Thesaur. T. V. P. I. p. 20. 21.

His praenotatis ad demonstrationem theseos quaerimus, quid revelatio ipsa et revelationis catholicus intellectus de superrationalitate mysterii directe nos doceat; deinde quid inspecto ipso dogmate ut revelatum est, et instituta comparatione cum nostro cognoscendi modo rationali, de eadem superrationalitate concludendum sit.

I. Consideramus primum doctrinam Scripturae de superrationali mysterii eminentia.

1° Universim dari aliquas veritates supernaturales, quarum notitia necessaria sit hominibus et quae tamen ratio-

(1) Οὐκ ἐχ τῇ ποιημάτων καλλονῇ ἀναλογω αὐτοῦ θεωρεῖν ἱπιταττει. Sunt verba desumpta ex Sap. XIII. 5 : τῇ γὰρ μεγέθει χαλλοῦν χτισμάτων ἀναλογω ὁ γενεσιουργὸς αὐτῶν θεωρεῖται. Vid. Tract, de Deo th. II.

nem superent, nec nisi per fidem in vita praesenti et per *supematuralem* visionem in vita futura cognosci possint, in revelatione ipsa testatissimum est. Hanc rem Paulus 1. Cor. II. toto capite data opera declarat.

Apostolus distinguit duplicem sapientiam obiectivam h. e. duplicem seriem rerum et veritatum cognoscendarum. Primum est *u* sapientia quam Apostoli loquuntur inter perfectos, » *u* sapientia quam nemo principum huius saeculi cognovit,» «Dei sapientia in mysterio abscondita»; huic dein opponitur *u* sapientia huius saeculi, » *u* sapientia quam Graeci quaerunt » (ib. I. 22.). Utrique obiectivae sapientiae respondet utique duplex eaque diversissima sapientia formalis seu subiectiva: una est *u* mens Christi, » per eam homines sunt *u* spirituales » (πνευματικ^α); per alteram homo est *u* sapiens (α^νθρωπος); sed sapiens secundum carnem, scriba (γρ^αμματιστής litterator, ut vertit Testullianus contra idololatr. c. 9.), conquisitor huius saeculi » (1) (ib. I. 20. 26.); homo vi huius sapientiae manet adhuc « animalis » (ψυχικ^{ός}) (2).

Hinc porro principium efficiens seu fons *immediatus* utriusque sapientiae differt. Sapientiae quam Graeci quaerunt, principium proximum est utique humana ratio, seu melius principium est Deus per lumen rationis et per opera creationis (Rom. 1.19. sqq.). At sapientiae alterius altioris principium est Spiritus Sanctus longe alio modo; idque dupliciter. Nam a) interne afficit aniftiam rationalem redditque homines « spiritales. » Hoc quidem fieri potest et

(1) Συζητητή; του αιωνο τουτου parallelum Sap. XIII. 9. τοσουτο» ισχυσαν siSevai, i>α ιυνωνται στογασασΟαι τον αιωνα. Tract, de Deo th. II.

(2) Animale et spiritale ut naturale et supernaturalo comparantur etiam 1. Cor. XV. 44-46.; multo frequentius curo et spiritus hoc sensu sibi opponuntur, sicut h. l. « sapientes secundum carnem » et - sapientes secundum spiritum » vel « spiritales. » Itaque *homo animalis* licet supponat naturam rationalem bonam, semper tamen in oppositione ad *spiritale* significat privationem boni in ordine praesenti necessarii. « Animalem hominem appellat eum, qui est contentus solis propriis cogitationibus rationalibus (λογισμοί,-), et Spiritus doctrinam non admittit, sed neque illam potest intelligere » Theodoret. in h. l. Ita etiam sed multo fusius Chrysostomus in 1. Cor. horn. VII. n. 4. et cum ipso Oecumenius, Theophylactus, Suidas.

fit in ordine etiam ad veritates lumine rationis cognoscibiles, ut modus cognitionis non sit animalis seu naturalis sed spiritalis seu supernaturalis. Verum 7) h. 1. Apostolus agit de veritatibus, quae lumine rationis sunt omnino non cognoscibiles. Quoad has veritates docet duplicem necessariam esse operationem Spiritus Sancti, vel potius operationem Spiritus Sancti ad duplicem effectum, ut *primo* mysterium per se humanae rationi naturali omnino absconditum et inaccessum reddatur cognoscibile, quod fit *revelatione* interna vel externa; ut *secundo* cognoscatur, sicut oportet, quod fit gratia interna reddendo homines *u* spirituales. *n* Nos nunc de priori illo modo sumus solliciti, quia in eo continetur veritatum eminentia superrationalis, de qua quaerimus.

Ait itaque Apostolus: sapientia quam loquimur inter perfectos, h. e. sapientia obiectiva, veritas, doctrina, res illa, quae est obiectum sapientiae subiectivae, est *sapientia in mysterio*. Hoc epitheton *in mysterio* declarat per aliud: est sapientia *abscondita* idque ab aeterno; ab aeterno enim Deus praedestinavit illam rem verificandam (quatenus contingens est, et fit in tempore; nam Paulus prae oculis habet incarnationem totamque oeconomiam redemptionis) et supernaturaliter revelandam ib. II. 6. 7. Unde hanc sapientiam *nemo principum huius saeculi cognovit*. Principes huius saeculi sunt sine dubio illi, qui eminent inter homines praerogativis huius saeculi seu donis naturalibus, et prae subiecta materia qui eminent sapientia, quam dixit v. 6. « sapientiam principum huius saeculi », qui sunt *u* sapientes *ῥααίχαι*, inquisitores huius saeculi » (ib. I. 20. 26.) (1). Haec universalitas propositionis negativae *u nemo principum huius saeculi cognovit*», non restringitur per additum: *u si enim cognovissent, numquam Dominum gloriae crucifixissent*»; sed solum ostenditur, etiam Pilatum eique si-

(1) Chrysostomus l. c. η. 1. 2.; Theodoretus in h. 1. principes huius saeculi v. 6. dicunt esse, - qui in dignitatibus, in magistratibus sunt, qui huiusmodi rem praeclaram existimant, tum philosophos, oratores, scriptores, *n* Subinde v. 8. intelligunt Pilatum et Herodem, vel etiam sacerdotes et scribas Iudaeorum.

miles gentiles, nec minus ludaeos sapientes et scribas qui reiecerunt revelationem Christi, comprehendi inter illos omnes, qui sapientiam absconditam non cognoverunt. Porro quomodo sapientia illa sit *in -mysterio, abscondita, nemini principum huius saeculi cognita*, adhuc declarat Paulus verbis Scripturae (Is. LXIV. 4.): « sed sicut scriptum est: quod oculus non vidit, nec auris audivit, nec in cor hominis ascendit, quae praeparavit Deus (cf. v. 7. quam praedestinavit Deus) iis, qui diligunt illum » v. 9. Quae Deus praeparavit, ex contextu (monentibus etiam Chrysostomo 1. c. n. 3, Theodoreto in h. 1.) sunt utique idem, quod antea dixit sapientiam, quam praedestinavit Deus ante saecula in gloriam nostram; sunt nimirum mysteria redemptionis, horumque imprimis fundamentum Dominus gloriae Christus, Verbum incarnatum; neque tamen ideo minus recte in his ut finis et complementum redemptionis intelligi possunt ac debent inclusa bona beatitudinis coelestis. Phrasis *in cor hominis ascendit*, est in modo loquendi biblico notissima, significans idem ac in animum, in mentem, in intellectum venire. Quando ergo dicitur: « in cor hominis non ascendit », locutio universalis designat sapientiam illam esse supra intellectum naturae humanae, « Loquitur de universa natura humana... Unde manifestum est, quod prius quam audirentur, nec in cor quidem hominis ascenderant; nam postquam datus Spiritus fuerat, cor prophetarum non erat cor hominis (viribus humanis naturalibus), sed cor spiritale, quemadmodum ipse ait: sensum (νῶν) Christi habemus » Chrys. ibi. « Quoniam oeconomiae (Incarnationis) mysterium absconditum esse dixit, necessario adiecit: quae neque ullus audivit neque vidit umquam, neque mens maxime inexplebilis cogitavit » γὰρ οὐδὲν ὅτι οὐκ ᾔσκησεν οὐδὲν ὅτι οὐκ ᾔσκησεν οὐδὲν ὅτι οὐκ ᾔσκησεν vjvjcr.at Theodoreto. ibi.

In hactenus dictis : sapientia *in mysterio, abscondita, nemo cognovit*, neque *in cor hominis ascendit*, enuntiatur quidem *factum* ignorationis, sed factum quod sit *ex ipsa rei natura*, ex natura inquam mysterii cognoscendi et mentis cognoscentis. Si de hoc adhuc dubitas, perge ad sequentia.

Principium cognitionis mysterii unice est revelatio Dei per Spiritum Sanctum : « nobis autem revelavit Deus per Spiritum suum ». Unde animalis homo, quia principium cognitionis videlicet principium supernaturale ei deest, « non percipit ea quae sunt Spiritus Dei, stultitia enim est illi, et non potest intelligere, quia spiritualiter examinatur » (1). Igitur talis ignoratio omnimoda non solum est factum velut *per accidens*, sed *ex rei natura*, ex intellectus naturalis improprietate et ex supereminente ordine harum veritatum. Pertinent enim veritates ad *profunda Dei*, quorum cognitio Deo soli naturalis est. Nam sicut alibi creatio (vid. Tract, de incarn. th. IV.), ita hic cognitio horum profundorum Dei exhibetur velut attributum et nota divinitatis, *« Spiritus enim omnia scrutatur etiam profunda Dei. Quis enim hominum scit, quae sunt hominis nisi spiritus hominis, qui in ipso est? ita et quae Dei sunt, nemo cognovit nisi Spiritus Dei »* v. 10. 11. Est hic apostolicus commentarius ad locum, quem citat, Isaiae. Quod dicit Apostolus: *« nemo cognovit nisi Spiritus Dei »*, hoc idem propheta ait aliis verbis: *« a saeculo non audierunt, neque auribus perceperunt, oculus non vidit, Deus absque te »* (2); i. e. nemo cognovit nisi Deus. Eodem fere modo de creatione et gubernatione suprema soli Deo propria loquitur idem propheta: *« Ego sum Dominus faciens omnia, extendens coelos etc. et nullus mecum »* Is. XLIV. 24. XXXVII. 16. XLV. 5. sqq.

Quare mysteria dicuntur esse non solum supra rationem humanam, sed simpliciter supra cognitionem naturalem cuiuscumque intellectus creati. « Quod dicit (Apostolus) huius-

»

(1) Πνιῦ/ζατιχω αναχρνβται, verum indicium de illis non potest esse nisi per principium supernaturale ; hoc namque sensu π^υ/χατιχον et ψυχιχον opponi supra diximus,

(2) Apud Isai.im et Paulum in verbis est ea diversitas, quae congruit diversitati utriusque Testamenti, et qualem etiam alibi citationes in novo Testamento ex veteri prae se ferunt (e. g. Matth. II. 6.; Marc. I. 2. cf. Tract, de Incarn. th. VI.). Quod propheta de Messia et de bonis temporis futuri novique Testamenti dicit *expeetantibus te*, Apostolus de complemento praesenti dicit *diligentibus te*; quod propheta ait obscurius: nemo cognovit, *Deus absque te*, id Apostolus explicat clarius in sequentibus de revelatione per Spiritum Sanctum.

modi est: antequam Spiritu frueremur et ineffabilia disceremus, nec ex nobis nec ex prophetis quisquam ea cogitavit. Quomodo enim, cum nec angeli quidem ipsa nossent? Quid enim, inquit, dicendum est de principibus huius saeculi, cum nullus homo, neque supernae potestates ea scirent?... Quapropter illo opus habuimus doctore, qui haec clare sciret. Spiritus enim omnia, inquit, scrutatur, etiam profunda Dei » Chrysost. 1. c. n. 3. 4.

Constat itaque non solum esse in infinito rationes supra intellectum finitum, et nominatim supra intellectum humanum in tota perfectione naturali consideratum ; sed esse huiusmodi superrationales veritates aliquas revelatas a Spiritu Sancto, qui solus eas naturaliter novit.

2° Hae res et veritates, quae ab Apostolo dicuntur « profunda Dei » τα βόθρα τοῦ Θεοῦ in oppositione ad « notum Dei » τὸ γνωστόν τοῦ Θεοῦ (Rom. I. 19.), in contextu directe et explicitè dicuntur mysteria redemptionis , in his autem primo loco Christus ipse « Dei virtus et Dei sapientia » (ib. 1.24.), ut iam satis declaravimus. Igitur profunda Dei quae solus Spiritus scrutatur, non tantummodo sunt libera consilia et opera sanctificationis ad extra; sed in intima radice horum consiliorum sanctificantium, profunda Dei, quae « in cor hominis non ascenderunt », « quae a saeculo non audierunt neque perceperunt, Deus absque te », « quae nemo cognovit, nisi Spiritus Dei », sunt etiam et quidem primo loco ipsae relationes internae, Pater, Filius, et Spiritus Sanctus.

Haec tam diserta doctrina Apostoli de improportione intellectus creati ad mysteria prae oculis habenda est, ut melius intelligatur ordo superrationalis in illis locis, ubi directe de relationibus ac personis divinis sermo est:

Matth. XI. 25-27. cf. Luc. X. 21-22.

Confiteor tibi Pater, Domine coeli et terrae, quia abscondisti haec a sapientibus et prudentibus (αἱ σοφῶν καὶ συνετῶν), et revelasti ea parvulis. Ita, Pater, quoniam sic fuit placitum ante te (ὡς ἦν θέλημα σου) (crt ὄντως ἐγένετο ἰνὸς χείρας σου).

1. Cor. 1.19-22.

26; II. 8.14.

1. Cor. 1.18.24.

27.30; 11.4.5.

Omnia miki tradita sunt a Patre meo.

Et nemo novit Filium, nisi Pater; neque

Patrem quis novit, nisi Filius, et cui vo- 1. Cor. II. 9-11.
luerit Filetis revelare.

Sensu eodem s. Ioannes I. 18. concludit doctrinam de Deo Verbo: « Deum nemo vidit umquam (1. Cor. II. 9. 11.); unigenitus Filius qui est in sinu Patris, ipse enarravit » *iv. i'jo: ἐξηγήσατο* (1. Cor. II. 10.). Apertum est, per incisum « *nemo novit, nisi cui Filius voluerit revelare* », sicut penes Paulum per alterum parallelum: « *nemo cognovit nisi Spiritus Dei; nobis autem revelavit Deus per Spiritum suum* », ex scopo immediato quidem excludi cognoscibilitatem per vires rationis humanae ; attamen ex indicatione scientiae naturalis, quae sit soli Deo Patri, Filio, Spiritui Sancto propria, et ex universalitate negationis ac oppositionis personarum divinarum ad creaturam universam manifesto excluditur cognitio naturalis cuiusvis intellectus creati. In particula « *nemo nisi Pater* », « *nemo nisi Filius* », « *nemo nisi Spiritus Dei* » opponi Deum creaturis non vero personas sibi invicem, per se patet ex unitate essentiae divinae in personis. « Si simpliciter dixisset *nemo*, multi ex auditoribus id de natura tantum nostra dictum putassent; iam vero cuius postquam dixit *nemo*, addat *nisi Filius*, hac unigeniti adiectione omnem creaturam exclusit... Illud *nemo* semper ad creaturarum tantummodo secretionem ponitur ; nec si de Patre dicatur, Filium removet, nec si de Filio, Spiritum Sanctum excludit » Chrysost. horn. V. n. 1. de Incomprehens. T. I. p. 481.

II. « Profunda Dei » veritatemque revelatam distinctarum personarum quae sunt unus Deus, esse supra naturalem facultatem cuiusvis intellectus creati et nominatim supra naturalem rationem humanam, ss. Patres quavis aetate supposuerunt aut diserte vindicarunt velut certissimum.

1^a SS. Doctores vindices veritatis adversus haereticos, ipsique haeretici omnes consentiebant, doctrinam de Trinitate ut catholica Ecclesia eam proponit, humana ratione intelligi non posse. Sicut vero Patres insistebant revelationi, atque a Deo solo de se ipso loquente discendum esse

aiebant, ac fide credendum mysterium, quod est supra rationem nostram; ita vicissim haeretici, quod ratione intelligi non posset, traducebant velut contrarium rationi, et propterea sensum revelationis accommodabant ad nonnam notionum mere rationalium. Patres revelationi auctoritate confirmatae, traditae, declaratae humanam rationem, philosophiam professioni fidei subiiciendam esse consentiebant, iuxta doctrinam Apostoli: « consilia (Ζεῦσις) destruentes et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi » (αἰχμαλωτίζετε πᾶν νοῦν/καὶ ἐν ὑποταγῇ τοῦ Χριστοῦ) 2. Cor. X. 5. Haeretici sin minus verbis certe factis contendebant ordine inverso subiicere revelationem et fidem rationi ac philosophiae tamquam supremae normae interpretationis, non solum sensu *negativo* postulatae non repugnantiae, sed etiam sensu *positivo* perspectae congruentiae.

Iam II. et III. saeculo monarchianis causa negandi tres distinctas personas non erat alia, quam quod ratione intelligi non possit unitas Dei simul cum Trinitate personarum. Patres vero non iam ratione sed unice appellando ad revelationem in Scriptura, in tradito ab Apostolis symbolo, in professione et consensione totius Ecclesiae manifestam, demonstrabant utramque veritatem aequae credendam esse, quia aequae a Deo revelata est. Concedebant vero, a nobis non nisi Deo docente veritatem hanc cognosci, neque supposita etiam revelatione intelligi in se ipsa posse. Sic e. g. Patres synodi Antiochenae docebant contra Paulum Samosatenum. « Decrevimus fidem scripto edere, quam a principio accepimus et traditam habemus ac custoditam in catholica sancta Ecclesia usque ad hodiernam diem secundum successionem ab Apostolis... Quoniam Deus est inginitus, unus.... quem nullus hominum vidit neque videre potest; cuius gloriam seu magnitudinem sicut est, digne veritate cogitare vel enarrare humanae naturae est impossibile (ἀνθρώπινη φύσει ἀνεφικτβν); notionem vero eius utcumque medio-crem revelante Filio habere nobis sufficiat oportet, sicut ipse dicit, nemo novit Patrem nisi Filius, et cui Filius

revelaverit. Hunc autem Filium genitum... non praecognitione sed essentia et hypostasi Deum, cum in veteri et novo Testamento cognoverimus, confitemur et praedicamus. Qui autem contradicit, credere se et confiteri Filium Dei non esse Deum ante constitutionem mundi, dicitque duos praedicari Deos, si Filius Dei Deus praedicetur, hunc indicamus alienum ab ecclesiastica regula » ep. ad Paul. Samos. (Opp. Dionysii Alex. pag. 281.).

Maxime vero in diuturno bello totius Ecclesiae adversus Arianos ac nominatim adversus Eunomianos, superrationalitas mysterii ass. Patribus tradita est et vindicata velut fundamentum ad defensionem et genuinam explicationem doctrinae revelatae de SS. Trinitate. Vidimus in Tractatu de Deo (th. X.), quam acriter Eunomiani plenam cognitionem et comprehensionem divinae essentiae sibi vindicaverint, et quam sollicite Patres omnes contra hunc errorem demonstraverint ex ipsa rei natura, non nisi notionibus analogicis a nobis concipi aliquatenus posse, quid Deus sit. Videri posset haec disputatio nihil pertinere ad id, quod nunc agimus. At vero scopus directus haereticorum erat exclusio mysterii SS. Trinitatis. Ipsi haeretici non minus quam Patres catholici perspectum habebant, a nobis intelligi non posse divinam essentiam ita, ut tres simul personas inter se distinctas et cum eadem simplicissima essentia identificatas ratione intelligamus. Unde si ratione perfecte intelligeremus divinam essentiam ut in se est, quemadmodum illi asserebant, eo ipso divinae essentiae nihil aliud conveniret, nisi quod nos in ea intelligeremus. Cum vero nullatenus ratione intelligamus unam simplicissimam essentiam in tribus realiter inter se distinctis personis, consequens erat, ut non modo Trinitas negaretur, sed etiam haeretici ex eodem illo principio perfectae comprehensionis divinae naturae sua repeterent argumenta ad demonstrandum, nec esse nec posse esse personarum Trinitatem, qualem Ecclesia catholica profitetur.

Hinc Patres omnes s. Basilius et Gregorius Nyssenus in libris contra Eunomium, Gregorius Nazianzenus in orationibus de Theologia (nominatim in 1 theologica, quae est

or. 28. al. 34.), Cyrillus Hierosol. Cateclies. VI., Epiphantias haeres. LXXVL, Chrysostomus in homiliis quinque de incomprehensibili Dei natura, Cyrillus Alex, in Thesauro illam assertionem de comprehensione divinae naturae tum ex documentis doctrinae christianae tum ex ratione ipsa absurdam esse convincunt, ut viam complanent ad explanationem doctrinae revelatae de SS. Trinitate. Consentunt enim Patres, ut diximus, cum haereticis eatenus, quod farentur et imo impense contendunt, Trinitatem personarum unius essentiae non posse lumine rationis intelligi. Sicut ergo haeretici ex sua illa perfecta divinae essentiae secundum totam rationem divini *Esse* intellectione negabant veritatem Trinitatis utpote non comprehensae in illa intellectione rationali, totamque disputationem non iam ad doctrinam in Scripturis contentam et in perpetua traditione ac professione Ecclesiae explicatam, sed, ut Patres conquerruntur, « ad syllogismos » et ad philosophiam deducebant; ita ss. Doctores subverso illo fundamento, et imperfectione cognitionis nostrae relate ad ipsam divinam naturam ac essentiam demonstrata effecerunt, ut superrationalitas mysterii SS. Trinitatis iam non posset adferri velut causa negationis, nec amplius possent haeretici eo, quod est *supra intellectionem*, concludere esse *contra rationem*. Ita demonstratio, quod nobis divina essentia non est intelligibilis ut in se est, simul erat demonstratio, non ex philosophia et notionibus mere rationalibus cum haereticis, sed unice ex revelatione Dei ipsius cum Ecclesia et ab Ecclesia discendum esse, quid de personis divinis non tam ratione intelligendum quam fide credendum sit. Patribus itaque superrationalitas mysterii non modo certa est, sed habent eam ut necessariam praesuppositionem, sine qua integritas fidei et explicatio sincera dogmatis consistere nequeat.

2'. Ad abundantiam describo pauca testimonia specialia, ut sententia Patrum ex dictis iam certissima distinctius pateat, « Quia nemo novit Filium nisi Pater, neque Patrem quis novit nisi Filius, et cui Filius revelaverit, idcirco Sancti, quibus Filius revelavit, imaginem quamdai

nobis ex visibilibus tradiderunt, cum dicunt: splendor gloriae et figura substantiae eius; et iterum: apud te fons vitae, in lumine tuo videbimus lumen... Haec autem exempla licet levia sint et admodum obscura ad id quod cupimus, exprimendum, potest tamen ex illis cognosci aliquid quod sit supra humanam naturam, nec Filii generationem nostrae esse similem... Cum Scriptura has habeat imagines, absurdum est et valde impium, velle ex aliis de Domino notitiam quaerere, quae nec scripta sunt nec ad pietatem aliquem ordinem habent » Athan. de decret. Nie. η. 12. « Haec veritas est sacramentum Dei, hoc imperspicibilis naturae nomen in Patre. Deus invisibilis, ineffabilis, infinitus, ad quem eloquendum sermo sileat, et investigandum mens hebetetur, et complectendum intelligentia coarctetur.... Soli Filio notus, quia Patrem nemo novit nisi Filius... Et quia Patrem nemo novit nisi Filius, de Patre una cum revelante Filio, qui solus testis fidelis est, sentiamus » Hilar, de Trin. l. II. n. 6. cf. n. 9.10. « Deus ingenitus, et ex ipso genitus, et Spiritus Sanctus procedens... Neque cum rebus universis quidquam commune habet, neque quispiam cum ipso communicat dignitate; praetervolant enim et cedunt omnia (si ratio ex iis velit intellectionem colligere), et pro ratiociniis totam causam relinquunt verbo doctrinali in divina Scriptura, quo dicitur: nemo novit Filium nisi Pater, neque Patrem nisi Filius, et cui revelaverit. Revelat autem per Spiritum Sanctum non iis, qui syllogismis ipsum intelligere volunt, sed sincere et perfecte in ipsum credentibus » (1) Epiphan. haeres. LXXVI ad cap. VII. Aëtii (T. I. p. 943.). « Quoties humanae conditionis infirmitas, semetipsam protinus cognitura, fines molitur aliquatenus suae paucitatis excedere, atque coelestis inluminatiois praegnata conceptu (h. e. supposita revelatione et gratia) conditoris sui ac redemptoris inqui-

(1) Παντα γὰρ παρίπτεται, καὶ καταλιπταντ κασαν αἰτίαν συλλογιστῶν τῷ αὐτῷ τῇ Οἰκῇ γραφῇ διδασκαλικῇ λογῶν τῷ οὐκ εἶ? οἱ δὲ τὸν υἱὸν καὶ τὴν πατὴρ. οὐδὲ τὸν πατέρα ἵν' μὴ ὁ υἱὸς, καὶ ὁ υἱὸς ἀποκαλυψῶν ἀποκαλυψῶν δὲ δι' ἁγίου πνεύματος, οὐ τοὶ αὐτὸν συλλογίζομενοι ἀλλὰ τοὶ ὁ υἱὸς αὐτὸν γνησιῶ καὶ τέλει πειπιστῶν. οὐσι.

sitionem coeperit parturire , sola (non utique *sola* simpliciter, sed in comparatione cum Deo absolute spectato), quantum arbitror, immutabilis illa sempiternitas Trinitatis reperietur incomprehensibilitatis digna miraculo , *quae sic excedit omne quod cogitare vel sapere possumus, sicut superat omne quod sumus* n Fulgent, ad Trasimund. 1. 11. c. 1. « Sola vero se potest Trinitas revelare, quia sola se plene potest ipsa Trinitas nosse , et quantum se dederit agnoscendam, tantum se condonat revelandam n ib. c. 10. Ad summam si de intelligentia propria quaeritur, Patrum sensus huc redit: *a de mysterio Trinitatis recta confessio est ignoratio scientiae* n s. Hieronym. Prooem. ad 1. XV11I. inis.

Cf. Athanas. in illud: omnia mihi tradita sunt n. 5.6. (T. I. p. 107.); Basil, contr. Eunom. 1. I. n. 14.; Gregor. Naz. or. 20. (al. 29.) η. 10-12.; or. 29. (al. 35.) η. 8.; or. 31. (al. 37.) η. 33.; Cyrill. Hier. Catech. VI. n. 6.; Chrysost. de Incompreh. hom. V. n. 1.

Praeterea ne testimonia Scripturae et Patrum in alium sensum deflectamus , accedit consensus veterum theologorum, qui omnes cum Magistro 1. dist. 3.; et S. Th. 1. q. 32. a. 1. non opinando sed velut principium certum et constans defendunt mysterii huius eminentiam supra rationem. Vide de hac re Suarez 1. I. c. 11.12; Vasquez in 1. P. disp. 133. et ibi citatos theologos.

III. Praestructo fundamento theologico, possumus iam ex ipso modo nostrae cognitionis et ex rei cognoscendae indole ostendere superrationalitatem mysterii.

Divinas perfectiones, seu *quid Deus sit*, lumine rationis cognoscere non possumus, nisi vel *a posteriori* concludendo ex imperfectionibus et perfectionibus praecognitis creaturarum (tum materialium tum spiritualium) ad Deum tamquam ab effectum ad causam, vel quodammodo *a priori* (1)

(1) Quia de divinis argumentum proprie et simpliciter *a priori* non datur, ideo Raymundus Lullus appellavit hoc *argumentum aequiparantiae* seu ab *cbqualibut*, quod Suarez (1. I. c. 11. n. 7.) non videtur in genuino sensu Lulli intellexisse. Is enim non ex similibus, ut putat Suarez, sed ex perfectione absolutae bonitatis progredi voluit ad cognoscendam et demonstrandam Trinitatem personarum.

h. e. a praecognita in confuso absoluta perfectione Dei progrediendo ad perfectiones explicite et distincte cognoscendas, aut (quod fere eodem redit) ab una perfectione praecognita progrediendo ad cognoscendam aliam (ratione seu cognitione nostra distinctam): « quidquid ratio naturalis ostendit de Deo , habetur vel *ex ratione principii* (h. e. quatenus est causa suprema), vel *ex ratione summae perfectionis* » (h. e. ex praeintellecta summa perfectione Dei inconfuso, progrediendo ad intelligentiam perfectionum singularum) Pallavic. Cars, theol. de Deo c. 1. n. 3. Hoc principium est omnino evidens pro quavis *mediata* cognitione Dei lumine rationis acquirenda, adeoque valet quoad rationalem cognitionem Trinitatis in omni sententia, quamcunque sequaris de naturali cognitione Dei, nisi forte absurde nostro intellectui naturalis diceretur *immediata* intuitio Dei, ut trinus est personis. Hoc enim secluso etiam illi, qui ideam Dei congenitam nostro intellectui, vel immediatam intuitionem *Entis* divini (1) sibi persuaserunt, omnes fateantur oportet, uno vel altero ex duobus modis indicatis , a praecognitis inquam creaturis vel a praecognitis perfectionibus Dei absolutis perveniendum esse ad cognitionem Trinitatis personarum, si ad eam solo lumine rationis perveniri potest. Immo idem principium universale est et non solum prae humano sed prae quovis intellectu aequae evidens, cui immediata intuitio internarum relationum Dei non sit naturalis. Talis autem intuitio cum soli intellectui divino naturalis sit, intellectui autem creato saltem omni nunc existent! (angelico et humano), ut theologice constat, ex sua natura non conveniat; immo ea videatur esse*supra naturam cuiusvis possibilis creaturae,

(1) Nobis quidem persuasum est, non posse consistere immediatam intuitionem Entis divini in se ipso , quin eadem esset intuitio etiam personarum divinarum, et ideo (inter ceteras rationes) negamus illam *Entis divini* intuitionem. Sed qui illam sibi vindicant, asserunt esse intuitionem immediatam quidem, verum *Entis* divini cum abstractione a perfectionibus et multo magis a distinctis personis. Consentunt ergo illi nobisenim in eo, quod cognitio naturalis personarum, si daretur, non posset esse nisi mediata; hoc vero posito, nulla alia pateret via praeter alterutram, quam indicavimus. (Cf. Tract, de Deo th. X. XXIV.).

ut ex principiis certis deduci potest (Tract, de Deo th. XIV. cf. s. Th. 1. q. 12. a. 4. ; verit. q. 8. a. 4. ; contr. gent. III. c. 52.); consequitur, universim lumine naturali intellectus creati cognitionem Trinitatis personarum divinarum vel nullo modo vel alterutro ex modis indicatis assequendam esse.

Atqui Γ . internae processiones in Deo et distinctae tres personae non possunt lumine rationis cognosci et demonstrari ex praecognitis creaturis seu *a posteriori* concludendo ab effectum ad causam. Ex praecognita existentia contingente creaturarum, ex earum perfectionibus et ordine ac directione ad finem ratio intelligit existentiam *entis* in sua existentia necessarii, intelligentis et sapientis, volentis ac boni, omnipotentis etc., quia existentia creaturarum contingentium sine existente tali ente necessario intelligitur repugnare. Unde ad Deum unum natura et trinum personis intelligendum hoc modo ex consideratione creaturarum, necesse foret in creaturis sive spiritualibus sive materialibus sive seorsum singulis sive omnibus simul consideratis perspicere aliquid, quod intelligeretur repugnare, nisi tres sint personae unus Deus. Atqui evidens est, nihil huiusmodi in creaturis esse aut esse posse. Creaturae enim quaevis actu sunt, quatenus et quomodo Deus omnipotens, infinite sapiens, infinite bonus eas vult existere ; nec ultra attributa absoluta quidquam lumine rationis intelligi potest in Deo necessarium, ut sit causa creaturarum. Attributa vero absoluta sunt Dei quatenus unus est, aequae plena, si consideretur una persona, ac quando supponuntur et considerantur tres personae distinctae. Aliis verbis idem dici potest. Deus ad extra operatur, quatenus unus est essentia, non vero ut ad intra sunt processiones ac relationes mutuae generantis, geniti, procedentis. Hoc autem ipso repugnat ex creaturis tamquam effectum intelligere, causam esse tres personas invicem distinctas non vero unam, sicut una est essentia. « Omne illud, quod in divinis causalitatem habet, ad essentiam pertinet, cum Deus per essentiam suam sit causa rerum. Propria autem personarum sunt relationes, quibus personae non ad creaturas sed ad se invicem rete-

runtur. Unde naturali cognitione in propria personarum devenire non possumus » S. Th. de verit. q. 10. a. 13.; 1. q. 32. a. 1.; 1. dist. 3. q. 1. a. 4.; in Boet. Trin. Prooem. q. 1. a. 4.

2^o. Remaneret ergo, ut a consideratione absolutorum attributorum, quae *u* per ea quae facta sunt intellecta conspiciuntur, *n* adeoque quodammodo *a priori* ratio pertingeret ad intellectionem et demonstrationem Trinitatis personarum. Hoc modo ens *necessarium* est rationi fundamentum intelligendi ac demonstrandi plenitudinem perfectionis absolutae, atque inde ulterius infertur unitas Dei ac repugnantia multiplicationis naturae divinae, et sic porro alia attributa ex aliis praeintellectis possunt deduci et distincte intelligi. At quamdiu divinam essentiam solum analogicis notionibus derivatis ex praecognitis perfectionibus creaturarum li. e. *cognitione abstractiva*, non autem ut *in se est*, intelligimus, repugnat ut ex essentia una simplicissima Dei et attributis absolutis, quae sunt ipsa eadem essentia sub alio et alio conceptu nostro analogico apprehensa, perveniat ad cognoscendas ac demonstrandas tres realiter distinctas personas unius essentiae. Hinc est, ut supra diximus, quod ss. Patres censuerunt eadem ratione, qua adversus Eunomianos ostenditur essentia divina lumine rationis non intelligibilis ut in se est, simul demonstratam esse superrationalitatem mysterii SS. Trinitatis. Haec enim duo mutuo inferuntur: essentia divina cognoscitur immediate in se ipsa, et ideo ut est in se; ergo cognoscitur personarum Trinitas, quae realiter sunt ipsa divina essentia. Vicissim: essentia divina non cognoscitur ut in se est, sed notionibus analogicis derivatis ex praeintellectis perfectionibus creatis; ergo lumine rationis nec intelligitur nec potest intelligi, unam essentiam absolutam simul esse tres personas relativas inter se realiter distinctas.

Sane ad intellectionem trium personarum distinctarum principium ac fundamentum cognitionis esse deberet essentia divina praecognita vel sub formali ratione infiniti, vel sub formali ratione imius aut plurium attributorum (puta sapientiae, bonitatis etc.), vel sub formali ratione actuum vitae internae (intellectionis et dilectionis), vel (ne accu-

sari possit defectus plenae inductionis) sub quavis tandem formalitate lumine rationis intelligibili. Atqui repugnat, ut essentia sub aliqua vel sub omnibus his rationibus sit principium cognitionis demonstrans distinctas personas, quamdiu essentia non ut *in se est* sed ex analogia creaturarum cognoscitur.

Etenim infinitum *Esse* et attributa quaevis absoluta seu rationes formales, sub quibus illud idem *Esse* lumine rationis concipi potest, intelligimus ut unum non multiplicabile, simplicissimum et indistinctum; quod autem idem *Esse* ex interna sua ratione exigit trinam eamque relativam subsistentiam, h. e. ut eadem infinita essentia sit Pater et Filius et Spiritus Sanctus solis relationibus inter se distincti, et tres relativi subsistentes, id ex infinitate vel quavis absoluta perfectione, ut lumine rationis ex creaturis cognoscibilis est, deduci nullo modo potest, Causa est, quia nulla datur aut a nobis intelligi potest perfectio creata vel creabilis exhibens analogiam perfectionis absolutae, quae in se una exigit subsistentiam relativam et multiplicationem subsistentium.

Quod dicimus de infinitate essentiae et de attributis valet aequè etiam de actibus seu potius de actu intellectus et dilectionis, qui utique est attributum divinum ac proinde, ut diximus, non est aliud quam ipsamet divina substantia seu absoluta essentia apprehensa a nobis sub formali conceptu intellectus aut voluntatis. In creatis intellectio et volitio actualis est quidem necessario aliquid productum ab ipso spiritu intelligente et volente, inde tamen solo lumine rationis nullatenus conicere nedum demonstrare possemus in Ideo Verbum et amorem productum cum reali distinctione trium, qui sint unus Deus. Quod enim intellectio et volitio in creatis est *producta* a spiritu, id consequitur ex limitatione perfectionis, quia substantia spiritus non est ipsum *intelligere* et ipsum *diligere*; sed spiritus est *in potentia* ad actum, et actus non est ipsa substantia spiritus sed perficiens modificatio substantiae. Ubi vero infinita et vi infinitatis omnino simplex essentia est ipsamet intellectio et volitio sine ulla reali distinctione

actus et essentiae , ibi profecto non possumus lumine rationis intelligere Verbum et amorem esse tum unam summam rem absolutam h. e. realiter ipsam essentiam , tum sub formali ratione , quatenus sint termini intellectionis et dilectionis, esse Verbum genitum et amorem procedentem processione reali ita, ut realis sit distinctio generantis, geniti, et procedentis.

30. Immo vero propterea, quod universus ordo creatus ex quo ad divinas perfectiones analogice intelligendas ascendimus , nullum praebet fundamentum , nullam analogiam (revelatione non supposita) ad formandum conceptum substantiae unius absolutae subsistentis tribus relationibus ita, ut sint tres distincti unius numero essentiae; propterea, inquam, non solum rei existentia et obiectiva veritas ratione naturali est indemonstrabilis, sed neque conceptum rei velut possibilis formare possemus.

Hinc consequitur magnum discrimen in modo, quo attributa absoluta et quo, supposita etiam revelatione, concipimus personas unius essentiae invicem relativas et inter se distinctas. Deum sapientem, bonum etc. possumus concipere notionibus analogicis ex praecognitis perfectionibus creaturarum, atque ideo in modo nostri conceptus est quidem imperfectio et velut quaedam compositio divinae essentiae et eam afficientis attributi; sed hanc conceptui adhaerentem imperfectionem facile corrigimus iudicio ex principiis certis etiam lumine rationis cognitis. At quando personam divinam volumus concipere solo lumine rationis ex praecognitis perfectionibus creatis , conceptus semper erit ut personae absolutae, atque ideo ut unius non minus quam una est essentia, nec ullum suppetit principium mere rationale , quo modus hic concipiendi corrigatur iudicio *ex lumine rationis*.

Quando vero ex revelatione novimus, tres esse realiter distinctas personas unius essentiae absolutae , atque ideo personas esse relativas, sola nimirum relatione non autem aliquo absoluto distinctas , personam relativam numquam sub una sed necessario sub duplici notione tum absoluti tum relativi concipimus. Unde imperfectus hic modus con-

cipiendi sane indiget correctione per indicium, quo indicemus, ipsum absolutum esse simul relativum, h. e. ipsam essentiam realiter esse Patrem, Filium, Spiritum Sanctum. At sicut notionem *personae relativae* habemus ex sola revelatione, ita et hoc indicium non est ex principiis mere rationalibus, sed est *indiciū fidei* ex iis, quae revelatione sola nobis innotescunt.

Ex his omnibus satis constat, dogma SS. Trinitatis, ut a Deo revelatum est, esse supra rationem tum quoad veritatem existentiae (*an sit*), tum quoad ipsum analogicum conceptum (*quid sit*). Hoc autem utrumque non solum ante revelationem sed etiam supposita revelatione mysterii, ut illa in praesenti vita conceditur, verum manet, « Quoniam divinae revelationis radius ad nos pervenit secundum modum nostrum, hinc quamvis per revelationem elevemur ad aliquid cognoscendum, quod alias nobis esset ignotum, non tamen ad hoc, ut alio modo cognoscamus nisi per sensibilia » (seu generalius secundum modum nostrum). 8. Th. in Boet. lect. II. q. 2. a. 3.

THESIS XVIII.

De fallacia et periculo tentaminum ad demonstrationem mere rationalem mysterii.

« Ex demonstrata proprietate *mysterii* consequitur, in ratiocinationibus omnibus, quae velut mere philosophicae *mysterii demonstrationes* iactantur, saltem vim demonstrandi deficere, vel insuper dogma ipsum revelatum perverti et in alienum sensum detorqueri, quod vitium utrumque in recentiorum quorundam speculationibus convincitur. »

Ex iis quae in superiori thesi demonstravimus, certum est, revelatam veritatem SS. Trinitatis esse supra vim intelligendi humanam, ita ut nec cognitio veritatis. *an sit* nec conceptus rei *quid sit*, ex sola ratione et principiis rationalibus hauriri possit, sed tum *conceptus apprehensionis* tum *indiciū consensionis* innitatur revelationi Spiritus Dei, qui scrutatur profunda Dei. Hinc facile patet, quid sit consequens, si homines negato vel neglecto hoc principio methodico (si ita loqui fas est), negata nimirum emi-

nentia mysterii supra vim intelligendi, praesumant ipsi sua ratione scrutari profunda Dei. Vel id instituitur ita, ut vero conceptu rei demonstrandae ex revelatione supposito praetendatur solummodo demonstratio existentiae, vel ita ut tum conceptus rei tum veritas existentiae deducatur ex solis principiis ratione perspectis. In priori hypothesis necessario vel fundamenta demonstrationis erunt veritates revelatae et ex sola revelatione cognitae, vel consequentia erit saltem illegitima, quia nullae sunt veritates sive de Deo sive de creaturis solo lumine rationis cognoscibiles, ex quibus legitime inferatur, Deum esse unum et trinum. In altera hypothesis necessario ipsa notio Trinitatis, ut a Deo revelata est, pervertetur, quia ad conceptum personarum, quae solis relationibus inter se realiter distinctae et cum una numero essentia absoluta identificatae sint, solo lumine rationis perveniri non potest. Hoc autem inde est, quia non solum in omnibus, quae intellectu nostro percipimus, pro numero personarum seu suppositorum multiplicantur essentiae saltem numero distinctae; sed etiam quia nullum est principium rationale, ex quo multiplicationem personarum in una numero essentia ut possibilem *positive* intelligere valeamus.

Quare ea, quae praetenditur demonstratio, vel non est mere rationalis et philosophica sed demonstratio theologica ex principiis revelatis, de qua inferius dicemus; vel est demonstratio nulla; vel insuper (ut semper necessario accidit, si praesumitur demonstratio *mere rationalis*, h. e. tum quoad conceptum *quid sit*, tum quoad veritatem *an sit*) ipsum dogma revelatum pervertitur et in alienum sensum detorquetur. Hoc utrumque allatis aliquot tentaminibus recentiorum ipsis oculis subiicere utile visum est, ut quod universim constat ex doctrina et ex principiis theoreticis, exhibeatur etiam spectabilius in factis licet solum singularibus.

I. Vitium itaque minus sed ex rei natura inseparabile in huiusmodi experimentis est inanitas demonstrationis. Inde vero sequitur illud, quod ait s. Thomas: «qui probare nititur Trinitatem personarum naturali ratione, fidei dupliciter derogat. Primo quidem quantum ad dignitatem ipsius

fidei, quae est (in mysteriis proprie dictis), ut sit de invisibilibus, quae rationem humanam excedunt; unde Apostolus dicit... 1. Cor. II. 7. loquimur Dei sapientiam in mysterio, quae abscondita est. Secundo quantum ad utilitatem trahendi alios ad fidem. *Cum enim aliquis ad probandum fidem inducit rationes quae non sunt cogentes, cedit in irrisorem infidelium* n 1. q. 32. a. 1.

Sane mirum est, quomodo homines etiam assueti meditationibus metaphysicis potuerint sibi persuadere et aliis venditare pro « speculativa demonstratione » SS. Trinitatis rationes, quas induxerunt. De Raymundo Lullo legi possunt Vasquez in 1. P. disp. 33. et Suarez 1. I. c. 11. n. 7. sqq. Demonstrationem quam ipse evidentem putavit, reperit Lullus in actu Dei immanente. Deus est bonitas perfectissima. Bonitas perfectissima necessario habet internum actum vitalem perfectissimum; hoc appellat Lullus « bonificativum » in Deo. Perfectissimum « bonificativum » necessario habet terminum productum perfectissimum; hunc terminum appellat « bonificabile » in Deo. Perfectissimum « bonificativum » producit « bonificabile » modo perfectissimo; modus perfectissimus productionis est generatio; ergo « bonificativum » est Pater, « bonificabile » est Filius. Porro ubi est « bonificativum » et « bonificabile » utrumque perfectissimum, ibi necessario est perfectissimum « bonificare. » Hoc « bonificare » active sumptum debet esse actus communis « bonificativo » et « bonificabili, » et talis actus debet habere pro termino « bonificare » obiectivum seu terminativum seu procedens. Quia perfectissimum « bonificare » est « amare, » hoc procedens « bonificare » est amor procedens, i. e. Spiritus Sanctus. (Ita saltem Lullus deberet dicere ad evitandum graviolem errorem, si, ut visum est Vasquezio, « bonificare » sumeretur pro productione « bonificabilis » seu Filii, et idem bonificare simul diceretur esse Spiritus Sanctus). Sunt ergo necessario tres personae Pater, Filius, Spiritus Sanctus. Nec possunt esse plures, quia « bonificativum » infinitum non potest esse nisi unum, ideoque valet de infinito « bonificabili » et de eo, quod appellatur infinitum « bonificare. » Haec ille.

Praescindendo ab inepta phraeeologia Lulliana quisque per se sentit, quid sit de tali demonstratione indicandum. Actum divinum esse absolutam intellectionem ac dilectionem atque ipsam divinam essentiam, sub qua ratione utique nullum habet terminum intrinsecus productum ac distinctum, simulque esse intellectionem relativam qua producatur Verbum distinctum, nullatenus lumine rationis intelligi ac demonstrari potest, sed sola revelatione constat. Quod idem valet de dilectione. Si vero Lulli argumentatio non benigne modificetur et reducatur ad bos terminos, id quod ipse appellat *u* bonificativum, bonificabile et bonificare, *r* ne Trinitas quidem erit, prout nobis revelata est; adeoque incidetur in errores graviores.

Recentiori tempore (ad finem elapsi et initio huius saeculi) Marcus Mastrofinius in suo Opere de Trinitate, quod inscripsit *Metaphysicam sublimiorem*, non unam solum sed omnino tres exhibuit, quas ipse appellavit demonstrationes SS. Trinitatis totis libris III. IV. V. Prima ducitur a necessaria existentia Dei in modum sequentem. Quidquid existit, habeat oportet rationem sufficientem seu principium externum vel internum suae existentiae. Ergo in Deo ente necessario debet esse principium non externum sed internum, unde sit existentia Dei. Hoc principium existentiae debet et ipsum existere; quidquid vero existit, existit modo determinato; ergo principium existentiae in Deo habet proprium modum existendi distinctum ab omni alio, seu principium existentiae Dei est subsistens et hypostasis. Existentia promanans a principio est aliquid distinctum a suo principio, et propterea etiam eius est proprius determinatus modus existendi, seu ipsa subsistit et est hypostasis. Sunt ergo necessario duae hypostases, una principium (Pater), alia principiatum (Eilius). Porro in omni substantia et nominatim in substantia spiritali et multo magis in substantia infinite perfecta debet esse principium actionis; « unde consequens fiet, oportere etiam admitti principium quoddam actionis in ipso Deo considerato iam prout suam habet existentiam, nempe in primo illo interiore et existente principio, spectato simul cum secundo

existendi modo, qui rationem habet existentiae vel principiati relate ad primum illud principium, *n* Itaque hoc actionis principium est commune Patri et Filio. Porro actionis principium postulat sibi terminum proportionatum, ergo principium actionis infinitum postulat terminum infinitum. Hic terminus ut principiatus distinguitur a prima et secunda hypostasi tamquam a suo principio; ergo est et ipse divina hypostasis tertia procedens a prima et secunda tamquam ab uno principio, videlicet est Spiritus Sanctus. Ergo existens principium existentiae, existentia inde promanans, terminus actionis internae lumine rationis intelliguntur tres divinae hypostases. Quod erat demonstrandum. Ita l. III. Metaphysices sublimioris.

Si argumentatio haec *logice* spectetur, praeter formam artificialem nihil videtur habere simile demonstrationi. Nolo quaerere, quomodo sibi cohaereant haec, quod omnis existentia postulat principium distinctum, et quod nihilominus principium existentiae est existens sine alio sui principio distincto; et quomodo tale fundamentum sine fundamento h. e. deducens ad processum in infinitum non sit absurdum, quando agitur de ente ex intima sui ratione ac essentia necessario. Sufficit obvia rei consideratio, ut intelligatur principium existentiae et existentiam Dei ne *ratione* quidem (ratiocinata h. e. cum fundamento in re) multoque minus *realiter* distingui, sed prorsus nihil esse aliud quam divinam essentiam intrinsecus necessariam. Unde si demonstratio spectetur *theologice*, profecto principium existentiae Dei, quae non potest esse nisi existentia absoluta atque essentia, non est *Pater*; nec existentia illa est. aliquid promanans vel resultans ex alio sive re sive etiam sola ratione distincto, nec proinde est *Filius*. De *u* principio actionis *n* sufficiunt, quae iam supra diximus et demonstravimus, productionem ad intra non posse lumine rationis intelligi. Plura alia absurda in toto hoc modo demonstrationis cuique consideranti facile patebunt.

Secundae demonstrationi, ut eam auctor appellare non veretur, impenditur liber IV. Eam se deducere ait ex uquantitate vis creatricis, quam in se Deus continet; » re autem

ipsa fundamentum, cui tota argumentatio innititur, est aequivocatio, qua infinitum perfectionis absolutae seu absoluti *Esse* plenitudo (cf. Tract, de Deo Sect. III. c. 2.) invertitur ad infinitum quantitatis mathematicae. Mirae absurditatis disputatio ad hanc summam revocatur. Est in Deo potentia creandi substantiam, haec vis creatrix est *infinita*. Ulterius est in Deo potentia ad creandam seriem infinitam specierum; ergo vis creatrix non solum est simpliciter infinita sed infinities infinita, seu est *a* infinitum secundi ordinis.» Porro est potentia ad creanda in singulis speciebus individua infinita numero; ergo adhuc vis creatrix infinities infinita multiplicatur per infinitum; ergo vis creatrix est « infinitum tertii ordinis » (1). Vis creatrix est ipsa substantia Dei. Ergo « divina substantia in se est infinitum tertii ordinis. »

Non est necesse, ut persequamur aegri somnia in modo declarandi, quomodo ex hoc fundamento intelligatur Trinitas personarum, cum fundamentum ipsum sit undequaque absurdum. Neque enim absolutum *Esse* seu perfectionis absolutae plenitudo ullos admittit gradus ne consideratione quidem multoque minus re distinctos; et formalis ratio omnipotentiae est una absoluta et simplicissima essentia, quicumque sit terminus externus, ad quem referatur. Neque personae divinae sunt gradus diversi infinitatis, sed realiter sunt tum singulae tum omnes simul una ac eadem simplicissima essentia, inter se invicem distinctae non ut gradus nescio qui quantitatis, sed ut tres relativi tamquam principium et procedens a principio. Adeoque in mathematica illa declaratione Trinitatis non solum demonstratio nulla est, sed neque video quomodo integer conceptus in revelatione propositus conservari possit, si logice deducantur ex illa omnes consequentiae.

(1) Verba Mastrofinii: « ut substantia quaecumque procreetur, infinita vis requiritur. Ergo ut creatrix divina vis aestimetur, multiplicanda erit quantitas iufinities infinita per infinitum, vel quod perinde est, creatrix Dei vis est infinitum tertii ordinis. Iam si mathematicum in modum loqui velimus, creatrix ea vis erit ∞^5 seu $1 \times \infty \times \infty \times \infty \times \infty$ » l. c. n. 377.

Demonstratio tertia et postrema libro V. ducitur « ex manifestatione divinae gloriae, » Manifestatio divinae gloriae est bonum; ergo manifestatio gloriae infinita est bonum infinitum; ergo ne desit Deo infinitum bonum, necessario exstat infinita manifestatio gloriae. Infinita manifestatio non potest esse ad extra per creaturas, sed solum ad intra. Ergo in divina substantia debet esse aliquid, quod gloriam Dei perfecte manifestat. Deus quatenus eius gloria manifestatur, «est subsistens, priusquam id consideremus, quod cumulatam ipsius Dei gloriam in divina substantia manifestat. » Ergo id quod manifestat gloriam, est distinctum ab eo, cuius gloria manifestatur. Ergo id quod manifestat gloriam, est secunda divina persona distincta a prima, et a prima velut eius imago procedens. Subsistit ergo Pater, et Filius, qui est splendor gloriae Patris. Porro manifestatio gloriae requirit tertium, cui gloria manifestetur, «secus manifestatio prorsus manifestatio non esset, cum deforet, cui manifestaretur.» Tertius requiritur distinctus; nam Filius ut manifestatio gloriae « est medium ad finem, » qui finis est cognitio gloriae; medium autem distinguitur a fine, et manifestatio debet concipi ordine prior quam cognitio; «ergo Filius differre ab eo debet, per quem primario fiat huiusmodi cognitio, vel ad quam obtinendam divinae gloriae expressio dirigitur.» Tertius ergo, per quem primario est cognitio gloriae, est distinctus a Filio tamquam ab expressione gloriae, et est distinctus etiam a Patre. « Nam Filius naturali ordine praecedat eum, per quem primario fiat cognitio divinae gloriae ad amussim repraesentatae; atqui Pater Filium ipsum naturali ordine praevertitur; multo magis ergo Pater naturali ordine antecedit eum, per quem primario fiat huiusmodi cognitio. / Ergo tertius hic distinctus est tertia persona primario cognoscens manifestationem gloriae factam in secunda persona. Haec persona tertia procedit a prima et secunda; nam «tertia persona haec provenit ab exigentia ac naturali necessitate, ut insit in Deo tertius quidam, qui referatur ad agnoscendum, qualem se Pater quantumque praestiterit in subsistente gloria sua i. e. in Filio producendo, » ergo prima

et secunda persona sunt principium , « cur sit tertia persona. » Est ergo haec tertia persona Spiritus Sanctus, qui omnia scrutatur etiam profunda Dei. Haec et his gemina plura ibi 1. V.

Demonstrationis nulla est umbra; et quae de persona praesertim tertia dicuntur, theologice falsa sunt. Gloria Dei interna est ipsa infinita sibi sufficiens excellentia divinae essentiae, huius gloriae manifestatio ad intra (saltem quatenus ratione cognoscibilis est) est infinita comprehensio huius infinitae excellentiae per divinum intellectum, et in hac comprehensione infinita beatitas Dei (Tract, de Deo th. XXVIII. XXIX.). Quod per intellectum ex intima sui ratione producit Verbum, atque ita est Pater et est Verbum, figura, consubstantialis imago et splendor gloriae Patris, atque adeo recte dici potest Eilius expressio paternae gloriae, h. e. una gloria in Patre et Filio, sed a Patre per generationem communicata Filio, haec verissima quidem sunt, sed nullo modo lumine rationis cognoscibilia. Quae igitur adtuli ex auctore de prima et secunda persona, possunt quidem habere sensum sanum , sed hoc sensu ex sola revelatione cognoscuntur et creduntur, non vero ratione demonstrantur. At quidquid ab auctore dicitur de tertia persona procedente , ne desit, cui gloria Dei manifestetur ; id non solum non potest demonstrari, sed saltem supposita revelatione demonstratur esse falsum.

Postremo adhuc memorabo « speculativam cognitionem » SS. Trinitatis, quam nostra aetate Güntheriani ex principiis suae philosophiae se reperisse gloriabantur. Güntheriani universim docent, omnes veritates revelatas saltem eas, quae sunt in se necessariae, esse lumine rationis demonstrabiles, *an sint* et *quid sint* (1). Nominatim id affir-

(1) De his passim Güntherns. « Revelationis theoreticae, inquit, est tantum hypothetica necessitas; h. e. pendet haec necessitas a gradu corruptionis posterorum Adam... Aetas nostra novit, sc non a fide ad scientiam, *sed per novam scientiam ad intelligentiam obsectorum antiquae fidei pervenisse*, atque ideo non patitur, ut eius scientia in suspensionem vocetur illa antiqua criminatione , per scientiam perire meritum fidei.... Si s. Thomas interrogaret nos, ubinam locum habere possit obedientia

niant de SS. Trinitate. Terminus *a quo* progrediendum est, et ex quo repetitur «argumentum cogens,» ut ipsi aiunt, h. e. demonstratio evidens pro existentia trium personarum divinarum, ipsis est philosophice cognitus spiritus humanus. Cum haec pertineant ad ipsa principia et ad medullam ipsorum doctrinae, recurrunt eadem passim et multis declarata in eorum libris. Sic e. g. Gunther in annalibus philosophicis inscriptis Lydia 1852. p. 441.442. primo suum conceptum «speculativum» Trinitatis exponit, videlicet «processum vitae in ente absoluto (in Deo) ac manifestationem Dei ad intra ita perfici, ut *Esse* Dei tamquam principium absolutum *duplicetur*;» tum vero ulterius, inquit, «ex duobus membris oppositionis (Patre et Filio) prorumpit *Esse*, quod utrique aequale, neutri quomodocumque inaequale est» (Spiritus Sanctus). Indicatur deinde fons,

et inde meritum in tali fide excultae philosophiae, quando *non est amplius in libera potestate hominis admittere vel non admittere id, quod ex sua radice intima demonstratur necessarium*, ad hanc interrogationem responderemus, essentiam obedientiae utique requisitae ad meritum consistere in libera subiectione voluntatis propriae sub voluntatem divinam. » Inducitur ibi s. Thomas mirabundus de nova scientia exclamans: «talem fidem, talem scientiam mea aetate non inveni in Israëli. *intelligitur ratione, quod in revelatione continetur, creditur tamen factum revelationis ut factum historicum* » Giinther in Opere «Iani Capita» Γ. II. p.272-279. cf. ib. p. 334-340. In mea philosophia, porro ait, inveni, quae intelligentiam hactenus imperfectam *evolvunt ad altitudinem eam, quae destinata est filiis fidei illis verbis: vobis datum est nosse mysteria regni, ceteris autem in parabolis* » ib. p.412. Alibi scribit: postquam impugnata est scientia et philosophia (a Reformatoribus) praetextu verbi Dei revelati, et vicissim deinde revelatio impugnata a scientia, nunc «veniet tempus, quo fides et scientia filiae iam adultae unius Patris sibi amicas porrigent manus, *ut omnis veritas in coelo et in terra ab utraque affirmetur* » in Op. «Euristens et Heracles» p. 587. cf. ib. p. 251. 252. 267-269. 276-278. 283. 287. 342. 348. «Magnum munus theologiae nostrae aetatis impositum est, ut antiquam crucem intellectus (immediate sermo erat in antecedentibus de intelligentia dogmatis de Trinitate) commutent in insigne honoris pro libero spiritu, qui et ipse a Deo habet *ius et autonomiam ad inquisitionem et intelligentiam omnis veri, quod propositum sit* » Propaedeut. I. p. 122. cf. ibi p. 304. 347. 348. 393. 394. etc. «Thomas a scrupulis» p. 188. 193-197. 215-220. Lydia 1849. p. 331-333. Lyd. 1851. p. 310. » Aurora australis et borealis a p. 131-135. etc.

unde derivetur huius rei demonstratio: « *argumentum cogens* ad admittenda tria haec momenta (tres personas) in manifestatione Dei ad intra positum est in cogitatione proprii *Ego*, seu in personalitate spiritus nostri, »

Sine dubio in spiritu creato potest reperiri analogia aliqua, secundum quam supposita ac proposita revelatione intelligamus aliquatenus, quid sit nobis *credendum*. Scripturae ipsae indicant, ss. Patres, prae ceteris s. Augustinus et post ipsum s. Anselmus, Hugo et Richardus Victorini, Lombardus, s. Thomas aliique theologi omnes illustrarunt hanc analogiam. At tantum abest, ut ea possit esse medium *demonstrationis*, ut analogia ipsa non nisi ex revelatione reperiri et intelligi possit; idque supposita etiam revelatione non ad demonstrationem existentiae Trinitatis, sed solum ad efformandum aliquem paulo distinctiorem conceptum veritatis creditae. Güntheriani utrumque, *an sit* et *quid sit* Trinitas personarum, independentem a revelatione demonstrare voluerunt ex solis ideis rationalibus, et ideo in utroque lapsi sunt. Nullius valoris est eorum *» demonstratio speculativa »* existentiae Trinitatis, et in eorum conceptu Trinitatis *quid sit*, errorés sunt multo graviores. Quod ad demonstrationem spectat, in ea paene nihil est aliud quam studium clare concipiendi (ut putabant) Trinitatem personarum ad analogiam personalitatis creatae, hancque claritatem conceptus venditarunt velut demonstrationem existentiae, eo fere modo, longe tamen absurdius, quo alii conceptum entis necessarii dederunt pro demonstratione existentiae eiusdem.

«Argumentum cogens» ductum «ex cogitatione proprii *Ego* seu personalitatis spiritus nostri, » atque adeo tota demonstratio Güntheriana ad hanc summam revocatur. Creatus spiritus est imago Dei, ex imagine autem cognosci potest archetypum. Ergo ex personalitate spiritus creati potest cognosci, quae et qualis sit personalitas divina. Forma personalitatis seu id, quod substantiam formaliter constituit personam in actu, est *conscientia sui* (cogitatio proprii *Ego*). Ergo imprimis, si elementa *conscientiae sui* in spiritu creato rite intelligantur, possunt etiam

intelligi elementa *conscientiae sui* in spiritu absoluto, excludendo nimirum imperfectiones, quae consequuntur ex ratione entis finiti et applicando perfectiones secundum exigentiam ac naturam entis absoluti. Hoc ipso proinde intelligitur, quae et qualis sit personalitas divina. Hisce praestitutis ita proceditur: spiritus creatus quia non est *a se*, etiam non potest *a se* progredi ad cogitationem sui, sed solum quatenus excitatur ab alio. Propterea idem spiritus immediate solum percipit phaenomena in se, h. e. impressionem quam recipit, et actionem quam elicit; non autem potest intueri immediate ipsam suam substantiam, sed huius substantiae suae fit conscius mediate tamquam subiecti illorum phaenomenorum. Quia hoc est ex limitatione spiritus creati, haec imperfectio in spiritu absoluto neganda est. Unde spiritus absolutus, quia est *Esse a se* et propterea etiam *scientia absoluta a se et de se*, non excitatus ab alio sed a se ipso, et non phaenomena sed immediate ipsam suam substantiam reddit sibi obiectum suae intuitionis.

Haec omnia nihil continent, quod non pridem fuerit notissimum et ab omnibus veteribus theologis concessum ac traditum (si excipias illud, quod Günther putat spiritum creatum non posse exire in actum, nisi excitetur *ab alio spiritu iam sui conscio*; sed hoc axioma a traditionalistis derivatum in re praesenti argumentationem nec iuvat nec impedit, adeoque potest tuto transmitti). Iam vero audiat, quomodo ex notissima et evidenti veritate, quod Deus suam ipsam substantiam intuetur, Güntherus ingenti saltu speculativo accipiat «argumentum cogens *n* ad demonstrandum, non unam sed necessario imprimis duas personas divinas lumine rationis intelligi. Ita ille prosequitur. «Quod in *Esse* absoluto excluditur excitatio ab alio, hoc tamen non impedit, quominus ipsum *Esse* absolutum se sibi ipsi opponat, et in hac oppositione relationem ineat secum ipso. Unde consequitur, quod Deus dum se ipsum immediate in sua substantia comprehendit h. e. sui conscius fit, suum proprium *Esse* sibi ipsi opponit h. e. iterum ponit. Aliis verbis: solum eo nos possumus concipere Deum se ipsum

in sua essentia reddere obiectum immediatae intuitionis, quod se in se ipso ut substantiam realem opponit, seu per *emanationem duplicat*, n Miro liuic « argumento cogenti » addit confirmationem ex analogia: «sic etiam mens humana suam cogitationem (directam) potest reddere obiectum reflexionis non sine (nova) cogitatione, sed per secundam aequae vivam cogitationem. Hic quoque cogitatio (reflexa) de cogitatione (directa) non est solum quaedam adumbratio, sed lumen de lumine, vita de vita. »

Si clausis oculis susciperetur haec argumentatio atque adeo concederetur, lumine rationis duas demonstrari personas divinas, obvium videretur, ut prorsus eiusdem formae deductio institueretur ex voluntate, qua Deus se ipsum vult et amat, sicque demonstraretur persona tertia. Güntherus tamen in sua « speculativa theologia » videre sibi visus est, ad absolvendam in Deo *conscientiam sui* seu intellectionem suae substantiae necessario consequi et intelligi personam tertiam procedentem a prima et secunda. Unde non apparet, cur post absolutam hoc modo *conscientiam sui*, quam ipse dicit « compositam unam ex tribus momentis seu elementis » i. e. ex *conscientiis sui* singularum personarum (Propaed. II. p. 292.; 537.; Euryst. et Herae, p. 450.; Lydia 1849. p. 240.); non apparet, inquam, cur Deus hoc modo sui conscius iam volendo se ipsum seu ex phraseologia Güntheriana reddendo se ipsum obiectum volitionis, non iterum opponat se ipsum sibi ipsi; sicque non solum « triplicatam substantiam, » sed saltem quadruplicatam habebimus, et ad minimum adhuc aliam quartam personam procedentem ex tribus « speculative » intelligemus. Sed videlicet quamvis auctor praetendat, suam « speculationem » esse ex sola ratione et non ex supposita revelatione, voluit tamen tres solummodo quas revelatione novit, reperire personas, sine revelatione certissime nec duas nec tres reperturus. Interim his omissis videamus, quomodo ex divina *conscientia sui* perveniatur ad intelligendam personam tertiam.

In omni intellectione (ita docet Günther) tria sunt distincta, subiectum intelligens, obiectum intellectum, intellectio tamquam unitas seu aequatio intelligentis et intel-

lecti. Unde etiam in *intellectione sui* primum «momentum» est, quod spiritus facit se ipsum obiectum intellectionis, h. e. sibi intelligent! obiicit seu opponit se ipsum intelligendum, se intelligentem discernit a se intellecto. Secundum analogiam huius primi momenti in conscientia sui demonstratur prima et secunda persona Trinitatis modo paulo ante descripto. At per hanc oppositionem nondum est completa *conscientia sui*; ad completionem requiritur affirmatio identitatis inter subiectum intelligens et obiectum intellectum : ego sum ego. Hoc est secundum «momentum,» quo conscientia sui absolvitur. Hinc etiam in *conscientia sui*, ut est absoluti spiritus seu Dei, ad primum «momentum,» quo subiectum sibi opponit obiectum per «emanationem» et «duplicationem substantiae, » accedat oportet secundum «momentum, » quo subiectum et obiectum affirmant et exhibeant suam aequalitatem. Haec affirmatio aequalitatis (dum subiectum obiecto, et obiectum subiecto se aequale affirmat), «ponit praeter subiectum et obiectum adhuc *tertium elementum* in absoluta conscientia sui, quod aequae ac duo priora est absoluta substantia, et procedens a subiecto et obiecto exhibet aequalitatem duorum membrorum oppositionis. Sic ergo conscientia sui in Deo ut in creatura est forma essentialis, ibi absoluti, hic finiti *Esse*, eo solum discrimine pro diversa qualitate ipsius *Esse*, quod in conscientia absoluti elementa formae seu momenta actuum principii absoluti non sunt mera phaenomena (ut intellectiones creaturae), sed momenta realia h. e. *субстанции* seu *substantiae*, » Propaedeutica I. p. 104. sqq. Habes totam «demonstrationem cogentem» SS. Trinitatis ex solo lumine rationis , quae a Günthero in omnibus fere suis operibus quoad rei summam ubique eadem repetita, et ab eius discipulis approbata est ac miris laudibus commendata. (Günther Propaed. T. p. 119. sqq.; Propaed. II. p.291. sqq. 535-539. 553. sq.; Symposion Peregrini p. 149. 565; Euryst. et Heracles p.449, sq.508. sq.512. sqq.; Thomas a Scrupulis p. 177-181 ; Viae inediae in philosophia germanica p. 358. sqq.; Lydia 1849. p.245. sq.; Lyd. 1851. p. 166. sqq.; Lyd. 1852. p. 260. sq. etc.).

At vero non solum evidens demonstratio non est; sed est undequaque evidens, demonstrationem esse nullam. Iam in deductione distinctionis inter primam et secundam personam assumuntur velut certa, quae vel ratione non intelliguntur vel sunt manifesto falsa, a) Ex eo, quod *non excluditur* oppositio in Ente absoluto, h. e. quod non intelligitur repugnantia oppositionis (dicere debuisset *relationis*), absurde infertur: ergo exstat talis oppositio, b) Est oppido falsum, intuitionem qua Deus comprehendit suam essentiam, a nobis lumine rationis intelligi velut realem aliquam distinctionem. Haec comprehensio, quantum ratione intelligitur, est infinita intellectio, quae realiter est ipsa met divina substantia sine ulla distinctione reali; omnium vero minime inducitur distinctio aut multiplicatio divinae substantiae seu essentiae, quod et fide constat et ratione evidens est. Hinc c) tum fide constat esse falsum, tum ratione intelligitur absurdum, quod dicitur *uEsse* absolutum secum ipso inire relationem, et substantiam divinam per emanationem *duplicari*, n Non est oppositio siye relatio inter *Esse* absolutum seu inter essentiam et essentiam, absolutam substantiam et substantiam; haec enim est una simplicissima non multiplicabilis «summa res, quae nec generat nec generatur nec procedit,» quatenus est absoluta essentia seu substantia; eadem tamen habet rationem relativi, et sic illa una summa res «est Pater qui generat, et Filius qui gignitur, et Spiritus Sanctus qui procedit, tres simul personae et quaelibet earumdem.» Id nec nos nec Güntheriani ratione intelligimus; sed nos quaerendo notiones in ipsa revelatione, et his accommodando conceptus analogos ratione praecognitos novimus, quid sit *credendum*; illi in hoc ipso falluntur, quamdiu non vident, in revelatione distinctionem et proinde formalem rationem personae divinae, ut una distinguitur ab altera, non in absoluto aliquo sed in relativo constitui. Hoc autem cum viderint, de «demonstratione cogente» ex lumine rationis non amplius cogitabunt.

Si tota illa demonstratio *u* oppositionis inter subiectum et obiectum» fallax et falsa est, iam de rationali deduc-

tione personae tertiae seu « tertii elementi, » ut ille loquitur, sermo esse non potest, quia haec altera deductio tota fundatur in priori eamque supponit ut fundamentum necessarium. Sed supponamus distinctionem duarum personarum demonstratam, demus etiam sine examine, quod auctor dicit de «secundo momento in conscientia sui, «atque ita inspiciamus deductionem tertiae personae in se. Quid est illa «affirmatio seu obiectiva exhibitio aequalitatis, « quam etiam appellat «aequipositionem duorum membrorum oppositorum?» Aequalitas continetur in distinctione personarum, et numerica unitate essentiae seu naturae; adeoque si illa «affirmatio aequalitatis» seu equipositio duarum personarum sumitur sensu genetico seu activo reali, equipositio nihil est aliud quam generatio Filii per communicationem unius eiusdemque naturae, non autem productio personae tertiae. Si «affirmatio» illa sumitur sensu ideali pro intellectione aequalitatis iam positae; haec est absoluta intellectio, seu divina essentia una in duabus distinctis personis intelligens aequalitatem, nullatenus vero concipi potest ut productio tertiae alicuius personae.

Günther ait: «in oppositione qua tali nondum continetur perfecta identitas, quia emanatio posset esse solum partialis h. e. non necessario est totalis; et ideo oppositio adhuc remanet exhibenda seu affirmanda tamquam equipositio, hoc autem unice eo perficitur, quod ambo factores per emanationem ponunt productum, in quo unusquisque eorum se totum iterum reperit, neuter in eo producendo alteri postponitur» (Propaed. II. 536.); et «Spiritus Sanctus eatenus est obiectiva testificatio generationis paternae (ut emanationis totalis), quatenus oppositio inter Patrem et Filium fit in Spiritu Sancto obiectiva realis equipositio» (Thom. a Scrup. p. 177.). At haec sunt verba inania et absurda. De quam quaeso oppositione et emanatione sermo est, ubi de personis divinis agitur? Filius a Deo Patre non potest procedere nisi per communicationem totius essentiae; neque enim aut produci aut dividi potest divina essentia. Unde relatio oppositionis, quod alius est Pater generans et alius Filius genitus non tamen aliud, includit

consubstantialitatem et perfectissimam aequalitatem ; nec nisi absurdissime dici potest, per generationem nondum constitui aequalitatem seu (ut Günther loquitur) equipositionem, sed in relatione oppositionis exurgentis ex generatione divina esse adhuc inaequalitatem, quae supplenda sit et ad aequalitatem provehenda per productionem tertiae personae (1). Et talia commenta venditantur velut veritates perspectae atque «cogentibus argumentis» demonstratae! Consubstantialitas seu essentialis aequalitas Patris ac Filii non consequitur demum per processionem Spiritus Sancti, sed ordine inverso ex consubstantialitate Filii cum Patre consequitur, quod si tertia persona procedat a Patre, eadem etiam procedat a Filio, non *ut inducatur* aequalitas, sed *quia est aequalis* Filius Patri, h. e. quia generatione

(1) Immo neque per productionem Spiritus Sancti Günthero visa est oppositio adhuc satis reducta esse ad aequalitatem inter « membra oppositionis. » Docet ipse inter alios errores etiam hunc, quo dicitur creatio sicut processio personarum « fundari in ipsa natura absoluti, et utraque habere unam ac eandem intrinsecam necessitatem, eo solum discrimine, quod creatio praesupponit emanationem (processionem personarum), non vice versa haec illam. » Lyd. 1852. p. 260. sq. et saepius alibi. Iam hanc necessitatem creandi Deo intrinsecam non semper eodem modo explicuit. Una ex eius declarationibus haec est. Filius non generat sicut Pater, et Spiritus Sanctus nullam aliam producit personam; ad hanc inaequalitatem inter personas in manifestatione ad intra exaequandam necessaria est creatio : « creatio exaequat inaequalitates in emanatione, quia per creationem pro singulis coefficientibus divinae Triadis (i. e. pro personis) aequalis scientia de suo *Esse* absoluto inducitur. - Putares, ergo saltem operationem *ad extra* esse communem tribus personis. Atue id quidem admittitur. Cum enim tres personae non sint una numero substantia sed substantiae tres, operatio unius abunde sufficit nec aliis personis potest esse locus in una eademque operatione. Quaenam ergo persona creatrix est? Respondet Günther: quia « ille defectus paternitatis in Filio, est primum momentum negativum, » propterea solus Filius creat ad tollendam illam negationem, et sic per creationem inducitur in Deo conscientia aequalitatis inter tres personas. Thomas a Scrupulis p. 177-181.; Viae mediae in philosophia p. 358-362. Quot et quanti sint hic errores, Catechismus docet. Sed quoniam nunc adhuc loquimur de vi demonstrationis rationalis, quae iactatur, adverte haec commenta, quae et ex revelatione et ex ratione sunt evidenter absurda, induci velut probationes philosophicas mysterii SS. Trinitatis !!

accipit omnia quae sunt Patris (sola excepta formali ratione Paternitatis).

Sicut igitur iam ipsum fundamentum, rationalis inquam demonstratio generationis Filii a Patre non sibi constat, ita haec altera demonstratio processioneis tertiae personae etiam per se spectata prorsus nulla est. Quis iam vero coram spectans hanc «theologiam speculativam,» quae principium ss. Patrum et theologorum : « credo ut intelligam,» «fides quaerit intellectum,» voluit convertere in oppositum: « intelligo veritatem, ut credam factum historicum revelationis» (Lydia 1852. p. 348-350.; Iani Capita P. II. p. 272-279.), quis inquam experimento ipso doctus non sentiat veritatem illius sententiae s. Thomae : « qui probare nititur Trinitatem naturali ratione, fidei derogat.... Cum enim aliquis ad probandum fidem inducit rationes, quae non sunt cogentes (multo magis, si absurdae dantur velut cogentes), cedit in irrisionem infidelium» 1. q. 32. a. 1.

II. Altera fidei derogatio initio a nobis commemorata etiam gravior est, quod, si ipse rei conceptus constituitur solo lumine rationis independenter a revelatione, veritas ipsa et genuinus sensus dogmatis necessario pervertitur, quia conceptus ipse personarum, quae sint tres relativi subsistentes inter se distincti simulque tum singulae tum omnes una absoluta essentia, *superrationalis* est nec nisi ex revelatione derivari potest. Hinc vidimus, in omnibus tentaminibus demonstrationis recessum a genuino sensu dogmatis esse in ratione directa cum abstractione a positiva revelatione; eo enim magis deflectitur a vero conceptu, quo strictius servatur quod praetenditur, independentia scilicet demonstrationis a positiva revelatione. Haec independentia infausta maior est penes Güntherum quam penes reliquos, de quibus egimus; ideo etiam eius conceptus seu explicatio, quid sit Trinitas, pari gradu est a veritate remotior.

1°. Affirmat ille, personam divinam, quatenus formaliter personae sunt distinctae, non ut relativum sed ut absolutum concipiendam esse. Hinc docet, « unitatem divinae naturae *nullatenus intelligendam esse sensu numerico reali*, sed tantummodo sensu formali, h. e. tamquam *trium prin-*

cipiorum realium absolutam relationem ad invicem » Propaed. II. 298. Sane enim qui personam in Deo sicut in creatis statuit esse absolutum, admittendo tres distinctas personas admittit « tria principia absoluta » (1. c. 299.). Pariter qui conceptu partim falso partim inadaequato (vid. Tract. de Incarnat.) statuit, formam qua substantia integra singularis constituitur persona, esse « conscientiam sui » ita, ut, quot sint personae, totidem inducantur distinctae substantiae absolutae, et distinctae « sui conscientiae » (seu intelligentiae et voluntates); is admittendo tres personas divinas hoc ipso admittit tres substantias absolutas, et in singulis distinctum intellectum ac voluntatem distinctam. Trium autem huiusmodi « principiorum realium, » exclusa numerica unitate naturae, affirmatur *unitas formalis*, quatenus per formam personalitatis h. e. per sui conscientiam singulae personae ad invicem referantur. Per hanc deinde mutuum relationem dicitur « ex tribus sui conscientiis tamquam singulis momentis componi una absoluta conscientia sui » (Propaed. II. 292.; Lyd. 1849. p. 240), atque singulae personae divinae dicuntur « singula momenta unius personalitatis absolutae » (Propaed. II. 537). Habes, quid sit atrium principiorum realium absoluta relatio ad invicem, » et quid inde exsurgens « unitas formalis » opposita « numericae reali unitati » naturae divinae.

Talem unitatis conceptum esse falsissimum, probatum est in tota nostra tractatione ex documentis revelationis; Günther vero post exortum lumen « theologiae speculativae » profitetur, eum sibi esse charissimum. « In memoriam revocetur, inquit, locus ex systemate theologico Leibnitii: *sunt ergo tres substantiae singulares, relatio una absoluta quae illas complectitur*. Hic locus, si olim in eum incidissem, fateor, mihi difficultatem creasset; nunc autem mihi est charissimus et acceptissimus, quia illustrat locum aliquem Augustini de Trin. VII. c. 4., ubi quaerit, cur non dicamus tres Deos sicut dicimus tres personas divinas, et causam reperit in paedagogica ratione Ecclesiae, quae hunc loquendi usum necessitate compulsa induxerit et retineat » Propaed. I. p. 119.

Sane si is esset conceptus Trinitatis, quod sunt tres substantiae divinae, quarum unitas consistit, in relatione mutua, non apparet ratio, cur non aequae tres Dii ac tres tales personae dicantur. At secundum doctrinam revelatam conceptus est plane inversus: relationes divinae sunt tota ratio distinctionis non vero unitatis; unitas personarum est in ipsa una et realiter singulari substantia absoluta: adeoque quod Günther dicit distinctum, est omnino unum singulare; in quo autem ipse collocat unitatem, in eo ipso constituta est realis distinctio.

Si Leibnitius dixisset quod adfertur, errasset ante Güntherum, re tamen vera numquam illud dixit (1) nec etiam sine insania potuit dicere; secundum usum enim loquendi veterum theologorum, quo Leibnitius utitur nominatim in « systemate theologico, » *relatio absoluta* esset contradictio in adiecto.

Ad Augustinum quod spectat, nihil potest dici magis falsum et contrarium sensui s. Doctoris, quam quod censuerit, ut Günther indicat, per se et ex propria rei veritate posse dici *tres Deos*, nisi usus obstaret ex ratione paedagogica et externa inductus ac retentus. Imo in loco illo, qui ut intelligatur totus legendus est Trin. 1. VII. n. 7. usque ad 12. (in quo numero 12. continetur vera difficultatis solutio), diserte docet, esse omnino unum, quod in Deo absolutum est, et ideo nullo modo esse aut dici posse tres Deos vel tres essentias, sed unum Deum qui est Pater et Filius et Spiritus Sanctus. Unde consequitur et ab Augustino docetur, hos tres esse inter se distinctos, non quatenus sunt unum absolutum et unus Deus, sed quatenus sunt relativi.

Tota difficultas Augustino est tantummodo de nomine *persona* et *hypostasis*. Ultima vero solutio huc redit: si nomen *persona* sumeretur ut in creaturis tamquam absolutum, non posset in divinis pluraliter dici; sed necessitate quadam, ut in promptu esset nomen unum commune, quo

(1) Verba Leibnitii (System, theol. p. 13. cd. La Croix) sunt longe diversa: « Sunt ergo *tres substantiae relativae; una absoluta*, quae illas complectitur. »

tres distincti cognominarentur, Latini *personam*, Graeci *hypostasin* adhibuerunt ad designandum id, quod in Deo relativum est; et sic Pater, Filius, Spiritus Sanctus dicuntur tres personae aut hypostases (1).

2'. Quia a Günthero naturae divinae unitas numerica realis simul cum Trinitate personarum non cognoscebatur nec ex conceptu mere rationali potuit cognosci, hinc ultra illam mutuam relationem trium substantiarum absolutarum ad invicem, de qua dictum est, non aliud potuit admittere fundamentum unitatis, quam identitatem rationis et aequalitatem in tribus essentiis distinctis, quae tandem est *unitas specifica*. Hanc Günther appellat *identitatem essentiae*, eamque opponit unitati, affirmans *identitatem* et diserte negans *unitatem*, (numericam) essentiae. Ait enim, affirmandam esse trium personarum *uparilitatem non unitatem* in essentia seu in *Esse* divino (Einerleiheit, Identität nicht Einheit, in dem Wesen, Sein) *n* Propaed. 11.537.

Huic sensui absurde accommodantur verba Praefationis liturgicae: *u* non in unius singularitate personae sed in unius Trinitate substantiae, *n* ubi auctore Günthero *αvox unius* secundo loco non eodem sensu accipienda est sicut priori loco, sed euphoniae causa dicitur *unius substantiae* pro *eiusdem substantiae*; nam hic *de ternaria seu triplicata substantia sermo est* *n* ib. p. 539. Commentarium addit Güntheri discipulus Dr Knoodt (in editis epistolis T. I. p. 145): *u* in Praefatione non dicitur in unius singularitate substantiae, sed in unius Trinitate substantiae, quibus verbis *singularitas essentiae negatur, quia Trinitas et proinde pluralitas (substantiae) affirmatur. r* At quando substantia non sumitur pro persona sed pro substantia absoluta, quemadmodum in liturgica hac professione fidei opponitur substantia personis et *non una persona sed una substantia* praedicatur, ex fide catholica certissimum est, divinam sub-

(1) Si Günthero credimus, ex revelatione minime constat, qualis sit unitas Dei: « in novo Testamento Deus se revelavit ut unum in tribus personis, quin simul declaraverit, utrum ea unitas sensu formali an reali, et hic iterum utrum mathematice an dynamice intelligenda sit » Propaed. II. 390.

stantiam esse unam singularem non multiplicabilem (vid. th. I. VII. IX. X.); adeoque in ipsa hac oppositione omnino evidens est, eodem sensu nuinerico reali quo negatur unitas personae, affirmari unitatem substantiae. Proinde nomen Trinitas non numerat substantias, ut Güntheriani putarunt, sed personas. Unus Deus, unus Dominus non in singularitate unius personae sed in Trinitate unius substantiae, idem est ac si dicatur: unus Deus est non sensu Sabelliano, quod una sola sit persona; nec sensu Ariano, quod solus Pater sit Deus supremus, Filius et Spiritus Sanctus sint substantiae inferiores; nec sensu tritheitarum, quod sicut non una persona ita nec una substantia sed tres sint pares substantiae; verum ad has omnes haereses excludendas praedicatur *a unus Deus* non in singularitate unius personae, sed *in Trinitate personarum, quae sunt unius substantiae.* »

Quae adtulimus satis sunt, ut intelligatur, quod Summus Pontifex Pius IX. declaravit in litteris ad Card. de Geissel Archiepiscopum Coloniensem (15. Iunii 1857.): « noscimus in iisdem libris (Güntherianis) non pauca legi, quae a catholica fide sinceraque explicatione de unitate divinae substantiae in tribus distinctis sempiternisque personis non minimum aberrant » (Acta Pii IX. P. I. T. II. p. 587). Simul vero ex dictis omnibus ob oculos sistitur id, quod in tota hac expositione potissimum spectavimus, nimirum sinceritatem ipsius dogmatis conservari non posse, si negatâ superrationalitate ei intestina, suscipiatur conformatio conceptus et demonstratio veritatis ex solis notionibus et principiis rationis independenter a revelatione. Atque in^{te} ulterius elucet, cur tanti sit momenti, ut indoles mysteriorum superrationalis a philosophis christianis et a theologis sincere et practice agnoscatur.

Scholion. Quaeri solet de Platone et Platoniceis, utrum illi aliquam, et qualem et unde Trinitatis speciem in sua philosophia assecuti sint. At in primis hic distinguatur oportet doctrina Platonis ipsius a posteriorum Platoniceorum commentariis; pariterque in diiudicanda doctrina ipsius Platonis seponemus libros a Neoplatonicis ei suppositos vel

saltem suspectos, cuiusmodi a recentioribus criticis communiter censentur epistolae Platonis nominatim 2*. ad Dionysium et 6*. ad Coriscum.

Iam ad ipsum magistratum quod spectat, interpretatio eius theologiae pendet ab interpretatione doctrinae de ideis. Sententia autem eius de ideis et hoc ipso de Deo, in multis forte ipsimet Platoni non clara, certe aliis omnibus hominibus doctis quam obscura sit et semper fuerit, constare potest vel ex sola ingenti diversitate interpretationum tum penes antiquos sive Peripateticos sive Platoniceos ipsos, tum penes commentatores recentiores usque ad hanc nostram aetatem. Quae in Platone ad rem praesentem pertinent, haec fere sunt. Incommutabilis quaevis veritas, quae est obiectum intellectus, appellatur et est *idea* vel *essentia intelligibilis* (*idea*, νοῦς, ἡ οὐσία) in oppositione ad res existentes sensibiles, mutabiles, et etiam ad ipsas animas ac mentes mutabiles. Quare tum sensibilibus omnium seu materialium tum spiritualium substantiarum quae hoc universo continentur, suae sunt ideae et essentiae intelligibiles. Totus complexus idearum seu totus ordo metaphysicus essentiarum est id, quod appellatur *mundus intelligibilis* (ν.ο.ο.πο νοῦτο) in oppositione ad hunc mundum concretum, qui est mundus sensibilis (κοσμοῦ ο.α.α.τ.ζ.ε.τ. In ordine illo metaphysico veritatum ac mundo intelligibili est utique mutuus nexus, harmonia et unitas, qua constituitur summa quaedam pulchritudo ac bonitas. Essentiae intelligibiles ac ideae quo sunt universaliores et superiores, eo plures ordines idearum inferiorum sub se complectuntur et ad unitatem coniungunt. Sicut iam in hoc mundo sensibili solae mentes sunt quae intelligunt et comprehendunt ideas, ita in mundo intelligibili mens ipsa (ο νοῦς), cuius mentes in mundo sensibili sunt participationes, complectitur omnes ideas easque in se unit, atque ideo mens illa est fastigium totius mundi intelligibilis, pater et causa omnium idearum. Attamen mente ipsa adhuc superior et omnium suprema est *idea boni* (ἡ ἀγαθὸν ἀγαθόν, ζῆλας), in qua et idea mentis et proinde aliae omnes comprehenduntur. *Bonum* est Deus, est Deus etiam *mens*, est Deus etiam *mundus intelligibilis*.

Porro ad mundum sensibilem quod spectat, in illo ipso oportet distinguere id, quod est mente intelligibile, et quod est materia. Intelligibilia omnia sunt ideae et essentiae intelligibiles ac incommutabiles. His omnibus abstractis remanet principium mutabilitatis, quod nec formam habet nec qualitatem nec in se intelligibile est, hocque appellatur materia (ἀρχοφον και αποιον). Ergo accedentibus ideis et iunctis cum materia oritur hic mundus sensibilis. Ergo hic mundus tum in complexu spectatus, ut comprehendit omnia singularia, est participatio et imago expressa mundi intelligibilis, tum singularia omnia sunt participatio specialium idearum seu essentiarum; singuli homines e. g. sunt participatio hominis idealis, qui est *c ἀνθρωπο*. Unde mundus sensibilis quoque Deus est et filius Dei et unigenitus (*iv.yc'jaç*, μονογενή).

Tota haec theoria Platonica sine dubio satis est anceps et obscura, ut multiplices admittat interpretationes; clarissime tamen apparet, eam nihil prorsus habere commune cum doctrina revelationis christianae de SS. Trinitate. Recentiores plures eruditi etiam apprime catholici propendent ad interpretationem in sensu pantheistico. Elementa multa pantheismi subesse, negari vix potest; neque tamen ideo concedendum est, Platoni *Bonum* et *Mentem* sicut totum *mundum intelligibilem* fuisse ideas mere abstractas, quae extra mundum sensibilem nullam habeant concretam consistentium et existentiam actuale. Quod si *Bonum* supremum intelligatur sensu theistico (in oppositione ad pantheismum) Deus, spiritus substantialis intelligens ac volens, quem sensum etiam ss. Patres, quoties Platonis meminerunt, admisisse videntur; tum duplici adhuc vel triplici interpretationi locus manet.

Potest enim primo mens suprema (3 νοῦ) intelligi mens divina, ita ut *Bonum* sine reali distinctione sit attributum Dei, et rerum ideae intelligantur ideae in mente divina, atque idcirco sola sit distinctio rationis et considerationis circa unum Deum supremam causam exemplarem et efficientem et finalem, quo sensu Patres plerique et prae ceteris vulgatus Dionysius Platonem interpretati sunt vel

correxerunt. Hoc sensu admissio sane nullum est vestigium distinctionis personarum, nisi quod supposita et cognita iam revelatione possit quis a consideratione mentis divinae progredi ad aliquam analogam illustrationem Verbi paterni, prout ex revelatione cognoscitur, eo modo quo superius iam diximus th. XVII. et distinctius dicemus infra in thesi XXVII.

Hoc perinde adhuc valet, etiamsi iuxta Aristotelis explicationem sive veram sive falsam supponatur, ideas seu rerum essentias ideales ac universales a Platone habitas fuisse velut extra mentem Dei per se consistentia rerum exemplaria, dummodo *Bonum* et *Mens* (τάγαζω v.ai c nov) non realiter sed sola consideratione distinguantur.

Altera sensus Platonici interpretatio potest esse, in qua sicut ideae generatim supponantur per se consistentes, ita *Mens* velut idea suprema assumatur per se consistens et a *Bono* seu a Deo supremo, distincta. Si hic verus est sensus Platonis, sine ullo dubio habuit Bonum et Mentem velut duas essentias, unam supremam et alteram inferiorem, eritque eius doctrina paradigma erroris Ariani, ut aliqui Patres indicarunt. Cf. Cyrill. AI. contr. Iui. 1.1. p. 34. T. VI. Sed sic multo magis distaret a veritate revelata de distinctione personarum in una et indistincta essentia. Revera si Plato habuit rerum essentias ideales tamquam totidem exemplaria objective realia et per se consistentia, vix potest dubitari, quin eadem ratione posuerit supremam *mentem idealem*, sicque illa, quam diximus, prodibit essentiarum distinctio. Haec autem profecto non est rationalis cognitio aliqua Trinitatis vel saltem dualitatis personarum, ut in dogmate christiano revelatae sunt, sed esset ex erroneo principio deductus novus error.

S. Thomas 1. q. 32. a. 1. ad 1. inter alterutram interpretationem vel monotheisticam vel Arianam relinquit optionem, Maranus (Praefat. ad Opp. s. Iustini P. II. c. 1.) cum multis recentioribus priori sensu, Petavius (de Trin. 1. I. c. 1.) cum aliis sensu altero intellexerunt. Re tamen vera hi posteriores in suo iudicio magis Platoniorum commentaria quam ipsius Platonis doctrinam prae oculis habuerunt.

Si dimisso Platone spectemus doctrinam Neoplatonicam Philonis Iudaei et ceterorum, qui dici solent Neoplatonici, illi suam philosophiam de Deo rebusque divinis non iam solo ductu ac lumine rationis constituebant. De Philone res est compertissima, fundamentum speculationis philosophicae ei semper esse res et facta et doctrinam, ut in Scripturis veteris Testamenti prostant. In distinctione, de qua agimus, Philo ob oculos habuit theophanias, doctrinam de Angelo Domini, de Filio Dei genito, de genita Sapientia (vid. th. VI.); atque haec sunt, ex quibus ille ad intelligendum *τον ἱογcv* seu procedentem a Deo rationem tamquam personam distinctam pervenit, si tamen eo pervenit. Ille qui apparuit Abrahamo, Agari, Iacobo, Moysi in rubo, populo Israel in Sina, in nube etc., Philoni est *ὁ Ζεῖο* *ἰ. cyc.*. Vocatur idem Archangelus, Angelus summus, interpret et minister Dei, summus sacerdos in hoc universo, primogenitus Dei, imago Dei, alter Deus, medius inter Deum ingenum et creaturas (1), idea idearum, locus mundi intelligibilis, idea archetypa etc.

Ex omnibus Philonis theoriis illud est clarissimum, quod distinctionem inter Deum cuius est Verbum, et inter Verbum in Scripturis quidem reperit, sed eius rationem ac modum ex principiis philosophiae graecae et maxime ex ideis Platonicis explicare instituens theologiam conformavit, quae Gnosticis et deinde Arianis paradigma esse poterat ad sua φιλοσοφούμενα. Videtur sane validis probatum argumentis sequens iudicium Grossmanni in suis *„Questionibus Philoneis“* (Lipsiae 1829.). *„Esse θεῖον Ζεῖο Philonis naturam non corpoream, et a Deo diversam quamquam proximam, sed eandem tamen Deo inferiorem, a Deo progeneratam et a Deo dependentem, quae quum earum rerum, quas τα ακόλουθα καὶ μετὰ θεόν Philo appellare solet, principatum obtineat, inter Deum utpote mentem rerum univer-*

(1) Τω 5: ἀργα, γγ'). *„καὶ τῆς ἰσχυρίας τοῦ Κόσμου δὲ εἰς τὸν ἰσχυρὸν ἰτα ἀλλὰ γτ/ησα ττατηρ, ἵνα ἡ σοφία στα το ὑσνο/ζῆνον διαχῆται τοῦ ππ-ττοιηζοτο ... Πασχών (ὁ λόγος) ζαγω «ιστηζέιν ἀνα ἡς<707 xj g v καὶ ορών, οτ/τι ἀγοχητο ὡ ο 0» ο ὡν οτ/τι γινητο ὡ ἰα.% ἀλλὰ μίσο των ἀχρων «x/zCoTέcoG ομ^υων. 1. Quis rer. divin, heres, p. 509 ed. Hoeschel. 1691.*

sitatis (τον των όλων νουν causaliter) et mundum medium quemdam locum occupet, perinde ut in hominis του βραχέο χοσρου natura individua λογο inter νουν et αίσθησιν interpositus est, hoc plenissime constare arbitror. Sed quemadmodum ipsa Philonis theologia diversis ex elementis conflata est, ita τεu θειου λογβυ quam notionem exhibuit, illa pro auctorum quos sequitur varietate, varios subinde colores duxit.» (1) In libris enim divinis sese offerebat doctrina de Angelo Domini; in Philosophia Platonis idea idearum, rerum omnium exemplar; in sententia Stoicorum anima mundi κοινο λογο c λα πάντων ερχόμενó (quamquam haec duo corrigere et ad sensum sanum reducere potuisset ex ipsis libris divinis, si fidem traditam Iudaeus sequi maluisset quam consecrari interpretamenta ex Academia et Porticu); denique ex Cabbalae Iudaeorum decretis λογο ei videbatur «princeps trium illarum aut septem aut decem Sephirarum (συναμεων) (2),

(1) Vide etiam Drem Lichtenstein in Fol. theol. trimestr. Tubing. 1843. p. 386. sqq.

(2) Theosophia Cabbalae i. e. traditionis occulta, quam inde a Moyse vel etiam ab Abraham aut omnino a Noe et origine prima ab Adamo derivatam fabulantur, ab aliis aliter indicatur. Nonnulli, ut cl. Paulus Drach vir non minus fide catholica ac pietate quam eruditione praesertim in rebus rabbinicis insignis, reperiunt in Cabbala pleraque mysteria Christiana et nominatim mysterium SS. Trinitatis; aliis videtur tota illa sapientia omnino afiinis doctrinae Philonis, Neoplatonicorum, Gnosticorum; permixtio videlicet quaedam philosophiae Indicae, Persicae, tum Alexandrinae cum veritatibus revelatis, in quo negotio textus Scripturae non tam fundamentum quam occasionem praebeant ad philosophicas speculationes ex principiis et fontibus alienis. Interpretatione probabili inxta Cabbalam primum est *infinis* absconditum (φB pN). Eius velut attributa distincta, quibus se manifestat et in quibus tamquam in speculo est cognoscibile, sunt decem emanationes, quae vocantur *Sephiroth* (DÎTOD numerationes), secundum triplicem ordinem *intellectualem*, *moralem*, et *physicum*. Tres primae emanationes sunt: *Corona* (ΓΟ principium primum manifestationis, *Esse simplex*); ex *Corona* prodeunt et in ea comprehensae sunt *Sapientia* et *Intelli-*
</i>ησ(ΠΟ0Π et nD,'2)«Iis gemina Gnosticorum (SvSo; et σιγή, ex quibus procedunt ó vow; et αληθιῖα. Ex illis tribus prodeunt aliae septem Sephiroth: in classe secunda *Gratia* et *lustitia* (ΠΟΠ et aliter etiam *Magnitudo* et *Fortitudo* ΓΟΠ3 et ÎTl^Ûà); harum unitas est *Pul-*

quas perpetuo flumine ex Deo emanare Deoque in rerum omnium sive creatione sive administratione inservire, faina erat» Grossman 1. c. p. 68.

Neoplatonici ab ineunte saeculo III. usque ad VI, sibi succedebant Numeniua , Pythagoreus dictus a veteribus, Ammonias Saccas qui Neoplatonicae huius scholae auctor haberi solet, Plotinus, Porphyrians, Amelins, Iamblichus, Aedesius, Maximus Ephesius, Iulianus Apostata, Proclus, Isidorus Gazaeus , Damascius , sub quibus postremis philosophorum scholae religioni christianae adversantes tandem per edictum Iustiniani anno 529 proscriptae sunt. Iam vero his omnibus Platonicis non modo Philonis meletemata sed Christianorum Scripturae et doctrina perspectae erant, aliqui eorum etiam fuerant Christiani , ut de ipso Animonio traditum est. Nullum itaque dubium , quin ex doctrina Christiana aliqua plus minusve detorta in suam philosophiam eclecticam susceperint. Unde nihil mirandum, si penes istos de processione Verbi non nihil occurrat paulo magis affine doctrinae christianae, quam apud ipsum Pla-

chritudo (ΠΙΝ2Μ); tnm in tertia classe *Victoria* et *Gloria* (ni'3 ct Π*1Π) et *Fundamentum* rerum omnium ("'] '>), et postremo horum trium harmonia est *Regnum* (ΠΙ3^Ο, ætiam nUOvi). Complexus istorum omnium constituit intelligibilem *mundum emanationis* apud Gnosticos ιτλτ^ιψα). Mundo emanationis velut exemplari supremo respondent in diversis gradibus tres mundi inferiores , *mundus creationis* mentium purarum (ΠΝ"ΙΞ); *mundus formationis* angelorum ministrantium et hominum (n'T,ù"!); *mundus fabricationis* seu materialis (i"pyV).

Non miror, haec a pseudo-mysticis et nostra aetate a Pantheistis in suum usum converti; sed omnino mirandum, quomodo aliqui catholici SS. Trinitatem fidei christianae reperire voluerint in tribus Sephiroth Kether, Tiphereth et Schechina, quae vocantur *columna medietatis*, eo quod sint fundamentales, in quibus reliquae emanationes trium classium (ordinis intellectualis, moralis, physici) contineantur et uniantur. Neque video, cur alii (licet minus absurde) in tribus primis Sephiroth supponant tres designari divinas personas; cum potius haec omnia ad emanationes Gnosticas pertinere, et cognata esse videantur genealogiis ac Iudaicis fabulis, * quas Paulus Apostolus devitandas esse monet Coloss. II. 18. sq.; 1. Tim. I. 4-7.; IV. 7.; VI. 20. 21.; Tit. I. 14.; III. 9.

tonem. Sane rem etiam Patres adverterunt. Sic Theodoretus, ubi a Plutarcho, Numenio, Plotino, Amelio « qui scholae Porphyrii princeps fuit, » et « ab aliis eiusdem sectae » nonnulla analogia dogmati christiano dicta commemorat, declarationem addit: « hi namque cum post adventum Redemptoris nostri exstiterint, multa christianae theologiae suis sermonibus commiscuerunt » (Theodoret. de graec. affect, curat. Serm. II. T. IV. p. 500.).

Ceterum Patres agentes cum gentilibus quadam oeconomica disputandi ratione et velut ad hominem arguendo libenter assumebant ea, quae sive apud Platonem sive apud Platonicos de Mente et de Verbo secundum aliquam similitudinem cum dogmate revelato dicta reperiuntur. Tum vero duo monent, a) integram veritatem apud Christianos reperiri, quia a Deo ipso edocti sunt; apud philosophos vero esse particulam aliquam veritatis commixtam multis erroribus. b) Facto discrimine inter ea quae per se sunt rationi pervia, et inter veritates superrationales, de his secundis concedunt quidem modo, quo diximus, non nihil reperiri indicatum penes Platonicos et Platonem ipsum, cuius tamen doctrinam Patres IV. et V. saeculi fere ex Neoplatonicorum commentariis aestimare solent; simul vero hanc qualemcumque notitiam haustam esse affirmant ex revelatione, quae ab Hebraeis ad Aegyptios, atque inde ad Pythagoram et Platonem pervenerit, ita ut quod in eorum libris est veritatis circa huiusmodi mysteria, sit ad revelationem tamquam ad fontem revocandum, admixti vero errores sint ipsorum philosophorum. Cf. Iustin. Cohortat, ad Graec. p. 8-13. 29; Clem. Alex. Strom. VI. p. 768. (ed. Potter); Euseb. Praep. Evang. 1. XI. p. 557. et passim; Theodoret. de affect, graec. curat. Serm. II. p. 498. 505; Cyrill. Alex, contr. Iulian. 1.1. T. VI. p. 35. et alibi; Augustin. Doctr. Christ. 1. II. n. 43. (cf. Civ. Dei 1. VIII. c. 11. et alibi). Quae Augustinus Confess. VII. n. 13. sqq. celebrat de Verbo, non ad Platonem sed ad Platonicos referuntur; dictis Augustini conferenda, quae de Amelio Plotini vel Porphyrii discipulo habet Theodoretus 1. c. p. 500.

Multum tribuunt vetusti illi scriptores ecclesiastici

sententiae Numenii Pythagorici (saec. III. ineunte): *τι γὰρ ἐστὶ Πλάτων ἢ Μωϋσῆ ἀπικιζων*. Theodoretus gentilibus loquens de Trinitate: *a* haec, inquit, exacte percipi nequeunt nisi ab eo, qui in sacris litteris versatus fuerit, scientiaeque lumen a divina gratia acceperit. Qui theologiae veteris et novi Testamenti concordiam viderit.... Platonis et Platoni similia ea, quae illi e divinis surripuerunt Scripturis, deprehendet et laudabit; quae vero falsa admiscuerunt, abradet et velut sordes respuet. Furtorumque latibulis deprehensis, Pythagorico Nuraenio credet dicenti: quid enim aliud est Plato quam Atticus quidam Moyses? His enim verbis aperte ostendit Numenius, quaecumque pie Plato dixit, e Moysis illum theologia surripuisse... Ita vos decet Anaxagorae et Pythagorae et Platonis atque deinceps Numenii et Plutarchi et Plotini ceterorumque auditis sermonibus, fontem perquirere, ex quo illi pauca quaedam divinorum fluentium haurientes libros suos exornarunt, atque horum neglecta paupertate abyssum complecti sapientiae» Theodoret. l. c. p.505. cf. Euseb. Praepar. Ev. l. XI. p. 527.

Ex omnibus dictis certum omnino est, Platonis doctrinam de ideis et de mente divina nihil pertinere ad mysterium Dei, qui sit unus essentia et trinus personis. Si quae vero de distinctione personarum apud Philonem et post Evangelium longe lateque iam propagatum apud Neoplatonicos occurrunt (1), ea ex revelatione ad hos philosophos

(1) Nihil dicendum est de Mercurio Trismegisto, nec magis ad rem pertinent oracula Sibyllina. Tum enim *Ἰσοκρίτης*; sub Mercurii seu Hermiae nomine, quem sacerdotem Aegyptium Moyse antiquiorem et Abrahae aequalem faciunt, tum octo, nunc (ex editione Card. Mai) quatuordecim libri Sibyllini, ut nobis prostant, vel scripti vel interpolati sunt ab homine christiano, cui Scripturae veteris et novi Testamenti erant perspectissimae. Libri Sibyllini si genuini essent, continerent non iam naturali ratione cognitae sed per revelationem communicatas veritates; at vero editi sunt Saeculo secundo, cui aetati etiam *Poemandrum* critici adseribunt. Patres aliqui antiquissimi Iustinus, Athenagoras, Theophilus Antiochenus etc. adversus gentiles appellant ad haec opera velint argumentando ad hominem; quae tamen supposititia vel interpolata esse non modo recentiores critici norunt, sed iam saeculo IV. compertum erat:

pervenerunt, et adhuc ab eis interpretatione ex principiis mere philosophicis in sensum falsum detorta sunt.

Obiter etiam hic animadverti potest, quid de sic dicto Platonismo Patrum sentiendum sit. Patres profecto, ut saepe alibi ostendimus, non verbum revelatum philosophiae subjecerunt, aut illud theoriis philosophorum accommodare umquam in animum induxerunt, sed ordine inverso veritatibus revelationis secundum traditionem et fidem universalem intellectis subiecerunt et ex eis iudicarunt philosophiam; atque non raro praesertim cum gentilibus agentes ex praecognita veritate revelata ad sensum aliquem verum vel tolerabiliorem inflectebant theorias quasdam philosophorum.

CAPUT II.

DE NON REPUGNANTIA MYSTERII SS. TRINITATIS.

THESIS XIX.

Supernaturalis eminentia mysterii non impedit, quominus illud supposita revelatione conceptu analogico apprehendi possit.

«Quamvis tum veritas *existentiae* (an sit) tum veritas *essentiae* (quid sit) in mysterio SS. Trinitatis ex dictis censi debeat supra humanam rationem; nihilominus 1°. ex *fide praesupposita* quaeri potest aliquis intellectus et distinctior analogus conceptus *essentiae* mysterii, *quid ait*; pariterque 2°. ex « radice veritatis » revelata et credita perveniri potest ad aliquam intelligentiam *existentiae* mysterii, *cur ita sit*. Unde haec intellectio et demonstratio *theologica* est progressus ex principiis fide creditis iisque tota innixa, non autem *philosophica* ex principiis rationis lumine perspectis. »

I. Ut quae Deus nobis revelat, possimus fide explicita credere, non requiritur quidem rerum credendarum *propria notio*, ut in se sunt; attamen omnino necessarium est seu potius in ipso actu explicitate credendi continetur, quod ali-

Ἰγ/ζη ὁ τζίσαιοιστο f/χοῖς ἰπέισσι* ἀρηγοι *

Ουδ* σταυρόν S* μ«τροισι ἸΧιβυλλα...

Ου SeoSr/, βίβλων Se παραχλίψαντκ (al. παραβλίψαντ^) ἰμ,ἰῖο

Gregor. Naz. Sect. II. carnī. VII v. 245. sq. p. 1084. (al. carn. 62.). Vide Petav. Trin. I. c. 2.; Gallandi Bibi. T. L Prolegom. et auctores ibi citatos.

quam rei creditae saltem analogam notionem concipiamus. Hoc autem (praescindendo a manifestatione rei per intuitionem immediatam et in se ipsa, ubi iam non esset fides sed visio) peragitur tripliciter, vel scilicet solo supernaturali lumine intellectuali per ideas et intellectiones infusas; vel per visionem propheticam exhibendo signa rerum (sive realia, sive verbalia, sive extrinsecus etiam sensibus sive solum intrinsecus imaginationi percipienda), ex quibus intellectus sub illustratione divina perducatur ad concipiendas rerum significatarum notiones, et ad formandum de veritate indicium; vel denique ab ipso Deo Verbo incarnato, qui subsistens in sinu Patris quod videt, hoc testatur (Io. 1.18; III. 11.), aut saltem per homines Dei legatos (sub necessaria et opportuna ostensione missionis et auctoritatis) extrinsecus verbo et doctrina proponuntur res ac veritates credendae, et intrinsecus gratia illuminat, excitat, et elevat ad supernaturalem fidem concipiendam (cf. S. Tb. 2.2. qq. 173. et 174.; de Veritate q. 12. a. 7. sq.). Quamvis de primo et secundo modo revelationis, qui sunt modi *prophetici*, ad rem praesentem quod spectat, cum proportionem fere idem valeat, quod dicturi sumus de tertio modo; nunc tamen solum de hoc tertio revelationis modo agimus, qui in praesenti Dei providentia *ordinarius* est. Considerabimus ergo primum, quomodo intelligentia quaerenda ad revelationem et ad fidem se habeat; tum praeexistentibus ss. Doctoribus hoc ipsum aliquot exemplis illustrabimus.

1°. In modo revelationis, quem diximus, lumen gratiae internum per se non pertinet ad ipsos conceptus menti infundendos, sed supponit propositionem rerum credendarum externam indoli mentis humanae congruam: « fides ex auditu, auditus autem per verbum Christi » Rom. X. 14. sqq. At *verbum* a nobis non auditur, seu doctrina nobis non est intelligibilis, nec ulla possemus ex ea proposita concipere rerum ideas, et puoinde etiam nullum praestare consensum *explicitum* in veritatem propositam, nisi revelatio aliquo modo connecteretur cum mentis nostrae notionibus iam prae-habitis et cum veritatibus praecognitis. Valet etiam hic quod Augustinus ait (ep. 120. n. 3.): « etiam credere non

possemus, nisi rationales animas haberemus. » Quoad hanc igitur idearum connexionem, ut a cognitis perveniat ad incognita, mens nostra se habet in conceptione idearum de rebus revelatis superrationalibus modo consimili ac in assecutione cognitionis Dei per lumen rationis.

Nimirum notiones perfectionum, sapientiae, bonitatis etc. primum ex creaturis informamus, atque inde concludendo ab effectibus ad causam cognoscimus perfectiones Dei per viam *negationis* et *supereminentiae* (ζρ,ς υπέρροχη) removendo imperfectionem, qua in creaturis perfectiones limitantur; nec nisi hac via *conclusionis* sicque per similitudinem \wedge χ).ογω Sap. XIII. 5.) velut in speculo et aenigmate divinarum perfectionum ideam et cognitionem lumine rationis assequi possumus. Hoc ipso evidenter quidem cognoscimus Deum, si quaeritur, *an sit*; at solum ideis aliunde derivatis ac per comparisonem adeoque notionibus *analogicis*, non autem ideis ex intuitionem obiecti in se ipso formati; adeoque non notionibus *propriis* concipimus, *guid sit* Deus (Tract. de Deo sect. II. c. 1.). Ita etiam dum non iam ex operibus Dei visibilibus invisibilia Dei intellecta conspicienda sunt, sed per verbum Dei credenda proponuntur, haec Dei verba oportet esse signa idearum, quarum analogas notiones aliquas primitus ex creaturis derivatas iam mente praeconcepimus; secus enim verba nobis non essent signa ad concipiendas ideas significatas per illa sed merus vocabulorum sonus. In re praesenti dum docetur Pater, Filius, Spiritus Sanctus unus Deus, una deitas et tres inter se distincti, qui et singuli et tres simul sunt Deus unus: praesupponuntur in mente nostra notiones multiplices saltem confusae perfectionum, sine quibus Deus concipi non potest; tum notiones essentiae, personae, generationis seu originis unius ab altero, identitatis, distinctionis etc., sine quibus mens non poterit et quibus prae-habitis poterit formare aliquem saltem confusum conceptum rei ad credendum propositae, removendo (ut de conceptibus rationalibus dictum est) per viam *negationis* et *supereminentiae* imperfectiones, quae hisce ipsis sive absolutis perfectionibus sive relationibus in creaturis adhaerent,

Discrimen igitur inter conceptus rationales et superrationales de Deo, ut superius iam indicavi (th. XVII.), non est in eo, quod superrationales veritates nullo modo, vel quod rationales ideis *propriis*, superrationales *analogicis* concipiamus; utrimque enim conceptus sunt analogici effecti formati ex praeintellectis perfectionibus, ut sunt in creaturis; sed discrimen aliud est illudque duplex.

Etenim a) in veritatibus rationalibus de Deo quoad conceptus ipsos progredimur per viam *causalitatis*, qua intelligimus de Deo, *quia est*; tum per viam *negationis* et *supereminentiae*, qua paulo distinctius concipimus, *quid est*, quamvis solum *analogice* et non *proprie*, ut Deus in se est. At vero in veritatibus superrationalibus locus non est conclusioni ab effectibus ad causam, et ideo pro via *causalitatis* ibi necessaria est positiva revelatio per verbum Dei, sine qua ad illos conceptus numquam pertingeremus. Quia vero revelatio modum cognoscendi nobis connaturalem non immutat, ipsamet exhibet perfectiones ac internas relationes Dei superrationales secundum analogiam et ex analogia notionum rationalium, quas ex creaturis praeconcepimus (1). Quare supposita revelatione (sicut in rationalibus supposita *via causalitatis*), possumus iam uti et necessario utimur *via negationis* et *supereminentiae* ad

(1) «De substantiis illis immaterialibus secundum statum viae nullo modo possumus scire; *quid est* (notionibus propriis), non solum perviam naturalis cognitionis, sed nec etiam per viam revelationis, *quia divinat revelationis radius ad nos pervenit secundum modum nostrum*, ut Dionysius dicit. *Quamvis enim per revelationem elevemur ad aliquid cognoscendum, quod alias esset nobis ignotum, non tamen ad hoc, quod alio modo cognoscamus nisi per sensibilia*. Undo Dionysius (Coolest. Hierarch, c. 1.) dicit, quod impossibile est nobis aliter superlueere divinum radium nisi circumvolatum varietate sacrorum velaminum. Via autem quae est per sensibilia, non sufficit ad ducendum in substantias supernationales secundum cognitionem, *quid est*. Et sic restat, quod formae immateriales non sunt nobis notae cognitione *quid est*, sed solum cognitione *an est*, sive naturali ratione sive *etiam ex revelatione, quae est per similitudines a sensibilibus sumptas*. Est tamen sciendum, quod de nulla re potest sciri an est, *nisi quoquomodo de ea sciatur quid est*, vel cognitione perfecta vel cognitione confusa n. s. Thom, in Boet, de Trin. Leet. II. q. 2. a. 3.

aliquem superrationalis veritatis seu obiecti revelati distinctiorem analogum conceptum, *quid sit*.

J) Ut iam ex dictis patet, discrimen est quoad indicium *consensionis* (*an sit*). Hoc enim indicium quatenus Deus ratione intelligitur, exsurgit ex perspecta connexione effectuum cum suprema sua causa; in veritatibus autem superrationalibus revelatis unice nititur auctoritate Dei revelantis. Attamen sicut in rationalibus notionibus de Deo modus analogice concipiendi, *quid sit*, refertur ad perfectiones non abstrahendo ab earum existentia sed formaliter ut intellectas in necessaria existentia; ita in ipsis superrationalibus obiectis fidei modus concipiendi versatur circa illa, quatenus de eorum existentia fide constat certissime. Hinc motus et conatus ex analogiis distinctius res concipiendi non tendit ad intelligentiam rerum ut possibilium sed ut existentium, et ideo etiam ad aliquatenus intelligendam rationem intimam necessariae existentiae.

Uno verbo possumus dicere: *quod notum est Dei* (veritas rationalis Rom. I. 19.) ex perfectionibus creatis ratione potest intelligi, *quia est*, et analogice, *quid est; profunda Dei* (veritates superrationales 1. Cor. II. 10.) revelantur a Spiritu Dei, *quia sunt*, et in hac ipsa revelatione exhibetur spiritui nostro analogia ex perfectionibus creatis, ut analogice apprehendamus, *quid sunt*, et *qua intrinsecus necessarii ratione sunt*.

Sic igitur in his veritatibus omnino certissimum est principium ss. Patrum: «nisi credideritis, non intelligetis» (ex Is. A7II. 9. iuxta LXX.). Quamvis enim fides ipsa (explicita) esse non posset, nisi aliqua intelligentia praecederet, non solum motivorum credibilitatis, de quibus nunc nihil quaerimus, sed ipsius rei credendae (1); huius tamen praeviae intelligentiae obiectum ipsa revelatio ex-

(1) « Est autem semen huius agriculturae verbum Dei, *imo non verbum, sed sensus* qui percipitur per verbum; vox namque sine sensu nihil constituit in corde... Quod autem dicit (Apostolus) fidem esse ex auditu, intelligendum est, quia fides est ex hoc, quod concipit mens per auditum, neque ita ut sola conceptio mentis faciat fidem in homine, sed quia fides esse nequit sine conceptione - s. Anselm. De Concord. grat. et lib. arb. q. III. c. 6.

hibet, et (in superrationalibus) non nisi ipsa exhibere potest. Porro fide iam supposita, fides ipsa, quatenus in ea includitur summa religiosa veneratio et intimus amor rei creditae, ulteriorem quaerit, velut inter fidem et visionem medium intellectum (1), cuius radix et semina iam in modo ipso revelationis et in ipsa fide continentur.

Consentius postulaverat a s. Augustino, ut « quaestionem Trinitatis h. e. de unitate divinitatis et discretione personarum caute prudenterque discutiens, nebulam mentis ita abstergeret, ut quod cogitare prius non poterat, intelligentiae lumine declaratum oculis quodammodo videre posset. » Ex altera vero parte idem Consentius statuerat: « non tam ratio requirenda quam auctoritas est sequenda Sanctorum ; si enim fides sanctae Ecclesiae ex disputationis ratione et non ex credulitatis pietate apprehenderetur, nemo praeter philosophos atque oratores beatitudinem possideret. » Iam Augustinus in responsione sua ostendit, haec duo a Consentio posita, si absolute acciperentur, se mutuo excludere. Quare, inquit, cum utrumque sit verissimum, et fidem ex auctoritate esse sequendam et nihilominus intelligentiam creditorum esse quaerendam, accipi illa duo ita debent, ut fides praecedat et ex fide contendatur ad aliquam rei creditae intelligentiam, quae tamen perfecta non erit, usque dum pervenerimus ad visionem facie ad faciem. « Si rationem a me vel a quolibet doctore non irrationabiliter flagitas, ut quod credis intelligas, corrige definitionem tuam, non ut fidem respuas sed ut ea, quae fidei firmitate iam tenes, etiam rationis luce conspicias. Absit namque ut hoc in nobis Deus oderit, in quo nos reliquis animantibus excellentiores creavit. Absit, inquam, ut ideo credamus, ne rationem accipiamus, sive quaeramus, cum etiam credere non possemus, nisi rationales animas haberemus. Ut ergo in quibusdam rebus ad doctrinam salutarem pertinentibus, quas ratione nondum percipere va-

(1) < Quoniam inter fidem et speciem intellectum, quem in hac vita capimus, esse medium intelligo, quanto aliquis ad illum proficit, tanto eum propinquare speciei, ad quam omnes anhelamus, existimo - 8. Anselm. De fide Trin. Praefat.

lenius sed aliquando valebimus, fides praecedat rationem, qua cor mundetur, ut magnae rationis capiat et perferat lucem, hoc utique rationis est. Et ideo rationabiliter dictum est per prophetam: nisi credideritis, non intelligetis. Ubi procul dubio discrevit haec duo, deditque consilium, quo prius credamus, ut id quod credimus, intelligere valeamus. Proinde ut fides praecedat rationem, rationabiliter visum est... Si iam fidelis rationem poscat, ut quod credit intelligat, capacitas eius intuenda est, ut secundum eam ratione reddita sumat fidei suae, quantum potest, intelligentiam; maiorem, si plus capit, minorem, si minus, dum tamen quousque ad plenitudinem cognitionis perfectionemque perveniat, ab itinere fidei non recedat... Iam ergo si fideles sumus, ad fidei viam pervenimus, quam si non dimiserimus, non solum ad tantam intelligentiam rerum incorporearum et incommutabilium, quanta in hac vita capi non ab omnibus potest, verum etiam ad summitatem contemplationis, quam dicit Apostolus facie ad faciem, sine dubitatione perveniemus » Aug. ad Consent, ep. 120. n. 2-4.

Eadem principia tum aibi saepe apud Augustinum tum apud Patres alios et theoretice enuntiantur et practice in usum deducuntur. Immo vero hisce principiis tota genuina theologia, quatenus speculativa est, eiusque expositio innititur. Quare sicut penes Patres, Gregorium Naz. et Nysenum, Basilium, Cyrillum Alexandrinum, Augustinum etc. ita penes Anselmum, Victorinos, Petrum Lombardum, Alexandrum, Albertum, Thomam, Bonaventuram et ceteros omnes magistros scholae tam aliorum dogmatum tractatio quam nominatim doctrina de Trinitate (de qua nunc nobis agitur), non minima ex parte constituitur *in inquisitione intellectus ex fide*. Sic Anselmus mysterium Trinitatis Christiano non ratione probandum esse ait, sed fide credendum; a fide vero et in fide, quantum fieri potest, proficiendum ad intellectum, *u* Audio, quia Roscelinus Clericus (1) dicit, in Deo tres personas esse tres res ab invicem separatas, sicut sunt tres angeli, ita tamen ut una

(1) Contra hunc Anselmus scripsit librum de Fide Trinitatis et de Incarnat. Verbi.

sit voluntas et potestas... Quicumque blasphemiam, quam supra posui me audisse a Roscelino dici, pro veritate asseruerit, sive homo sive angelus, anathema est... omnino enim Christianus non est. Quod si baptizatus et inter Christianos est nutritus, nullo modo audiendus est; nec ulla ratio aut sui erroris est ab illo exigenda aut nostrae veritatis illi est exhibenda (quia scilicet fidei propositio est clarissima)... Insipientissimum enim et infrutum est, propter unumquemque non intelligentem, quod supra firmam petram solidissime fundatum est, in nutantium quaestionum vocare dubietatem... *Nam Christianus per fidem debet ad intellectum proficere, non per intellectum ad fidem accedere, aut si intelligere non valet, a fide recedere.* Sed cum ad intellectum valet pertingere, delectatur; cum vero nequit, quod capere non potest, veneratur» Anselm. l. II. ep. 41. ad Fulconem Episc. Belovac. « *Non tento Domine penetrare altitudinem tuam, quia nullatenus comparo illi intellectum meum, sed desidero aliquatenus intelligere veritatem tuam, quam credit et amat cor meum. Neque enim quaero intelligere ut credam, sed credo ut intelligam.* Nam et hoc credo, quia *nisi credidero, non intelligam* » Id. Prolog. c. 1.

2'. Analogiae sub quibus in Scripturis ipsis et deinceps in universa praedicatione ecclesiastica mysterium SS. Trinitatis nobis concipiendum exhibetur, tres potissimum sunt. Quando a) docetur Deus *Pater*, Deus *Filius*, Deus Spiritus Sanctus qui est *Spiritus Patris et Filii*, procedens a Patre et (quia omnia quae sunt Patris sunt etiam Filii) accipiens a Filio; hic includitur analogia fundamentalis (1), sine qua nullum possemus informare conceptum, et sub qua secundum notiones praehabitas ex creaturis concipimus tres

(1) Supponimus hic ci Tract, de Deo (sect. II. c. 1.) doctrinam generalem de nominibus Dei. Si videlicet res ipsa per se sicut aliis ita nominibus *Patris, Filii, Perii* expressa spectetur, maxime *propria* significatio est in divinis, *analogica* in creatis. Ordine inverso haec *proprie* dicuntur de creatis, *analogice* de divinis, si res significata, ut eam nos primo concipimus, et proinde *prima nostra impositio nominum* spectetur. S. Th. 1. q. 13. aa. 3. 5. 6.

distinctas personas et unitatem naturae. Tum concipimus originem secundae personae a prima immo et modum originis per generationem, seu processionem in similitudinem naturae, seu ex interno principio vitali communicationem naturae divinae ita, ut inde existens persona secunda vi modi processionis sit substantialis imago personae primae; id enim nominibus Patris, Filii, generationis, imaginis, figurae seu characteris substantiae Patris, sub quibus mysterium revelatur, intelligimus expressum. Pariter concipimus tertiae distinctae personae processionem a prima et secunda, quatenus habent omnia communia seu quatenus sunt unum principium, et saltem *negative* intelligimus modum processionis esse diversum a generatione, quia tertia persona non est Filius. Porro notionem unitatis naturae et distinctionis personarum, ut eam ex creaturis praeconcepimus, discimus corrigere ex altero dogmate, quod tres sunt *unus Deus* non tres Dii distincti. Inde enim intelligimus, naturae totiusque perfectionis absolutae unitatem non esse specificam sicut in creatis, sed numericam; et distinctionem personarum non esse secundum substantiam absolutam, sed secundum formales rationes relativas, quae nominibus Patris et Filii et Spirati exprimuntur. Deus spiritus est, imperfectiones ergo omnes, quae in creatis adhaerent notionibus patris, filii, generationis, negandae sunt, « Neque *filius* neque *generatio* proprium deitatis est, sed *ex humana similitudine* assumptum; similiter *et spiritus* appellatio. Hac igitur in divino Spiritu usa est divina Scriptura, aliter (quam Filium) ex Deo esse ostendens; quandoquidem, ut prius dictum est, non oportebat hunc etiam per eandem similitudinem significari. Tu vero (haereticus)... contemptui habens (καταφάνων al. περιφρων) humana exempla (παράδειγματα) subvertis divina quae ex eis intelliguntur dogmata... Generat Deus non ut homo; generat tamen vere, et genimen ex se ipso edit, Verbum ἐξ αὐτοῦ «ζφαινει, Zycv) non humanum; edit autem Verbum vere ex se ipso. Et Spiritum per os emittit (εκπεμπει), non quasi humano more, cum neque os Dei corporeum sit; ex ipso autem est et Spiritus, non aliunde » Basil, cont. Eu-

nom. 1. V. p. 306. Modus itaque *positive* haec concipiendi exhibetur in anâlogia altera desumpta ex ordine spiritali et intellectuali.

Nam J) idem qui Filius, est *Verbum Deus* ὁ Ἰcycç. Dum haec analogia cum priori coniungitur, sese mutuo veluti perficiunt, et quod in una deest, ex altera suppletur. In priori distinctius exhibetur tum substantialitas tum realis distinctio personarum ad invicem; in altera clarius concipitur tum modus generationis intellectualis, immanentis, necessariae, aeternae, tum unitas essentiae et mutua personarum immanentia seu περιχωρησις. « Joannes ipse, cum docturus esset, hoc Verbum esse unigenitum Filium Dei, ne quis generationem passibilem suspicaretur, praemissa *Verbi* appellatione omnem tollit iniquam suspicionem, Filium ex ipso (Patre) esse et impassibiliter esse declarans... Quod si neque hae adumbrationes (παραοιχ/ζατα) sufficiunt ad rem totam exhibendam, noli mirari; de Deo enim sermo est, quem nec edicere nec cogitare secundum dignitatem possumus » Chrysost. in Io. horn. II. n. 4. Ita et alii Patres communi consensu. « Cum de unigenito loqueretur, Verbum ipsum dixit... Cur Verbum? ut perspicuum sit, ipsum processisse ex mente. Cur Verbum? quia citra passionem genitum est. Cur Verbum? quia imago est genitoris, totum in se ipso genitorem ostendens, nihil inde separans, et per se ipsum perfectum existens; quemadmodum et verbum nostrum totius nostrae cogitationis refert imaginem... Verbum igitur dixit, ut tibi ostendat Patris generationem passioni non subiici, teque doceat Filii, qui videlicet Deus est, perfectam existentiam (subsistentiam), et ut aeternam Filii cum Patre coniunctionem per haec commonstret. Nam et verbum nostrum mentis foetus citra passionem generatur; neque enim secatur neque dividitur neque fluit, sed mens tota in sua propria substantia permanens, verbum totum et perfectum producit; atque verbum procedens omnem mentis generantis virtutem in se complectitur. Postquam igitur tantum ad unigeniti theologiam ex nomine *Verbi* desumpseris, quantum pium fuerit, tum quidquid alienum esse ac dissentaneum repereris, id devita

et omni studio praetergredere'» Basil, horn, in illud : a in principio erat» etc. n. 3. T. II. p. 136. Ex hoc conceptu originis ac relationis inter primam et secundam personam secundum analogiam mentis ac verbi procedentis primum est progredi ad notionem personae tertiae ut termini seu amoris producti per dilectionem , quatenus dilectio una communis est Patri ac Filio.

c) Analogia tertia potest dici *aliquo modo* media inter utramque praecedentem, desumpta nimirum ex processione materiali quidem splendoris ex lumine seu lucis de luce, quae tamen ipsa est sensilis imago processionis intellectualis. Exhibetur ea in Scripturis Heb. I. 3. (ἀπαυ·/ασρ.α τη dc;zς); Sap. VII. 25. (ἡ σοφία ἀτμι πτ. του θεού ἰυνα/χεω , και ἀπορόοια τη του παντοκρατορο οο η ειλικρινή). A ss. Patribus eadem excolitur multipliciter. Vide Athanas. de decretis Nic.n.23., et ibid. n. 25. doctrinam Theognosti; Gregor. Naz. ep. 143. ad Evagr. (al. or. 45.) T. II. p. 199.; Basii, contr. Eunom. l. II. n. 16.; l. IV. η. 1.; Cyrill. thesaur. T. V. P. I. p. 47.; Dialog. II. ib. p. 453.; Damascen. Fid. orth. 1.1. c. 8. p. 134. 136. Qui tum rem ipsam tum Patrum testimonia consideraverit , facile videbit magnum discrimen huius analogiae a praecedentibus. Sicut in homine et nominatim in spiritu est *imago* Dei, in rebus vero materialibus solum longinquior adumbratio et *vestigium* Dei (S. Th. 1. q. 93.), ita *Pater, Filius, Verbum, Spiritus Sanctus*, quae nomina analogiam habent in homine et in spiritu intelligente ac volente, sunt ac dicuntur *proprie* in divinis, si perfectio significata per se spectetur; contra vero *lux, splendor* etc., quae desumuntur ex rebus materialibus, numquam *proprie* sed solum *metaphorice* de divinis dici possunt. Unde in hac ultima analogia non aliud exhibetur quam comparatio et metaphora ad iuvandum intellectum nostrum re aliqua sensibili , cui metaphorae supponitur per se propinquior et longe expressior (quia spiritualis) imago SS. Trinitatis supremi spiritus ducta ex spiritu creato , ut ex ea ascendamus ad distinctiorem aliquem ineffabilis mysterii conceptum (1). Cf. S. Th. contr. gent. 1. IV. c. 12.

(1) Sunt aliae non paucae comparationes, quibus ss. Patres in ex-

Itaque tum Patrum aliorum tum maxime s. Augustini et ex Augustino theologorum subsequentium s. Anselmi, Victorinorum, Lombardi, Alexandri Halensis, s. Thomae, s. Bonaventurae ceterorumque theologia speculativa de Trinitate fere tota innititur revelatae processioni intellectuali Verbi et amoris, prout conceptus hic *profundorum Dei* a Spiritu Sancto revelante propositus ex analogia spiritus creati a nobis apprehendi potest. Secundum eandem quippe analogiam et intra limites cognitionis analogicae habendo prae oculis principia revelata, intellectus internarum relationum, distinctionum, et unitatis profecit et proficit, quantum Deus ss. Doctores Ecclesiae et ex eorum doctrina nos singulos lumine externo et interno illustrare dignatur.

II. Nunc etiam patet, quo sensu sint et quo non sint « rationes necessariae » ad probandam veritatem existentiae mysterii. Ad rationes enim « necessarias » appellare videntur nominatim s. Anselmus et Richardus Victorinus non minus in probanda SS. Trinitate, quam in demonstranda veritate rationali existentiae Dei et attributorum absoluto-

plicatione mysterii (fide supposita) utuntur. In omnibus vero adtendendum. quod PP. saepe monent, ut comparatio non ultra scopum extendatur, atque ita, ubi e. g. solum origo unius ab altero et realis distinctio declaratur, non etiam modus sive originis sive distinctionis a creatis ad divina transferatur. Huiusmodi Trinitatis vestigia sunt generatim in omni creatura, quod et *est* et *se manifestat* et inter esse ac manifestationes eius est *harmonia*; seu ut Augustinus (Trin. VI. c. 10. n. 12.) hoc exprimit: « omnia quae arte divina facta sunt, et *unitatem* quandam in se ostendunt, et *speciem*, et *ordinem*, » Speciales similitudines apud Patres sunt: una aqua secundum triplicem modum existendi in scaturigine, fonte, fluvio; una natura in radice, trunco, ramorum corona; iridis fulgor in distinctione colorum unius lucis etc. Vide Didac. Ruiz disp. 44.

Postrema haec ex iride similitudo a s. Basilio adhibita cp. 38. al. 43. n. 5. (etiam inter Opp. Gregorii Nyssen. T. II. p. 466.) magnifice illustrata est a Dante Aligherio Parad. Cant. 33. v. 115. sqq.

Nella profonda e chiara sussistenza
Dell'alto lume, parvemi, tre giri
Di tre colori e d'una continenza;
E l'un dall'altro, come Iri da Iri,
Parea riflesso, e 'l terzo parea fuoco
Che quinci e quindi igualmente si spiri.

rum. Illi , quorum rogatu s. Anselmus Monologium scripsit, «hanc formam praestituerunt, quatenus auctoritate Scripturae nihil penitus in ea meditatione persuaderetur; sed quidquid per singulas investigationes finis assereret (h. e. quidquid demonstrare propositum esset et in conclusione contineretur), id ita esse plano stilo et vulgaribus argumentis simplicique disputatione *et rationis necessitas breviter cogeret , et veritatis claritas patenter ostenderet* » Praefat. ad Monolog. Richardus vero in suis libris de Trinitate haec profitetur. « Erit intentionis nostrae in hoc opere ad ea quae credimus, in quantum Dominus dederit, non modo probabiles verum etiam *necessarias rationes adducere*, et fidei nostrae documenta veritatis enodatione et explanatione condire. Credo namque sine dubio , ad quorumlibet explanationem, quae necesse est esse, non modo probabilia imnio etiam *necessaria argumenta non deesse*, quamvis illa interim contingat nostram industriam latere » De Trin. 1. I. c. 4. Et sane uterque, Anselmus non minus quam Richardus , in re ipsa et in modo tractationis videntur constanter prosequi mere rationalem demonstrationem, Neque videtur ad verum sensum Richardi sufficere interpretatio s. Thomae, qui ait: «intellectus illius verbi (de necessariis argumentis ad omnes necessarias veritates demonstrandas) apparet ex hoc, quod sequitur (penes Richardum): quamvis contingat nostram industriam latere » S.Th. in Boet. Trin. Prooem. q. 1. a. 4. ad 7. Quamvis enim aliquos et aliquando lateant argumenta necessaria , non tamen sentit Richardus , ea inveniri ratione humana non posse, aut in mysterio Trinitatis sibi ipsi ea deesse; imnio ait, suae intentionis esse « *necessarias rationes adducere* » ad ea, quae credimus de SS. Trinitate. Unde solent etiam theologi Richardum (idemque et eodem iure potuissent dicere de Anselmo) citare pro sententia eorum, qui dixerint veritatem mysterii revelatione supposita posse necessariis rationibus demonstrari- Vide Suarez Trin. 1.1. c. 12. n. 8. 9; Ruiz disp. 41. sect. 2.

Quid iam sibi vult, quod supposita tantum fide non autem oitra revelationem possunt « adduci rationes neces-

sariae », et potest ostendi «cogens rationis necessitas?» *Rationes necessariae* possunt hic accipi dupliciter, primo ita, ut tantummodo notitia historica Trinitatis supponatur, ceterum vero unice ex principiis rationalibus, quin necessario supponatur aliquod principium demonstrationis ex sola revelatione cognitum, demonstretur Trinitas distinctarum personarum, nempe ex praecognita imagine, puta spiritus creati eiusque actuum immanentium, concludendo ad Deum spiritum increatum atque ad immanentes processiones personarum divinarum. Hic error erat Güiithernorum, Frohschammeri aliorumque (S. P. Pius IX. ep, ad Archiep. Monae. 11. Dec. 1862.); at s. Anselmus et Richardus hunc sensum non minus diserte quam alii omnes Patres antecedentes et theologi subséquentes excludunt. Disertissime enim postulant fidem praecedentem, ut ad *aliquem intellectum* perveniatur *eorum, quae credimus* (1). Rationes itaque necessariae penes hos Doctores alio sensu intelligendae sunt.

Si videlicet supponitur tamquam principium veritas revelata, quod sicut mens nostra producit immanens verbum intellectuale et immanentem volitionem, ita in spiritu infinito est vera immanens productio, et proinde realis processio tum sub ratione intellectionis tum sub ratione volitionis; hoc inquam supposito principio revelato sane non solum p̄obabiles sed necessariae rationes etiam nobis intelligibiles demonstrant, processiones illas immanentes esse non ex libera productione sed ex necessaria intima perfectione intellectus et voluntatis in Deo, adeoque esse aeternas;

ê

(1) « Supra rationem sunt, ait Richardus, quae per revelationem discimus, vel sola auctoritate probamus... Deum in una substantia personaliter trinum, et in tribus personis substantialiter unum nec nilus sensus corporeus docet, *nec aliqua humana ratio plene persuadet*; sed hoc utique alii per revelationem discunt, alii autem sola auctoritate convincunt et credunt... Et omnino in eorum (quae snpra et praeter rationem sunt, inter quae expresse recensetur SS. Trinitas) investigatione, discussione, assertionem *nihil facit ratio humana, niti fuerit fidei admixtione subnixa* » Richard. Victorin. de contempt. l.IV.c.2.3. et alibi. Cf. cl. Denzinger de cognit. religios. T. II. p. 107. sqq. Vide paulo superius citata ex s. Anselmo.

porro Verbum genitum in Deo non esse accidens sed esse substantiale (quae de Verbo dicuntur, aequae valent de amore procedente); pariter esse distinctionem inter principium a quo generatur Verbum, et inter Verbum genitum, adeoque etiam esse distinctas personas, et reliqua ad unitatem ac distinctionem personarum pertinentia. At vero haec non est demonstratio Trinitatis ex solo lumine rationis; sed est theologica deductio ex veritate revelata, eiusdemque veritatis analogica aliqua paulo distinctior intellectio ex analogia spiritus creati. Sic s. Thomas plenius explicat sensum, quo Richardi Victorini «argumenta necessarian ad demonstrandam Trinitatem intelligenda sint. «Ad aliquam rem dupliciter inducitur ratio; uno modo ad probandam sufficienter radicem... alio modo inducitur ratio, *non quae sufficienter probet radicem, sed quae radici iam positae ostendat congruere consequentes effectus*... Primo ergo modo potest induci ratio ad probandum Deum esse unum, et similia; sed secundo modo se habet ratio, quae inducitur ad manifestationem Trinitatis, quia scilicet Trinitate posita congruunt huiusmodi rationes, non tamen ita quod per has rationes sufficienter probetur Trinitas personarum... Et inde est, quod... per fidem venit ad cognitionem et non e converso» 1. q. 32. a. 1. ad 2.

THESIS XX.

Mysterium SS. Trinitatis quod est supra rationem, non tamen potest convinci esse contra rationem.

« Mysterium SS. Trinitatis, licet sit *supra rationem* et vim intelligenti humanam, non tamen esse *contra rationem*, divina revelatione » supposita utique evidens est. Adversus cos autem, qui revelationem » negant, dupliciter ostendi potest, nullam esse evidentem repugnantiam contra rationem, 1° videlicet *indirecte* ex eo ipso, quod intima » ratio divinae essentiae et divinae personae (ut in se est) superat vim » nostram intelligendi; 2° *directe* ostendendo, nullam esse veritatem » evidentem, quae intelligatur evidenter repugnans huic dogmati, quo » sequi revelatum est et fide credendum proponitur. »

Quando ostendendum est, non repugnare rationi doctrinam revelatam, quod unus Deus est Pater et Filius et Spiritus Sanctus, tres realiter inter se distincti, id intelligi potest tripliciter. Vel enim a) postulatur, ut ratione perspiciatur et demonstrari queat ipsa rei veritas, naturam scilicet divinam ex ipsa infinita sua perfectione necessario subsistere in tribus distinctis personis, quemadmodum Gantneriani dixerunt, non repugnantiam esse congruentiam cum ratione; et ideo illam ostendi non posse, quin simul demonstretur haec altera, idque ita, ut perspiciatur ipsa interna rei veritas (1). Hoc modo demonstrationem rationalem mysterii fieri non posse, hocque sensu veritatem esse supra rationem superius a nobis probatum est (th. XVII.). Vel b) postulatur demonstratio non repugnantiae ita, ut ratio *positive* perspiciat et evidenter intelligat internam rei possibilitatem. At unam simplicissimam indistinctam essentiam simul posse esse tres relativos subsistentes realiter inter se distinctos, comparatione cum ideis et veritatibus rationalibus ex creaturis praeintellectis demonstrari non potest; adeoque talis possibilitas solum intelligi posset immediate cognoscendo essentiam illam et illas hypostases in se ipsis, ut in se sunt. Tum vero non iam sola possibilitas, sed ipsa

(1) Cf. Güntheri Propaedeut. 1. p. 347. sq.; Thomas a Scrupulis p. 215. sq.; Lydia 1849. p. 292.

veritas et necessaria existentia intelligeretur. Itaque c) aliud est ex internis rationibus *positive* demonstrare don repugnantiam, et aliud quod *negative* etiam ratione intelliginius, non posse demonstrari repugnantiam. Ad illud prius requireretur intrinsecus perspexisse veritatem, quod in mysteriis superrationalibus fieri nequit; ad alterum sufficit ostendisse rationes, quae tamquam demonstrantes repugnantiam opponuntur, vel non esse veritates evidentes, vel non evidenter repugnare vero sensui mysterii.

Hoc ultimum ostendi semper potest. Profecto enim veritati revelatae veritas rationalis obiective et in se repugnare nequit; secus idem simul esset verum et falsum. Unde impossibile est, ut ratio intelligat quidpiam tamquam veritatem evidentem et evidenter oppositam revelationi in suo genuino sensu intellectae; secus ratio intelligeret ut veritatem evidentem id, quod est falsum; adeoque ipsum lumen rationis factae ad veritatem, ex sua natura inclinaret, et proinde Deus ipse auctor rationis induceret ad indicandum verum, quod est falsum. Haec autem sunt evidenter contradictoria. Hoc igitur ipso quod fide infallibili nobis certa est veritas mysterii, non minus certum est, id quod ei repugnare dicitur, vel non esse veritatem, vel non vere repugnare, vel repugnare solum sensui dogmatis alieno, quo mysterium nec revelatum nec verum est. « Dona gratiarum hoc modo naturae adduntur, quod eam non tollunt sed magis perficiunt. Unde et lumen fidei quod nobis gratis infunditur, non destruit lumen naturalis cognitionis nobis naturaliter inditum. Quamvis autem naturale lumen mentis humanae sit insufficiens ad manifestationem eorum quae per fidem manifestantur, tamen impossibile est, quod ea quae per fidem nobis traduntur divinitus, sint contraria his quae per naturam nobis sunt indita; oporteret enim alterum (alterutrum) esse falsum: et cum utrumque sit nobis a Deo, Deus esset nobis auctor falsitatis, quod est impossibile... Sicut autem sacra doctrina fundatur super lumen fidei, ita philosophia super lumen naturale rationis. Unde impossibile est, quod ea quae sunt philosophiae, sint contraria iis quae sunt fidei; sed deficiunt ab eis. Continent tamen quasdam

similitudines eorum et quaedam ad ea praeambula, sicut natura praeambula est ad gratiam. *Si quid autem in dictis philosophorum inveniatur contrarium fidei, hoc non est philosophiae, sed magis philosophiae abusus ex defectu rationis. Et ideo possibile est ex principiis philosophiae huiusmodi errorem refellere, vel ostendendo omnino esse impossibile, vel non esse necessarium. Sicut enim ea quae fidei sunt, non possunt demonstrative probari, ita quaedam contraria his non possunt demonstrative ostendi esse falsa, sed potest ostendi non esse ea necessaria. Sic igitur in sacra doctrina philosophia possumus tripliciter uti: primo ad demonstrandum ea, quae sunt praeambula fidei... secundo ad notificandum per aliquas similitudines ea, quae sunt fidei... tertio ad resistendum his, quae contra fidem dictentur, sive ostendendo esse falsa, sive ostendendo non esse necessaria* n S. Th. in Boet. Trin. Prooem. q. 2. a. 3. cf. 1. q. 1. a. 8.

I. Iam ut ostendatur, rationes oppositas esse falsas aut non necessarias, per se et absolute loquendo non opus est singillatim comparare illas rationes cum dogmate revelato; sed sufficit generalis quaedam comparatio divinae eminentiae et perfectionis infinitae cum imperfectione et limitatione nostri intellectus. Quae quidem generalis difficultatum solutio erit solum *indirecta*; nec tamen ideo per se minus valida. Ex hac enim ipsa generali comparatione evidens omnino est, multa esse posse in essentia infinita, quae lumine rationis finitae et intra certos limites veritatum restrictae, intelligi non possint. Multa ipso lumine rationis intelligimus in Deo, *quia sunt*; non tamen intelligimus, *quomodo* sint et *quomodo* sibi invicem non repugnent; puta quod essentia ipsa est una volitio incommutabilis et tamen libera in operationibus ad extra, et alia plura. Si ergo propter infinitatem essentiae huiusmodi praedicata non repugnant, quae in naturis finitis evidentem contradictionem involverent; sine absurditate asseri non potest, talem communicationem naturae infinitae, ut sint plures inter se distincti unius numero essentiae, evidenter repugnare, quia talis distinctio et unitas repugnaret in naturis et hypostasibus finitis. Quamvis enim quis assereret, sibi ita perspectam esse intimam rationem

essentiae et hypostasis finitae, ut evidenter intelligeret metaphysicam repugnantiam unitatis naturae in distinctis personis, nemo sine ingenti arrogantia et ignorantia sibi vindicare potest talem evidentem intellectionem essentiae et hypostasis divinae. Quia scilicet essentia divina eminet super totam rationem entis creati et finiti, nec eam ut in se est intelligimus, lumini rationis non potest esse evidens, utrum sit vel non sit alia formalis ratio infinitae illius spiritalis naturae et alia hypostaseos divinae ita, ut natura manens una exigit sui communicationem per internos actus vitales, atque ideo sub formali ratione naturae quidem sit unitas, sub formali autem ratione hypostaseos sit pluralitas.

Hoc sensu intelligi potest, quod ait Suarez 1. I. c. 12. n. 20: *u* illud principium, *quae sunt eadem uni tertio, sunt eadem inter se*, licet in rebus finitis sit universaliter verum, in re autem infinita demonstrari non potest per rationem naturalem; et ideo eo modo, quo est evidens, non est contrarium huic mysterio *n*. Videlicet in rebus finitis numquam sunt duo sub aliqua ratione realiter inter se distincti, et sub alia ratione realiter ac *numero* unum, sed solummodo sunt unum specie. At veritas est revelata, essentiam infinitam ita identificari cum uno relativo, ut ex sua infinita eminentia et communicabilitate simul identificetur cum relativo altero, atque ideo sint duo realiter distincti sub ratione relativorum, et iidem sint unum sub ratione absolutae essentiae (quod totum, ut patet, perinde etiam valet de persona tertia). In tali vero communicabilitate infinitae essentiae, cuius intimam rationem, ut in se est, non intelligimus, evidentem repugnantiam asserere est evidenter absurdum. «Si, quoniam hoc in aliis rebus non videt, nec in L)eo intelligere valeat, sufferat paulisper aliquid, quod intellectus eius penetrare non possit, esse in Deo» s. Anselm, de fide Trin. c. 7. Ceterum illud principium, «*quae sunt eadem uni tertio etc.*», habet metaphysicam veritatem, adeoque in quovis ordine valet de infinitis non minus quam de finitis, dummodo in vero suo sensu intelligatur, de quo mox dicemus.

Haec quodammodo indirecta solutio difficultatum, quibus adversarii fidei velint demonstrare contradictionem, non est appellatio ad superrationalitatem mysterii, ut declinentur demonstrationes evidentis contradictionis, quemadmodum Baylius subdolis sed satis claris verbis in suo Dictionario (1), et post istum alii increduli dixerunt; sed est ex ipsis rerum naturis deducta ostensio impossibilitatis evidentem contradictionem demonstrandi inter Trinitatem hypostaseon relativarum et unitatem essentiae seu perfectionis absolutae, quando et hypostaseos et essentiae divinae propria interna ratio supereminet intelligentiam nostram, nec ut in se est, a nobis intelligi potest. Si euim evidens esset contradictio inter Trinitatem hypostaseon et unitatem essentiae, ut a te hypostases atque essentia concipiuntur. hoc ipso non erit nec potest esse evidens, illum tuum conceptum esse genuinum et in revelatione propositum; imo Christianis sin minus immediate, certe mediate ex veritate revelata erit evidens, talem conceptum tuum vel unum vel alterum vel utrumque esse alienum-a revelatione et esse falsum. Vicissim si conceptus est genuinus ut in revelatione continetur, saltem mediate ex fide infallibili evidens est, probationem qua praetenderetur ostensio contradictionis, necessario esse fallacem, et ideo posse etiam lumine rationis ostendi vel falsam vel non evidentem, hocque ipso prorsus inanem ad scopum ad quem inducitur. «Cum fides infallibili veritati innitatur, impossibile autem sit de vero demonstrari contrarium, manifestum est probationes quae contra inducuntur, non esse demonstrationes sed solubilia argumenta S. Th. 1. q. 1. a.8.

Indirectae huiusmodi solutiones satis quidem ostendunt, obiectiones non esse validas, non autem ostendunt, ex ratione intestina, cur validae non sint. Occurrunt autem illae frequenter apud Patres, quia sunt aptissimae tum in se tum ad praeparandos animos pro solutionibus directis, et quia his posterioribus capiendis plerique non sunt idonei, „ Aliquando afferimus eis rationem , non quam petunt cum de

(1) T. III. sub v. Pyrrhonisme, et T. IV. Eclaircissement sur le Pyrrhonisme. Vide de hac re Leibnitimn in Dissertatione de conformitate fidei cum ratione (Opp. T. I.) n. 39. sqq.; n. 72. sqq.

Deo quaerunt, quia nec ipsi eam valent sumere, nec nos fortasse vel apprehendere vel proferre; sed qua demonstretur eis, quam sint inhabiles minimeque idonei percipiendo, quod exigunt» s. Aug. Trin. I. n. 3.

II. Attamen in theologia, ubi fides quaerit intellectum, conandum est, quod ibidem prosequitur Augustinus, « ut quantum possumus, reddamus rationem, quod Trinitas sit unus et solus verus Deus». Haec autem ipsa ratio reddita, ut Augustinus loquitur, distinctior nimirum conceptus licet solum analogus SS. Trinitatis ex revelatione deductus supeditat solutionem directam omnium difficultatum, quibus vellent adversarii demonstrare contradictionem in conceptu mysterii. Plenior itaque huiusmodi obiectionum solutio directa inferius ex ipsa genuini conceptus explicatione sponte sua sequetur. Hic solum generalis aliqua consideratio sufficiet.'

1°. Non potest demonstrari evidens repugnantia, quod in Deo spiritu infinito per intellectionem realiter procedat, seu aeternaliter vere producat Verbum immanentem. Huiusmodi enim repugnantia non est evidens ex ipsa natura *intellectionis universim spectatae*, immo intellectionem in actu sine verbo immanente difficilius concipimus quam intellectionem cum verbo ut termino immanente. Non est evidens repugnantia *ex intellectione, quatenus est divina et infinita*; inde enim solum evidens est, Verbum non posse esse accidens, sed si quod est, necessario esse substantiale, quia intellectio divina est substantia. Non denique est evidens illa repugnantia *ratione unitatis* non multiplicabilis divinae essentiae; inde enim solum est evidens, principium intellectione producens Verbum et Verbum ut huius intellectionis immanentem terminum esse unam essentiam absolutam. Repugnat utique productio divinae essentiae; haec enim esset et multiplicatio essentiae et eius productio ex nihilo: at non potest ostendi evidens repugnantia, quod ex insita perfectione intellectus divini exigatur aeterna necessaria processio Verbi immanentis, quod sub formali ratione Verbi quidem seu relativi distinguatur a principio producente eundem spectato sub formali ratione producentis ac relativi,

sed ita ut formalis ratio deitatis ac essentiae absolutae sit una communis in generante suum Verbum et in Verbo sui genitoris.

Veritas itaque productionis Verbi divini est quidem *supra rationem*, quia ratione non potest intelligi ac demonstrari, in intellectu divino tamquam immanentem terminum esse et necessario esse Verbum productum (th. XVII.); sed non est doctrina *contra rationem*, quia nulla est nec esse potest notio rationis evidenter vera et evidenter repugnans huic doctrinae. Quando autem Spiritus Dei, qui scrutatur profunda Dei, revelavit nobis, et unigenitus qui est in sinu Patris, ipse enarravit hoc mysterium: « in principio erat Verbum, et Verbum erat apud Deum, et Deus erat Verbum »; quando, inquam, constat revelatione divinq, de processione immanentis Verbi, ex hoc. posito principio et ex hac « radice veritatis » (S- Th. 1. q. 32. a. 1.), ut in superiori thesi dictum est, reliqua consecutaria intelligimus per « necessarias rationes »; videlicet Verbum genitum distinctum esse a generante, esse substantiale, ac proinde (secundum analogiam personae in creatis comparatae cum communi natura) esse subsistentem personam distinctam a Patre, distinctionem vero non esse secundum essentiam sed secundum formalem rationem relativi. Haec enim omnia (supposita reali processione Verbi) necessario connexa sunt cum infinitate, unitate, simplicitate Dei, quae attributa etiam lumine rationis intelliguntur. Porro haec eadem valent de reali productione termini immanentis per actum volitionis seu dilectionis ac proinde de persona tertia, cuius notio eodem modo ostenditur esse *supra rationem*, sed non *contra rationem*.

2'. Iam fiat iudicium de foeno Sociniano, quod Rationalistae nostra aetate iterum ruminare pergunt (Christianus Baur, Fridericus Strauss, Fridericus Schleiermacher aliique apud Drem Ioan. Kuhn de Trinit. p. 522, seqq.). Unum, inquiunt, non est aequale tribus; evidenter intelligimus repugnare $1=3$. Evidens est axioma mathematicum: quae non distinguuntur ab uno tertio, non distinguuntur inter se; $A=B$: $B=C$; ergo $A=C$. Personae divinae iuxta dogma

Christianum non distinguuntur ab essentia; ergo non distinguuntur inter se.

Respondemus: haec axiomata mathematica sunt evidentia, et eorum omnino necessaria veritas adeo non repugnat mysterio revelato Dei unius secundum naturam et trini secundum personas, ut nisi istorum axiomaticum veritas absolute certa nobis constaret, nec ipsam revelationem mysterii intelligere, nec quid credendum sit, scire possemus. «Nisi enim rationales animas haberemus, nec credere possemus » (Aug.). Revelatio quippe ipsa supponit et nos supponimus in credendo revelationi evidenter verum, unum non esse tria; secus revelatio et fides Trinitatis proponens unam essentiam et tres personas, non redderet nos certos, utrum non sint tres essentiae et una persona. Generatim sicut de nulla veritate, ita nec de veritate revelata certi esse possemus, quia rationales animas non haberemus.

Pariter revelatio et fides Dei unius secundum naturam et trini secundum personas supponit evidenter verum axioma alterum: ubicumque duo dicuntur non distincta ab uno tertio, ibi sub hac formali ratione, sub qua non sunt distincta ab illo dicto tertio, realiter nec esse duo nec tertium sed omnino unum indistinctum. Sine hoc evidenti principio non intelligeremus unam indistinctam divinitatem, dum revelatur et creditur Pater Deus et Filius Deus et tamen unus Deus. Dum enim revelatur Pater Deus et Filius idem Deus, duo sub formali ratione deitatis dicuntur unum seu non distincta ab uno tertio (ut obiicitui), scilicet a deitate; atque ideo ex evidenti illo principio intelligimus duos non distinguere inter se sed omnino esse unum *deitate*, quamvis simul revelentur distincti inter se sub alia ratione formali (scilicet sub formali ratione relativorum, seu Patris et Filii): « Kgo et Pater unum sumus; tres sunt qui testimonium dant in coelo, Pater, Verbum et Spiritus Sanctus, et hi tres unum sunt. » Veritas igitur evidens enuntiata in utroque illo principio mathematico nullatenus opponitur mysterio fidei catholicae, sed imo in eo supponitur; repugnant vero illa axiomata dumtaxat haeresi, qualis nec umquam exstitit nec mente, concipi

potest, si diceretur, Deum unum esse tres Deos; et tres personas quae sub ratione deitatis unum sunt et indistinctum, nihilominus sub eadem ratione, deitate inquam, inter se realiter distinguui (1).

Teneant ergo Rati-onalistae, qui in verba stultissima Socinianorum iurare pergunt, responsionem simplicissimam: unum sub ea ratione sub qua est unum, evidenter non est tria, et ideo una essentia divina, unus Deus non est tres essentiae et non tres Dii; et vicissim tres personae non sunt una persona, unus Pater non tres Patres, unus Filius non tres Filii etc. Pariter quae sunt sub aliqua ratione realiter unum, sub hac ratione evidenter non sunt multa, seu

(1) Concedimus plenissime Leibnitio, quod ait de illo principio metaphysico; sed non aequè convenimus in modo loquendi de SS. Trinitate. « Omnium opinor partium theologi, inquit, si discesseris a solis fanaticis, saltem conveniunt, nullum fidei articulum involvere posse contradictionem... Unde sequitur, nimiam esse facilitatem quorundam scriptorum concedentium, sanctam Trinitatem repugnare grandi isti principio, quod effert, quae sunt eadem uni tertio, eadem etiam esse inter se, h. e. si $A = B$ et $C = B$, necesse esse ut A et C sint quoque eadem inter se. Hoc namque principium immediate consequitur ex principio contradictionis, estque totius logicae basis ac'fundamentum; id si cessat, ratiocinandi cum certitudine via nulla superest (cf. si vacat Scholasticorum quorundam dubia circa hoc penes Ruiz Trin. disp. XV. sect.4. et apud alios passim). Itaque cum dicitur, quod Pater sit Deus, quod Filius sit Deus, et quod Spiritus Sanctus sit Dens, et quod tamen nnus tantum sit Deus, quamvis hae tres personae inter se diversae sint, iudicandum est. hanc vocem *Deus* non eandem utrobique et in initio et inline significationem obtinere; et certe iam substantiam divinam iam unam Deitatis personam significat » Leibnit. Dissert. de Conformit. fidei cum rat. n. 22. T. 1. p. 81; Remarques sur le livre d'un Antitrinitaire Anglais ibid, p! 24. 25. Nos vero cum s. Thoma distinguendo « *in significatione in et appositionem* nominis dicimus, vocem *Deus* utrobique omnino idem *significare*, divinam scilicet naturam subsistentem; sed dum de una determinata persona praedicatur, adsignificare determinatum hunc modum subsistendi, seu supponere pro hac persona; dum absolute enuntiatur, supponere vel in confuso pro persona sine determinatione huius aut illius, vel pro tribus personis. Pater est divina natura subsistens sub formali hac ratione Patris, Filius est eadem divina natura subsistens sub hac formali ratione Filii etc., et ideo unus est Deus seu una natura divina subsistens, quamvis subsistat ut Pater et Filius et Spiritus Sanctus. Vide supra th. IV. declarationem textus Io. 1. 1.

ut verbis minus idoneis in obiectione dicitur: quae sunt sub aliqua ratione idem cum uno tertio, sub hac ratione sunt idem inter se. Propterea Pater, Filius, Spiritus Sanctus quia unum sunt sub ratione deitatis seu quatenus Deus, non sunt tres Dii sed unus Deus; seu quia sunt idem cum deitate et sunt una deitas, ideo sub ratione deitatis inter se non distinguuntur.

Mysterio fidei repugnans sententia esset longe alia, quae nullo modo est evidens, nec potest demonstrari vera, imo generating enuntiata est evidenter falsa. Dici nempe deberet: quae sunt plura realiter inter se *distincta sub una ratione*, non possunt esse *unum sub alia ratione*; et quae *sub aliqua ratione* sunt unum (seu minus proprie loquendo, quae sub aliqua ratione sunt idem cum uno tertio), ea *sub omni ratione* sunt idem inter se, seu sub nulla ratione inter se distinguuntur. At quis non videt, ubi in uno sunt plures diversae rationes et functiones, absurdum esse dicere, id quod verificatur in eo secundum unam rationem, necessario etiam verum esse secundum aliam rationem diversam? In homine vita est rationalis et animalis et vegetativa; numquid ergo secundum eandem rationem, secundum quam cibos digerit et vegetat, etiam cogitat et libera voluntate vult ac eligit? Ad rem de qua agimus s. Thomas ita respondet. « Argumentum illud tenet, quod quaecumque uni et eidem sunt eadem, sibi invicem sunt eadem, in his *quae sunt idem re et ratione*, sicut tunica et; indumentum, non autem in his quae differunt ratione... Licet paternitas sit idem secundum rem cum essentia divina et similiter filiationis, tamen *haec duo important oppositos respectus; unde distinguuntur ab invicem* » S. Th. 1. q. 28. a. 3. ad 1. Videlicet non ideo distinguuntur inter se realiter, quia ab essentia distinguuntur secundum rationem; ita enim etiam attributa absoluta distinguuntur tum ab essentia tum inter se invicem solum ratione. Sed quod infinita divina natura habet rationes diversas absoluti et relativi, seu quod natura et hypostasis in Deo ratione et virtualiter distinguuntur, haec est conditio, *sine qua non posset esse distinctio realis hypostasium inter se*. Actum autem consistens huius di-

stinctionis ratio formalia est, quia hypostases divinae sunt *relativae relationibus originis*, et ideo sibi invicem opponuntur ut principium et realiter procedens a principio.

Formulae mathematicae huc non pertinent; ibi enim termini non possunt esse sub una ratione idem cum tertio et sub alia ratione non idem inter se, quia quantitates abstractae unam tantum, non aliam et aliam habent rationem. In ordine physico et metaphysico substantiarum finitarum est distinctio sub ratione hypostaseos (alius et alius), et aliqua unitas sub ratione naturae (non aliud et aliud) licet solum unitas specifica. Petrus formaliter ut hic unus, est alius a Paulo; si formaliter spectetur natura quae definitione continetur, habet Petrus unitatem cum Paulo maiorem quam cum animali (in genere), et cum animali maiorem quam cum substantia in genere (e. g. cum saxo); maxima vero et numerica esset unitas secundum rationem hominis, si ut aliqui philosophi et etiam theologi catholici putarunt, humanitas seu formalis ratio naturae a parte rei realiter et numero una Petrum et Paulum constituerent hominem (vide supra Scholion ad th. IX.).

Ia^m vero si divinus intellectus realiter producit Verbum immanens, evidenter essentia seu natura una numero est producentis et Verbi (idemque valet de termino immanente volitionis seu dilectionis). Tum vero sub formali ratione producentis Verbum et Verbi producti sunt duo relativi realiter inter se distincti, sub formali autem ratione naturae seu deitatis est unum numero atque adeo unus Deus. Haec et unitas sub ratione absoluti et distinctio sub alia ratione relativorum evidenter consequitur ex supposita productione Verbi. Ridicula ergo sophismata ex axiome mathematico dimittenda sunt, si Rationalistae nolunt evidenti rationi repugnare; sicque reliquum eis erit, ut vires incredulitatis experiantur unice in demonstranda evidenti repugnantia, quod intellectio infinita producat Verbum ut immanentem terminum intellectionis. Conatus huiusmodi omnes necessario in irritum cadent, quia, ut diximus, nec ex intellectione per se, nec ex intellectione quatenus substantialis est et infinita, nec ex natura divina ullum suppetit

evidens principium evidenter repugnans huic revelatae veritati. Neque aliunde huiusmodi repugnantia deduci potest; quin immo tum lumine rationis ex ipsa infinitate divinae intellectionis est evidens tum fide revelata certissimum, nullum posse esse huiusmodi evidens principium repugnans.

310. Ex his iam etiam responsum est ad reliquas difficultates, quas iidem Rationalistae, Schleiermacher, Strauss et reliqua huiusmodi negotia perambulantia in tenebris (vide Fol/trimest. Theolog. Tubing. 1843. fasc. 1.) repetunt ex antiquis haereticis ad demonstrandam contradictionem in conceptu trium personarum, quae sint unus Deus. Aiunt scilicet: tres personae necessario essent tres essentiae, quia persona a substantia intellectiva singulari (a substantia prima) non distinguitur. Praeterea si personae realiter distinguuntur, necessario aliqua perfectio est in una quae non est in altera, et proinde etiam tres personae essent aliquid perfectius quam singulae. Postremo si una persona est principium alterius, haec altera pendet a prima, et hoc ipso est inferior et imperfectior.

In recoquendis huiusmodi difficultatibus, quae ab istis rabulis exhibentur velut nova lumina in ipsorum philosophia exorta, unum est clarissimum, quod vel insignis ignorantia propria vel praesumptio ignorantiae in lectoribus homines reddit stulte praefidentes. Sunt enim obiectiones inde a saeculo III ab antiquis haereticis fere iisdem verbis propositae, a ss. Patribus confutatae, ab omnibus theologis scholasticis contritae, quae nec ruinam haeresis Sabellianae, Arianae, Tritheitarum, Roscellini, Abaelardi, Gilberti Porretani, Abbatis Ioachini, Socinianorum impedire, nec fidem universalem totius Ecclesiae in Deum unum et trinum aut theologiam dogmatis illustrationem a doctoribus catholicis promotam vel minimum labefactare valuerunt; immo ad ampliorem simul et subtiliorem explicationem catholicam externa erant occasio, „ Ex haereticis asserta est catholica... cum praecisi essent haeretici, quaestionibus agitaverunt Ecclesiam Dei; aperta sunt quae latebant, et intellecta est voluntas Dei... Numquid enim perfecte de

Trinitate tractatum est, antequam oblatrarent Ariani? » Aug. in Ps. 54. n. 22.

a) Concedimus nos, etiam in creatis et finitis hypostasin connaturaleni non realitate aliqua superaddita differre a singulari et integra substantia, sed dicimus distingui ratione cum fundamento in re; h. e. quod res eadem sub alia ratione est substantia singularis et integra (substantia prima), quatenus est haec talis *ουσία* seu entitas, et sub alia ratione est hypostasis, quatenus est *tota in se* non autem sive ad modum partis est alterius sive natura communis pluribus. Propter hanc diversam rationem unius et eiusdem rei, natura creata quin desinat esse substantia singularis ac integra, potest non esse in se hypostasis, idque sola unione *ad modum* partis cum hypostasi superiori, cuius fiat natura propria, adeoque non detractioe sed superadditione realitatis, quod de natura humana Dei hominis multis suo loco demonstratum est (in tractatu de Incarnatione th..XXXI.). Multo magis non modo concedimus sed fide tenemus, divinam essentiam seu substantiam ipsam realiter esse hypostasim: a summa quaedam res, quae realiter est Pater qui generat, Filius qui generatur, Spiritus Sanctus qui procedit λ. At res eadem sub alia ratione est absolutum, et ita una numero non multiplicabilis essentia; et sub alia ratione est relativum, et ita tres sunt hypostases. Cum enim relatio sit unius ad alterum, quatenus unus procedit ab altero per actum immanentem, quo Verbum exprimitur ut immanens terminus intellectionis substantialis, et Spiritus Sanctus procedit ut immanens terminus dilectionis substantialis, *sub hac formali ratione relativorum ad invicem seu producentis et procedentis per modum intellectionis et dilectionis* sunt tres relativi inter se distincti, entitas vero absoluta seu divinitas trium est una numero.

Iam secundum analogiam ex creaturis derivatam, unum absolutum commune dicimus essentiam, naturam seu substantiam; tres distinctos unius intellectualis naturae dicimus personas (hypostases intellectuales). Nemo nostrum affirmat, hanc trium distinctionem sola ratione demonstrari;

sed imino sicut eam fide credimus, quia Deus ipse revelavit, ita etiam credimus, eam lumine rationis demonstrari non posse (th. XVII.). Sed si iam constat, per intellectionem et dilectionem realiter produci terminos immanentes Verbum et Spiritum Sanctum, reliqua de unitate et distinctione ex hoc ipso dogmate processionum aper necessarias rationes » demonstrantur. Ergo iterum revocamus adversarios ad illud unum, ut evidenter demonstrent repugnantiam in eo, quod intellectus infinitus producat Verbum, et voluntas infinita producat amorem velut terminum immanentem; quam repugnantiam non solum negamus posse demonstrari, sed demonstramus, demonstrari non posse.

ò) Qui immanentes relationes et relativa in Deo fingunt instar trium hominum velut absoluta et personas invicem separatas, quarum cuique sua numerice distincta sit natura, ii utique evidentem reperient contradictionem in notione Dei unius et trini; sed tali conceptui non minus revelatio quam ipsa ratio repugnat. Atqui ab isto conceptu falsissimo progreditur obiectio secundo loco commemorata. Si enim una infinita essentia simul habet rationem absoluti et relativi, et si eadem essentia infinita identifientur cum tribus relativis, repugnat ut plus perfectionis intelligatur sub ratione sive unius sive plurium relativorum, quam sub ratione infinitae essentiae absolutae. De hac re satis diximus th. XV.

c) In eo etiam quod obiiciunt de dependentia, ex qua sequatur inaequalitas personarum, supponitur productio naturae, atque inde distinctio hocque ipso diversitas naturarum, et ex his ulterius productio per actionem, quae producens alteram naturam est verissima productio *ad extra*. Uno verbo supponitur sententia Ariana de productione Filii, in qua sane evidens est dependentia et in ea inclusa inaequalitas Filii. At doctrina revelata omnino est alia. Infinitus actus intellectionis divinae ex intima perfectione et exigentia suae naturae intelligendo se producit Verbum sui ut terminum immanentem intellectionis, ita ut in Verbo sit tota eadem numero perfectio absoluta communicata, quae est in producente. «Oportet igitur, quod

Deus in se ipso sit ut intellectum in intelligente; intellectum autem in intelligente est intentio intellecta (conceptus) et verbum. Est igitur *in Deo intelligente se ipsum Verbum Dei quasi Deus intellectus* *n* S. Th. contr. gent. IV. c. 11. Ex eâdem vero exigentia necessariae perfectionis, qua Deus est intelligendo exprimens Verbum, est etiam Verbum ut Deus intellectus.

Si igitur dependentia dicitur *improprie*, quod unum non potest esse sine altero *ex insita exigentia perfectionis*, hoc sensu dependentia est mutua, quia intellectio paterna non potest esse sine immanente Verbo producto, et Verbum non potest esse sine intellectione producente. At haec non est *dependentia includens imperfectionem* et proprie (licta, sed est interna necessaria perfectio, ut unus Deus sit sicut necessario existens infinita intellectio sui exprimens Verbum, ita necessario existens Verbum infinitae intellectionis: *u* in principio Verbum erat apud Deum, et Deus erat Verbum *n*.

Dependentia *proprie* dicta est negatio necessarii *Esse* atque necessariae perfectionis, et affirmatio alicuius *Esse* et alicuius perfectionis per influxum alterius tamquam causae (in aliquo genere causalitatis materialis, formalis, finalis, efficientis). Haec dependentia est *indigentia* et negat *Esse* necessarium ac proinde negat *Esse* divinum (1).

(1) Hinc patet, quid sentiendum sit de ratione et praedicatione essentiali *entis a se*. Particula *a se* negat productionem ac producibilitatem a causa externa sen *ab alio ente*, et affirmat *exigentiam ac necessitatem existentiae* ex ipsa interna ratione essentiae; nihil autem per se negat aut affirmat de productione et processione immanente per necessariam communicationem unius necessariae essentiae. Porro *ens* de Deo simpliciter dictum intelligitur *absolutum Esse*, potest tamen cum addito etiam dici *ens relativum* et accipi *hypostatice*, sicque dici possunt *tria entia relativa*. Unde *ens a se* simpliciter dictum est praedicatum absolutum significans intrinsecus necessariam existentiam divinae essentiae, et sic ratione subiecti negat omnem productionem; essentia enim nec generat nec generatur nec procedit; non tamen negat communitatem huius essentiae et unius absoluti *Esse* in tribus relativis. Si dicitur *ens relativum a se*, h. e. si praedicatur de hypostasi sub formali ratione hypostaseos, *ens a se* affirmat de singulis hypostasibus internam necessitatem existendi, et negat productionem *ab alio ente*

Processio ergo Verbi necessaria ex necessaria perfectione divinae naturae non est *dependentia indigentiae et imperfectionis*; sed est insita *exigentia perfectionis* in spiritu infinito, ut unus idemque spiritus in una non multiplicabili attamen communicabili essentia sit et producat Verbum et Verbum. Quod totum, ut patet, aequale valet de processione amoris, seu de necessario immanente termino infinitae dilectionis Patris ac Filii. Haec necessaria processio secundum naturalem exigentiam perfectionis intelligenda est, quando Patres dicunt pendere Filium a Patre, Spiritum Sanctum a Patre et Filio. Vide Didac. Ruiz disp. X. sect. 1. 2. 3; Suarez 1. II. c. 2.

CAPUT III.

DE MODO NOSTRO CONCIPIENDI MYSTERIUM S3. TRINITATIS
PER DISTINCTIONEM ABSOLUTI AC RELATIVI.

THESIS XXI.

*De identitate reali et distinctione in SS. Trinitate
per distinctionem absoluti ac relativi,*

« Una summa res quae Dens est, simul habet tum rationem *absoluti*,
» quod est una essentia divina, tum rationem *relativorum* ad invicem,
• qui realiter inter se distinguuntur; internae enim relationes divinae
- tum omnes tum singulae ex doctrina fidei sunt realiter ipsa infinita
- essentia Dei. Nihilominus mysterii revelata veritas postulat, ut ea-
» sentia et relatio divina, quemadmodum a nobis inaequale solum
» concipi possunt, ratione cum fundamento in re ac virtualiter distin-
» ctae intelligantur. »

Ad explicandum conceptum distinctarum personarum in una essentia primum fundamentum unde progredimur, nobis est definitio Concilii Later. IV. cap. *Damnamus*. «Una quaedam summa res est, incomprehensibilis quidem et ineffabilis, quae veraciter est Pater et Filius et Spiritus Sanctus,

(diverso); « sicut Pater habet vitam in semetipso, sic dedit et Filio habere vitam in semetipso; » sed processionem immanentem et necessariam hypostaseon in una necessaria essentia non negat, nisi ratione subiecti in prima hypostasi, cuius proprietas est *ἡ δύστροπος*.

tres simul personae ac singillatim quaelibet earumdem; et ideo in Deo solummodo Trinitas est, non quaternitas, quia quaelibet trium personarum est illa res, videlicet substantia, essentia, seu natura divina, quae sola est universorum principium... Et illa res non est generans, neque genita, nec procedens, sed est Pater qui generat, et Filius qui gignitur, et Spiritus Sanctus qui procedit; ut distinctiones sint in personis et unitas in natura, *n*

Secundum hanc itaque definitionem *a*) divina essentia ipsa realiter est Pater et Filius et Spiritus Sanctus, tres simul personae et quaelibet earumdem, seu divina essentia identificatur cum tribus inter se distinctis personis et cum earum singulis, *δ*) Quatenus ea summa res formaliter est essentia seu natura divina, est omnino una non multiplicabilis, quamvis eadem identificetur cum tribus inter se distinctis, seu (ut dici solet) sit communis tribus personis inter se distinctis. Ergo hoc ipso quia una est non multiplicabilis, sub hac formali ratione naturae communis nec generat nec generatur nec procedit. At *c*) eadem summa res est Pater, et sub hac formali ratione ut Pater generat Filium; eadem est Filius, et sub hac formali ratione ut Filius generatur a Patre; eadem est Spiritus Sanctus, et sub hac formali ratione ut Spiritus Sanctus procedit a Patre Filioque. Ergo *d*) evidenter eadem una summa res habet formalem rationem *absoluti* (ut absolutum dicitur in oppositione ad relativum) (1), quia sub formali ratione essentiae nec generat nec generatur nec procedit adeoque nullam habet distinctionem, hocque ipso nullam relationem

(1) *Absolutum* dicitur dupliciter de Deo, primo *ens absolutum* quatenus est *ens solutum a limitatione*, seu *ens simpliciter* sine negatione entitatis ulterioris, quae adhuc possibilis concipi posset, adeoque ut infinitum ac independens in oppositione ad ens participatum ac creatum vel creabile; deinde *absolutum* ut *solutum a relatione*, quod realiter non refertur ad alterum, adeoque *in oppositione ad relativum*. Hoc altero sensu semper intelligitur, ubi essentia et personae divinae comparantur. « Substantia prima dicitur absoluta quasi ab alio non dependens. Relativum autem in divinis non excludit *absolutum*, quod est ab alio non dependens; sed excludit *absolutum*, quod ad aliud non refertur » S. Th. Potent, q. 9. a. 4. ad 10.

(realem) ad intra ; simul vero eadem una summa res habet formalem rationem *relativi*, seu melius *relativorum* (neque enim realiter relativum sine reali distinctione et multiplicatione relativorum esse aut concipi potest), et sub hac ratione est ipsamet Pater generans et Filius genitus et Spiritus Sanctus procedens ; adeoque summa res , quae sub formali ratione *absoluti*, est *unum, una essentia, unus Deus*, eadem sub formali ratione *relativorum* est tres , qui tres unice sub hac formali ratione relativorum inter se distinguuntur. Relationes autem hae distinguentes vi *rea'ium processionum*, immanentium sunt *relationes originis* expressae in revelatione nomine ac re *Patris, Filii, Spiritus Sancti*.

Doctrina eadem continetur in Scriptura, in symbolis, in definitionibus Conciliorum , in declarationibus Patrum et in universa praedicatione ecclesiastica, ex quibus demonstravimus doctrinam revelatam, unum Deum esse Patrem, Filium et Spiritum Sanctum; unam numero essentiam non multiplicari, sed esse communem tribus distinctis relativis ad invicem; Patrem, Filium, Spiritum Sanctum non esse aliud et aliud, sed unum idemque omnino, licet sit alius et alius sicque non unus sed tres ; hoc igitur sensu tres > personas esse perfectissime consubstantiales. «Neque Filius est Pater, quippe unus est Pater, sed hoc est quod Pater; neque Spiritus Sanctus est Filius t eo quod ex Deo est; unus est enim unigenitus; sed hoc est quod Filius. *Tria haec sunt renum deitate, et unum hoc est tria proprietatibus** *bm* *τρία θεότητι, γ.αι το εν τρία ται ἰοκτ,σι* Gregor. Naz. or. 31 (al. 37) η. 9. Proprietatibus sunt tres , videlicet sub formali ratione Patris gignentis, Filii geniti, Spiritus Sancti procedentis, quae rationes ad invicem relativae sunt, ut paulo ante dixerat Gregorius: «differentia relationis mutuae differentem ipsorum fecit appellationem.* In formula baptismi Salvator « demonstrat satis esse, si in Patris et Filii et Spiritus Sancti appellatione permaneamus, ad eius quod essentialiter est, perceptionem; quod quidem *et unum est et non unum. Nam essentiae ratione est unum*; ideo in unum nomen (baptizantes *in nomine* Patris et Filii et Spi-

ritus Sancti) respicere Dominus lege sua constituit; sed *proprietatibus notionalibus Tiypostaseon in Patris et Filii et Spiritus Sancti fidem discernitur indivise distinctum et inconfuse unitum* n (1) Gregor. Nyss. contr. Eunom. 1.1. T. II. p. 3. At doctrina tum Patrum tum Scripturae huc pertinens ex superioribus repetenda est; hic solum de deducendo ex illa et declarando conceptu sumus solliciti.

Ut patet, tota haec doctrina et nominatim Lateranensis definitio ad duplex dogma revocari potest. Unum, quod vehit fundamentum supponitur, tum lumine rationis tum revelatione innotescit, nimirum dogma unitatis et simplicitatis Dei, quod infinita essentia divina necessario una est, tum unitate quae opponitur multiplicationi, tum unitate quae opponitur cuivis compositioni non solum physicae ex partibus realibus, sed etiam metaphysicae, quae exurgat ex diversis gradibus entitatis cum obiectiva praecisione inter se distinctis. Dogma alterum ex sola revelatione cognoscibile directe enuntiatur, quod unus Deus est Pater et Filius et Spiritus Sanctus, tres personae realiter inter se distinctae.

Simplicitas divini *Esse* in definitione Lateranensi velut fundamentum supponitur ad declarandum, quod divina essentia ipsa est Pater et Filius et Spiritus Sanctus, atque ideo non essentia absoluta a personis inter se relativis, sed tantummodo personae inter se realiter distinguuntur. Propter hanc identitatem essentiae unius cum tribus personis docet Concilium non esse quaternitatem (ut Ioachim Florentis Abbas obiecerat Lombardo), sed Trinitatem tantummodo personarum. Ex eadem infinita simplicitate, ut in universa doctrina Scripturae et Patrum et a Concilio iterum proposita est, porro consequitur, non posse a nobis consideratione mentis distinguere ullam Dei perfectionem aut formalem rationem, quin eadem obiective et ut in se est, includat seu melius ipsamet sit realiter infinitum *Esse* divinum ac entis absoluti plenitudo.

Itaque tenendum est, non aliam rem esse essentiam et

(1) Το γὰρ λόγος ἡ ἀνσῆς ἐν ἰστίᾳ τοῖς γνωριστικοῖς τῶν τριῶν πατρὶς τε καὶ υἱοῦ καὶ ἁγίου πνεύματος πιστὴν ἡ ἐν ὁμοούσιᾳ τε μεζίζομενον καὶ ἀσυγγνωστὸν ἐννοούμενον.

aliam relationem in Deo sed omnino rem eandem; attamen alia est formalis ratio essentiae et alia relationis, haecque distinctio est cum fundamento in re. Haec primum *distinctio rationis*, quid sit et quae sit eius veritas, tum eiusdem necessitas indiget declaratione.

1. Quia nos imperfecto nostro modo cognoscendi non possumus uno conceptu complecti totam plenitudinem entis nisi omnino confuse, ideo ad distinctiorem aliquam intellectionem Dei efformandam ipsum unum simplicissimum *Esse* infinitum conamur assequi veluti per partes sub diversis inadaequatis conceptibus essentiae, intellectus, voluntatis, sapientiae, bonitatis ceterarumque perfectionum, quibus omnibus conceptibus respondet unum *Esse* infinitum; realiter enim illud est et essentia et intellectus et voluntas et omnis perfectio. At haec omnia non est aliis et aliis realitatibus in Deo ipso distinctis; sed est una infinita entitas secundum diversas velut functiones aequivalens his omnibus perfectionibus. Quod concipimus sub idea e. g. sapientiae infinitae revera est in Deo et est Deus ipse; seu eadem res obiectiva respondens huic conceptui sapientiae est etiam divina essentia, bonitas, omnipotentia, iustitia etc., quia illa res est ipsa entis absoluti plenitudo. Iam quod explicite concipimus sub ideis sapientiae, bonitatis, omnipotentiae et ceterorum attributorum, id appellamus *formales rationes obiectivas*; operationem vero mentis nostrae in hac distinctione dicimus distinctionem *rationis* (subiectivae). Formales illae rationes, ut iam patet, non sunt in Deo *realiter distinctae*, sed sunt una entitas simplicissima a nobis distinctis et inadaequatis conceptibus perfectionum apprehensa. Attamen ipsa infinitas perfectionis divinae aequivalens et supereminens in uno suo simplicissimo *Esse* hisce omnibus perfectionibus, ut a nobis consideratione seu ratione (ἐπίνοιᾳ) distinguuntur, fundamentum praebet cur ex rei veritate possimus divinum *Esse* sub formalibus rationibus diversis concipere; et hoc est, quod dicitur distinctio rationis cum *fundamento in re*. Cf. S. Th. 1. dist. 33. q. 1. a. 1. ad 3. (De his recale, quae disputavimus in Tract. de Deo th. XII. XIII. XXVI. XXVII.).

Tain vero ex eodem principio infinitatis et inde simplicitatis divini *Esse* intelligitur pari omnino modo, quo dictum est de attributis absolutis, nullam esse *distinctionem realem* inter idem *Esse* sub formali ratione absoluti et sub formali ratione relativi. Eadem quippe entitas et absolutum est et relativum; nos vero nonnisi distinctis conceptibus diversas has rationes formales apprehendere possumus, haecque nostra distinctio est sane cum fundamento in re, quoniam obiective et realiter una infinita entitas simul est et absolutum et relativum, habetque functiones tum absoluti tum relativi. Tino verbo dici potest: multarum rationum adeoque etiam absoluti et relativivi *distinctio non est realis*; sed quod respondet illis multis lationibus ipsumque absolutum et relativum *est realitas* in Deo, verum *realitas una* in se simplicissima.

Tota haec quam dedimus, definitionis Lateranensis explicatio est Doctoris Angelici, « Alia est ratio substantiae et relationis, et utrique (rationi nostrae subiectivae seu conceptui) *respondet aliquid* (ratio obiectiva) *in re quae Deus est, non tamen aliqua res diversa sed una et eadem...* Licet relatio non addat supra essentiam aliquam rem sed solum rationem (i. e. res eadem revera est sub alia ratione essentia et sub alia ratione relatio, et proinde sub duplici ratione concipitur cum fundamento in re), tamen *relatio est aliqua res*, sicut etiam bonitas est aliqua res in Deo, *licet non differat ab essentia nisi ratione*, et similiter est de sapientia. Et ideo sicut ea, quae pertinent ad bonitatem vel sapientiam, realiter Deo conveniunt, ut intelligere et alia huiusmodi; ita etiam *id, quod est proprium realis relationis scilicet opponi et distinguere* (i. e. ut relativi referantur realiter ad se invicem, et hoc ipso sub formali ratione relativorum sint inter se distincti) *realiter in divinis invenitur* » S. Thom. de Potent, q. 8. a. 2. ad 2. 3. et 1. q. 28. a. 2.

Hoc idem lucidissime, quantum mysterii profunditas patitur, expressit Cardinalis Caietanus in 1. q. 39. a. 1. « Ju Deo, ait, secundum rem sive in ordine reali est una res (ut omnes Catholici debent fateri), non pure absoluta nec

pure respectiva nec mixta aut composita aut resultans ex utraque, sed *eminentissime et formaliter habens quod est respective, imo multarum rerum, respectivarum* (tium realiter relativorum ad invicem et hoc ipso realiter inter se distinctorum), *et quod est absoluti*. Ita in ordine formali seu rationum formalium secundum se (ut in Deo est), non quo id nos loquendo (qui unum illud concipimus multis distinctis notionibus inadaequatis), *est in Deo unica ratio formalis non pure absoluta nec pure respectiva, non pure communicabilis nec pure incommunicabilis*, sed eminentissime ac formaliter continens *et quidquid absolutae perfectionis est et quidquid Trinitas respectiva (relativa) exigit* (1). Pater non intelligit essentiam et paternitatem ut duo obiecta formalia secundum se, sed ut *unum formaliter et multa virtualiter*, non ita quod in illa summa re atque ratione formali paternitas et essentia sint (solum) virtualiter, sed ita *quod sint formaliter et realiter* (h. e. quod una res et una ratio formalis estreipsa tum essentia absoluta tum paternitas relativa ad Filium ut ad ternium), *sed distinctio earum est virtualiter*, quia ita ibi sunt, ac si essent distinctae, et rursus quia ita (una res et ratio formalis) exercet munus utriusque, ac si essent distinctae. » Haec ibi.

Paucis sed claris verbis hoc ipsum dicit Suarez. « Est ibi *una res vere absoluta et vere relativa sine distinctione inter se*, quia ut sic (ut absolutum et simul relativum) non involvunt oppositionem nec repugnantiam; quia non est de ratione rei absolutae, ut secundum nullam rationem possit habere respectum, sed solum ut, quatenus absoluta, eum non dicat » Suarez de Trin. 1. IV. c. 3. n. 19. Cf. Didacuin Ruiz disp. XI; Molinam in 1. q. 28. disp. III.

(1) Haec disputat Caietanus contra illos Scotistas, qui inter diversas rationes in Deo et nominatim inter absolutum ac relativum non quidem realem distinctionem admittunt (quod esset haereticum), sed tamen maiorem quam est distinctio rationis; unde eam appellant distinctionem *mediani* vel *formalem*, h. e. quae sit obiective in Deo iuter diversas *formalitates*, et non solum ex imperfecto nostro modo intelligendi concipiatur.

2° Apparet facile, fundamentum esse diversum et necessitatem longe maiorem distinctionis inter formalem rationem absoluti et relativi, quam inter formales rationes absolutorum attributorum. Posterior enim haec distinctio nec fundatur in aliqua distinctione reali, nec realis distinctio eam consequitur; sed solum est necessaria, ut inadaequata nostris notionibus unum absolutum *Ease* divinum paulo distinctius concipiamus (Tract, de Deo). At non ita se res habet in distinctione absoluti et relativi. Verissimum quidem est, non minus unam summam rem absque ulla distinctione actuali in re ipsa esse et absolutam essentiam et relativum (Patrem et Filium et Spiritum Sanctum), quam una res sit essentia et absoluta sapientia ac bonitas; sed absoluta a nobis distinguuntur vel unice vel certe potissimum secundum diversas relationes rationis et functiones infiniti *Esse* ad extra, quin inde ulla sequatur distinctio *realis*: contra vero distinctio inter absolutum et relativum est secundum diversam functionem *ad intra* ita, ut sub formali ratione absoluti maneat unum indistinctum, sub formali autem ratione relativi sint tres *realiter inter se* distincti. Ita ergo una summa res in se continet utramque rationem absoluti ac relativi, et realiter habet functiones utriusque, ac si duae illae rationes essent res distinctae. Propterea haec distinctio inter absolutum ac relativum sicut etiam inter intellectum et voluntatem in ordine ad diversas processiones Filii ac Spiritus Sancti magis proprie quam altera inter attributa absoluta, dicitur *virtualis*, h. e. cum fundamento secundum diversas functiones unius eiusdemque rei infinitae, non secus ac si essent duae res distinctae, ut paulo ante vidimus declaratum a Caietano. Hoc etiam sensu debent intelligi illi theologi, qui dicunt *maiorem distinctionem* esse inter essentiam et personam quam inter essentiam et attributa (cf. Petav. de Deo 1.1. c. 10. n. 10).

Supposita itaque simplicitate et unitate Dei, sicut realis distinctio personarum inter se evidenter ostendit unam summam rem simplicissimam non solum conceptu nostro sed in se simul esse absolutum et relativum; ita eadem realis distinctio non solum fundamentum praebet sed omnino ne-

cessariuin reddit, ut eandem summam rem distinctis notionibus absoluti et relativi concipiamus.

Haec necessitas tanta est, ut sublata distinctione utriusque formalis rationis ipsum dogma Trinitatis personarum in una simplicissima et non multiplicabili essentia subvertatur. Dogma enim in hoc ipso positum est, quod Deus secundum rationem jEsse absoluti et omnis perfectionis absolutae, quam nos mentis consideratione distinguere possumus, est unum simplicissimum *Esse* infinitum; secundum rationem vero relativorum ad invicem per relationes originis seu processionis unius ab altero idem illud unum *Esse* est Pater, Filius, Spiritus Sanctus, qui inter se sunt realiter distincti. Hinc haeretici tam illi, qui in unitate essentiae unam tantummodo admittebant personam vere divinam (ut Ariani), quam Tritheitae qui in tribus personis tres inducebant essentias divinas (ut etiam Abbas Ioachim), ad doctrinam catholicam impugnandam assumebant negationem diversae rationis et affirmationem exaggeratae identitatis inter essentiam absolutam et proprietates relativas; atque ideo ss. Patres vicissim non minimam partem defensionis catholicae collocabant in demonstranda diversa ratione formali essentiae absolutae et personae proprietatisque relativae, utiuxta revelationem disertissimam unitas et realis communitas secundum formalem rationem essentiae, realis distinctio et incommunicabilitas secundum formalem rationem relativorum seu personarum sarta esset ac tecta. Prolixae disputationes de distinctione secundum duplicem rationem essentiae et proprietatum relativarum sunt apud ss. Basilium et Gregorium Nyssenum fratrem in libris contra Eunomiu.ni, apud Gregor. Nazianz. or. 29. al. 35, apud Epiphaniam haeres. 76, Cyrillum in Thesauro, Augustinum praesertim l. V. de Trin. aliosque, ubi respondent perpetuae Arianorum cavillationi, quam « haeticorum arcem ac murum » appellat Gregorius Nazianz. (or. 31. n. 23), Augustinus (Trin. V. c. 3) « callidissimum machinamentum, » quod scilicet *ingenitum* et *genitum* diversa sunt atque ideo diversa sit Patris ac Filii essentia; quidquid enim de Deo dicitur, secundum essentiam dici statuebant, reiecta

distinctione virtuali inter essentiam et hypostasim. Unde ad objectionem Arianam cum aliis Gregorius Naz. respondet or. 29. n. 16: « *Pater* non est nomen essentiae, o viri acutissimi, nec actionis, sed relationem eam indicat, quam habet Pater ad Filium vel Filius ad Patrem. Ut enim apud nos (in humanis) haec nomina germanam necessitudinem (το γυν,σιον *r.ai civ.ucv*) significant, sic et ibi indicant habitudinem geniti ad generantem in communitate naturae » (ρο *cpc^utav*). Pariter Augustinus Trin. 1. V. ponit illam Arianam difficultatem: « quidquid de Deo dicitur vel intelligitur, non secundum accidens sed secundum substantiam dicitur; quapropter ingenitum esse Patri secundum substantiam est, et genitum esse Filio secundum substantiam eat. Diversum est autem ingenitum esse et genitum esse; diversa est ergo substantia Patris et Filii. » Summa satis prolixae responsionis Augustini continetur hac conclusione: « quamvis diversum sit Patrem esse et Filium esse, non est tamen diversa substantia (essentia absoluta), qui hoc *non secundum substantiam dicuntur sed secundum relativum*, quod tamen relativum non est accidens, quia non est mutabile. » Eadem declarando proseguitur de *ingenito et genito*: « sicut genitus non ad se ipsum dicitur sed quod ex genitore sit, ita cum dicitur ingenitus, non ad se ipsum dicitur, sed quod ex genitore non sit, ostenditur. In eodem tamen praedicamento quod *relativum* vocatur, utraque significatio (sicut geniti ita et ingeniti) vertitur; *quod autem relative pronuntiatur, non indicat substantiam: ita quamvis diversum sit genitus et ingenitus, non indicat diversam substantiam* » Aug. ib. c. 3-7. Vide Petav. de Deo 1.1. c. 7-11; Trin. 1. V. c. 1-3.

THESIS XXII.

Relationes divinae sunt reales et ideo substantiales.

» Ex dictis consequitur, has divinas relationes non solum esse respectus secundum modum considerandi, sed esse *relatione» rente»*.
? Propterea 1° sunt relationes *substantiales*», quia in Deo nullum est accidens; eas tamen considerare oportet non velut realitates *superaddita»* essentiali, sed ut ipsam realitatem essentiali sub formali ratione actionis functionis relativorum. Quod utrumque 2° ex doctrina s. Thomae confirmatur et illustratur, »

I. Si ex demonstratis et nominatim ex definitione Lateranensi sicut una summa res est absolutum, sub qua formali ratione dicitur una divina essentia, ita etiam eadem summa res est relativum, sub qua formali ratione sunt tres inter se distincti; iam patet, tum divinas relationes esse substantiales, tum eas nihil realitatis superaddere infinitae essentiali.

Relatio realis in creatis est accidens in subiecto, vi cuius subiectum habet ordinem ad alium terminum realem. Si itaque relatio dicitur ipse ordo ad alterum, quem respectum ita abstracte consideratum veteres appellant relationis *esse ad (terminum)*, ille respectus non est entitas distincta a termino (ad quem refertur) et ab accidente quod fundat talem ordinem, et quod ideo dicitur *relationis fundamentum* vel a veteribus etiam relationis *esse in (subiecto)*. Hinc relationes spectatae secundum suum fundamentum seu secundum *esse in subiecto* sunt *inhaerentes*, secundum merum *esse ad terminum* spectatae dicuntur *assistentes*, i. e. nihil realitatis ponentes in subiecto. Hinc porro evidens est, omnes relationes reales necessario habere suum *esse in subiecto*; hoc enim nihil aliud significat, quam quod sunt realitas seu fundantur in realitate inhaerente subiecto relato. Contra vero relationes quae concipiuntur mere tamquam *esse ad terminum* sine realitate fundamenti in subiecto, seu quae sunt mere *assistentes* et nullo modo inhaerentes, non sunt vera realitas; sed solum ut realitas concipiuntur (veteres aiebant: sunt ens non primae intentionis sed secundae).

dae intentionis), atque ideo sunt *relationes rationis* et non reales.

Iam secundum hanc probabiliorem theoriam de relationibus in creatis, quam paulo post confirmabimus etiam ex doctrina s. Thomae, aliquomodo declarantur a nobis relationes divinae.

Illae sine dubio sunt reales (loquimur de relationibus internis), adeoque sunt entitas aliqua in ipso termino qui refertur, non autem sunt merus respectus et extrinsecus *assistentes*, ut aiebat Gilbertus Porretanus. Hoc enim si ita esset, personae ipsae divinae vel non distinguerentur realiter vel distinguerentur non solis relationibus sed etiam absolutis; quorum prius ad Sabellianorum, alterum ad Arianam vel Tritheitarum haeresim pertinet. Supposita vero realitate divinarum relationum, utrumque quod in thesi dicimus, tam scilicet earundem substantialitas quam identitas cum divina essentia post ea quae in superioribus probata sunt, non novam demonstrationem sed tantummodo declarationem postulat.

1^a Illa entitas seu relatio secundum *esse in subiecto*, non est in Deo accidens inhaerens subiecto, sed est ipsa iuxta divinam substantiam formaliter ut relativa. Ipsa videlicet divina substantialis intellectio non modo est intellectio absoluta, sed habet ex intima sua natura necessarium ordinem ad suum Verbum ut ad terminum aeternaliter et necessario productum; pariter Verbum est ipsa eadem absoluta intellectio substantialis, sed quae sub formali ratione Verbi producti habet necessarium ordinem ad producentem. Idem valet de Spiritu Sancto ut substantiali amore et immanente termino dilectionis Patris et Filii. Quare entitas relationis est ipsa substantia divina, non quidem ut haec formaliter est absoluta, sed formaliter ut ex intima sua perfectione ordinem dicit producentis ad immanentem terminum productum; terminus ergo uterque tum producens tum productus, utpote non alia existens entitas seu non aliam habens realitatem quam divinae substantiae, profecto substantialis est.

2^o. Respectum seu ordinem ad terminum, sive (ut aiunt)

esse ad possumus quidem abstracte considerare per se, et relationem velut assistentem; at sic consideratus respectus seu formale *esse ad* nihil entitatis superaddit ultra realitatem relationis spectatae secundum *esse in*. Non dico relationem secundum *esse ad* non esse realitatem, quod Ruiz disp. IX. sect. G. η. 14. dicit periculosum et proximum errori; sed dico cum s. Thoma, Card. Pallavicino locis mox citandis, et cum Card. Cienfuegos, *esse ad* non aliquam realitatem etiam sola ratione distinctam *superaddere* realitati, quam habet relatio secundum *esse in*. « Conceptus relationis ut *superadditae* realis esse nequit sed pure rationis (in divinis), quamvis, si *formalitas ad* non concipiatur ut *superaddita*, sit per se simpliciter realis seu idem formaliter entitative cum praedicato absoluto divino. Est igitur realis si concipiatur ea *formalitas ad* secundum se et prout existit a parte rei, est tamen rationis tantum, si concipiatur ut *accrescens* absolutis vel *addita* » Cienfuegos Aenigm. theol. disp. V. sect. 3. η. 9. Manet ergo entitas relationis secundum *esse in*, haecque entitas ipsa non est alia quam entitas essentiae absolutae, quae propter suam eminentiam habet in suo simplicissimo *Esse* rationem tam absoluti quam relativi. Ergo infinitae essentiae, tum quod haec necessario comprehendit omnem divinam realitatem absolutam et relativam, tum spectata ipsa indole relationum, per relationes nihil realitatis *superadditur*.

Paucis ut totum complectamur, a) sicut in creatis relatio realis est accidens inhaerens subiecto, ita in Deo (quoniam Deus est *Esse* simplicissimum) relatio est substantia divina. b) Ut in creatis relatio non est accidens quomodocumque, sed accidens quo subiectum habet ordinem ad terminum realem; ita in Deo relatio est substantia, formaliter quatenus haec intrinsecus habet ordinem ad terminum realem. At c) in creatis hoc ipso quod relatio est accidens, termini mutuo referendi supponuntur inter se distincti ut substantiae; in Deo contra, quia relatio est substantia, relatio ipsa est terminus, qui se ipso habet ordinem ad alterum, sive se ipso refertur; et quia absolutum in Deo omnino unum est, termini sub sola formali ratione relationum substantialium distinguuntur inter se.

II. Doctrinam hactenus expositam de substantialibus relationibus divinis et de modo considerandi secundum *esse in* et *esse ad* disertissime tradit s. Thomas 1. q. 28. a. 2; Potent, q. 8. a. 2.; 1. dist. 33. q. 1. a. 1. Describam verba de Potent. 1. c.

« Supposito quod relationes in divinis sint, de necessitate oportet dicere, quod sint essentia divina, alias deberet ponere compositionem in Deo, et quod relationes in divinis essent accidentia, quia omnis res inherens alicui praeter suam substantiam est accidens; deberet etiam, quod aliqua res esset aeterna, quae non erit substantia divina; quae omnia sunt haeretica. Ad huius ergo evidentiam sciendum est, quod inter novem genera quae continentur sub accidente (1), quaedam significantur secundum rationem accidentis; ratio enim accidentis est *inesse*, et ideo illa dico significari per modum accidentis, quae significantur ut inherencia alteri, sicut quantitas et qualitas... *Ad aliquid* vero (categoria $\pi\omicron\sigma\ \tau\iota$ seu relationis) non significatur secundum rationem accidentis; non enim significatur ut aliquid eius in quo est, sed ut ad id quod extra est... Unde quidam attendentes modum significandi in relativis, dixerunt ea non esse inherencia substantiis, scilicet quasi eis assistentia, quia significantur ut quoddam medium inter substantiam quae refertur, et id ad quod refertur. Et ex hoc sequebatur, quod in rebus creatis relationes non sunt accidentia, quia accidentis *esse* est *inesse*. Unde etiam quidam theologi scilicet Porretani huiusmodi opinionem usque ad divinam relationem extenderunt dicentes, relationes non esse in personis, sed eis quasi assistere. Et quia essentia divina est in personis, sequebatur quod relationes non sunt essentia divina; et quia omne accidens inheret, sequebatur quod non essent accidentia... Sed ad hanc opinionem sequitur, quod relatio non sit res aliqua, sed solum secundum rationem; omnis enim res vel est substantia vel accidens. Unde etiam quidam antiqui posuerunt, relationes esse

(1) Noveni notissimae categoriae Aristotelis: $\tau\omicron\iota\omicron\iota\omicron\upsilon$, $\tau\rho\epsilon\alpha\omicron$, $\tau\eta\tau\iota$, $\iota\tau\alpha\sigma\chi\iota\omicron$, $\delta\iota\sigma\tau\omicron\delta\alpha\iota$, $\tau\tau$.

de secundis intellectis (entia rationis, seu secundae intentionis). Et ideo oportet hoc etiam Porretanos dicere, quod relationes divinae non sunt nisi secundum rationem; et sic sequetur, quod distinctio personarum non sit realis, quod est haereticum. Unde dicendum est, quod nihil prohibet aliquid esse inherens, quod tamen non significatur ut inherens.... Licet *ad aliquid* (relatio) non significetur ut inherens, tamen oportet ut sit inherens, et hoc quando relatio est res aliqua, quando vero est secundum rationem tantum, tunc non est inherens. Et sicut in rebus creatis oportet quod sit accidens, ita oportet quod sit in Deo substantia, quia quidquid est in Deo, est eius substantia. Oportet ergo relationes secundum rem esse divinam substantiam, quae tamen non habent modum substantiae, sed habent alium modum praedicandi n S. Th. 1. c.

Ad meliorem declarationem Anglicus sibi obiicit: a) nulla substantia est relatio; 3) si relatio est substantia divina secundum rem ipsam, et solum est alia eius ratio formalis, relatio nihil reale esse videtur. Unde si relatio nihil reale superaddit substantiae, ulterius consequi videtur, personas divinas cum non nisi sub formali ratione relationum distinguere queant, non distinguere realiter inter se, quae haeresis est Sabelliana.

Respondet s. Doctor ad primum. «Nulla substantia quae est in genere (i. e. finita et secundum *esse* limitata, includens solum certum aliquem gradum entis), potest esse relatio, quia est definita ad unum genus... Sed essentia divina non est in genere substantiae (restricta), sed est supra omne genus comprehendens in se omnium generum perfectiones (ac proinde etiam relativorum); unde nihil prohibet, id quod est relationis, in ea inveniri » (ib. ad 1^{am}).

Ad alteram difficultatem responsio lucidissima haec est. « Licet relatio non addat supra essentiam aliquam rem sed solum rationem, tamen relatio est aliqua res sicut etiam bonitas est aliqua res in Deo, licet non differat ab essentia nisi ratione, et similiter est de sapientia. Et ideo sicut ea quae pertinent ad bonitatem vel sapientiam, realiter Deo conveniunt, ut intelligere et alia huiusmodi, ita etiam id

quod est realis relationis scilicet opponi et distingui, realiter in divinis invenitur η (ib. ad 2^{um} et 3^{lum}). Porro ait: «nullo modo concedendum est, quod aliud sit esse relationis in divinis et aliud essentiae. Ratio autem non significat esse, sed esse *quid*, id est *quid aliquid est*. Unde duae rationes unius rei non demonstrant duplex esse eius, sed demonstrant *quod dupliciter de illa re potest dici quid est*, sicut de puncto potest dici quid est, sicut principium et ut finis propter diversam rationem principii et finis» (ib. ad 11^o).

Habes hanc doctrinam s. Thomae etiam declaratam apud Card. Pallavicinum (Curs, theolog. l. VIII. c. 52), ex quo pauca citabo speciminis gratia, *u* Si praedicatum illud, quod inter produciens et productum est principium distinctionis (paternitas, filiatio etc.) addatur enti infinito, nihil entitatis illi adiungit; nam ens infinitum habet per se omnem entitatem et omnem perfectionem (h. e. essentia infinita includit omnem realitatem, etiam quae sub formali ratione relationis concipi potest). Quare, ut acutissime vidit s. Thomas l. q. 28. a. 2, nihil superaddit pertinens ad complementum ipsius et ad *esse in*, sed addit purum *esse ad* h. e. respectum ad alium. Qui respectus secundum se et supra *esse in* non dicit ullam entitatem; nam ens vel est aliquid absolutum h. e. substantia, vel aliquid inhaerens ipsi absoluto h. e. accidens; id vero quod neque est substantia neque inhaeret substantiae sed est merus respectus ad aliquid aliud, non habet rationem entis... Sed respectus qui datur in Deo producentis ad productum vel producti ad producentem, non potest realiter et identice non esse ens, quia... hic respectus constituit et distinguit formaliter unum ab altero; ergo est ens reale. Non tamen hic respectus distinguitur realiter ab ipsa essentia divina (quia, ut declaravimus, ipsa essentia praeter rationem absoluti habet rationem relativi)... Cum nullum relativum possit esse tantum relativum sed debeat vel recipi in aliquo absoluto vel cum eo identificari, et cum relatio recepta sit accidentalis, relatio divina tamquam substantialis et non accidentalis debet proinde non recipi sed identificari cum essentia absoluta *n* Pallavicin. l. c. n. 385. 386.

THESIS XXIII.

*Declaratio, quomodo divinae personae relationibus
constitui inteliigantur.*

• Supposita notione hypostaseos ac personae, ei demonstratis de
- identitate reali et distinctione virtuali inter absolutum ac relativum
» in Deo declaratur, divinas personas formaliter constitui relationibus.
» Si enim Γ invicem comparentur essentia et relationes, sola relatio
- distinguit habentes unam communem essentiam, et propterea relatio
» eadem est formalis ratio divinae hypostaseos seu personae; si vero
» 2' relatio *substantialis* spectetur plenius, ipsamet *divina relatio* ut-
- pote *identij&ata. cum substantia* est divina persona. Porro 3" in com-
• paratione *originis* ac *relationis* propter rei identitatem personae di-
- vine aequae *originibus* ac *relationibus* constitutae intelligi possunt;
- est tamen ratio in nostro modo concipiendi. cur potius *relationibus*
» quam *originibus* formaliter constitui dicantur. †

I. In primis hic omnino necessarium est prae oculis ha-
bere, quae de propria ratione hypostasis ac personae in
comparatione cum substantia seu natura amplissime de-
monstrata sunt in Tractatu de Incarnatione (sect. III. c.3.).
Hypostasis est *individua substantial* quatenus appositum
individua determinat substantiam non modo *singularem* in
oppositione ad universalem (cuiusmodi sunt genera et spe-
cies), non modo substantiam *integram* in oppositione ad
partem (cuiusmodi est corpus vel anima in homine), non
modo substantiam *totam in se* contradistinctam a substan-
tia, quae licet singularis et integra sit *per modum partis*
facta natura alterius hypostaseos (cuiusmodi est humana
natura Christi); sed *individua* dicitur substantia etiam,
quatenus est *tota in se incommunicabilis* in oppositione ad
communicationem realem seu identificationem cum pluribus
realiter inter se distinctis. Prioribus tribus modis etiam
lumine rationis deitas seu divina essentia absoluta in-
telligitur esse essentialiter substantia *individua* ($\pi\omega\omega\tau\tau\iota$
cvaca); per se ipsam nimirum ex intima sua absoluta per-
fectione est haec una substantia distincta imo et infinite
diversa ab omnibus aliis, quae praeter ipsam sunt aut esse
possunt (indivisa in se, divisa ab omnibus aliis, ut ratio

individui declarari solet). Hoc sensu *substantiae primae* Patres complures dixisse in Deo *unam hypostasin*, vidimus in th. IX. η. II; ac sensu eodem theologos aliquos scholasticos *unam subsistentiam absolutam* in Deo docuisse ostendimus inferius (th. XXI. 7.). At vero hanc unam numero essentiam absolutam simul esse tres inter se distinctos, Patrem, Filium et Spiritum Sanctum, id sola revelatione novimus; revelatum est enim, Patrem, Filium, Spiritum Sanctum tres distinctos esse unum Deum. Hoc ipso quidditas qua Deus est, seu deitas, seu absoluta essentia est realiter communis tribus inter se distinctis, qui tum singuli tum tres simul sunt unus Deus utpote una non multiplicabilis essentia infinita.

Unde hac revelata veritate supposita intelligimus, absolutam essentiam sub hac formali ratione absoluti non esse substantiam *individuum* eo sensu, quo in notione pleniori hypostaseos concipitur substantia *individua*; neque enim sub ea formali ratione absoluti essentia est incommunicabilis, sed immo est natura Patris ita, ut simul sit natura Filii qui est alius a Patre, et simul natura Spiritus Sancti qui iterum est alius a Patre et Filio. Contra vero sub formali ratione, quatenus eadem essentia est hic relativus e. g. Pater, est *substantia individua*; ipsa enim substantia divina habet formalem rationem relativi, unde relatio est substantialis, ut vidimus; et hic relativus Pater identificatus cum divina essentia, seu (ut modo nostro concipiendi loqui solemus) habens divinam naturam, est sub hac formali ratione relativi unus in se et distinctus ab omnibus aliis eiusdem naturae (a Filio et Spiritu Sancto), atque adeo est *substantia individua* in sensu incommunicabilitatis. Haec ipsa incommunicabilitas seu sub conceptu positivo hoc *esse totum in se* (totietas in se) est formalis ratio, qua substantia singularis et integra intelligitur *in se subsistere* seu, quod perinde est, intelligitur esse hypostasis (vide omnino Tract, de Incarnat.).

In creatis res est evidens; quidditas enim hominis seu humanitas spectata ut communis vel communicabilis pluribus, non est hypostasis sed est communis natura; idque

non solum propterea, quod eo modo spectata humanitas ut species non est substantia singularis, sed vi ipsius communis non haberet rationem hypostaseos, etiamsi universalis humanitas esset obiective realiter existens una (ut aliqui philosophi et etiam theologi quamvis errando censuerunt): hypostasis autem est hic homo Petrus, cuius quidditas est humana natura, et qui est distinctus ab omnibus aliis eiusdem naturae; sive hypostasis est haec singularis humanitas in concreto identificata cum hoc homine Petro. Ad hunc modum et ad hanc analogiam in divinis essentia quatenus spectatur sub formali ratione absoluti, sub qua ratione realiter communis est tribus inter se distinctis, intelligitur ut communis natura et non ut hypostasis; quatenus vero eadem essentia sub formali ratione relativi est hic unus Pater in necessaria aeterna relatione ad Filium et sub hac formali ratione relativi distinctus a Filio et Spiritu Sancto, sic est et intelligitur Pater ut hypostasis, et proinde (ratione naturae intellectualis) ut persona. Eodem modo sentiendum est de Filio sub formali ratione Filii relativo ad Patrem atque distincto a Patre et Spiritu Sancto, pariterque de Spiritu Sancto (seu spirato), qui sub formali ratione spirati seu procedentis est relativus ad Patrem et Filium et ab utroque distinctus. Quia scilicet unus est Deus et proinde una non multiplicabilis divina essentia, distinctio trium inter se non potest esse sub formali ratione absoluti, secundum quod tres unum sunt; sed necessario est solum sub formali ratione relativorum, quae ratio ipsis nominibus revelatis Patris, Filii, Spiritus Sancti manifestatur.

Itaque *persona divina est ipsamet divina essentia sub formali ratione relativi ad intra, sub qua ratione sunt tres inter se distincti; non autem sub formali ratione absoluti, sub qua ratione est una indistincta essentia seu natura*. In hunc sensum disputat Augustinus. « Omnis essentia quae relative dicitur, est etiam aliquid excepto relativo.... Si non esset homo, id est aliqua substantia, non esset qui relative dominus diceretur.... Quapropter si et Pater non est aliquid ad seipsum (si est relatio abstracta nihil in-

eludens absoluti), non est omnino qui relative dicatur ad aliquid... Pater et Filius, utrumque substantia et utrumque una substantia (absoluta)... Kt haec duo cum dicuntur, id est *nata sapientia*, in uno eorum eo quod est *nata*, et Verbum et imago et Filius iutelligatur, et in bis omnibus nominibus non ostendatur essentia (absoluta et communis), quia relative dicuntur; at in altero quod est *sapientia*, quoniam et ad se dicitur, se ipsa enim sapiens est, etiam essentia demonstratur... Quapropter non quia Pater non est Filius et Filius non est Pater, aut ille ingenitus ille autem genitus, ideo non una essentia, quia his nominibus relativa eorum ostenduntur. Uterque autem simul una sapientia et una essentia, ubi hoc est *esse* quod *sapere* (utrumque est absolutum et ideo unum citra multiplicationem aut distinctionem realem) ; non autem simul uterque Verbum aut Filius, quia non hoc est esse quod Verbum aut Filium esse, sicut iam satis ostendimus ista relative dici » (h. e. formalis ratio absoluti *Esse* a formali ratione relativa Patris et Verbi seu Filii virtualité! distinguitur, ita ut sub ratione relativorum inter se realiter distinguantur, sub ratione vero absoluti sint unum *Esse*, una essentia, una sapientia) s. Aug. Trin. VII. n. 2. 3.

Hac iam doctrina supposita possumus personam divinam et personae constitutionem concipere dupliciter; primum quidem complexius et secundum nostrum modum intelligendi quadam velut compositione, deinde vero simplicius et, quantum a nobis fieri potest, recedendo ab illa compositione in conceptu. Utrovis autem modo personae divinae relationibus constitutae intelliguntur.

II. Quoniam in persona divina duplex est ratio formalis virtualiter distincta, ratio scilicet absolutae essentiae et ratio relativi, quae utraque duplici nostro inadaequato conceptui respondet, secundum nostrum modum omnia per compositionem intelligendi possumus personam concipere ut hunc unum sub ratione relativi distinctum ab aliis eiusdem naturae, qui habeat naturam, seu cuius sit natura divina velut forma metaphysics (*εν μορφη θεού ύπαρχων* Phil. II. 6); sic concipitur *relativum in recto, absolutum in obliquo*. Vel

quod eodem redit, possumus concipere essentiam, quae velut affecta sit relatione sive paternitatis sive filiationis sive processiois, et ita formaliter ut affecta tali determinata relatione est hic unus per relationem distinctus ab aliis, seu est subsistens distinctus; sic spectatur *essentia in recto, relatio velut afficiens in obliquo*. Ex ipsa vero infinitate essentiae et simplicitate personae divinae evidens est. relationem non esse aliquam realitatem distinctam et superadditam essentiae, vel essentiam non esse proprie formam nec realiter distinctam a relativo; sed solummodo rem simplicissimam sub duplici ratione absoluti et relativi apprehendimus, cui utrique vere respondet una et eadem res, hancque duplicem rationem secundum notiones ex creaturis prae habitas per modum compositionis coniungimus. Hunc concipiendi modum in Concilio Florentino Ioannes theologus Latinorum ita declaravit, « Nos vero dicimus, essentiam (cūffezy) et personam sive hypostasim esse idem re, differre autem nostro modo intelligendi, ita ut persona constet ex essentia et proprietatibus. Nunc igitur quoniam intelligentia et ratione distinguuntur, essentia quidem communicatur personis, personae vero nullo modo communicantur, idque provenit ex vi relationis.... Est vero secundum doctores tam graecos quam latinos sola relatio, quae multiplicat personas in divinis productionibus, quae vocatur relatio originis, ad quam duo tantum spectant, *a quo alius* et *qui ab alio*» ib. sess. XVIII (Harduin. T. IX. p. 202.203.). Vide ss. Patres qui ita personas considerant, apud Didac. Ruiz de Trin. disp. 86-90; Petav. de Deo l. II. c. 3; Trin. l. IV. c. 10.

Iam si secundum hunc nostrum intelligendi modum de constitutione personae divinae loquamur, persona divina intelligitur quidem relativus velut informatus essentia, vel essentia velut affecta relatione, non autem persona est tantummodo relatio concepta ita abstracte et cum distinctione rationis ab essentia. Sed formaliter persona est, quatenus est hic unus *subsistens* i. e. incommunicabilis! totus in se et distinctus ab aliis eiusdem naturae, non autem aliquid commune pluribus; quare cum incommunicabilis et distinctus atque ideo subsistens sit tantum sub formali ra-

tione relativi, essentia vero et quidquid absolutum est, sit omnino unum commune tribus distinctis et nullo modo distinguens, recte dicitur persona divina *formaliter constitui relatione*. Licet enim, ut dixi, in hoc modo concipiendi persona divina non sit sola relatio, ratio tamen distinguens et proinde formalis ratio personae (1) non est absolutum sed sola relatio; Pater non est distinctus a Filio et Spiritu Sancto ratione divinitatis seu essentiae sed sola ratione paternitatis; hoc ipso ergo paternitas est formalis ratio constituens personam.

Clare haec explicavit Card. Bessarion in oratione habita ad Graecos suos in Cone. Florentino, « Quia in quibusque pluribus, in quibus est aliquid commune, est etiam aliquid distinctivum, in hac etiam divinarum personarum Trinitate, quae sibi in unitate essentiae conveniunt, quaerendum est illud, quod eas distinguit. Et cum id non sit essentia, in hac enim summe conveniunt; in divinis autem praeter essentiam et relationes atque diversum processuum modum, quem Latini originem nominant, nihil aliud intelligere sit, relinquitur ut vel origo vel relatio vel utrumque divinas personas distinguat. Cum vero relatio et origo etsi secundum modum intelligendi differant, siquidem origo significatur per modum actus ut generatio, relatio vero per modum formae ut paternitas, re tamen non differunt; ideo utroque quidem modo distinguuntur divinae personae, prius tamen et principaliter secundum modum intelligendi per relationes, per quas etiam constituuntur divinae personae* (2) (Hard. T. IX. p. 347). Vide S. Th. 1. q. 29. a. 4.

III. At quamvis haec ita sint, illa tamen nostra distinctio inter essentiam et relationem divinam, et illa nostra

(1) Per se patet, hic non quaeri rationem cur non solum sit hypostasis velut generice sed hypostasis nobilissima, quae dicitur persona. Quaestio est unice de formali ratione hypostaseos, quam esse in divinis nobilissimam i. e. naturae intellectualis infinitae, per se evidens est. (Vide Tract. de Ineam, ih. XXVIII).

(2) Versio latina ab ipso Bessarione postea adornata paulo quidem liberior est, sed etiam explicatior quam textus graecus; sic e. g. incisum ultimum citatum de constitutione personarum solum in versione latina expressum est.

quodammodo compositio hypostaseos divinae ex utraque ratione solum est secundum inadaequatos nostros conceptus et imperfectum modum intelligendi, licet distinctio habeat fundamentum in re, quae in se simplicissima simul est absolutum et relativum. Immo quamvis nos concipiamus relationem, quin eam expresse concipiamus ut substantiam, tamen res concepta sub notione relationis divinae essentialiter est substantia; atque ideo ex rei veritate relatio divina non potest concipi cum *praecisione obiectiva* ab essentia (vide th. XV. η. III.). Persona enim Pater est essentia divina non quidem sub formali ratione absoluti, sed quatenus essentia ut intellectio habet ex intima necessaria exigentia rationem relativi ad Verbum productum; similiterque sentiendum de Verbo et de Spiritu Sancto. Hanc rem egregie notavit Card. Pallavicinus. Postquam locutus est de modo concipiendi personam divinam ut substantiam *in recto* cum relatione *in obliquo*, vel ut relativum *in recto* cum essentia *in obliquo*, subdit: «ceterum haec doctrina valet solum de conceptu *secundo intentionali*, h. e. quatenus a nobis concipitur illud simplex, quod ex parte obiecti respondet huic notioni *persona divina*, modo per aenigma essentiae creatae (per ideam essentiae derivatam ex creatis) modo per aenigma relationis creatae. *At primo intentionaliter* (h. e. si concipiatur res ipsa, ut est objective), *cum relatio divina ne obiective quidem possit praescindere ab identitate cum essentia, utique persona divina dicit integrum conceptum relationis* (h. e. ipsa relatio est simul substantia divina et ideo relatio substantialis) *tamquam quid simplex et perfectum** Pallav. Curs. theoi, l. VIII. c. 54. n. 412.

Secundum has notiones paulo aliter concipi potest constitutio divinae personae per relationem. Dummodo enim ex principiis positis nomina recte intelligentur, persona divina non est aliud quam realis *relatio divina*. Non dico, non esse aliud quam *relationem*, sed aio non aliud quam *relationem divinam*. Relatio enim divina non est accidens neque aliquid abstractum a divina substantia, sed est ipsamet divina essentia vel substantia, substantia inquam non quidem sub formali ratione absoluti sed sub formali ratione

relativi; quandoquidem, ut saepe iam hoc principium fundamentale enuntiavimus, ipsamet simplicissima divina entitas habet simul tum rationem absoluti (sub qua est ac dicitur essentia una et communicabilis) tum rationem relativi, et quidem trium sub hac formali ratione invicem distinctorum relativorum. Sic vero essentia sub formali ratione substantialis relationis est divina persona; sub ratione unius determinatae relationis substantialis est una persona, sub ratione alterius determinatae relationis substantialis est altera persona: Pater, Filius, Spiritus Sanctus. Regreditur scilicet tota declaratio ad principium fidei definitum, unde progressa est: «essentia (sub formali ratione essentiae) non est generans nec genita nec procedens, sed (sub formali ratione relativi) est Pater qui generat, et Filius qui gignitur, et Spiritus Sanctus qui procedit.» Quamobrem cum persona divina non sit aliud quam divina relatio substantialis, seu relatio identificata cum essentia, seu essentia sub formali ratione relationis, sane persona divina recte dicitur constitui relatione (1).

Hunc modum concipiendi ipsi rei propinquiorem vix alibi reperies melius declaratum quam apud s. Thomam 1. q. 28. a. 2; Potent, q. 8. a. 2; 1. dist. 33. q. 1. a. 1., ad quae loca iam etiam superius th. XXII. η. II. appellavimus. Demonstrat ibi Angelicus, relationem in Deo secundum rem esse ipsammet divinam essentiam, quamvis nos eandem rem concipiamus sub duplici diversa ratione essentiae absolutae et relativi, seu relationis, quia significatum per abstractum et per concretum in Deo idem est (2). Doctrina nominatim 1. q. 28. a. 2. haec est. Relatio secundum suum *esse* reale in creatis est accidens, et sic inest substantiae, quod quidem commune habet cum omnibus accidentibus. Secundum pro-

(1) «Proprietates personales (relationes) non sic intelliguntur advenire divinis hypostasibus, sicut forma subiecto, sed ferunt secum sua supposita, in quantum sunt ipsae (relationes) personae subsistentes. 8. Thom. 1. q. 40. a. 3.

(2) «Sicut essentia in Deo idem est et habens divinam essentiam, ut Deitas et Deus; ita idem est relatio et quod per relationem refertur. Unde sequitur, quod idem sit relatio et distinctum in natura divina subsistens » S. Th. Potent, q. 9. a. 4.

priam vero rationem, qua est *tale* accidens distinctum ab aliis generibus accidentium, relatio dicit respectum ad alium terminum. Adeoque in creatis quoque omnis relatio realis praeter respectum ad aliud est etiam aliquid absolutum, quatenus inest substantiae. Relatio vero quae nullo modo inest, solum concipitur ut respectus ad aliud, in re vero ipsa obiective nihil est reale, adeoque est relatio rationis tantum, ut dexterum vel sinistrum in columna. Iam vero in Deo relationes sunt reales, ut fide certum est; est eniuius realiter Pater et Filius et Spiritus Sanctus. Sunt ergo relationes divinae res aliqua cum respectu ad terminum. At non possunt esse accidens nec res aliqua superaddita essentiae; in Deo enim ob summam simplicitatem nullum est accidens, et infinitae essentiae quae ut plenitudo entis comprehendit omnem rationem perfectionis, nulla realitas potest superaddi; ergo necessario relationes secundum rem sunt ipsamet essentia divina. Verum essentia sub formali ratione essentiae absolutae non dicit respectum realem ad terminum immanentem; est enim sub ea ratione omnino una indistincta: ergo illa eadem res simplicissima quae habet rationem essentiae, ex intima sua natura habet etiam rationem relativi, *a* Quidquid in rebus creatis (inquit) habet esse accidentale, secundum quod transfertur in Deum, habet esse substantiale; nihil enim est in Deo ut accidens in subiecto, sed quidquid est in Deo, est eius essentia. Sic igitur ex ea parte, qua relatio in rebus creatis habet esse accidentale in subiecto, relatio realiter existens in Deo habet esse essentiae divinae, idem omnino ei existens.... Et sic manifestum est, quod relatio realiter existens in Deo est idem essentiae secundum rem, et non differt nisi secundum intelligentiae rationem (cum fundamento in re), prout in relatione importatur respectus ad suum oppositum, qui non importatur in nomine (et formali ratione) essentiae. Patet ergo, quod in Deo non est aliud esse relationis et essentiae, sed unum et idem» S. Th. 1. c.

Quare non sunt ibi duae res vel saltem duae rationes cum praecisione obiectiva distinctae, absolutum ac relativum, quae concurrant ad unam rem componendam; sed una

summa res quam concipimus sub ratione relationis divinae e. g. paternitatis vel in concreto Patris, reipsa est simul essentia absoluta; sicut vicissim eadem res dum concipitur sub ratione essentiae, est simul tres relativi et quilibet eorumdem, qui non sub ratione essentiae sed sub ratione relativorum inter se distinguuntur. Noster vero conceptus relativi ex creaturis derivatus non exprimit simul absolutura, sicut conceptus absoluti non exprimit simul relativum; ideo duplex illa ratio, quam summa res in sua eminentia habet secundum functionem tum absoluti tum relativi, a nobis sub duplici inadaequata notione concipitur. Attamen sicut id quod sub notione attributi e. g. divinae sapientiae apprehendimus, a parte rei est ipsum absolutum *esse* infinitum in omni linea perfectionis et proinde verus Deus, ita id quod apprehendimus inadaequata notione sub ratione relationis e. g. paternitatis, a parte rei simul est tum paternitas tum absolutum *esse*, et verus Deus subsistens in natura absoluta.

Respondens ad objectionem, quod iuxta Augustinum « omnis res quae relative dicitur, est etiam aliquid excepto relativo, » ita loquitur s. Thomas. « Sicut in creatis, in illo quod dicitur relative, non solum est invenire respectum ad alterum, sed etiam aliquid absolutum, ita et in Deo; sed tamen aliter et aliter. Nam id quod invenitur in creatura praeter id, quod continetur sub significatione nominis relativi, est alia res (videlicet substantia, cui inest relatio ut accidens); in Deo autem non est alia res sed una et eadem (simul absoluta et relativa), quae non perfecte exprimitur relationis nomine quasi sub significatione talis nominis comprehensa. Dictum est enim, cum de divinis nominibus agebatur, quod plus continetur in perfectione divinae essentiae, quam aliquo nomine significari possit. Unde non sequitur, quod in Deo praeter relationem sit aliquid aliud secundum rem (alia res quam illa, quae respondet notioni relationis divinae), sed solum considerata nominum ratione » (solum quod una res sub diversis rationibus concipitur, quae rationes diversae a nobis conceptae diversis etiam nominibus exprimendae sunt) S.Th. ib. ad 2.

Considerat porro Angelicus in divina relatione haec duo, quod tum *substantia* est tum *relatio ad alterum*. Quatenus relatio identificatur cum essentia, est *relatio substantialis*; quatenus refertur et respectum habet ad alterum terminum relativum, est hic *unus distinctus* ab aliis relativis eiusdem essentiae. Sicque ipsamet divina relatio identificata cum essentia, et sub utraque ratione absoluti et relativi una res simplicissima intelligitur esse persona divina subsistens. «Relationes in divinis, inquit, etsi constituent hypostases et sic faciant eas subsistentes, hoc tamen faciunt, in quantum sunt essentia divina (in quantum sunt relationes substantiales). Relatio enim, in quantum est relatio (abstracte spectata), non habet, quod subsistat vel subsistere faciat; hoc enim solius substantiae est. Distinguunt vero relationes, in quantum relationes sunt (non sub formali ratione ut sunt communis essentia, sed sub formali ratione relationis ad terminum alterum); sic enim oppositionem habent » S. Th. Potent, q. 8. a. 3. ad 7. Nimirum cum hypostasis sit *individua substantia*, sive hic unus substantialis distinctus ab omnibus aliis etiam eiusdem essentiae, duplex ratio requiritur ad hypostasim, *substantialitas* et *distinctio*; unde nisi relationes divinae essent simul substantia seu essentia divina, deesset ipsum *fundamentum* hypostaseos; nisi essent formaliter relationes, sub qua sola ratione opponuntur et distinguuntur, deesset *formalis ratio* hypostaseos (1). Hinc porro ait: « in divinis relationes sunt subsistentes, ideo secundum quod habent oppositionem ad invicem, possunt distinguere supposita (seu ipsaemet ut substantiales et subsistentes sunt supposita distincta 1. q. 40. a. 3); neque tamen distinguitur essentia, quia relationes ipsae non distinguuntur ab invicem, secundum quod sunt realiter idem cum essentia » (non distinguuntur sub formali ratione essentiae) id. 1. q. 39. a. 1. ad. 1. Cf. Card. Cienfuegos disp. V. sect. 3. §. 1; Franc, de Lugo disp. XI. c. 3. n. 8.

(1) Ei praeclarissima hac doctrina s. Thomae non rite intellecta aliquos Scholasticos derivasse theoriam de una absoluta subsistentia in Deo praeter tres subsistentias relativas, inferius videbimus.

Ex hac igitur doctrina s. Thomae ipsamet relatio divina, non quidem sub communi conceptu relationis ex creaturis derivato sed formaliter ut *divina* relatio (1), h. e. ut relatio substantialis seu identificata cum essentia et ideo ut subsistens, intelligitur esse persona divina; simpliciter ergo personae divinae constituuntur *divinis* relationibus. Patet vero per se, nomen *constitutionis* hic sumi in eo sensu metaphysico, quo concrete significatum dicitur constitui tota formali ratione sui, quae significatur in abstracto, ut Deus deitate, homo humanitate constitui dicitur; non autem sumitur nomen in sensu physico, quo ex duobus distinctis concurrentibus dicitur constitui unum tertium, ut homo constituitur ex anima et corpore. Cf. Ruiz disp. 86. sect. 4. n.o.seqq.

IV. Ad complendam doctrinam adiungimus hic quaestionem, quae magis ad modum loquendi pertinet quam ad rem ipsam, utrum et quomodo personae divinae sicut *relationibus* ita et *originibus* constitui dici queant. Certe si attenditur ad identitatem *originis* et *relationis* (realis) in Deo, non magni interest, utrovis modo loquamur. Quatenus tamen attenditur ad modum diversum, quo nos *originem* et *relationem* concipimus, personae magis proprie relationibus quam originibus constitutae intelliguntur.

Origo in divinis ad rem praesentem quod spectat, dicitur tum *origo activa* [*generare* et *spirare* seu generatio et spiratio activa, qui etiam sunt et dicuntur *actus notionales* (2) cf. Suarez 1. VI. c. 1. n. 2. 3), tum *origo velut passiva* [*gigni* et *spirari* seu nativitas et processio) (3); adeoque origo idem est ac productio sensu activo et passivo, seu

(1) « Licet relatio accadat (sit accidens) ei, quod communiter significatur hoc nomine *persona*, non tamen accedit *personae divinae* » S. Th. Potent, q. 9. a. 4. ad 7.

(2) Sicut *notio* est proprium in oppositione ad commune, quatenus per illud *innotescit* persona distincta, ita actus *notionalis* est ipsamet *notio* velut activa, et itidem *notionalis* dicitur actus, quia per illuni *innotescit* personarum distinctio.

(3) Notanda est aliqua ambiguitas significationis in hisce nominibus *spiratio activa*, *spiratio passiva*, *processio*, quao penes ipsos Scholasticos formalem rationem nunc *originis* nunc *relationis* significant. Cf. Ruiz disp. 84. sect. 2. n. 2. 10; vide S. Th. 1. q. 36. a. 1.; q. 37. a. 1.

producere ac *produci* divinarum personarum. Quoniam de *constitutione* personarum loquimur, seposita spiratione activa quae personam non constituit, ut postea declarabimus, hic in considerationem venit generatio (origo activa), nativitas et processio (duplex origo passiva).

Γ. Iam quod diximus, originem et respondentem relationem in divinis realiter esse omnino idem, facile intelligitur. Divinus intellectus non est potentia distincta ab actu, sed est ex intima sua natura purus actus et substantialis intellectio; proinde etiam intellectus quatenus produciens Verbum ut suum terminum internum, non est potentia exiens in actum productionis Verbi, sed est purus actus substantialis intellectionis ex sua natura (et hoc sensu essentialiter) productivus Verbi. Unde hoc aeternum necessarium *producere* seu *generare*, cuius terminus immanens aequè necessarius est Verbum, non est *actio* labens sed est ipsamet substantialis aeterna immutabiliter permanens et subsistens intellectio relativa ad suum Verbum. Sicut ergo divina relatio paternitatis non est aliquid abstractum, sed est ipsum hoc substantiale *intelligere* productivum Verbi et ideo ex sua natura relatum ad Verbum; ita origo activa quae nihil est aliud quam hoc *intelligere* productivum Verbi, est ipsamet aeterna incommutabiliter permanens relatio paternitatis ad Verbum ut suum terminum immanentem.

Vicissim, ut iam ex descripta formali ratione intellectionis producentis patet, aeternum *produci* seu *generari* Verbi immanentis non est aliquid labens; sed est ex sua intestina exigentia necessario et aeternaliter permanens *produci* ab intellectione paterna. Sicut videlicet substantiale *intelligere* divinum absolute spectatum est una indistincta essentia divina, sumptum vero *relative* et velut *active*, quatenus *intelligere* est *intelligenda exprimere* suum Verbum, est subsistens Pater distinctus a Verbo expresso seu producto; pari ratione *intellectum* Deo immanens absolute spectatum est essentia divina, sensu autem velut *passivo*, ut *intellectum* dicitur intellectione paterna expressum, est Verbum a Patre producente distinctum (1), quod

(1) † Intelligere in Deo et velle non est aliud quam eius *este*. Quia

intrinsecus constituitur *relatione* ad Patrem producentem, quatenus *productum est*, et constituitur *origine passiva*, quatenus concipitur aeterno actu *produci*. Ad summam quia in Verbo aeternum *productum esse* et aeternum *produci* est unum idemque, illud autem *relationem* fundat, hoc alterum *originem* dicit, ideo sicut Pater ita et Filius non minus aeterna origine quam relatione constitutus intelligi potest. Eadem repetenda sunt, si spectetur aeternum *produci* et *productum esse* seu aeterna *origo* et *relatio* Spiritus Sancti, qui ut terminus immanens aeternaliter *spiratur spiratus est* per dilectionem communem in Patre et Filio. Vide SS. PP. apud Ruiz disp. 84. sect. 2.

2°. Nihilominus constat, quod altero loco diximus, personas divinas aptius relationibus quam originibus constitutas intelligi, si spectetur modus, quo nos distinctis conceptibus relationem et originem apprehendimus. Etenim, ut argumentabatur Bessarion in Cone. Florentino (Hard. IX. p. 347), *u* relatio et origo etsi secundum modum intelligendi differunt, siquidem *origo significatur per modum actus* (zara το τη ενεργεια τροπον) ut generatio (*fi γεννησι*), *relatio vero per modum formae* (permanentis *χ'ατα το του ειδου τροπον*), re tamen non differunt; ideo utroque quidem modo distinguuntur divinae personae, prius tamen et principaliter, secundum modum intelligendi, per relationes, *n* Scilicet, utrem explicemus verbis Didaci Ruiz disp. 87. sect. 5. n. 5, *u* secundum rectum modum intelligendi rei permanentis in *facto esse* sive in *esse producto* constitutivum concipi debet ut forma permanens et quasi in *facto esse*, habens iam *esse* fixum, non quasi via et tendentia ad illud esse. Haec autem conditio non convenit *origini*; concipitur enim ut via tendens ad *esse* et *velutifieri* (1), est enim ipsum *actualiter*

▼ ero Dens se ipsnm intelligit, omne autem intellectum in intelligente est, oportet Deum in se ipso esse sicut in intelligente. Intellectum autem prout est in intelligente, est verbum quoddam intellectus... Oportet ergo in Deo ponere Verbum ipsius» s. Thom. Compnd. theol. c. 37.

(1) Per se patet, *fieri* non dici sensu, quo de creaturis significat produci ex nihilo seu transitum a non esso ad esse; sed ob penuriam vocabulorum a nonnullis theologis adhibetur ad significandum ipsum

produci. Ergo non potest origo formaliter et intrinsece constituere personam productam, sed tantum relatio. » Haec quidem immediate intelliguntur solum de origine passiva; neque enim prima persona ullo modo *producitur*. Nihilominus ratio adducta, quod *origo* nostro modo intelligendi, quo solo distinguitur a relatione et secundum quem tota haec quaestio tractatur, non concipitur ut forma permanens, aequae valet de *origine activa*, ut est generatio. Recte ergo ex eadem ratione concipitur prima quoque persona relatione constitui et non origine secundum eum modum, quo nos originem apprehendimus ut aliquid fluens et ratione distinctum a relatione. « Pater debet constitui per formam fixam et permanentem, qualis est paternitas, non vero per formalitatem viae fluentis atque tendentis ad aliquem terminum constituendum (qualis concipitur generatio) » Ruiz ib. n. 7. cf. S. Th. 1. q. 40. a. 2; Suarez 1. VII. c. 6. n. 12.

Omissa vero hac distinctione inter formam permanentem et actum conceptum per modum fluentis, quae velut postliminio correctione indiget, ne errorem contineat; potest idem alio modo declarari. Distinctio inter originem et relationem ex creatis ad Deum transfertur, ut aliquo modo concipiamus processionem et realem distinctionem personarum. In creatis vero relatio non quidem constituit personam, sed tamen incommunicabilitatem et distinctionem unius personae ab altera sine relatione non concipimus; origo vero nec constitutionem nec conceptum incommunicabilitatis personae creatae ullo modo ingreditur; propterea si iam originem et relationem in persona divina secundum analogiam

aeternum *produci* Filii ex substantia Patris, et Spiritus Sancti ex substantia Patris ac Filii. Sic Vasquez ad 1. q. 42. a. 1. n. 39. dicit « filiationem in fieri. » Ruiz vero disp. 83. sect. 3. n. 10. monet, ut non dicatur simpliciter *in fieri*, sed cum addito aliquo temperamento « Filias in produci et *neque in fieri*. » Scilicet, ut rem declarat Suarez 1. VI. c. 1. n. 4., « origo passiva nihil aliud est quam via ad terminum productum, quatenus ad illum tendit; haec autem via etiam in rebus creatis nihil aliud est quam ipsemet terminus, ut est *in fieri*; ad eundem ergo modum divina concipimus, hac tamen observata differentia... quod ibi non est proprium *fieri*, quantum ad imperfectionem quam importat, sed ita concipitur, ac si esset. -

personae creatae distinguimus, aptius relatione quam origine personam constitutam concipimus. Explicatio haec est Card. Pallavicini. „ Inveniendum est, quisnam sit ille conceptus fundamentalis, a quo maxime formaliter desumatur in divinis personis incommunicabilitas secundum nostrum modum cognoscendi, conceptus ne relationum an originum... Quantum spectat ad veritatem, et uterque idem est in divinis atque adeo constituit personas, et neuter in nobis pertinet ad substantiam et constitutionem personarum; quare ex istis capitibus sunt aequales. Nihilominus id non obest aptitudini huius aenigmatis (huius conceptus scilicet relationum, qui derivatur ex creaturis distinctus a conceptu originum), quale per nos haberi potest. Quippe inter creaturas non possumus concipere ipsam incommunicabilitatem et distinctionem sine conceptu relativo, cum tamen origines neque realiter neque secundum conceptum pertineant in creaturis ad constituendam incommunicabilitatem personarum; et ideo conceptus relationum est magis accommodatus „ Pallav. Curs, theol. 1. VIII. c. 54. n. 414.

Corollarium. Ex declaratis in hac thesi consequitur, quid sehtiendum sit de *prioritate rationis* inter actus notionales seu origines, et inter personas seu proprietates personales. Potest haec quaestio iterum, sicut praecedentes, haberi dupliciter; videlicet vel quaeritur de re ipsa, ut in se est, quantum a nobis intelligi potest, vel de ordine inter notiones velut partiales, quibus nos modo nostro imperfecto eandem rem per multiplices distinctiones secundum analogiam ex creaturis derivatam solemus concipere.

1° Secundum priorem illam considerationem, facillime intelligitur, nullam esse prioritatem ne rationis quidem inter actum notionalem et proprietatem personalem. Aeterna quippe *generatio activa* et *paternitas*, *nativitas* item seu aeterna processio per generationem et *filiatio*, ac rursus aeterna *processio per spirationem* et *spiratum esse*, a parte rei sunt omnino idem absque ulla distinctione atque ideo absque ulla prioritate. Constant haec ex dictis in thesi de identitate originis et relationis divinae.

Nominatim ad primam personam quod attinet, de qua

maior solet esse difficultas, non prius ratione Pater est, et proinde etiam non prius ratione persona constituta, quae deinde in signo posteriori generet; constituitur enim Pater et proinde persona per ipsum aeternum necessarium actum relativum generationis, seu loquendo adhuc pressius ipsemet necessarius hic actus substantialis, intellectio inquam substantialis ex intima sua natura aeternaliter produciens et productum habens Verbum immanens, ipsamet Pater est. Adeoque etiam vicissim non prius ratione est generatio et deinde in signo posteriori paternitas; ipse enim Pater, sub formali ratione ut Pater et haec persona est, generat, et per hunc ipsum aeternum necessarium actum relativum generationis est persona distincta, scilicet Pater; non autem nescio quae persona indeterminata praecedat, quae actu generationis deinde constituatur Pater et haec persona determinata. Aliis verbis idem dicit Didacus Ruiz (disp. 91. sect. 2. η. 1): *« paternitas et generatio sub pleno et explicita conceptu simul sunt, ita ut neutra possit intelligi quasi prior ratione quam altera. Idem intellige de filiatione comparata cum nativitate, et de relatione Spiritus Sancti comparata cum sua origine passiva, videlicet cum processione »*.

Dummodo rite prae oculis habeatur declarata realis identitas actus notionalis seu originis cum relatione personali, facile apparebit inanitas obiectionis, qua quispiam probare vellet *priorem ratione* personam Patris prae actu notionali generationis, vel ex opposito *priorem* actum generationis prae paternitate. Dicit quippe solet ex una parte: actiones sunt suppositorum, ergo repugnat ut concipiatur actus generationis, quin ratione prior praeintelligatur persona; quod si non ita esset, non iam persona sed natura esset generans, contra ac definitum est in Cone. Lateranensi (cap. *Damnatus*). Ex parte altera opponitur: prima persona non potest intelligi in formali ratione Patris, nisi quia generat; necessario ergo praeintelligitur generatio activa, et ex hac intelligitur paternitas seu formalis ratio Patris.

Respondemus: in utraque hac obiectione conceptus personae Patris primum assumitur inadaequatus et in confuso, cui deinde additur notio paternitatis explicita, quo in modo

considerandi instituto secundum analogiam in personis creatis repertam non negamus, posse spectari *prius ratione* obiectum repraesentatum conceptu inadaequato, et *ratione posterius* obiectum idem repraesentatum sub notione explicita paternitatis, de quo mox dicemus. Nunc vero loquimur de persona Patris et de actu notionali secundum perfectionem, prout a parte rei in se esse praelucente fide intelligere possumus. Sic imprimis intellectio producens Verbum non est *actio elicit*a alicuius suppositi, ut est intellectio in creatis; sed intellectio divina est actus purus substantialis, qui, formaliter ut ex sua necessaria perfectione est relativus ad Verbum aeternaliter productum, est Deus Pater; unde ille actus relativus non est velut inhaerens alicui personae praeintellectae, sed est ipsemet haec determinata persona divina distincta a Verbo et a Spiritu Sancto.

Ad priorem igitur obiectionem dicimus: non solum non repugnat, ut actus relativus *substantialis* concipiatur, quin ratione prior praeintelligatur persona, cui inhaereat vel a qua eliciatur; sed immo imperfectus ille modus secundum analogiam creaturarum concipiendi velut actum elicatum, indiget hac correctione, ut actus ipse relativus *substantialis* intelligatur esse persona divina. Hinc ulterius utique persona sub formali ratione personae, h. e. sub formali ratione relativi distincti, non autem natura sub ratione absoluti et communis generat; at persona divina non est suppositum eliciens actum a se distinctum, sed (ut dixi) actus ipse relativus substantialis est persona.

Ex quibus etiam patet responsio ad alteram obiectionem contrariam priori. Generatio activa ut est in Deo, est actus relativus ex insita necessitate semper completus, ut terminum internum habens Verbum aeternaliter productura. Unde non ratione prior est completus ille actus generationis ita, ut ex eo consequatur paternitas; sed omnino actus ille relativus ipsemet absque *prioritate rationis*, sed etiam mentis consideratione simul, est paternitas. Potest utique dici: Pater est quia generat, et vicissim generat quia est Pater; non quasi unum prius prae altero concipiendum esset, sed quia conceptus unus includit alterum ut formalem

suam rationem, sicut definitum includit definitionem, et vicissim definitio includit definitum.

2° Quamvis haec ita sint, possumus tamen secundum analogiam creaturarum tum personam, tum relationem, tum actum notionalem spectare in confuso, et sic conceptas forrealitates invicem comparando possumus utique unam concipere ut *ratione priorem* altera.

Imprimis quoad personas procedentes i. e. Filium et Spiritum Sanctum, si *generari* seu nativitas et *spirari* seu spiratio passiva spectatur, ut s. Thomas loquitur, velut via ad personam, cum contra persona Filius et Spiritus Sanctus sit terminus et persona ipsa; sine dubio prius ratione origo (generari et spirari) atque ratione posterius persona genita et spirata concipitur.

Quoad personam Patris deinde, circa quam potissimum versatur praesens quaestio, possumus concipere personam generantem ita, ut ratione prius concipiatur persona prima seu ingenta in confuso absque explicito conceptu paternitatis, et ratione posterius intelligatur haec persona ut generans: sic *notio confusa personae* ratione prior est, actus notionalis posterior. Alio iterum modo possumus spectare paternitatem mere ut relationem praescindendo ab eo, quod divina relatio ipsamet est substantia divina et propterea persona. Unde quia in creatis relatio paternitatis sequitur ad generationem, secundum hanc analogiam concipere possumus in Deo generationem ut fundamentum relationis paternae, adeoque ratione priorem prae paternitate sic inadaequate spectata.

Hic modus analogus concipiendi licet imperfectus et correctione indigens, ne indicemus, re ipsa prius esse personam, deinde actum generationis, quo demum Pater constituitur, notandus tamen est, quia ei innititur usus loquendi frequens et satis commodus, et quia Scholastici fere ex illo comparationes instituunt inter personas et origines personarum. Vide S. Th. 1. q. 40. a. 4. et praesertim de Potent, q. 10. a. 3. Cf. Suarez 1. VII. c. 7. n. 11; Ruiz disp. 91. sect. 2.

THESIS XXIV.

*De modo significandi, quem habet nomen persona,
et de opinione theologorum
asserentium in Deo subsistentiam absolutam.*

« Nomen *persona* subsistentem in natura rationali seu intellectuali » significat. Unde 1°. *persona* non quidem *ex modo significandi* exprimit relationem, sed in Deo propter rem significatam *supponit* pro relativis, - atque ideo *personae* in plurali de Deo praedicandae sunt; quia cum - doctrina disputatio s. Augustini (Trin. VII. c. 4. sqq.) optime conciliatur. 2°. Propterea in Deo *subsistentia absoluta* nulla admittenda est, si nomen *subsistentiae* in pleniore et ex usu ecclesiastico propria » significatione accipiatur. »

I. Ex dictis in superiori thesi expediri potest primum quaestio illa, quam post s. Augustinum (Trin. 1. VII. c. 4. seqq.) s. Thomas 1. q. 29. a. 4; Potent, q. 9. a. 4; 1. dist. 23. a. 3. et alii plerique Scholastici discutunt, quid nomen *persona* in Deo proprie significet; et quomodo fiat, ut nomen quod non *ad alterum* relative sed *ad se* dicitur, adeoque videtur significare absolutum, nihilominus dicatur de Deo pluraliter.

1° Nomen *persona* significat subsistentem in rationali seu intellectuali natura distinctum ab aliis eiusdem etiam naturae; adeoque si ad Deum transfertur, significat *distinctum subsistentem in natura divina*. Porro revelatione constat, subsistentes in natura divina esse tres sub formali ratione relativorum ad invicem distinctos, qui vero sub formali ratione absoluti sint omnino una indistincta essentia.

Unde in illis tribus distinctis duo consideranda sunt, quod a) singuli sunt aliquid *realiter distinctum* ab invicem, et sic *incommunicabile*, ac proinde *in se subsistens*: hoc exprimitur nomine *persona*, b) Considerandum est, quod ita distincti et per se subsistentes non sunt, nisi sub formali ratione relationis substantialis. Haec ratio relativi nomine *persona* explicite non exprimitur; neque enim ex modo significandi designat relativum. Itaque nomine *personae divinae* formaliter significatur *subsistens distinctum in divina natura*; hoc tamen distinctum in Deo revera est relativum, quamvis ratio relativi illo nomine ex modo si-

gnificandi (ut dixi) non exprimatur. Brevissime dici potest: nomen personae in Deo *formaliter* significat subsistens distinctum, *materialiter* significat relativum; vel etiam: *significat* subsistens distinctum, *supponit* relativum (cf. supra p. 31.).

„ Propria ratio nominis est (ait s. Thomas), quam significat nomen; id autem cui attribuitur nomen, si sit recte sumptum sub re significata per nomen, sicut determinatum sub indeterminato, dicitur supponi per nomen (ut per nomen *homo* potest supponi Petrus)... Sed sciendum, quod aliquid significat dupliciter, uno modo *formaliter* et alio modo *materialiter*. Formaliter quidem significatur per nomen id, ad quod nomen est principaliter impositum, quod est ratio nominis; sicut hoc nomen *homo* significat aliquid compositum ex corpore et anima rationali. Materialiter vero significatur per nomen illud, in quo talis ratio salvatur; sicut hoc nomen *homo* significat aliquid habens cor et cerebrum, et huiusmodi partes, sine quibus non potest esse corpus animatum anima rationali. Secundum hoc ergo dicendum est, quod hoc nomen *persona* communiter sumpta nihil aliud significat quam substantiam individuum rationalis naturae. Et quia sub substantia individua rationalis naturae continetur substantia individua id est incommunicabilis et ab aliis distincta tam Dei quam hominis quam etiam angeli, oportet quod persona divina significet subsistens distinctum in natura divina, sicut persona humana significat subsistens distinctum in natura humana; et haec est *formalis significatio* tam personae divinae quam personae humanae... Distinctum vero incommunicabile in natura divina non potest esse nisi relatio, quia omne absolutum est commune et indistinctum in divinis... Patet ergo, quod persona communiter sumpta significat substantiam individuum rationalis naturae, persona vero divina *formali significatione* significat distinctum subsistens in natura divina; et quia hoc non potest esse nisi relatio vel relativum (quae in Deo idem sunt), ideo *materiali significatione* significat relationem vel relativum *n* S. Th. Potent, q. 9. a. 4, cf. 1. q. 29. a. 4.

Quamvis itaque etiam in Deo nomen *persona* aliquo sensu *dicatur ad se, et non dicatur relative* ad alium, illud tamen quod designatur hoc nomine, non est absolutum sed est relativum. *Dici ad se* sumitur in duplici sensu, vel ita nimirum, ut significetur formalis ratio absoluti, quo sensu *ad se* dicuntur essentia, sapientia, bonitas et omnia attributa absoluta; vel *dicatur ad se ito.*, ut significetur aliquid in se esse incommunicabile atque adeo subsistens, quin negetur eiusdem formalis ratio relativi; hoc sensu *ad se dicatur et est* persona divina. Profecto enim Pater est in se hic unus incommunicabiliter et proinde realiter distinctus a Filio et Spiritu Sancto (quod idem valet de persona secunda ac tertia); hoc autem est sub formali ratione relativi. Discrimen itaque inter appellationem propriam uniuscuiusque trium distinctorum, inter nomina inquam *Pater, Filius, Spiritus Sanctus*, et inter nomen commune *persona* illud est, quod propria illa nomina tum subsistentem tum rationem relativi, et quidem singula subsistentem et relativum unum determinatum exprimunt: unus Pater non tres Patres, et Pater Filii; unus Filius non tres Filii, et Filius Patris etc.; nomen vero *persona* ex sese et ex modo significandi subsistentem tantummodo indeterminate significat, unde et de singulis dici potest, et quia subsistentes tres sunt sub formali ratione subsistentium realiter inter se distincti, possunt connumerari pluraliter *personae*. Formalem autem rationem relativi seu relationem originis unius ab altero, ut diximus, nomen hoc non *significat* sed *supponit*, adeoque Pater est persona in se i. e. in se subsistens, non autem est aut dici potest persona Filii; id enim significaret sub formali ratione subsistentis Patrem et Filium esse unum et eundem, qui error est Sabellianus. Paucis nomen *persona* in Deo non significat absolutum, sed distinctum in se subsistentem; in se subsistentes autem in Deo sunt relativi et sunt tres, ideo nomen *persona* in Deo non quidem ex modo significandi designat relativum, sed propter rem significatam supponit pro relativo, et pluraliter tres personae dicendae sunt.

2° Quoad rei summam haec ipsa doctrina s, Thomae vi-

detur nobis tradita a s. Augustino in loco celebri Trin. VII. n. 7-12. Quaerit ibi Augustinus, cur cum tres essentiae divinae nec sint nec dici possint, quia Deus unus est, dicantur tamen a Graecis tres substantiae i. e. hypostases, a Latinis tres personae? Difficultas quam s. Pater urget, ita se habet. In Deo quidquid absolutum est et hoc sensu *ad se dicitur*, est omnino unum indistinctum; distincti vero tres sunt tantummodo sub formali ratione relativorum ad invicem, Pater, Filius, Spiritus Sanctus. Iam vero si persona creata consideretur, ea est aliquid absolutum, substantia scilicet singularis et integra naturae rationalis tota in se; unde ibi tot semper sunt personae, quot singulares integrae naturae rationales connaturaliter subsistentes, et personae distinctae singulae habent etiam aliam et aliam numero essentiam. Si igitur hoc sensu persona de Deo diceretur, non minus una numero persona quam una essentia dicenda foret; est enim una substantia singularis, integra, intellectualis. Quare, inquit Augustinus, cum nomen aliquod commune quaereretur, quo non iam absolutum unum in tribus significaretur, sed quo tres quatenus distincti connumerarentur, nomen *personae* usurpatum est non in illa significatione absoluti sed ad designandos plures relatione distinctos, quamvis nomen ipsum ex se non habeat formam relativae significationis, ut habent nomina Pater, Filius, Spiritus Sanctus (1).

(1) Haec eadem interpretatio doctrinae Augustini data iam est a S. Anselmo, « Licet possim dicere Trinitatem propter Patrem et Filium et utriusque Spiritum, qui sunt tres; non tamen possum proferre uno nomine, propter quid tres; velut si dicerem propter tres personas... Non enim putandae sunt tres personae, quia omnes plures personae sic subsistunt separatim ab invicem, ut tot necesse sit esse substantias, quot sunt personae; quod in pluribus hominibus, qui quot personae, tot individuae sunt substantiae, cognoscitur. Quare in summa essentia sicut non sunt plures substantiae, ita nec plures personae (si intelligatur persona ut in creatis tamquam absolutum)... Nisi quis forte indigentia nominis proprie convenientis coactus elegerit aliquod ex illis nominibus, quao pluraliter de summa essentia dici non possunt ... ut si dicat, illam admirabilem Trinitatem esse unam essentiam vel naturam, et tres personas sive substantias» s. Anselm. Monolog, c. 78,

„ Cum conaretur humana inopia loquendo proferre ad hominum sensus, quod in secretario mentis pro captu tenet de Domino Deo creatore suo... timuit dicere tres essentias, ne intelligeretur in illa summa aequalitate aliqua diversitas; rursus non esse tria quaedam, non poterat dicere, quod Sabellius quia dixit, in haeresim lapsus est. Certissime quippe de Scripturis cognoscitur... et Patrem esse et Filium et Spiritum Sanctum; nec Filium esse eundem, qui Pater est.... Quaesivit quid tria diceret, et dixit substantias (hypostases) sive personas, quibus nominibus non diversitatem intelligi voluit, sed singularitatem noluit; ut non solum ibi unitas intelligatur ex eo quod dicitur una essentia, sed et Trinitas ex eo quod dicuntur tres substantiae vel personae....» Atque ita dicat unam essentiam, ut non existimet aliud alio maius vel melius vel aliqua ex parte diversum; non tamen ut Pater ipse sit et Filius et Spiritus Sanctus, et quidquid aliud ad alterutrum (relative) dicuntur.... propter quod et pluralem numerum admittunt, sicut scriptum est in Evangelio: ego et Pater unum *sumus*... Aut si iam placet propter disputandi necessitatem, etiam exceptis nominibus' relativis, pluralem numerum admittere, ut uno nomine respondeatur, cum quaeritur, quid tria, et dicere tres substantias (hypostases) sive tres personas, nullae moles aut intervalla cogitentur, nulla distantia quantulaecumque dissimilitudinis..... ut neque personarum sit confusio, nec talis distinctio, qua sit impar aliquid » Aug. ib. n. 9. 12.

Augustinus itaque non solum non dicit, ut Güntherus hunc locum detorsit, posse praedicari tres Deos et tres essentias, nisi rationes externae obstarent; sed immo ait, quia omnino unus est Deus et una essentia, neque posse dici tres personas in significatione absoluti, sed solum personas tres numerari, quatenus id quod hoc nomine in Deo designatur, est relativum (cf. supra p. 295. 296.).

Putamus etiam, secundum haec quae diximus, temperatione aliqua indigere, quae scripsit Petavius l. IV. c. 11., ubi sententiam Augustini refellere studuit, quam ipse ita interpretatus est, ac si s. Pater simpliciter docuisset, in

Deo *u* personam ad se dici non ad alterum, quod ipsum est absolute ac secundum essentiam vel substantiam dici non secundum relationem, *n* ut Petavius loquitur. Ait quidem Augustinus: *u* ut substantia Patris ipse Pater est, non quo Pater est, sed quo est; ita et persona Patris non aliud quam ipse Pater est: *ad se quippe dicitur persona*, non ad Filium vel Spiritum Sanctum; sicut ad se dicitur Deus et magnus et bonus et iustus » 1. c. n. 11. At vero hoc ipso quod dicitur *u* persona Patris esse ipse Pater », non negatur, eum pro quo nomen *persona* supponit, esse relativum ad Filium et Spiritum Sanctum; sed solum dicitur, nomine *persona* significari *subsistentem in se ipso* non autem subsistentiam alterius, quod etiam patet ex addita explanatione Augustini, quo sensu *persona ad se* dicatur et non relative ad alterum: *u* quid ergo, inquit, num placet, ut dicamus Patrem personam esse Filii et Spiritus Sancti?» Quae tandem omnia ad sensum s. Thomae praeclarissimi interpretis Augustini reducuntur.

II. Quaestio de *subsistentia absoluta* Dei, de qua aliquando Scholastici litigabant, ex dictis ita liquida est, ut inter Catholicos controversia fere non nisi de nomine esse possit. Durandus in 3. dist. 1. q. 2. a. 7. et alii nonnulli veteres Thomistae docebant, *a* subsistere in divinis esse unicum et absolutum competens omnibus personis ratione essentiae. » Etenim, aiebant, in divinis *u* ratio formalis suppositi (hypostaseos) non est per se subsistentia sed est aliud; est enim suppositum formaliter per proprietatem relativam, subsistit autem non per proprietatem relativam sed per essentiam vel substantiam » ibid. Affirmabant alii nonnulli, inter quos primus Caietanus (in 1. q. 39. a. 4.; 3. q. 2. a. 2. ad 3.; q. 3. aa. 2. 3.) et deinceps Suarez (de Incarnat. T. I. disp. XI. sect. 3.; de Trin. 1. III. c. 4.; 1. IV. c. 11.), in Deo esse unam subsistentiam absolutam et tres relativas. Modus vero communis sentiendi et loquendi, Patrum et Conciliorum consensione firmatus, is est, ut dicantur tres in Deo subsistentiae sub formali ratione relativorum, non autem subsistentia aliqua absoluta tribus personis communis. A^{ide} Vasquez in P. 1. disp. 125.;

Gregorinm de Valentia de Trin. (T. I. disp. IT.) q. 13. puncto 3.; Ruiz disp. XXXIV.; Franc, de Lugo Trin. disp. XL; Petav. l. IV. c. 12. n. 1-4.

Nomen *subsistentiae* in significatione propria usu ecclesiastico ex multis saeculis consecrata, non aliam habet notionem nisi quam diximus; nimirum *subsistens* (unde *subsistentia* derivatur) est hic incommunicabilité! existens in se, et hoc ipso distinctus ab omnibus aliis etiam eiusdem essentiae seu naturae. Tria ergo requiruntur ad rationem propriam *subsistentiae*, ut sit *substantia singularis integra*, ut non sit ad modum partis, seu *ad modum naturae habitae in alia superiori hypostasi* (sicut humana natura in Verbo), *ut non sit communis seu identificata cum pluribus inter se distinctis*. Hoc itaque sensu tum etymologice tum usu ecclesiastico Patrum et Conciliorum *subsistentia* prorsus idem est, quod graece dicitur hypostasis; neque enim *subsistentia* apud Patres et antiquos theologos abstracta significatione, sed concrete eodem modo ut hypostasis sumitur. Si vero, ut post Caietanum (1) penes Scholasticos invaluit, accipitur abstracte, *subsistentia* erit illa formalis ratio incommunicabilitatis in se, sub qua intelligitur substantia esse hypostasis. Utrovis modo spectes *subsistentiam*, nulla absoluta, sed tres relativae *subsistentiae* in Deo praedicandae sunt; quidquid enim ibi absolutura est, est unum commune seu identificatum cum tribus distinctis; distincti autem sunt tantummodo sub formali ratione relativorum. Hoc ipso absolutum non est *subsistens* i. e. incommunicabile sub formali ratione absoluti, sed sub formali ratione trium relativorum et uniuscuiusque eorumdem.

Si vero *subsistentia* sumitur in duplici diversa significatione; primo laxius sub duabus tantummodo prioribus notis, ut sit *substantia singularis integra* existens, et *non assumpta ad modum naturae* ab hypostasi superiori; deinde

(1) « Primus fuisse dicitur Caietanus, qui in 1. q. 3. a. 2. *subsistentiam* accepit in abstracto pro ipsa ratione *subsistendi* formaliter constitutiva *subsistentis*, quem moderni secuti sunt" Franc, de Lugo disp. XI. c. 1. n. 2.

strictius cum addita nota teria *incommunicabilitatis* : sic sane illa priori minus plena significatione poterit divina absoluta essentia dici subsistentia, vel (sumendo nomen abstracte) essentiae poterit adscribi subsistentia absoluta, ut a pluribus veteribus ante saeculum IV. labens in Deo praedicabatur una hypostasis, i. e. una singularis perfectissima realiter existens substantia absoluta in tribus distinctis personis (vide supra th. IX. η. II. et de Incarnat, th. XXVI. XXVII.). Unde si dicantur in Deo esse *una subsistentia absoluta* et *tres subsistentiae relativae* sumendo nomen secundum duplicem illam diversam significationem, ut Suarez II. cc. mentem suam explicavit, nihil quidem dicetur quoad rem ipsam absonum a veritate ; sed absque ullo fructu nomen a sua significatione solemni deflectitur ad alium sensum; atque ita dum illud in uno eodemque mysterio explicando usurpatur sensu ancipiti, certe non consulitur claritati, sed conceptuum perturbationi occasio datur non modo in doctrina de SS. Trinitate sed etiam in explicatione mysterii Incarnationis.

Qui vero per illam absolutam subsistentiam aliquid amplius intelligunt quam quod dictum est, ii sine dubio etiam quoad rem ipsam falluntur. Sic Caietanus II. cc. insistit, quod praescindendo a personis est et intelligi debet non modo Deus sed (ut ait) *hic Deus*, videlicet unus habens naturam divinam; unde putat, Deum sic conceptum esse suppositum et personam licet non omnino complete, quia est aliquid commune tribus distinctis personis. At vero sive dicatur *Deus* sive *hic Deus*, is non est alius quam Pater, Filius, Spiritus Sanctus tres simul personae et quaelibet earumdem. Adeoque assumpta revelatione trium personarum divinarum nomen *Deus* sive *hic Deus* non significat aliud quam divinam naturam unam non multiplicabilem cum adsignificatione subsistentiae vel indeterminate et in confuso, vel subsistentiae trinae, vel determinate subsistentiae unius ex tribus. Quovis vero modo adsignificetur subsistentia, ea semper habet formalem rationem relativi; discrimen solum est aliquod in nostro modo concipiendi, quod in secundo et tertio modo expresse concipimus subsistentiam ut rela-

tivam, in primo modo possumus eam concipere confuse sine *expressa* notione relativi; attamen etiam in confuso non potest secundum rei veritatem concipi subsistentia divina cum exclusione relativi et sub *expressa* ratione absoluti, cum obiective et a parte rei non sit nisi sub ratione formali relativi.

Quod Durandus affirmat subsistentiam absolutam unam, et negat subsistentias relativas, id ortum habuit ex praepostera interpretatione doctrinae s. Thomae, quam superius descripsimus, de substantia ut fundamento subsistentiae. «Relationes in divinis, ait Angelicus, etsi constituent hypostases et sic faciant eas subsistentes, hoc tamen faciunt, in quantum sunt essentia divina; relatio enim in quantum est relatio, non habet quod subsistat vel subsistere faciat, hoc enim solius substantiae est» Potent, q. 8. a. 3. ad 7. Unde Durandus et alii nonnulli ita concludebant: essentia absoluta tribuit relationibus subsistentiam, non autem relationes subsistentiam tribuunt essentiae; et ideo dicenda est una subsistentia absoluta tribus communis, nulla autem est subsistentia relativa. At ex dictis constat, hanc illationem in se esse absurdam, si subsistentia in sensu pleniori *incommunicabilitatis* secundum usum Conciliorum et Patrum accipiatur. Ad doctrinam s. Thomae quod spectat; id unum dicitur sane verissimum, relationes non posse esse subsistentes, nisi quatenus sint substantiales; adeoque relationes subsistentes sunt, non quia relationes sunt in communi significatione, sed quia sunt *tales* relationes, identificate scilicet cum essentia et ideo substantiales.

Modo concipiendi et loquendi magis proprio, nec essentia relationibus nec relationes essentiae subsistentiam tribuere dicendae essent; neque enim aut relationes ab essentia realiter distinguuntur, aut subsistentia est realitas *superaddita* sive essentiae sive relationibus; sed essentia simplicissima et infinita ex interna exigentia et per se ipsam realiter est subsistens Pater, Filius, Spiritus Sanctus; et vicissim relatio e. g. paternitas est per se ipsam Deus Pater, filiatio Deus Filius, spiratus (spiratio passiva) Deus Spiritus sanctus. Magis igitur proprie dicitur essen-

tia una simplicissima simul habere formalem rationem absoluti et relativi ita, ut sub ratione absoluti intelligatur essentia communis tribus distinctis, sub ratione relativi sit Pater distinctus a Filio, Filius distinctus a Patre etc., et ideo incommunicabilité!· subsistens ut Pater, ut Filius, ut Spiritus Sanctus. Nihilominus quia essentia et relationes ratione distinguuntur, et alia est functio sub form. li ratione essentiae alia sub formali ratione relativi, modo nostro concipiendi inadaequato possumus dicere: essentia tribuit relationibus ut sint substantiales, quae ratio substantiae est necessarium fundamentum ad rationem subsistentiae; relationes tribuunt summae rei quae est essentia, incommunicabilitatem, quae est formalis ratio subsistentiae proprie dictae (1). Unde subsistentia significatione concreta nec est sola formalis ratio essentiae nec sola formalis ratio relationis in communi, sed est complexe *relatio substantialis* seu *relativum substantiale*; proinde subsistentia in significatione abstracta, concipitur ut modus, quo est relativum substantiale (vide supra p. 363.).

Coroll. Nomen *persona* non significat universale vel notam abstractam pluribus individuis sensu proprio communem, sed designat etiam in Deo indeterminate hunc unum distinctum ab aliis, Patrem vel Filium vel Spiritum Sanctum; adeoque non est nomen speciei comprehendens sub se individua, sed se habet ut denominationes *individui vagi*, *aliquis unus*, *aliquis homo*. Contra hoc inepta est obiectio, quod his appellationibus non potest adhuc addi partitivum *aliquis*, cum tamen possit dici *aliqua persona*. Nam imprimis optime posset dici: aliquis, qui est aliquis homo; deinde licet individuum vagum iam indeterminate expressum per particulam *aliquis* non posset admittere huius

(1) Hoc sensu docent ss. Patres, illud quod est natura et commune. *proprietatibus circumscribi* et velut determinari, ut sit hypostasis. «Hypostasis est, quae commune et incircumscriptum in hac re aliqua per proprietates in ea lucentes sistit et circumscribit» η ὑπόστασις οὐ γὰρ ἀπὸ τοῦ οὐ-πα ἐννοία. ἀλλὰ τὸ κοινὸν ὅτι καὶ ἀφρσιγγραπτὸν ἐν τῷ τῶς πρὸς τῷ ζῳογονίᾳ δια. τῶν ἰτιζατο/ζων ιδιωμάτων παζίστωσα καὶ πβζῖζαζοτ/σα 8, Basilins ep. 36. al. 43.

particulae repetitionem, potest tamen particulam admittere nomen per se designans individuum indeterminatum, cuiusmodi est nomen *persona*. Vide S. Th. 1. q. 30. a. 4.

THESIS XXV.

De notionibus spirationis activae et ingeni.

« *Spiratio activa et esse ingenum* (innascibilitas η αγι»η<πα) non
» constituunt personas. Spiratio enim non realiter sed ratione tantum
» distincta a paternitate in Patre et a filiatione in Filio, in ipso ple-
» niori conceptu paternitatis et filiationis includitur. Pariter *esse inge-*
» *nitum* ut notio personae *primae* includitur in conceptu pleniore pa-
* ternitatis divinae. »

Cum ex demonstratis in thesi XXIII ipsae relationes substantiales, quatenus sunt realiter inter se distinctae et ideo subsistentes, sint personae divinae, seu formaliter constituent personas, evidens est, tot esse *relationes constituentes* realiter distinctas, quot sunt divinae personae: sunt scilicet formalis ratio Patris, et altera Filii, et tertia Spiritus Sancti, sive *paternitas, filiatio, et processio*.

Verum quoniam relationes internae in Deo sunt relationes originis, eo ipso in omni processione necessario duplex est relatio opposita et per oppositionem distincta, relatio inquam principii et procedentis a principio. Adeoque quoniam duae sunt distinctae processiones, Filii per generationem a Patre, Spiritus Sancti per spirationem a Patre Filioque, quatuor relationes sint oportet; sicut nimirum Filio Pater seu filiationi paternitas, ita spirato spirator, processioni seu spirationi passivae (ut aiunt) *spiratio activa* respondet et opponitur ut principium relate ad procedentem a principio. Praeterea tum ex generali doctrina de mysterio SS. Trinitatis consequitur tum in specialibus declarationibus Patrum et omnium theologorum diserte proponitur *innascibilitas* seu *esse ingenum* (ή αχεννησια) tamquam notio uni tantum personae propria et minime communis. Declarandum ergo est, quomodo praeter tres proprietates seu relationes constituentes se habeant primo relatio *spirationis* deinde *innascibilitas*.

I. Quoad primum itaque quaeritur, cur haec relatio spirationis (activae) seu formalis ratio spiratoris, opposita et realiter distincta a processione seu a formali ratione spirati, non sit per se subsistens et constituens personam ?

1". Secundum nostrum imperfectum modum concipiendi responsio obvia, et (ut videtur) facilis esse posset: spiratio activa supponit personas Patrem et Filium iam constitutas, et illis tamquam actus communis velut supervenire concipitur (1). Porro ipse actus seu ipsa activa spiratio non realiter procedit a Patre et Filio, adeoque nec habet oppositionem ad personas quarum est actus, et ideo nec realiter ab eis distinguitur; sed per hunc actum spirationis a Patre et Filio realiter procedit Spiritus Sanctus, atque ideo Pater et Filius per hunc suum actum communem secundum formalem rationem spiratoris ut principium referuntur ad Spiritum Sanctum, et ab eo realiter distinguuntur. Spirator itaque non dicit personam distinctam a Patre et Filio, sed significat unam vim spiratricem seu unum actum et unam relationem spirationis duabus personis communem, et adsignificat in confuso has personas, quarum est actus et relatio; eo fere modo, quo nomen *creator* significat unam divinam essentiam sub formali ratione actus creantis, et adsignificat in confuso personas, quarum est essentia (2).

(1) Proprietates concipiantur esse in personis dupliciter, inquit s. Thomas, « vel ut constituentes, et istae sunt proprietates personales (paternitas, filiatio, spiratum esse), vel sicut illud quod advenit post *esse constitutum*, sicut albedo est in Socrate; et ita secundum intellectum (nostrum) proprietates non personales ut innascibilitas et communis spiratio sunt in personis » 1. dist. 33. q. 1. a. 3.

(2) Hinc vides, ut id interim obiter notetur, cur unum dici debeat principium spirationis, unus spirator, licet duae sint personae, quae uno actu communi spirant, et ideo una relatione communi referuntur ad Spiritum Sanctum, sicut « unum est universorum principium, creator omnium » (cap. *Firmiter*), quamvis tres sint personae, quae secundum unam essentiam communem creant. Substantiva enim illa *principium*, *spirator*, *creator* significant formam, per quam (ut loquitur s. Thomas), seu principium, quo spirant et creant, personas autem in confuso adsignificant vel supponunt; ideoque quia forma significata una est, unus est spirator et unus creator sicut unus Deus. Adiectiva autem *creans*, *spirans*, *omnipotens*, *aeternus* utroque modo possunt significare. Gram-

2°. Verumtamen cum spiratio in Patre realiter sit idem cum paternitate, et eadem spiratio in Filio sit realiter idem cum filiatione, et solum *ratione* distinguatur a paternitate et filiatione, ille conceptus, quo spiratio secundum imperfectum nostrum modum intelligendi per compositionem, cogitatur superveniens personis constitutis, expoliri potest, ut simplicitati divinae paulo magis respondeat, sicut diximus de conceptu constitutionis personae per relationem et essentiam. Itaque ut duae relationes non sibi oppositae paternitatis et spirationis intelligantur una persona, pariterque persona una intelligatur relatio filiationis cum eadem non sibi opposita spiratione, sequens iuvabit consideratio.

a) Illa « summa res, videlicet essentia seu natura divina » sub formali ratione *intellectionis exprimentis Verbum* est Deus Pater; summa res eadem sub formali ratione *intellectionis expressae*, seu ut immanens terminus productus intellectionis paternae, est Verbum seu Deus Filius. Iam vero intellectio, tam ut exprimit Verbum quam ut est Verbum expressum, est simul dilectio producens seu spirans suum immanentem terminum, qui est Spiritus Sanctus. Nam in-

matice in recto designant supposita, quorum est forma; significant tamen simul formam, quae est una identificata cum pluribus personis divinis, et propterea ad hanc unitatem vindicandam, cnius defensio magis erat necessaria, singulari numero praedicantur e. g. in symbolo Athanasiano, postquam realis distinctio personarum satis erat expressa. Omnino verum est, quod ait Pallavicinus: « grammaticaliter et quatenus *adiectiva* sunt, deberent praedicari per modum nominum accidentalium, adeoque multiplicari ad multiplicationem suppositorum; quatenus vero *divina* sunt (cum in Deo nullum sit accidens, sed quidquid inesse concipitur, realiter sit essentia divina), significant perfectionem substantialem constitutivam illius de quo praedicantur, quae cum si una, deberent singulariter praedicari, et utrumque est in usu Ecclesiae et Patrum » Pallav. Curs, theol. 1. VIII. c. 54. n. 413. Cf. S. Th. 1. q. 36. a. 4.; q. 39. a. 3; Petav. Trin. 1. III. c. 9. n. 8. 9.; 1. VIII. c. 9. n. 14. 15. Lis intentata a Petavio Scholasticis, qui docere solent, *adiectiva* in plurali, *substantiva* non nisi in singulari de distinctis personis praedicari posse, et vicissim huius scholastici axiomatis acrior defensio contra Petavium suscepta a B. M. de Rubeis (Dissert. XXVII. c. 1. n. 4. de script, et gest. s. Thomae) ex dictis in hac nota amice componi poterit.

tellectio paterna habet simul rationem formalem dilectionis spirantis, ut sub una ratione referatur ad Verbum, sub altera ratione referatur ad spiratum. Sed quia in omni spiritu etiam in infinito dilectio praesupponit intellectionem, non autem intellectio dilectionem; et quia intellectio exprimens Verbum ex intima rei natura communicat Verbo essentiam sub omnibus formalibus rationibus (excepta formali ratione expressionis Verbi, cuius Verbum ipsum est terminus realiter distinctus); ideo exprimitur Verbum communicando essentiam sub formali etiam ratione dilectionis spirantis. Hinc intellectio paterna habet formalem rationem dilectionis spirantis non nisi supposita (ordine originis) expressione Verbi, et Verbum exprimitur habens eandem formalem rationem dilectionis spirantis, seu Pater fecundus Spiritus Sancti exprimit generatione Verbum fecundum Spiritus Sancti.

Unde sicut essentia et paternitas (formalis ratio intellectus exprimentis Verbum) non sunt duo realiter distincta, sed una summa res sub duplici formali ratione absoluti et relativi: ita paternitas et spiratio non sunt duo relativa, sed sub duplici formali ratione unus relativus ad duplicem realiter distinctum terminum. Quia nempe duplex illa formalis ratio non habet oppositionem una ad alteram, ideo inter eas non est distinctio realis et est unus relativus; attamen quia ille unus habet ordinem sub formali ratione gignentis et spirantis ad duplicem realiter distinctum terminum (ad Filium et Spiritum Sanctum), paternitas et spiratio sunt duae relationes, distinctae ratione cum fundamento in re. Relationes, inquam, sunt duae non ratione oppositionis mutuae, quae nulla est; sed ratione terminorum ad quos est relatio. Si oppositione mutua inter se realiter distinguerentur, essent duae personae; sed quia sola ratione inter se distinguuntur, sunt una persona. «Relationes oppositae sunt personae, et sunt duae personae sicut duae relationes; sed relationes quae sunt in eadem persona non oppositae, sunt quidem duae relationes vel proprietates sed non duae personae, imo una persona» S. Th, 1. dist. 33. a. 2. ad 1.

Similiter dicendum esse patet de eiusdem spirationis, ut Filio communicatur, distinctione rationis et identitate reali cum relatione filiationis. Filius enim ex ipso modo processionis a Patre per intellectionem generatur ut unum cum Patre principium fecundum Spiritus Sancti. «Nam in Verbo infinito repraesentativo infiniti boni quidditative continetur virtus (et cum virtute identificatus actus), ut simul cum suo principio loquente producat amorem eiusdem boni. Unde persona producens Verbum, eo ipso quod est productiva Verbi, est etiam simul cum Verbo productiva amoris » Ruiz disp. XVII. sect. 6. n. 8. Sicut ergo in Patre paternitas et spiratio, ita in Filio relatio filiationis seu *esae genitum* et spiratio sunt « duae relationes sed non duae personae, imo una persona ».

ℓ) Ex his porro intelligitur, quomodo spiratio (activa) pertineat ad rationem interiorem et ad conceptum adaequatum (quantum nos intelligere valemus) personae Patris ac Filii.

Nam a) paternitas et filiatio si plenius spectentur, ex intestina exigentia includunt spirationem, et sine hac non plene concipiuntur; proinde ad paternitatem et filiationem divinam, ut sit talis qualis necessario est, pertinet spiratio activa. Hinc recte ait Dominicus Viva de Filio, quod pari modo valet de Patre: «Filius in hypothese chimaerica quod non spiraret, haberet conceptum Filii inadaequate, ita tamen ut repugnaret secundum huiusmodi conceptum inadaequatum usquam reperiri » de Trin. disp. V. q. 6. n. 9.

Propterea β) quia paternitas et filiatio ex intima sua ratione necessario simul sunt spiratio activa, et quia per hanc formalem rationem spirationis Pater et Filius constituuntur ut principium distincti a persona tertia procedente; quoad rem ipsam indubitata est et quoad modum loquendi solidum habet fundamentum doctrina theologorum, qui supposita distinctione rationis et identitate reali spirationis cum paternitate et filiatione dicunt, constitutionem Patris et Filii *in pleno suo conceptu* intelligi per formalem rationem paternitatis et filiationis, quatenus haec utraque *spirationem activam includit*, » Pater et Fi-

lius distinguuntur a Spiritu Sancto eadem ipsa proprietate, qua constituuntur. Quapropter sicut radicaliter tantum a Spiritu Sancto distinguuntur per paternitatem et filiationem, ita etiam non plene et integre constituuntur explicito conceptu paternitatis et filiationis, quousque intelligatur explicite spiratio activa, *per quam sicut formaliter distinguuntur a Spiritu Sancto, ita etiam ultimate et plene constituuntur*ⁿ Didac. Ruiz disp. XVII. sect. 6. cf. disp. 106. sect. 2. n. 1; sect. 3. n. 6. Ita etiam Dominicus Viva: *u* illud per quod Filius distinguitur ab omni non ipso, non est generatio passiva quomodocumque, sed *generatio passiva ut imbibens spirationem*... In ea autem hypothesis (quod Filius non esset cum Patre principium spirationis), *non remaneret huiusmodi generatio passiva, ergo non haberet id, per quod Filius nunc ultimo constituitur et primo distinguitur ab omni non ipso* » Viva disp. V. q. 6. n. 8-10. Vide etiam Aureolum 1. dist. 11. a. 3. Neque veritati huius plenioris considerationis repugnat axioma certissimum, quod spiratio activa est *relatio non constituens personam*, sed solum distinguens Patrem et Filium a Spiritu Sancto. Negatur enim hoc axioma constitutio personae distinctae a Patre et Filio; quod vero spiratio pertineat ad rationem personae Patris ac Filii in pleno suo conceptu exhibendam, non solum non negatur sed implicite affirmatur, quia spiratio activa dicitur relatio distinguens personam primam et secundam a Spiritu Sancto.

II. Accedimus ad considerationem *innascibilitatis* seu $\alpha/\epsilon^{\wedge}\eta\sigma\iota\alpha$, quam praeter quatuor relationes quintam aliquam notionem uni tantum personae propriam esse diximus.

1. Ad vim nominis quod spectat, *ingenitum* ($\zeta\omicron\grave{\alpha}\eta\epsilon\omega\nu.\zeta\epsilon\nu$) triplici praesertim significatione sumi potest, a) Ita, ut opponatur creato, et idem sit ac increatum. In hac significatione scribendum potius esse $\alpha/\epsilon\nu\eta\tau\omicron\nu$, adverterunt ss. Patres, ut Epiphanius haeres. 64. n. 8. et Damascenus de Fid. orthod. 1. 1. c. 8. (1), estque attributum absolutum divinae

(1) « Sciendum est, vocem $\alpha/\epsilon\nu\eta\tau\omicron\nu$ cum scribitur unico $\zeta\omicron\grave{\alpha}\eta\epsilon\omega\nu.\zeta\epsilon\nu$ increatum significare sive non factum, etymologice vero Per $\alpha/\epsilon\omega$ ** scriptum, indicare id, quod non est generatum. Priore ergo significatione essentia ab

essentiae et proinde tribus personis commune, quo negatur impertectio entis creati, et lioc ipso affirmatur absoluta perfectio entis necessarii. Hunc sensum supposebant Ariani in suis perpetuis cavillationibus, quibus Filii Dei divinitatem impugnabant, eo quod solus Pater sit ingenuus.

A) Ingenitum seu innascibilitas sumitur hypostatice in oppositione ad genitum (1). Oppositio vero potest accipi dupliciter: si ingenuum opponitur genito praecise secundum modum processionis per generationem, non solum de Patre sed etiam de Spiritu Sancto negandum est esse genitum (S. Th. opusc. J. contr. errores Graecor, c. 8); adeoque hoc sensu generali ingenuum non est proprium Patri. « Pater a nullo est nec factus nec creatus ἄϑϑνϑϑ (αϑεννττβ); Filius a Patre solo est, non factus nec creatus (à/cz/ircç) sed genitus (γιννττοζ); Spiritus Sanctus-a Patre et Filio, non factus nec creatus (ἀγεννητο) nec genitus (αγεννητο) sed procedens n. At licet in comparatione cum Filio genito Spiritus Sanctus dici possit non genitus; nihilo minus compositum ingenuus (ἀγνM.το) in sua stricta significatione non tantum opponitur modo processionis per generationem, sed simpliciter processioni et origini ex principio. SS. Patres in disputationibus adversus Arianos explicite quidem commemorare solent tantummodo ingenui oppositionem ad genitum Filium, quia directa controversia cum illis haereticis restringebatur ad dogma de divinitate et consubstantialitate Filii (cf. supra p. 57), implicite tamen semper includunt oppositionem etiam ad processionem personae tertiae; siquidem ~c χγεννρ^ον habent ut proprium Patris, atque hoc ipso simpliciter ut negationem originis.

Itaque c) ingenuum in significatione hypostatica directe quidem ut negatio opponitur genito, sed inclusa simul ne-

essentia differt; alia est enim essentia increata seu dy >ητο, per nnum>. alia 7 seu creata. Secundo autem significandi modo non inducitur discrimen essentiae » Damasc. l. c. T. I. p. 135.

(1) < Infectum et factum το dyr/orov και γινν^τοκ nico > scriptum, quod increatum et creatum significat, naturae est; ingenuum autem et genitum το dy και γθνητόν, quod duplici effertur, non est naturae ssd hypostaseos » Damasc. l. IV. c. 7. p. 257.

gatione cuiusvis processionis; sicque est proprium soli Patri. Dicitur itaque Pater ingenuus secundum oppositionem directam, ut intelligatur eius distinctio a Filio, et secundum significationem inclusam, ut eum distinguamus ab utraque persona procedente. Unde praeclare omnino monet s. Basilius, si nullus esset et hoc ipso nec posset esse proprius Filias Dei, numquam futurum fuisse, ut Deus diceretur ingenuus; sed potius nominaretur increatus: siquidem in ea hypothesis non Pater a Filio nobis distinguendus foret, quod fit oppositione ingenui ad genitum, sed solum opus esset discriminare Deum increatum a creatura. « Si ingenuus Pater, quoniam genitus non est, genitus autem Filius, quoniam est generatus; ergo posterius intelligitur ingenuum quam genitum, non enim haberet (si nullus esset genitu-), prae quo diceretur ingenuus; comparationes enim instituuntur eorum quae sunt, non eorum quae non sunt.... Filius si creatura est non genitura, et si omnia quae sunt, creaturae sunt, frustra Pater dicitur ingenuus, cum omnino nullus genitus existât, cuius respectu appelletur ingenuus; igitur potiori iure increatus quam ingenuus diceretur » Basii, contr. Eunom. IV. Tom. I. p. 283.

2'. Reliquum est, ut propriam rationem ingenui explicemus, quatenus est notio hypostatica Patris.

a) Quatenus nomen ingenuus non naturam sed hypostasin designat, in divinis non significat absolutum, sed revocatur ad significationem relativam, sive ut ait s. Thomas, est relatio per reductionem. Quod quomodo sit, explicat s. Augustinus Trin. l. V. c. 7. Nomina negativa sunt in eodem ordine, in quo sunt nomina opposita affirmantia, quod ostendit ibi s. Doctor per omnes decem categorias. « Sicut secundum substantiam aio, homo est; sic secundum substantiam nego, cum dico, non homo est; et cum quaeritur quantus sit, et aio, quadrupedalis est i. e. quatuor pedum, secundum quantitatem aio; qui dicit, non quadrupedalis est, secundum quantitatem negat, » Unde ad rem praesentem: « si substantialiter (praedicatione absoluti) aierem dicendo, Filius; substantialiter negarem dicendo, non Filius. Quia vero relative aio, cum dico, Filius est, ad Pa-

trem enim refero; *relative nego*, si dicam, non Filius est, ad parentem enim eandem negationem refero volens ostendere, quod ei parens non sit. At tantumdem valet... quod dicitur *non genitus*, quantum valet, quod dicitur *non Filius*. Relative autem negamus dicendo, *non Filius*; relative igitur negamus dicendo, *non genitus*. *Ingenitus* porro quid est, nisi *non genitus*? Non ergo receditur a relativo praedicamento, cum *ingenitus* dicitur» Aug. 1. c. cf. S. Th. 1. q. 33. a. 4. ad 3.

δ) Iam vero negatio in divinis non potest esse negatio perfectionis; sed solum est aliquis noster modus concipiendi id, quod in Deo positivum est et perfectio. Aliter tamen atque aliter se habet negatio in ordine absolutorum, et in ordine relationum internarum.

In absolutis negatio exhibet perfectionem absolutam excludendo imperfectionem seu, quod eodem redit, negando perfectionem defectu ulterioris perfectionis limitatam, cuiusmodi est perfectio creata; adeoque est negatio negationis ac proinde affirmatio perfectionis absolutae, quae inadaequate et confuse a nobis concipitur per comparisonem cum perfectionibus limitatis; cuiusmodi attributa sunt *infinitum*, *increatum* seu *ingenitum* in significatione absoluta primo loco a nobis indicata, *aeternitas*, *immensitas* etc. (Vide de attributis sic dictis *negativis* Tract. de Deo th. XXI). Absoluta autem de se invicem quoad rem ipsam negari non possunt, quia realiter inter se non distinguuntur. Unde falsum est, si dicatur: in Deo iustitia non est misericordia; quamvis alius sit conceptus iustitiae et alius misericordiae, atque ideo dici possit ac debeat: conceptus iustitiae divinae non est conceptus misericordiae divinae.

At relativa sub formali ratione relativorum realiter inter se distinguuntur, realiter enim alius est Pater et alius Filius, alius Spiritus Sanctus; unde de se invicem negantur. Pater non est Filius et non Spiritus Sanctus; sicque Filius non est Pater et non Spiritus Sanctus etc. Unde cuipiam videri posset, non minus quam notionem *ingeniti*, notiones negativas alias plures ponendas esse, quod Pater *non est Filius et non Spiritus Sanctus*; Filius *non est Pater*

nec Spiritus Sanctus; Spiritus Sanctus *nec Pater est nec Filius*. Verum negationes ita conceptae non aliam exhibent notionem et formalem rationem personae, quam affirmatio, quod est *unus Pater* i. e. hic unus sub formali ratione Patris relatus ad Filium et distinctus a Filio, et sub formali ratione spirantis inclusa in paternitate relatus et distinctus a Spiritu Sancto; pariterque dicendum de Filii relatione ad Patrem et de relatione Spiritus Sancti ad Patrem et Filium. In Filio igitur et Spiritu Sancto praeter has alia nulla reperitur notio ratione distincta, qua uterque personis aliis *per negationem* opponatur; in Filio nempe filiatio h. e. esse genitum atque in filiatione inclusa communis cum Patre spiratio activa; in Spiritu Sancto processio seu esse spiratum, sunt solae formales rationes realiter distinguentes, ut sit alius et alius. At in prima persona negatio processionis ab alio, qua dicitur *ingenitus* in oppositione ad Filium genitum et ad Spiritum procedentem habet aliam formalem rationem consideratione mentis distinctam a paternitate et activa spiratione.

Porro ad significationem illius negationis quod attinet, processio ex principio utique non est imperfectio in Filio et Spiritu Sancto; sed processio esset imperfectio atque adeo negatio et destructio *primae personae* Trinitatis. Unde negatio relationis geniti et procedentis in Patre est affirmatio perfectionis relativae seu personalis, quod sicut Deus essentialiter est *Esse ingenitum* significatione absoluta h. e. *ens a se*, ita *prima persona* Trinitatis est ex interna necessitate naturae *persona a se*, quam hypostaticam perfectionem concipimus et explicamus negatione originis, *„Pater ingenitus*, non enim est ab aliquo; a se ipso enim habet ut sit, nec eorum quae habet, quidquam ab altero habet; sed ipse potius principium est et causa omnibus, ut sint et naturaliter certo modo sint» Damasc. F. O. 1. 1. c. 8. cf. alios PP. apud Petav. 1. V. c. 5. n. 14. Negatione nobis opus est sicut in aliis conceptibus simplicissimis explicandis, ita et in hoc conceptu *primi* et *a se* subsistentis, *„Ratio primi* quae simplicissima est, a nobis absque negatione non explicatur. Prima ergo persona in ratione *primi* producentis ad intra

non explicatur nisi per negationem productionis terminatae ad ipsam, et haec negatio est *innascibilitas* ¶ Suarez l. V. c. 10. ¶. 4.

c) Attamen haec proprietas *ingeniti* non realiter distinguitur a paternitate, quod iam ex eo patet, quia non est ibi origo unius ab altero et nulla oppositio. Facile autem potest intelligi, quomodo haec ratio *primae personae* Trinitatis et ideo *personae a se* idem sit sub conceptu minus pleno, quod est paternitas inconclusa spiratione sub conceptu pleniore. Quod enim est *prima persona* Trinitatis et ideo *persona a se*. hoc ipso ex insita rei natura est principium reliquarum personarum, h. e. Pater Filii et cum Filio spirator Spiritus Sancti. Hanc connexionem notionum *ingeniti* et *Patris* indicat s. Basilius, et multis vindicat eius germanus s. Gregorius Nyss. l. I. contr. Eunom. (ed. Gretzer p. 136. seqq.), apud quem Basilius ita loquitur. « Qui enim *vere* (ἀπὸ τῶ) *et solus Pater est* (modo divino), *a nullo est*; qui autem *a nullo est*, *ingenitus est* ». Optime Suarez: « per illam negationem (per *ingenitum*) explicare intendimus *primae personae* dignitatem. Dicimus autem, hanc dignitatem non esse aliam a paternitate ipsa, quae nostro modo concipiendi ex vi suae rationis duo includit. Unum est, quod *per se* seu *a se* sit per immediatam coniunctionem cum essentia (quia absque reali productione personae natura immediate secum affert talem personalitatem), et hoc declaramus per hanc negationem (*ingenitum*). Alterum est esse constitutivam principii generandi, quod *Pater nominatur* » Suarez l. VIII, c. 2. n. 12. cf. l. V. c. 10. n. 2.4.

Scholion. Ad rei ipsius, et maxime ad modi loquendi declarationem possumus nunc postea quae dicta sunt, paucis complecti, quae tradi solent comparando *proprietates*, *relationes*, et *notiones* divinarum personarum.

Proprium hic non solum opponitur alieno vel superaddito, quo sensu sunt etiam *proprietates* absolutae communes tribus personis (cf. Tract. de Deo th. XXI. n. 3.); sed proprium in sensu quo nunc loquimur, opponitur *communi*. Sensu igitur strictiori *proprietates* sunt illae rationes formales, quae uni tantum personae conveniunt, et non sunt

communes pluribus. Sic quatuor erunt proprietates *paternitas*, *innascibilitas*, *filiatio*, *spiratio passiva* seu *spiratum esse*. S. Th. 1. q. 32. a. 3. Si vero paulo laxius dicitur *proprium*, quod non est commune omnibus tribus personis, etiam *activa spiratio* communis Patri ac Filio sed non Spiritui Sancto, proprietatibus accenseri potest.

Relationes reales sunt quatuor *paternitas*, *filiatio*, *spiratio activa*, *spiratum esse*. Attamen *ingenitum* reductive, ut dici solet, eis adnumerari potest, tum quia est negatio relationis tum quia designat personam, quae in divinis non potest esse nisi relativum S. Th. 1. q. 33. a. 4. ad 3. Itaque omnis proprietas est relatio vel reducitur ad relationem, et vicissim omnis relatio est proprietas sensu saltem laxiori, quod non est aliquid commune omnibus personis. Ratio est evidens, quia quidquid in Deo non ad ordinem relativi sed ad absolutum pertinet, est commune tribus personis.

Notio personarum (γνωσισμα) est character seu formalis ratio, qua nobis *innotescit* persona ut distincta ab aliis. Unde patet, quamvis *notionem* necessario esse *proprieta-tem* sensu saltem laxiori, et hoc ipso pertinere ad ordinem relativorum; neque enim per id, quod est commune et unum in tribus personis, potest nobis innotescere persona distincta. Quoad numerum *notionum* possemus quidem etiam hic dicere, sensu strictiori esse quatuor tantum notiones sicut quatuor proprietates; *spiratio* enim *activa* eo ipso, quod est communis Patri et Filio, neque inter se distinguit nec proinde manifestat has personas ut inter se distinctas. Nihilominus quia per illam relationem hae duae personae licet non inter se, tamen a persona tertia distinguuntur et innotescunt ut ab ea distinctae, theologi omnes etiam illi, qui quatuor tantum numerant *proprietates*, consentiunt, *notiones* esse quinque (cf. Suarez l. V. c. 9. n. 5).

Supposita itaque distinctione inter sensum strictiorem et minus strictum dicemus cum s. Thoma: « sunt quinque *notiones* in divinis, scilicet *innascibilitas*, *paternitas*, *filiatio*, *communis spiratio*, et *processio*. Harum autem tantum quatuor sunt *relationes*; nam *innascibilitas* non est relatio nisi per reductionem. Quatuor autem tantum *proprietates*

sunt (sensu stricto); nam communis spiratio non est proprietas, quia convenit duabus personis. Tres autem sunt *notiones personales* i. e. *constituentes personas*, scilicet *paternitas*, *filiatio* et *processio*. Nam communis spiratio et innascibilitas dicuntur *notiones personarum* non autem *personales* ¶ (1) S. TTh. 1. q. 32. a. 3.

Proprietates seu relationes seu notiones constituentes sunt tres, ut superius ostensum est, et modo audivimus a s. Thoma dictum. Aureolus huic communi et certae doctrinae non nihil adversari videtur, quamvis differentia non sit de ipsa re, sed potius in modo considerandi rem eandem. « Filiatio, inquit, non praecise constituit Filii personalitatem, quia secundum hoc spiratio activa esset adventitia et extra personalitatem Filii tamquam aliquid extrinsecum, et sine quo remaneret persona; ergo impossibile est ponere, quod sola filiatione personaliter distinguatur... Tam essentia quam activa generatio et similiter activa spiratio ad personalitatem Patris intrinsece concurrunt; generari vero et spirare atque essentia ad personalitatem Filii; spirari autem et divina essentia tantum ad personalitatem Spiritus Sanctis Aureol. 1. dist. 11. a. 3. In hac doctrina verum quidem illud est, quod a parte rei et secundum pleniorum conceptum paternitas involvit spirationem et esse ingentum (pariterque plenius concepta filiatio includit spirationem), ut in thesi declaravimus; sed quando formales hae rationes mentis consideratione distinguuntur, et tum quaeritur, sub quam ex illis primum concipiamus Patrem et Filium ut personas distinctas; sine dubio respondendum est, ut formalem rationem Patris concipi paternitatem, quae persona deinde intelligitur simul ut ingenta et spirans Spiritum Sanctum; idem dic de filiatione comparate ad spirationem. Simpliciter ergo cum S. Th. et iuxta communem consensum

(1) Ut patet appositum *personales* notiones * a s. Th. hic sumitur sensu activo, ac si (licerentur proprietates *personificae* seu, ut Petavius appellat, *συστατικά* et substantificac, intelligendo substantiam pro hypostasi (Petav. 1. VII. c. 11. n. 13). Ceterum nihil impedit, quominus notiones et proprietates relativae omnes dicantur personales, ut propriae personarum in oppositione ad perfectiones essentielles.

theologorum dicendum est, proprietates *constituentes* esse tres, quas commemoravimus. «Oportet igitur intelligi, quod plurium proprietatum seu notionum uni personae convenientium, illa quae procedit (praecedat?) secundum ordinem naturae, personam constituit, aliae vero intelliguntur ut personae iam constitutae inhaerentes. Manifestum est autem, quod innascibilitas non potest esse prima notio Patris... Communis autem spiratio ordine naturae praesupponit paternitatem et filiationem, sicut processio amoris processionem Verbi. Unde nec communis spiratio potest esse prima notio Patris, sed nec Filii. Relinquitur ergo, quod prima notio Patris sit paternitas, Filii autem filiatio, Spiritus autem Sancti sola processio notio est. Relinquitur igitur, quod tres sunt notiones constituentes personas, scilicet paternitas, filiatio et processio» S. Th. Compend. Theol. (opusc.III. al. II) c. 60.

CAPUT IV.

DISTINCTIOR CONSIDERATIO DIVINARUM PROCESSIONUM PER INTELLECTUM ET VOLUNTATEM

THESIS XXVI.

*Modus processionis Verbi per intellectum,
Spiritus Sancti per voluntatem ex Scriptura et Patrum
doctrina demonstratur.*

« Fundamenta ad paulo distinctius concipiendum modum processionum ac relationum divinarum in revelatione continentur eo, quod in »
» Scripturis et in Patrum ac theologorum explicatione docetur Filius seu »
» Verbum per formalem rationem *intellectus*, Spiritus Sanctus per formalem rationem *voluntatis* seu *dilectionis* procedere. »

I. Dissertissime in Scripturis et in Patrum omnium doctrina proprius character personalis Dei Filii declaratur, ut sit *Verbum Patris* (c. 10/0). Verbum autem est sensu proprio non metaphorico, quoniam haec ratio Verbi in universa revelatione exhibetur ut proprium nomen Filii, quo formalis et distinguens eius character designetur (cf. Ruiz disp. 55. sect. 4.), quamvis utique in comparatione cum verbo in spi-

ritibus creatis significatio sit analogica ita, ut quoad rem significatam perfectissime Filio JDei conveniat ratio Verbi, analogice et secundum adumbrationem verbo creato; quoad nominis impositionem vero et prae cognitione nostra ordine inverso prius dicatur de verbo creato, et ex hoc transferatur ad divinum archetypum. Quae quidem communia sunt omnibus ideis ac nominibus, quibus divina cognoscimus et exprimimus (supra th. XIX.).

Porro in creatis non verbum prolatitium sed verbum mentis concipiendum est, ut ex analogia imaginis deducamur ad aliquam intelligentiam archetypi. «Cor tuum attende... quando concipis verbum quod proteras, rem vis dicere, et *ipsa rei conceptio in corde tuo iam verbum est*; nondum processit, sed iam natum est in corde, et manet ut procedat... Quomodo tu verbum quod loqueris, in corde habes, et apud te est, et ipsa conceptio spiritualis est; nam sicut anima tua spiritus est, ita et verbum quod concepisti, spiritus est, nondum enim accepit sonum, ut per syllabas dividatur, sed manet in conceptione cordis et in speculo (al. spectaculo) mentis: sic Deus edidit Verbum, h. e. genuit Filium. Et tu quidem ex tempore gignis verbum etiam in corde, Deus sine tempore genuit Filium, per quem creavit omnia tempora » s. Aug. in Io. tract. XIV. n. 7. et tum Augustinus ipse alibi saepe tum alii Patres.

Si quando Patres verbum etiam extrinsecus prolatum considerant, id fit ut adversus Sabellianos evidentius appareat distinctio verbi et producentis; ceterum etiam ibi spectant verbum, quatenus est imago et expressio rei intellectae, ut foetum mentis, adeoque incluso simul verbo interno. Namque, ut ait s. Thomas (1. q. 34. a. 1), « ex hoc dicitur verbum vox exterior, quia significat interiorum mentis conceptum ; sic igitur primo et principaliter interior mentis conceptus verbum dicitur, secundario vero ipsa vox interioris conceptus significativa. » Praeclare ex verbo prolatitio et insito simul connexis analogiam considerat s. Cyrillus Alexandrinus. «Verbum prolatitium (c ἄκυος ὁ προεψορίζ^) quo utimur , in mente (ἐν νοῦν cf. supra p. 230. 231.) et ex mente gignitur, atque aliud quidem videtur esse ab eo quod

in corde versatur, quatenus extra os velut e profundo in lucem emittitur; est autem rursus in illo (in verbo interno) et illi per omnia simile. Cernere enim est in verbo (prolato) cogitationem cordis, et rursum in mente verbum adhuc tacitum; ita etiam Filius Dei indivise ex Patre procedens character est et similitudo proprietatis eius, À' erbum cum sit hypostaticum et vivens ex vivente Patre. Ita genuit ex se Pater Filium indivise, ac si sapiens quis gignat sapiens cogitatum, mechanicae scientiam vel geometriae vel aliquid huiusmodi. Videntur enim talia sapientiae quodammodo fructus esse, et hoc ex sua natura sunt. Sed non dividitur a sapientia ars, quam sapientia excogitat; sed est ex illa et in illa genitricis suae imaginem exhibens, et tamen absque divisione videtur esse alterum ab illa: sic et Filii generatio, cum sit indivisa ex Patre, in propria hypostasi servatur, longe tamen huius similitudinis vim excedens » s. Cyrill. Thesaur. T. V. P. I. p. 47. 48. Vicissim ss. Poctores aliquando Filium dicunt *rationem* Patris vel *rationem* in mente paterna, ut expressius unitas essentiae declaretur; quamvis ratio ut procedens a mente sicque a mente distincta non sit aliud, quam sapientia expressa seu verbum.

Porro sicut Verbum ita *sapientia genita* tum in Scripturis (supra th. VII) tum frequentissime a Patribus tamquam propria notio Filii exhibetur, qui est a Patre alius non tamen aliud.

Si igitur quaeritur de modo procreationis Filii a Patre, in revelatione ipsa continetur doctrina, quod Pater Filium gignit *intellectualiter* ut suum Verbum et ut genitam sapientiam. Hoc autem perinde est, ac si dicatur: Pater sub formali ratione intellectus, intelligendo producit Verbum; seu intellectio paterna ex sua intima necessaria ratione producit Verbum tamquam suum terminum immanentem. Intellectio formaliter ut producat Verbum et ideo relativa ad Verbum constituit Patrem, seu est ipsamet Pater; unde est *intellectio notionalis*, h. e. quae sub hac formali ratione producentis Verbum propria est Patris, et per quam Pater nobis *innotescit* ut persona distincta (supra p. 393). Ipsum *producere* per intellectionem ex eadem ratione est *actus no-*

tionalis, et solet appellari *dictio ad intra*; *dicere* ergo rationale in Deo nihil est aliud quam *intelligere* velut actum ad intra h. e. productivum Verbi.

II. Transitum facimus ad processionem personae tertiae, quantum ad hunc locum pertinet, ubi unum tantummodo quaerimus, utrum haec processio sit per voluntatem h. e. per formalem rationem volitionis seu dilectionis (1). Hic demonstratio paulo difficilior est per deductionem ex testimoniis minus dissertis; unde aliqui theologi non reperientes Spiritum Sanctum in Scripturis exhibitum tamquam *amorem*, sicut Filius exhibetur ut Verbum, putant argumentum biblicum ad hoc restringi, ut ex processione Verbi *per intellectum* iam demonstrata, deducamus processionem Spiritus Sancti *per voluntatem*. Est vero deductio huiusmodi. Processiones spiritalis non possunt esse nisi per intellectum et voluntatem; processio Verbi est per intellectum, ut demonstrant Scripturae; processio autem tertiae personae est alia ita, ut Spiritus Sanctus non sit Verbum; ergo ea est per voluntatem (Ruiz disp. 73. sect. 1. n. 7. seqq.). Alii censent, hanc deductionem non esse convincentem; sed oportere auctoritate et positiva doctrina demonstrare proprium characterem Spiritus Sancti, quod tamquam amor subsistens procedit, sicque est terminus immanens productus dilectionis, quemadmodum Verbum est terminus intellectionis (Franc, de Lugo disp. II. c. 2. n. 6. sqq.). Sane ad demonstrandum hunc modum processionis *an sit*, illa ratio theologia non videtur satis efficax, nisi innitatur doctrinae positivae Scripturarum ac Patrum de characterem personali Spiritus Sancti; hac autem doctrina supposita possumus, quantum natura mysterii patitur, per eam rationem internam et velut *a priori* proficere in intelligentia modi processionis, *cur ita sit*.

1' Scripturae de modo processionum divinarum seu de

(1) « Quia ostensum est, quod operatio Dei sit ipsa eius essentia, et essentia sit eius voluntas (cf. Tract, de Deo), sequitur quod in Deo non est voluntas secundum potentiam vel habitum sed secundum actum. Ostensum est autem, quod *omnis actus voluntatis in amore radicatur* » S. Th. contr. gent. IV. c. 19.

propria ratione characterum personalium nos edocent per *appropriationes*, quod scilicet quasdam operationes *ad extra* licet communes toti Trinitati certa lege adseribunt uni personae, quatenus operationes istae peculiarem habent analogiam cum characterem proprio personae (vid. th. XIII). Iam vero Spiritui Sancto in Scripturis peculiariter attribuitur primo opus ipsius incarnationis, quod ex infinita charitate Dei est, et ex quo est origo omnis gratiae et sanctitatis in nobis; adtribuitur ei unio humanitatis cum Verbo et ita (efficienter) eiusdem humanitatis sanctificatio substantialis, pariterque unctio sanctissimae humanitatis per gratiam creatam Luc. I. 35; Matth. XVIII.20; Act.X.38; Luc.IV.18 (vide Tract, de Incarn. th. XLI.).

Turn quoad membra Christi a Spiritu Sancto est diffusio charitatis in cordibus fidelium: « charitas Dei diffusa est in cordibus nostris per Spiritum Sanctum, qui datus est nobis » Rom. V. 5. Unde non modo operatio charitatis creatae, sed charitas increata ei specialiter appropriate: « obsecro vos per charitatem Sancti Spiritus » ib. XV. 30. Summa felicitas quam apprecatur Apostolus fidelibus, est « gratia D. N. Iesu Christi et charitas Dei et communicatio Sancti Spiritus » 2. Cor. XIII. 13. Omnis sanctitatis, pietatis et dulcedinis auctor est Spiritus Sanctus: « fructus autem Spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas » Gal. V. 22. 23. Distributio omnium charismatum est per Spiritum Sanctum 1. Cor. XII. 4. 8. 11; Heb. II. 4. In uno corpore Ecclesiae membra singula baptizantur, sanctificantur in Spiritu Sancto; regeneratio est « renovatio Spiritus Sancti » Io. I. 33; III. 5.8; Act. 1.5; XI. 16. XIX. 2-6; 1. Cor. XII.13; Tit. III. 5; Heb. VI.5. Transformantur « a claritate in claritatem tamquam a Domini Spiritu » 2. Cor. III.18. Spiritus Sanctus est « Spiritus adoptionis filiorum, in quo clamamus Abba (Pater) » Rom. VIII. 14-16; Gal. IV. 6. Spiritus Sanctus habitat in sanctificatis suis sicut in templo, ipse est unctio et pignus in cordibus eorum: « membra vestra templum sunt Spiritus Sancti, qui in vobis est, quem habetis a Deo... Glorificate et portate Deum in corpore ve-

stro» 1. Cor. XIX. 20; *a* qui unxit nos Deus qui et signavit nos, et dedit pignus Spiritus in cordibus nostris» 2. Cor. I. 22. (vid. Rom. VIII. 9. 11; 1. Cor. III. 16; 2. Cor. V. 5; Epil. I. 13; V. 18; 1. Thess. IV. 8; 2. Tim. I. 14; 1. Io. III. 24; IV. 13). «Spiritu Dei aguntur filii Dei» Rom. VIII. 14. Ipse «postulat pro nobis gemitibus inenarrabilibus» (στεναγμοί; ἀλαλητα) Rom. VIII. 26. Ecclesia «consolatione (παραζχσει) Spiritus Sancti repletur» Act. IX. 31; Rom. XIV. 17; discipuli «replentur gaudio et Spiritu Sancto» Act. XII. 52; 1. Thess. I. 6. Peccatis «contristatur Spiritus Sanctus» Eph. IV. 30 (cf. Matth. XII. 31; Act. V. 3; VII. 5; Heb. X. 29). Munia item et gubernatio corporis Ecclesiae, maxime infallibilitas Ecclesiae est a Spiritu Sancto Paraclete, quem mundus non potest accipere, qui mittitur et manet in Ecclesia in aeternum Act. XIII. 2; XX. 28; Io. XIV. 16. 17. 26; XV. 26; XVI. 13-15. Symbola sensibilia Spiritus Sancti missi sunt halitus Verbi incarnati, quo datur ad remissionem peccatorum et ad sanctificationem Io. XX. 22; columba manens super Filium Patris dilectum Mattii. III. 16. 17; ignitae linguae sedentes super Apostolos consecratos Act. II. 3. 4. (1).

Haec certe omnia ita comparata sunt, ut Spiritus Sanctus manifestissime exhibeatur secundum suum proprium characterem tamquam *amor*, quod non potest intelligi de amore *essentiali* seu *absoluto*; sic enim amor est communis tribus personis ut absoluta essentia: «Deus charitas est» (1. Io. IV. 8);

(1) « Ad horam quippe apparuerunt illa, quae Spiritum Sanctum significando monstrarent visibiliter invisibilem, columba propter *amorem sanctum*, ignis autem propter *charitatis lumen atque fervorem* - Aug. contr. Maximin. I. I. c. 19.

“ Insufflavit eis et dixit: accipite Spiritum Sanctum. Osculum profecto fuit. Quid? corporeus ille flatus? Non, sed invisibilis Spiritus, qui propterea in illo dominico flatu datus est, ut per hoc intelligeretur et ab ipso pariter tamquam a Patre procedere tamquam vere *osculum, quod osculanti osculatoque commune est*. Nempe si recte Pater osculans, Filius osculatus accipitur, non erit abs re *osculum Spiritum Sanctum intelligi, utpote qui Patris Filiique imperturbabilis par sit, gluten firmum, individuus amor, indivisibilis unitas* » s. Bernard, in Cant. serm. VIII. n. 2. cf. Petav. I. VII. c. 12. n. 7.

sed amor ut character proprius uni personae necessario est relatio originis, atque adeo intelligitur secundum modum processionis per actum dilectionis, cuius terminus immanens est amor productus.

Hoc etiam exprimit ipsum nomen revelatum *Spiritus* proprium tertiae personae (1). Quia est nomen hypostaticum, necessario est *relativum*, ut *Spiritus* (πνεῦμα) sensu grammaticae passivo sit idem ac *spiratione productus*; spiratio autem ad intra cum distinctione (virtuali) ab intellectione producente Verbum in natura pure spiritali quid est nisi dilectio producens amorem ut terminum internum?

Magis adhuc determinatur haec significatio per constans epitheton « *Spiritus Sanctus*. » Quia nomen est relativum, ut diximus, non sanctitas essentialis et communis tribus, sed *processio per modum sanctitatis* declaratur; unde etiam hoc sensu Patres frequenter sanctitatem vel virtutem sanctificatricem dicunt proprium characterem tertiae personae (Basilus, Cyrillus, Damascenus, Augustinus aliique apud Petav. 1. II. c. 15. n. 2; VII. c. 12. n. 11; c. 13. n. 21. 22. cf. 1. VIII. c. 6. n. 7). Formalis autem ratio sanctitatis divinae est infinitus amor boni infiniti (vid. Tract, de Deo th. XXIX.); unde processio per modum sanctitatis idem valet ac processio per amorem.

2' Doctrinam Scripturarum in hunc sensum, quem dicimus, intellexerunt ss. Patres et luculentissime declararunt, ut si quid maneret dubii, id omne Patrum interpretatio excluderet.

g) Descriptionibus tum per verba propria tum per metaphoras aptissimas declarant notionem Spiritus Sancti,

(1) Animadvertit Athanasius (ep. I ad Serap. n. 4.), tertiam personam numquam dici simpliciter sed semper cum addito Spiritum vel *Dei*, vel *Patrie*, vel *Filii*, vel *Christi*, vel *veritatis*, vel cum articulo το ρυω/zu, vel Spiritum *Sanctum* (cf. Augustin, ad Simplic. 1. II. q. 1. n. 5.). Ad rem praesentem Augustinus: - cum sit Pater spiritus, et Filius spiritus, et Pater sanctus, et Filius sanctus, proprie tamen ipse vocatur *Spiritus Sanctus*, tamquam *sanctitas substantialis* (hypostatica) et consubstantialis amborum » Ang. Civ. Dei. XI. c. 24. Vide Didymum de Spirit. S. n. 15. (ex versione s. Hieronymi); cf. S. Th. 1. q. 36. a. 1.

quod est sanctitas, suavitas, bonitas, u Spiritus, ait Athanasius, unguentum et sigillum est, in quo omnia ungit et signat Verbum.... Unguentum quidem *odorem et fragrantiam* (ἐνωσίαν γὰρ ἡρώ) ungentis retinet... Unguentum et sigillum non creatae sed naturae Filii est, qui nos per Spiritum, qui in ipso est, Patri coniungit « Ath. ad Serap, ep. I. n. 23. 24. Paulo inflexa repetit eadem ep. III. Rursum «hoc unguentum (Spiritus Sanctus) est *fragrantia* (seu spiramen) Filii (το γούστροι τοῦτο πνοή ἐστὶν τοῦ υἱοῦ)... Τῇ Τριnitate precabatur Apostolus (2. Cor. XIII. 13): gratia D. N. I. C. et charitas Dei et communicatio Sancti Spiritus sit cum omifibus vobis. Nam cum participes sumus Spiritus, gratiam habemus Verbi, et in ipso Patris charitatem » ib. n. 3. 6. Sine metaphoris quibus hic utitur Athanasius, loquitur alter insignis praeco Spiritus Sancti Basilus. «Via ad Dei cognitionem est ab uno Spiritu per unum Filium ad unum Patrem. Et ordine opposito *naturalis bonitas et essentialis sanctimonia* et regalis dignitas ex Patre per unigenitum in Spiritum permanat» Basil, de Spiritu Sancto n. 47. « Spiritus Sanctus cum *essentialiter sanctus sit, fons appellatur sanctitatis* » id. ep. 8. n. 10. «Sive dixeris angelos sive archangelos sive coelestes omnes potestates, per Spiritum sanctimonia accipiunt ; Spiritus autem ipse *naturalem habet sanctitatem*, non gratia acceptam sed essentialem, unde et *singulariter appellationem Sancti* obtinet» ep. 159. n. 2. cf. ep. 38. n. 4. Pariter Gregor. Nazianzenus tradit sanctitatem velut characterem Spiritus Sancti. «Definias nostram piam fidem, docens... Patrem vere Patrem., Filium vere Filium.... Spiritum Sanctum vere Sanctum; neque enim alius talis est nec taliter, neque ex accessione sanctitas sed est *ipsa sanctitas*» (ἀντοαγιότη) Naz. or. 25. al. 23. n. 16. Consentit cum his s. Cyrillus non solum in re sed etiam modo loquendi et argumentandi. Spiritus, inquit, ex Filio est, sicut *u dulcedo ex meile, calor ex igne, refrigeratio ex aqua*... Dicant nobis, qui Spiritum ex participatione audent dicere sanctum et non naturaliter, quidnam igitur ipse per se et in propria hypostasi est Spiritus? At nihil aliud quam *Sanctum* ex Scripturis audivimus ; non

igitur participatione vel compositione sanctus, sed est essentia et natura sanctificans, atque *sanctitatis Dei ac Patris*, ut ita loquar, *qualitas, sicut dulcedo ex mele et bonus odor ex flore...* Haec ipsius appellatio, quid secundum essentiam sit, significat; *Sanctus* enim appellatur * Cyrill. Thés. T. V. P. I. p. 350, 351. « Tale quid imo vero supra id de Deo et Sancto Spiritu cogites : est enim velut *odor quidam substantiae eius*; vivens et efficax, qui quae a Deo sunt, creaturae transmittit, et supremæ omnium substantiae per se ipsum participationem inserit » id. in Io.*l. XI. T. IV. p. 930-932. Pertinent huc Patrum dicta omnia, quibus velut propria notio Spiritus Sancti ex ipso processionis modo vel *vis sanctificatrix* (*ἀγιαστὴρ, οὐραπὶ*) vel formalis ratio *doni* exhibetur (vid. Petav. l. VIII. c. 3; Ruiz disp. 75). Ad vim harum circumscriptionum penes Patres intelligendam iuverit conferre explicationem Augustini. « Spiritus Sanctus in eadem unitate et aequalitate (cum Patre et Filio) consistit, sive enim sit *unitas amborum, sive sanctitas, sive charitas*, sive ideo *unitas quia charitas*, et ideo *charitas quia sanctitas*, manifestum est (ex revelatione), quod non aliquis duorum est, quo uterque coniungitur » Aug. Trin. l.VI. c. 5. n. 7.

Adversus argumentum, quod ex hisce omnibus Scripturae et Patrum dictis deducitur ad demonstrandum modum processionis Spiritus Sancti per formalem rationem voluntatis seu dilectionis, cuius ipse sit immanens terminus ut amor expressus, sola difficultas inde peti potest, quod imprimis tertia persona a Christo Domino ipso designatur ut *Spiritus veritatis*, qui testimonium perhibet et qui docet omnem veritatem (Io. XIV. 17.26.; XV. 26.; XVI. 13. sq.), non minus quam ut *Spiritus Sanctus* et *Spiritus gratiae*. Antiquissimi deinde Patres aliqui Irenaeus, Theophilus Antiochenus, Tertullianus (supra p. 113. 151. 180.) expresse designant Spiritum Sanctum nomine *sapientiae*, quae alias, ut paulo ante diximus, solet esse appellatio Verbi, atque adeo intellexisse videntur processionem per modum intellectus in tertia persona aequae ac in secunda.

Respondeo: ad textum Scripturae quod spectat, ss. Pa-

tres qui nomine *veritatis* hic intelligunt appropriationem secundum modum processio-
nis, *veritatem* dicunt esse Fi-
lium (1). « Spiritum veritatis appellat (Christus), ut suum
significet, ipse enim est veritas » s. Cyrill. (Caten. In Io.
ed. Corderi p. 394. ex l. IX. in Io.Opp.T.IV. p. 810). Haec
vero interpretatio frequentissime, et nonnullae aliae licet
minus commodae, quibus *Spiritus veritatis* explicatur Spi-
ritus *novi Testamenti*, *Spiritus fidelis ac, constans* etc., ma-
nifestum reddunt, quam certo persuasum fuerit Patribus,
non tertiae sed secundae personae proprium characterem
esse secundum modum procedendi, quod sit *veritas*. Ceterum
in contextibus Evangelii *Spiritus veritatis* dictus intelligi-
tur aptissime tum *origine ex veritate* quae est Filius; tum
dono veritatis (2), quatenus missus a Patre et Filio Apo-
stolis revelavit et in Ecclesia per suam assistentiam sem-
per conservat doctrinam fidei, quae omnia pertinent ad
distributionem charismatum et gratiarum; unde appellatio
Spiritus veritatis continetur sub altera *Spiritus gratiae*, si
haec in ampliori significatione sumitur.

Quod deinde de Patribus dicitur, qui Spiritum Sanctum
designaverint nomine *sapientiae*, illi paucissimi sunt et in
hoc modo loquendi singulares, cum usu communi Patrum
et Ecclesiae totius *sapientia* approprietur Verbo ex eius
procedendi modo per intellectum, imo *sapientia genita* sit
nomen hypostaticum omnino synonymum cum appellatione
Verbi; neque sane illi pauci vetusti doctores in hac no-
minis usurpatione cogitarunt de peculiari modo processio-
nis Spiritus Sancti. Est nihilominus aliqua significatio,
in qua sine dissensu ab aliis Patribus poterant Spiritui
Sancto appropriare sapientiam. Potest scilicet sapientia spec-
tari non solum quatenus ad intellectum, sed etiam maxime
quatenus ad voluntatem pertinet; sicque sapientia est unum

(1) Πνίμα τη; ἀληθείᾳ; cum articulo.

(2) « Sicut in nobis ex veritate concepta et considerata sequitur
amor ipsius veritatis, ita in Deo concepta veritate, quae est Filios,
procedit amor; et sicut ab ipsa procedit, ita in eius cognitionem
ducit... Est enim amor, qui facit secretorum revelationem » s. Thom.
in Io. XIV. lect. IV.

ex septem donis Spiritus Sancti (is. XI. 2.). Immo animad-
vertit. s. Augustinus, quae in Scripturis vera sapientia di-
citur, esse *Zeοσεβειαν*, u quod nomen nostri volentes et ipsi
uno nomine interpretari, *pietatem* dixerunt..... iuxta vero
uno verbo perfecte non potest, melius duobus interpreta-
tur, ut dicatur potius *Dei cultus* n Aug. Trin. XIV. c. 1.
« Et quis cultus eius nisi amor eius, quo nunc desidera-
mus eum videre, credimusque et speramus nos esse visu-
ros, et quantum proficimus, videmus nunc per speculum
in aenigmate, tunc autem in manifestatione? » id. l. XII.
c. 14. n. 22. Strictius rem definit s. Thomas, u Sapientia
iuxta quendam rectitudinem indicii secundum rationes
divinas... Sed rectum indicium de rebus divinis habere se-
cundum quendam connaturalitatem ad ipsas, pertinet ad
sapientiam, secundum quod donum est Spiritus Sancti....
Huiusmodi autem connaturalitas ad res divinas fit per cha-
ritatem, quae unit nos Deo » S. Th. 2. 2. q. 45. a. 2. Si igitur
ut huius pietatis seu sapientiae causa Spiritus Sanctus
dicitur *sapientia*, ad eandem fere rationem revocatur, ac
quando dicitur *sanctitas* vel *charitas*. Vide Petav. l. VII.
c. 12. n. 16.

δ) Diserte Augustinus et post Augustinum Patres alii
docent velut rationem certissimam, qua liceat aliquem « ex
fide quaerere intellectum, n quod Spiritus Sanctus est *amor*
seu *bonitas* seu *sanctitas* Patris et Filii, quatenus per
mutuam et unam dilectionem amborum procedit. August.
Trim. l. VI. c. 5. (ex h. l. Fulgentius ad Ferrand. ep. 14. q. 4.
n. 38.); l. IX. X. XL XIII. c. 20. (n. 26); l. XIV. c. 7. 8.
10. 12.; l. XV. c. 17.; c. 19. (n. 37.); c. 27. (n. 50.); Pseudo
Hieronymus in Ps. 17.1. (Opp. Hieron. ed. Vallarsi T. VII. ap-
pend, p. 39.); Ambrosius (vel alius) de Trin. al. in Symbolum
Aposto. c. 1. (T. II. append, p. 321.); Greg. AT. homil. 30.
n. 1. (in Pentecost. Opp. T. I. p. 1574.); Isidorus Etymolog.
l. VII. c. 3. n. 5. 18-20. (T. III. p. 306. 308.); Anselmus
Monolog, c. 50-60.; Bernard, in Pentecost, serm. 3. n. 2.; in
Cantio, serm. 8. n. 1. 2. 4; Guitmundus in Confess. Trin.
(Bibl. Max. T. XVIII. p. 466.); Hugo Victor. Erudit. Theol.
l. VII. c. 21.; Sent. Tract. I. c. 6.; Richard. Victor. Trin.

1. VI. c. 10.; Cone. Toletan. XI. (anno 675.) in Profess, fidei (Hard.III.p.1020.). Idem deinde supponunt ac docent omnes Scholastici tam veteres inde a Magistro (1. dist. 10.) quam recentiores (cf. Ruiz disp. II. sect. 2. 5. 6.), si Durandum excipias (1), cui aliqui addunt Gregorium Ariminensem, et Nominales Okamum ac Gabrielem Biel.

Itaque ex modo, quo Scripturae ipsae personam Filii et Spiritus Sancti describunt, ex sensu et consensu Patrum ac doctorum certum maneat fundamentum alicuius nostrae analogae intelligentiae, qua SS. Trinitatem concipere possumus. Sicut videlicet in spiritu creato procedit verbum internum ut terminus intellectionis, et amor immanens ut terminus activae dilectionis, ita in spiritu increato Verbum substantiale, et substantialis amor Spiritus Sanctus procedunt per formalem rationem intellectionis et dilectionis. « Non frustra in hac Trinitate non dicitur *Verbum Dei* nisi Filius, nec *Donum Dei* nisi Spiritus Sanctus... Hinc factum est, ut proprie (hypostatice) Dei Verbum etiam Dei sapientia diceretur, cum (essentialiter) sit sapientia et Pater et Spiritus Sanctus. Si ergo proprie aliquid horum trium *claritas* nuncupanda est, quid aptius quam ut hoc sit Spiritus Sanctus.... Sicut ergo unicum Dei Verbum proprie vocamus nomine *sapientiae*, cum sit universaliter (communi essentia) et Spiritus Sanctus et Pater ipse sapientia, ita Spi-

(1) Durandum Scholastici recentiores solent non sine censura aciori citare, quod docuerit, processionem Filii et Spiritus Sancti non esse per formalem rationem intellectionis et volitionis (dilectionis), sed per formalem rationem naturae, quatenus principium produciens est tale ens perfectum et perfectione fecundum (vide Suarez 1.1. c. 5 ; Ruiz disp. II. sect. 3. n. 11). « Intelligere et velle non sunt productiones personarum, ait Durandus, nec principia productionum, sed exclusis a Deo per intellectum (nostrum) intellectu et voluntate cum omnibus actibus suis adhuc esset in divinis generatio Filii et spiratio Spiritus Sancti, ita quod haec sunt in divinis ex fecunditate naturae radicaliter, quam fecunditatem habet ex sua infinitate, et non ex hoc quod est intelligens et volens» 1. dist. 6. q. 2. n. 10, vide ibi reliqua n. 3-13. Quando vero dicitur Filius procedere per intellectum, Spiritus Sanctus per voluntatem hoc ait debere intelligi unice secundum analogiam illam, quod in creatis intellectus praecedit volitionem, sicut in Deo generatio praesupponitur spirationi ibid. n. 18.

ritus Sanctus proprie nuncupatur vocabulo *charitatis*, cum sit universaliter charitas et Pater et Filius (probatur utrumque ex 1. Cor. I. 24.; 1. Io. IV. 7.)... Video me de Spiritu Sancto in isto libro secundum Scripturas hoc disputasse, quod fidelibus sufficit scientibus iam Deum esse Spiritum Sanctum... De creatura etiam quam fecit Deus, quantum valuimus, admonuimus eos, qui rationem de rebus talibus poscunt, ut invisibilia eius per ea quae facta sunt, sicut possent, intellecta conspicerent, et maxime per rationalem vel intellectualem creaturam, quae facta est ad imaginem Dei, per quod velut speculum, quantum possent, si possent, cernerent Trinitatem Deum in nostra *memoria* (intellectu informato ideis habitualibus cf. supra p. 231) (1), *intelligentia* (actu intellectionis), *voluntate*.... Sane Deum Patrem et Deum Filium, id est Deum genitorem qui omnia quae substantialiter habet, in coaeterno sibi Verbo suo dixit quodam modo, et ipsum Verbum eius Deum, qui nec plus nec minus aliquid habet etiam ipse substantialiter, quam quod est in illo, qui Verbum non mendaciter sed veraciter genuit, quemadmodum potui, non ut illud iam facie ad faciem sed per hanc similitudinem in aenigmate quantulumcumque coniiciendo videretur, in *memoria* et *intelligentia* mentis nostrae significare curavi; memoriae tribuens omne quod scimus, etiamsi non ind-e cogitemus, intelligentiae vero proprio modo quodam cogitationis (actualis) informationem... ubi et gignitur intimum verbum, quod nullius linguae sit, tamquam scientia de scientia, et visio de visione, et intelligentia quae apparet in cogitatione, de intelligentia quae in memoria iam fuerat sed latebat... De Spiritu autem Sancto nihil in hoc aenigmate quod ei simile videretur ostendi, nisi *voluntatem nostram vel amorem seu dilectionem* (expressam), quae valentior est voluntas.... Quamvis *memoria* hominis et maxime illa, quam pecora non habent, id est qua res intelligibiles ita conti-

(1) Ubi de cogitatione sui ipsius agitur, Augustinus mentem ipsam appellat memoriam; « quod sibi est mens, memoria sine absurditate dicenda est, qua sibi praesto est, ut sua cogitatione possit intelligi; et utrumque sui amore coniungi » Trin. 1. XIV. n. 14.

nentur, ut non in eam per sensus corporis venerint, habeat pro modulo suo in hac imagine Trinitatis incomparabiliter quidem imparem* sed tamen qualemcumque *similitudinem Patris*; itemque *intelligentia* hominis, quae per intentionem cogitationis inde informatur, quando quod scitur, dicitur (in mente) et nullius linguae verbum est, habeat in sua magna disparitate nonnullam *similitudinem Filii*; et *amor* hominis de scientia procedens et memoriam intelligentiamque coniungens tamquam parenti prolique communis, unde nec parens intelligitur esse nec proles, habeat in hac imagine aliquam licet valde imparem *similitudinem Spiritus Sancti*; non tamen, sicut in ista imagine Trinitatis non haec tria unus homo sed unius hominis sunt, ita in ipsa summa Trinitate cuius haec imago est, unius Dei sunt illa tria, sed unus Deus est, et tres sunt illae non una persona n Aug. Trin. l. XV. n. 29. 31. 39. 40. 41. 43. Vide reliqua locis Augustini supra citatis.

THESIS XXVII.

Supposita revelatione deducitur aligna analogica intellectio processionum divinarum.

„ Supposita fide de reali processione Verbi et Spiritus Sancti atque
n supposito modo processionum per intellectum ac voluntatem, potest
» praeestantibus ss. Patribus et Doctoribus reperiri in spiritu creato ana-
» logia et imago, ex qua fides quaerat intellectum et distinctiorem ali-
» quem conceptum SS. Trinitatis. »

Supponendo fundamentum quod in thesi antecedenti prae-
struximus, et praelucente revelatione contendimus ad ali-
quam licet imperfectam et solum analogicam intelligentiam
processionum internarum in spiritu infinito, quomodo sint
concupiendae.

In spiritu infinito productiones et processionem internam,
de quibus quaerimus, necesse est respondeant naturae spi-
rituali. Processiones autem in spiritu non possunt esse nisi
per actus vitales immanentes; sed tales actus in spiritu
perfecto et eo magis in spiritu infinito sunt necessario in-
tellectio veri, et volitio boni seu dilectio, nec possunt esse

alii (1), quia omnes alii actus vitales includunt imperfectionem (Pallavic. Curs, theol. 1. VIII. c. 51. n. 376.). Sicut ergo revelatio docet duas processiones, ita etiam ex natura spiritus infiniti intelligitur, si sint, non posse esse alias quam per intellectum et voluntatem, seu melius per intellectionem et volitionem S. Th. 1. q. 27. aa. 1. 3. 5.; contr. Gent. IV. cc. 11. 19. 26.; Compend. theolog. c. 52. 56.; de Potent, q. 9. a. 9. Considerabimûs utrumque processionis modum.

I. Divinus intellectus imprimis non est facultas superaddita essentiae, sed est ipsamet divina essentia; deinde non est intellectus in potentia vel in habitu ad actus, sed est ex intima sua natura *actus purus*, substantialis scilicet actualis intellectio infinita. Obiectum intellectionis est Deus ipse seu divina essentia quacum intellectio identificatur, et in divina essentia omne verum. Hinc intellectio divina non perficitur, ut in creatis, multiplicibus actibus elicitis, sed est ipsamet unus actus substantialis comprehendens se verum infinitum et in se omne verum. Hucusque etiam lumine rationis pertingimus, et inultis haec declarata habes in Tractatu de Deo (sect. IV. c. 1.).

Iam vero infinitus intellectus substantialis intelligendo se producit Verbum sui, ut sola revelatione novimus. Nunc autem ex hac fide quaerimus aliquem intellectum huius productionis. Spiritus creatus, imago Dei spiritus infiniti, intelligendo se producit in se verbum sui, id est *sui intellectualem expressionem* seu, ut veteres loquuntur, intentionem (2). Haec itaque intellectualis expressio sui, hic conceptus mentis etiam in nobis est quaedam similitudo et, ut aiunt, *esse intentionale* rei quae intelligitur; et proinde dum spiritus intelligit se ipsum, verbum seu intellectualis

(1) Quomodo omnis volitio habeat principium in amore et ad amorem boni revocetur, vido apud S. Th. contr. Gent. IV. c. 19.

(2) « Dico autem intentionem intellectam id, quod intellectus in se ipso concipit de re intellecta, quae quidem *in nobis* neque est ipsa res quae intelligitur, neque est ipsa substantia intellectus, sed est quaedam similitudo concepta intellectu de re intellecta, quam voces exteriores significant, unde et ipsa intentio *verbum interius* nominatur, quod est exteriori verbo significatum * S. Th. contr. Gent. IV. c. 11.

expressio spiritus est in spiritu substantiali velut *spiritu» intellectus in spiritu intelligente*.

Porro est eo perfectius verbum, quo plenius et adaequatus exprimit rem intellectam, quo proinde magis accedit ad identitatem cum re intellecta, et quo perfectior est res intellecta atque expressa verbo. In nobis verbum semper deficit a plenitudine perfectionis, quia primo res, quo sunt in se perfectiores, eo minus eas verbo exprimimus secundum totam rationem et intelligibilitatem; quia secundo quae perfectius exprimimus verbo mentis, sunt in se ipsis imperfecta (1); quia tertio etiam quatenus res perfectius exprimimus, verbum nostrum est accidens et intentionalis dumtaxat similitudo, non autem substantia et ipsa res intellecta. Nominatim (quod hic maxime spectamus) dum mens seipsam exprimit verbo, verbum deficit a perfectione secundum omnes tres rationes.

In Deo sicut ipsum *intelligere* infinite perfectum est, ita Verbum infinita intellectione expressum est infinite perfectura. Deus quippe intelligit se ipsum, adeoque res intellecta est infinita; intelligit seu comprehendit se secundum totam rationem infinitam intelligibilitatis; hac sui intellectione non tantummodo imaginem intentionalem sui producit quae esset accidens, sed intelligendo se secundum totam infinitam intelligibilitatem et proinde secundum totum infinitum *Esse* producit immanens Verbum sui substantiale. Nimirum substantia *intelligens se substantiali intellectione expressiva Verbi* non multiplicat sed intelligendo communicat ac irradiat (iuxta modum loquendi s. Basilii) eandem numero substantiam ut intellectam. Unde intellectio substantialis intelligendo producens Verbum substantiale, et immanens Verbum productum unum sunt essentià, quia (ut diximus) intelligens se secundum totum suum *Esse* infinitum, non solum intentionaliter exprimit Verbum, sed substantialiter communicando totum suum *Esse*. Nihilo ta-

(1) Ex perfectione rei intellectae et amatae repetendum est, quod s. Augustinus docet, plenior esse analogiam SS. Trinitatis in mente humana, dum Deum intelligit et amat, quam dum intelligit et amat seipsam Aug. Trin. l. XIV. n. 11. 15. cf. S. Th. 1. q. 93. a. 8.

men minus substantialis intellectio exprimens se ipsam in Verbo substantiali, hocque Verbum expressum sunt duo ad invicem relativi relatione originis unius ab altero, quia realis est processio unius ab altero.

« Omne intellectum in quantum intellectum, oportet esse in intelligente; significat enim ipsum *intelligere* apprehensionem eius, quod intelligitur, per intellectum; unde etiam intellectus noster seipsum intelligens est in seipso non solum ut idem sibi per essentiam, sed etiam ut a se apprehensum intelligendo. Oportet igitur quod Deus in se ipso sit ut intellectum in intelligente; intellectum autem in intelligente est intentio intellecta et verbum. Est igitur in Deo intelligente se ipsum, Verbum Dei quasi Deus intellectus... Cum intellectus noster se ipsum intelligit, aliud est *esse* intellectus et aliud ipsum eius intelligere... Unde oportet quod in homine intelligente se ipsum, verbum interius conceptum non sit homo verus naturale *esse* hominis habens, sed sit homo intellectus tantum, quasi quaedam similitudo hominis veri ab intellectu apprehensa. Ipsum vero Verbum Dei ex hoc ipso quod est Deus intellectus, est verus Deus habens naturaliter *Esse* divinum, eo quod non est aliud *Esse* Dei naturale et aliud intelligere... Est autem de ratione interioris verbi quod est intentio intellecta, quod procedit ab intelligente secundum suum intelligere, cum sit quasi terminus intellectualis operationis; intellectus enim intelligendo concipit et format intentionem sive rationem intellectam, quae est interius verbum. Oportet igitur quod a Deo secundum ipsum suum intelligere procedat Verbum ipsius. Comparatur igitur Verbum Dei ad Deum intelligentem, cuius est Verbum, sicut ad eum a quo est; hoc enim est de ratione Verbi. Cum igitur in Deo intelligens, intelligere, et intentio intellecta sive Verbum sint per essentiam unum, remanet sola distinctio relationis, prout Verbum refertur ad concipientem, ut a quo est *n* S. Th. contr. Gent. IV. c. 11.

II. Sicut in Deo infinitum verum est infinitum bonum, ita intellectio sui ut veri infiniti est simul necessario dilectio sui ut infiniti boni. Porro sicut intellectio sui ex

intima sua ratione et fecunditate exprimit Verbum ut terminum immanentem modo, (pio dictum est; ita dilectio est actus producens *amorem* ut terminum suum internum. Quamvis vero ipsamet divina essentia habeat tum formalem rationem intellectionis tum alteram dilectionis, seu potius essentia ipsa sit tam intellectio quam dilectio, et proinde etiam intellectio realiter ac identice sit dilectio; attamen alia est functio sub formali ratione intellectionis et alia sub formali ratione dilectionis non solum ad extra, sed in ipsis productionibus ad intra. Verbum enim procedit per formalem rationem non dilectionis sed intellectionis, et vicissim *amor* (Spiritus Sanctus) procedit per formalem rationem dilectionis et non intellectionis. Est itaque inter intellectionem et dilectionem distinctio virtualis, quia functiones sunt distinctae in ordine ad duplicem realiter distinctum terminum immanentem, non secus ac si ipsamet intellectio et dilectio realiter distinguerentur.

Iam quod hic maximi est, non intellectio dilectionem sed dilectio intellectionem necessario praesupponit, non utique tempore sed insito ordine rationum formalium. Ex interna enim formali ratione intellectionis et dilectionis catenas bonum est amatum quatenus cognitum, non eatenus cognitum quatenus amatum. Equidem sicut esse nequit dilectio absque intellectione, ita neque potest esse perfecta intellectio boni infiniti absque dilectione; sed discrimen est, quod dilectio ex sua propria ratione formali praeexigit intellectionem, ad intellectionem vero perfectam boni infiniti necessario consequitur dilectio propter naturam boni intellectione comprehensi. Quamobrem ex intima necessaria natura rei etiam Deus spiritus infinitus intelligendo se amat se, non autem ordine inverso amando se intelligit se. Proinde formalis ratio dilectionis sui fundatur in formali ratione intellectionis sui; et dilectio ordine necessario praesupponit actum intellectionis sui. Haec autem intellectio in ente divino (1) sive in spiritu infinito ex necessaria

(1) Res est per se clara et paulo post adhuc distinctius dicetur. Entis divini intellectio esse nequit quin producat Verbum, sed non ideo quaevis persona cuius est illa eadem intellectio, producit Verbum,- immo

exigentia suae naturae habet Verbum aeternaliter productum ut terminum immanentem. Quapropter formalis ratio actus dilectionis cuius terminus productus est *amor* seu Spiritus Sanctus, praesupponit formalem rationem actus intellectionis cum suo termino producto, qui est Verbum, sine quo Verbo intellectio in actu, utpote ex necessaria exigentia suae perfectionis aeternaliter productiva Verbi, nec esse nec plenius (ut ex revelatione innotescit) concipi posset.

Cum igitur dilectio et proinde dilectio productiva amoris ex dictis praeexigat intellectionem habentem Verbum productum, idcirco ipsa dilectio productiva amoris necessario exprimitur et communicatur Verbo; adeoque ipsa dilectio producti *ix amoris* et proinde processio *amoris* concipi nequit nisi simul a genitore Verbi et a Verbo, « Quoniam de concentu volitionis est esse actum vitalem adeoque produci (si scilicet *rwlitio* spectatur ut *terminus* actus vitalis), et non solum produci utcumque sed etiam trahere originem ex cognitione producta (quae est « intentio intellecta et verbum » S. Th. supra), ideo datur in Deo alia

cum Verbum non possit esso nisi unum, et cum idem Verbum ordine praesupponatur processioni Spiritus Sancti qui procidit ab illo, repugnat ut Verbum aut Spiritus Sanctus producat Verbum. In hanc rem Pallavicinus ita loquitur. - Non possumus concipere aliquem intelligentem aut volentem nisi per talem intellectionem et volitionem. quae habeant essentialiter produci ab illo eodem ente, ita ut ens intelligens et volens non possit concipi nihil agere physice sed mere recipere. Dixi *ens intelligens et volens* et non dixi *persona intelligens et volens*; nam licet actiones sint suppositorum, et ideo omnis actio quae convenit naturae ut *quo*, conveniat ut *quod* supposito (alicui) habenti illam naturam, non tamen est necesse quôd conveniat omni tali supposito, si eiusmodi natura habeat plura supposita per hoc ipsum, quod est producere vel *produci*. Sicut enim produciens et productum non possunt esse idem, ita quod est constitutivum producentis et quod est constitutivum producti, non potest esse commune utrique. Quocirca cum plura snpposita naturae divinae constituentur per productionem activam vel passivam, non possunt einsmodi productiones esse in omnibus suppositis naturae divinae. Sed ad hoc ut unumquodque ex illis suppositis dicatur cognoscere et vello, satis est, si in unoquoque ex illis sit ea cognitio et volitio, quae est producta ab eodem ente, quod est tale suppositum; *omnia enim supposita divina sunt unum ens* - l'allavic. Curs. theoE 1. VIII. c. 51. n. 380.

productio (praeter productionem Verbi) posterior origine, et manans non solum a producente Verbum sed ab ipso Verbo» Pallavic. l. c. n. 378. Cf. S. Th. Compend. theolog. c. 49.

Quod attinet substantialitatem, et realem distinctionem *amoris producti* a suo principio producente, facile applicantur omnia, quae de substantialitate et distinctione Verbi paulo ante dicta sunt. Quod enim amatur est bonitas substantialis infinita, ipsa scilicet essentia divina secundum totam rationem infinitae bonitatis, et actus amans est eadem divina essentia, proinde non accidens sed actus substantialis; unde terminus productus immanens huic actui substantiali est amor substantialis. Pariter huic termino seu amori producto per actum, quo amatur infinita bonitas substantialis secundum totam rationem amabilitatis, communicatur ac inest tota infinita bonitas substantialis seu ipsamet una numero essentia divina.

Sicut igitur modo, quo diximus, est Deus intellectus in Deo intelligente se, ita in Deo amante se est Deus amatus; non tres Dii, quia una numero est essentia absoluta, sed tamen alius quatenus intellectione *producit* seu *dicit* immanens Verbum sui, alius Verbum quatenus *intellectionis productum*, et alius amor quatenus *productus una communi dilectione* dicentis Verbum et Verbi. Tres igitur sunt *realiter inter se distincti*, quatenus unus procedit ab alio ut a principio processione reali licet immanente, adeoque tres quatenus relativi ad invicem; et tres sunt substantiales, quia hi inter se distincti singuli tamen et omnes simul sunt intellectualis essentia divina, quae sane est maxime substantia. Sed distinctus ab aliis qui est substantia intellectualis, seu (quod perinde est) subsistens distinctus in natura intellectuali est persona; sunt ergo tres divinae personae unius essentiae. Tres distincti non essent, nisi essent relativi ex reali processione unius ab altero; singuli persona non essent, nisi essent substantia seu essentia divina. Fundamentum igitur personalitatis est intellectualis substantialitas, formalis ratio qua sunt distinctae personae, est relatio (supra p. 363. 380.).

Declaratio haec tota desumpta est ex s. Thoma, « Sicut

intellectum est in intelligente in quantum intelligitur, ita et amatum esse debet in amante in quantum amatur... Deus autem sicut intelligit se ipsum, ita necesse est quod se ipsum amet; bonum enim intellectum secundum se amabile est. Est igitur Deus in se ipso tamquam amatum in amante... Sicut autem intelligere Dei est suum *Esse*, ita et eius amare. Non igitur Deus amat seipsum secundum aliquid suae essentiae superveniens, sed secundum suam essentiam (tam obiectum amatum quam actus amans ed ideo etiam terminus procedens per hunc actum identice est divina essentia non autem accidens). Cum igitur amet seipsum secundum hoc, quod ipse in seipso est ut amatum in amante, non est Deus amatus in Deo amante per modum accidentalem, sicut res amatae sunt iu nobis amantibus accidentaliter; sed Deus est in seipso ut amatum in amante substantialiter. Ipse ergo Spiritus Sanctus, quo nobis insinuat divinus amor, non est aliquid accidentale in Deo, sed est res subsistens in essentia divina, sicut Pater et Filius... Est commune in omni intellectu, quod oportet id quod in intellectu concipitur, ab intelligente quodam modo procedere in quantum intelligens est, et sua processione ab ipso quodam modo distinguitur, sicut conceptio intellectus quae est intentio intellecta, distinguitur ab intellectu intelligente; et similiter oportet quod affectio amantis per quam amatum est in amante, procedat a voluntate amantis in quantum est amans. Sed hoc proprium habet intellectus divinus, quod cum intelligere eius sit *Esse* ipsius, oportet quod conceptio intellectus quae est intentio intellecta, sit substantia eius; et similiter est de affectione in ipso Deo amante. Relinquitur ergo, quod intentio intellectus divini, quae est Verbum ipsius, non distinguitur a producente ipsum in hoc quod est *Esse* secundum substantiam, sed solum in hoc quod est secundum rationem processione unius ex alio; et similiter est de affectione amoris in Deo amante, quae ad Spiritum Sanctum pertinet... Ex omnibus quae dicta sunt, colligi oportet, quod in divinitate quemdam ternarium ponimus, qui tamen unitati et simplicitati essentiae non repugnat. Oportet enim concedi, Deum esse ut *existen-*

tem in sua natura (ut primam personam a nullo procedentem et ut fontem Trinitatis), et *intellectum*, et *amatum a se ipso*. Aliter autem hoc accidit in Deo et in nobis. Quia enim in sua natura homo substantia est, intelligere autem et amare eius non sunt eius substantia, homo quidem secundum quod in natura sua consideratur, quaedam res subsistens est; secundum autem quod est in suo intellectu, non est res subsistens sed intentio quaedam rei subsistentis; et similiter secundum quod est in seipso ut amatum in amante. Sic ergo in homine tria quaedam considerari possunt, id est homo in natura sua existens, et homo in intellectu existens, et homo in amore existens. Et tamen hi tres non sunt unum, quia intelligere non est eius *esse*, similiter autem et amare; et horum trium unus solus est res quaedam subsistens, scilicet homo in natura sua existens. In Deo autem idem est *esse*, *intelligere*, et *amare*. Deus ergo in *Esse* suo naturali existens, et Deus existens in intellectu, et Deus existens in amore suo, unum sunt, unusquisque tamen eorum est subsistens. Et quia res subsistentes in intellectuali natura personas Latini nominare consueverunt, Graeci vero hypostases, propter hoc in divinis Latini dicunt tres personas, Graeci vero tres hypostases, Patrem scilicet et Filium et Spiritum Sanctum » S. Th. Compend. theol. c. 45. 48. 50. 52. Cf. supra thés. XIV.

THESIS XXVIII.

*De intellectione et dilectione notionali comparata
cu>r, attributis absolutis, et de numero processionum in Deo.*

« Quamvis *intellectio* et *dilectio absoluta* sit una communis tribus personis; attamen *intellectio*, tantummodo quatenus est Patris, et *intellectio* quatenus est Patris ac Filii, *relativa* est seu *notionalis* et fecunda ad producendum adaequatum terminum immanentem. Ex ipsa autem infinitate tum actus tum termini declaratur, cur Verbum non nisi unum, et amor procedens non nisi unus esso possit. »

Ex declarata iam processione Verbi per intellectionem et processione Spiritus Sancti per dilectionem possumus paulo ulterius progredi in cognoscendo modo intellectionis et dilectionis fecundae. Consequuntur enim ex hactenus dic-

tis solutiones nonnullarum quaestionum, quae paulo difficiliore, necessariae tamen sunt tum ad intelligentiam dogmatis, quantum scilicet nobis ex fide ad illam pertinere licet, tum ad ipsam defensionem mysterii contra adversarios. Horum capitum explanatione in aliquot theses distincta totam hanc partem de intelligentia dogmatis concludemus. Earum vero quaestionum prima est illa, quam in hac thesi posuimus, quomodo intellectio et dilectio fecunda et ideo relativa se habeat ad intellectionem et dilectionem absolutam et ideo communem tribus personis; ubi simul quaeritur, qui fiat, ut cum Verbum sit intelligens eadem intellectione et Spiritus Sanctus amans eodem amore, non tamen sint plures processiones in Deo.

I. Ex superioribus constat, formalem rationem *intellectionis* esse, qua Verbum, et formalem rationem *dilectionis*, qua Spiritus Sanctus producuntur ut termini immanentes intellectionis et dilectionis. Intellectio autem et dilectio est una omnino communis tribus personis; quomodo ergo nihilominus non est communis sed propria Patris productio Verbi, Patri ac Filio productio Spiritus Sancti? Solet tribui Scoto (1. dist. 2. q. 7. n. 22. 26; quodlib. q. 2. n. 8), quod propter hanc difficultatem censuerit *intelligere* et *dicere* in Patre, ac rursum *dilectionem*, et *spirationem* (activam) in Patre et Filio distinguere ita, ut *intellectio* in Patre et *dictio* Verbi, pariterque *dilectio* in Patre Filioque et *spiratio*, sint binae formalitates distinctae; atque adeo haec duo *intelligere omne verum*, ac *dicere Verbum* in Patre concipi debeant velut actus *paralleli*; quod eodem modo intelligendum sit de actibus *dilectionis* et *spirationis* in Patre et Filio (Suarez 1. I. c. 6. cf. Ruiz disp. 59. sect. 4). Quo posito Verbum non per formalem rationem intellectionis sed *ditionis* seu locutionis, Spiritum Sanctum non per formalem rationem dilectionis sed *spirationis* procedere, dicendum foret. At sane *dictio* mentalis tam in creata mente quam in Deo non est aliud quam intellectio velut activa, qua producitur verbum mentale, nec potest praeter intellectionem veri alius* actus concipi, quo verbum mentale producat, et qui proinde sit *dictio* verbi. Intellectio au-

tem in Deo est *unus* substantialis purissimus actus, quo divina essentia primum verum et in essentia omne verum secundum totam intelligibilitatem comprehenditur. Haec ergo intellectio secundum formalem suam rationem quatenus est intellectio, et nullus alius actus ratione distinctus est *dictio* Verbi. Quae consideratio applicanda etiam est ad dilectionem velut activam, qua spiratur *amor* seu Spiritus Sanctus ut terminus dilectionis intrinsecus productus. Manet ergo tota difficultas, quomodo productio non sit communis sicut communis est intellectio et dilectio.

Potest difficultas expediri ex superius demonstratis (th. XXI-XXIII), quod absolutum in Deo habet simul rationem relativi ita, ut sub formali ratione absoluti sit unum commune tribus distinctis, sub formali ratione relativi sit proprium et non communicabile, atque ideo sub hac formali ratione trium relativorum sint personae distinctae. Unde etiam ipsum *intelligere* est absolutum ut comprehensio omnis veri, et sic est commune tribus personis; et idem *intelligere* simul habet rationem relativi (ad intra), sicque producit Verbum et est in oppositione relationis ad Verbum, ut producat ad productum, unde sub hac formali ratione relativi est proprium; *intelligere* enim substantiale relativum ad intra ut exprimens Verbum est ipsamet persona Pater. Hoc modo distinguitur *intelligere* *essentiale* commune tribus et *intelligere* *notionale* proprium uni Patri, non quasi in Patre duplex esset actus intellectionis sed quod, ut diximus, unum idemque *intelligere* simul est absolutum et relativum, seu intellectio omnis veri et per hoc ipsum simul expressio Verbi (supra p. 396).

II. Quamvis haec ita sint, manet tamen quaestio nondum satis liquida, cur intellectio substantialis cum sit eadem in tribus personis, in solo Patre, et dilectio in Patre et Filio non autem in Spiritu Sancto sit fecunda, atque ita cur duae tantummodo sint processiones in Deo. Ratio huius rei est in infinitate perfectionis, quae potest considerari tum in actu intellectionis et dilectionis, tum in termino immanente producto, in Verbo inquam et in amore procedente.

Γ. Intellectus divinus non multis actibus sed uno actu simplici et infinito comprehendit essentiam divinam et in ea omne verum secundum omnes rationes intelligibiles, seu potius intellectus divinus est ipsemet *unus actus infinitus comprehensionis*. Hic unus infinitus et ideo non multiplicabilis actus exprimit ut terminum immanentem *Verbum adaequatum*, adeoque infinitum in formali ratione quatenus est Verbum, « Tamquam se ipsum dicens Pater genuit Verbum sibi aequale per omnia; *non enim seipsum integreperfecteque dixisset, si aliquid minus vel amplius esset in eius Verbo quam in ipso* » Aug. Trin. XV. c. 14. n. 23. Unde acutissime Gregorius Naz. (or. 30. al. 36. η. 20) dixit: « Filius se habet ad Patrem sicut definitio ad definitum. » Et secundum declarationem Angelici: « manifestum est, *quod si Deus se intelligit, oportet quod tota plenitudo ipsius contineatur in Verbo* » S. Th. contr. gent. IV. c. 14. (cf. Ruiz disp. 28. sect. 2. n. 2). Ex his intelligitur, tam repugnare ut plura sint Verba in Deo, quam repugnat pluralitas Deorum.

a) Nam ex parte actus, si unus est non multiplicabilis actus infinitus infinite intelligens omne verum, et si ex natura huius intellectionis necessario totum quod intelligit, exprimit Verbo, repugnat ut Verbum non sit unum, sicut unus est actus intelligens et dicens Verbo adaequato.

δ) Idem liquet ex parte Verbi. Quia enim Verbum est *infinitum in formali ratione Verbi*, seu adaequata et ideo infinita expressio divini intellectus; hoc ipso complectitur totam possibilem expressionem, praeter quam alia nulla esse potest, nisi tantummodo ut ipsius infinitae internae expressionis imitatio ac adumbratio *ad extra*. Quisque videt ex eadem ratione, ex qua repugnat multiplicatio entis absoluti (infiniti), repugnare multiplicationem Verbi infiniti procedentis per intellectum infinitum. Ratio scilicet est, quod duo infinita sicut in ratione suprema entis ita in quavis formali ratione repugnant. Sicut vero unitas necessaria entis infiniti non modo non excludit sed imo includit possibilitatem entium, quae ut adumbrationes ad extra prae illo sunt analogice entia; ita et Verbum infinitum non ex-

eludit sed includit, quod possibles sunt ad extra imitationes et adumbrationes Verbi infiniti. (Vide Tract, de Deo sect. III. c. 2.).

Patet igitur ex infinitate unitas Verbi divini, et ex hac singularitas fecunditatis ad producendum Verbum in solo Patre. Nimirum intellectus divinus unus numero in tribus personis ita, ut sit non communicatus in Patre, communicatus a Patre in Filium et ab utroque in Spiritum Sanctum, supposita iam expressione Verbi infiniti intelligitur non esse adhuc veluti bis fecundus sive ad idem sive ad aliud Verbum producendum. Non primum, nam intellectus quatenus est non communicatus in prima persona necessario intellectione sui producit Verbum, Verbum autem productum non potest producere seipsum, nec tertia persona cuius principium (cum Patre) est ipsum Verbum, potest esse principium sui principii. Non alterum, quia ex dictis intellectus divinus est fecundus *unius* tantum Verbi, quae ipsa unitas consequitur ex infinitate fecunditatis h. e. ex eo, quod ratione infinitatis intellectus divinus est unus actus purus exprimens Verbum adaequatum et ideo infinitum et ideo unum.

2< Eodem modo loquendum est de uno actu *dilectionis* et de huius actus termino producto, qui est Spiritus Sanctus. « Deus uno simplici actu omnia intelligit et similiter omnia vult; unde in eo non potest esse processio Verbi ex Verbo, neque amoris ex amore, sed est in eo solum unum Verbum perfectum et unus amor perfectus; et in hoc eius perfecta fecunditas manifestatur » S. Th. 1. q. 27. a. 5. ad 3. Distincte rem explicat Suarez (1. I. c. 7. n. 11. 12). « Pater aeternus producit Filium per illudmet intelligere, quod est commune omnibus personis, quatenus illud a se habet et non per generationem; hoc enim satis est, ut Pater per illud intelligere producat et non Filius nec Spiritus Sanctus. Quia cum Pater illud habeat a se et ante omnem productionem, recte potest communicare illud alteri personae; communicat autem ex virtute et fecunditate ipsiusmet actus intelligendi... In Filio autem et Spiritu Sancto iam non habet intellectus illam veluti virtutem, *quia iam*

habuit actum sibi adaequatum, qui multiplicari non potest... Atque hoc modo et cum eadem proportionem philosophandum est de amore seu dilectione, quantum ad rem spectat... In voluntate autem ob penuriam nominum solemus eadem voce significare actum amandi, productionem, et terminum, scilicet nomine *amoris* vel *dilectionis*... Proprie tamen amor essentialis est et communis, et per illum producant Pater et Filius Spiritum Sanctum, quatenus illum amorem absque emanatione voluntatis habent, vel a se ut Pater vel per generationem ut Filius (i. e. in Patre et Filio actus amoris seu dilectio est non iam supposita emanatione seu productione sui termini, sed imo ut producat suum terminum adaequatum, qui est Spiritus Sanctus seu *procedens*), et ideo licet ipsi per illum amorem producant, Spiritus Sanctus nihilominus amando eodem amore nihil ad intra producit, quia iam supponit productionem (adaequatam) amoris. »

THESIS XXIX.

*De obiectis, quorum intellectione et dilectione
sint processiones divinae;*

*et quomodo Pater Verbo sapiens,
Pater et Filius Spiritu Sancto amans dici possit.*

« Verbum procedit per intellectionem tum essentiae tum personarum - divinarum tum omnis veri necessarii; pariterque Spiritus Sanctus procedit per dilectionem boni necessario amati. Quamvis igitur nec Verbum per visionem creaturarum contingentium, nec Spiritus Sanctus per dilectionem earundem procedat; nihilominus Verbum ut Sapientia procedit cum respectu ad creaturam faciendam, et Spiritus Sanctus ut amor cum respectu ad creaturam amandam. Hinc porro Pater *sapiens* et Verbo, Pater et Filius *amans Spiritu Sancto* dici potest non *formaliter* sed *terminative*, quatenus Verbum et amor expressus sunt terminus necessarius, sine quo sapientia et dilectio divina esse non potest. »

In quaestione, quarum rerum intellectione exprimitur Verbum, et quarum dilectione producat Spiritus Sanctus, nonnulla est opinionum diversitas inter theologos, prout scilicet vel magis solliciti sunt de nostro modo intelligendi secundum analogias ex creaturis desumptas, et distinguendi quae in Deo omnino unum sunt, vel magis conantur has

analogias transcendere et, quantum fieri potest, rem concipere ut obiective est. In modo considerandi imprimis oportet prae oculis habere, quae in Tractatu de Deo demonstrantur de divina simplicitate, de scientia ac voluntate et de obiectis utriusque.

I. Ad productionem Verbi quod spectat, quia divinus intellectus est unus necessarius actus substantialis comprehendens ex sua infinita perfectione omne verum secundum omnes rationes intelligibiles, hoc ipso obiecta, quae isto uno simplicissimo actu comprehenduntur, sunt inter se valde diversa. Quod ad rem praesentem pertinet, obiecta sunt vel in se necessaria vel non necessaria seu contingentia. Obiecta necessaria sunt in ordine existentiae solus Deus tum secundum rationes absolutas in se (secundum essentiam et attributa), tum secundum rationes relativas (ad intra), tum essentia secundum imitabilitatem ad extra, quam essentiae imitabilitatem aliis nominibus dicere possumus divinas ideas obiectivas, rationes rerum aeternas, *esse eminens* creaturarum in Deo. Unde ex hoc ultimo ad obiecta necessaria pertinet totus ordo metaphysicus possibilium, quae in se ipsis nihil sunt actu, sed possent esse secundum actu existentem et necessariam divinae essentiae imitabilitatem ad extra. Obiecta deinde non necessaria sunt omnia praeter Deum existentia (formaliter ut existentia) pro quavis temporis differentia, ad quae, ut patet, quoad contingentiam revocantur omnia illa conditionata, quae libera creaturis sub quavis hypothesis actu forent. Hinc ulterius obiecta necessaria divinus intellectus comprehendit necessario, ita ut, si quidquam eorum non comprehenderet, defectus esset ex parte ipsius intellectus, et iam non esset actus infinite perfectus. Contra vero licet in hypothesis quod contingentia pro aliquo tempore existant, divinus intellectus ea necessario comprehendat ut existentia, maneret tamen aequae perfectus, si illa numquam existèrent atque ita intelligerentur ut mereabilia. Haec igitur visio existentium creaturarum nihil est in Deo aliud quam ipsamet intellectio essentiae divinae secundum omnes rationes solum nostro modo considerandi distinctas cum connotatione

non necessaria existentium creaturarum, quae eidem infinito actui, comprehendenti omnes veritates necessarias, absque ulla eius mutatione subduntur, si existant, seu ad quas idem unus actus infinitus intellectionis absque ulla sui mutatione se velut extendit. S.Th. de verit.q.3.a. 3.ad8.

Hisce brevissime ex altero tractatu in memoriam adductis, demonstratur prima pars theseos propositae.

Ie. Infinitus actus intellectualis ex interna sua necessaria perfectione intelligendo producit *Verbum sibi adaequatum*, sub qua formali ratione producentis Verbum est intellectio relativa seu actus notionalis, et realiter Deus Pater. Iam vero iuxta dicta actus ille infinitus ex interna necessaria perfectione intelligit perfectissime seipsum tum ut essentiam divinam (cum omnibus attributis, quae nos ratione distinguimus); tum in se comprehendit productionem Verbi, sive se ipsum ut Verbi fecundum, et in hoc ipso intelligit Verbum ut terminum immanentem; tum porro comprehendit intellectionem ut simul est dilectio et dilectio fecunda Spiritus Sancti, et in hac iterum comprehendit Spiritum Sanctum ut eius terminum; tum denique comprehendit essentiam secundum totam imitabilitatem ad extra seu secundum omnes rerum rationes aeternas et in hoc ipso omnia possibilia, tam per simplicem intellectionem quam per sapientiam in actu primo practicam (Tract. de Deo th. XLII. η. ΓΙ.). Porro hic unus simplicissimus necessarius actus intellectionis se ipso, seu ut talis intellectio, producit *Verbum sibi adaequatum*; atqui Verbum *adaequatum* non esset, nisi exprimeretur secundum omnes rationes intellectas. Ergo Verbum exprimitur intellectione tum essentiae (cum omnibus attributis absolutis), tum trium personarum divinarum, tum totius ordinis metaphysici possibilium *ad extra*, fundati in imitabilitate divinae essentiae seu in ideis divinis, « Pater intelligendo se et Filium et Spiritum Sanctum et omnia alia quae eius scientia continentur, concipit Verbum, ut sic tota Trinitas Verbo dicatur (1), et etiam omnis creatura » S. Th. 1. q. 34. a. 1. ad 3.

(1) Hoc vocabulum *dici* usurpatur dupliciter, vel pro eo quod est *intellectione produci*, et sic *dicitur* solum Verbum; vel pro eo quod est

«In Deo ad hoc quod Verbum eius perfectum sit, oportet quod Verbum eius exprimat, quidquid continetur in eo ex quo oritur, et praecipue cum Deus omnia uno intuitu videat. non divisim. Sic igitur oportet, quod quidquid in scientia Patris continetur, totum hoc per unum ipsius Verbum exprimat, et hoc modo quo in scientia continetur, ut sit verum Verbum suo principio correspondens per scientiam, et Verbum ipsius exprimat ipsum Patrem principaliter et consequenter omnia alia, quae cognoscit Pater cognoscendo se ipsum. Et sic Filius ex hoc ipso quod est Verbum perfecte exprimens Patrem, exprimit omnem creaturam... . Verbum respicit directe Deum, qui primo per Verbum exprimitur, et ex consequenti creaturas; et quia creaturae secundum quod in Deo sunt, unum sunt (una essentia divina imitabilis ad extra), creaturarum omnium est unum Verbum» (1) S. Th. de verit. q.4.a,4. corp, et ad.

Difficultatem aliqui sentiunt insuperabilem, quomodo concipi possit Verbum procedere per intellectionem ipsius Verbi, et multo magis per intellectionem Spiritus Sancti, quia, aiunt, in eo signo in quo concipitur intellectio produciens Verbum, nondum existit Verbum adeoque solum intelligi posset ut futurum, non autem cognitione intuitiva ut existens; quae ipsa difficultas ipsis adhuc maior et evidentior videtur quoad cognitionem Spiritus Sancti, cum haec tertia persona sit origine posterior Verbo utpote procedens a Verbo. Explicationes huius rei plures et non omnes consentientes dantur a diversis theologis; sed tota difficultas nititur falso vel certe nimis imperfecto conceptu *prioris* et *posterioris* in originibus divinarum personarum, ut

intelligi intellectione producente Verbum, et sic dicitur tota Trinitas; « uni soli personae convenit dici eo modo quo dicitur verbum, eo vero modo quo dicitur res in verbo intellecta, cuilibet personae convenit dici », ut ibi explicat s. Thomas.

(1) Verbum *creaturarum* non est quasi ab eis procedens, ut patet; sed quod procedit per intellectionem essentiae divinae, quatenus in ea continentur ideae seu rationes aeternae omnium creaturarum possibilium, et quod creaturae actuales, ut mox dicetur, per Verbum ut per expressionem idearum divinarum libere educuntur in *esse*, seu ideae per creaturas manifestantur S. Th. ibi ad G. et 7.

patet vel ex ipsa propositione obiectionis, ubi loquuntur de Verbo *nondum existente* et de Verbo *ut futuro* (apud Vasquez disp. 142. c. 2. n. 6; c. 4. n. 15). Correctione ergo huius conceptus rein explicare oportet.

Intellectio producens Verbum non est actio proprie dicta velut egrediens a potentia, sed est purus actus necessarius aeternus habens internum terminum necessarium aeternum, qui est Verbum; adeoque illud *producere* est aeternum *habere actu completo terminum intrinsecus necessarium*, est aeterna substantialis relatio quae sine suo termino aeterno correlato nec esse nec vere concipi potest. Vicissim illud *produci* est aeternum *actu productum esse* tam necessarium, quam necessarium est divinum intelligere (1). Si igitur de *priori* et *posteriori* originum sermo sit, non est prioritas, quasi *intelligere* paternum relativum posset concipi sine Verbo, sicut e. g. concipi potest Deus sine voluntate creandi aut operandi ad extra, quae dicitur *prioritas in quo*; sed quod *prius* et *posterius* in divinis originibus dicimus, unice est in eo, quod relativum I? puta Verbum necessitate interna aeternaliter est et existit a relativo A scilicet ab intellectione paterna necessario et aeternaliter exprimente Verbum; non autem vicissim relativum A est a relativo B. Haec appellari solet *prioritas a quo* (vide Franc, de Lugo disp. II. c. 5. n. 6. sq.). Est igitur (si ita loqui fas est) relativorum *simultaneitas in quo*, et sola unius ad alterum *prioritas a quo*. Unde intellectus paternus, actus purus, intelligit se ut in actu secundo completo fecundum Verbi, atque hac sui intellectione est principium Verbi in actu completo aeternaliter procedentis et semper producti. Atqui Pater intelligendo se in actu secundo fecundum Verbi intelligit Verbum non iam ut producendum aut futurum (quod aliqui absurdissime dicunt), sed ut aeternaliter actu procedens et necessario existens.

(1) « Generatio Verbi non est secundum exitum de potentia in actum sed sicut oritur ex actu actus, ut splendor ex luce, ut ratio intellecta ex intellectu in actu. Unde etiam... magis necesse est ipsum esse coaeternum Deo cuius est Verbum, quia intellectus in actu numquam est sine Verbo » S. Th. contr. gent. IV. c. 14.

Ergo intellectio paterna intelligendo se et a se procedens Verbum, est principium Verbi procedentis. Qui ordo adeo non repugnat, ut sit omnino necessarius; siquidem infinita intellectio producat, et Verbum procedens ac immanens e intellectioni non solum realiter sed etiam *ratione* simul sunt simultaneitate *in quo*, et sola est intellectionis producentis ad Verbum coaeternum prioritas *a quo* (1).

Ex eodem fundamento solvenda est difficultas contra processionem Verbi per intellectionem etiam Spiritus Sancti. Intellectio actu aeterno producat et Verbum aeternaliter productum et dilectio actu aeterno producat et amor ut internus terminus productus simul sunt simultaneitate *in quo*, h. e. unum sine altero ut a parte rei est, nec esse nec concipi potest; prioritas vero nominatim inter Verbum productum et amorem productum est unice prioritas *a quo* quod amor spiratus aeterna relatione est a Verbo ut a principio cum Patre, non autem est Verbum ab amore ut a principio. Simultaneitas illa *in quo* satis est, ut haec omnia simul et proinde sicut Verbum ita et Spiritus Sanctus intelligantur uno simplicissimo actu, quo Pater est aeternum principium Verbi. Intelligendo scilicet Pater se ut principium Verbi intelligit et Verbum, atque simul se et Verbum intelligit ut dilectionem aeternaliter producentem terminum immanentem qui est Spiritus Sanctus, haecque ipsa una simplicissima intellectione est principium exprimens Verbum sibi adaequatum.

2°. Remanet quaestio, cur non sit dicendum Verbum procedere per intellectionem seu visionem creaturarum existentium. Ne in statu quaestionis fallamur, Verbum procedit utique per eam intellectionem, quae est etiam intel-

(1) « In divinis dicitur principium secundum originem absque prioritate; unde oportet ibi esse ordinem secundum originem absque prioritate; et hic vocatur ordo naturae secundum Augustinum, non quo alter sit prius altero, sed quo alter est ex altero (prioritas *a quo*).... Relativa sunt simul natura et intellectus, in quantum unum est in definitione alterius. Sed in divinis ipsae relationes sunt subsistentes personae in una natura. Unde neque ex parte naturae neque ex parte relationum una persona potest esse prior alia *neque etiam secundum naturam et intellectum* » (i. e. non prior prioritate *in quo*) S. Th. 1. q. 42. a. 3.

lectio creaturarum existentium, cum intellectio divina in se una sit, non alia quae habeat pro obiecto Deum, alia cuius obiectum sint creaturae; sed eadem omnino qua Deus intelligit se, intelligit omnia intelligibilia. Solum dicimus, Verbum non procedere per intellectionem, formaliter quatenus haec refertur ad creaturas existentes. Ratio est potissimum duplex: a) quod Deus subsistens est in tribus personis prius ratione prioritate *in quo*, quam concipi possit decretum operandi ad extra; seu aliis verbis: quod actus notionales necessarii ad intra secundum quos procedunt personae, sunt priores prioritate rationis *in quo*, quam actus liberi ad extra, sine quibus nulla potest esse intellectio existentium creaturarum (S. Th. 1. q. 33. a. 3. ad 1). b) Ratio altera est, quod Verbum procedi! per intellectionem absolute necessariam, intellectio autem creaturarum existentium seu potius relatio intellectionis ad creaturas existentes non est in se necessaria, sed solum in hypothesis creaturae pro aliqua temporis differentia existentis.

3°. Nihilominus potest dici, procedere Verbum cum relatione (rationis) ad creaturas, quem respectum Augustinus putavit adsignificari in ipso nomine Verbi. Melius, inquit, dicitur Verbum quam ratio, « ut significetur non solum ad Patrem respectus, sed ad illa etiam quae per Verbum facta sunt, operativa potentia » 1. qq. 83. q. 63. Exprimitur enim Verbum, ut diximus, per paternam intellectionem divinae essentiae etiam formaliter ut haec est imitabilis ad extra et causa exemplaris continens rationes aeternas, secundum quas sunt possibilia quaecumque sunt possibilia, et secundum quas proinde accedente libera voluntate omnia creantur. Hinc Verbum quod exprimitur hac intellectione, non solum quasi materialiter quatenus ei communicatur essentia divina, sed formaliter ex ipso modo procedendi per intellectum ut *sapientia genita* continet ideas et rationes aeternas (1) omnium creabilium et totius

(1) « Verbum differt ab idea; idea enim nominat formam exemplarem absolute, sed *Verbum creaturae* (h. e. Verbum quo Pater dicit creaturam) *in Deo nominat formam exemplarem ab alio deductam*; et ideo idea in Deo ad essentiam pertinet, sed Verbum ad personam » S. Th. de verit. q. 4, a. 4. ad 4.

ordinis creati α tamquam Verbum perfectum cui non desit aliquid, et ars quaedam omnipotentis atque sapientis Dei, plena omnium rationum viventium incommutabilium, et omnes unum in ea (arte), sicut ipsa unum de uno, cum quo unum; ibi novit omnia Deus, quae fecit per ipsam» Aug. Trin. l. VI. c. 10. n. 11. Itaque licet expressio Verbi non sit per visionem creaturae factae, est tamen ut expressio sapientiae et artis subsistentis cum respectu velut radical! ad creaturam faciendam. Vide Suarez l. IX. c. 4-7.

II. Quaestio de Spiritu Sancto, per quorum bonorum dilectionem procedat, post ea quae dicta sunt de processione Verbi, nihil atoplius habet difficultatis.

1°. Pater et Filius una communi infinitae bonitatis dilectione producant amorem ut terminum immanentem, qui est Spiritus Sanctus. Adeoque dilectio per quam procedit Spiritus Sanctus, est dilectio divinae essentiae (cum omnibus attributis); hoc ipso quatenus est in Patre, est dilectio sui et Filii; in Filio est dilectio sui et Patris. Hoc sibi volunt Patres, quando aiunt, *dilectione mutua* Patris ac Filii produci Spiritum Sanctum. Neque enim hanc doctrinam licet ita intelligere, ac si duplex diceretur dilectio, quae velut conspirando produceret amorem ut unum terminum; sed intelligi debet, personas duas distinctas diligere substantiali dilectione, quae est una numero utriusque tamquam subiecti, et habet utrumque pro obiecto, tum quatenus unum sunt essentia tum quatenus distinguuntur hypostasi. Insuper non minus eadem dilectio complectitur velut reflexe dilectionem ipsam ut producentem, simulque ut eius terminum internum Spiritum Sanctum aeternaliter procedentem. Dilectio enim est essentiae divinae, ut in se est, secundum omnes rationes amabilitatis; sic autem essentia est et omnis perfectio absoluta et tres simul personae Pater, Filius et Spiritus Sanctus.

Difficultas quoad, hoc ultimum, oboriri solita ex imperfecto nostro modo intelligendi, quo concipitur prior ratione dilectio producat quam amor productus, ex superius dictis expedienda est. Sicut enim intellectio producat ac Verbum productum, ita et dilectio relativa et aeternum

correlatum, i. e. amor aeternaliter actu completo procedens, non solum duratione sed etiam ratione simul sunt *simultaneitate in (pio*, et ordo est unice secundum originem *a quo*. Unde quod de intellectione diximus, adhuc facilius concipere possumus de dilectione; dilectio scilicet substantialis, actu completo fecunda amoris aeternaliter procedentis, diligendo se et in se amorem procedentem est principium amoris procedentis.

2'. Eadem dilectio formaliter ut produciens amorem est etiam dilectio essentiae, quatenus haec est bonitas *communicabilis ad extra* per bonum participatum, maxime per participatam sanctitatem, quae proxime imitatur bonitatem et sanctitatem substantialem divinam. Unde sicut Verbum per intellectionem procedit cum respectu ad extra radicali (si licet dicere) et in actu primo, tamquam sapientia genita et «ars plena idearum»; ita amor Spiritus Sanctus ex ipso modo processioneis suae per talem dilectionem, est bonitas procedens ac *donum* velut in actu primo, videlicet ut *donabilis* creaturae rationali per sanctificationem et ad sanctificationem eius, atque ita procedit cum respectu (radicali) ad extra, « Sicut Pater dicit se et omnem creaturam Verbo quod genuit, in quantum Verbum genitum sufficienter repraesentat Patrem et omnem creaturam; ita diligit se et omnem creaturam Spiritu Sancto, in quantum Spiritus Sanctus procedit ut amor bonitatis primae, secundum quam Pater amat se et omnem creaturam. Et sic etiam patet, quod respectus importatur ad creaturam et in Verbo et in amore procedente quasi secundario, in quantum scilicet veritas et bonitas divina est principium intelligendi et amandi omnem creaturam » S. Th. 1. q. 37. a. 2. ad 3. cf. q. 38. a. 2.

3° Denique ex proxime dictis oritur quaestio, utrum Spiritus Sanctus procedat non modo per dilectionem bonitatis divinae ut communicabilis ad extra per participationem analogicam, de quo diximus, sed etiam per dilectionem creaturarum sive possibilium, sive actu producendarum vel productarum. Hoc ultimum negandum esse censemus eodem modo et ex eisdem rationibus, ex quibus

negavimus Verbum procedere per intellectionem creaturarum existentium.

Quoad ordines possibilium, quae diximus comprehendere in intellectione per quam Verbum exprimitur, hic responsio pendet ab alia quaestione, utrumabilia, sicut non modo secundum *esse* eminens in essentia divina sed formaliter secundum suum *esse possibile* certissime sunt obiectum necessarium intellectionis divinae, ita possint etiam dici obiectum dilectionis necessariae. Ad hanc quaestionem dicendum est: si amor Dei ad extra sumitur sensu quo est voluntas conferendi bonum (actuale), evidenter nullus est huiusmodi amor Dei ergaabilia, eo ipso quod sunt et relinquuntur in statu mere possibilium. Si vero amor sumitur pro complacentia et approbatione bonorum possibilium, sic est imprimis amor infinitus et necessarius essentiae divinae ut imitabilis et participabilis ad extra, de quo amore essentiae paulo ante dictum est; quatenus vero consideratur simplex approbatio bonorum possibilium in se ipsis, sic est potius intellectio quam dilectio boni. Consequitur ergo, proprie dictum amorem Dei erga creaturas in se ipsis nullum esse *absolute necessarium*, quamvis sit necessarius amor bonitatis divinae, etiam quatenus haec bonitas ad extra imitabilis et per analogas perfectiones communicabitur continet supremam rationem omnis boni possibilis. Haec igitur posterior non autem dilectio creaturarum possibilium pertinet ad dilectionem, qua exprimitur amor ex interna necessaria perfectione procedens, qui est Spiritus Sanctus. Vide Suarez 1. XI. c. 2. cf. Ruiz disp. 63. sect. 5.

III. Sequitur quaestio, utrum et quo sensu Pater intelligat Verbo, et ambo diligant Spiritu Sancto.

SS. Patres tum graeci tum ad eorum imitationem latini disputantes adversus Arianos frequentissime affirmant, Patrem sine Verbo fore expertem iutelligentiae et sapientiae (*ἀζοῦρον καὶ ἀρῑον*). Lege Patrum sententias apud Ruiz disp. 74. sect. 4; Petav. 1. VI. c. 9. Ex iis s.-Thomas non uno in loco eandem doctrinam tradit et explicat, „ Aliud operationis genus (praeter operationem ad extra) Deo attri-

buimus, in quantum ipsum *intelligente*TM *et volentem* dicimus, in quo ipsius perfectio significatur; non enim esset perfectus, nisi esset intelligens et volens actu, et inde est quod confitemur eum viventem.... *secundum hoc operationis genus dicimus in divinis processionem Verbi et amoris*; et haec est processio personae Filii a Patre, qui est Verbum ipsius, et Spiritus Sancti qui est amor eius et spiramen vitae. Unde Athanasius in quodam sermone dicit, quod Ariani ponentes Filium et Spiritum Sanctum non esse coessentiales Patri, *per consequens videbantur dicere Deum non viventem et intelligentem sed mortuum et sine mente* n S. Th. de Potent, q. 10. a. 1.

At haec accipi possunt duplici diverso sensu. Si dicatur Pater formaliter sapiens per Verbum, Pater et Filius formaliter amans per Spiritum Sanctum, sensus est falsus et absurdus. Neque enim persona divina formaliter sapiens aut amans esse potest per alium realiter a se distinctum; sed intelligit et amat per ipsam suam essentiam, quae est absoluta sapientia et absoluta voluntas seu dilectio, atque ideo una numero est sapientia ac voluntas absoluta trium personarum.

Sensus itaque illius dicti ss. Patrum alius est. Divina intellectio (ut est Patris) ex interna sua perfectione tam necessario intelligendo producit Verbum, quam necessario est intellectio divina, nec potest esse divinum *intelligere* (Patris), quin eius terminus intrinsecus productus sit Verbum; pariterque non potest esse divina dilectio (Patris et Filii), quin ut terminum immanentem habeat amorem productum ; « quia (ut ait s. Th. contr. gent. IV. c. 14) *intellectus in actu numquam est sine Verbo*, » et eâdem ratione *dilectio in actu numquam est sine amore producto*. Unde rectissime infertur, quod si quando Verbum aut Spiritus Sanctus non erat, ut aiebant Ariani, neque intellectio et dilectio divina fuisset in actu, et ita simpliciter negaretur divinus intellectus et divinus amor sicque vita divina, quae necessario semper sunt in actu perfecto. Vide Ruiz disp, 111.

De re ipsa itaque satis constat. Pater formaliter intelli-

gens, Pater et Filius formaliter amans est per essentiam, quae ipsamet est sapientia et dilectio absoluta; attamen Pater intelligendo necessario producit Verbum, nec posset sine hoc esse intelligens; et ambo diligendo necessario producunt amorem (Spiritus Sanctum), nec sine amore producto posset esse dilectio divina. Pater itaque sapiens est Verbo non formaliter sed tamquam termino immanente necessario suae fecundae sapientiae, sine quo ipsa sapientia non esset; eademque ratione Pater et Filius amans est Spiritu Sancto tamquam interno termino necessario amoris, sine quo ipse amor non esset.

Solummodo remanet dubium de modo loquendi, utrum simpliciter Pater dici possit *intelligere Verbo*, Pater et Filius *diligere Spiritu Sancto*. Differunt theologi non parum opinionibus et modis explicandi has locutiones; paucis res ita expediri potest. Distingui debent verba, quae tantummodo actum absolutum, et quae etiam actum notionalem h.e. productionem termini ad intra significant. Priora illa non possunt construi cum huiusmodi ablativis personarum distinctarum. Hinc quia *intelligere* simpliciter positum significatione absoluta tantummodo adhiberi solet, minus recte diceretur: *Pater intelligit Verbo*; hoc enim videretur significare, Patrem formaliter sapientem seu intelligentem constitui per Verbum, quod falsum esse ex superioribus constat. Vocabulum notionale designans productionem Verbi est dicere. Porro *diligere* non solum absoluta sed etiam notionali significatione adhibetur, in qua posteriori idem valet ac *diligendo producere amorem ut terminum immanentem*.

Iam in hoc sensu notionali ea, quae Pater *dicit* (h.e. intelligit et intelligendo exprimit seu repraesentat Verbo), et quae Pater ac Filius *diligunt*, possunt significari ut obiectum (in accusativo), et quia talis *dictio* et *dilectio* est velut in actu completo per terminum intrinsecus productum, sine quo dictio et dilectio non esset, recte hic terminus in ablativo additur ut productus dictione ac dilectione. Sic igitur Pater se et alia omnia quae dicit (h.e. quae intellectione producente Verbum comprehendit), *Verbo dicit*; Pater et Filius se (et quaecumque complectuntur di-

lectione producente amorem immanentem), *diligunt Spiritu Sancto*. His enim verbis, ait Ruiz, significatur *a diligere, Spiritu Sancto tamquam termino producto simpliciter necessario, ut operatio diligendi possit versari circa objecta dilecta.* n Vide Ruiz disp. 74. sect. 2; disp. 111. sect. 2 6. Cf. S. Th. 1. q. 37. a. 2 ; Suarez 1. IX c. 10 ; 1. XI. c. 3.

THESIS XXX.

*De modo quo processio secundae personae ut generatio,
processio vero tertiae personae
ut alia distincta manifestatur in revelatione.*

« Ex divina revelatione constat, secundam personam procedere per
» *generationem*, processionem vero personae tertiae esse aliam a generatione distinctam. Est autem secundae personae processio credenda
» sensu proprio intellectualis et perfecta *generatio* seclusis imperfectionibus, Quae sunt in generationibus creaturarum. »

Antequam fides quaerat aliquem intellectum diversitatis, qua processio secundae non autem tertiae personae est proprie *generatio*, ac proinde secunda persona est *Filius* unigenitus, tertia autem non est *Filius*, oportet inspicere modum, quo in revelatione res ipsa, *quia est*, nobis manifestetur; ex revelatione enim aliqua quantumvis imperfecta intellectio, *quomodo sit*, deducenda est. Praesumptionem quippe solius rationis lumine investigandi tum alia mysteria tum nominatim *profunda Dei* in modo et in diversitate processionum, de qua nunc loquimur, ss. Patres unanimes condemnarunt, quando haeretici ex principiis philosophicis mysterium ipsum impugnabant, aut ex illis principiis rationem fidei postulabant a Catholicis. Piam vero ac humilem inquisitionem alicuius intellectus ex fide praesupposita et ex fidei principiis iidem ss. Patres tum verbis dissertis commendarunt, tum exemplo suo ac meditationibus profundissimis nos docuerunt (vide Didac. Ruiz disp. V).

Primum itaque rem ipsam considerabimus in Scripturis revelatam, quod secunda non autem tertia persona proprie *generatur*; tum praelucente revelatione proprias rationes

generationis divinae, quantum licet, inquiremus. Haec enim sunt fundamenta, ex quibus deducendum est, cur processio Spiritus Sancti generatio non sit, de qua re in thesi sequenti dicemus.

I. Diversitas illa in processione secundae ac tertiae personae non minus quam processio ipsa ac distinctio personarum in Scripturis revelata est.

1'. Continetur haec revelatio in ipsis propriis nominibus personarum. Constanter enim inter primam et secundam personam non solum indeterminate relatio principii et procedentis a principio, sed determinate relatio *Patris et Filii* esse docetur. Dicitur in Scripturis *Pater proprius Filii* Io. V. 18; *Filius proprius Patris* Rom. VIII. 32; *Filius verus* 1. Io. V. 20; *Filius unigenitus* unigenitus a Patre Io. I. 14; III. 16. (cf. supra th. II). *Pater* non est nisi ut principium, *Filius* ut terminus productionis illius singularis ab omnibus aliis modis productionum distinctae, quae dicitur *generatio*. Animadvertatur autem, quod ratio haec *Patris* primae, ratio *Filii* secundae personae ita propria est, ut hac sola inter se realiter distinguantur, quod in toto hoc tractatu saepe demonstratum est. Porro hac ipsa ratione Patris ac Filii distinguuntur a tertia persona, quae nec Pater est nec Filius, licet et ipsa sit procedens. Hinc tum ubi singillatim nominatur, tum in connumeratione trium personarum designatur ut procedens quidem, sed non procedens tamquam Filius, adeoque modo distincto a generatione, *u In nomine Patris et Filii et Spiritus Sancti* n Matth. XXVIII. 19. cf. III. 16.17; 1. Io. V. 7; *u ego (Filius) mittam vobis a Patre Spiritum veritatis, qui a Patre (meo) procedit* Io. XV. 26; *u Spiritus Patris vestri* n Matth. X. 10; *u misit Deus Spiritum Filii sui* n Gal. IV. 6; « *Spiritus Domini super me* n Luc. IV. 18; *u Spiritus Dei* n Rom. VIII. 14; *a Spiritus Christi* n Rom. VIII. 9; 1. Pet. I. 11; « *Spiritus Iesu* n Act. XVI. 7.

2'. Sicut sola secunda persona est terminus *generationis* h. e. *Filius*, ita etiam disserte in Scripturis modus processionis solius secundae personae praedicatur esse *generatio*. Haec disserta praedicatio continetur iam in appellatione

propria, qua designatur notio distinguens Filii *unigeniti*, *unigeniti a Patre*. Tum expresse declaratur Filius Dei proprius, *quia est per aeternam semper completam generationem*. « Novissime diebus istis locutus est nobis (Deus) in Filio, quem constituit heredem universorum, per quem fecit et saecula; qui cum sit splendor gloriae et figura substantiae eius (χαράκτ,ρ τ/, ὑτχσταςεω ἀντβυ)... sedet ad dexteram maiestatis in excelsis, tanto melior angelis effectus (ytvog.evcç),.. Cui enim dixit aliquando angelorum: *Filius meus es tu, ego hodie genui te*; et iterum; ego ero illi in Patrem, et ipse erit mihi in Filium... Ad Filium autem (dicit); thronus tuus, Deus, in saeculum saeculi... Et: tu in principio, Domine, terram fundasti, et opera manuum tuarum sunt coeli *n* Heb. 1. 2-10. Tam in Psalmis II. 7; XLIV. (XLV). 7; CI. (CII). 26, ex quibus verba desumpta sunt, quam ab Apostolo haec dicuntur de Christo Filio incarnato; is autem non est alius quam Filius aeternus, quamvis in tempore factus sit homo. Unde hic homo i. e. haec persona quae est etiam homo, est Filius Dei genitus ab aeterno, est Deus creator coeli et terrae. Quibus positae verba: «Filius meus es tu, ego hodie genui te, » necessario intelligenda sunt de hac persona, quae est Deus homo. Secundum incisum explicat rationem, qua sit Filius, videlicet quia est genitus a Patre. Qui est splendor gloriae Dei Patris, Deus creator coeli et terrae, Filius non potest esse nisi aeternus, ergo et generatio aeterna est. Particula igitur *hodie* non initium generationis sed incommutabile *nunc* aeternitatis exprimit, quo generatio semper est in actu completo. Ad hunc *hominem* tamen *specificative ut homo est*, verba pertinent in tempore, non quia genitus est in tempore, sed quia genitus ab aeterno incipit in tempore esse homo. Unde primum in incarnatione verificatur *de homine*, *a ego hodie* (i. e. aeterno incommutabili actu) genui te, » ut verba sumuntur Heb. V. 5; et eodem modo vera sunt de hoc homine in resurrectione, simulque rationem continent resurrectionis, quo modo verba sumuntur Act. XIII. 33. (Cf. cl. P. Patrizi de Interpret. SS. SS.

Adhuc magis definite declaratur generatio ex substantia Patris Ps. CIX (CX). 3. (1), ut hic Scripturae locus communi

(1) Psalmus nemine Christiano difflitento est do Messia; constat enim id praeter evidentiam internam, ex citationibus ipsius Christi Domini et Apostolorum Matth. XXII. 44; Act. 11. 34.35; Heb. 1.13; V. 6; VII. 17.cf.l. Cor. XV. 25; Heb. X. 13. Commatis 3" de quo agitur, verba hebraica snnt:
^5 'Π* ?Ω orno oioi yoti ψζν

117 \2-

In nostra Vulgata legitur ita: « Tecum principium (i. e. principatus) in dic virtutis tuae, in splendoribus Sanctorum ex utero ante luciferum genui te ». Eodem modo habent LXX. et versio syrica, quae fluxerunt immediato ex textu hebraico. Μίτα σου ή άχη εν ψήια u; δονα/ζι^i σου, ίν ται λαμπζοτίισι των άγιων σου' Ικ γαστζο προ «iffÇtfW ίγ;vνησα σι. Illud 5Θ videntur Ajcxandrini non habuisse in suo textu; in reliquis legerunt aliis vocalibus 'Π'&O... j'l'', Syrus habet: « ab antiquo (ab aeterno) te *filium* genui. » Legit ergo et ipso 'ΠύΩ ot nomen 5Θ sumpsit pro affini in sua lingua

Quoad sensum concordant veteres versiones aliae, Hieronymi, Aquilae. Symmachi, Theodotionis, sic dicta V' et VI*, de quibus consule Epiphanium (haeres. G5. n. 4. T. I. p. G10). Hieronymus vertit: « quasi de vulva orietur tibi ros adolescentiao tuae », et eodem fere modo habent reliquae commemoratae (apud Epiphan. 1. c.). Hieronymus certe ipsemet in Mich. V. 2. (T. VI. p. 489.) cum ceteris Patribus locum Psalmi interpretatur absqno ulla ambiguitate dc aeterna generatione Filii Dei. Patres qui hoc loco aeternam ex substantia Patris generationem Filii enuntiari certum ac ratum habuerunt, adfert Petavius l. c. viginti gravissimos, quibus alii plures facile addi possent. Nec puto ullum ex Patribus Ecclesiae reperiri, qui huic communi interpretationi contradicat. Quodsi enim pauci aliqui uterum hic Virginis intclligunt, ut sensus sit: ego (Pater aeternus) ex utero Virginis (in incarnatione) genui te. non est putandum, eos quoad rei summam a reliquis dissentire. Generatio quippe Verbi aeterna est, quae sicut numquam incepit ita nmmquam desinit, non quidem sicut in humanis tamquam actus imperfectus tendens ad terminum, sed ut actus perpetuo completus habens immanentem terminum semper productum. Unde in ipsa incarnatione Deus-homo generatur ab aeterno Patro per communicationem divinae naturae. Ergo illi doctores interpretando uterum Virginis nondum propterea locum iutelligunt do geneiationo Christi secundum humanam naturam, sed intelligunt generationem aeternam a Deo Patre ; vorumtamen eam considerant in Verbo *incarnato*, quemadmodum re ipsa in Psalmo Messias, Verbum scilicet incarnatum, dicitur ante luciferum genitus. Veteres ita hoc loco intelligentes Virginis uterum nominari possunt lustinus dial, cum Tryph.

Patrum consensu semper intellectus est, et nominatim adhibitus per plura continenter saecula in demonstrationibus dogmaticis adversus Arianos. (Vide ss. Patres apud Petav. de Trin. 1. V.c. 7. n. 4. 5; L)idac. Ruiz disp. IV. sect. 1). Cum

n. 63; Tertullianus contr. Marc. V. 9; Ilesychius in h. 1. Pevera ab hisce doctoribns non excludi sed includi generationem aeternam, ostendit etiam interpretatio a Tertulliano alibi data (contr. Praxeam c. 7. et 11), ubi in textu Psalmi simpliciter intelligit descriptam generationem divinam « de vulva cordis » Patris aeterni. Imo ipse Eusebius, qui in commentario h. 1. videtur intellexisse generationem ex matre, in Demonstr. Evangelica 1. IV. c. 14. p. 176. coli. 179. sequitur communem interpretationem de generatione divina. Consensus itaque Patrum et traditio exegetica ita constans est et universalis, ut secundum principia hermeneuticac catholicae (Cone. Trid. sess. IV. decret. de usu ss. librorum) falsa haberi debeat interpretatio recentiorum, qui textui subiiciunt sensum omnino alium, ut in eo de generatione Filii Dei nulla amplius sit mentio. Quod aiunt, verba hebraica sensum Vulgatae nostrae non pati, id antiqui interpretes non viderunt, nec inspectis verbis demonstrari potest. Ad litteram verba hebraica verti possunt: « populus tuus spontanea oblatio (cf. Pom. XV. 16) in die virtutis tuae (quando scilicet manifestas et demonstras virtutem tuam in redemptione et sublectione omnium gentium); in splendoribus sanctis ex utero matutino tibi ros nativitatis tuae. » Alterum hoc incisum enuntians generationem aeternam continet rationem victoriae, quae describitur in inciso priori, eodem modo ut Act. XIII. 33. generatio aeterna continet rationem resurrectionis Christi Filii Dei. Ceterum cum metaphora illa « ex utero matutino (vel ex utero aurorae) tibi ros nativitatis tuae (aut veluti ros nativitas tua)-, conferri possunt loca realiter et verbaliter saltem quadamtenus parallela. «Quasi diluculum praeparatus est egressus eius 2 'IITŵ'3 'IXΛ'IO et veniet quasi imber nobis temporaneus et serotinus terrae- Os, VI. 3. « Rorate coeli desuper, et pubes pluant iustum » Is. XLV. 8. Utique in his locis directe sermo est de generatione secundum humanam naturam ; nihilominus tamen ex cis apparet, metaphoras « aurorae - et «roris de coelo» non esse a describenda *nativitate* Messiae alienas, et insuper in cis generatio aeterna implicite continetur. Utraque explicite coniungitur Mich. V. 2. 3. « Et tu Bethlehem... ex te mihi egredietur qui sit dominator in Israel (cf. tecum principium in die virtutis tuae), et egressus eius ab initio a diebus aeternitatis - (cf. ante luciferum genui te). Quod in hoc loco prophetae Vulgata dicit «ab initio-, hebraice est quam vocem eandem habet Syrus in Psalmo pro eo, quod latino est « ante luciferum - et hebraice « ex utero matutino, » adeo ut ille vetustissimus interpret in versione Psalmi omnino locum hunc Michacae respexisse videatur.

verbis Psalmi: *u ex utero ante luciferum genui te*, *n* parallela est declaratio Ioannis: *uunigenitus Filius, qui est in sinu Patris* *n c pcvcywfii vio c ω-j et zco v.ckno'j zcv ~ζtp*: Io. I. 18. *a* Ubi uterum de Deo audieris, dic vim generatricem Dei (το γεννητικόν του θεού) manifesto tibi revelatam esse *n* Basii, contr. Eunom. V. p. 316. Porro conferenda sunt illa loca, in quibus Sapientia hypostatica ab eo cuius est Sapientia expressa, dicitur *ab aeterno parturiri, generatione possideri, concepta esse, primogenita ante omnem creaturam* Prov. VIII. 22. sq.; Ecclessi. XXIV. 5. (vide thés. VII).

II. Supponimus, quod alibi demonstratum est de nostro modo cognoscendi divina. Perfectiones in creaturis sunt adumbrationes et imagines perfectionum divinarum. Unde cum nos in hac vita Deum non immediate in se ipso cognoscamus, sola nobis via patet ad cognitionem Dei concludendo a magnitudine speciei et creaturae ad creatorem: εκ 'λαο ρερε^ον ya'Û.cvr.ç γ.ζισπατων àva/.oytùç c ~/eveaioop/o Àmn θεωρεῖται Sap. XIII. 5. Absque praehabitis notionibus perfectionum, quas notiones ex consideratione creaturarum haurimus, Deus nobis maneret ignotus, nec revelationem de Deo, divinis attributis, ac personis ullatenus intelligere possemus. (Loquor de via ordinaria in praesenti ordine et praescindendo ab infusione *intellectualis* luminis prophetici, quod est participatio aliqua et imitatio luminis gloriae). Hinc divina revelatio descendit ad nos secundum modum nostrum, ut* fex Dionysio s. Thomas et reliqui Scholastici loqui solent; h. e. revelatio supponit in nobis multiplices perfectionum ideas, atque cum his connectit et ex his intelligibilem nobis reddit doctrinam coelestem de Deo rebusque divinis (videthes. XIX.). Perfectiones itaque quas secundam analogiam creaturarum in Deo vel ratione vel revelatione cognoscimus, verissime sunt in Deo licet alio modo quam in creaturis; in Deo scilicet secundum exigentiam divini *Esse* sunt in actu purissimo absque limitatione aut imperfectione originaliter et exemplariter, in creaturis sunt earum adumbrationes imperfectione circumscriptae. Sic igitur res ipsa quae nomine *generationis* et nomine *Filii* de Deo nobis revelatur, proprie et citra omnem

imperfectionem, quam hae rationes in creaturis implicitam habent, in Deo esse credenda est. Unde supposita revelatione quod duplex est processio in divinis, utraque quidem per communicationem naturae sed ita, ut altera sit proprie generatio altera non sit, possumus etiam pertingere ad aliquam intelligentiam huius differentiae, quoniam ratio propria generationis, qua ab aliis omnibus processionibus distinguitur, est nobis in creaturis satis comperta; haec autem processio quae in creaturis est ac dicitur generatio, respondet generationi in Deo non quidem secundum rationem identicam (univoce), attamen secundum similitudinem ac imitationem (analogice) ita, ut quoad rem significatam generatio perfectissime et maxime proprie sit in Deo, secundum aliquam divini exemplaris adumbrationem in creaturis. «Cum omnis cognitio nostra de Deo ex creaturis sumatur, si non erit convenientia nisi in nomine tantum (quando eodem nomine praedicamus perfectiones in Deo et in creaturis), nihil de Deo sciremus nisi nomina tantum vana, quibus res non subesset. Sequeretur etiam, quod omnes demonstrationes a philosophis datae de Deo essent sophisticae... Et ideo dicendum, quod de Deo et creatura nihil praedicetur univoce; non tamen ea quae communiter (de Deo et de creatura) praedicantur, pure aequivoce praedicantur sed analogice *n* S. Th. de Potent, q. 7. a. 7. cf. 1. q. 13. a. 5.

His suppositis seiungendae imprimis sunt omnes imperfectiones, quas generatio quaevis in creatis implicitas habet, quae tamen non pertinent ad propriam rationem generationis per se spectatae. Modum huius praecisionis imperfectionum revelatio ipsa nos docet non solum generali doctrina de infinita perfectione Dêi, sed etiam speciatim declarando generationem ut *intellectualem*. Duplici enim sub appellatione nobis exhibetur in universa revelatione ratio propria secundae personae Trinitatis, quod est *Filius* et *Verbum* (blcyoç) Patris. Utrumque nomen unam eandemque rationem designat (1) sed sub diversa analogia (th. XIX. η. I. 2°).

(1) « Eo quippe Filius, quo Verbum; et eo Verbum, quo Filius » Aug, Trin. VII. c. 2.

Filius designat hypostasim et hypostasim procedentem ab alio ea speciali communicatione naturae, quae est generatio. At vero in creatis generatio et proinde filius non potest esse in puris spiritibus, sed est solum in corporeis; neque generatio est per communicationem totius substantiae quae est in principio generante, sed per aliquam separationem et decisionem vitalem ex substantia generantis; unde naturae unitas inter patrem et filium solum est unitas specifica non numerica, et praeterea pater ut hypostasis est prior filio. Inde ulterius hypostases patris et filii sunt non solum distinctae sed separatae in alia atque alia numero natura cum reliquis diversitatibus, quae ex distinctione naturae consequuntur; proinde etiam similitudo non potest esse absoluta, quae coincidit cum unitate numerica naturae (th. XVI.). Hae autem omnes imperfectiones adhaerentes generationi in finitis atque corporeis repugnant in Deo spiritu infinito (1).

Hinc rationem generationis *intellectualis*, cuiusmodi sola puro spiritui convenire potest, divina revelatio disserte exprimit sub nomine *Verbi*. Creatus etiam spiritus intelligendo se producit verbum sui, de quo in superioribus satis dictum est. Secundum hanc analogiam facile intelligantur excludi omnes illae imperfectiones generationis corporeae, quas paulo ante commemoravimus. Unde Patres tam sollicitè commendant comparisonem *Verbi* cum appellatione *Filii* ad aliquam rei intelligentiam assequendam. Vide quae citavimus supra p. 316. cf. S. Th. Compend. theolog. c.40. At verbum in creatis deficit a perfectione, quoniam non est substantia, et proinde produciens et verbum productum neque sunt duae hypostases, neque nisi improprie in creatis verbi *generatio* dici potest (cf. S. Th. Compend. theolog. c. 38). Utraque ergo analogia coniungenda est, ut una suppleat alteram, et quod utroque nomine *Filii* ac *Verbi* perfectum exprimitur, in Deo intelligatur perfectissimum; quod vero includitur imperfectionis in significatione alter-

(1) Quomodo secundum diversitatem entium et naturarum sit diversus modus emanationis ab inanimatis corporibus usque ad supremum spiritum Deum, vide apud S. Th. contr. gent. IV. c. 11.

utrins, prout ex creaturis desumitur, corrigatur per significationem 'alterius' (1).

Iam possemus dicere: sicut in emanationibus corporeis non quaevis productio etiam viventium, et etiam quae sunt ex substantia principii producentis, sed una tantummodo specialis suisque propriis characteribus determinata processio proprie dicitur et est generatio, ita in processionibus spiritalibus, quae substantiales sunt tantum in Deo spiritu infinito, sola processio per formalem rationem intellectus et proinde processio *Veriti* proprie *generatio* est et ut talis nobis revelatur. Verum adulteriore aliquem intellectum analogicum necesse nobis est non quidem mere ex analysi notarum essentialium generationis, ut has ex creaturis perspectas habemus, sed tamen has notas praecisis imperfectionibus simul comparando cum praesupposito dogmate revelato considerare perfectionem infinitam sub formali ratione *generationis* in hac intellectuali processione Verbi.

Ipsa essentia generationis proprie dictae includit imprimis triplicem notam: ut <z> sit processio viventis a vivente. Quamvis enim etiam in inanimatis productio unius per virtutem et operationem alterius soleat dici generatio, ut ignis generat ignem etc.; ea est tamen impropria et essentialiter diversa a generatione propria viventis a vivente. Et quidem eo est generatio nobilior, quo nobilior est natura et

(1) Ex dictis patet, nullo modo fus esse impropriam existimare appellationem *Filii* in SS. Trinitate, innuo posse subesse suspicionem negatae distinctionis realis hypostascon, si quis utramque appellationem revelatam comparando *Verbum* tantummodo, non autem *Filium* proprie nominari contenderet. Hoc est quod Pins VI. (Bulla - Auctorem Fidei - in epilogo) improbat in Pistoriensibus inter ea, quae - si non pravo animo, imprudentius certe synodo exciderunt -, videlicet quod (pseudo-synodus) de ipsismet tribus divinis personis tradit, eas secundum earum proprietates personales et incommunicabiles exactius loquendo exprimi seu appellari Patrem, Verbum, et Spiritum Sanctum, quasi minus propria et exacta foret appellatio *Filii* tot Scripturae locis consecrata... ac non potius retinendum esset, quod edoctus ab Augustino Angelicus praeceptor vicissira ipse docuit. (1. q. 34. a. 2. ad 3), in nomine Verbi eandem proprietatem importari, quae in nomine Filii dicente Augustino: eo dicitur Verbum, quo Filius ».

vita generantis ac geniti. Nobilior itaque et specie differens (licet generice conveniens) est generatio in viventibus vita animali quam in viventibus vita solum vegetali; item nobilior in hominibus vitae rationalis quam in brutis animalibus. Attamen quia virtus propagationis et efficacia generationis etiam in animalibus rationalibus non est a natura formaliter ut rationalis est sed ut est animalis, diversitas potissimum constituitur in natura propagata et in relatione quae ex generatione oritur. Hinc quamvis proprie dicatur *generatio* tam in brutis animalibus quam in hominibus, attamen in hominibus magis proprie est *pater* et *filius*. Ulterius ergo adhuc nobilior esset generatio in puris spiritibus viventibus vita intellectuali; sed in spiritibus finitis id quod actu intellectuali producit, non producit per propagationem seu communicationem naturae atque adeo non est substantia, et propterea ibi nulla est generatio. In Deo autem spiritu infinito et puro actu, qui est ipsa vita essentialiter (·/· αὐτοζωή), actu intellectuali producit Verbum substantiale, ut superius ostensum est; adeoque ex hac primum ratione, quatenus est processio viventis a vivente, generatio in Deo est infinite perfecta, ut infinite perfecta est vita ipsa Dei. « Sicut Pater habet vitam in semet ipso, ita dedit et Filio vitam habere in semet ipso » Io. V. 26; « Christus Filius Dei vivi » Matth. XVI. 16.

δ) Continetur in ratione generationis, ut productio sit ex substantia generantis; « quod enim ex natura alicuius gignitur et non extrinsecus comparatur, id pro filio agnoscit natura, et haec est nominis significatio » Athanas. de decret. Nicaen. n. 10.

c) Requiritur, ut productio non solum sit ex substantia ac natura producentis, sed ut per insitura principium, quod dicere possumus principium fecunditatis, propagetur seu communicetur natura producentis in productum. Hoc est, quod tamquam ultima differentia ab aliis productionibus distinguens constituitur in definitione, in qua generatio dicitur processio viventis *a vivente principio in similitudinem naturae*. Unde productio Hevae ex costa Adami, licet forte dici queat processio viventis a vivente, ex substantia

Adami et etiam in similitudinem naturae, non tamen erat generatio, quia non per connaturale principium fecunditatis tamquam per causam ex sese, sed per solam operationem Dei creatricem producta est, ubi costa Adami nullo modo connaturaliter efficiens sed mere materialis causa erat, eaque non per se et secundum legem institutam naturae, sed per accidens et praeter legem naturae.

Iam vero sicut prima, ita etiam haec secunda et tertia ratio generationis in creatis reperitur quidem, sed est in eis imperfecta, ut consideranti facile patebit. Est enim haec, generatio annexa materialibus et corporeis, et per actus vitae sensitivae ac animalis perficitur, qui eo ipso pertinent ad ordinem inferiorem et essentialiter imperfectum.

At in communicatione naturae divinae omnes istae imperfectiones excluduntur opposita perfectione infinita. Generatio ibi est intellectualis, actu purissimo, absolute necessario intellectionis substantialis, et ideo non est transitus a potentia in actum, sed aeternus necessarius actus completus cum termino aeternaliter producto sibi immanente. Hic ipse actus ut terminum immanentem productum habens Verbum, est principium fecunditatis; adeoque principium fecunditatis non est in potentia vel habitu, sed est ipse actus ex necessaria sua perfectione semper completus. Unde generatio, ut superius ex PP. et s. Thoma recitavimus, tam necessario est in actu, quam necessario Deus est intelligens se ipsum et ipsa vita intellectualis. Porro essentia divina est ipsamet substantialis intellectio, adeoque processio ibi est secundum totam essentiam seu substantiam producentis, quod alioquin evidens est, cum substantia divina simplicissima non habeat partes. Hinc in À'erbo producto per intellectionem qua Pater perfecte comprehendit se ipsum, non alia numero essentia producitur, sed eadem numero essentia communicatur ac velut irradiatur: Filius est ex substantia Patris ita, ut sit Patri consubstantialis ἰς τὴν οὐσίαν ὁμοούσιος (th. VIII. n. II).

Ex dictis igitur ita concludendum est. Quo perfectior est *vita* in generatione, quo perfectior productio *ex substantia* producentis, quo perfectior *communicatio et unitas*

naturae in utroque, quo *principium fecunditatis magis est essenziale et perfectius in actu*, eo plenius et perfectius habetur id, quod significatur nomine *generationis*. Atqui in creatis generationibus, ex quibus nos primum derivamus cognitionem talis specialis productionis et ex quibus est prima nominis impositio, omnes illae rationes insunt quidem sed imperfecte; in Deo secundum rem significatam sunt perfectissime. Eodem igitur modo ut de perfectionibus divinis alibi diximus, etiam de *generatione* censendum est, et consequenter de appellationibus *Patris* ac *Filii*. Secundum nominis impositionem primum a nobis cognoscuntur et dicuntur de creaturis; secundum rem significatam primum sunt in Deo perfectione infinita, et in creaturis solum analogice per aliquam participationem et adumbrationem derivatam a Deo creatore. Quo ergo sensu Deus *solus potens, solus sapiens*, ea significatione plenissima in solo Deo dici potest *generatio, paternitas, filiatio*, « Illud sciendum est, nomina paternitatis, filiationis, processio- nis non a nobis ad beatam Deitatem translata esse, sed contra illinc nobis communicata, quemadmodum Apostolus ait (Eph. III. 15): flecto genua ad Patrem... a quo omnis paternitas in coelo et in terra nominatur » Damasc. Fid. orthod. 1. I. c. 8.

THESIS XXXI.

De ratione, cur processio tertiae personae non sit generatio.

« Si generalis notio *generationis* ex ipso revelato mysterio expoliat, modus processio- nis quem in revelatione doceri demonstravimus, snppeditat rationem internam, cur processio personae secundae sit, tertiae vero non sit *generatio*. » *

Licet ex iis quae in thesi superiori diximus, intelligatur Verbum esse proprie genitum et proprie Filius, si comparatio fiat cum generatione in creatis et nominatim cum generatione nobilissima, quae est in natura humana; nondum tamen liquet, cur processio personae tertiae non sit generatio. Sane tres rationes propriae generationis in su-

periori thesi commemoratae non minus huic processioni personae tertiae quam secundae competere videntur. Hic ego fateor, quamvis a theologis id non reperio animadversum, rationalem nostrum conceptum de propria ratione generationis profecisse ex revelatione mysterii ad plenioram intelligentiam, eodem fere modo, quo alibi (Tract, de Incarnat, th. XXVI.) necessarium esse demonstravimus, mere rationalem conceptum de hypostasi in comparatione cum natura singulari et integra expolire ex veritatibus sola revelatione cognitis.

In processionibus substantialibus corporeis, quae solae sunt in creatis, si sint per communicationem eiusdem (specificae) naturae ex insito principio viventis, nulla datur quae non eo ipso sit generatio. At in processionibus spiritualibus, quae sunt in Deo, revelatio nos docet, processionem personae tertiae, licet sit productio viventis a vivente ex principio intimo fecunditatis per communicationem eiusdem (numero) naturae, non tamen esse generationem (1); sed esse vere ac proprie generationem solam illam personae secundae. Necesse est ergo ut generationi propriae praeter tres notas commemoratas essentialis sit aliqua alia nota, qua secundae personae processio tamquam generatio distinguatur a processione altera, quae generatio non sit.

1' Ulterior nota essentialis ad propriam rationem *generationis* est in ipsa interna indole actus producentis, ut nimirum actus ex natura sua directus sit ad exprimendam similitudinem substantialem producentis; seu aliis verbis, requiritur ad veram rationem generationis, ut *ex ipso modo processionis* producat *substantialis imago* producentis. Si haec nota essentialis est, debet utique inveniri in omni generatione etiam in creatis; sed in processionibus creatis

(1) Propterea quod in creatis nulla Uniusmodi processio reperitur, ut monet s. Thomas, pro hac tertiae personae productione non habemus nomen speciale. «Deum nominare non possumus nisi ex creaturis; et quia in creaturis communicatio naturae non est nisi per generationem, processio in divinis non habet proprium vel speciale nomen nisi generationis. Unde processio quae non est generatio, remansit sine speciali nomine; sed potest nominari spiratio, quia est processio Spiritus - 1. q. 27. a. 4. ad 3.

productio viventis a vivente per communicationem naturae ex principio insito fecunditatis semper habet actum ex natura sua ordinatum ad producendam substantialem imaginem producentis ; et ideo numquam fuisset animadversum, hanc ultimam notam esse distinctam et separabilem a prioribus, atque adeo posse esse productionem secundum omnes tres notas priores, quin sit expressio imaginis et generatio; hoc inquam numquam fuisset animadversum, nisi revelatio nos docuisset, revera in Deo esse talem processionem, quae licet tres illas notas habeat intimas, non tamen est *generatio*, nec proinde terminus procedens est *Filius*. Eodem modo vidimus (Tract. de Incarnatione l. c.), in conceptu hypostaseos, quae est substantia singularis, integra, tota in se, ultimam hanc notam non solo lumine rationis sed praelucente revelatione de mysterio SS. Trinitatis et Incarnationis intelligi distinctam et separabilem a prioribus.

Quamobrem in definitione generationis tradi solita, quod est *productio viventis a vivente ex principio coniuncto in similitudinem naturae* (cf. S. Th. 1. q. 27. a. 2.), ultima particula debet accipi in sensu formali (ut aiunt) non solum sensu materiali; h. e. oportet non solum esse similitudinem aliunde, sed *ex ipso modo processionis*.

Iam vero evidens est haec differentia inter expressionem verbi per intellectionem, et inter processionem amoris per volitionem. Intellectus ex ipsa natura sui actus intelligendo producit expressam similitudinem rei intellectae; voluntas volendo ex natura sui actus non similitudinem rei amatae producit, sed inclinationem ad rem amatam et complacentiam in illa. Itaque prima persona divina intelligendo se infinita intellectione substantiali ex ipsa naturalis actus exprimit substantialem adaequatam sui imaginem ; et ideo haec est verissime et proprie *generatio*, et proinde proprie est *Pater* ac *Filius*. Sed Pater et Filius diligendo se dilectione substantiali producunt immanentem terminum amorem substantialem, qui quidem ut substantialis et ideo identificatus cum essentia divina est verus Deus, unum cum Patre et Filio; at dilectio in Patre et Filio ex sua formali ratione dilectionis non tendit ad ex-

primendam imaginem, nec amor (ut diximus) ex formali sua ratione, quatenus amor est, potest intelligi imago rei amatae; quamvis amor in Deo procedens, quatenus substantia est divina, sit unum cum Patre et Filio. «Sicut Spiritus Sanctus quamvis sua processione accipiat naturam Patris sicut et Filius, non tamen dicitur natus; ita licet accipiat speciem similem Patris (licet sit unius naturae et perfectionis cum Patre), non dicitur imago; quia Filius procedit ut Verbum, de cuius ratione est similitudo speciei ad id a quo procedit, non autem de ratione amoris; quamvis id conveniat amori qui est Spiritus Sanctus, in quantum est amor *divinus* » S. Th. 1. q. 35. a. 2. Propterea igitur, quod formalis ratio dilectionis non refertur ad exprimendam similitudinem amantis, et formalis ratio amoris non est repraesentatio et imago producentis, productio amoris non est generatio ; sed habet aliam a generatione distinctam rationem, quae potest et solet dici spiratio (ut alibi declaravimus). Ab Augustino appellatur datio i. e. processio Spiritus Sancti per amorem ut donabilis: « exiit (Spiritus Sanctus) non quomodo natus, sed *quomodo datus*; et ideo non dicitur Filius » Trin. V. c. 14.

In hac re quomodo differat a generatione processio tertiae personae Augustinus fatetur se maximam reperisse difficultatem (Trin. XV. n. 45). Plerumque solam eam rationem proponit, quod Spiritus non ab uno Patre sed a Patre simul et Filio procedat (in Io. tract. 99. n.9; contr. Maximin. II. c. 14. n. 1; Trin. XV. n. 47. 48. et alibi). Verum ipsemet persensit inde non satis intelligi differentiam, et manere « difficillimum generationem a processione distinguere » (l. c.). Tandem vero indicavit, rationem intimam quaerendam esse in eo, quod *Veritum* ut imago Patris atque ideo generatione ut Filius; *amor* autem qui est Spiritus Sanctus, *non secundum formalem rationem imaginis* et idcirco non per generationem procedat. Quod quidem declaravit ex analogia spiritus creati, ubi ex memoria cogitante procedit *cogitatio expressa seu verbum* ut perfecta imago ipsius mentis seu memoriae cogitantis; *dilectio* vero procedit ex memoria cogitante et ex cogitatione formata

seu verbo, non tamen procedit ut cogitantis et cogitationis *imago*, quoniam *cogitatione conspicere, et appetere vel perfrui voluntate* per se minime sunt similia, seu non habent inter se rationem archetypi et imaginis expressae, « 0 tu anima mea adtolle oculos in ipsam lucem et eos in eam fige, si potes; sic enim videbis, quid distet nativitas Verbi Dei a processione Doni Dei... Unde cum sit communio quaedam consubstantialis Patris et Filii amborum Spiritus, non amborum, quod absit, dictus est filius. Sed ad hoc dilucide perspicueque cernendum non potes ibi aciem figere; scio, non potes... Ipsa tamen (lux illa) tibi ostendit in te tria illa, in quibus tu summae ipsius quam fixis oculis contemplari nondum vales, imaginem Trinitatis agnosceres. Ipsa ostendit tibi verbum verum esse in te, quando de scientia tua gignitur, i. e. quando ex illo quod novimus... cogitatio nostra formatur, sitque *in acie cogitantis imago simillima cogitationis quam memoria continebat*, ista duo velut *parentem ac prolem tertia voluntate sive dilectione iungente. Quam quidem voluntatem de cogitatione procedere*, nemo enim vult quod omnino quid vel quale sit nescit, *non tamen esse cogitationis imaginem, et ideo quamdam in hac re intelligibili nativitatis et processionis insinuari distantiam, quoniam non hoc est cogitatione conspicere quod appetere vel etiam perfrui voluntate*, cernit discernitque qui potest. Potuisti et tu, quamvis non potueris nec possis explicare sufficienti eloquio, quod inter nubila similitudinum corporalium, quae cogitationibus humanis occurrere non desinunt, vix vidisti » Augustin. Trin. XV. c. 27. n. 50. Vide. S. Th. 1. q. 27. a. 4.; contr. gent. IV. c. 19.; Suarez l. XI. c. 5. 6.; Petav. l. VII. c. 14. ci'.l.V.c. 18.; Pallavicin. Curs. theolog. l. VIII. c. 47. n. 432. sqq.

2°. Adhuc superest ad huius disputationis conclusionem, ut declaremus rationem imaginis. In Scripturis ipsis ratio imaginis substantialis sine dubio exhibetur ut proprietas Filii, « Imago Dei invisibilis » Coloss. I. 15.; 2. Cor. IV. 4.; « splendor gloriae et figura substantiae eius » Heb. I. 3.; « vapor virtutis Dei et emanatio quaedam claritatis omnipotentis Dei sincera... candor lucis aeternae, et speculum

sine macula Dei maiestatis, et imago bonitatis illius » Sap. VII. 25. 26. Eadem proprietas imaginis quae a filiatione, ut ex dictis iam constare potest, non aliter differt quam definitio a definito, deinde a Patribus et theologis Filio vindicata est et multipliciter declarata. Nihilominus Patres graeci non pauci, quos vide apud Petavium l. VII. c. 7, Spiritum Sanctum dixerunt imaginem, sigillum, imaginem naturalem Filii. Quod si eadem proprietate diceretur de Spiritu Sancto, qua Filio convenit ratio imaginis, iam ostendi non posset, cur Spiritus Sanctus non et ipse sit Filius. Animadvertendum itaque est, ad rationem imaginis proprie dictam tria postulari.

a) Requiritur, ut sit similitudo ad eum, cuius dicitur imago. Haec prima ratio necessaria quidem est, sed nullo modo sufficit. Imagini enim tamquam suum correlatum respondet exemplar seu archetypus; inter haec duo autem est relatio derivationis imaginis ab archetypo, imitationis quippe ratio inest imagini; unde nec. unum alterius imago dici potest, ubi inter duo similia nulla est huiusmodi relatio derivationis, inulto vero minus archetypus potest dici imago prae simili a se derivato.

b) Igitur postulatur, ut imago sit derivata a suo archetypo h. e. ab eo, cuius dicitur imago. « Omnis imago similis est ei, cuius imago est; nec tamen omne quod simile est alieni, etiam imago est eius; sicut in speculo et pictura, quia imagines sunt, etiam similes sunt; tamen si alter ex altero natus non est, nullus eorum imago alterius dici potest. Imago enim tunc est, cum de aliquo exprimitur » Augustin, de Gen. ad litt. imperfect, n. 57. Haec igitur duo (similitudo et derivatio) si adsint, poterit simile derivatum ab altero significatione minus stricta appellari huius sui principii imago. Rectissime ergo ex illo modo loquendi Patrum graecorum, quo Spiritum Sanctum dicunt imaginem et imaginem naturalem ac sigillum Filii, demonstratur eorum fides de processione Spiritus Sancti etiam a Filio.

c) Attamen ad propriam rationem imaginis non sufficit quaevis derivatio; sed opus est, ut modus ipse derivatio-

nis seu processionis ex sua formali ratione tendat ad exprimendam similitudinem. Unde ex iis quae de generatione diximus, evidens est, proprio sensu *imaginem naturalem* seu secundum naturam non posse esse nisi per generationem. Spiritus Sanctus ergo non est proprio sensu imago Patris ac Filii, praesertim si comparatur cum ratione, qua Filius est imago Patris. Est enim Filius Patris imago non solum similitudine perfectissima, quae salva distinctione personarum consistit in identitate numerica naturae et totius perfectionis absolutae (supra th. XVI.), sed etiam ex modo processionis, quod Verbum exprimitur formaliter ut substantialis similitudo Patris. Cf. S. Th. 1. q.35. (1).

3^o. Affine appellationi imaginis est, quod Spiritus Sanctus a Patribus nonnullis *Verbum Filii*, a s. Basilio (cont. Eunom. 1. V. p. 305) et a s. Cyrillo (Thesaur. T. V. P.I. p. 344.) *mens Filii* dicitur. Haec nomina dupliciter accipi possunt : a) ita, ut significetur processio et modus processionis per formalem rationem *intellectus*, et propterea ex ipso modo processionis comprehensio et repraesentatio omnium rationum et idearum aeternarum. Hoc proprio sensu solus Filius est Verbum, et in eadem significatione relativa mens expressa Patris (supra thés. XXVI.).

b) Verbum et mens (procedens) dici potest solum ad significandam processionem sine determinatione modi, h.e. ita ut appellatio non desumatur ex modo processionis sed ex annuntiatione veritatis ad extra. Ita Patres illi Spiritum Sanctum appellant Verbum ac mentem (expressam) Filii, quoniam et ab illo procedit et docet omnem veritatem et non loquitur a semetipso (velut existens sine principio producente); sed quaecumque (procedendo) audit, loquitur. « Cum Spiritus Sanctus mens sit ipsius (Filii) iuxta

(1) Nemini puto indo oriatur difficultas, quod videamur declarare generationem ex ratione imaginis, et vicissim propriam rationem imaginis naturalis ex generatione. Haec enim duo mutuo sese inferunt, et prout alterutrum supponitur notius, unum demonstratur ex altero. Ceterum non iam simpliciter unum ex altero, sed utrumque declaramus ex modo processionis in sua formali ratione tendentis ad exprimendam similitudinem.

beatum Paulum dicentem : nos mentem Christi habemus; omnino ea loquetur et ordinabit, quae et ipse (Filius), cuius mens est. Idcirco affirmavit Spiritum nihil ex se locuturum, ac si dixisset: ego rursus sum, qui loquor; perinde fere ac si mens in homine diceret de procedente in se verbo: non loquetur a se ipso, sed quaecumque audierit, loquetur... Idem fere de Spiritu Sancto sentiendum est. Cum enim sit mens Christi, omnia quae in ipso sunt, discipulis loquitur non voluntate sibi propria, neque docens in voluntate aliena ab eo, in quo et ex quo est, sed tamquam ex eius essentia naturaliter procedens (ὡς ἐκ ζτ. εὐσία ἀνζεν ζῶσικω: *zpcio*) et totam eius habens voluntatem sicut et operationem n s. Cyrill. 1. c. Vide Petav. 1. VII. c. 7. n. 5. sqq.

Quae de personis singulis dicenda erant, complexi iam sumus in hac tractatione; neque enim sine illis Trinitas in complexu, et processiones modusque processionum explicari poterant. Unum tamen caput superest tum per se tum ob rationes polemicas momenti gravissimi, quod nunc aggredimur.

SECTIO HI.

DE PROCESSIONE SPIRITUS SANCTI EX PATRE ET FILIO

CAPUT I.

DE IMMANENTE PROCESSIONE SPIRITUS SANCTI
A PATRE FILIOQUE REVELATA IN SS. SCRIPTURI!

THESIS XXXII.

*Processio Spiritus Sancti etiam a Filio demonstratur
ex disserta doctrina Scripturartim.*

« Processio Spiritus Sancti a Filio aequae ac a Patre demonstratur
n ex manifesta doctrina ipsius Filii in Scripturis consignata Io. XVI,
» 13. sqq.; tum ex indicata multis in locis relatione *Spiritus Filii*, non
» secus ac est *Spiritus Patris*. »

I. Manifestissime Filius non solum relationem Spiritus Sancti ad se ipsum, sed etiam rationem huius relationis declarat Io. XVII. 13-15. ita, ut hoc ipso quod Spiritus Sanctus procedit a Patre, dicatur aequae procedere a Filio, quia quamvis Pater non sit Filius, omnes tamen perfectiones et formales rationes (praeter esse Patrem et esse Filium, seu quod perinde est, praeter generationem Verbi et formalem rationem Verbi) omnino communes sunt et unum in Patre atque in Filio, et proinde etiam in utroque uua est virtus seu unus actus spirandi personam tertiani per communicationem unius essentiae.

«Cum venerit ille Spiritus veritatis (ἐξεiveçç, το πνευρα τη αλήθεια), docebit vos omnem veritatem; non enim loquetur a semetipso, sed quaecumque audiet (1), loquetur; et quae ventura sunt, annuntiabit vobis. Ille me clarificabit, quia de meo accipiet, et annuntiabit vobis. *Omnia quaecumque habet Pater, mea sunt. Propterea dixi: quia de meo accipiet* (2), et annuntiabit vobis.» Spiritus veritatis

(1) Aliqui PP. habent *audit*, alii *audierit*. Vide Sabatier Vers. Itai. Etiam textus graecus patitur versionem *audierit*.

(2) Sicut Vulgata habet etiam textus graecus receptus post Henricum Stephanum λτίψεται in futuro; sed habent λα/zpcmi in praesenti

α: c rrJtyπα τη αλήθεια docens omnem veritatem, est ipsemet absoluta veritas ή αλήθεια, de quo nunc dicere non est opus; divinitas enim personae tertiae hic supponitur.

Γ. Iam Spiritus veritatis « non loquetur a semet ipso, sed quaecumque audiet, loquetur; » imo haec datur velut ratio et declaratio, cur sit absoluta veritas: docebit omnem veritatem, non *enim* loquetur a semetipso. Haec dicta de persona divina evidenter non possunt habere alinm sensum, quam quod locutio, doctrina, absoluta sapientia non est huic personae a semet ipsa h. e. non incomunicata; sed est ei communicata ab alia persona divina, quae sit principium eius originis. Neque enim hoc *audire* et *discere* in persona divina potest significare aliud quam communicationem sapientiae, quae identificatur cum essentia divina. Eodem prorsus modo Filius suam processionem a Patre demonstrat: «qui me misit, verax est; et ego *quae audivi ab eo*, haec loquor in mundo: et non cognoverunt, quia *Patrem eius dicebat Deum*; » « a me ipso facio nihil, sed *sicut docuit me Pater*, haec loquor » Io. VIII. 26. 28. cf. VII. 16; XII. 49. 50.; «non potest Filius a se facere quidquam, nisi quod viderit Patrem facientem; quaecumque enim ille fecerit, haec et Filius similiter facit; Pater enim diligit Filium, *et omnia demonstrat ei*, quae ipse facit » ib. V. 19.

2° Si certum est nec nisi pervertendo divinitatem personae ac totam mysterii oeconomiam negari potest, personam a qua dicitur Spiritus Sanctus audire, esse principium processionis communicans essentiam, solum inquirendum est, quatenam sit illa persona.

At a) evidens est, h. l. Filium esse, a quo Spiritus veritatis, nihil loquens a semet ipso, dicitur audire. Id quamvis non disserte diceretur, constaret iam ex ipso scopo orationis; istis enim incisis Christus dat rationem, cur et

Codd. plurimi (inter quos Vaticanus B, Sinaiticus, et Cantabrigensis D); PP. graeci plures; versio latina antehieronymiana in Cod. Vercell. Tum hoc versiculo 15. tum v. 14. habent tempus praesens versiones, syriaca simplex Λ / . -X . Çc- gothica: *us meinamma nimith*; auglosaxonica; *he nimith of minum*.

quomodo sua doctrina et doctrina Spiritus Sancti necessario sit una, ut praeclare animadvertit s. Cyrillus Alex. (The-saur. T. V. P. I. p. 350. cf. in Io. 1. XI. T. IV. p. 930). «Ne quis suspicaretur, doctrinam Spiritus Sancti aliquando non fore secundum eius mentem, ostendit manifesto, quod cum ipsius (Filii) sit Spiritus, *etiam verba ex ipso (Filio) administrabit... ac si mei de qualitate naturali quae sibi inest, dicat: nihil ex se ipsa gustantium sensui immittet, sed ex meo accipiet*, n

b) Verbis etiam dissertis Filius seipsum declarat esse, a quo audit Spiritus Sanctus, et audit procedendo ab ipso. u Ille me clarificabit, quia de meo accipiet. » Hic in primis explodenda est recentiorum Graeculorum absurda detorsio, qui εκ xg'j epov interpretantur: a Patre meo. Talis sensus iam per se non posset subesse particulae, cum nomen Patris non praecesserit, et evidenter excluditur sequentibus. Nam *meum* xc epov vel rs epov repetitur in numero plurali u *mea sunt* (ερα εσχι), propterea dixi, quia *de meo accipiet* (i/. χov επεν Ι.αρβανει); ubi evidenter illud *mea* et *meum* non ad Patrem refertur, sed designat id, quod inest Filio communicatum a Patre (1).

c) Insuper omnes Patres etiam graeci intellexerunt significari in genere neutro id, quod inest Filio, non autem in genere masculino ad Patrem referri posse. « Spiritus *ex Filio* accipit (εκ nu viov λαρβανει), namque de meo, inquit, accipiet» Athanas. ad Serapion.ep. I. n. 20. «Non Spiritus coniungit Verbum cum Patre; sed potius *Spiritus a Verbo accipit* (ἀλλὰ ραλλο χο άνευρα παρα χov ηcycv λαρβανει)... Ipse (Filius) dat Spiritui (οιόωσι τω πνευραχι al. χο itvlvpa), uti dictum est, *et quaecumque habet Spiritus, a Verbo habet*» (και έσα εγει χο πνευρα, παρα χov).ογον έχει) Id. orat. III. contr. Arian, n. 24. « *A me Spiritus procedit* (πδρ έpcv cppodat)} cum autem dico *a me*, etiam a Patre significo, mea enim sunt ea quae Patris; ad hunc ergo modum intellige illud: *de meo accipiet* n Apollinarius (in Catena Corderii p. 396.),

(1) Vide in Opusculis aureis Bessarionis dissertationem de Processione Spiritus Sancti p. 241, ubi ostendit, etiam sola spectata Grammatica pronomen iv. too t^coo non posse referri ad Patrem.

«De meo accipiet, id est quae ego dixi, et ille dicet., *mea loquetur*» Chrysost. in Io. hom. ⁸. al. 77. n. 2. «Quoniam (Spiritus) consubstantialis est Filio, et modo Deo congruente per ipsum procedit (/αι προεισι θε^πρεπω ot àνrcv) , omnem eius perfectissimam in omnibus operandi vim atque ejjicaciam habens, idcirco ait : quia de meo accipiet... extra reprehensionem ergo et calumniam omnino est, si ab unigenito quidquam accipere dicitur Spiritus eius; nam cum per ipsum naturaliter procedat, utpote qui eius est proprius Spiritus, cum omnibus Cdivinis attributis) quae perfecte habet, accipere dicitur quae sunt eius » t.g c i c j γαρ 3i àντιυ Θυσιζω , ω ίδιον (πνευαα) ανζcν, μετά. πάντων ων ί/ει τελείω , λαριβα>ctv λε/εταί τα αυτόν Cyrill.'in Io. T. IV. p. 929. 930. Citra omne itaque dubium verba illa: *de meo accipiet*, significant accipere de iis quae sunt Filii.

3|| Non solum accipit de iis, quatenus sunt in Patre, quae est altera schismaticorum cavillatio, sed formaliter quatenus sunt in Patre et in Filio.

Nam a) eadem rationes , quae probant significari acceptionem de iis quae sunt Filii, etiam probant significari acceptionem de iis, formaliter quatenus sunt Filii. Agitur enim de iis quae sunt interna personae, ubi si *de meo accipere* non significat accipere de eo quatenus meum est et accipere a me, sed licet intrudere huiusmodi glossas nullum habentes fundamentum in verbis ipsis, quae adhuc tuta manebit sive Scripturae sive humani sermonis interpretatio ? b) Quamvis Spiritus Sanctus aequè Patrem ac Filium et se ipsum clarificet, lamen h. l. per incisum «quia de meo accipiet » datur ratio immediata, cur clarificet *Filium*; adeoque necessario debet intelligi accipere a Filio, c) Christus dat rationem, cur Spiritus Sanctus ab ipso accipiat, quamvis paulo ante dixerat eum procedere a Patre (XV. 26.). Hoc ipso videlicet quod procedit a Patre, eodem modo accipit atque adeo procedit a Filio. Quia enim omnia quae sunt Patris (excepta sola formali ratione Patris), sunt eadem numero Filii, inter haec omnia communia Patri ac Filio disserte docet contineri virtutem et actum communicandi omnia Spiritui Sancto, i. e. per communicationem essentiae

cum omnibus perfectionibus absolutis spirandi Spiritum Sanctum, „ Omnia quaecumque habet Pater, mea sunt; *propterea* dixi, quia de meo accipiet. » Quae sententia Christi Domini in forma enthymematis, resolvi potest in syllogismum: quaecumque habet Pater, mea sunt; atqui Pater habet virtutem principii, ut Spiritus Sanctus accipiat de eo quod est Patris; ergo etiam mea est eadem virtus principii, ut Spiritus Sanctus de meo accipiat, „ De Filio ergo accipit, et omnia quae habet Pater, Filii sunt, quae Spiritus Sanctus accipit, quia non de solo Patre, nec de solo Filio, sed simul de utroque procedit Fulgent, contr. Fabian, fragm. 27. p. 612. Hinc rf) ss. Patres ubi characterem personalem Spiritus Sancti ipsis verbis Scripturae efferre propositum habent, solent haec duo ex Io. XV. XVI. coniungere: « Spiritus Sanctus, qui a Patre procedit, et *accipit a Filio* (vel *ab iis quae sunt Filii*, vel *ea quae sunt Filii*)! Athanas. ad Serap. ep. I. n. 20; Cyrill. Hieros. cat. XVI. n. 24; Epiph. ancorat. n. 67. 73; haeres. LXIV. n. 4; Didymus Alex, de Sp. S. (ex versione s. Hieronymi) n. 37; Hilar. Trin. VIII. n. 20; Ambros. in Luc. l. VIII. n. 66; Iacobus Sarugens. (apud Asseman. B. O. T.I. p.302); liturgiae syriacae ss. Dionysii, Maruthae, Xysti (Renaudot liturg. orient.); Patres alii.

4°. Una remanet difficultas, qua velut suo argumento praecipuo utuntur haeretici Photiani ad huius et aliorum testimoniorum vim eludendam. Potest quippe dici, hoc loco neque sermonem esse de processione immanente et aeterna Spiritus Sancti; sed de operatione in tempore et ad extra. Neque enim dicitur Spiritus Sanctus communicatam accipere essentiam, sed accipere de doctrina Christi, idque in futuro, pro tempore scilicet inspirationis in Apostolis et assistentiae in Ecclesia proindeque secundum operationem ad extra.

Huiusmodi obiectiones, quibus missio, promanatio, acceptio quaecumque unius divinae personae ab altera (nisi forte de Filio incarnato agatur secundum humanitatem assumptam) proponuntur seclusa processione interna, istae inquam schismaticorum obiectiones demonstrant, ab iis

ipsam notionem totumque mysterium SS. Trinitatis perverti. Uno verbo itaque respondere possemus, quodcumque et quomodocumque una persona divina (cuius una tantum sit natura) a persona divina altera *accipere* seu potius *recipere* dicatur, id nec dici nec concipi potest sine perversione totius mysterii nisi *supposita processione interna*. Deus enim nihil potest *sibi accipere* ab alio, nisi quatenus persona una per originem relativa est ad alteram ; haec vero origo est per communicationem ipsius divinae essentiae. Nihilominus verba Christi Domini singillatim consideremus.

«) Evidenter non est sermo solum indeterminate de operatione ad extra, sed saltem enuntiatur operatio Spiritus Sancti ita, ut haec sit communicata a Filio. Id demonstrat tum locutio *negativa* : non loquetur a semetipso; tum *affirmatio* : quaecumque audiet loquetur, de meo accipiet et annuntiabit vobis. Atqui sicut actio in personis divinis non est aliud quam ipsa divina essentia (cum respectu ad extra), ita communicatio operationis ab una persona ad aliam non est nisi communicatio essentiae seu naturae divinae. Unde etiam Filius suam processionem a Patre demonstrat ex unitate actionis, quae a Patre in ipsum Filium communicatur, ut paulo ante diximus.

6) Quid sit illud *meum*, de quo Spiritus Sanctus dicitur accipere, quaeri potest dupliciter: quid sit *formaliter* atque secundum distinctionem rationis, et quid sit *identice ac realiter*. In significatione formali iterum distinguere debet, quod est internum ac communicatum ipsi personae divinae, et prout inde est aliquid transiens in creatura. In ultima hac significatione illud *meum* est doctrinae annuntiatio et ipsa doctrina: « quae ventura sunt annuntiabit vobis; » ude meo accipiet, et annuntiabit vobis. » Actioni huic transeunti respondet et supponitur in persona divina immanens sapientia et scientia, et hanc sapientiam immanentem dicitur Spiritus veritatis accipere a Filio veritate; tali enim solummodo acceptione una persona divina potest *audire* ab altera persona. Igitur in *significatione formali* illud *meum*, quod Spiritus veritatis dicitur accipere communicatum a Filio, est

absoluta sapientia cum respectu ad extra, ad doctrinam scilicet inspirandam et annuntiandam. At profecto sapientia absoluta *identice ac realiter* est ipsamet essentia divina. Vide Ioannem theologum in Cone. Florent. Harduin IX. p. 255. 258.

Hinc pariter vidimus, a Filio suam processionem declarari per communicatam sibi scientiam et sapientiam a Patre. « Hoc est, docuit me Pater (Io. VIII. 26.), quod est, scientem me genuit Pater.... quemadmodum illi gignendo dedit ut esset, sic gignendo dedit ut nosset » Aug. in Io. tract. XL. n. o. Sic ergo etiam Spiritui Sancto hoc est *nosse* per auditionem a Filio, et accipiendo de eo quod Patris et Filii, quod est procedendo a Patre et Filio *esse*, « Non loquetur a semet ipso, quia non est a semet ipso; sed quaecumque audiet loquetur: ab illo audiet, a quo procedit. *Audire illi scire est, scire vero esse*; sicut superius disputatum est. Quia ergo non est a semet ipso, sed ab illo a quo procedit, *a quo illi est essentia, ab illo scientia; ab illo igitur audientia, quod nihil est aliud quam scientia.*.. A quo autem habet Filius ut sit Deus, est enim de Deo Deus, ab illo habet utique, ut etiam de illo procedat Spiritus Sanctus; ac per hoc Spiritus Sanctus ut etiam de Filio procedat sicut procedit de Patre, ab ipso habet Patre *n* August, in Io. tract. XCIX. n. 4. 8. cf. contr. sermon. Arianor. c. 23. Dignissimus est qui legatur Didymus de Spir. Sanct, n. 36. 37. ex versione s. Hieronymi.

c) Ex dictis patet, quomodo sit intelligenda forma futuri temporis *audiet, accipiet*. Auditio et acceptio immanens personae divinae est aeterna cum respectu ad effectum temporarium ad extra. Si igitur spectatur ut immanens et aeterna, sine successione semper erat, est, et erit; sicque omne temporarium tum quando existit, ei coexistit. Quo sensu diximus alibi, Filium aeternaliter generari a Patre etiam tum, quando secundum humanitatem nascitur ex Virgine, et quando resurgit a mortuis. Unde de aeternitate nullum tempus proprie, et aliquo sensu praeteritum, praesens, et futurum potest enuntiari, prout scilicet tempora in sua successione coexistant incommutabili aeterni-

tali (1). (Vide Tract, de Deo th. XXXI. XXXII.). Sic ergo etiam de aeterna immanente acceptione sapientiae et essentiae cum respectu ad effectum in tempore futurum ad extra potest adhiberi tempus futurum: audiet, accipiet et annuntiabit; quo non significatur auditio et acceptio tum incipiens, sed quod etiam tum audit et accipit, quando effectus ad extra primum realiter existit. Uno verbo: Spiritus Sanctus aeternaliter audit et accipit a Filio cum respectu ad effectum in tempore, qui tum quando Christus loquebatur, promittebatur adhuc futurus; ideo auditio et acceptio quae aeternaliter et ideo etiam tunc est, quando existit effectus, potuit propter hanc operationem et propter hunc effectum futurum ad extra enuntiari in forma temporis futuri.

Patres graecos qui ex hoc testimonio Io. XVI. docent processionem Spiritus Sancti etiam a Filio, vide interim apud Petav. 1. VII. c. 5.

II. Spiritus Sanctus relative dicitur ad personam aliam, *alicuius Spiritus*; in significatione enim absoluta nomen *spiritus* et *sanctus* non est proprium uni sed prorsus commune tribus personis (Aug. Trin. V. c. 11). Necessario ergo quatenus nomen proprium est tertiae personae eam distinguens a personis aliis, *relative* sumitur, sicut cetera omnia nomina *personalia* in SS. Trinitate, ut *Spiritus* -'Jivpa idem sit ac *spiratus* seu *spiramen* πνοή (cf. supra p.401.), adeoque exprimat relationem originis ad eam personam, et processionem seu *spiratum esse* ab ea persona, cuius dicitur Spiritus.

Athanasius in libro de Trin. et Spir. S., qui editus est etiam velut 1. XII. de Trin. inter Opera Vigilii Tapsensis in antiqua latina versione nobis servatus, et a Maurinis

(1) « Nec moveat, quod verbum futuri temporis positum est... quaecumque audiet, loquetur. Illa quippe audientia sempiterna est, quia sempiterna scientia. In eo autem, quod sempiternum est sine initio et sine fine, cuiuslibet temporis verbum ponatur, sive praeteriti sive praesentis sive futuri, non mendaciter ponitur... Semper itaque audit Spiritus Sanctus, quia semper scit; ergo et scivit et scit et sciet, ac per hoc et audivit et audit et audiet; quia, sicut iam diximus, hoc est illi audire quod scire, et scire illi hoc est quod esse. Ab illo igitur audivit, audit et audiet, a quo est; ab illo est a quo procedit» S. Aug. in Io. tract. XCIX. n. 5; contr. Sermon. Ariauor. c. 24.

incunctanter indicatur genuinus Athanasii foetus, praeclare hanc significationem relativam explicat, « Misit Deus *Spiritum Filii sui* in corda nostra. Videntes autem etiam unigenitum insufflantem in faciem Apostolorum et dicentem : accipite Spiritum Sanctum, *spirationem Filii* in propria vita et substantia manente (*forte* manentem) Spiritum esse doceamur, et neque genitum neque creatum esse a Filio sapiamus.... Propterea vero non est genitus ab eo Spiritus, quia non est Verbum eius; creaturam vero dicere Spiritum, absit ! Verumtamen *spirationem Filii Dei* eum ex sanctis Scripturis docti sumus, *et fontem Spiritus et Filium dicimus* » Athan. 1. c. n. 19. Ab eodem Spiritus dicitur « *spiramen et bonus odor Filii* » (πύον, εὐωδία : cv wcu) ep. 1. ad Serap. n. 23. 24; ep. 3. n. 3. Dissertissime rem declarat Augustinus. « Fides nostra est, Patrem, Filium et Spiritum Sanctum unum Deum credere et confiteri; nec tamen eum qui Filius est, Patrem dicere; nec eum qui Pater est, Filium; nec eum qui *Spiritus Patris et Filii est*, aut Patrem aut Filium nuncupare. His enim appellationibus *hoc significatur, quo ad se invicem referuntur*, non ipsa substantia, qua unum sunt. Nam et Pater cum dicitur, non nisi alicuius Filii dicitur, et Filius non nisi alicuius Patris intelligitur, *et Spiritus secundum id quod ad aliquid refertur, spirantis alicuius est, et spirans utique Spiritum spirans est...* Proprio autem modo quodam (hypostatice) dicitur Spiritus Sanctus, *secundum quod refertur ad Patrem et Filium, quod eorum Spiritus Sanctus sit* » Aug. ep. 238. al. 164. n. 14. 15. ad Pascent. « In eo quod *proprie* (hypostatice) dicitur *Spiritus Sanctus, relative dicitur, cum et ad Patrem et ad Filium refertur, quia Spiritus Sanctus et Patris et Filii Spiritus est* » Id. de Trin.V. n. 12. Eodem modo Fulgentius. « Pater a nullo est genitus, Filius a Patre est genitus, *Spiritus Sanctus a Patre Filioque procedens est*. Pater non sibi est sed Filio; Filius non sibi est sed Patri; *Spiritus alicuius est adspirantis; ergo ad Patrem Filiumque refertur*. Ista itaque *relativa nomina* Trinitatem faciunt; essentialia vero nullo modo triplicantur » Fulg. ad Felicem notarium de Trin. c. 2; ep. 14. n.9.

ad Ferrand, diacon. In professione fidei Concilii Wormatiensis (1) hoc Ipsuin proponitur, *u Spiritum Sanctum credimus... a Patre Filioque procedentem amborum esse Spiritum... Nec Patris tantum nec Filii tantum, sed simul Patris et Filii Spiritus dicitur. In relativis personarum nominibus Pater ad Filium, Filius ad Patrem, Spiritus Sanctus ad utrosque refertur* n Mansi T. XV. p. 868.

Immo penes Patres veritas, quod Spiritus Sanctus dicitur *alterius personae Spiritus unice, quatenus ab ea procedit*, ita extra omne dubium est, ut unum explicent per alterum. Sic Athanasius : *u Patris est Spiritus* qui dictus est Filii, siquidem ipse Filius ait: Spiritus veritatis, *qui a Patre procedit* n ep. 3. ad Serap. n. 1. Eodem modo argumentatur Augustinus. « Quod sit ipse *Spiritus Patris*, ipse Filius dicit: *de Patre procedit*; et alio loco: *Spiritus Patris vestri*, qui loquitur in vobis » Serui. 71. n. 29. Et Gregor. Nyssenus serm. 3. in oration, dominicam: « Spiritus Sanctus et ex Patre dicitur et *ex Filio esse attestatione confirmatur* (2); *si quis enim Spiritum Christi non habet*, inquit (Apostolus), hic non est eius. Igitur *Spiritus ex Deo et Dei Spiritus* est; Filius autem cum sit ex Deo (Patre), non iam Filius ipsius Spiritus (rcu πνιυματοζ) est aut dicitur, neque *relativa haec consecutio convertitur* » (quia scilicet cuius personae dicitur Filius aut Spiritus, ab ea intelligitur procedere). Basilius: *u Spiritum Sanctum per Filium effulgere* Apostolus manifestum fecit, *Spiritus Filii* ipsum nominans *sicut et Dei*; et *mentem Christi* appellavit, sicut et *Spiritus Dei* n (1 Cor. II. 11) contra Eunorn. l. V. T. I.

(1) Habitum est hoc « Concilium generale, totius nempe Germaniae anno 868; nec videntur latres haeresim Photii quamvis hoc tempore anno 867 promulgari coeptam, polemico respexisse, sed simpliciter professionem fidei catholicae edidisse.

(2) Graeci catholici Beccus, Bessarion (opusc. aur. p. 141. 245.), Hieronymus Donatus (Mai SS. VV. nova Collect. T. VII. P. II. p. 39.) omnes habent: «z του πατρο λβγεται και sx του υιου ti*eu τ(»ο»μ«ρτυριτ3ĩ. De hac lectione dicemus inferius; interim adverte, praeposterum esse argumentum Petavii, qui (l.VII. c. 3. n. 12.) praeferendam esse putavit lectionem του ωου h xai προσμαρτυρείται, quia sequitur citatio ex Apostolo : si quis *Spiritus Christi* non habet.

p. 305. *Cyrillas* item : « *sicut proprius est Filii Spiritui naturaliter et in ipso existens et per ipsum procedens, ita et Patris (est Spiritus)* » *n* *Cyrill.* in *Io.* 1. X. p. 910; ep. 17. synod, ad Nestor. T. V. P. II. epp. p. 74. Tum s. Maximus: « *Spiritus Sanctus sicut natura secundum essentiam est Dei et Patris, ita etiam secundum essentiam est Filii, utpote essentialiter ex Patre per Filium genitum procedens* » Maxim, in *Script*, quaest. 63⁴ *Opp.* T. I. p. 238. 239. (cited etiam a Becco, *Opusc. aur.* p. 117). Augustino synonyma sunt, sive *Spiritus Filii* dicatur, sive *a Filio procedere*. « *Nec possumus dicere quod Spiritus Sanctus et a Filio non procedat; neque enim frustra idem Spiritus et Patris et Filii Spiritus dicitur* » *n* *Aug.* *Trin.* 1. IV. n. 29; XV. n. 47; contra Maxim. 1. II. c. 14. n. 1. et saepe alibi. « *Cum et Spiritus Sanctus Patris Filiique sit Spiritus, non sicut quaecumque creatura quae et Patris et Filii est, sed sicut cum utroque vivens et potens, et sempiternae ex eo quod est Pater Filiusque, subsistens* » *n* s. Leo M. in *Pentecost.* sermon. 1. c. 3. cf. *serin.* 2. c. 2; ep. 15. ad *Turrib.* c. 1. et *Vigil.* *Tapsens*, (vel alium) *contr.* *Varimadum* 1. II. c. 12. Ita etiam s. Fulgentius: « *Firmissime tene et nullatenus dubites, eundem Spiritum Sanctum qui Patris et Filii unus Spiritus est, de Patre et Filio procedere.* Dicit enim Filius : cum venerit *Spiritus veritatis*, qui a Patre procedit; ubi *suum Spiritum* esse docuit; quia ipse est veritas » *Fulg.* de *fide ad Petrum* c. 11; de *Incarn.* ad *Scaril.* n. 3.

Sane nemo nisi absurdissime negare posset, ipsique Photiani fateantur oportet, locutionibus *Spiritus Dei* *Matth.* III. 16; *Rom.* VIII. 9. 11. 14; 1 *Cor.* II. 10. 11; *Spiritus Domini* *Luc.* IV. 18; *Act.* V. 9; VIII. 39; 2 *Cor.* III. 17. 18; *Spiritus Patris* *Matth.* X. 20. significari *spiratum a Deo, a Domino, a Patre*. Si hoc quoque negare isti auderent, ex *Scripturis* ipsis convincerentur, ubi significatio huius appellationis *Spiritus Dei* explicatur per definitionem : *Spiritus qui ex Deo est*, το πνεῦμα τοῦ θεοῦ = το πνεῦμα τοῦ ἐκ τοῦ θεοῦ 1 *Cor.* II. 11. 12. Atqui non minus quam *Spiritus Dei* et *Spiritus Patris* propria personae tertiae designatio est in relatione ad Filium: « *Spiritus Filii* » *n* *Gal.* IV. 6; « *Spiritui*

Christi» Rom.Vni. 9; 1. Pet. I. 11; « *Spiritus Pesu Christi*» Phil. I. 19; « *Spiritus Pesu*» Act. VI. 7. Et vero haec appellatio ut aequae propria et in eadem loquendi forma coniungitur cum altera *Spiritus Dei*. « In carne non estis sed in spiritu, si tamen *Spiritus Dei* habitat in vobis; si quis autem *Spiritum Christi* non habet, hic non est eius » Rom. VIII. 9.

Si conferantur inter se tres designationes, in prima (*Spiritus Dei* vel *Spiritus Domini*) nomine *Dei* et *Domini* exhibetur ut principium Spiritus Sancti omnis persona divina, quae non est ipsa Spiritus Sanctus; unde propositio complexa resolvitur in duplicem aliam distinguendo personas comprehensas nomine *Dei* ac *Domini*: *Spiritus Patris*, *Spiritus Filii*. Pari ratione creatio nunc indistincte *Deo* ac *Domino* adscribitur, nunc per distinctionem personarum Patri aut Filio aut Spiritui vel coniunctim personis tribus (vide thes.XII.). Sicut ergo tres personae sunt unus creator, quia ad extra operantur non ut distincti, sed ut unum sunt una virtute creatrice, quae est divina essentia; ita Pater et Filius unus sunt spirator, quatenus unum sunt essentia sub formali ratione virtutis spiratricis, i. e. dilectionis producentis amorem. Quando dicitur *Spiritus Dei*, significatur unum principium *quo* spirationis, et supponitur distinctio personarum quae spirant, seu quae sunt principium *quod* spirationis; quando seorsum dicitur *Spiritus Patris*, et *Spiritus Filii* significatur explicite una persona spirans et altera supponitur implicite. Est enim *Spiritus Patris* ut communicantis spiratricem virtutem etiam Filio, et *Spiritus Filii* ut habentis communicatam spirationem a Patre, eodem modo quo alibi diximus, adscribendo adtributum absolutum vel operationem ad extra uni personae non excludi sed includi personas reliquas. Locutio ergo *Spiritus Dei* resolvenda est in duas coniunctim non divisim: *Spiritus Patris* et *Spiritus Filii*, vel in copulativam propositionem: *Spiritus Patris et Filii*, « Spiritus Sanctus, qui ex Beo pariter et Deus est; *Spiritus enim Dei*, et *Spiritus Patris et Spiritus Filii* non secundum compositionem aliquam, ut in nobis est anima et corpus, sed *medius inter*

Patrem et Filium, ex Patre et Filio (1) *appellatione tertius* n Epiphan. ancorat. n. 8. « Quandoquidem Spiritus Sanctus in nobis habitans reddit nos Deo conformes, et vero etiam *procedit ex Patre et Filio*; manifestum est, ipsum divinae essentiae esse, *essentialiter in ipsa* (ut sua) *et ex ipsa* (ut Patris et Filii, et ut principio quo) *procedentem* (2) Cyrill, Thesaur. p. 345.

THESIS XXXIII.

Eiusdem veritatis demonstratio ex necessario personarum ordine originis et ex missione Spiritus a Filio.

« Eadem processio Spiritus Sancti etiam a Filio demonstratur ex » revelato interno personarum ordine, qui non potest esse nisi ordo » *origini*»; pariterque ex missione Spiritus Sancti, quae internam processionem personae missae a mittente necessario supponens, sicut a » Patre ita est a Filio. »

I. Ordo divinarum personarum in Scripturis ipsis traditur omnino fixus ac ratus, ubicumque connumerantur tres divinae personae secundum earum internas necessarias relationes : « in nomine Patris et Filii et Spiritus Sancti » Matth. XXVIII. 19; « Pater Verbum et Spiritus Sanctus » 1. Io. V. 7 ; et incipiendo a persona tertia velut ab alte-

(1) Πνεύμα γὰρ Θεοῦ, καὶ πνεύμα τοῦ πατρὸς; καὶ πνεύμα ὁίου ... ἐν ΤραΤῶφ γ.αι ὁίου ἐν. τοῦ πατρὸς; καὶ τοῦ υἱοῦ.

(2) Ὅτε τοίνυν τὸ πνεύμα τὸ ἅγιον... συμμορ;ον; ἀποξειχνεῖ Θεοῦ, ἡχο.ιοι Je καὶ ἐν. πατ^ο; καὶ υἱον, πρόδηλό·/ οτι τ·η; θιῖα; ἴστιν ουσία; , ouainSu; h αυτή καὶ ἐξ αυτή; προῖον. Advertendum interim, quamvis nunc de PP. doctrina non agitur, ab Epiphanio et Cyrillo sub una particula poni προῖεναι ἐν. πατζο; καὶ υἱον. et verbum ipsum πζοῖεναι sumi atque expresse declarari pro *processione essentiali* h. e. *in essentia* et *ex esientia divina*; utique *ex essentia* quatenus est Patris et Filii, ex quibus Spiritus procedere dicitur, et *in essentia*, quatenus est in ipso Spiritu communicata a Patre et Filio. Ita PP. Nicaeni dixerunt, Filium esse *ex essentia* Patris et propterea esse *in essentia divina* sibi communica » a Patre, seu esse ὁμοουσιον Patri (cf. th. VIII. η. II.). Profecto ergo ridiculum est illud commune Photianorum effugium, quo dicere solent verbum πγοῦναι huicque similia significare solam missionem Spiritus Sancti ad extra, non vero internam processionem.

ro extremo : «idem Spiritus, idem Dominus, idem Deus» 1. Cor. XII. 4 6. Ad hunc locum Apostoli s. Basilius animadvertit, non ordinem ontologicum inversum tradi, sed exhiberi « nostram habitudinem; nam cum dona accipimus, primum nobis occurrit distribuens, tum cogitamus mittentem (Filium), dein cogitationem perducimus ad fontem et causam bonorum » (ad personam primam, quae non est ab alia et a qua sunt aliae personae) Basil, de Spiritu Sancto c. 16. n. 37. « Proinde via ad Dei cognitionem est ab uno Spiritu per unum Filium ad unum Patrem. Et vice versa essentialis bonitas et secundum naturam sanctitas et regalis dignitas *ex Patre per Unigenitum ad Spiritum permanat* (1) ibid. c. 18. n. 47. cf. s. Iren. 1. V. c. 36. n. 2.

Ceterum de hoc ordine ontologico et intrinsecus necessario personarum dubitare non sinit professio christiana expressa in omnibus symbolis, in solemnibus formulis liturgicis, in universa praedicatione ecclesiastica. «.Discant, Spiritum eodem modo pronuntiari cum Domino (Filio), quomodo et Filius pronuntiatur cum Patre. Nomen enim Patris et Filii et Spiritus Sancti similiter editum est. Itaque quemadmodum se habet Filius ad Patrem, ita et ad Filium sese habet Spiritus secundum traditum in baptismo verborum ordinem. Quod si Spiritus Filio iunctus est, Filius autem Patri, liquet ipsum etiam Spiritum Patri adiungi... Unus autem est Spiritus Sanctus ipse quoque singulariter enuntiatus, per unum Filium uni Patri copulatus ac per se complens glorificandam super omnia ac beatam Trinitatem » s. Basil, de Spiritu Sancto c. 17. 18. n. 43. 45. «.Qui Patrem intellexit, tam ipsum in se intellexit quam Filium simul intelligentia complexus est; qui autem Filium apprehendit, a Filio Spiritum non seiunxit; sed fidem identitate essentiae unitam in se ipso expressit trium *secundum ordinem quidem consequenter*, secundum naturam vero unite se habentium (2). Et qui Spiritum Sanctum dixit, hac pro-

(1) Και ανατταλιν η φυσική αγαθοτη; και ο κατα fwiv αγιασμός; και το βασιλικόν αξιψα /κ ττατ^ο; δια του /χονογίνου; sm το mtoua. διηχι'Ι.

(2) *0 τον ττατιρα νόησα;, αυτόν τι ιψ'ιαυτου ι'νοησι και τον υιόν τη διανοια συμπτταρεδ^ ατο. ο Ss τούτον λαβών, του υιου το πνιυμα ουκ dxspt-

fessione simul complexus est eum cuius est Spiritus; atque quia Spiritus est Christi et ex Deo iuxta Pauli effatum (Rom. VIII. 9), quemadmodum ex catena unum extremum apprehendens etiam alterum simul attraxit, ita qui Spiritum attraxit, ut loquitur Propheta (Ps. CXVIII. 131), et Filium et Patrem per ipsum simul attraxit. Item si quis secundum veritatem Filium apprehenderit, habebit eum simul adducentem *utrimque hinc quidem Patrem suum illinc vero proprium Spiritum* (ἐχάτερω[^]εν πη ρεν χον εαυτόν πατέρα τη θ^ς το ιδιον πνευρχ συνεπαγερενον); neque enim a Patre dividi poterit semper in Patre existens, neque disiungi a Spiritu suo proprio omnia operans in ipso (Filius in suo Spiritu). Similiter etiam qui Patrem apprehenderit, virtute simul complexus est Filium et Spiritum Sanctum» Id.ep. 38. al. 43. n. 4.

1^o Iam in hoc ordine «consequentiae» interno et necessario personarum αζςΙεϋSta κατά την ταξιν, ut Basilus loquitur, per sese spectato simul cum unitate numerica naturae et omnium perfectionum absolutarum iu tribus personis, continetur implicite revelata processio personae tertiae sicut a prima ita a secunda. Realis enim ordo «consequentiae» in Deo duo dicit, realem distinctionem per relationes originis, et determinate originem consequentis a praecedente eo modo, quo praecedens et consequens in Deo dici potest. Namque a) si nulla est realis distinctio, non potest concipi realis ordo, qui dicit plurium distinctorum connexionem secundum aliquod unitatis principium; in Deo autem ex pridem demonstratis realis distinctio nulla est nisi secundum relationes originis. Hinc b) ordo in divinis personis, quia est ordo originis, est analogus successivo. Quod ne praepostere accipiatur, intelligendum est, non ita esse tres, ut perinde sit quae persona prima dicatur, quae secunda, et quae tertia; sic enim iam non esset relatio originis unius personae ad alteram tamquam ad suum principium, et proinde tolleretur realis distinctio et consequenter ipse ordo. Sed prima persona est Pater, secunda Filius,

giffsv, ἀλλ αχολοϋδωί /[^]8» ζατα την ταξιν, αννηρμ,ινω δε ζατα τη» ζι/σι», των τ ιων κατα ταυτον συγζδκ α/Λδνην ιν ιαυτω την πιστιν ανετυττωσατο.

tertia Spiritus Sanctus; non vero aut Filius et Spiritus Sanctus sunt duae personae secundae, aut Spiritus secunda et Filius tertia persona dici potest (1). At internus hic ordo, ut Filius sit persona secunda, Spiritus tertia, non potest esse nisi ex modo processioneis, quia ex hoc solo est ordo in personis divinis. Ergo aliquo modo prior est processio secundae quam tertiae personae; nulla autem potest esse prioritas inter divinas personas nisi prioritas *a quo*, h. e. nisi relatio principii et procedentis a principio (supra p. 425). Ergo in hoc ipso quod Spiritus Sanctus in Scriptura exhibetur ut ordine tertia persona, continetur primam et secundam esse priorem prioritate *a quo* (quae sola datur in divinis), h. e. primam et secundam esse principium tertiae personae (cf. S. Th. 1. q. 48. a. 3).

Aliis verbis hoc ipsum explicatur. Nimirum ex interno necessario ordine in Scripturis tradito generatio Filii praestelligitur processionis Spiritus Sancti; atqui Filius nascendo habet a Patre communicatas omnes perfectiones et rationes formales excepta paternitate, et in omnibus unum est cum Patre excepta formali ratione Patris et Filii, qua sola duae personae inter se distinguuntur; ergo habet Filius a Patre communicatam naturam etiam sub formali ratione vis spiratricis (seu dilectionis producentis amorem ut terminum immanentem), et proinde non minus est unum

(1) « Propter eos qui omnia perturbant et non custodiunt doctrinam Evangelii, necesse est hoc quoque declarare, fugiendos esse etiam eos qui consecutionem personarum (*την ἀξιοΚουσίαν*) a Domino nobis traditam invertunt aperte cum pietate pugnantes, et Filium ante Patrem, Spiritum Sanctum ante Filium collocant. Immota enim et inviolabilis custodienda est consecutio, quam ab ipsa Domini voce accepimus dicentis: euntes... in nomine Patris et Filii et Spiritus Sancti » s. Basii, ep. 125 (al. 78) n. 3.

Quando PP. vetant numerari in Deo primum, secundum, tertium, ut ipsemet Basilins de Spir. Sancto n. 45, eo ipso in loco, ubi maxime defendit fixum personarum ordinem, solum excludunt adversus Arianos numerationem primi, secundi et tertii secundum distinctionem et diversitatem naturae vel secundum prioritatem rationis *in quo*, h. e. si concipiatur una persona e. g. Patris cum praecisione obiectiva personae immanentis alterius e. g. Filii, ut declaravimus supra. Vide s. Basii, contra Eunom. 1. I. n. 20. T. I. p. 234.

cum Patre principium Spiritus Sancti , quam unus cum Patre Deus.

2'. Ad hoc ipsum ss. Patres , nominatim etiam graeci, reduxerunt fixum illum ordinem personarum, quod scilicet sicut persona secunda ad primam, ita tertia ad secundam habet relationem originis. S. Athanasius ordinem Trinitatis ita declarat: iuxta analogias in Scripturis traditas Pater est *lux*, Filius *splendor*, Spiritus Sanctus *illuminatio*, unde « etiam licet in Filio perspicere Spiritum Sanctum, in quo illuminamur;» item Pater *fons*, **Filius Spiritus Sanctus** *aqua*; Pater *sapiens*, Filius *sapientia*, Spiritus Sanctus *Spiritus sapientiae* etc. « Cum igitur ea sit in SS. Trinitate ordinata coniunctio (συστειχία) et unitas, quia iam *vel Filium a Patre vel Spiritum a Filio aut ab ipso Patre* separare audeat ? » Si ergo quaeratur, « quomodo *cum Spiritus in nobis est, Filius in nobis esse dicatur, et similiter cum Filius in nobis est, Pater in nobis esse itidem dicatur; vel quomodo cum plene sit Trinitas, in uno tamen designetur Trinitas?...* huiusmodi haesitatio fide sanari poterit, tum etiam praedictis exemplis imaginis, splendoris, fontis, fluvii, substantiae et figurae. Quemadmodum enim *Filius in Spiritu tamquam in propria imagine est, ita et Pater in Filio...* ut credamus unam esse sanctificationem quaesit *ex Patre per Filium in Spiritu Sancto...* Quia enim unus est Filius qui et vivens est Verbum , unam quoque esse necesse est perfectam et plenam, sanctificantem et illuminantem, viventem *eius virtutem et donum* (ἐνεργειαν ἀντικειμένην), *quod ex Patre procedere dicitur, quia a Verbo proinde ex Patre esse conceditur, effulget, et mittitur, et datur* ἐκ πατρὸς λέγεται ἐκπορεύεσθαι , ἐπειὴ παρὰ τοῦ Ἰογὸς τῇ ἐξ πατρὸς οὐσιολογικῶν ἐν. λ&ρ-ει, ν.αι ἀποστελεται, /αι αἰδεραι'! 1 .

(1) Sicut Filius est Verbum Patris, ita Spiritus Sanctus est *virtus et donum Filii*. Profecto non solum charismata Spiritus Sancti, sed ipsi eius persona dicitur et est *virtus et donum Filii*, ut ex toto contextu et nominatim ex epithetis *sanctificant, illuminant, vivent virtus* evidens est. Porro sicut Filius dicitur *Dei virtus* (1. Cor. I. 24. et apud PP. frequenter) et *Verbum Dei* ratione processions aeternae a Deo Patre cum relatione *ad extra* (Aug. qq. 83. q.63); ita Spiritus *virtus et donum Filii* est ratione processions aeternae cum relatione *ad extra* (Ang. Trin. l. V.

Filius quippe a Patre mittitur: sic enim, inquit, Deus dilexit mundum, ut Filium suum unigenitum mitteret (ἀπεσπείεν); Filius autem mittit Spiritum Sanctum*, si enim, inquit, ego abiero, mittam Paracletum; Filius item Patrem clarificat, dicens: ego te clarificavi; Spiritus vero clarificat. Filium: ille enim, inquit, me clarificabit; praeterea Filius ait: quae audivi a Patre, haec loquor in mundo; Spiritus autem a Filio accipit: de meo enim, inquit, accipiet et annuntiabit vobis; insuper Filius venit in nomine Patris; pariter etiam de Spiritu Sancto ait Filius: quem mittet Pater in nomine meo. *Cum igitur eundem ordinem et eandem naturam* (eandem proprietatem ac relationem naturalem) *habeat Spiritus ad Filium, qualem habet Filius ad Patrem,* quomodo qui Spiritum dicit creaturam, non idem necessario de Filio sentiat? *Si enim Spiritus Filii est creatura, consequens erit, ut et Verbum Patris creaturam di-* eant n (1) Athanas. ep. I. ad Serap. n. 19-21.

c. 14. 15.). Hinc Athanasius relationes, quarum secunda sine prima esse non potest, ambas coniungit, *effulget* aeternaliter, haecque relatio manifestatur in *missione* et *donatione* temporali. Sane s. Ductor intelligens internam processionem Spiritus Sancti a Filio, rectissime inde adversus Arianos concludit, eo ipso quod Filius omnia habet communicata a Patre, Spiritum procedere etiam a Patre. Haec autem illatio esset absurdissima, si sensu schismaticorum intellexisset missionem temporalem citra processionem a Filio; perinde enim hoc esset, ac si quis diceret: quia Apostoli a Verbo quod ex Patre esse conceditur, mittuntur, propterea iidem ex Patre procedere dici possunt. In hac illatione *processio ex Patre*, non posset significare aliud quam *missionem temporalem* a Patre sicut a Filio; atque ita Athanasius illud ipsum quod adversus Arianos demonstrare voluit, processionem nempe Spiritus etiam ex Patre et ex essentia Patris, suo argumento subvertisset, cum ex mera missione a Filio aliud inferri nequeat quam eadem missio etiam a Patre. Praeterea advertatur, ipsum verbum quo utitur Athanasius *ἐκ τοῦ λόγου, ἡ λαμβάνω*, vi sua significare processionem internam, quemadmodum etiam a Patribus de generatione Filii usurpatur (e. g. «ἐκ τοῦ πατρὸς» apud Basii, ep. 38. al 43. n. 4; «ἐκ τοῦ πατρὸς» apud Nazianz. or. 5. n. 9. et Cyrill. in Io. p. 987.; «ἐκ τοῦ πατρὸς» apud Basil. Spir. S. n. 19.; «ἐκ τοῦ πατρὸς» apud eundem contr. Eunom. 1. V. p. 300.) Certo missionem seorsim a processione interna spectatam, ut Photiani eam in solo opere et effectum externo considerant, nemo intellexerit, dum divina persona a persona dicitur *ἐκ τοῦ πατρὸς*.

(1) Totus locus et nominatim ultimum hoc incisum patefacit absur-

Similiter g. Basiling 1. V. contra Eunom. statuit banc propositionem : « quod sicut Filius ad Patrem, ita Spiritus se habet ad Filium, » In declaratione s. Doctor non solum processione Spiritus Sancti a Filio sed etiam modum processionis eundem, qui est Filii a Patre, affirmare videri posset; sed attendendus est eius scopus, qui erat demonstrare processionem Spiritus Sancti a Filio, et hoc ipso a Deo i. e. a Patre et Filio, ut unum sunt; non autem necesse habuit intimam dare rationem, cur haec processio non sit generatio, atque ita cur Spiritus Sanctus non sit Filius Filii. Ad hanc propositam quaestionem, in qua evidenter ut doctrinam catholicam supponit processionem Spiritus Sancti a Filio per communicationem naturae, solum duo respondet: «) in Scripturis non dici Filium Filii, quamvis Spiritus Sanctus sit ex substantia Filii; ») non dici Filium sed Spiritum, ut processionem in interna vita Dei intelligantur conclusae per processionem Spiritus, ne si procedens a Filio esset Filius, etiam hic secundus Filius

ditatem schismaticorum, qui in Scriptura et PP. *Spiritum Filii* dici aiunt ratione dumtaxat consubstantialitatis. Athanasius enim a) arguit, eodem sensu dici *Spiritum Filii*, quo dicitur *Verbum Patris*; a)qni Ferim *Patris* dicitur relative ratione originis, videlicet Verbum procedens a Patre; ergo eodem sensu relativo dicitur *Spiritus Filii*. Unde si designatio haec *Spiritus Filii* non significat processionem per communicationem naturae divinae, consequens erit, ut neque appellatio *Verbum Patris* significet processionem per communicationem naturae. Athanasius ergo ex paritate nominum *Spiritus Filii*, *Verbum Patris*, quo utroque ordo ac relatio personae ad personam ut ad suum principium significatur, argumentatur, vel utroque vel neutro significari processionem per communicationem substantiae divinae: Pneumatomachi id negant de *Spiritu Filii* quem dicunt creaturam, ergo nec possunt profiteri de *Verbo Patris*; vel vicissim id profitentur de *Verbo Patris*, ergo nec possunt nisi absurde negare de *Spiritu Filii*. Itaque ex processione immanente Spiritus a Filio, quae significatur nomine *Spiritus Filii*, Athanasius demonstrat consubstantialitatem, non autem consubstantialitatem citra processionem hoc nomine significari, umquam ei in mentem venit. J) Denique sicut alii Patres ita et Athanasius assumit, quod Pneumatomachi maxime contendebant, Filium esse principium Spiritus Sancti: sed dum illi contenderent esse principium per creationem, Athanasius cum ceteris insistit dogmati, Spiritum Sanctum non minus procedere ex substantia Filii, quam Filius ipse est ex substantia Patris.

Filium tertium, et sic in infinitum postulare videretur. *a Sicut Filius ad Patrem, ita Spiritus se habet ad Filium.* Propterea Dei (Patris) *quidem Verbum Filius est, Verbum, autem Filii est Spiritus...* et cum Verbum sit Filii, *proinde Dei est* (1). Verbum autem et Sermo Dei vivens est et operans... Cur et Spiritus non dicitur Filius Dei? *Non quod ex Deo non sit per Filium* (ἐξ ὁυτοῦ), sed ne Trinitas putetur multitudo infinita, quasi *Filios ex Filiis*, ut fit in hominibus, habere videretur. At dicis: si *Dei quidem imago est Filius et imago Filii Spiritus*, item *si Filius Verbum Dei et Spiritus Verbum Filii*, cur Spiritus dictus non est *Filius Filii*? Quod si tacuerimus, ut qui ea quae Dei sunt, curiose inquirere nolumus, divini Spiritus gloriam victam arbitraris, propterea quod Filii appellatio de ipso adhibita non est, quasi non idem possit ex te quaeri. Nam si confitearis per Spiritum fieri filios adoptionis innumeros, cur Spiritus ne adoptione quidem Filius appellatur?... Nos porro etiam de hoc nobis ipsis pro virili respondemus... Dicimus ergo, quod *si quis dixisset Filium ex Filio, Trinitatem deitatis adduxisset in multitudinis suspicionem* apud homines, qui hoc audivissent (2). Pronum namque erat suspicari, si Filius ex Filio genitus esset, etiaip ex hoc alium rursus genitum fuisse et rursus alium...

(1) Vides eandem illationem adversos Pneumatomachos sicut penes Athanasium; quod scilicet Spiritus Sanctus procedens a Filio (Verbum Filii), ut adversarii aliquo sensu concedebant, hoc ipso procedit etiam a Patre, quia omnia quae sunt Filii, sunt etiam Patris.

(2) Quoniam ex revelatione novimus, solam Verbi non autem Spiritus processionem in Deo esse generationem, hoc ipso discimus, non omnem processionem viventis a vivente ex principio interno et per communicationem naturae esse proprio sensu generationem, et hinc ex mysterio Trinitatis expolitiorem habemus conceptum generationis, ut supra th. XXXI. declaratum est. Hoc sensu potest admitti, quod ait Didacus Ruiz: « si s. Scriptura et theologi (dicere debuisset: ss. Patres et universa praedicatio ecclesiastica) quibuslibet hominibus permisissent accommodationem ad res theologicas significandas per has voces *generatio* et *filius*, fortasse licuisset ampliare nomen filiationis et generationis ad minus propriam acceptionem, iuxta quam etiam spiratio vocaretur generatio, quoniam affert similitudinem in natura, licet non ex ratione formalissima » disp. VII. sect. 3. n. 8.

Propterea Spiritum ex Deo esse Apostolus aperte quidem praedicavit dicens, quoniam Spiritum qui ex Deo est, accepimus (1. Cor. II. 12); et *quod per Filium effulsit* (*pix into πεφηνεναι*), *manifestum reddidit, Spiritum Filii ipsum nominando sicut Spiritum Dei, et appellando mentem Christi sicut Spiritum Dei*, quemadmodum etiam est spiritus hominis (1. Cor. II. 11.); Filium autem Filii dicere cavit » Basil. l. V. contr. Eunom. T. I. p. 304. sq.

Iam quaeso quis umquam consentiens haeresi Photianae tam anxie quaesivit aut quaerere possit rationes subtiles, cur *Spiritus Filii* non sit aut dicatur *Filius Filii*? Ratio in illa sententia unica est eaque prorsus evidens, quia Spiritus non habet originem ex Filio. At ss. Patres sine dubitatione tenentes fixum personarum ordinem per relationes originis, atque adeo per communicationem naturae Spiritum consubstantialem procedere a Patre et Filio, sentiebant difficultatem non levem et necesse habebant vel simpliciter fateri nobis incompertum esse, vel subtilius conquirere rationes, cur Spiritus non sit *Filius Filii*, qua de re sicut heic Basilius, ita Augustinus alique saepe disputant. Imo Ariani ipsi, nisi perspectam habuissent doctrinam Ecclesiae catholicae de processione Spiritus a Filio per communicationem naturae, illam quaestionem ne proponere quidem potuissent; in sententia enim Photiana quaeri tantum poterat, cur Spiritus non sit *frater Filii*, nullo autem modo cur non sit *Filius Filii*?

Disertissime s. Gregorius Nyssenus Basilii frater ex ipso ordine, quod ratione prius intelligendus est Filius quam Spiritus Sanctus, declarat prioritatem in Deo non posse esse aliam nisi ratione principii ac procedentis a principio, atque ideo sicut ordine principii Pater praesupponitur Filio, ita Filium (cum Patre) eadem ratione principii (prioritate *a quo*) praesupponi Spiritui Sancto ab eo procedenti, seu (ut Gregorius loquitur) ab eo pendenti. Postquam demonstravit, per generationem Filii a Patre non excludi aeternitatem Filii, quia non duratione sed sola ratione principii aeternaliter generantis Pater prior est Filio aeternaliter genito, descendit ad hoc idem declarandum de Spiritu Sane-

to. « Eadem est nostra doctrina de Spiritu Sancto, in solo ordine differentiam (inter personas) agnoscens. Sicut enim coniungitur Patri Filius, et ex illo *esse* habens non tamen existentia posterior est; sic pariter ab *unigenito pendet Spiritus Sanctus*, ita ut sola cogitatione *secundum rationem principii Filius praeintelligatur hypostasi Spiritus* (1). Temporales enim dimensiones in aeterna vita non habent locum, ita ut *excepta ratione principii SS. Trinitas nulla re in se ipsa discernatur* n Nyss. contr. Eun. l. I. p. 164.

Adhuc luculentius idem Gregorius ex communi catholica doctrina tradit ordinem personarum ita, ut secunda sit ex sola prima, ubi supponit significationem nominis *unigeniti* velut *ab uno geniti*; cum vero prima et secunda persona praesupponantur, hoc ipso, ait, tertiam esse quidem etiam ex prima, sed non nisi per secundam, atque ideo solum Filium esse ex solo Patre, Spiritum Sanctum vero secundum rationem principii et procedentis a principio esse ex Patre per Filium, adeoque non ab una sed a duabus personis. « Differentiam secundum principium et principiatum (κατα το αἰτιον ν.αι αἰτιατον) non negamus, in quo solo unum ab altero distingui admittimus, eo quod aliud quidem credimus esse principium, aliud vero ex principio. Et eius quod ex principio est, rursus aliam differentiam consideramus; unum enim est proxime (et sine medio) ex primo, alterum vero per illud, quod est proxime ex primo, ut et in Filio sine ambiguitate maneat proprietas *unigeniti*, et Spiritum ex Patre esse non sit dubium, dum Filii interpositio (inter Patrem et Spiritum) et ipsi servat proprietatem *unigeniti*, et Spiritum a naturali habitudine ad Patrem non removet » (2) Nyss. ad Ablav. quod non tres Dii T. II. p. 459 (cf. supra p. 176).

(1) ω; yag συναπτιται τω πατρὶ ὁ υἱος;... ὅτ' ἡ παλιν> και του /χοχογίνου; ἡ/εται το πνίυ/ζα το ἅγιον, ἐπτινοια μονή Kara τον πτ, αἰτια λογον προθιω-ρυ^ηου τη του π·/ξυ/ζατο υποστάσει .

(2) Εν ω μονω Staxfnvsaèai του ιτξρου το ιτιρον χαταλα/χβανο/zen, τω το αἰτιον πιστευειν εἶναι το Ss ιχ του αἰτιου* και του ἰζ αἰτια; όντο παλιν αλλ,ηγ ciaÇogav ίννοου/xsv, το /zen γαρ προσιχω ex του πρώτου το Si δια του «ροσ^χω «κ του πρώτου, ωστξ και το /ζονογξνι· ανα/Zγίβολον <πι του υ:ου fxneiv, και το ξχ του πατρο maί το π>ξυ/χα /χη αμ^ιβαλλαν, τη του υιου

II. Spiritus Sanctus dicitur mitti sicut a Patre ita a Filio, « Ego rogabo Patrem, et alium Paraclitum dabit vobis.... Spiritum veritatis;» « Paraclitus Spiritus Sanctus, quem mittet Pater in nomine meo » Io. XIV. 16. 26. « Cum venerit Paraclitus, quem ego mittam vobis a Patre, Spiritum veritatis, qui a Patre procedit; » « si non abiero, Paraclitus non veniet ad vos, si autem abiero, mittam eum ad vos » ib. XV. 26; XVI. 7. Verba Christi ita manifesta sunt, ut neque ipsi Photiani negent Spiritum Sanctum mitti etiam a Filio, sed nolunt agnoscere in ipsa missione necessario supponi aeternam processione personae missae a mittente; imo hac distinctione inter processionem aeternam secundum *esse* personae, et inter missionem ac processionem in tempore secundum effectum ad extra abutuntur ad falsam interpretationem ss. Patrum, ubi de processione Spiritus Sancti loquuntur.

Ut tenebrae malis artibus obfusae dispellantur, effectum ad extra et nominatim collationem donorum supernaturalium oportet distinguere a *missione ipsius personae divinae*. Quamvis enim *missio personae* includat effectus supernaturales ad extra et collationem donorum (si sit missio ad animas sanctificandas), non tamen haec effectio et collatio donorum simpliciter et per sese spectata est missio personae. Quatenus effectus consideratur Dei ut Deus unus est, vel per appropriationem ut est Dei Patris, nulla potest concipi *missio personae*; sed ut haec intelligatur, necesse est effectum supernaturalem referri ad personam procedentem ab alia, a qua dicitur mitti. Itaque missio personae divinae necessario determinatur ad personam cum adsignificatione duplicis respectus, scilicet relationis primo realis et aeternae ad personam mittentem tamquam ad principium personae missae, et deinde respectus ad actua-lem existentiam effectus supernaturalis in tempore (cf. S.Th, supra p. 210).

Adversus Arianos ad demonstrandum, missum non esse minorem mittente, Augustinus aliquando solani quidem ef-

μ:αιτξία; γ.αι αυτω το μονογονη ^υλαττουση; , και το T/rtz/xa τη; ζωμιη
Τρεος ρογ ττατιθα σχεσεω μη ζιττει^γουση . J BβH

ficientiam ad extra considerat, atque hoc modo incomplete spectatam *missionem* improprie appellans, dicit personam mitti etiam a se ipsa, quia e. g. assumptionem carnis *effecit* Filius una operatione cum Patre et Spiritu Sancto, speciem columbae Spiritus Sanctus una operatione cum Patre et Filio. Sed nos agimus de proprie dicta missione, ut in Scripturis exhibetur, et per quam etiam Augustinus priorem illam considerationem complet aut corrigit. Ad praesentem enim causam solum declaratione indiget, quod diximus de relatione reali missi ad mittentem.

In primis dum persona a persona mitti dicitur, demonstratur realis distinctio inter mittentem et missum; nemo enim proprie a se ipso mittitur. Unde etiam Patres hac doctrina de missione personarum frequenter utuntur ad Sabellianos confutandos (Petav. l. VIII. c. 1. n. 1.). Porro missio in creatis, ex quibus sicut alia ita et hoc nomen primo desumptum est, includit aliquam *mittentis in missum* auctoritatem, sive proprio sensu imperii, sive sensu improprio consilii, sive generatim voluntatis transmissionem ab uno in alterum. Unde necessario etiam in translatione ad personas divinas nomen retinet non quidem eandem sed analogicam significationem; seclusa enim omni analogia* revelatio de missione unius divinae personae ab altera nobis prorsus maneret sine sensu intelligibili (cf. th. XIX.). Iam vero auctoritas, superioritas, dignitas (ἀξίωμα) unius personae prae altera, voluntatis transmissio seu, ut Basilius loquitur, irradiatio (ἐμφασί) in divinis unice est et concipi potest secundum originem ut principii prae procedente a principio, nisi forte spectetur persona incarnata secundum naturam suam assumptam formaliter ut homo est.

Hinc est, quod Pater qui a nulla persona procedit (ἀναρχο, ἀχενν-ητα), numquam dicitur nec potest dici missus ab alia persona (1), Filius secundum divinitatem spec-

(1) « Solus Pater non legitur missus, quoniam solus *non habet auctorem*, a quo genitus sit vel a quo procedat. Et ideo non propter naturae diversitatem, quae in Trinitate nulla est, sed propter ipjam *auctoritatem* solus Pater non dicitur missus. Non enim splendor ant fervor ignem, sed ignis mittit sive splendorem sive fervorem » Aug.

tains non nisi a Patre, supposita vero incarnatione formaliter ut homo ad munia redemptoris etiam a Spiritu Sancto mitti dicitur: Spiritus Domini super me.... evangelizare pauperibus misit me Luc. IV. 18. «Quis autem Christianus ignorat, quod Pater miserit missusque sit Filius? *Non enim genitorem ab eo quem genuit, sed genitum a genitore mitti oportebat*; verum haec non est inaequalitas substantiae sed ordo naturae (nativitatis), non quod alter prior esset altero, sed *quod alter esset ex altero*... Sed si non vultis huic regulae acquiescere, ut ubicumque legeritis in auctoritate divinorum eloquiorum, quo minor Patre Filius videatur ostendi, aut ex forma servi dictum accipiat in qua vere minor est Patre, vel ideo dictum, *quo demonstretur esse alter ex altero*; si huic inquam rectissimae regulae non vultis acquiescere, certe tamen verum Dei Filium nulla ratione dicetis, si non eiusdem substantiae, cuius Pater est, eum esse dicatis *n* Aug. contr. Maxim. Arian. 1. II. c. 14. n. 8.

Itaque quoad significationem relationum personalium eodem fere modo intelligendum est, quando persona a persona dicitur mitti, ac quando Christus Filius Dei ait: « quia Pater maior me est *η* Io. XIV. 28. Docent videlicet Patres, dupliciter posse accipi hanc appellationem *maioris*, vel ut dicatur Pater maior Filio spectato secundum hu-

cont. serm. Arianor. c. 4. Quod Photius ait cod. 277. p. 1542, a Chrysostomo horni), de Spiritu Sancto dici Patrem missum a Filio et Spiritu Sancto, oppido falsum est. Homilia illa nec Chrysostomi est, nec ab auctore, quisquis sit, Pater a Filio et Spiritu, sed Filius Christus nempe secundum quod homo est, mitti dicitur a Patre et Spiritu Sancto in ita Is. XLV1II. 16. *« Dixit: fundavi terram et feci coelum; quando facta sunt, illic aderam; et nunc Dominus misit me et Spiritus eius. Qui fecisti coelum et terram, qui dixisti astris: Dominus misit me et Spiritus eius, (e (Dominus seu Pater) genuit secundum deitatem, misit (Dominus et Spiritus eius) secundum carnem η σε ἐγέννησε χάτα την θιοτητα ἀπεστειλε χάτα την σαρζα.* Inter Oper. Chrysostomi T. III. p. 809. 810. Gemina habet Augustinus contra serm. Arianor. c. 19. Discrimen missionis Filii nondum supposita natura humana atque adeo secundum naturam divinam spectati, quae missio a solo Patre est, et inter missionem formaliter ut Christus est homo, praeclare explicat idem Augustinus Trin. 1. IV. c. 20. n. 27.

manam naturam, sicque non modo Patrem sed etiam Spiritum Sanctum maiorem Filio, imo et ipsum Filium secundum divinam naturam maiorem esse se ipso, quatenus homo est et seipsum exinanivit (Aug. in Io. tract. 79.n.2.); vel ita ut Pater maior dicatur Filio spectato secundum divinam naturam, sicque non posse intelligi aliud nisi rationem principii in Patre prae Filio genito (cf. supra p. 173). Iam secundum eandem rationem missio, siquidem referatur ad Christum ut homo est, exprimit auctoritatem proprie dictam, et tribui potest tum Patri tum Spiritui Sancto, imo aliqua significatione minus propria etiam ipsi Filio; si vero referatur ad personam spectatam secundum divinam naturam, necessario indicat ἀξίωρ.α principii in persona mittente et relationem processions in persona missa. Quamobrem dum Spiritus Sanctus qui divinae est tantum naturae, aequae a Filio atque a Patre missus exhibetur, non utique seorsum a Patre et seorsum a Filio sed ab utroque quatenus unum sunt, hoc ipso Filius cum Patre praedicatur principium immanentis et aeternae processions Spiritus Sancti, quia processio personae missae a persona mittente est prima praesuppositio et veluti radix missionis.

Ideo Athanasius, ut Paulo ante vidimus, coniungit processionem (εκκλariψiv) et missionem Spiritus Sancti a Filio. Pariter Cyrillus, « necesse est fateri, inquit, Spiritum essentiae Filii esse; nam ut *ex ipso naturaliter existens et in creaturam al) ipso missus* (ἐξ αὐτοῦ χαζα. ψυση* vnapycv v.od it u την γ-τισιν παρ' αὐxcv πεμπομενον) renovationem operatur » Thesaur. p. 358. Luculentissime hanc connexionem intimam missionis cum processione post Augustinum explicant Patres latini. α Filius est a Patre missus non Pater a Filio, quia Filius est a Patre natus, non Pater a Filio; similiter etiam Spiritus Sanctus a Patre et Filio legitur missus, quia a Patre Filioque procedit » Fulgent, contra Fabian, [fragm. 29. « Ecce hic Paracletum quem mittit Pater in nomine Filii, ipsum mittit Filius a Patre. Mittit autem a Patre Spiritum veritatis; mittit ergo a Patre Spiritum suum, ipse enim est veritas. *Mittit eum Pater in nomine Filii, quia unus Spiritus est Patris et Filii; mittit*

eum Filius a Patre, quia sic procedit a Filio sicut procedit a Patre; idem quoque Spiritus Patris, qui Spiritus est veritatis » Ibid, fragm. 27.

Imo vero exactius loquendo missio *ad extra* dici debet manifestatio processionis *ad intra*. Discrimen hoc unum est, quod missio intelligitur *processio aeterna cum connotationis termini et supernaturalis operationis ad extra*; processio autem per se hanc connotationem non habet. Potest itaque esse processio aeterna sine missione, sed non potest esse nec concipi missio personae secundum divinam naturam sine aeterna eiusdem processione a mittente. Ita potuit Verbum esse aeternaliter genitum a Patre, quin Pater crearet *per Verbum*, et quin *Verbum mitteret* in mundum; sed nulla operatio Patris *per Verbum*, nec *missio Verbi* (secundum divinam naturam) concipi potest, quin intelligatur aeterna Verbi processio a Patre; siquidem illae locutiones nihil aliud dicunt quam ipsam aeternam processionem cum connotatione manifestationis ad extra, quae fit in tempore. Eadem valent de processione Spiritus Sancti ut doni et donabilis, « Sicut ergo Pater genuit, Filius genitus est; ita Pater misit, Filius missus est.... Sicut enim natum esse est Filio a Patre esse, *ita mitti est Filio cognosci quod ab illo sit*. Et sicut Spiritui Sancto *donum Dei* esse (proprietas sua esse *donabilem*), est a Patre procedere, *ita mitti est cognosci quia ab illo procedat*. Nec possumus dicere, *quod Spiritus Sanctus et a Filio non procedat*; neque enim frustra idem Spiritus et Patris et Filii Spiritus dicitur... Quod ergo ait Dominus: *quem ego mittam vobis a Patre, ostendit Spiritum Patris et Filii*... Non ideo minorem Filium quia missus est a Patre, nec ideo minorem Spiritum Sanctum quia et Pater eum misit et Filius, sufficienter quantum arbitror demonstratum est. Sive enim propter visibilem creaturam (propter effectum ad extra) sive *potius propter principii commendationem*, non propter inaequalitatem vel imparilitatem vel dissimilitudinem substantiae in Scripturis haec posita intelliguntur; quia etiamsi voluisset Deus Pater per subiectam creaturam visibiliter apparere, *absurdissime tamen aut a Filio quem genuit, aut*

à Spiritu Sancto qui ab illo procedit, missus diceretur » s. Aug. Trin. 1. IV. n. 29. 32. « Spiritus Sancti *missio ipsa processio est, qua de Patre procedit et Filio*. Sicut igitur Spiritus *mitti dicitur quia procedit*, ita et Filius non incongrue mitti dicitur, quia generatur » s. Gregor. M. in Evangel. Io. horn. XXVI. n. 2. Hanc unitatem *processionis et missionis*, ut in Deo ipso est, declarat Hugo Etherianus ex aeternitate et incommutabilitate Dei. « Licet Apostoli et prophetae in tempore a Christo Spiritum acceperint, Dei tamen Filius non in tempore Spiritum habere coepit, neque idem Spiritus a Filio exire initium sumpsit per tempus aliquod. Sane a diebus aeternitatis, sicut Filius a Patre generatur, ita Spiritus Sanctus ab utroque exit, ab utroque mittitur aeternaliter... Quantum ad ipsos (Patrem et Filium in se ipsis) spectat, ante omnia saecula mittunt et donant (spirantes mittendum et donandum Spiritum); existentibus autem dono missioneve dignis incipere dicuntur mittere vel donare (incipit existentia termini ad extra)... Quare forsitan non sit inconveniens, si processio Spiritus Sancti aeternaliter de Patre ac Filio manans, penes suscipientes creaturas missio, usitatus donatio et si quid aliud huiusmodi nuncupetur » Hug. Ether, cont. Graec. 1. III. c. 18. Pulcherrime argumentum concludit Bessarion Cardinalis, « Vis ista mittendi quae inest Patri et Filio, secundum quam ambo mittunt Spiritum Sanctum, quemadmodum et nostrates (Graeci) fatentur, vel eadem est in Patre et Filio vel alia et alia. Sed si alia et alia, erit scilicet maior et minor et consequenter missiones erunt diversae, igitur neque una viset potentia neque una ipsorum erit operatio.... Ergo non alia atque alia sed eadem est (virtus mittendi). At vero in Patre virtus mittendi Spiritum simul est cum virtute spirandi ipsum; semper enim Pater spirat Spiritum Sanctum et *spirans eum mittit*. Ergo et Filius una cum virtute spirandi et *producens eum mittit*, igitur et Filius est Spiritus Sancti productor » de Process. Sp. S. (inter Opusc. aurea p. 237).

Quamvis igitur Photiani obtinerent, locutiohes Patrum graecorum quibus Spiritum Sanctum profundi, scaturire,

prodire, effulgere, apparere (*πραξειάαι, ἀναβλυζειν, ιτρciwai, i/.Actu-zw, πηγηνειναι*) ex Filio vel per Filium dicunt, significatione immediata designare missionem et processionem ad extra, nihil tamen proficerent; haec enim processio ad *extra* includit ut fundamentum processionem *ad intra*, seu potius, si theologice loquamur, missio est ipsamet processio ad intra cum adsignificatione efficientiae supernaturalis]*» ad extra (vide Hieronym. Donatum l. IV. c. 4. apud Eññi. Mai SS. vv. nova Collect. T. VII. P. II. p. 125 sqq.). Eodem fere modo superius vidimus (p. 184-187), Patres aliquos vetustos sermonem habere de generatione Filii in creatione universi, h. e. de manifestatione Filii ab aeterno geniti. Ceterum Patres etiam graeci multis in locis ita loquuntur, ut verba illa necessario intelligenda sint sensu immediato de aeterna et immanente processione Spiritus Sancti a Filio. Docent enim processionem Spiritus Sancti ita, *ut physice, essentialiter, secundum naturam* effulgeat, appareat, scaturiat, procedat a Filio vel per Filium, vel *ex essentia Filii* (*φυσικῶ, συσιωίῳ, ψυσει, κατὰ φύσιν, ἐκ τῆ οὐσίας τοῦ υἱοῦ*) Epiphan. Haeres. 62. η. 4; Aneor, η. 7; Cyrill. de adorat. l. I. p. 9; Thesaur. p. 345. 354. 358; in Io. p. 126; Maxim, q. 63. in Scriptur. Opp. T. I. p. 238. 239. (citatus etiam a Becco patriarcha inter Opusc. aurea p. 117). Sed de PP. inferius dicendi locus erit.

THESIS XXXIV.

Explicatio dogmatis affirmantis, quod Spiritus a Patre procedit.

«Ex superioribus consequitur, in verbis Christi affirmantibus Io. XY. 26. n *Spiritus veritatis qui a Patre procedit*, non solum non excludi sed co-
« lata Scripturarum integra doctrina manifestissime includi Filium ut
» unum cum Patre principium Spiritus Sancti, quod insuper hoc ipso loco
» expressius indicatur, dum Paraclitum dicitur *mittere Filius a Patre*. -

I. Si sola per se consideretur locutio, *qui a Patre procedit*, ea *affirmans* est et enuntiat processionem Spiritus Sancti a Patre, quam utique omnes Catholici credimus et confitemur; non autem est locutio *excludens* processionem etiam a Filio, sed imo eam *includens*.

I) Si verba « Spiritus a Patre procedit » abstrahendo a tota reliqua doctrina de oeconomia SS. Trinitatis velut materialiter sola per se spectentur, docent Patrem esse principium Spiritus Sancti, non tamen docent, sub qua formali ratione sit principium, utrum spirator sit, quatenus Pater est unum cum Filio, an quatenus a Filio distinguitur. Sic verissime dicitur « Spiritus Patris; » at Spiritus est Patris, non quatenus Pater distinguitur a Filio, sed quatenus unum est cum Filio; adeoque relatio expressa his verbis *Spiritus Patris* non est *propria* soli Patri, sed communis Patri et Filio, non autem communis Spiritui Sancto, cui per illam Pater et Filius opponuntur. Unde non minus vere nec alio sensu dicitur *Spiritus Filii* quam *Spiritus Patris* (th. XXXII). Quemadmodum igitur ex eo, quod dicitur *Spiritus Patris*, inepte inferretur esse Patris solius ita, ut non aequae sit *Spiritus Filii*; eadem ratione absurde arguunt Photiani, Spiritum Sanctum eo quod praedicatur et creditur procedere a Patre, non aequae procedere a Filio. Innuo, ut recte animadverterunt s. Thomas (1. q. 36. a. 2. ad 1.), patriarcha Beccus (de Process. Spiritus Sancti c. 12. ed. Allatii p. 331. sqq.; et in dictis Sanctorum inter Opusc. aur. ed. Arcudii p. 155) et Bessarion (ep. general. ad Graecos ibid. p. 341), etiamsi scriptum esset, quod nullibi est scriptum, Spiritum Sanctum a *solo* Patre procedere, neque ita intelligi deberet exclusa processio a Filio. Est enim principium generale saepe a Patribus inculcatum, exceptis relationibus originis sibi invicem oppositis et ideo realiter distinctis, per huiusmodi particulas excludentes non personam divinam unam alteri sed Deum creaturis opponi, « Multa dicuntur inesse *soli Patri*, tametsi Filius iis omnibus non careat, siquidem scriptum est: solus verax Deus Pater,... et Paulus alicubi dicit: immortalis, invisibilis, soli sapienti Deo... Filius itaque nihilominus erit naturaliter eadem quae Pater, licet aliqua *de Patre solo* praedicentur; omnia enim quae Patri insunt naturaliter et necessario, ea pariter communicantur Verbo ab illo procedenti» 8. Cyrill. Thes. p. 142. (cf. th. III. coroll. 2; et vide principium generale verbis Chrysostomi, quae citavimus p. 267).

2" Si prae oculis habeatur doctrina revelata de unitate et distinctione quae est inter divinas personas, processio personae tertiae sive a prima sive a secunda necessario includit processionem ab utraque. Quidquid enim inest uni personae, id commune intelligitur omnibus personis divinis propter essentiae unitatem et omnimodam simplicitatem, excepta sola formali ratione relativa, secundum quam una persona est principium alterius: « omnia unum, ubi non obviat relationis oppositio » (supra p. 207). Atqui Pater spiratione non est principium Verbi; seu aliter: Pater sub formali ratione *generantis* refertur ad Filium ut principium ad procedentem ab ipso, sub formali autem ratione *spirantis Spiritum Sanctum* seu diligendo producentis amorem non ad Filium sed ad solum Spiritum Sanctum habet relationem principii; hoc ergo ipso Pater ut spirator non a Filio sed a Spiritu Sancto distinguitur. Ergo quando nominatur Pater, a quo procedat Spiritus Sanctus, intelligitur Pater principium Spiritus Sancti non proprietate qua distinguatur a Filio, sed quatenus Pater et Filius unum sunt virtute spiratrice seu dilectione productrice amoris subsistentis; sicut quando Pater dicitur creator, intelligitur creator quatenus virtute creatrice est unum cum Filio et Spiritu Sancto.

II. In verbis ipsis: *u quem ego mittam vobis a Patre, Spiritum veritatis, qui a Patre procedit n*, exhibetur Filius ut unum cum Patre, quatenus Pater est principium Spiritus Sancti procedentis ab ipso. Demonstratur id primo ex dictis in thesi superiori, ubi ostendimus, missionem personae divinae unius ab altera esse manifestationem processionis personae missae a mittente, et processionem ad intra esse necessarium fundamentum missionis ad extra. Tum vero verba proposita speciatim expendantur.

1°. In priori inciso: *u ego mittam vobis a Patre*», exprimitur missio Spiritus Sancti ad extra, huiusque missionis principium enuntiatur Pater et Filius, Filius in recto, Pater in obliquo: *ego mittam a Patre*; sicut alibi ponitur in recto Pater, in obliquo Filius: *u quem mittet Pater in nomine meo* η Io. XIV. 26. Item alibi exprimitur solus Pa-

ter. alibi solus Filius mittens: « Pater alium Paraclitum dabit vobis » ib. XIV. 16; « si abiero, mittam eum ad vos » ib. XVI. 7. In his igitur locis cum Patre intelligitur Filius, cum Filio Pater principium missionis, Pater ut communicans Filio, Filius ut communicatam habens a Patre virtutem et actum missionis. Hinc propositiones: Pater mittit, Filius mittit, Pater mittit in nomine Filii, Filius mittit a Patre, contrahuntur in propositionem complexam: « *Deus dedit Spiritum suum. Sanctum in nobis* » 1. Thess. IV. 8; 2. Cor. I. 22; V. 5; sicut vidimus appellationes *Spiritus Patris, Spiritus Filii* simul comprehendi per alteram *Spiritus Dei*.

Igitur Filius mittit a Patre Spiritum Sanctum una virtute, una missione communi Filio cum Patre, atque ideo Pater et Filius sunt unum principium missionis. Iam vero cur haec sit missio *a Patre*, definitiva declaratio et necessarium fundamentum datur in secundo inciso: *qui a Patre procedit*. Non ergo esset nec posset esse missio personae divinae a Patre, nisi ea a Patre procederet. Atqui una et eadem est missio Spiritus Sancti a Filio. Ergo etiam fundamentum necessarium, sine quo missio esse non posset, unum est in Filio mittente sicut in Patre, virtus scilicet et actus quo spirant spiritum mittendum et missum una missione utrique communi.

Ubi dicitur: « Pater dabit vobis Paraclitum », intelligitur Pater ut simul communicans Filio actum missionis, quod ipsi Photiani sine haeresi Ariana negare non possunt. Haec communicatio missionis explicite exprimitur in primo nostro inciso: « ego mittam *a Patre* ». Ergo dum in secundo inciso: « *qui a Patre procedit* », declaratur fundamentum missionis, Pater necessario intelligitur ut communicans Filio idem ipsum fundamentum missionis, quam Filius in primo inciso dicitur habere a Patre, h. e. Spiritus Sanctus procedit a Patre ut communicante Filio sicut missionem ita virtutem et actum spirationis. Adeoque Spiritus a Patre procedit formaliter ut ab habente Filium, eoque ipso ut communicante Filio actum spirationis (1). « Non

(1) Non desunt viri eruditi, qui putent alium subesse modum si-

dixit, *quem mittet Pater a me*, quemadmodum dixit, *quem ego mittam a Patre*; videlicet ostendens, quod totius divinitatis, vel si melius dicitur, deitatis principium Pater est. *Qui ergo a Patre procedit et Filio*, ad eum refertur (ut ad principium primordiale), a quo natus est Filius » Aug. Trin. IV. n. 29.

2'. Suppositis iis quae in thesi antecedenti diximus de significatione relativa nominis *Spiritus Christi, Spiritus Filii*, possumus ostendere, eo modo quo hic connectitur *Spiritus Sancti missio a Filio* cum *processione a Patre*, alibi ordine inverso coniungi *missionem a Patre* cum *processione a Filio*, u *Misit Deus (Pater) Spiritum Filii sui* in corda vestra n Gal. IV. 6. Evidenter penes Paulum in subiecto *Deus Pater* includitur Filius; una enim est utriusque donatio seu missio activa; pariter in praedicato *Spiritum Filii sui* includitur relatio Spiritus ad Patrem; sicut enim Filii ita Patris est Spiritus. Plenus ergo sensus verborum Apostoli est: *Deus Pater et ideo Filius cum Patre misit Spiritum Filii sui eoque ipso Spiritum Patris*. Unde etiam in verbis Christi penes Ioannem priori quidem inciso disserte exprimitur Filius cum Patre unum missionis principium, seu exprimitur missio *per Filium a Patre*; in altero autem inciso explicite enuntiatur relatio Spiritus ad Patrem (*qui a Patre procedit*), et includitur relatio ad Filium; sicut apud Paulum vicissim explicite enuntiatur relatio ad Filium (*misit Spiritum Filii sui*), et includitur relatio ad Patrem (1).

Quoad consignificationem, ut ita loquar, Filii cum Patre conferri potest cum nostro loco aliud dictum Christi licet in re diversa, u *Ut cognoscant te solum Deum verum, et quem*

gnificandi, quando dicitur processio *τῆς αἰ*» τοο *πχτζο* ac quando dicitur *ἰ'z τοῦ ΤζχΤζQζ*. Hoc ergo loco, aiunt, processionem *ζζccζα του jrarçoi* esse processionem ab eo, quod est in Patre et apud Patrem; hoc autem est etiam Filius. Ites quae dicitur, est utique vera, sed modum demonstrandi ex diversa particula *ταοα* et *εξ* non puto esse solidum.

(1) Io. XV. 26.

Gal. IV. 6.

ο> tyw]Γι'αψΑ> ὕ/λιν ζζαρα τζον τατρο	εξαπκττιλβν ὁ θεοί ει τα 7.α(ώια ὕμ.ν'ἡ
το ἱr»euja πτ)ζ αλήθεια	το πνεύμα
ο πα α του πατζο εκπορεύεται	του υἱου αυτού

misistilesuin Christum. » Hic in appellatione *solus Deus verus* (cf. supra th. II. coroll. 2), nihilominus tamen ad maiorem claritatem adhuc coniungitur in eodem ordine Filius cum Patre (1). Eodem modo etiam in verbis, de quibus agimus: « Spiritus a Patre procedit », iam includitur Filius cum Patre ut principium Spiritus, idque adhuc expressius significatur iungendo Filium cum Patre in eadem relatione ad Spiritum Sanctum: « ego mittam vobis a Patre ».

Quando itaque dicitur: revelatio *affirmativa*, quod Spiritus procedit a Patre, aequivalet exclusivae, quod a nullo alio procedit; distinctione opus est: affirmatio illa est exclusio omnium, qui non sunt unum cum Patre, *concedo*; est alterius divinae personae exclusio a ratione principii Spiritus Sancti, *subdistinguo*: est exclusio personae, quae per spirationem procedit h. e. Spiritus Sancti, *concedo*; est exclusio personae praeintellectae, quae spiratione non distinguitur a Patre, h. e. Filii, *nego*. Hoc nisi ita esset, et si valeret illa obiectio schismaticorum, dicendae essent aliae personae divinae excludi, quoties Pater singillatim appellatur Deus, aut quodvis attributum divinum de eo praedicatur; sicque tandem tota haec sapientia schismatica revocatur ad principium Arianum (2).

Cur Filius processionem Spiritus Sancti explicite referat ad Patrem, quamvis ratio principii sit Filio communis cum Patre, causa est eadem, propter quam sua omnia ad

(1) « Solum ac verum Deum uomiuat Patrem commentitiis et falso nuncupatis diis eum opponens ut Deum verum; hic enim est orationis scopus. Opportunissime vero unum et solum cum dicit Patrem, suam quoque gloriam commemorat aiens: et quem misisti Iesum Christum. Nec enim aliter quis perfectam Patris notitiam accipiat, nisi simul et coniunctim interveniat cognitio geniti h. e. Filii. Nam simul ac aliquis cognoverit, quid sit Pater, omnino etiam Filium novit. Unum igitur et verum dicens Patrem ac Deum, non exclusit se ipsum; nam cum in illo sit et ex illo secundum naturam, verus etiam ipse est et solus in solo » s. Cyrill. in Io. 1. XI. c. 5. T. IV. p. 952.

(2) Omnino recte se habet argumentum Concilii Wormatiensis (anno 868), dum ex aequalitate personarum et communione omnium attributorum deducit processionem Spiritus Sancti ex Patre et Filio, de qua re cl. Hefele Hist. Cone. T. IV. p. 353. dubitare videtur.

Patrem referre solet; ut scilicet Pater intelligatur principium sine principio (ἀρρnz π^καταοζπζη; , originalis fons Trinitatis, a quo etiam Filius sicut essentiam cum omnibus perfectionibus ita et vim spiratricem (seu essentiam sub formali ratione vis spiratricis et dilectionis producentis amorem) Labet generatione communicatam, » Si ergo de Patre et de Filio procedit Spiritus Sanctus, cur Filius dixit, de Patre procedit? Cur putas, nisi quemadmodum ad Patrem solet referre, et quod ipsius est? Unde illud est quod ait: mea doctrina non est mea, sed eius qui me misit. Si igitur intelligitur hic eius doctrina, quam tamen dixit non suam sed Patris; quanto magis illic intelligendus est et de ipso procedere Spiritus Sanctus, ubi sic ait de Patre procedere, ut non diceret: de me non procedit? *A quo autem habet Filius ut sit Deus, est enim de Deo Deus, ab illo habet utique ut etiam de illo procedat Spiritus Sanctus; ac per hoc Spiritus Sanctus ut etiam de Filio procedat, sicut procedit de Patre, ab ipso habet Patre* n Aug. in Ioann, tract.99. n. 8. Rationem ipsam adhuc dissertius explicat alio loco. » Non frustra in hac Trinitate non dicitur Verbum Dei nisi Filius, nec donum Dei nisi Spiritus Sanctus, nec de quo genitum est Verbum et *de quo procedit principaliter Spiritus Sanctus*, nisi Pater. Ideo autem addidi *principaliter*, quia et de Filio Spiritus Sanctus procedere repetitur: sed hoc quoque illi Pater dedit, non iam existent! et nondum habenti; sed quidquid unigenito Verbo dedit, gignendo dedit. Sic ergo eum genuit, ut etiam de illo donum commune procederet, et Spiritus Sanctus Spiritus esset amborum » Aug. Trin. 1.XV.c.17. n. 29. Vide etiam ibid. c.ï6.n.47; contra Maximin. 1. II. c. 5.

CAPVT II.

DE EADEM PROCESSIONE SPIRITUS SANCTI
DECLARATA IN TRADITIONE.

THESIS XXXV.

Demonstratio ex disserta doctrina Patrum.

. Constans fides et praedicatio antiquitatis christianae de proces-
• sione Spiritus Sancti a Patre et Filio tamquam ab uno principio de-
? monstratur ex disdterta doctrina et catholico intellectu ss. Patrum tum
* occidentalium tum orientalium. »

Usque ad medium saeculum IV oppugnatio ex parte hae-
reticorum et propterea etiam defensio, industrius expositio,
et instantior praedicatio Ecclesiae catholicae circa myste-
rium SS. Trinitatis ita habebatur, ut fere restricta vide-
retur ad personam Patris et Filii; de persona autem Spi-
ritus Sancti simplex fides secundum doctrinam Scripturae
et traditionis apostolicae in Ecclesia obtineret absque di-
recta controversia, et ideo etiam absque subtilioribus expli-
cationibus. Quamvis enim haeretici pugnantes contra Ver-
bum Patris necessaria consequentia omnes etiam blasphemii
essent contra Spiritum Patris et Filii, directa tamen et
expressa oppugnatio ac defensio versabatur circa Verbum,
aeternum Patris Filium; persuasum enim erat tam catho-
licis doctoribus quam haereticis, fide catholica circa Filii
distinctionem personalem, generationem ex substantia Pa-
tris et consubstantialitatem expugnata (si fieri potuisset),
simul subversam esse universim totam doctrinam de SS. Tri-
nitate et speciatim de persona Spiritus Sancti; vicissim
vero confirmata fide tradita de Patre et Filio tutam fore
fidem in Spiritum Patris et Filii, vel certe ex principiis
in priori controversia universali consensione stabilitis fa-
cillime contra haereses defendi posse.

In symbolo a Patribus Nicaenis opposito haeresi Aria-
nae post distinctam expositionem doctrinae de Patre et Fi-
lio subnectitur simpliciter professio fidei in Spiritum Sanc-
tum: ἀπιστευο^ς ἐν ...καὶ εἰ πνεῦμα τὸ ἅγιον ἢ absque alia decla-

ratione. Unde s. Basilius de definitione Nicaena ait: « hic cetera quidem plene et accurate definita sunt, partim ad emendanda quae laesa fuerant, partim ad praecavenda quae suborbitura praevidebantur; doctrina autem de Spiritu Sancto transeunter posita est (ἐν κείτῃ), nec ullam disquisitionem visa requirere, eo quod tunc nondum haec mota esset quaestio, sed sine insidiis insita esset credentium animis de eo (Spiritu Sancto) sententia (ἀνεπιβουλευτεν ἐνυπαρχεῖν αἰετῶς πιστευέντων ψυχαὶ νῦν περὶ ἀνθρώπων διατεταται). Paulatim vero progressu impietatis mala semina, quae primum quidem ab Ario liaeresis auctore sparsa, deinceps autem ab iis, qui eius errores improbe susceperant, in perniciem Ecclesiarum enutrita sunt, atque consequentia impietatis (ζαὶ τὰ ἀγ. οὐκ ἰσχυρὰ τῆς ἀσέβειας) in blasphemiam contra Spiritum eruperunt» Bas. ep. 125. (al. 78). η. 3. Ita etiam Gregorius Naz. profitetur fidem Nicaenam, sed distinctius explicando « quae illic obiter (ἐλλίπῳ;) dicta sunt de Spiritu Sancto, eo quod tunc haec nondum mota esset quaestio » ep. 2. ad Cledon. T. II. p. 94 (1). Ceterum recte monet Athanasius, pro simplici fide, quam nondum adversus impugna-

(1) De profectu intelligentiae circa doctrinam de Spiritu Sancto loquitur etiam Gregorius Naz. or. 31. ai. 37. « Vetus Testamentum, inquit, Patrem aperte praedicabat, Filium obscurius, novum Testamentum vero Filium aperte ostendit, Spiritus divinitatem subindicavit; nunc autem Spiritus nobiscum versatur clariorem nobis exhibens sui manifestationem » ib. n. 26.

Sed ne Gregorius praepostere intelligatur, duo animadvertenda sunt. 1°. S. Doctor post adventum Christi tria tempora distinguit, ante Christi resurrectionem seu (ut ait) initium Evangelii, post resurrectionem usque ad ascensum in coelum, post ascensionem. Nomine novi Testamenti, in oppositione ad vetus Testamentum, sinitulque ad statum Christi iam glorificati ad dexteram Patris, hoc loco intelligit tempus Christi conversantis in terra cum suis Apostolis; unde ait, revelationem de Spiritu Sancto non fuisse claram pro intellectu discipulorum et fidelium ante Christi ascensum in coelum, haneque esse doctrinam ex iis, quae Apostoli nondum poterant portare (ib. n. 27). 2°. Gregorius loquitur in hypothesis adversariorum, quam deinde (n. 29.) falsam ostendit, quod doctrina de Spiritu Sancti divinitate non contineatur in Scripturis; quod si verum esset, nihilominus dogma demonstraretur ex praedicatione et traditione apostolica.

tores tueri propositum sit, sufficere illam professionem in symbolo apostolico ex ipsis Scripturis transumptam, qua credimus in unum Deum Patrem et Filium et Spiritum Sanctum: « neque etiam Spiritum Sanctum (Nicaeni PP.) a Patre et Filio alienum credi permiserunt, sed imo illum conglorificaverunt cum Patre et Filio in una Sanctae Trinitatis fide, quia una est in Sancta Trinitate deitas » Athanas. ep. ad Iovin. Imperat. n. 4. T. I. p. 782.

I. Iam in huc stadio simplicis fidei in Spiritum Sanctum personam tertiam conglorificandam cum Patre et Filio, Spiritum Patris et Filii, qui a Patre procedit et a Filio accipit, quoniam omnia quae sunt Patris sunt Filii, qui mittitur a Patre et Filio; mirandum non esset, si distinctior explicatio *modi* processions nondum reperiretur, cum adversarius adhuc nullus instaret. Certe non est expectanda a instantior praedicatio » et velut polemica defensio processions a Patre et Filio; adeoque circa hoc caput facile admitti potest profectus aliquis catholici intellectus (cf. supra p. 103), « ut quod antea simpliciter credebatur, hoc idem postea diligentius crederetur, quod antea lentius praedicabatur, hoc idem postea instantius praedicaretur, quod antea securius colebatur, hoc idem postea sollicitius excoleretur » (Vine. Lirin. Commonit. η. 32). Nihilominus saeculo iam III. in doctrina de distinctione personarum divinarum nominatim a Patribus graecis explicite declaratur processio Spiritus Sancti a *Patre per Filium*, in significatione videlicet αιτιατική particularum ἐξ seu παρὰ et χα, sicut etiam operationes ad extra dicuntur esse a Patre per Filium.

Origenes (torn. 2. in Io. n. 6.) sicut omnia, inquit, a Deo Patre per Verbum facta dicuntur, ita et Spiritum Sanctum non esse ἀγῶνιστον sed esse γεγονένον et ἐννητόν per Verbum, licet emineat supra ordinem omnium, quae facta sunt; ideo quia non a solo Patre procedit, Spiritum Sanctum non esse Filium; « sed solus unigenitus (genitus ex solo Patre ut Gregorius Thaumaturgus, Basilius, Nyssenus etiam interpretantur nomen *unigeniti*) a principio est natura Filius, ad quem necessaria relatione refertur Spiritus Sanctus, cum *Filius hypostasi Spiritus Sancti subministret, non so-*

lum ut sit, sed ut sit sapiens et intellectualis et iustus et quidquid eum esse intelligere oportet secundum communicationem notionum Christi, quae paulo ante commemoratae sunt n (1). Obiicit deinde sibi ipse, doctrinae qua Spiritus Sanctus dicitur per Verbum existentiam habere (*το πνεῦμα ὑπάρχον οὐ διὰ τοῦ λόγου ὑπάρχειν*), videri repugnare, quod aliquando in Scripturis Spiritus Sanctus praepositus Christo, et Christus missus dicitur a Spiritu Sancto. Responsio Origenis est eadem, quam supra (p. 477.) dedimus, in his locis sermonem esse de Christo secundum humanam suam naturam (2). Origen. Opp. Tom. IV. p. 60-63.

Item Dionysius Alex, discipulus Origenis: «Filius, inquit, non separatur a Patre... *in manibus autem illorum est 'Spiritus, qui neque a mittente (Patre) neque a ferente (Filio)* (3) *separari potest* n (apud Athanas. de sentent. Dionys. n. 17. T. I. p. 255). Tum Apollinarius: u confitemur unum Deum verum... et unum Filium Deum de Deo vero... et unum natura et veritate Spiritum Sanctum omnes sanctificantem et deificantem, qui existit *ex substantia Dei per Filium* (*πνεῦμα ὑπαρχον ἐξ τῆ οὐσίας τοῦ Θεοῦ δι' υἱοῦ*)... omnia vero profiteamur creata *a Deo per Filium* (*δι' υἱοῦ*) in Spiritu

(1) Moot? τοῦ /zovoyivotzi ζῆσις υἱοῦ οἰγοβεν τυγχα,νονιο, οὐ χρρζει (opns habtre, pendere) ioixi το ἅγιον πνιν/ζα, οἰαχονct/vrof αυτοί» τ-η υπαστασει ου μονον ει το ειναι, αλλα ν.αι σοζον ειναι γ.αι λογιχον γ.αι ci-χαιόν. γ.αι παν ὅτιποουν χζη αυτό νοειν τυγγανειν ν.ατα μετογην των πξθ-ειρημεναν ημιν Χρίστου επίνοϊαν (hoc alii PP. dixerunt, Spiritum S. esse perfectam imaginem Filii perfecti).

(2) Eusebius Praeparat. Evang. l. VII. c. 15. et Theolog. Eccl. l. III. c. 6. docet quidem Filium esse principium Spiritus Sancti; sed si in Praep. Evang. posset adhuc sensu catholico intelligi, in posteriori loco Theologiae Ecclesiasticae apparet Ariana sententia Eusebii, quod Filios creatione produxerit universa et in his creaturam excellentiorem Spiritum Sanctum. Origenem eodem sensu nonnulli etiam PP. intellexerunt et erroris damnarunt. Quidquid vero de hoc sentias, certe haeresis illa ipsa Ariana de Spiritu Sancto procedente a Filio per creationem non est nisi detorsio sensus et consensus Doctorum Ecclesiae catholicae de processione Spiritus Sancti ex Filio, h. e. ex substantia Patris et Filii seu ex substantia Patris per Filium.

(3) Suis verbis Athanasius hoc ita exprimit: « Spiritus Sanctus qui est emanatio (*Ἰχποξευμα*) Patris, semper est in manibus Patris mittentis et Filii ferentis » Exposit. fidei n. 4.

Sancto » (penes Leont. in Spicileg. Rom. Card. Mai T. X. P. II. p. 148. 149).

Expressius adhuc doctrinam exponit alter Origenis discipulus Gregorius Thaumaturgus in symbolo divinitus tradito, cuius supra p. 156 meminimus, quantumvis schismatici genuinum sensum aut tegere aut pervertere connitantur. Primum in symbolo declarantur characteres personales Patris et Filii. «Perfectus perfecti genitor, Pater Filii *unigeniti*; unns Dominus, *solus ex solo*, Deus de Deo, *figura et imago deitatis*, n Si hic est proprius Filii character, quod *solus ipse* est *ex solo Patre*, consequitur Spiritum Sanctum non esse ex solo Patre, sed ex Patre per Filium, ut antea Gregorii magister Origenes et postea luculentius Basilus ac Nyssenus magni illi cultores Thaumaturgi et Epiphanius (haeres. 73) argumentati sunt. Re ipsa symboli Gregoriani doctrina de Spiritu Sancto haec est. « Unus Spiritus Sanctus, *ex Deo substantiam habens, et qui per Filium apparuit; imago Filii perfecti perfecta* ... Trinitas perfecta ... *Neque itaque defuit umquam Filius Patri, neque Filio Spiritus Sanctus*, sed invertibilis et immutabilis eadem Trinitas semper. » Ita symbolum habemus ex versione saeculo IV. a Rufino adornata (H. E. l. VII. c. 25). Varians lectio ut nunc graece exstat, non ipsam doctrinam sed eius modum dumtaxat immutat (1). Illud nempe *qui per Filium apparuit*, nunc in graeco assumentum habet, quod Lequienio haud immerito a simplicitate antiquae illius aetatis alienum, et Graeculi schismatici obscuritatem aliquam ingerere satagentis ingenium sapere visum est: ma υιοῦ πεγηνο, dr.), ad-ri τοι άνζρωποι. Verba πεφηγεναι, έκφανσι, ἐζλοφφ, et his gemina a Patribus adhibentur de ipsa aeterna generatione Filii, atque adeo simpliciter dicta de processionebus immanentibus intelligi debent, eoque magis, quod haud raro de Spiritu Sancto praedicantur cum addita determinatione ούσιωω, φυσιζω, i/, τῆ οὐσία (th. XXXIII). Hoc tamen non impedit, quo-

(1) Nunc textus graecus habet: και ἰν πνεῦμα ἁγιον, «x Sson rrt' ὑπαρξιν εχον' και Sia υἱον πζ^ηνο, δηλαδή τοι άν^ρωποι * ειχων του υιοῦ τελίιον Τίλιϊά... I'ζία τελεία... ούτε ουν άνελιπε ποτέ υιό πατ^ι, υντ: ὕω 70 πνεῦμα' ἀλλ' άτ^επτο και αναλλοίωτο η αυτή τρια άει.

minus eadem verba possint etiam adhiberi et ex epithetis aut contextu intelligi de missione ad extra, quae emissionem internam supponit eamque manifestat. Si igitur cum Rutino et cum Hadriano I (qui versionem Rufini recitat ep. ad Carolum M. Mansi T. XIII. p. 760) legatur: *εν πνευρα άγιον Ι.Ι. Στεν ~την ύπαρξιν έχον, γ.ε.υ. δια vicv περιτροζ.* Filius sumitur secundum divinam naturam, adeoque nomen *Deus* supponit pro Patre; tum vero sensus directus clarissimus hic est: Spiritus a Patre, ut principio primordiali subsistentiam habet ita, ut simul per Filium effulgeat. Si vero additamentum graecum admittitur, alius quidem modus significandi, sed significatio ipsa processionis non minus luculenta erit. In hac quippe lectione primum incisum de processione, alterum directe de missione agit. Iam vero istam apparitionem Spiritus Sancti hominibus praestitam *per Filium*, vel intelligis *per Filium* secundum eius divinitatem vel *per Filium* secundum humanitatem, per eius merita nimirum et interpellationem, sicut ipse dixit: «ego rogabo Patrem, et alium Paraclitum dabit vobis.» Si primum dicitur, in secundo inciso intelligitur Spiritus apparuisse seu missus esse per Filium, ut Filius est unum cum Patre; aequae enim a Patre mittitur. Unde etiam in primo inciso Spiritus dicitur existentiam habere ex Deo Patre, quatenus unum est cum Filio; eo vel magis, quod missioni a persona processionem ab eadem persona secundum PP. doctrinam supponi, demonstratum est (th. XXXIII). Si vero assumas, in secundo inciso Filium induci secundum humanitatem, tum in inciso priori ipsum nomen *Deus ex* antecedentibus intelligitur *Pater et Filius unus Deus*. Haec enim professio immediate antecessit, Filium Deum de Deo esse cum Patre unum Deum, et continuo sequitur: *« unus Spiritus ex Deo* (sicut antea descriptus erat Deus Pater et Filius) existentiam habet. » Ceterum quomodocumque duo incisa interpreteris, in eis processionem a Filio includi, manifestum est tum ex antecedentibus, quia *solus Filius est ex solo Patre*, tum multo magis ex consequentibus. Sicut enim generatio Filii a Patre confirmatur, quod est *« imago deitatis, »* Patris nempe imago per communicationem deitatis; ita qua ratione Spiritus

effulserit per Filium, declaratur, quod Spiritus est *Filii perfecti imago perfecta*, ut Gregorii magister Origenes dixerat, omnes notiones seu perfectiones Filii, ab ipso Filio habere Spiritum Sanctum. Et quod Patres deinceps, Athanasius, Basilius aliique dixerunt, eum esse ordinem eamque relationem Spiritus Sancti ad Filium, qualis est ordo et relatio Filii ad Patrem; hoc Gregorius expressit, quando ait: *sicut Filium Patri, ita Spiritum Filio numquam defuisse.*

At demonstratio luculentior fidei Ecclesiae circa hoc caput doctrinae petenda est ex aetate subséquente, quando « multa ad fidem catholicam pertinentia, dum haereticorum callida inquietudine exagitabantur, ut adversus eos defendi possent, et considerabantur diligentius, et intelligebantur clarius, et instantius praedicabantur », ut loquitur Augustinus Civ. Dei XVI. 2. Quamprimum ampliores illae declarationes et defensiones non quidem processionis per sese, sed processionis ex substantia et in substantia Dei ad vindicandam divinitatem et consubstantialitatem Spiritus Sancti cum Patre et Filio adversus haereticos necessariae fieri coeperunt, videmus penes doctores non minus orientis quam occidentis doctrinam de interno ordine relationum inter personas, de unitate Patris et Filii quatenus sunt principium Spiritus Sancti, de relatione originis Spiritus Sancti ad Patrem et Filium, uno verbo doctrinam de processione Spiritus Sancti a Patre et Filio explicatissimam et sine ambiguitate certam; idque, ut dixi, diu antequam haeresis directe opposita postulasset specialem inquisitionem circa hoc dogma. Ideo universa illa expositio doctrinae tradita absque scopo polemico, eo evidentius exhibet argumentum universalis consensionis et communis fidei.

II. De explicita universali et instanti praedicatione dogmatis penes Patres latinos, praesertim ex quo tempore ampliora supersunt monumenta, ex saeculo inquam IV et V atque deinceps abunde constat.

1° Iam vetustissimus inter scriptores ecclesiasticos qui latine scripserunt, Tertullianus saec. II et ineunte III. doctrinam hanc exponit. « Omne quod prodit, non ideo tamen est separatum. Secundus autem ubi est, duo sunt. Et tertius ubi

est, tres sunt. *Tertius enim est Spiritus a Leo et Filio, sicut tertius a radice fructus ex frutice, et tertius a fonte rivus ex flumine, et tertius a sole apex a radio* (1). Nihil tamen* a matrice sua alienatur, a qua proprietates suas ducit. Ita Trinitas per consertos et connexos gradus a Patre decurrens et monarchiae nihil obstreperet et oeconomiae statum protegit » contr. Prax. c. 8. « Filium non aliunde deduco sed de substantia Patris... Hoc mihi et in tertium gradum dictum sit, *quia Spiritum non aliunde puto quam a Patre per Filium* » ibid. c. 4.

2' Post medium saeculum IV. Hilarius licet insuislibris de Trinitate fere unice spectans consubstantialitatem Filii, de Spiritu Sancto brevissime et non nisi per incidens agat, nihilominus cum divinitate Spiritus Sancti pari modo processionem a Patre et Filio in Scripturis traditam et credendam esse, disserte docet. « De Spiritu autem Sancto nec tacere oportet nec loqui necesse est... *qui Patre et Filio auctoribus confitendus est.* » Allatis testimoniis Scripturae, in quibus dicitur Spiritus Dei, Spiritus qui ex Deo est[^] Spiritus Filii, Spiritus Christi solvit triplicem quaestionem Ariatorum. « Cum dicunt, per quem sit, et ob quid sit, vel qualis sit (Spiritus)? si responsio nostra displicebit dicentium: *per quem omnia, et ex quo omnia sunt* (ex eo esse Spiritum Sanctum i. e. ex Filio *per quem omnia*, et ex Patre *ex quo omnia*) (2), et quia Spiritus est Dei (qualis sit), donum

(1) Facile damns, illud « tertius Spiritus a Deo et Filio » immediate non processionem sed ordinem significare. At ordinem in SS. Trinitate Tertullianus unice constituit in origine unius ab altero: - quod prodit ex aliquo, secundum sit eius de quo prodit, » Insuper disserte declarat, Spiritum esse tertium, quia supposita generatione Filii procedit ex Patre et Filio, sicut fructus ex radice et frutice etc. (cf. Petav. VII. c. 8. n. 2.).

(2) *Auctorem* dicit Hilarius eum, qui est principium ad intra. Distinctio personarum Patris et Filii per particulas *ex quo* et *per quem* notissima est in Scripturarum et Patrum doctrina (cf. supra p. 220). Utrumque habes apud Hilarium l. II. n. 1. « Baptizare inssit in nomine Patris et Filii et Spiritus Sancti, id est in confessione et *auctoris* et unigeniti et doni. Unus est enim Deus Pater *ex quo* omnia, et unus unigenitus Dominus noster Iesus Christus *per quem* omnia, et unus Spiritus donum in omnibus ... una potestas *ex qua* omnia, una progenies

fidelium (ob quid sit in relatione ad extra), displiceant et Apostoli et Prophetae » 1. II. n. 29. « Patrem te nostrum, Filium tuum una tecum adorem, Sanctum Spiritum tuum, *qui ex te per unigenitum tuum est*, promerear *n* 1. XII. n.57. cf. n. 55.

Data opera ostendit processionem Spiritus a Patre et Filio, ut inde demonstret consubstantialitatem Patris ac Filii 1. VIII. n. 20. Primum n. 19 inter se comparat illa duo: *« qui a Patre procedit »* et *« quem ego mittam a Patre, »* ubi «potestatem suam (Filius) in eo, quod mittit, ostendit *n*. Tum proseguitur, nullatenus liberam esse quaestionem sed a Christo ipso definitam doctrinam de processione Spiritus Sancti a Patre ac Filio. « Neque in hoc nunc calumnior libertati intelligentiae, utrum ex Patre an ex Filio Spiritum Paracletum putent esse, *non enim in incerto Dominus reliquit* (1). Nam sub iisdem dictis haec ita locutus est: cum venerit ille Spiritus veritatis... non enim loquetur a semetipso... quoniam de meo accipiet et annuntiabit vobis. Omnia quaecumque habet Pater, mea sunt; propterea dixi: de meo accipiet et annuntiabit vobis

per quam omnia, perfectae spei munus unum. » Cf. ibid. n. 4. Ita etiam Augustinus concedit, Patrem dici *auctorem*, quia est principium Filii, et quia gignendo dedit Filio, ut sicut a Patre ita a Filio procedat Spiritus Sanctus, ubi nomen *auctoris* sumitur pro principio primordiali, sicut Nazianzenus το αἴτιον et Basilius τὸ κατὰρχικὴν αἰτίαν praedicant de Patre. « Si *auctorem* propterea dicis Patrem, quia de ipso est Filius ... et quia de illo et Filio sic procedit Spiritus Sanctus, ut ipse hoc dederit Filio gignendo, ut etiam de ipso procedat Spiritus Sanctus ... ista tua etiam nostra sint verba » Aug. cont. Maximin. 1. II. c. 5; c. 14. η. 1. cf. Serm. 71. n. 18.

(1) Videlicet: non per iniuriara et meo arbitrio impedio libertatem intelligentiae, quam Ariani sibi arrogant, sed Dominus ipse clara sua doctrina hanc libertatem tollit. Sic paulo inferius appellat « impiae intelligentiae libertatem. » Ex superius dictis abunde constat, Arianos sibi liberum putasse negare processionem Spiritus Sancti a Patre, et ideo processionem per communicationem naturae a Patre et Filio; unde nescio quae causa haesitationis fuerit editori Coustantio, quod (ut in nota textui subiuncta ait) *« ex his ac sequentibus dictis Hilarii videri posset, iam tum motam esse de Spiritus Sancti processione controversiam. »* Mota sane erat controversia, sed sensu Ariano de processione ex substantia Patris, non sensu Photiano de processione a Filio.

(Io. XVI. 12-15). A Filio igitur accipit, qui et ab eo mittitur et a Patre procedit. Et interrogo, utrum id ipsum sit a Filio accipere, quod a Patre procedere. Quod si differre credetur inter accipere a Filio et a Patre procedere; certe id ipsum atque unum esse existimabitur accipere a Filio, quod sit accipere a Patre (1). Ipse enim Dominus ait: quoniam de meo accipiet et annuntiabit vobis; omnia quaecumque habet Pater, mea sunt; propterea dixi, de meo accipiet. Hoc quod accipiet, sive potestas est sive virtus sive doctrina est, *Filius a se accipiendum esse dixit*, et rursum *hoc ipsum significat accipiendum esse de Patre*. Cum enim ait, omnia quaecumque habet Pater, sua esse et idcirco dixisse se, de suo accipiendum esse; docet, *etiam a Patre accipienda a se tamen accipi*, quia omnia quae Patris sunt, sua sunt. Non habet haec veritas diversitatem, nec differt a quo acceptum sit, *quod datum a Patre datum referatur a Filio....* Quod unum ambo sunt (Pater et Filius), eiusdem in utroque per generationem nativitatemque divinitatis significatio est, *cum id quod accipiet a Patre Spiritus veritatis, id Filius dandum a se esse fateatur* (2). Non permittenda itaque ad impiae intelligentiae libertatem haeretica perversitas est n Hilar. 1. c.

3¹ Simili ratione ex verbis Christi « de meo accipiet », Patres alii docent et inculcant communicationem naturae sicut a Patre ita a Filio in Spiritum Sanctum, Marius Victorious (synchronus Hilario) contr. Arian. 1. I. Bibi. Max. T. IV. p. 257; Ambros. de Spir. Sancto 1. II. c. 12, n. 134; Leo M. in Pentecost, serm. I. c. 3; II. c. 5.

u Si non discedo, Paracletus non veniet ad vos. Duo

(1) Sensus Hilarii est: accipere ab alio et procedere in divinis idem significat. Si tamen ab adversariis id in dubium vocetur, probat alio modo, in verbis Christi enuntiari communicationem substantiae a Patre et Filio in Spiritum Sanctum: quoniam Spiritus Sanctus dicitur accipere a Patre sicut accipit a Filio, idque propterea quod omnia, quae sunt Filii, sunt Patris; adeoque Spiritus accipit a Patre et Filio, quatenus unum sunt.

(2) Hoc quod Filius dicit « omnia mea » et « omnia Patris » et u de meo accipiet, » esse ipsam divinam essentiam ostendit Hilarius iterum 1. IX. n. 73.

ergo et isti, *ex alio alius, ex Filio Spiritus Sanctus, sicut
tx Deo Filius*; conrationaliter et Spiritus Sanctus ex Pa-
tre. Quod omnia tria unum, Pater non silens silentium, sed
vox in silentio (h. e. Pater non sterilis sed fecundus Ver-
bi), *Filius iam vox, Paracletus vox vocis*: cum venerit Spi-
ritus veritatis, praeibit vobis in omni veritate; non autem
verum dicit a semet, Christus enim veritas; sed quaecum-
que audiet, loquetur.... Quoniam ex meo accipiet... Dicit
ergo: ex meo accipiet, quod una motio hoc est actio agens
(vita divina) Christus est et Spiritus Sanctus; et primum
est *vivere, et ab ipso quod est vivere, intelligere*: *vivere*
quidem Christus, *intelligere* Spiritus (1); ergo Spiritus a
Christo accipit, ipse Christus a Patre, et idcirco et Spi-
ritus a Patre. Omnia igitur unum sed a Patre » Marius
Vietorin. l. c.

4^U Quoniam s. Augustino propositum fuit universam
doctrinam de SS. Trinitate secundum fidem catholicam di-
stinctius explicare, eo solum differt ab antecessoribus suis,
quod ipse instantius et industrius adductis argumentis ex
verbis Scripturae et rationibus ex interna oeconomia my-
sterii proponit et illustrat traditam fidem et catholicum in-
tellectum de processione Spiritus Sancti a Patre et Filio.

Opus non esset hic testimonia citare s. Doctoris, cum
satis multa iam superius descripta sint, et alioquin eius
doctrina in hoc capite sit notissima. Non enim solum sin-
gularibus forte textibus docet processionem a Patre et Filio;
sed relatio Patris et Filii, quatenus sunt unum principium
Spiritus Sancti, generatio Filii per communicationem sicut
essentiae ita vis spiratricis unius numero, unitas dilectio-
nis in Patre et Filio ad productionem amoris subsistentis
ut termini immanentis, haec inquam apud Augustinum
constituunt essentielle elementum in ipsa notione Trinita-
tis, sine quibus origo, distinctio, consubstantialitas perso-
narum divinarum rite intelligi nequeat; et ab ipso repe-
tuntur in omnibus locis, ubi catholicum conceptum mysterii

(1) Vides hic Spiritum Sanctum exhiberi ut *Verbum Filii*, quod
occurrit etiam apud Patres alios, et declaratum habes supra p. 404.
405. 450. 470. 471.

per sese exponit. Sicut autem Patres alii ita et Augustinus quandoque specialem pertractat controversiam contra Arianos Pneumatomachos, qui negantes tres esse divinas personas consubstantiales, quoad personam tertiam solebant suam haeresim exprimere ita, ut quamvis Filium concederent esse ex Patre, negarent tamen *ex Patre procedere Spiritum Sanctum*, quem a Filio creatum esse aiebant. In hac itaque speciali controversia Augustinus, sicut alii Patres et sicut ipsum Concilium II., ad vindicandam divinitatem Spiritus Sancti in directa oppositione contra istam haeresim insistit huic articulo fidei catholicae, quod non minus quam Filius etiam *Spiritus Sanctus procedit a Patre*.

Iam vero appellando ad hanc doctrinam Augustini et aliorum Doctorum *de processione a Patre* tamquam a principio, fonte et radice SS. Trinitatis (ἀρχη, πρ^αταρχιζή atna, zcpvçr., πη/η, ρίζα τη S-ecr./rcc), quae sane omnibus Catholicis communis est et sine qua processio *a Filio* sensu catholico intelligi non posset, Macarius Bulgakow suis Russis praefracte audet scribere, Patres illos omnes negasse et nominatim Augustinum et Fulgentium *directe reiecisse* doctrinam catholicam (1), qua credendus est Spiritus Sanctus procedere a Patre et Filio. Ut sub conspectum ponatur, quam inaudita impudentia hic homo, inter suos Episcopus et eruditionis theologicae fama celebratus, ignorantiae suorum sectatorum illudat, compendio aliquo colligamus doctrinam Augustini licet ex superioribus iam satis perspectam.

a) Spiritus Sanctus, quatenus nomen est proprium tertiae

(1) «Augustin et Fulgentius rejettent directement cette doctrine» Macarius p. 412. Non minus fraudulentas ipsa hac assertione reperies citationes locorum Augustini, in quibus dicitur contineri hanc *directa reiectio* doctrinae catholicae. Remittit enim ad testimonia ab ipso truncata (de Trin. l. IV. c. 20. n. 29; contra Maximin. l. II. c. 14. n. 1; Trin. l. II. c. 3; ep. 170. al. G6. n. 5.), in quibus si sola spectentur verba a Macario allegata, nihil aliud dicitur, quam Patrem esse fontem totius deitatis, Spiritum S. procedere ex Patre; si vero legantur integra, disserte maxime in duobus prioribus declaratur, quomodo Pater sit fons et quomodo Spiritus Sanctus procedat a Patre, « quia nimirum Pater talem Filium genuit, et gignendo ei dedit, ut etiam de ipso procederet Spiritus Sanctus, »

personae, nomen est relativum significans *spiratum ab ea persona divina*, cuius dicitur Spiritus. In divina revelatione Scripturarum continetur, Spiritum esse sicut Patris ita et Filii; adeoque credatur oportet, Spiritum Sanctum procedere a Patre et Filio. Haec doctrina ab Augustino inculcatur inultis in locis, quorum aliqua ex ep. 238. ad Pascentium, ex 1. IV. n. 29. de Trin. descriptimus th. XXXII. η. II. Repetit eadem de Trin. 1. V. c. 11. n. 12; 1. XV. c. 26. n. 45; Serm. 214. (qui est tertius de redditione symboli) n. 10; in Io. Tract. 99. n. 6-8. In ultimo hoc loco, ut solet in sermonibus ad populum, velut dialogum instituit cum suis auditoribus, « Hic aliquis forsitan quaerat, utrum et a Filio procedat Spiritus Sanctus? Filius enim solius Patris est Filius, et Pater solius Filii est Pater; *Spiritus autem Sanctus non est unius eorum Spiritus sed amborum.* » Probat hoc ex Scripturis Matth. X. 20; Gal. IV. 6; Rom. VIII. 11. « Et multa alia sunt testimonia, quibus hoc evidenter ostenditur, *et Patris et Filii esse Spiritum*, qui in Trinitate dicitur Spiritus Sanctus... *Cur ergo non credamus, quod etiam de Filio procedat Spiritus Sanctus, cum Filii quoque ipse sit Spiritus?* » Tract. 99. in Io. 1. c. Hoc ipsum sine illa forma dialogica exprimit Trin. 1. IV. n. 29, quem locum mox describam.

b) Spiritus Sanctus hypostatice seu ut s. Doctor loqui solet, *proprie* est ac dicitur *communis bonitas, sanctitas, charitas* Patris et Filii, vel etiam « Patris Filiique *communitas*, » atque hoc eodem suo caractere personali *donum* est h. e. aeternaliter *donabilis* a Patre et Filio. Haec autem omnia multis in locis Augustinus disserte explicat, nec nisi ex processione a Patre et Filio intelligi possunt. Serm. 71. n. 18. 29; Civ. Dei XI. c. 24; de Trin. V. n. 12; VI. n. 7. 11; XV. n. 27. 29. 31. 37. 50. « Spiritus Sanctus secundum Scripturas sanctas nec Patris solius est nec Filii solius, *sed amborum, et ideo communem qua invicem se diligunt Pater et Filius, nobis insinuat charitatem* (ut per unam communem Patris et Filii dilectionem producta charitas subsistens)... Non frustra in hac Trinitate non dicitur Verbum nisi Filius, nec Donum Dei nisi Spiritus Sanctus... Sic ergo eum

(Pater Filium) genuit, *ut etiam de illo Donum commune procederet, et Spiritus Sanctus Spiritus esset amborum...* Si ergo *proprie* aliquid horum trium *charitas* nuncupanda est, quid aptius quam ut hoc sit Spiritus Sanctus? » Trin. XV. n. 27. 29. Confer reliqua loca citata.

c) Ad aliquem huius processionis intellectum ex fide quaerendum, eam illustrat ex actibus spiritus creati, qui supposita fide nobis exhibent quamdam imaginem SS. Trinitatis. Sicut enim ex memoria et intelligentia (ex mente informata iam scientia habituali et ex verbo mentis) tamquam ex parente et prole procedit dilectio, ita aliquatenus intelligitur ex Patre et Verbo procedere amor substantialis, Spiritus Sanctus. Lege de Trin. l. XV. n. 41. 43. 47. 50. « Amor hominis *de scientia* (de mente et de cogitatione iam formata) *procedens* (1), et memoriam intelligentiamque coniungens, *tamquam parenti prolique communis*, unde nec parens intelligitur esse nec proles, habet in hac imagine aliquam, licet valde imparem, similitudinem Spiritus Sancti » n. 43. Vide citata in th. XXVI. XXXI.

d) Diligentissime Augustinus declarat unitatem Patris et Filii in spiratione tertiae personae, quod nempe sicut divina essentia omnisque perfectio ita etiam vis spiratrii et (quod in Deo idem est) ipsa spiratio in Patre sit incommunicata, in Filio autem eadem numero una vis spiratrix et spiratio a Patre communicata per generationem. Ideo Pater fons est Trinitatis, a Patre « principaliter procedit Spiritus Sanctus » h. e. tamquam a principio primordiali, quod Augustinus saepius etiam appellat *auctoritatem* vel rationem *auctoris* i. e. primordialis originis in Patre. Haec doctrina Augustino communis cum ceteris Patribus, sine qua processio tertiae personae a prima et secunda ut ab uno principio consistere non posset, sane ad fidem catholicam pertinet, cum nihil tandem aliud contineat, quam quod Filius persona secunda generatur a prima persona Patre in unitate essentiae et vis spirantis personam tertiam

(1) Hoc ibid. n. 47, dicitur « *amor fruentis, qui iam de utroque, ii est de gignente mente et genita notione, tamquam de parente ac proh procedat, »*

Spiritum Sanctum, seu ut Augustinus loquitur, quod « Filius a quo habet ut sit Deus, est enim de Deo Deus, ab illo habet utique, ut etiam de illo procedat Spiritus Sanctus. » Iam vero hoc caput doctrinae catholicae quod Pater est fons Trinitatis, et quod non solum Filius sed et Spiritus Sanctus procedit a Patre, Macariana perfidia a ceteris connexis capitibus avellit suppressisque contextibus proclamat, Augustinum aliosque Patres processionem Spiritus Sancti a Filio « directe reiicere. » Audiamus s. Doctorem Ecclesiae.

Quaestionem Maximini Ariani, cur Spiritus Sanctus non sit Filius, si iuxta doctrinam catholicam est ex substantia Patris, Augustinus dissolvit hac una ratione, quod Spiritus procedit non a solo Patre sed etiam a Filio, ac propterea eius processio non est per generationem; hoc tamen ipsum Filius habet a Patre.

« De Patre est Filius, de Patre est Spiritus Sanctus, sed ille genitus, iste procedens; ideo ille est Filius Patris de quo est genitus, *iste autem Spiritus utriusque, quoniam de utroque procedit*. Sed ideo, cum de illo Filius loqueretur, ait, de Patre procedit, *quoniam Pater processionis eius est auctor, qui talem Filium genuit, et gignendo ei dedit, ut etiam de ipso procederet Spiritus Sanctus*. Nam nisi procederet et de ipso, non diceret discipulis: accipite Spiritum Sanctum, eumque insufflando daret, ut a se quoque procedere significans aperte ostenderet flando, quod spirando dabat occulte (1). Quia ergo si nasceretur, non tantum de Patre nec tantum de Filio, sed de ambobus utique nasceretur, sine dubio Filius diceretur amborum; ac per hoc, quia Filius amborum nullo modo est, non oportuit nasci eum de ambobus (2). Quid autem inter *nasci* et *pro-*

(1) Duo distinguit Augustinus, *spirare* et *dare* seu *mittere*. Spiratio est aeterna, et ideo etiam tum *spirat*, quando mittit in tempore; nec nisi *spirando mittit*, quia (ut Augustinus cum aliis Patribus docet cf. th. XXXIII. n. II.) missio in tempore ipsa est manifestatio processionis aeternae. Ceterum de spiratione et processione aeterna hic agi manifestissimum est, tum per sese tum ex iis, quae continuo ab Augustino subduntur.

(2) Hanc rationem, cur processio non sit generatio, saepe comme-

cedere intersit, de illa excellentissima natura loquens explicare quis potest ?.... Satis sit ergo nobis, quia non est a se ipso Filius, sed ab illo de quo natus est; *non est a se ipso Spiritus Sanctus, sed ab illo de quo procedit; et quia ab utroque procedit, sicut iam ostendimus, unde et Spiritus Patris dictus est* (citatur Rom. VIII. 11.) *et Spiritus Filii* (Rom. VIII. 9) (1); non enim duo sunt Spiritus Sancti, tamquam singuli singulorum, sed unus potius Patris et Filii *r* contr. Maximin. l. II. c. 14. n. 1.

Quis crederet, unquam ausum esse quempiam Photianum appellare ad hunc locum ? Nihilominus Macarius bis hoc ipsum citatur testimonium, ex quo demonstret Augustinum *directe reiecis*se doctrinam catholicam de processione Spiritus Sancti a Filio. Verum describit primam tantum periodum usque ad illa: *iste procedens*; tum interiectis punctulis reliqua supprimens concludit suam citationem verbis postremis; *non est a se ipso Spiritus Sanctus, sed ab illo, de quo procedit*; in quibus sollicitè adnotat, dici in singulari *ab illo*, non autem pluraliter *ab illis* (2); sequentia vero iterum expungit. Deum bonum ! hic homo multis in locis

moratur Augustinos, quod nempe generatio concipi nequit nisi ab uno Patre, Spiritus Sanctus vero non a Patre solo sed a Patre et Filio procedit. In sententia Photiana si fuisset s. Doctor, de huiusmodi ratione discriminis inter nativitatem et processionem non cogitare quidem potuisset. Vide citata in th. XXXI.

(1) Duo haec ponit ut aequè certa et aequo necessaria: satis est, quod Spiritus Sanctus *a)* *non est* a se sed procedit ab altero; quod *δ)* procedit ab utroque, a Patre scilicet et Filio.

(2) En totam citationem Macarianam. - C'est du Père qu'est le Fils; c'est aussi du Père qu'est le Saint-Esprit; mais le Fils est engendré et l'Esprit procède ... ce n'est pas de l'Invisible qu'est le Saint-Esprit; il est de Celui (et non de Ceux) de qui il procède. Contra Maximin. l. II. c. 14. n. 1: sed ab *illo de quo* procedit. » Ita Alacarius p.380.412,

Quod attinet numerum singularem, non solum Augustinus inter magnos theologos maximus vidit, sed facile etiam omnes tirones intelligent, in contextu magis theologice dici singulariter *ab illo de quo procedit*, ut exprimat Pater et Filius *unum principium* Spiritus Sancti; sicut in operibus ad extra (quam comparisonem mox videbimus ab Augustino usurpatam) propter unitatem principii theologice loquentes dicimus: mundus creatus est a Patre et Filio et Spiritu Sancto; non est ergo *as*, *sed ab illo a quo* est creatus. Ut ad extra unus creator non tres

audet occidentales doctores fraudis accusare in citandis testimoniis!

Eadem prorsus doctrina ut in loco citato repetitur l. IV. n. 29. de Trin., Patrem esse principium non Filii dumtaxat sed etiam Spiritus Sancti atque hoc sensu totius deitatis; quamvis enim Spiritus una et eadem processione procedat etiam a Filio sicut a Patre, manet tamen Pater „ principium totius deitatis,» quia vis spiratrix Filio non est a se, sed communicata a Patre eadem quae in ipso Patre est a se et originaliter.

«Sicut natum esse, est Filio a Patre esse; ita mitti, est Filio cognosci quod ab illo sit. Et sicut *Spiritui Sancto donum Dei esse, est a Patre procedere; ita mitti, est cognosci quia ab illo procedat* (1). *dicimus possumus dicere, quod Spiritus Sanctus et a Filio non procedat; neque enim fracta idem Spiritus Patris et Filii Spiritus dicitur.* Nec video, quid aliud significare voluerit cum sufflans in faciem discipulorum ait: accipite Spiritum Sanctum. Neque enim flatus ille corporeus... substantia Spiritus Sancti luit, sed demonstratio per congruam significationem, *non tantum a Patre, sed et a Filio procedere Spiritum Sanctum...* Quod ergo ait Dominus, quem ego mittam vobis a Patre, ostendit *Spiritum Patris et Filii*; qui etiam cum dixisset, quem mittet Pater, addidit, in nomine meo. Non tamen dixit, quem mittet Pater a me, quemadmodum dixit, quem ego mittam vobis a Patre; videlicet ostendens, *quod totius di-*
creatores, ita ad intra unus spirator, non duo spiratores. Ceterum ut sentiat tota perfidia, legatur contextus Augustini: « ab illo de quo procedit; et quia ab utroque procedit. »

(1) De connexion inter processionem et missionem tamquam inter relationem aeternam et temporalem eius manifestationem, ut *missio* personae a persona in SS. Trinitate ex ipsa rei natura et iuxta doctrinam Patrum demonstret *processionem* missi a mittente, vide th. XXXII. n. 11. Quod deinde dicitur, « Spiritui Sancto donum Dei esse, est a Patre procedere,* intelligitur ex communi Patrum et nominatim Augustini declaratione, rationem *doni* esse characterem personalem Spiritus Sancti, quia procedit per dilectionem ut *donabilis*, non quemadmodum secunda persona per intellectum ut *genitus*. « Exiit non quomodo *natus* sed quomodo *datus*, et ideo non est Filius; » *sempiternae Spiritus donum*, temporaliter autem *donatum* » Aug. Trin. V. 14.17. De his dicemus inferius th. XLVI.[^]

vinitatis vel, si melius dicitur, deitatis principium Pater est (1). *Qui ergo a Patre procedit et Filio, ad eum refertur a quo natus est Filius* n Aug, 1. c.

Plenissime dogma catholicum de Spiritu Sanctos. Doctor describit postremis capitibus (c. 17-27) libri XV. de Trin., in quibus absurdae exceptiones, quas Macarius testimoniis dissertissimis opponere solet, ne a Photiano quidem confingi possunt, sermonem apud Patres esse vel de consubstantialitate dumtaxat vel de processione temporali h. e. de missione Spiritus Sancti, non vero de processione aeterna eiusdem Spiritus a Filio sicut a Patre. Quod deinde homo candidissimus consuevit de omnibus fere testimoniis suspicari, ea esse a Latinis corrupta et interpolata, potius dicat, Patres et nominatim Augustinum numquam in orbe terrarum exstitisse; neque enim magis insulsum nec Popis minus credibile hoc erit quam illud. Interim audiamus Augustinum.

u Qui potest intelligere sine tempore generationem Filii de Patre, *intelligat sine tempore processionem Spiritus Sancti de utroque*. Et qui potest intelligere in eo quod ait Filius, sicut habet Pater vitam in semet ipso, sic dedit Filio vitam habere in semet ipso (Io. V. 26).... ita eum sine tempore genuisse, ut vita quam Pater Filio gignendo dedit, coaeterna sit vitae Patris qui dedit: *intelligat sicut habet Pater in semet ipso ut de illo procedat Spiritus Sanctus, sic dedisse Filio ut de illo procedat idem Spiritus Sanctus, et utrumque sine tempore*; atque ita dictum Spiritum Sanctum de Patre procedere, *ut intelligatur, quod etiam proce-*

(1) Macarins 1. c. profert hoc etiam testimonium, quo demonstret, Augustinum directe reiecisse processionem Spiritus S. a Filio. Persoasum vero habens, suos alumnos numquam lecturos esse librum ipsius Augustini, incipit citationem ab illis verbis: *Quod ergo ait Domintu, quem ego mittam vobis a Patre*, eamque concludit his postremis: *totiui divinitatis vel, si melius dicitur, deitatis principium Pater est*, resectis non modo omnibus antecedentibus sed etiam immediate sequentibus, *qui ergo a Patre procedit et Filio, ad eum refertur a quo natus est Filius*, in quibus nemo non videt clarissime explicatam et propugnatam illam ipsam doctrinam, cuius negationem Photianus audet suis fraudibus s. Doctori obtrudere.

dit de Filio, de Patre esse Filio. Si enim quidquid habet, de Patre habet Filius; *de Patre habet utique, ut et de illo procedat Spiritus Sanctus....* Quomodo ergo non absurdissime Filius diceretur amborum, cum sicut Filio praestat essentiam sine initio temporis, sine ulla mutabilitate naturae de Patre generatio, *ita Spiritui Sancto praestet essentiam sine ullo initio temporis, sine ulla mutabilitate naturae de utroque processio?.....* Pater enim solus non est de alio... Filius autem de Patre natus est, *et Spiritus Sanctus de Patre principaliter, et ipso sine ullo temporis intervallo dante, communiter de utroque procedit...* Non igitur ab utroque est genitus, *sed procedit ab utroque amborum Spiritus* n Aug. Trin. XV. n. 47. Transcribit deinde n. 48. ipsemet Augustinus plura ex suo tractatu XCIX. in Io. seu ut ait, u quod in sermone quodam ad aures populi christiani per Scripturarum sanctarum testimonia docuit de utroque procedere Spiritum Sanctum; sed fidelibus, non infidelibus loquens, n ex quo tractatu superius th. XXXIV. et alibi plura citavimus.

e) In his quae descripsimus, iam lucidissime declaratum habemus, qua ratione Pater communicans et Filius communicatam habens spirationem unam, eo ipso sint *unum principium* Spiritus Sancti. Nihilominus id Augustinus adhuc disserte totidem verbis docet. Inquisitio et quaedam velut haesitatio apparet apud s. Doctorem non de re sed de nomine *principii*. Dicitur enim *principium* ratione creationis; ita tres personae sunt unum *principium* creaturae. Si deinde appellatur *principium* in' Trinitate etiam ratione generationis, Pater est *principium* Filii. Sed cum Spiritus Sanctus nec creatus sit nec genitus, quaeritur utrum nomen *principii* recte etiam dicatur ratione huius processionis, quae non est per generationem sed per spirationem, quam Augustinus *dationem* appellat, quatenus Spiritus Sanctus procedit ut *donum* seu (quod alibi explicat) ut *charitas*. u Ab aeternitate procedit, sed quia sic procedebat ut esset *donabile*, iam donum erat, et antequam esset cui daretur... Nam sempiternae Spiritus donum, temporaliter autem donatum, n Iam si Pater ratione huius processionis

sen sempiternae *dationis* dicitur *principium* Spiritus Sancti, eo ipso principium hoc unum est Pater et Filius.

u Unum principium ad creaturam dicitur Deus, non duo vel tria principia. Ad se autem invicem in Trinitate, si gignens ad id quod gignit, principium est, Pater ad Filium principium est, quia gignit eum. Utrum autem et ad Spiritum Sanctum principium sit Pater, quoniam dictum est, de Patre procedit (Io. XV. 26.), non parva quaestio est. Quia si ita est, non iam principium ei tantum rei erit quam gignit aut facit, sed etiam ei quam dat. Ubi et illud elucescit, ut potest, quod solet multos movere, cur non Filius sit etiam Spiritus Sanctus, cum et ipse a Patre exeat, sicut in Evangelio legitur. Exiit enim non quomodo natus, sed quomodo datus; et ideo non dicitur Filius, quia neque natus est sicut unigenitus, neque factus ut per Dei gratiam in adoptionem nasceretur, sicuti nos... Si ergo et quod datur, principium habet eum a quo datur, *quia non aliunde accepit illud quod ab ipso procedit* (1), *fatendum est Patrem et Filium principium esse Spiritus Sancti, non duo principia; sed sicut Pater et Filius unus Deus, et ad creaturam relative unus creator et unus Dominus, sic relative ad Spiritum Sanctum unum principium; ad creaturam vero Pater et Filius et Spiritus Sanctus unum principium, sicut unus creator et unus Dominus* n Aug. Trin. V. n. 14 17. cf. contra sermon. Ariānor. n. 19.

İ
M
U
H
■

5' S. Fulgentius eandem doctrinam secundum omnia capita, quae ex Augustino adnotavimus, clarissime traditae propugnat. Verum hic totum in pauca conferemus, ita tamen ut satis appareat, qua fide ilacarius affirmaverit, Fulgentium directe reiicere processionem Spiritus Sancti a Patre et Filio (2). Ex multis testimoniis seligemus tria, in quibus

(1) Pater et Filius non aliunde sed ex sua substantia dant adeoque spirant Spiritum Sanctum; sunt ergo principium, a quo Spiritus procedit.

(2) Probat Macarius l. c. hoc suum assertum nullis aliis quam hisce verbis Fulgentii: « Apostolicae fidei regulam retinentes Sanctum quoque Spiritum non aliud fatemur esse quam Deum, nec a Filio nec a Patre diversum (Macarii interpret sensum reddit Sabellianum; non *distinet*

s. Doctor Ruspensis proponit seriem quamdam articulorum fidei, 1. de Fide ad Petr.; 1. de Trin. ad Felicem c. 2; 1. X. contra Fabian, fragm. 36. In libro ad Petrum exponit « quadraginta capitula ad regulam verae fidei firmissime pertinentia, ut si quis non solum omnibus sed etiam singulis voluerit contraire, haereticus et fidei christianae inimicus, atque ex hoc omnibus Catholicis anathematizandus appareat» ibi n. 85. Iam inter haec fidei capitula undecimum hoc ipsum est. « Firmissime tene et nullatenus dubites, *eundem Spiritum Sanctum qui Patris et Filii unus Spiritus est, de Patre et Filio procedere*. Dicit enim Filius, cum venerit *Spiritus veritatis*, qui a Patre procedit, ubi *suum Spiritum* esse docuit, quia ipse est *veritas*. De Filio quoque procedere Spiritum Sanctum, prophetica atque apostolica nobis doctrina commendat » 1. c.n. 52. In libro contra Fabianum continetur explicatio singulorum articulorum fidei, ut propositi sunt credendi « in christianae fidei symbolo (apostolico), in cuius brevitate totius credulitatis christianae summa consistit; ubi tamen necessarius est rectus credentis animus, ne quod audit ad salutis effectum, ipse sibi velit ad mortis retorquere supplicium. » Iam in articulo: *credo in Spiritum Sanctum*, quid fideles catholici credant et profiteantur, Fulgentius ita Ariano declarat, « Confitemur nos credere in Spiritum Sanctum, *qui est unus Spiritus Patris et Filii, de Patre Filioque procedens*, in Patre Filioque naturaliter manens (processio immanens), *de Patre ac Filio habens divinitatis originem* (habens originem in sua divina hypostasi per communicationem divinae naturae), cum Patre ac Filio unius deitatis habens natu-

du Fils et du Père), nec in Filio nec in Patre confusum. Unus est enim atque idem Patris et Filii Spiritus, totus de Patre procedens, totus in utroque consistens, nec est divisus in singulis, quia inseparabiliter est utrisque communis » 1. cont. obiectiones Arianor. ad calcem p. 63. Fulgentio synonyma esso haec duo « Spiritus Patris et Filii » vel - Spiritus procedens a Patre Filioque, » iam vidimus in th. XXXII, idemque ex sequentibus iterum patebit. Processionem autem a Patre quae directe hic a Fulgentio sicut ab aliis Patribus contra Arianos vindicatur, non posse a catholicis intelligi, nisi processionem a Patre, quatenus Pater cum Filio unum est, mox ab ipso Fulgentio audiemus.

raliter veritatem λ 1. c. p. 655. Felici notario catholico declarat, u quomodo de sancta Trinitate, quae Deus est, credere debeat, vel qualiter possit fidem catholicam atque orthodoxam contra haereticorum errores defendere, n Ad hunc scopum non sane aliud exponit, quam quod a catholicis necessario credendum est. «Accipe fidem, inquit, in qua olim renatus es credens in nomine Patris et Filii et Spiritus Sancti. » Haec iam *fides* a Fulgentio enarrata verbis simillimis, ut in symbolo Athanasiano habentur, sicut consubstantialitatem Spiritus Sancti cum Patre et Filio, ita non minus complectitur eiusdem a Patre Filioque processionem, cuius professionem inter paucas periodos quater repetit et inculcat. « Pater a nullo est genitus, Filius a Patre est genitus, *Spiritus Sanctus a Patre Filioque procedens est...* Non est diversa Patris et Filii et Spiritus Sancti essentia; quod si esset, nec veraciter Filius a Patre gigneretur, *nec Spiritus Sanctus a Patre Filioque procederet*. Sed quia verus est Filius, id est de essentia Patris genitus, *verus est et Spiritus Sanctus a Patre Filioque procedens*. Quodsi Filius aut Spiritus Sanctus alterius generis (naturae) sunt quam Pater, nec Filius veraciter Patris est, quem extraneum facit differens essentia; *similiter nec Spiritus Sanctus a Patre Filioque procederet, quod dementis est dicere*, quia sancta Scriptura et Filium a Patre genitum, *et Spiritum Sanctum a Patre procedentem* fidei manifestat narratione» (1) 1. c. p. 330.

(1) Praeclarius nihil dici potuit, quam quae hic ex intimis theologiae medullis deprompta a Fulgentio praedicantur ut necessaria et universalis fidei professio. Eo ipso, inquit, quod Spiritus Sanctus Patri et Filio consubstantialis creditur, credendus est etiam a Patre Filioque procedere; in Trinitate namque personarum consubstantialitas nequit esse aliunde, quam quod una essentia a Patre per generationem communicatur Filio, a Patre et Filio consubstantiali genito communicatur personae tertiae Spiritui Sancto. In consubstantialitate Filii cum Patre continetur, quod Spiritus Sanctus procedens a Patre procedit etiam a Filio, quia Filius non habens communicatam a Patre eandem vim spiratricem iam non esset eiusdem naturae cum Patre, non esset Patri consubstantialis. *Quia verus est Filius*, inquit, *de essentia Patris genitus adeoque habens totam Patris essentiam, idcirco Spiritus Sanctus non a*

Vide alia non minus lucida apud eundem Fulgentium contra Fabian. fragm. XVIII. p. 602; XXV. p. 610; XXVII. p. 611. 612; XXIX. p. 626; XXXV. p. 652; ep. 14. ad Ferrand. diacon, n. 9. 28; de Incani. ad Scarilam n. 3. 4.

6". Hormisdas Pontifex post extinctum schisma Acacianum Justino imperatori exposuit fidem universalem de mysterio Trinitatis et Incarnationis. In doctrina de Trinitate haec sunt credenda. « Deus Pater, Deus Filius, Deus Spiritus Sanctus, Trinitas indivisa. Et tamen notum est, quia proprium est Patris, ut generaret Filium, proprium Filii Dei ut ex Patre Patri nasceretur aequalis, *proprium Spiritus Sancti ut de Patre et Filio procederet sub una substantia deitatis*. Proprium quoque Filii Dei, ut iuxta id quod scriptum est, in novissimis diebus Verbum caro fieret et habitaret in nobis » (1) Hormisd. ep. 79. ad Iustin. Augustum.

iolo Patre sed a Patre Filioque procedit. Unde qui credit Filium Patri consubstantialem, is intelligit Patrem cum Filio esse unum principium Spiritus Sancti; adeoque etiam intelligit, quando in Scripturis vel in professione catholica dicitur Spiritus *procedere a Patre*, hoc ipso dici a Patre quatenus unum est cum Filio, nempe *a Patre et Filio Spiritum procedere*. Hoc est quod ait Fulgentius: *Spiritum Sanctum non procedere a Patre Filioque, dementis est dicere, quia Scriptura Spiritum Sanctum a Patre procedentem fidei manifestat narratione*.

(1) Mansi (T. VIII. p. 521) in uno codice Lucensi reperit duas ultimas periodos ab illis verbis *proprium Spiritus Sancti* etc. manifesto sphalmate librarii ita perturbatas, ut sensus omnis et contextus pervertatur. Prima enim manu in illo scriptum erat: « notum etiam quod sit proprium Spiritus Sancti; proprium autem Filii Dei, ut in ita id quod scriptum est » etc. Merito ergo in eo ipso codice - manus antiqua et fere aequalis » restituit lectionem genuinam, quam in textu dedimus et quam eandem saec. IX. inennte iam habuit Theodolphus Aureliancensis l. de Spir. S. et saeculo eodem Aeneas Parisiensis cont. Graec. c. 54. (Migne T. CV. p. 269. CXXI. p. 711.). Res est per se tam liquida, ut hoc sphalma amanuensis mentionem non mereretur, nisi schismaticus Macarius heic quoque, ut in aliis innumeris locis, ridenda spectacula suis Popis exhibere voluisset. Traducit ipse fraudis reos theologos catholicos, qui citant locum Hormisdæ, nec attendunt, inquit, « ad animadversionem magni momenti a Mansio faciam, qui locum contulit cum codicibus manu scriptis » Macar. p. 398. Atqui Mansius illam perturbationem textus non *in codicibus* sed *in uno codice* Lucensi reperit, nec animadversio eius ullius est momenti, nisi forte ad notitiam

7°. Episcopi Africae in professione fidei ad Hunericum regem, dp qua diximus supra p. 55, itidem declarant: «ingenitum Patrem et de Patre genitum Filium et *de Patre et Filio* (1) *procedentem Spiritum Sanctum* unius credimus

aliquam codicis exhibendam, quatenus a ceteris discrepet. Quod subdit Macarius, Adainum Czernicovium vidisse in uno codice Hamburgensi «eundem textum primitivum (nempe illnm sensu vacuum) restauratum, » nihil moramur, cum homo iste pro Photiana haeresi, ad quam ab altera Lutherana devolutus erat, omnia arripiens miscensque quadrata rotundis non maiorem Macario fidem mereatur, nec proinde scire possimus, unde et quomodo illa *restauratio* in codice Hamburgensi acciderit, ac denique, quomodocumque irrepserit, textus manifestum praeferat errorem librarii.

(1) Testatur B. uinart hoc incisum *et Filio* exstare tum in editis tum in manuscriptis codicibus Historiae de persecutione Vandalica, si excipias unum codicem Laudunensem et alterum Colbertinum, in quo scriptum est alia manu, nec non editionem Rhenani. Hinc mirum profecto, quomodo ex ista (ut videtur) editione irrepserit lacuna eadem in editiones Conciliorum (Harduin. II. p. 858; Mansi VII. p. 1143). In Africa sane anno 484. triginta annis post obitum Augustini professio processionis a Patre et Filio non poterat non esse communis, cum sanc'us Doctor cuius tanta erat tum in Ecclesia universa tum maxime in Africa auctoritas, hanc fidem non modo singulis testimoniis vindicaverit, sed etiam cum tota oeconomia mysterii Trinitatis intime complexam esse in omnibus suis explicationibus profundioribus demonstraverit. Unde Vigilium Tapsensem qui unus erat ex 461 Episcopis subsignatoribus professionis ad Hunericum regem, videmus diserte eundem consensum fidelium declarare. Ad objectionem Arianam: « ostende Spiritum Sanctum, *unde trahat originem*, quem nec ingenitum sicut Patrem, nec genitum sicut Filium profiteris; Vigilius respondet: « *certa et manifesta origo Spiritus Sancti Vater et Filius*, qui nec ingenitus cum iugenito, neque genitus cum unigenito a fidelibus creditur; sed Spiritus Patris (et Filii) esse Scripturarum sacrarum eloquiis comprobatur (sequuntur testimonia promiscua, ubi dicitur modo Spiritus Patris modo Filii Gal. IV.6; Phil. 1.19; 1 Pet. I. 10)... et multis Scripturae divinae locis *Patris et Filii appellatur* » J. II. c. 12. contra Varimad. (cf. th. XXXII. n.II.). Non minus disserte in libris de Trin. Vigilius eadem inculcat. « Quomodo duo ligna coniuncta, missa in fornacem ignis, et de duobus lignis procedit flamma inseparabilis; sic de Patris et Filii virtute procedit Spiritus Sanctus, ipsam virtutem deitatis habens » Vigil. Trin. l. VIII. p. 268. Ipso hoc tempore persecutionis Vandalicae, ut censent Maurini, habitus est sermo ad catechumenos (inter Opp. Augustini T. VI. de symbol, serm. 2.), in quo n. 18. eadem est expositio articuli de Spiritu Sancto: « idem ipse Spiritus Patris et Filii procedens a Patre et Filio. » Paulo post haec

esse substantiae vel essentiae » Victor. Vitens. de persec. Vandal. l. III. η. 1. ed. Ruinart. p. 43.

8°. Anno 447 celebratum est Concilium Toletanum (II) Jubente Pontifice Leone M. contra Priscillianistas, quorum unum inter ceteros errores a Turribio Episcopo Asturicensi sibi delatos sic designat Pontifex: « Patris et Filii et Spiritus Sancti unam atque eandem asserunt esse personam, tamquam idem Deus (scilicet idem hypostasi) nunc Pater nunc Filius nunc Spiritus Sanctus nominetur; nec (ut fide catholica credendum est) alius sit qui genuit, alius qui genitus est, alius *qui de utroque processit* » s. Leo ep. Io. c. 1. Porro in eo Concilio edita est a regula fidei catholicae contra omnes haereses et quam maxime contra Priscillianos, quam Episcopi Tarraconenses, Carthaginenses, Lusitani et Baetici fecerunt, et cum praecepto Papae Urbis Romae Leonis ad Balconium Episcopum Galliciae transmiserunt. *n* In hoc symbolo disserta est professio: « credimus in unum Deum Patrem et Filium et Spiritum Sanctum... Patrem non esse ipsum Filium, sed habere Filium qui Pater non sit... Spiritum quoque Paracletum esse, qui nec Pater sit ipse nec Filius, *sed a Patre Filioque proce-*

tempora Hunericum s. Fulgentius (ut vidimus) in eadem Africa tradidit professionem fidei firmissime tenendam et communem omnibus Catholicis, Spiritum Sanctum a Patre Filioque procedere. Hocque ipsum eadem aetate pluribus locis epistolarum suarum repetit Ferrandus diaconus Carthaginensis. Ubi fidem catholicam opponit doctrinae Arianae, « Catholici, inquit, e contrario Deum Patrem, Deum Filium, Deum Spiritum Sanctum unius esse essentiae confitentur; et nemini alterum praeponere cupientes, de Patre tamen Filium natum, *de Patre et Filio Spiritum Sanctum procedere sentiunt* » Ferrand, ep. 4. n. 1. ad Eugipp. vide ep. 5. n. 2. ad Sever.; ep. 7. n. 12. ad Regin. Quamvis itaque difficultas dogmatica in eo nulla fingi posset, si Africani Episcopi in sua defensione fidei catholicae ad Hunericum et Vandalos Arianos tantummodo *processionem a Patre* directe nominassent ad demonstrandam Spiritus Sancti divinitatem, de qua erat praecipua disputatio, sicut ab aliis PP saepe et ab his ipsis Episcopis inferius n. 2. factum esse videmus; attamen communis fides et instans praedicatio dogmatis praesertim in Africa, modus disputandi quem ibidem ab aliis Patribus eadem tempestate contra Arianos observatum esse constat, codicum denique auctoritas demonstrant, cam quam Ruinartius retinuit, genuinam esso lectionem.

dens. Est ergo ingenitus Pater, genitus Filius, non genitus Paracletus *sed a Patre Filioque procedens* » (1) Hard. I. p. 993.

In Concilio deinde Toletano III. Episcoporum Hispaniae et Galliae Narbonensis sub Reccaredo rege anno 589 est professio fidei contra haeresim Arianam proposita a rege, in qua dicitur: « Spiritus aequae Sanctus confitendus a nobis et praedicandus est *a Patre et a Filio procedere*, et cum Patre et Filio unius esse substantiae. » In symbolo ipso Constantinopolitano, quod cum formula Nicaena et definitione Chalcedonensi rex sua manu subscriptum dedit, inserta est declaratio fidei «in Spiritum Sanctum... *ex Patre et Filio* procedentem. » Laetis acclamationibus suscepta est regis professio ab universo Concilio, eademque cum 23 anathematismis repetita et subscripta ab Episcopis, Clericis et senioribus gentis Gothorum ab Ariana haeresi conversis. In anath. III. edicatur: « si quis Spiritum Sanctum non credit, aut non crediderit *a Patre et Filio procedere*, eumque non dixerit coaeternum esse Patri et Filio et coaequalem, anathema sit. » Insuper postulante rege statuit Concilium, «ut omnes Hispaniarum et Galliciae Ecclesiae hanc

(1) Symbolum hoc cum particula *Filioque* adoptatum fuisse a Patribus Concilii anno 447. nullum est dubium, nec video, cur cl. Hefele (Hist. Concil. T. II. p. 289) dicat id a Ceillierio negari (T. XIV. p. 625.). Dubium indicatum a Ceillierio et aliis solummodo est, utrum haec formula fuerit iam edita in Cone. Tolet. I. anno 400 et anno 447 repetita, an vero primum hoc anno posteriori conscripta (vide Ballerinos Opp. s. Leonis T. II. p. 1374. sqq.). Idem symbolum olim adscribebatnr s. Augustino et erat sermo 129. de Tempore, in ed. Maurina reiectus in appendicem (T. V. serm. 233.). In codice canon, et const. Sedis Apostolicae edito a Quesnello exstat cap. 40. (Opp. s. Leonis ed. Ballerin. T. III. p. 282.) hoc titulo: « Libellus Augustini de fide catholica contra omnes haereses. » In hac editione codicis Constitutionum illud *Filioque* omittitur; at lectio in Cone. Toletano non habet dubitationem, et eodem modo additum *Filioque* exstat in edd. Serm. Augustini. Cum hoc etiam congruit symbolum Damasi » inscriptum (de quo vide Constantium epp. RR. Pontificum append, p. 102.). Ballerini suspicantur, symbolum fuisse primum editum in Cone. Tolet. I. anno 400 sine declaratione illa *Filioque*, et hanc praeceunto Leone Pontifice anno 447 fuisse additam (Opp. Leonis T. III. p. 951.).

regulam servant, ut omni sacrificii tempore ante communicationem corporis Christi vel sanguinis iuxta orientalium partium morem unanimiter clara voce sanctissimum fidei recenseant symbolum » (utique iuxta formulam ibi recitam) Hard. III. p. 469. sqq.

Huc referenda est etiam professio disserta Concilii Hedefeldensis omnium Episcoporum Angliae sub Theodoro Cantuariensi (natione Graeco) anno 680 (Mansi XI. p. 176.); tum symbolum Athanasianum, quod saeculo iam VII. publico in usu fuisse constat ex canonibus Augustodunensibus editis sub s. Leodegario anno 676 vel 677 (1), et saeculo VI. ineunte iam exstitisse certis argumentis probarunt eruditi (2). Quisquis igitur sit auctor huius symboli, certe diu ante ortam controversiam publica erat Cleri et populi catholici professio fidei, qua dicitur *u Spiritus Sanctus a Patre et Filio non factus nec creatus nec genitus sed procedens, n*

Patres alios latinos Gregorium M., Eucherium, Vigilium Tapsensem, Gennadium, Avitum Viennensem, Paschasium diaconum (nisi is sit Faustus Regiensis) aliosque vide apud Petav. l. VII. c. 8. n. 5. sq.; Lequien dissert. Damasc. I. n. 4. 10. et apud ceteros.

Consensus certe talis est in disserta professione doctrinae, ut is iuxta principia de traditione catholica quae alibi demonstravimus, non aliunde quam ex revelatione scripta vel tradita et ex legitima explicatione revelationis derivari potuerit. Adeoque etiam secundum eadem principia vel ex solo consensu Patrum occidentalium certum haberi debet, fieri non potuisse ut ecclesiae et Patres orientis consensu communi sequerentur doctrinam oppositam (cf. supra p. 163. 164). Quodsi orientalium doctrina non esset explicita, et modus loquendi ambiguus atque obscurior; hoc unum

(1) In canone Γ. edicitur: *α si quis presbyter, diaconus, subdiaconus vel Clericus symbolum quod Sancto inspirante Spiritu Apostoli traderunt, et Fidem s. Athanasii Praesulis irreprehensibiliter non recenserit, ab Episcopo condemnetur, n*

(2) Vide Ioseph. Antelmium de Symb. Athan., Ballerinius Observ. ad dissert. XIV. Quesnellii (Opp. S. Leonis T. III. p. 954. sq.); Meratium (in Thesouro Zachariae T. III. p. 413. sq.); cf. Papebrochium (Respons. ad exhibit. error. T. II. art. 13. §. 4).

consequeretur, quod illorum sententiam ex disserta, clara et communi doctrina occidentalium explicare sicque ad intellectum catholicum redigere oporteret. Quae principia si negent schismatici, ipsis orientalibus ss. doctoribus maximis contradicunt, viam sibi occludunt conciliandi inter se Patres orientales nominatim etiam in doctrina de consubstantiali Trinitate, et quod omnium perniciosissimum est, totam oeconomiam traditionis catholicae subvertunt. Cf. Bessarion. opusc. aur. p. 213.; *et* quae confessi sunt Episcopi Graecorum in Concilio Florent. Hard. IX. p. 390.

TIL At Patrum graecorum doctrina de processione Spiritus Sancti non minus disserta est et constans quam occidentalium; quod quidem iam ex testimoniis superius obiter adductis constare posset, est tamen seorsim demonstrandum. Hic vero nos continebimus in iis tantummodo testimoniis, quibus totidem verbis docent processionem *ex Patre et Filio*, processionem *ex Filio sicut ex Patre*, acturi postea de aliis principiis et explicationibus eorundem Patrum, quibus hoc ipsum dogma non solum enuntiant sed etiam declarant distinctius et illustrant.

1°. S. Athanasius adversus Arianos, qui negantes consubstantialitatem Filii nondum directe disputabant de natura Spiritus Sancti, demonstrat divinitatem Verbi ex ipsa revelata processione Spiritus Sancti a Verbo, „Filius non fit Spiritus particeps, ut sit in Patre; neque ipse Spiritum accipit, sed eum potius omnibus impertit. Neque Spiritus coniungit Verbum Deo Patri, *sed immo Spiritus accipit a Verbo....* Aliter Filius est in Patre, aliter nos ut in illo simus, consequimur. Nisi forte, ut semper, etiam nunc audeant dicere, Filium participatione Spiritus et recte factis assecutum esse, ut sit in Patre. Atqui hoc vel in cogitationem admittere nimis impium est. Ipse enim, sicut dictum est, dat Spiritui (al. dat Spiritum), *et quaecumque habet Spiritus, a Verbo habet...* Nos vult Spiritum accipere, ut *per Spiritum Verbi* quod est in Patre, videamur et nos unum fieri *per Spiritum in Verbo, et per ipsum (Verbum) in Patre....* Censebimur unum fieri in Patre et Filio per habitantem in nobis *Spiritum, qui est in Verbo, quod (Ver-*

bum J eut in Patre n (1) Athan. contr. Arian, serm. III. n. 24. 25. Demonstrat itaque Athanasius divinitatem Verbi ex eo, quod secundum Scripturas non Spiritus Sanctus sanctificat Verbum illudque Deo Patri coniungit ea participatione divinitatis, ex qua Ariani Filium concedebant Deum appellari; sed quod ipse Spiritus Sanctus, quem adversarii Deum esse nondum saltem explicite negare audebant, *omnia quae habet, adeoque ipsam suam divinam naturam habet a Verbo*, quae est ipsa definitio processionis per communicationem naturae. Unde non Verbum accipit a Spiritu Sancto, ut sit Deus sensu illo Ariano, sed Spiritus Sanctus Deus est de Deo Verbo, atque hoc sensu *Spiritus est in Verbo* ut in suo principio, et *Verbum in Patre* itidem ut in suo principio per communicationem naturae, quod Athanasius alibi dicit, «eandem esse proprietatem Spiritus Sancti ad Filium, quae est proprietas Filii ad Patrem.n

Ordine quodammodo inverso in epistolis ad Serapionem argumentatur Athanasius contra illos Semiarianos, quos ipse tropicos appellat. Isti enim concedebant Filium esse Deum verum; sed Spiritum Sanctum aiebant esse creaturam Filii, non vero per communicationem divinae naturae, ac propterea non a Patre procedere. Unde contra eos s. Doctor ostendit, Spiritum procedere a Filio per communicationem omnium perfectionum quae sunt Filii, adeoque si Filius verus Deus est, etiam Spiritum Sanctum esse Deum verum; atque idcirco sicut a Filio ita etiam a Patre procedere, quoniam omnia quae sunt Filii, sunt Patris.

Quamvis Serapion postulasset doctrinam dumtaxat de Spiritu Sancto, nihilominus Athanasius totam epistolam secundam impendit demonstrandae divinitati Filii. Huius rei rationem reddit initio epistolae tertiae. Quia nimirum Spiritus omnia habet a Filio, sicut Filius omnia habet a

(1) αατο γοφ (ο λογο) ω ειρηται, τω πνευματι (al. το πνευμ.α) SiS^iri, και όσα ε/ει το πνεύμα παρα του λογον εχει. .. επειν) γαρ ό λογο εστιχ εν τι; πατρι t το δε πνεύμα εχ του λογου διδοται, λαβειν ημά το πνεύμα γ Ινα... εχοντβ^ 70 πνεύμα του λογου του οντο εν τ& πατ ι δοξχ\X:> και τίμει ξια το πνεύμα εν γενε<τ\$αι εν τω λογω, και δι' αυτου τω πατρι ... νομισ\$-η-σομε^α εν ύιφ πατζϊ εν γεγενησΟαι, δια το εν -ημιν είναι πνεύμα γ οπέ ιστιν εν τω λογω τω οντι εν τω πατζι.

Patre, idcirco divinitas Filii est fundamentum, ex quo demonstratur divinitas Spiritus Sancti. Quantumvis enim ostendas ex Scripturis Spiritum esse Spiritum Filii; nisi constiterit Filium esse Deum, neque constabit Spiritum Filii esse Deum. Contra vero si Filius est verus Deus, quod quidem adversarii non negabant, eo ipso Spiritus eius demonstratur verus Deus, quia a Filio accipit omnia quae sunt Filii. «Quoniam Dominus ait: Paracletus non loquetur a semet ipso, sed quaecumque audiet loquetur, quia de meo accipiet et annuntiabit vobis; quoniam item cum insufflasset, *ex se ipso dedit eum* (ἀεὶ ὡχεν ἰ ἀνζεν ζενζεν) discipulis, atque ita effudit eum Pater, sicut scriptum est, super omnem carnem: idcirco iure ac merito ante a me de Filio Dei actum scriptumque est, ut ex cognitione Filii (a quo nempe Spiritus audit et accipit, et ex quo datur) valeamus et Spiritus Sancti rectam assequi notitiam. *Qualem enim cognovimus proprietatem esse Filii ad Patrem, eandem Spiritum ad Filium habere reperiemus. Et quemadmodum Filius dicit: omnia quaecumque habet Pater, mea sunt; ita haec omnia per Filium etiam in Spiritu esse deprehendimus. Ac sicut Pater ostendit Filium his verbis: hic est Filius meus dilectus, in quo mihi bene complacui; ita Spiritus est Filii:* misit enim, ait Apostolus, *Spiritum Filii sui* n Qf Sequuntur deinde testimonia, in quibus sicut Filii ita etiam Patris Spiritus appellatur. « Sane ergo si Filius *ob suam proprietatem ad Patrem* et quia eius substantiae est proprium genimen, non est creatura, sed Patri consubstan-

(1) In praecedenti nempe epistola cognovimus, inquit, Filium procedere a Patre non per creationem sed per communicationem aeternam unius naturae: « si fons, si lux, si Pater est Deus, nefas certe dictu est, Vel fontem esse aridum, vel lucem sine splendore, vel Patrem sine ratione [χωρὶ λόγον)... quaecumque in Patre esse intellexerimus, non est dubitandum quin eadem sint in Filio, cum ipse Dominus dicat: quaecumque habet Pater, mea sunt » ep. 2. n. 2. Iam eandem proprietatem dicit esse Spiritus Sancti ad Filium: sicut nempe omnia quae habet Pater, sunt per communicationem in Filio a Patre; ita haec eadem omnia per communicationem a Filio sunt in Spiritu Sancto. Unde sicut ratione originis aeternae dicitur et est *Filius Patris*, ita dicitur et est *Spiritus Filii*.

tialis: sic nec Spiritus Sanctus creatura fuerit *ob suam proprietatem ad Filium, et quia ex ipso datur omnibus, et quae habet, Filii sunt* n (1) ep. 3. η. 1.

Rursum paulo inferius alio modo processio declaratur. «Unguentum et signaculum Spiritus Sanctus est et dicitur... *Hoc unguentum spiramen est Filii... Porro quatenus est signaculum, exprimit Filium*, ita ut quod signatur, Christi formam habeat... Quodsi *Spiritus bonus odor et forma Filii* est, constat Spiritum non esse creaturam, quandoquidem etiam *l'ilius cum in forma Patris sit*, non est creatura » (2) ib. n. 3. Alio loco: « *Filius insufflavit Spiritum* in faciem Apostolorum, dicens: accipite Spiritum Sanctum; *ut discamus, ex plenitudine divinitatis esse Spiritum*, qui discipulis datur; *in Christo enim, inquit Apostolus, inhabitat omnis plenitudo divinitatis corporaliter.* » In Scripturis Spiritus Sanctus dicitur aqua multis in locis. « Propterea ait David: quoniam *apud te est fons vitae*, et in lumine tuo videbimus lumen. Noverat enim, *apud Patrem Filium esse fontem Spiritus Sancti* » (3) l. de Incarn. contr. Arian, n. 9.

(1) Οταν γαρ ἠγνώμιν ἰλιότητα του υἱου προ; τον πατρυα, ταντην ἰχειν ~ο πνεύμα προ τον υἱόν εὐρησομει, και ὡσπερ ο υἱο λεγει, παντα ὅσα εχει ο εμα εστιν, οὕτω ταυτα ζιαντα δια του υἱου εὐρησομεν δντα και εν 7« π'ευματΓ και ω ο πατη ἔδειξε τον υἱόν λεγων, οὗτο εστιν ο υἱο μου ο αγαπητό, εν φ ευδόκησα, οὕτω του υἱου εστι το πνεύμα... Οὐχουν ει ὁ υἱο cia την προ τον πατέρα ἰδιότητα, και Sia το εἶναι αὐτου τη ουσία ἰSιον γέννημα, οὐχ εστι χτίσμα, ἀλλι δ/χοουσιο του πατρο ' οὕτω οὐχ αν ειη ουδέ το πνεύμα το άγιον χτίσμα, άλλα χάν ασεβή δ λεγων τούτο, Sia την προ τον υἱόν ἰδιότητα αὐτου, και ὅτι εξ αὐτου διδοται πασι, και ά εγει του υἱου εστι.

(2) Χρίσμα και σφραγι λεγεται και εστι το πνεύμα και γαρ το χρίσμα τούτο πνοή εστι του υἱου ... και η σ'ραγι δε τον υἱόν εχτυποί ... ει δε το πνεύμα ευωδία και μορφή του υἱου εστιν. ευδηλον ω ουχ αν ειη το πνεύμα χτίσμα, επειδή και ο υἱο εν μοργ? πατρο ὑπαρχων, οὐχ εστι χτίσμα.

(3) Όιδε γαρ παρα τω σεω πατρι ὄντα τον υἱόν την πηγην του άγιου πνεύματος. Advertatur, haec omnia in l. de Incarn. ab Athanasio adferri ad demonstrandum, « Spiritum esse cum Patre et Filio eiusdem deitatis, eiusdem potentiae. * Atqui haec argumenta probant divinitatem Spiritus Sancti, si *esse ex plenitudine divinitatis Filii* et *ex Filio tamquam ex fonte* significant processionem internam per communicationem naturae, ut verba praescierunt, sed nihil omnino probant, si significant tantummodo missionem ad extra, ut a Photianis detorquentur.

2°. S. Epiphanius in Ancorato, quem librum potissimum scripsit ad declarandam fidem catholicam de Spiritu Sancto, saepe hoc dogma proponit, « Pater ingenus... Filius genitus... Spiritus Sanctus aeternus, non genitus, non creatus, non frater, non patruus, non avus, non nepos, *sed ex eadem essentia Patris ac Filii Spiritus Sanctus*; spiritus enim est Deus... Non nomine Filii nec nomine Patris appellatus, ut nomina quae uni tantum competunt, non sint communia, excepto nomine Deus (quod est commune tribus); enim vero in Patre nomen *Deus*, in Filio nomen *Deus*, in Spiritu Sancto nomen *Dei* et *Deus* (1), est enim *Spiritus Dei* et *Spiritus Patris* et *Spiritus Filii*, non secundum aliquam compositionem, ut in nobis est anima et corpus (quasi *Spiritus Patris* et *Spiritus Filii* diceretur velut anima Patris et Filii), sed est in medio Patris et Filii, *ex Patre et Filio*, tertius appellatione (2) (ut distincta hypostasis); euntes enim, inquit, docete... in nomine Patris et Filii et Spiritus Sancti » Ancorat. n. 7. 8.

Eadem doctrina dissertissime repetitur ibidem n. 70. 71.72., quem locum iterum Epiphanius ipsemet exscripsit in Haeres. LXXIV. n. 7. 8. « Si lux est Deus et Pater, lux de luce est Filius... Sapientia totus est Deus; igitur Filius Sapientia ex Sapientia... *Spiritus vero ab ambobus, Spiritus ex spiritu*; spiritus enim est Deus... At dicet aliquis: igitur duos statuimus Filios, et quomodo unigenitus est? Immo vero tu quis es, qui contradicas Deo? Si enim (Pater) Filium vocat, qui ex ipso est, *Spiritum Sanctum autem qui ex ambobus*, quae quidem fide tantummodo intellecta a sanctis, lucida, illuminantia, lucidam vim habent, et in fide luminis consonantiam servant cum ipso Patre (cum fidei doctrina de Patre). Audi, quisquis es, quod Pater vere est Filii Pater, totus lux; et Filius vere Patris, lumen de lumine;... et Spiritus Sanctus est Spiritus verita-

(1) Ita certissime locus interpungendus et intelligendus est, quamvis in ed. etiam Petavii intersectio et interpretatio sit diversa.

(2) Ἰν τῷ ἁγίῳ, οὗ γίννητο», οὐ κτιστόν... «λλ* Ἰκ τῆς οὐσίας τοῦ πατρὸς καὶ τοῦ υἱοῦ τὴν φύσιν ἁγίαν.../ν μεσῶ πατρὸς καὶ υἱοῦ, /χ τοῦ πατρὸς καὶ υἱοῦ, τρίτον τῇ ὀνομασίᾳ.

tis lumen tertium (hypostasi) *a Faire et Filio*» (1) Haeres. LXXIV. Le.

Praeterea idem s. Doctor verba Scripturae *u* de meo accipiet n Io. XVI. 14. 15. expresse explicat de processione Spiritus Sancti ex Filio, *u* Christus ex Patre creditur Deus de Deo, et *Spiritus ex Christo seu ab utroque*, sicut ait Christus ipse: *qui a Patre procedit*, et *hic de meo accipiet*» Aneor, n. 67. 72.; Haeres. LXXIV. n. 10. «Semper Spiritus cum Patre et Filio.... *a Patre procedens et quod Filii accipiens*, non alienus a Patre et Filio, sed ex eadem essentia et ex eadem deitate, *ex Patre et Filio*, cum Patre et Filio subsistens semper Spiritus Sanctus» Haeres. LXII. n. 4. Eodem modo interpretatur appellationes *Spiritus Christi*, *Spiritus Filii* Aneor, n. 8. 72.

Epiphanius itaque sine ullo dubio habuit inter dogmata «a Sanctis per fidem intellecta» processionem Spiritus Sancti a Patre et Filio: *rc àγικν πνευρια l./l. κυ πατρο και του νικυ Ane. 8.; εκ τη αυτη ουσια πατρο και υιου ib. 7.; παρα πατρο και υιου ib. 71.; àr.c πατρο και νικν ib. 72.; παρα του πατρο και εκ του υιου Haer. 74. η. 10.; παρ αμφοτερω^ ib. η. 7.; ιζ του Χριστου η παρ αμφοτερων Ane. 67. etc.* Hanc fidem reperit in professione Ecclesiarum orientalium, ut insuper constat ex symbolo, quod ab Epiphanio relatum describimus inferius loco opportuniori.

3^o S. Cyrillus frequenter modis loquendi ac argumentis multiplicibus eandem doctrinam tradit. Nunc tamen solum ipsa verba disserta quaerimus. Postquam dixit, Spiritum esse *veritatis* h. e. Spiritum Filii, qui est veritas, et Filium dare Spiritum Sanctum ut suum proprium Spiritum, subiungit declarationem. «Numquid ergo non summo iure putabit aliquis, imo recte credet, *Filium utpote cui natu-*

(1) 'Ei ie ζω; ο Sso; και τταηφ, ζω; ικ ζαητοζ δ υιο;... το is άγιον zrvsu/χα zap ά^φοτερων, ττινυμα ι'κ Trvw/χαροζ... η γαρ τον /zξν υιόν καλπ τον ι αυτου το δι άγιον πνιυ/χα το παρ q τερών [aqvov πιστει νοου/xfva υ,το των άγιων ... 7>fUua άγιον ττινυμα αληθία <στι, ζω; τρτον παρα πατρο; και υιού.

Qnod hic recto legitur ττινυμα άγιον παρ άμφοτίρων, ττινυ/ζα ικ imo-ματο;; in Ancorato η. 70. unde totum locum Epiphanius ipse transumpsit, nostris in editionibus Basileensi et Petaviana erratum est: πν^υ/χα άγιον παρ' ά/Χγοτιρων, πνζυ/χα ικ ττατρο.

ralia bona Dei Patris essentialiter sunt communia, habere Spiritum Sanctum eodem modo, quo Pater habere intelligitur; non extrinsecus accitum, stultum enim et furiosum est ita sentire; sed sicut unusquisque nostrum suum proprium spiritum in se continet et ex intimis visceribus foras profundit? Propterea enim Christus corporaliter insufflavit, significans, quemadmodum ex ore humano corporaliter spiritus procedit, sic ex divina essentia deitati convenienter profundi Spiritum, qui ex ipso (Christo Filio) est n (1) in Io. p. 810. Eadem fere, si fieri potest, adhuc clarius repetit in Thesauro, « Quem Spiritum beatus Moyses insufflasse Deum homini affirmat, eundem Christus renovans in nobis, post resurrectionem a mortuis insufflavit discipulis suis... Cum igitur Spiritus Sanctus in nobis inhabitans conformes nos Deo reddat, *procedat vero is ex Patre et Filio*, manifestum est divinae essentiae eum esse, *essentialiter in ipsa* (sibi communicata) *et ex ipsa* (quatenus est in Patre et Filio ut principium *quo*) *procedentem* (2); sicut halitus ex humano ore prodiens, etsi humile et non dignum tanta re hoc sit exemplum; Deus enim omnia excedit » Thesaur. p. 345. « Spiritum veritatis hoc est suum appellat (Filius) Paracletum; *non enim Spiritus Sanctus alienus intelligitur ab essentia unigenitif sed ex ea naturaliter procedit*, non aliud quam ille existens quoad naturae identitatem, quamvis intelligatur esse in propria subsistentia... Non loquetur a semet ipso... siquidem Spiritus et veluti *mens mea* est., Et futura annuntiabit vobis; ac si diceret: hoc vobis erit signum, *Spiritum omnino ex mea substantia esse, et veluti mentem meam* n (3) in Io. p. 925. 92δ. « Indefectibilem per

(1) Ὅτι των του Σου και πατρο; φυσικῶν αγαδων ουσιωδω; ὑπαρχον κοινωνο;, ὁ υἱο; syji το πνεῦμα κατα τοῦτον τ<> τροπον, καδ'ονπεζ αν vgoito και πατήρ. ουκ επακτόν οὔδε ε*ξω\$εν ... αλλ'ω/περ ημῶν ἑκαστο; το ἴδιον εν εαυτω πνεῦμα συνεχει, και εκ των ενδοτάτων στλαγχνων ει το ε'ξω προχει. Διο γαρ τοι τοῦτο σωματικω; ἐνε^υσησεν ο Χρίστο;, δεικνυ; ὅτι καθαπερ ἐχ στοματο; του ανθρωπίνου προεισι το πνευρ,α σωματιν.ω, οὔτω και εκ τη; (l)ia; ουσία; Θεοπρεπω; προχέιται το εξ α'υτου. I

(2) προεισι δε και εκ πατρο και υἱου, πρόδηλόν οη τη ζεια; εστιν ουσία;, ουσιωδω; εν αυτή και εξ αυτή; ττ'οίον.

(3) Ου' γαρ αλλοτριον τη ουσία; του μονογενοῦ το άγιον vosirai πνεῦμα,

omnia infert (Ioannes) aequalitatem Filii cum Spiritu, qui est eius proprius Spiritus et *ab ipso secundum naturam profunditur* η (το 10ic'J άντου γ.cti τ.ο/.c άντου ν.ν.τσ. γνσιν προχεφενον Kiiνwx cf. supra p. 469. 480) in Io. p. 126. (1). «Sic dicimus *Spiritum accipere ex Patre et Filio quae ipsorum sunt* ().Λαβοι>εν το πνεύμα εν. τε του πατρο ν.αι υ'ιου τα αυτώνζ , non quasi aliquando non habuisset scientiam et virtutem quae illis inest, et tum demum inciperet habere, quando cogitatur accipere ; semper enim sapiens et potens est Spiritus, imo vero ipsa sapientia et potentia, non ex aliqua participatione sed natura sua. » Sequitur dein familiaris Cyrillo comparatio processione Spiritus Sancti a Patre et Filio cum processione fragrantiae ex aromatibus (cf. supra p.403.) in Io. p. 931. Habes hic sicut apud Athanasium non modo assertionem dogmatis sed etiam lucidam declarationem, quid sit processio ; communicatio videlicet omnium quae sunt Dei, i. e. essentiae cum perfectionibus absolutis ex Patre et Filio in Spiritum Sanctum. «Si Filius per Spiritum habitat in nobis... quomodo non sicut ipse *et ab ipso Spiritus eius* (ο*)ζ ουτο τε γ.ατ παρ άντου το πνευ/χα άντου) , *omnem eius habens virtutem?* n Dial. VI. de Trin. T.V.P. I. p. 598. «Quatenus (Christus) Deus est et ex Deo et Patre, *Spiritus est eius proprius, et in ipso, et ex ipso* (totev άντου τε, ν.αι εν αυτω, ν.αι ε άντου το πνεύμα εστι) , *sicut nempe id intelligitur etiam de Deo et Patre*. Quatenus vero homo factus est et similis nobis, impertitum dicitur habere Spiritum » in Ioel. T. III. p. 228.

Postquam sensus, quo Cyrillus in anathematismo IX. dixerat Spiritum Sanctum *proprium Filii*, a Theodoreto fuerat

ἰθ0Ησι δε ψυσιχω; *ίζ* άυτη; , ου'δεν ότερον *srap* ά'υτον υ'τταρχον, όσον *Ιι* παντότητα (ρυσεω; , εἰ και νοοιτο τυχόν ιδιοσύστατα; ; ... ση/ζειον τουτο εσται υ/ζιν, ότι δη παντω; εκ της f/ζη; ουσία; το πνευ/ζα εστι, και διοκ ε'ζο; <στι νου;.

(1) Fraudulenter Macarius illud *παρ άντου π^οχ^ομ^νογ* vertit, L'Esprit se répand par le Fils p. 361. 405. At Cyrillus non dixit δι άντου ιχχεο/ζενον; sed dixit Spiritum *a Filio, a Patre ct Filio, ex essentia Filii profundi, profundi secundum naturam*. Non minus absurde Photianus iste explicat illud ιδιον του υιου. *allié du Fils, son parent* p. 371. Sed Patres declarant, Spiritum h. e. *spiratum* proprium esse Filii, *quia ab illo, ct ex eius essentia est, habens ab ipso omnem perfectionem*.

in calumniam vocatus, s. Doctor in ipso Concilio Ephesino verba ilia anathematismi declaravit ita: « unigenitum Dei Verbum homo factum mansit tamen Deus, *et est omnia quae et Pater, sola excepta paternitate, Spiritum Sanctum habens proprium, qui ex ipso est et ei essentialiter inest* » (quia nempe processio est immanens, ἰδιον ἐγὼν τοῦ ἐξ αὐτοῦ καὶ εὐσιῶω ἐπεφυκοῦ αὐτῷ πνεῦμα ἅγιον) Mansi T. V. p. 16. Eadem explicatio iam continebatur clarissime in ipsa epistola cum anathematismis ad Nestorium. « Etsi Spiritus (ibi dicitur n. 10) sit in propria hypostasi, et in se ipso consideratur, quatenus Spiritus est et non Filius; attamen non est ab eo (Filio) alienus. *Spiritus enim veritatis nominatur; Christus autem est veritas; et ab ipso (Christo Filio) sicut utique etiam ex Deo Patre profunditur* (1)... Cum illius qui est virtus et sapientia Patris, hoc est Filii sit Spiritus, ipse quoque (Spiritus) in se est sapientia et virtus » Mansi T. IV. p. 1079. Nimirum ab eo qui est virtus et sapientia Patris per generationem, hoc est a Filio sicut a Patre ita profunditur Spiritus Sanctus, ut ipse quoque sit eadem virtus et sapientia, atque adeo una sit virtus et sapientia a Patre in Filium, a Patre et Filio in Spiritum Sanctum communicata. Quae omnia sicut non missionem sed generationem Filii, ita non missionem Spiritus Sancti, quemadmodum Macarius cum ceteris Photianis comminiscitur, sed eius immanentem processionem evidenter enuntiant. Cum vero explicationes anathematismorum dederit Cyrillus postulantis Patribus, et iidem auditis declarationibus fuerint ab ipso Concilio (2) ac deinceps a

(1) Πνὺν/ζκ γὰρ ἀληθ' ἰα; ὡκο/ζασται, καὶ ἐστὶ Χωστό ἡ « λτ, θ·ια· καὶ ΤΓξΟχηται παρ' αὐτόν, ἄ/ζιλῖ καὶ ex τοῦ Θεοῦ καὶ πατρός;.

(2) Epist. 3^α. Cyrilli cum anathematismis approbatam fuisse a Conc. V. et ceteris deinceps, constat; in Conciliis vero III. et IV. non hanc 3^a, sed 2^a. synodicam Cyrilli fuisse receptam, contendit Garneries. (Opp. Marii Mereat. T. II. p. 340.). Sed certe in Cone. V. videtur fuisse persuasio, anathematismos ipsos tam ab Ephesinis quam a Chalcedonensibus Patribus fuisse approbatos (vide Mansi T. IX. n. 329. 341.). Cone. Later. sub Martino I. eos simpliciter appellat « symbolum apud Ephesum ducentorum Patrum » (Mansi X. p. 1039.). Unde etiam testimonium Ibae in ep. ad Marin (Mansi VII. p. 243) conquerentis, quod a con-

Cone. IV. V. VI. oecumenicis et Lateranensi sub Martino I. et ab omnibus Patribus approbati et habiti velut symbolum ipsius Concilii Ephesini (vid. Tract, de Incarn. th. XX.), non nisi impudenter negari potest, magnum pondus auctoritatis accessisse doctrinae alioquin communi de processione Spiritus Sancti etiam ex Filio; quamvis Concilium utique non huius sed alterius dogmatis de unitate hypostatica Verbi incarnati definitionem directe intenderit.

4'. Celebre est testimonium s. Basillii, ex quo tum in Concilio Florentino tum alias semper a Graecis catholicis adversus schismaticos clara veterum Patrum graecorum doctrina demonstrata est. Initio libri III. contra Eunom. Basilius adfert dictum haeretici: *u* a Sanctis cum didicerimus Spiritum Sanctum dignitate et ordine (ἀξίωραπ και Wi) tertium, natura etiam tertium esse credimus,ⁿ In confutatione Basilius, ut quidem a catholicis Graecis legitur, haec habet. « Quae enim necessitas, ut, si dignitate et ordine tertius est Spiritus, tertius etiam natura sit? Dignitα ιωμαπ) enim secundum eum esse a Filio, *ut qui ab ipso esse habet, et ab ipso accipit et annuntiat nobis, atque omnino ab illa causa (a Filio) pendet*, tradit doctrina pietatis (1); tertiam vero naturam dicere neque ex ss. Scripturis edocti sumus, neque id ex praedictis (quod ordine et dignitate originis tertius est) consequenter colligi potest. Quemadmodum enim Filius ordine quidem secundus est a Patre, quoniam ab ipso est; et dignitate, quia principium eius est et causa, eo quod ipsius est Pater, et quia per ipsum aditus est et accessus ad Deum ac Patrem; natura vero neutiquam secundus est, quoniam deitas in utroque una est: ita nimirum etsi Spiritus Sanctus ordine ac dignitate secundus a Filio est, non tamen recte inde demon-

demnatoribus Nestorii suscepta sint capitula Cyrilli, non tam facile potest cum Garnerio mendacii accusari.

(1) Ti; yajj αχαγχη, u τα π *%. ru ἀζιαματι rgiroy το zr>éü“ jxa, τοιτοχ èixai àoro ζαι τη ζOtTfij α ιω/zari /x.z yaç îîOTîpuiiy τοο Uioo, jrap àtiTOU το «ιχαì <X0Sr» χαì παρ α,υτοο Χαυραχον ζαι α.αγγίλλο η/xiy, και ολω; iZiikη; τη; αίτια; « η/Λ/X00X, ττα^αοιδ^σιν 6 τη; L,-f|3fia; λογο;. Cf. Basil, ep. 38. al. 43. n. 4.

stratur, quasi consequens foret, alienae illi esse naturae» Basil. 1. III. contr. Eunom. n. 1.

Recentiores codd. et editiones omittunt verba, quae sub-
signavimus, *uut qui ab ipso esse habet..... ab illa causa
pendet.*» Lectio ista recentior habet: «Dignitate enim se-
cundum eum esse a Filio, tradit *fortasse* (ἰσω) doctrina
pietatis, *n* Inferius quoque ubi dicitur: «etsi Spiritus Sanc-
tus ordine ac dignitate secundus a Filio est, *ῖ* addunt
restringentem particulam: *u ut id etiam omnino concedamus*»
(iva καὶ D.w; συ^χοφησω/ζεν). Lectionem, ut eam descripsimus,
genuinam esse et consequenter alteram corruptam, tum ar-
gumentis internis tum auctoritate codicum demonstrarunt
Patriarcha Beccus 1. de Spiritu Sancto η. 1. 2.3. (Graec. Or-
thodox. T. I. p. 226. sq.); c. 2. ib. p. 252.; Bessarion de Pro-
cess. Spiritus Sancti (opusc. aurea p. 169. sqq.); Allatius de
Consens. 1. III. c. 1. p. 891.; Petav. 1. VII. c.3. n. 14. sqq.;
Maranus Praefat. in III. T. Opp. S. Basilii §. 3. (1).

Bessarion narrat, in Cone. Florentino, cuius ipse ma-
gna pars fuerat, productos fuisse sex codices, quorum tres
erant Archiepiscopi Mitylenensis, unus Latinorum (Constan-
tinopoli advectus a Card. Cusano), unus imperatoris Grae-
corum, ultimus Patriarchae. In quinque prioribus lectio
exstabat integra, ut eam defendebant Catholici, in ultimo
solum et quidem recentius scripto erat lectio altera, quae
praeplacebat Marco Ephesio. Tum vero, pergit Bessarion,
« peracta sacrosancta synodo post reditum nostrum Con-
stantinopolim cum sacrorum illorum monasteriorum fere
omnes codices examinare statuissem, quoscumque recen-
tiores et post magnam illam controversiam (post schisma
confirmatum) scriptos reperi, hi omnes habebant senten-
tiam intercisam; qui vero manus antiquioris essent et mu-
tua pugna vetustiores, hi omnes, non pauciores corruptis,
sani et integri manent, *n* In monasterio Christi Salvatoris
reperit « aliquid lacrymis et admiratione dignum. » In
codice vetustissimo « homo animo quidem audax sed manu

(1) Maranus inre conqueritur, quod ab editoribus et sane imprimis a
Garnierio suo antecessore in adornanda editione Maurina Opp. Basilii
locus tam certo genuinus non fuerit restitutus.

adhuc audacior adversus membranam ferro utens veritatem abraserat (1), minus tamen res illi processit ; cum enim locus vacuus sit, ipsaeque syllabae dimidiae adhuc appareant, et audaciam illius arguunt et veritatem ipsam nihilominus clare exprimunt. » In codice altero locus atramento oblitteratus erat, sed postmodum Demetrii Cydonii manu restitutus.

5'. Alter locus Gregorii Nysseni ab omnibus apologetis graecis adferri solitus (ex serm. III. in orat, dominie.) is est, quem descripsi supra p. 461. Graeci catholici Beccus, Bessarion ac ceteri ita legunt: « cum commune sit Filio et Spiritui Sancto non esse ingenitum, ne qua confusio in haere cogitetur, rursum oportet ostendere inconfusam differentiam in eorum proprietatibus, ut tum commune servetur (quod non sunt ἀχεντιτω) tum proprium non confundatur (quod aliter Filius aliter Spiritus Sanctus procedit ex principio). Nam unigenitus Filius *ex Patre* a s. Scriptura nominatur , et in hoc doctrina fidei sistit eius proprietatem; Spiritus Sanctus vero et *ex Patre* dicitur et *ex Filio esse testimonio confirmatur* *ἡ.αι εκ ζεν παζρο λεγεται και ἐξ ρεν ὕεν εἶναι προσμαρτυρεῖται*). Etenim si quis, inquit, *Spiritum Christi* non habet, hic non est eius. *Igitur Spiritus dum ex Deo est, etiam Christi Spiritus est; at Filius qui ex Deo est, non iam est aut dicitur Spiritus Sancti; neque haec consecutio relativa mutua est »* (apud Beccum inter opusc. aur. p. 141.). In nostris editionibus Opp. Nysseni (T. I. p. 739. ed. Paris. 1615) totus locus excidit; nunc habemus lacunam suppletam a Card. Mai (SS. VV. T. VII. p. 6.). Lectio in codicibus etiam iis, quos Maius in lucem protraxit, varia est. Recentiores libri excisa particula *ἜΚ ζεν υἱόν* habent: *το δε ἅγιον πνεύμα ν.αι εκ τον πα- τοο λεγεται, και ζεν νῆεν εἶναι προσμαρτυρεῖται*, quam lectionem etiam Petavius praeferendam esse censuit (l. VII. c. 3.n. 13). At vero lectio *ἡ.αι ἜΚ ζεν ὕεν εἶναι προσμαρτυρεῖται* exstat in codice Vaticano, qui iudice Maio duobus saeculis ante-

(1) Aliquid simile a Graecis quibusdam tentatum fuisse in Concilio Florentino, Iosephus Methoncensis exprobrat Marco Ephesio (apud Allium de Consensu p. 892).

cedit aetatem Photii; in alio codice saeculi XI. particulam 'EK quae primitus fuerat scripta, observavit litura deletam (Card. Mai Nova Bibl. VV. PP. T. IV. p. 40. sqq.). Graeci catholici, ut dixi, Beccus, Calecas, Bessarion, Graecis scribens Hieronymus Donatus etc. non modo constanter legunt εκ του θιον, sed Bessarion (opusc. aur. p. 245.) etiam testatur, particulam 'EK in vetustioribus Codd. haberi et solum in recentioribus deesse. Insuper exstat instrumentum coram Patriarcha Becco aliisque novem Episcopis, et adstantibus principibus authentice confectum, quo Referendarius Ecclesiae Constantinopolitanae fassus est, se ex Cod. magni oeconomi Xiphilini particulam 'EK του θιον ferro abrasisse. Non consideravit ille, ut ibi subditur, a etiam alios libros ad hoc ipsum examinatos fuisse, et illos quoque habere plenam lectionem particulae 'EK corruptionemque effugisse » (apud Allatium de Consens. 1. III. c. 1. p. 893. sqq.). De utroque loco Basilii et Gregorii vide etiam cl. Hugonem Laemmer in Bibi. Scriptor. Graec. orthodox. T. I. p. 27. sq. 38. sq.

Verum utrovis modo sive hoc Gregorii sive superius descriptum Basilii testimonium legatur, etiam permissa lectione recentiore et minus explicita, nihilominus tum ex his ipsis tum ex locis aliis Basilii et Gregorii evidenter demonstratur sententia eorum, Spiritum Sanctum hoc ipso intelligi procedentem ex Filio sicut ex Patre, quod ordine *atque adeo origine tertius* est, et quod *relative li. e. ratione originis est Spiritus Filii*. Hinc etiam in Cone. Florentino sess. XX. et XXI. (Hard. T. IX. p. 226. sqq.) quantumvis in citato testimonio Basilii Ioannes theologus Latinorum adversus Marcum Ephesium insisteret demonstrandae genuinitati lectionis a se prolatae ex codice Cardinalis Cusani, aequè tamen ex aliis locis et ex ipsa lectione ab Ephesio propugnata ostendit sententiam minime ambiguam Basilii de processione Spiritus Sancti ex Filio. Vide quae citavimus supra p. 465. 471. 473.

6'. Paucis memorabimus doctrinam orientalium, qui non graece sed syriace vel arabice scripserunt. Renaudotius memorat codicem syriacum antiquissimum Florentinum (1)

(1) Muratorius qui ex Ambrosiana edidit versionem latinam horum ca-

continentem canones synodi Seleuciensis in Mesopotamia sub Isaac Seleuciensi et eius fratre s. Marutha celebratae a 40 episcopis circa annum 410. In eius canone 2. continetur professio fidei, qua inter reliqua dicitur: *u* confitemur in Spiritum vivum et Sanctum, Paracletum vivum *de Patre et Filio* n Mansi TJIII. p. 1168; Renaudot. Liturg. orient. T. II. p. 272. 274.; Asseman. Bibl. Orient. T. III. P. II. n. 235. Nunc habemus textum ipsum syriacum (1) a cl. Lamy Professore Lovaniensi ex codice Parisiensi descriptum (Revue catholique de Louvain 1860. Mars p.168).

Assemanius l. c. adfert etiam verba ex Officio Chaldaeorum, ubi ad Matutinum Dominicae Annuntiationis legitur protestatio fidei in unum Deum, qui est « Pater aeternus qui Patrem non habet, ex illo Filius qui Filium non habet, et Spiritus Sanctus *qui ab illis procedit* » (2). Ex Iacobitis Patriarcha Dionysius III. medio saeculo X. adeoque tempore quod lapsum est inter Photium et Cerularium, in epistola synodica ad Mennam Patriarcham Coptorum diserte profitetur processionem Spiritus Sancti a Patre et Filio: « Pater a nullo habet existentiam sed existit ingenitus, et Filius est genitus a Patre ab aeterno, et Spiritus Sanctus *procedit ex Patre et Filio* » (3) Assem. B. O.T. II.p.131.132. Plura ex catechesi quoque Monophysitarum aliisque documentis leguntur apud Abrahamum Ecchellensem (Concil. Mansi T. II. p. 1074. sq.). Testimonia pro fide Armenorum apud Gabrielem Avedichian Congreg. Mechitar. (Dissertazione sopra la processione dello Spirito Santo dal Padre e dal Figliuolo. Venezia 1824.).

Sententiam orientalium communionum, quae licet aliis erroribus ab Ecclesia catholica divulsae ad schisma tamen

nonum, non videtur addendis ad hoc Rcaudotii testimonium de * codice syriaco 700 annorum », secus non movisset suspicionem, ne forte circulator aliquis latino illo documento imposuerit bonae fidei Card. Friderici Borromaei. Nunc post editum textum syriacum omnis suspicio sublata est.

$$(1) \quad j \cdot \hat{\mu} / \mu i \quad \mu X$$

(2) $\gamma = \left(\begin{array}{ccc} 4 & M & 9 \\ \text{'OOV-LU' } & \mu, \Lambda\text{-O} & 4 \end{array} \right) = 0,0$

(3) $\langle \cdot, \cdot \rangle$ is a scalar product on V .

Photianum non pertinent, egregie et ex principiis verae theologiae sub Pontifice Paulo V. exposuit Archimandrita chaldaeus Adam. Verissime nimirum aiebat, assumpto dogmate consubstantialitatis quod Pater et Filius unum sunt, in ipsa professione processionis Spiritus Sancti ex Patre contineri et intelligi implicitam professionem processionis ex Filio. Hanc ergo dum negant Photiani, eo ipso pervertunt veram rationem consubstantialitatis, et incidunt in speciem quamdam Semiarianismi. Consensura itaque orientalium cum Ecclesia Romana in hoc dogmate et dissensum a Photiana haeresi Chaldaeus ille testabatur luculentissime. « De Spiritu Sancto, qui a Patre procedit, ut fatentur orientales, et Patres Ecclesiae magnae Romae qui profitentur, quod ex Patre et Filio procedit, utraque pars veritatem agnoscit. Et unum testimonium verum veris fidelibus sufficit, illa nempe vox quae ex ore dilectissimi Iesu prolata est: *ego et Pater unum sumus...* Et si sunt unum et non duo (essentia), quae divisio est inter illam vocem quam confitemur, nimirum quod Spiritus Sanctus a Patre procedit, ab ea quod ex Patre et Filio procedat? Ecce unum sunt et non duo, et nulla divisio est inter illos... De Spiritu autem Sancto dixit: ille de meo accipiet et renuntiabit vobis; omne quod habet Pater meus, meum est. Et si ita non est divisio inter personas incomprehensibiles deitatis absconditae... quis umquam discrimen ponet inter illam vocem, Spiritus ex Patre procedit, ab illa, Spiritus ex Patre et Filio procedit? Sed orientales dicunt, quod ex Patre procedit, quia sciunt, quod nihil possidet Pater praeter id quod habet Filius, neque Filius praeter Patrem, quemadmodum didicerunt ex Filio vivo, qui dixit Patri: omne quod habeo, tuum est; et quod habes, meum est. Et Patres Ecclesiae magnae (Romanae) volunt ostendere, quod Filius non est abiectior Patre ulla in re... dicunt igitur, quod ex Patre et Filio procedit Spiritus salutaris, et vera est illorum professio sine dubio » Asseman. Bibl. Or.T. III. P. II. p. 234.

Concludemus hanc expositionem doctrinae Patrum verbis magni Bessarionis in sua oratione dogmatica (Hard. IX.

p, 368.) «Meminerimus itaque, necessario Patres putandos esse sibi invicem consentire, nec aliter nos dicere aut censere posse, si Christiani esse et fidei principia salvare velimus. Latini enim Patres clarissime et dissertissime docent Spiritum Sanctum procedere ex Filio, et Filium sicut Patrem esse eius principium. Deinde orientales quoque non secus ac occidentales hoc ipsum dicere demonstravimus, cum alii Spiritum ex Patre per Filium procedere (de quo mox dicturi sumus), alii ex Patre et Filio atque ex ambobus esse aiunt, sicque aperte docent esse etiam ex Filio. Ita vero docentes latinis Patribus consentiunt et eadem omnes dicunt, utpote loquentes in uno et eodem Spiritu.»

THESIS XXXVI.

*De sensu catholico formulae, qua dicitur Spiritus Sanctus
procedere a Patre per Filium,*

« Formula apud Patres graecos frequentiori, qua *a Patre per Filium* * *Spiritus Sanctus procedere* dicitur, 1° idem omnino dogma enuntiatur, » ut tum ex verbis in se inspectis tum ex eorum declaratione penes ipsos Patres manifesto constat. 2° Quod in hoc modo loquendi processio * *a Patre* significatur ut a principio primordiali communicante vim spiratricem etiam Filio, et processio *per Filium* ut ab habente vim spiratricem generatione communicatam, inde cum dogmate catholico conciliatur dictum s. Maximi et s. Ioannis Damasceni, qui asserentes processionem Spiritus *per Filium* soli inter omnes ss. Doctores negasse » videntur processionem *a Filio*. *

I. Communi consensu Patres graeci docent, Spiritum Sanctum procedere *ex Patre per Filium*. Quod quidem etiam schismatici concedere coguntur, sed propositioni a contextibus avulsae sensus alienos substituunt sophisticis ambagibus, quae non nisi ab hominibus evidenti veritati stulte reluctantibus reperiri potuerunt. Summam omnium quae hic dicenda sunt, nemo melius Bessarione complexus est in capite 6. eximiae orationis dogmaticae, quam in Concilio Florentino ad suos Graecos habitam ipsemet postea in linguam latinam vertit (Hard. IX. p. 335. sqq.). Dicemus primum de ipsa formula in se et secundum significationem praepositionum *ex* et *per*; tum de expressioribus Patrum declarationibus.

1º, Si locutio per se spectetur, nemine diffitente indicatur Pater ut principium aeternae procreationis, Spiritus Sanctus ut terminus procedens: *ex Patre procedit Spiritus Sanctus*. At ubi inducitur principium vel causa per particulam *a* vel *ex* additurque terminus vel effectus, atque adeo *enuntiatio directa* est causalis; in tali enuntiatione illud quoque quod interponitur *in obliquo* sub particula *ora*, *per*, semper et necessario habet rationem principii vel causae sive formalis sive efficientis. Hoc in primis est declarandum, ex quo deinde intelligetur unitas et distinctio duplicis formulae, de qua agitur.

a) Si subiecta quae reguntur particulis *a* et *per* non sint hypostases distinctae, haec posterior indicabit formalem rationem causae vel quae ad rationem formalem reduci queat: e. g. a Deo per omnipotentiam creatur mundus, ab homine per intellectum intelligitur verum, per voluntatem appetitur bonum. Si hypostases distinctae sint et terminus sit effectus, particula *per* designat causam efficientem, sed in creatis subordinatam causae principaliori; causa enim princeps *agit per* causam subiugem: e. g. ab operante per instrumentum efficitur opus etc.

In translatione ad Deum significatio haec modificatur pro natura subiecti; in divinis enim personis subordinatio non potest esse nisi originis secundum *ἀνωπα* principii prae procedente a principio. Hinc in universo usu loquendi biblico et ecclesiastico omnia opera ad extra dicuntur esse *a Patre per Filium*; ubi quamvis una sit natura et unum proinde principium *quo* operationis atque una indistincta operatio, indicatur tamen distinctio inter personas ita, ut una numero natura et virtus operatrix et operatio a Patre communicetur Filio. Unde particulae *a* et *per* unam eandemque causalitatem significant, sed simul adsignificant *ἀνωπα* principii in persona, *a qua* velut a fonte primordiali est operatio, et originem in persona, *per quam* illa dicitur operari fcf. supra p. 180. 220.). Quamvis igitur seorsim aequae dici possit e. g. omnia creari *per Patrem*, et omnia creari *a Filio*; non tamen sine absurditate dici posset omnia creari *a Filio per Patrem*, quia, ut dixi, in

hac coniunctione praeter causalitatem quae una est Patris et Filii, simul significatur communicatio naturae et virtutis operantis ab una persona in aliam. Multis de significatione huiusmodi particularum adversus Arianos disserit a. Basilius 1. de Spiritu Sancto c. 2-8. « Quod *Pater per Filium* creat, inter cetera ait, id neque imperfectam exhibet Patris operationem neque infirmam ostendit Filii virtutem; sed declarat *unitatem voluntatis* (substantialis voluntatis quae est ipsamet essentia divina), *ita ut particula per confessionem habeat causae primordialis* » (1) 1. de Spiritu Sancto c. 8. n. 21. Doctrinam eandem s. Basilii in compendium contraxit Chrysostomus hora. V. al. IV. in Ioan, n. 2. 3. Verba explicans: « omnia *per ipsum* facta sunt, » ostendit particula *per* non « diminutionem » (ἐλαττωσιν) significari, ut Ariani putabant, sed exprimi « *unam dignitatem operationis creatricis* Filii cum Patre. » Nihilominus, inquit, « si hic *per ipsum* dicitur, id ob nullam aliam causam positum est, quam *ne quis Filium ingenum esse suspicetur* » (2) 1. c. n. 2. Ita etiam Cyrillus directe loquens de missione Spiritus Sancti declarat, eo ipso quod dicitur mittere *Pater per Filium*, indicari ut unum principium missionis *Patrem et Filium*, servata tamen distinctione inter Patrem generantem et Filium genitum, ut apud Paulum de Patre dicitur, *ex quo* omnia; de Filio, *per quem* omnia; atque idcirco dum seorsum Pater mittere dicitur, intelligi cum Patre etiam Filium, ac vicissim cum Filio Patrem. « Pater in Filio, et Filius est in Patre. Dat igitur Paracletum seu Spiritum Sanctum non seorsum Pater, seorsum vero Filius; sed immo datur sanctis *a Patre per Filium*; ac propterea dum Pater dicitur dare, dat Filius

(1) Ω(ΤΤξ η Si ου φωνή ομολογίαν τη προζαταρχτιχη αίτια ιχ?ι. Pater scilicet ipse sine principio et fons totius Trinitatis (πζοχαταρπηχη αίτια) dicitur creare per Filium quatenus voluntatem et operationem identificatam cnm essentia Filio communicat non iubendo sed generando, « velut formae alicuius irradiationem in speculo » οιον τίνο μομφή ιμζασιν π χατοττρω ib. n. 20.

(2) 'Ει Ss ivrauSa το Si at/του ά ηται, Si quSw *retirai*, αλλ'iva p.ri £ywrtTov υποπτιση τι τον υιον.

per quem omnia; dum dicitur dare Filius, dat Pater ex quo omnia n. Cyrill. in Io. p. 810. Vide August. Trin. IV. n. 29. supra p. 503. 504.

Iam si terminus non sit effectus, sed persona procedens ex substantia h. e. per communicationem naturae; non propterea significatio particularum *a Patre per Filium* destruitur, sed modificatur pro indole talis processio- nis. Sicut ergo in operibus efficientiae e. g. in creatione particula *per Fi. Hum* non minus significat causam quam altera *a Patre*, et causam quidem unam cum adsignificatione distinctionis personarum, quod Pater Filio communicat virtutem creatricem: ita in hac processione ad intra Spiritus Sancti *a Patre per Filium* particula utraque retinet vim chrtdrizviv; at sicut particula *a Patre* iam non efficientem causam sed principium spirationis significat (ut ipsi schismatici sane concedunt), ita et altera *per Filium* significat idem principium cum adsignificatione distinctionis personarum Patris et Filii, quod virtus et actus spirationis communicatur a Patre in Filium, sicque *a Patre per Filium* procedit Spiritus Sanctus. Quemadmodum ergo in creatione *a Patre per Filium* non alia et alia causa sed causa una, personae tamen duae, et simul origo Filii a Patre significantur; pari ratione in processione Spiritus Sancti *a Patre per Filium* unum exhibetur processio- nis principium, quia sicut una essentia ita una est vis spiratrix, personae vero ostenduntur duae, quarum est essentia sub formali etiam ratione vis spiratricis, sed ita ut Pater sit principium sine principio (προζαταρχιζη *atztx*), Filius sit non principium sine principio sed unum cum Patre principium Spiritus Sancti sicut unus cum Patre Deus et creator, quatenus generatione habet communicata omnia, quae sunt Patris (excepta paternitate), et proinde etiam vim spiratricem. Neque enim Pater et Filius magis spiratione quam deitate vel attributis absolutis inter se distinguuntur, cum distinctio nulla sit alia inter eos quam per formalem rationem paternitatis et filiationis (1).

(1) Explicationem hanc formulae. *a Patre* tamquam fonte et principio primordiali *per Filium* ratione communicationis a Patre, seu (ut Augustinus loquitur) quod Spiritus *principaliter* ^vfiv.ctras pro-

i) Ex dictis apparet, non re significata sed tamen modo eandem significandi differre sententiam, qua dicitur Spiritus Sanctus procedere *a Patre per Filium*, ab altera qua dicitur procedere *a Patre et Filio*. In hoc altero modo dicendi directe spectatur declaratio *unitatis principii*, sed ordo originis inter Patrem et Filium quamvis nominibus ipsis contineatur, non tamen explicite exprimitur quoad ipsam spirationem, quae sit Filio communicata a Patre. In priori autem modo loquendi propositum est directe significare *ordinem originis inter duas personas spirantes*, quod Pater est fons primordialis (τῷ βζαταρχιζτὶ ἀπτα), a quo sicut essentia ita vis spiratrix est communicata Filio; unitas vero principii non explicite ipsis particulis *a Patre per Filium*, sed potius in significatione subiecti (*Deus Pater* et *Deus Filius*) continetur. Patres igitur occidentales in formula ipsis solemni, qua dicunt processio- nem *ex Patre et Filio*, directe enuntiant adversus Arianos unitatem essentiae ac spirationis, et includunt distinctionem personarum adversus Sabellianos; orientales in formula ipsis frequen-

cedit a Patre, quia Pater gignendo dedit Filio, ut etiam ab ipso (utpote qui unum est cum Patre) procedat Spiritus Sanctus, hanc inquam explicationem ex Scripturis, ex clara doctrina Patrum. ex tota oeconomia mysterii manifestam Macarius (p. 387) dicit esse * sophisticam subtilitatem » occidentalium theologorum. Ita vero horum theologorum sententiam proponit, « Voici la substance de leur réponse. Le Père est la cause première du S. Esprit... mais le Fils est la cause seconde, le principe dépendant du principe primitive, le Père... Ainsi les anciens Docteurs... ne nient point que le S. Esprit ne procède en même temps du Fils comme cause seconde ou principe dépendant. » At vir bone! nullus umquam theologorum catholicorum docuit hanc haeresim Arianam, Filium esse *causam secundam* Spiritus Sancti; sed docent cum Scriptura et Patribus, sicut essentia et omni perfectione ita etiam spirationis virtute et actu Filium esse unum cum Patre (·:/ tap. ··), eo solum discrimine, quod omnia quae habet Pater incommunicata, Filius habet eadem a Patre communicata; et ideo Pater est principium primordiale, Filius per communicationem essentiae et spirationis est unum cum Patre principium, non vero *causa secunda* vel alia quam Pater. Quo in dogmate nulla alia reperitur subtilitas, nisi mysterium generationis Filii a Patre, et consubstantialitatis: ex substantia Patris Filius consubstantialis, persona prima et secunda unus Deus, unus spirator; prima tamen persona sicut fons deitatis (ut PP. aiunt) ita fons spirationis.

tiori profectionis *ex Patre per Filium* directe enuntiant distinctionem et ordinem personarum spirantium ad exclusionem »Sal)clianismi et ad repellendam Calumniam ab Arianis non semel intentatam confusionis personarum, simulque includunt unitatem principii adversus haeresim Arianam, *Conter* quae diximus de formula occidentali: «una substantia in tribus personis, » comparate cum formula orientalium: *a* una essentia in tribus hypostasibus » (supra p. 133. *nota.*).

Ceterum vidimus orientales etiam amplecti formulam: *ex Patre et Filio*; nec deesse Latinos, qui aequae suscipiant alteram; *ex Patre per Filium*; qui immo non minus disserte adstruant profectionem *principaliter* a Patre, eodem sensu quo orientales Patrem dicunt *principium primordiale* *ηpetat αρκτηκήν αιτίαν* (supra p.494. 500. sq.) Videlicet licet Filius etiam ad intra sit principium («ρχ·η), non tamen est sine principio (αναρχβ), et ideo in comparatione cum Patre neque ~«zar-«ρχί; sed *ἀν·c/πycς* et *αἰτία π^ζ.αταρζτιζ/ι* solus Pater est, Filius est *dpyn*, Spiritus Sanctus ad intra non est principium personae alterius. Hoc pulcherrime dixit Gregorius Nuz. or. 42. al. 32. η. 15. « Principii experts, et principium, et qui est cum principio, unus est Ileus... Nomen principii experti est *Pater*, principio *Filius*, ei qui eum principio (nomen) *Spiritus Sanctus*; natura autem tribus una nempe Ileus. Unio vero est Pater, ex quo et ad quem referuntur, qui ordine procedunt » (1).

2*. Si contextus ipsi Patrum inspiciuntur ac modus, quo docent profectionem Spiritus Sancti *a Patre per Filium*, de eorum sensu ac consensu cum Patribus occidentalibus nullus relinquitur dubitandi locus.

•Nam *a)* non solum simpliciter profectionem dicunt a Patre per Filium, sed directe declarant, sibi sermonem esse de immanente et aeterna profectione personae Spiritus Sancti quae sit *per Filium*, adeoque non solum de missione ad

(1) Αναξ/οf, και α^χη, και το p> rct τη; αzy.tyf, *iif Sioç... ôropat* *ὁ πω* *pi*» *ἀναπυ πατήρ*, τη ὁ α\XP dIOf, *τω St pira* τη; *dpypf* *αγιθ*», *ζt/σῆ it* *το ι*; *τρσι put*, θιο;. ι'χ»·σι; *ii ο πατήρ*, *ιζ in* και ffco; οχ αἰαγι-ται τα *ιζη*.

extra. Aiunt enim, Spiritum Sanctum procedere per Filium *essentialiter, secundum essentiam, natura, naturaliter*. Vide testimonia in locis citatis supra p. 480.

b) Describunt ipsam hanc profectionem, *quid sit*; communicari nimirum naturam a Patre per Filium Spiritui Sancto, *u* Qualem scimus proprietatem (relationem) esse Filii ad Patrem, eandem Spiritum Sanctum ad Filium habere comperimus; et *quemadmodum Filius dicit: omnia quae Patris sunt, mea sunt* (utique per originem immanentem Filii a Patre); *ita haec omnia per Filium etiam in Spiritu esse* (pari ergo ratione per originem immanentem) reperimus *n* (1) Athanas. ep. 3. ad Scrap, η. 1. « Naturalis bonitas et essentialis sanctitas et regalis dignitas *a Patre per unigenitum in Spiritum permanat* » Basil, de Spir. Sancto c. 18. n. 47. *a* Cum Spiritus naturaliter (φυσικω) per Filium procedat, ut *proprius eius Spiritus, cum omnibus quae perfecte habet, accipere dicitur* (in Scripturis), *quae sunt Filii* *n* Cyrill. in Io. p. 929. 930.

c) Declarantes profectionem Spiritus a Patre per Filium dicunt, secundum ordinem originis inter divinas personas Filium esse medium inter Patrem et Spiritum Sanctum ita, ut solus Filius sit a solo Patre, Spiritus vero non a solo Patre sed a Patre per Filium; atque ideo Filius sit proxime ex Patre, Spiritus per ipsum qui est proxime ex Patre. Unde aiunt, ordinem esse inter personas, ut « sola cogitatione *secundum rationem principii* Filius praeintelligatur hypostasi Spiritus Sancti *n* (Nyss. contr. Eunom. I. p. 194.); Patrem esse causam (αἰτιο) Spiritus Sancti, « *sed per Verbum intermedium* *n* *οἰα γ·iacu* του zcyu (s. Maxim. l. quaest. et dubior. q. 34); atque hoc sensu characterem personalem proprium Spiritus Sancti esse, quod *u* post Filium et cum ipso manifestatur, ac Filius per se ipsum et aecum ipso Spiritum manifestat » (Basii, ep. 38. al. 43. n. 4.). Sed de hac Patrum doctrina inferius seorsum agemus.

(1) '(ha-/ γαρ ζγ·ω/λ 7 *ιζιοτητα* του υιοῦ προς το-/ πατέρα, ταυτην ιχῖιν το *imu/u* προ τM ωον •Df/j<ro/z,7 και ὁ οιο; λιγιΓ παντα ὅσα ιχιι ο πατήρ *ιμα ἴστι**, *wruf* ταυτα παντα δια του ωου «υρησο/ζο οντα και ι> τω πχιυ/ζατι.

d) Comparationes omnes, quibus ss. Doctores processionem Spiritus ex Patre per Filium frequenter illustrent, exhibent Spiritum Sanctum procedentem aequè ex Filio, ita ut simul ostendant virtutem spiratricem esse in Filio communicatam a Patre, « Pater est sol, Filius radius, Spiritus splendor»; « Pater fons, Filius fluvius, Spiritus rivus; » vel « Pater scaturigo, Filius fons, Spiritus aqua »; « Pater radix, Filius frutex, Spiritus fructus; » « Filius flos, Spiritus odor ex flore » (Cyrill. dialog. VI. p. 593); « Filius mei, Spiritus dulcedo; » « Filius ignis, Spiritus calor; » « Filius aqua, Spiritus refrigeratio; » « Filius os Patris, Spiritus ex ore halitus; » « Filius mens Patris, et Sapientia Patris et veritas Patris veri, Spiritus ex mente et Spiritus Sapientiae et Spiritus veritatis; » « Filius vita, Spiritus virtus (ἐνφροσύνη) ipsius Filii. » Vide citationes passim in superioribus, cf. etiam Hergenroether Animadv. in Photii mystag. §. II. n. 6 (Migne PP. GG. CII. p. 422.).

Ex omnibus manifestum est, quam inique Marcus Ephesus in Florentino Concilio recusaverit subscribere definitioni, in quam reliqui graeci Episcopi cum latinis consenserunt. « Hoc sacro universali approbante Concilio definimus, ut haec fidei veritas ab omnibus Christianis credatur et suscipiatur sicque omnes profiteantur, quod Spiritus Sanctus ex Patre et Filio aeternaliter est, et suam essentiam suumque *esse* subsistens habet ex Patre simul et Filio, et ex utroque aeternaliter tamquam ab uno principio et unica spiratione procedit; declarantes quod id, quod ss. Doctores et Patres dicunt, *ex Patre per Filium procedere Spiritum Sanctum, ad hanc intelligentiam tendit, ut per hoc significetur, Filium quoque esse secundum Graecos quidem causam* (αἰτία), *secundum Latinos vero principium subsistentiae Spiritus Sancti* (ἀρχὴν τοῦ ἁγίου πνεύματος ὑπαρξῶν) *sicut et Patrem*. Et quoniam omnia quae Patris sunt, Pater ipse uni-genito suo gignendo dedit praeter esse Patrem, hoc ipsum quod Spiritus Sanctus procedit ex Filio, ipse Filius a Patre aeternaliter habet, a quo etiam aeternaliter genitus est » Harduin. IX. p. 422. 86.

II. Ex usu illo frequentiori Patrum graecorum distin-

guendi ordinem personarum Patris et Filii in ipsa doctrina de processione Spiritus Sancti, et ex studio explicite semper declarandi Patrem ut fontem primordiale Trinitatis (ἐκ πατρὸς, *ρίζα*, πηγή τοῦ ἁγίου πνεύματος, ἀναρχὸς ἀρχὴ, προαρχὴν. ζῶν. π. αἰτία) factum est, ut inde a saeculo VII. aliqui Graeci putaverint, ex modo loquendi Patrum significationem nominis *causa* seu *principium* αἰτία et particulae ἐ, saltem ubi agitur de processionebus internis, iam determinatam esse ad Patrem solum designandum, qui est principium primordiale προαρχήτικὴ αἰτία (1). Quo posito sane nec Filius αἰτία seu principium primordiale Spiritus Sancti, nec Spiritus Sanctus *ex Filio*, sed tantummodo iuxta formulam in sensu, quo diximus determinatam, *ex Patre per Filium*, procedere, ab eis dici poterat. Modus hic intelligendi locutiones veterum Patrum sane nimis exclusivus, per se quidem errorem dogmaticum nullum adhuc continet, poterat tamen praebere et reipsa deinde praebuit schismaticis occasionem errandi, seu potius pigmento aliquo obducendi errorem in ipso dogmate. Duo sunt scriptores graeci unus VII. alter VIII. saeculi, qui ea qua dictum est, significatione nomen αἰτία et particulam ἐ accepserunt.

In Cone. Florentino a Graecis productum est fragmentum ex epistola s. Maximi ad Marinum presbyterum Cypri (Hard. IX. p. 306.; Opp. s. Maximi T. II. p. 69. sqq.; ex interpretatione Anastasii Bibliothecarii apud Galland. XIII. p. 38. cf. eiusdem Anastasii ep. ad Ioan, diacon, ib. p. 31.; Lequien. Damascen. dissert. 1. n. 10) (2). Refert ibi Maximus, Constantinopolitanos monothelitas reprehendisse tantummodo duo in litteris synodiosis Romani Pontificis, a quo condemnati erant, unum « circa divinam incarnationem,

(1) Comparando tres personas invicem PP. etiam vetustiores vel in ipsis operibus ad extra τοῦ αὐτοῦ tribuunt Patri, ut Nazianzenus or. 34. al. 24. η. 8: « Deus in tribus maximis, in causa, opifice, perfectore (καὶ οὐνοῦ καὶ τοῦ γένους καὶ τῆς ἐκτέλειας), Patre scilicet, et Filio et Spiritu Sancto » Vide Gregor. Protosyncellum Harduin. IX. p. 649. Cf. quae diximus supra p. 220. 221.

(2) Iam in Cone. Florentino, ut deinceps non solum a Latinis sed etiam a quibusdam Graecis dubitatum est de huius epistolae genuinitate. Cf. Bessarion. or. dogm. c. 6. Hard. IX. 349. 301.

quod scripserit, Dominum, ut est homo, esse absque peccato primi parentis » (οἷχα ρεζ προσπατοριζζ ἁμαρτια) (1); alterum vero, quod ad rem nostram pertinet, accusabant, *a* quoniam dixit, Spiritum Sanctum *procedere etiam ex Filio*» *ey.itcpzvet&cu v.δτ. τον υλον το πνευμα το αγιον* (2). In hominibus qui sententiam clarissimam, quo docetur Christum esse absque corruptione peccati, poterant detorquere ad sensum alienum, non est mirum, quod etiam huic alteri de processione *ex Filio* repererint calumniam, quae cuiusmodi fuerit, ex responsione Romanorum intelligitur, ut a Maximo refertur.

In primis quoad modum loquendi respondebant, tum Patres latinos tum s. Cyrillum dixisse Spiritum Sanctum

(1) Ex responsione Romanorum quam deinceps refert Maximus, apparet, monotheletas detorsisse dictum Pontificis, quasi solum peccatum opere externo patratum a Christo removisset, non autem etiam voluntatem impeccabilem admisisset. Solebant scilicet illi haeretici ex impeccabilitate voluntatis inferre, in Christo non duas sed unam esso voluntatem (vide Tract, de Incarn. Scholion ad th. XL.). Quando ergo Pontifex duas in Christo voluntates docebat, ipsi id detorquebant ad istum sensum, ac si *voluntatem Christi impeccabilem* esso negasset. Unde huic calumniae respondentes Romani dicunt: « Christum nec secundum mentem peccatum habere (*μητι τη/ κατα voir/ lyttv αμαρτιαν*), quo Adamus primum laborasso videatur. » Lequien I. c. n. 11. alique videntur sensum huius criminationis monotheleticae non rite intellexisse.

(2) Profecto risu dignum est, quod Photianus Macarius (p. 397) audet affirmare, Constantinopolitanos reprehendentes synodicam Romani Pontificis non fuisse haeticos monotheletas, sed catholicos. Quasi vero Constantinopolis sub imperatoribus Heraclio et Constante II, sub Episcopis Sergio, Pyrrho, Paulo non fuisset haeresi monothelica et schismate ab Ecclesia catholica divulsa, contra quam haeresim Constantinopolitanorum ducibus Romanis Pontificibus Ioanne IV., Theodoro, Martino I. s. Maximus quadraginta ferme annis usque ad martyrium dimicavit. « Ego, inquiebat, dogma proprium non habeo, sed commune Ecclesiae catholicae. Non communico throno Constantinopolitano, quia sancta quatuor Concilia eiecerunt per illa novem capitula, quae facta sunt Alexandriae (a Cyro probante Sergio Constantinopolitano), et per ecthesim quae in hac urbe Sergio auctore edita est (ab imp. Heraclio) et per typum, qui nuper (a Constante imperatore impulsu Pauli Episcopi CP.) promulgatus est » Act. Maximi n.6.13. Imo in ipsa epistola ad Marinum haeresim Constantinopolitanorum non tacet. « Illi enim ob ea, quorum nomine iuste admodum vituperantur, nullam hactenus satisfactionem praestiterunt, necdum abrogaverunt quae ab ipsis invecta sunt n ib.

procedere ex Filio. Quoad rem ipsam vero aiebant, se non ignorare Patrem esse *ἀπριου*, videlicet principium sine principio tum Filii per generationem tum Spiritus Sancti *per emissionem* (ut vertit Anastasius *ε/-οφισιν* activam). Sed quando dicitur Spiritus Sanctus *procedere etiam ex Filio*, intelligi processionem ex Patre *per Filium*, ut scilicet spiratio activa a Patre sit in Filio communicata, sicque omnia quae sunt Patris, sint etiam Filii, et Filius sit vere Patri consubstantialis, quae consubstantialitas destrueretur, si Filio negaretur actus spirationis communicatus a Patre. « Et primo quidem consonantia latinorum Patrum testimonia protulerunt (Romani), praeterea etiam Cyrilli Alex, ex eius sacra lucubratione quam scripsit in s. Ioannem Evangelistam; ex quibus ostenderunt, se *Filium non facere causam* (*ἀπριαν*) *Spiritus Saneti; unam enim Filii ac Spiritus Sancti causam Patrem noverunt*, alterius quidem per generationem alterius vero per processionem (*κατα εν.τ.οοενσιν*. ; sed ut *per eum (per Filium) prodire* significarent, atque hac ratione essentiae unitatem et omnimodam aequalitatem demonstrarent n (1) s. Max. 1. c. Vere itaque dici potest, quod Anastasius Bibliothecarius (ep. ad Ioan, diacon. Galland XIII. p. 31.) ait de s. Maximo: « et nos et Graecos edocet, secundum quiddam *procedere* et secundum quiddam non *procedere* Spiritum Sanctum ex Filio, n non *procedere* scilicet ex Filio tamquam ex persona prima per virtutem spiratricem non communicatam, *procedere* vero per Filium, qui est persona secunda et ideo, virtute spiratrice communicata a Patre, unum cum Patre principium Spiritus Sancti (2).

(1) Εξ ωχ *our. αιτιαν τον υιον ποιουντα; τον πνεύματο σΟα; άντου;* α'jrs-*'δiζαν'* [*Αιαν γαζ ισασιν θιον και πνεύματο τον παηρα αιτιαν, τον μεν χατα την γεννησιν, του os v.ατα την εκπορευσιν' αλλ' ίνα το Si άντου προΐναι οηλν:-σωπι, και ταυτη το συναΟε; τη; ουσία; και ατα^αλλακτοκ παεαττησινσι*. Iacobus Pitzipios (L'église orientale etc. Romae 1855 p. 30.) hic multa addit in ipso textu graeco velut s. Maximi, quae tamen eius non sunt, sed forte ex apologia alicuius Graeci catholici (cf. Bessarion. or. dogm. Mansi T. XXXI. p. 923. cf. p. 594) vel nescio unde collecta.

(2) Si Anastasius ad Ioannem diaconum revera iis verbis usus est, quae nunc ibi leguntur; profecto . insulsa et abhorrentia ab Latinorum sententia neque Maximi instituto consentanea » illum scripsisse, merito

Ceterum s. Maximus, ubi suam sententiam directe exponit, disserte docet, Spiritum Sanctum *ita esse naturaliter Spiritum Filii, sicut est naturaliter Spiritus Patris*, atque adeo eandem esse relationem Spiritus Sancti ad Filium quae est ad Patrem, *« quia essentialiter ex Patre per Filium genitum ineffabiliter procedit »* (1) Quaest. 63. in Script. Opp. T. I. p. 238. Eadem verbis iisdem repetit in solutione 53. dubiorum ad Achridae (Bulgariae) regem; sed ibi post verba, *a essentialiter ex Patre per Filium genitum ineffabiliter procedit, n* ad strictiorem adhuc declarationem *processionis internae*, haec adiungit: *« non potest ergo sectio aut divisio concipi ullo modo, quasi aut Pater sine Filio (quia aeternaliter generatur) aut Filius sine Spiritu (quia aeternaliter procedit) intelligatur* (ενὺ ἐστὶν τ. ἑν πατέρα χωρὶ τ. υἱοῦ τίτιν & μετὰ, / τον υἱόν χωρὶ του πνεύματος); sed est ineffabilis quaedam et incomprehensibilis in his tum unitas

dixit Petavins (l. VII c. 17. n. 12). Secundum praesentem lectionem Anastasius haec habet. « S. Maximus frustra causari contra nos innuit Graecos, cum nos non causam vel principium Filium dicamus Spiritus Sancti, ut autumant, sed unitatem substantiae Patris ac Filii non nescientes, sicut » procedit ex Patre, ita eum procedere fateamur ex Filio, *missionem* nimirum processionem intelligentes, pie interpretans, ntriusqno linguae gnaros ad pacem erudiens, dum scilicet et nos et Graecos edocet, secundum quidam procedere et secundum quiddam non procedere Spiritum Sanctum ex Filio, difficultatem exprimendi de alterius in alterius linguae proprietatem significans. » Haec sane ita comparata sunt, ut Anastasius Photio amicitia coniunctior quam par erat, etiam eius errorem in fide excusare voluisse videatur, manifestissime doctrinam Ecclesiae detorquendo in sensum alienum. Sane si vera sunt, quae probabiliter disserit cl. Hergenroether (Photius T. II. l. V. §. 3), auctoritas Anastasii ad causam et doctrinam Photianam rite indicandam labefactata est; frustra ergo Macarius (p. 387) ad hunc Photii sui amicum appellat.

Nihilominus mihi probabile videtur, quod Combefisius coniecat, Anastasium non *missionem* sed *emissionem* scripsisse; tum vero eius sensus nihil suspicionis habet. Neque vero facile mihi persuadere possum, Bibliothecarium ita pervertisse et manifestam doctrinam Ecclesiae Romanae et sententiam Maximi et ipsa sua propria verba, quibus recte in versione epistolae Maximi, de qua ipsa haec ad Ioannem scribit, ἐξ ἑνὸς ὁμοῦ interpretatus est *emissionem*.

(1) 1.0 γὰρ πνῦμα τοῦ ἁγίου ὁσκεῖ ζῆντι ζατ* οὐσίαν ἡναφ/ii του διου ζαι πατρο, οὕτω ζαι του υιου ζατci ζατ* οὐσίαν ιστιν. ο'; ἡ του πατ'ο; ουσιωδω δι' υἱου γινν'διντο ἀφραστω; ἰζπορξυομί>ον.

tum distinctio » ibid. p. 671. Non minus clare in loco paulo superius citato rem explicat per comparisonem. Quaerit, cur non possit dici Pater et Christus Sancti Spiritus, cum tamen dicatur sicut Spiritus Dei, ita Spiritus Christi. Pte-sponsio haec est. « Mens quemadmodum rationis (verbi in mente expressi) ita etiam fons est spiritus (vocis), sed per intermediam rationem; et sicut non possumus dicere rationem (.verbum internum) esse vocis (originem habere ex voce), ita neque Filium possumus dicere esse Sancti Spiritus » (quia nempe Spiritus habet originem ex Filio, dicimus Spiritum Filii; sed non vicissim, quia Filius non procedit ex Spiritu » (1) (quaest. et dubior. q. 34. ibid. p. 313.) Confer doctrinam Augustini descriptam supra p. 448.

Ex iisdem principiis iam etiam intelligitur sensus s. Ioannis Damasceni, qui alter est auctor saec. VIII. negans processionem dici *ex Filio*, sed constanter simul affirmans, esse ex Patre *per Filium*. Ait quippe Damascenus Fid. Orthod. 1.1. c. 8: « Patrem ex aliquo esse non dicimus, sed ipsum Filii Patrem appellamus; Filium item nec causam (2) nec Patrem dicimus, verum potius eum ex Patre esse ac Patris Filium. Denique Spiritum Sanctum et *ex Patre esse* * et *Patris Spiritum* dicimus; *ex Filio vero Spiritum non dicimus, Filii tamen Spiritum* appellamus; si quis enim Spiritum Christi non habet, ait divinus Apostolus, hic non est eius; et *per Filium apparuisse* nobisque communicari profiteamur (3). Insufflavit enim, inquit, et dixit discipulis suis: accipite Spiritum Sanctum. *Perinde ut in sole quidem est et radius et splendor*; ipse enim fons est radii et splendoris, atque per radium splendor nobis communicatur » Damasc. l. c. In eo quod dicit, Spiritum apparuisse per Filium, includi processionem aeternam, ostendunt tum testimonia Scripturae tum similitudo, quibus utitur; ex iisdem enim solent Patres processionem aeter-

(1) Ωσζτιρ ιστιν αιτιο; του λογου ο νου, οὕτω ζαι του πνῦματος; δια μ. « σου Sa του λογου. ζαι ωστιρ ου δυναμιΟα ἰιρsin τον λογον < ναι τη; φωνή . ἰντῶζ τον υιο> Χτ/ < γ του

(2) αιτιον al. cova/rioy.

(3) Και δι' υἱου s-ιφανίρωσδαί και ο.ιψδιδοσθαι ημιν ομολογούμε/.

nam Spiritus Sancti per Filium demonstrare (cf. supra p. 494. 496. 519.). Vide etiam liomil. in Sabb. sanet, n. 4. T. II. p. 817.

Porro Damascenus ipse saepe doctrinam de processione Spiritus Sancti per Filium disserte declarat. aNovi, Patrem esse solum superessentialem.... ipse est Verbi abys-
sus, genitor Verbi et *per Verbum productor manifestantis Spiritus...* Spiritus Sanctus est absconditorum deitatis ma-
nifestans virtus Patris, *ex Patre quidem per Filium pro-*
cedens... Spiritus Patris utpote ex Patre procedens; nul-
lus enim motus (*cop-n* motus vitalis, vel actus voluntatis
cf. Marium Victorin. p. 497) est sine Spiritu. Et *Filii Spiritus*
est, non quod ex ipso sed quod per ipsum ex Patre proce-
dit; solus enim Pater causa est *n* (primordialis) (1) Dama-
scen. de divin, nominibus T. I. p. 148. His gemina habet
dialog, contr. Manich. n. 5. p. 432; ep. ad Iordan, n. 28.
p. 497. Quo posteriore loco repetit, quod dixerat s. Basilius
(supra p. 470. 471.). *u* Spiritus Sanctus est *ex Patre per*
Filium et Verbum procedens, non tamen filiationis modo
(*cu/viζω de*)... Si enim Spiritus Filius Filii est, habebit
et ipse Filium, et ille alium, sicque in infinitum, *n* Quae
manifesto ostendunt, Damascenum intellexisse processionem
per Filium tamquam per principium produciens Spiritus
Sancti; neque enim aliter dicere potuit: si processio *ex*
Patre per Filium (quam confitetur ac docet) esset filiationis
modo, inde consequens fore, Spiritum esse *Filium Filii*.
Lege Bessarion. de Process. Spiritus Sancti p. 261 sqq.
(inter opusc. aurea); et in orat, dogmat. (Hard. IX.
p. 350. 6q.) (2).

(1) Πατήρ δια λόγου προβολίῳ; ἰζφαντορίζου πν«υ/χατοί.....το πνιυρια
δυναρπί του πατρο? μιν δι υἱου ε/πορευορί.ίν·η και υιου Ss τ i«υρια ουχ
iξ αυτου, αλλ' ω Si αυτου εν. του πατρο iχ.πο(>ενομ.ενον' μονο γαρ α'ιτιο
ο πατήρ.

(2) Verum quidem est, quaestionem de sententia Damasceni herme-
nenticam esse non dogmaticam; vix tamen putem, s. Thomam l.q. 36.
a. 2. ad 3. tam facile concessurum fuisse errorem in s. Damasceno, si
demonstrationes snbsequentium graecorum theologorum Becci, Demetrii
Cydonii, Bessarionis videre potuisset. Vide de Rubeis in Dissert. I.
c. 7. n. 6. sqq. ad Georgii Cyprii vitam pag. 109 sqq.

Damascenum non esse illum monachum Ioannem, qui ineunte sae-

TMESIS XXXVII.

*De comparatione relationis Spiritus Sancti ad Filium
cum relatione Filii ad Patrem.*

« Sententia catholica Patrum graecorum consentientium cum Patri-
» bus latinis clarissime elucet ex comparatione, quam instituunt rela-
- tionis Spiritus Sancti ad Filium cum relatione Filii ad Patrem; nam-
› que T Filium solum ex solo Patre et proxime ex Patre, Spiritum
» Sanctum vero non ex solo Patre sed interposito Filio ac per Filium
• originem habere docent; 2° omnibus iisdem nominibus et locutionibus
• quibus relatio originis Filii ad Patrem exprimitur, describunt etiam
• relationem Spiritus Sancti ad Filium, excepta fere sola appellatione
■ Filii, geniti, et generationis. »

I. Velut character distinguens personae Filii a Patribus
traditur, quod ipse *solus est ex solo*, h. e. ab una persona
Patris procedens. Unde Spiritus Sancti personalem charac-
terem hoc ipso aiunt distinguere a proprietate Filii, quod
Spiritus non iam ex solo Patre sed ex Patre per Filium
procedit. S. Basilius ubi data opera notiones distinguentes
personarum declarat, incipiens a persona tertia ita loquitur.
« Quoniam Spiritus Sanctus... *a Filio quidem pendet* (1),
quocum indivulse simul concipitur, a Patre vero ut a causa
pendens *esse* (subsistere) habet, unde et procedit; hic est
notionalis character eius proprietatis hypostaticae, *quod*
post Filium (cf. supra th. XXXIII.) *et cum ipso manifestatur*,
et ex Patre subsistentiam habet. Filius autem, qui ex Patre
procedentem Spiritum *per se ipsum* et secum ipso manife-
stat, *solus unigenite* ex ingenita luce effulgens (2) nullam

culo IX. turbas excitavit contra processionem Spiritus Sancti a Filio,
vide apud Lequien (Danasenic. I. n. 13-16.).

(1) Sensit Macarius hic evidenter doceri originem Spiritus Sancti
ex Filio; neque enim alio ullo sensu sine haeresi Ariana potest per-
sona divina dici *pendere* ab alia persona. Ilinc Photianus textum in sua
versione corripit: « le Saint-Esprit *est uni au Fils* » Macar. p. 381. 406.
Atque τῆς τῆς Θεοῦ τῆς τοῦ vel *F. rivo*; numquam significat *esse unitum vel unum*
cum altero; sed *pendere, habere originem ab altero*, ex qua utique, si
est origo secundum naturam, sequitur unitas seu consubstantialitas.

(2) ὁ ὕψιστος τοῦ ἁγίου ἱερῆς... τοῦ υἱοῦ π, τν -η^τ-ηναι, ὃ ἀδιασπα-
τω; σ·γγαταλαρ·βανιτχι, τῆ) ἰ ὡι rov irarpo; atria; ιζημμ, ἰνον τ° ἵναι,

pugnantes ad declarandam unitatem naturae illum ordinem inter personas tam sollicite defenderunt, sane absurde eo sensu intelligerentur.

Neque vero sensus genuinus in illis locutionibus est obscurus. Sicut natura ita operatio omnis *ad extra* una est indistincta et communis tribus personis; nihilominus tamen Pater appellatur causa primordialis, Filius operans, Spiritus Sanctus perficiens; Pater dicitur per Filium in Spiritu Sancto operari. Quae omnes locutiones indistinctam unitatem operationis supponunt et solam distinctionem inter personas enuntiant, quod natura et proinde potentia atque operatio in Patre est non communicata, in Filio communicata a Patre, in Spiritu Sancto communicata ab utroque. Sic ergo etiam spiratio *ad intra* una est communis Patri et Filio, sed a Patre communicata Filio. Unde sicut tres personae non creant quatenus distinctae sunt, sed quatenus sunt unus Deus et ideo unus creator, adeoque non sine errore Gnostico vel Ariano dici posset Deus Pater medius solum creator per Filium : ita etiam Pater et Filius non quatenus distincti sunt, sed quatenus natura sub formali ratione virtutis spiratricis seu dilectionis fecundae unum sunt, spirant Spiritum Sanctum, et ideo sunt unus spirator; nec proinde minus immediate Pater quam Filius est principium Spiritus Sancti.

At si non spiratio ipsa una communis, sed distinctio et ordo personarum attendatur, quarum est spiratio, Pater non spirat Spiritum Sanctum nisi supposita generatione Filii. Est enim Spiritus Sanctus fixo ontologico ordine tertia non autem simul cum Filio secunda persona, et ideo Filius aeternaliter generatus praeintelligitur aeternae processionis Spiritus Sancti. Quoniam igitur ordine originis prius intelligitur generatio Filii ex solo Patre, attento hoc ordine recte potest dici Filius «proxime ex primo;» et quoniam Pater non spirat Spiritum Sanctum nisi supposita communicatione vis spiratrice in secundam personam genitam, ideo rursum ratione huius ordinis personarum recte potest dici Spiritus Sanctus procedere «per illum, qui est proxime ex primo » (dta του προσεχώς ἐξ του πρώτου).

(Vide modum concipiendi supra th. XXV. η. I; XXVII; XXIX. η. II.) (1).

Hinc intelligitur, quomodo 11. cc. Filius dicatur medius inter Patrem et Spiritum Sanctum, alibi vero a Patribus frequenter Spiritus Sanctus praedicetur medius inter Patrem et Filium (πνευρα το etyton εν /ζέσω ravpcç ζαζ vïcv g. Epi-phan. Aneor, η. 8.). Videlicet si spectetur *ordo personarum*, Filius persona secunda est medius inter primam ex qua generatur, et tertiam quae nonnisi supposito Filio et ex Patre per Filium procedit; sicque PP. aiunt, «non Verbum per Spiritum sed Spiritum per Verbum Patri coniungi, quia a Filio accipit» Athanas. contr. Arian, or. III. η. 24. Si vero consideratur una spiratio communis Patri et Filio, seu una Patris ad Filium, Filii ad Patrem dilectio, cuius terminus immanens productus est Spiritus Sanctus: amor subsistens ac Spiritus Sanctus potest dici et a Patribus dicitur *medius* inter Patrem et Filium, eodemque sensu dicitur ab Augustino et aliis PP. *u unitas amborum n* (supra p. 402. 403. 499.) , a s. Bernardo « *osculum commune Patris et Filii, imperturbabilis pax, gluten firmum* » (supra p. 400.), et *u* quod, ab utroque procedat, indissolubile *vinculum Trinitatis* » s. Bernard, in Pentec. serm. 3. n. 2.

II. In Scriptura et Patribus multiplicia sunt nomina Filii Dei relativa ad Patrem, quibus directe quidem signi-

(1) « Cum in spiratione P. et F. sint duo spirantes in quantum sunt nnnm in potentia spirativa, possumus loqui de actu spirationis per comparisonem ad ipsos spirantes, vel ad principium spirandi, sicut virtute cuius iit spiratio. Si autem consideremus ipsum principium scilicet potentiam spirativam, cum in hoc non distinguantur Pater et Filius, non potest dici spiratio esso a Patre mediante Filio; si autem consideremus ipsos spirantes, qui distincti sunt et secundum hoc praebent suppositum spirationi, sic ibi est ordo naturae (originis), quia Filius est ex Patre, et Spiritus Sanctus simul a P. et F. Unde dicit Richardus (Victorinus de Trin. 1. V. c. 7.), quod generatio in divinis est immediate a Patre, sed processio Spiritus Sancti est quodammodo mediate et quodammodo immediato; immediato quantum ad virtutem spirantem, quae est una Patris et Filii efiterum quantum ad ipsum suppositum Patris, quod immediate est principium processionis, quia ipse simul et Filius spirant; sed mediate, in quantum Filius qui spirat, est a Patre » S. Th. 1. dist. 12. q. 1. a. 3.

ficatur eius origo a Patre et adsignificatur modus originis per generationem: sic dicitur Perium, *Sapientia*, *figura* (*χαρακτ.ρ*), *imago*, *virtus*, *splendor* Patris. Sunt nomina alia, quibus directe et expresse significatur modus processio- nis per generationem, ut ipsa nomina *Filitis*, *unigenitus*, *ge- neratio*. Iam vero priora illa omnia transferuntur a Patri- bus nominatim graecis ad significandam relationem Spiri- tus Sancti ad Filium, ubi manifestum est et a Patribus ipsis indicatur, retineri solum significationem directam *ori- ginis* seposita significatione *modi originis*. Quod quia in nominibus altero loco memoratis fieri nequit, ideo manent propria solius secundae personae *genitae*, et numquam usur- pantur ad exprimendam relationem Spiritus Sancti.

a) Docent Patres velut principium generale: *u* talem or- dinem et talem naturam habet Spiritus ad Filium, qua- lem habet Filius ad Patrem *n* (1) Athanas. ep. I. ad Serap. n. 21.; Basii, contr. Eunom. l. V. T. I. p. 304.

7) Speciatini deinde exceptis, ut dixi, nominibus *Filii*, *geniti*, *unigeniti* quae manent propria secundae personae ex peculiari modo processio- nis *per generationem*, reliquas omnes appellationes designantes relationem originis Filii ad Patrem seu Filii processio- nem ex Patre, iidem Patres graeci assumunt ad exprimendam relationem Spiritus Sancti ad Filium.

Filius est Verbum, mens expressa (*c nov*) et ratio Patris (supra p. 183. sqq.); pariter Spiritus Sanctus a ss. Basilio et Cyrillo dicitur Verbum Filii, mens Filii (supra p. 450.471). Filius est imago Patris, figura (*χαρακτηρ*) substantiae eius; vicissim Spiritus Sanctus a Gregorio Thaumaturgo, Atha- nasio, Basilio, Cyrillo dicitur Filii imago, imago naturalis, sigillum naturae Filii, forma Filii (1) (supra p. 449.468.491. 517). Filius est splendor Patris, lumen de lumine; Spiritus Sanctus splendor Filii, lumen tertium (p. 468. 519). Item

(1) Τοιαντην *Si ταξιν ν.αι ξυσιν εχοντο του πνεύματος προ τον ωον, οταν ο υιό έχει ιπρο τον ντατι α* Athan. *ότι ω υιό προ πατέρα i/ii, ούτω πνεύμα προ υιόν* Basil.

(2) Στ*ραγι την μορφήν Χριστου εχουσα' σφραγι τη του υιον ζυφτι' /χοϋζν} του ωου Athan. Serap. l. n. 23. 24; III. n. 3.

Filius est vultus Patris ut expressio eiusdem; vicissim Spiri- tus Sanctus dicitur vultus Filii (Cyrill. in Io. p. 787. vide Petav. VIII. c. 7. n. 6. 7). Filius dicitur Sapientia et virtus Patris; Spiritus Sanctus ab Athanasio (ad Serap. I. n. 25.), Cyrillo (dialog. VII. p. 593.) appellatur Spiritus Sapientiae et virtutis velut odor ex flore, vivens virtus Filii viventis. Filius tum Sap. VII. 25. tum a PP. (supra p. 317.) describitur ut «vapor (ἀψι) virtutis Dei et emanatio quaedam clarita- tis;» pariter a Cyrillo (Thesaur. p. 338.) Spiritus Sanctus dicitur procedere «ex essentia Filii velut ex aqua vapor» («Γῆ ουσία του υιου ὡςπερ ἐξ ὕδατος ἀτρι»).

De Filii consubstantialis relatione ad Patrem ut ad suum principium a plurimis Patribus intelligitur illud Christi dictum: Pater maior me est (Io. XIV. 28.). «Non dixit me- lior me est... sed maior, non aliqua magnitudine aut tem- pore, *sed propter nativitatem ex ipso Patre*» Athanas. contr. Arian, or. I. n.58. Atqui idem Athanasius eodem sensu ori- ginis ibid. n. 50. declarat Filium maiorem Spiritu Sancto. Corani Iudaeis, inquit, Christus loquens ut Filius hominis Spiritum Sanctum indicavit maiorem se spectato secundum humanitatem; at *u* discipulis suam divinitatem maiestatem- que ostendens, nec amplius se minorem Spiritu Sancto, sed *maio- rem* et aequalem esse significans (1) dedit Spiritum Sanctum, et dixit: accipite Spiritum Sanctum. »

Certe quando haec dicuntur ad exprimendum ordinem Filii ad Patrem, nemo dubitat, quin relatio originis signi- ficetur et processio Filii ex Patre; ergo cum Patres graeci eadem omnia transferunt ad describendum ordinem Spiri-

(1) Οὐζ ἐτι δι ελαττονα του πνεύματος εαυτόν, άλλα μειζονα ν.αι ισον ση- μαιναν. Quamvis Maurinus editor Montfaucon omiserit vocem *μειζονα*, fatetur tamen eam exstare in omnibus mss. et editis, exceptis uno Co- dice, una Catena (in qua ipsa adseribitur margini) et versione latina Petri Nannii. Vocabulum demonstratur certe genuinum tum ex auctori- tate Codd. et edd. (etiam Patriarcha Beccus eandem habuit lectionem. Tide de Unione Eccl. in *Graecia Orthodoxa* T. I. p. 137), tum ex con- textu, tum ex maiori difficultate lectionis *μειζονα ν.αι !σ ν*, quam nemo Diuquam intrusisset, sed facile poterat aliqui» velle corrigere, quod a Nanuio tentatum fuisse nullus dubito.

tus Saucii ad Filium, non aliud possunt significare quam processionem ex Filio.

c) Hinc etiam Eunomiani alique Ariani obiiciebant et Patres ipsi quaerunt, si haec omnia non minus vere dicuntur de relatione Spiritus ad Filium, quam de relatione Filii ad Patrem, cur Spiritus Sanctus non sit Filius Filii? Quae quidem vel ipsa quaestio esset absurda, nisi tum haeretici intellexissent tum Patres ratam ac fixam habuissent doctrinam catholicam eo sensu, quod Filius*est principium Spiritus Sancti. Id Patres in sua responsione quoque manifestissimum reddunt; neque enim respondent negando suppositum, quod scilicet Filius sit principium Spiritus Sancti; sed innuo inculcant, rationem cur Filius Filii non sit, non utique esse ex defectu processionis, *non* quod Spiritus non sit ex Deo per Filium, tamquam Verbum Filii et imago Filii» Basii, supra p. 471.; «non genitus, non nomine Filii appellatus, sed tamen ex eadem essentia Patris ac Filii Spiritus Sanctus» Epiphan. Aneor, n. 7. 8.; « Spiritus Sanctus ex Patre per Filium, non tamen filiationis modo» Damasc. ep. ad Iordan, n. 28. (cf. Athanas. ad Serap. I. n. 25.; Gregor. Naz. or. 31. al. 37. η. 7-9): verum huius rei vel nullam aliam rationem dandam esse aiunt, quam quod in Scriptura et universa revelatione procedens Spiritus non dicitur Filius; vel dant rationem, quia non ab uno sed a duobus procedit, Filius autem duorum ne in humanis quidem datur (ut plerumque disputat Augustinus); vel generatim dicunt, quia praeter generationem exstat alius modus processionis, et quia hoc alio non autem modo filiationis procedit Spiritus, ideo non esse nec dici Filium Filii 11. cc.

THESIS XXXVIII.

*Pe sensu ac modo, quo in oppositione adversus
Pneumatomachos explicite declarata est Spiritus Sancti
processio a Patre.*

* Quando Ariani et Semiariani Pneumatomachi affirmabant, Spiritum
» Sanctum non procedere a Patre per communicationem essentiae di-
» vinae, sed esse creaturam productam a Filio aut per Filium, 1* «an-
» ctis Ecclesiae Doctoribus sive seorsum singulis sive in Conciliis di-
» recte declaranda erat processio a Patre atque neganda ea, quam
• haeretici inducebant, productio per Filium; quo utroque capite de-
» monstrato non solum non negant processionem a Filio sicut a Patre
» per communicationem divinae naturae, sed hanc processionem a Filio
» assumunt velut consecrarium ab adversariis quoque concedendum.
• Quare 2' etiam videtur doctrina Theodori Mopsuesteni et Theodoreti
» quoad hoc caput sensu catholico explicanda, ubi in oppositione contra
» sensum Macedonianum negant, *Spiritum Sanctum a Filio vel per Fi-*
» *Hum existentiam habere.* »

I. Aliquamdiu post Concilium Nicaenum a factione Aria-
norum expresse negantium divinitatem Filii multi disces-
serunt, quin tamen fidem catholicam in Concilio definitam
amplecti vellent, qui Filium aiebant se confiteri verum
Deum, substantia similem Patri (cucicuatō); consubstantia-
lem (cptwiov) tamen Patri appellare recusabant. Ex his
Semiarianis orti sunt Pneumatomachi a suo duce etiam
Macedonian! appellati, qui explicitam et directam impu-
gnationem mysterii SS. Trinitatis transtulerunt ad doctri-
nam de Spiritu Sancto. Filium concedebant esse ex Patre
genitum et ideo esse Deum de Deo; Spiritum Sanctum ne-
gabant esse ex Patre processione substantiali, et ideo nega-
bant esse Deum; sed principium Spiritus Sancti docebant
esse Filium productione creatrice. Sine ambagibus hanc
sententiam iam proposuerat Eusebius, u Solus quidem ipse
unus Deus et Pater Domini Nostri Iesu Christi dici queat;
Filius vero unigenitus Deus, qui est in sinu Patris; Para-
cletus autem Spiritus neque Deus neque Filius, quoniam
non aequae ac Filius ex Patre genesim accepit; sed est unum
aliquod eorum quae per Filium facta sunt, quoniam omnia
per ipsum facta sunt et sine ipso factum est nihil » De

eccles. theol. 1. III. c. 6. Hanc ipsam liaeresim incusant Athanasius, Basilius, Gregorius Nyss. et Nazianzenus ceterique PP. saeculi IV. et V. « Fidem Nicaeae a Patribus definitam simulant se profiteri, re autem vera eam negant pervertentes tesseram *conszibstantialis* ἡτο cpsoveicv), et iidem blasphemantes in Spiritum Sanctum, dum dicunt, eum creaturam esse et rem factam per Filium productam π (ζαίππψα dia tov ùtcv γεγενῆσ^αι) Athan. ad Iovin. Imp. η. 1. Eadem utique de Spiritu Sancto erat sententia ipsorum Arianorum eo solum discrimine, quod apertis verbis dixerunt « ingeniiti creaturam Filium, unigeniti vero Paracletum » (Eunomius apud Basil. 1. II. n. 33). Eunomio respondet Basilius inter cetera: a nulla virtus (ἐνερ/εκζ) Filii divisa est a Patre, nec quidquam realitatis inest Filio, quod sit alienum a Patre; omnia enim, ait ipsemet, mea tua sunt et tua mea sunt; quomodo ergo (Eunomius) *causam Spiritus unigenito soli attribuit?* n ib. n. 24. Vide Ambros. de Spir. Sanct. 1.1. c. 2.; Damasus Pontif. ep. ad Paulin, n. 3. ed. Constant, p. 511. 518; Philastr. haeres. 67. 68.

In hac doctrina haereticorum tria distingui possunt. Nimirum a) Spiritus Sanctus non est ex Patre, et ideo non est Deus; b) Spiritus Sanctus est a Filio seu, quod pro eodem habent, est per Filium; c) est a Filio per creationem. Primum caput haeretici directe et praecipue intendebant; alterum assumebant velut clarum ex Scripturis et ab ipsis Catholicis admissum; sed ut congrueret haeresi, sensu detorto intelligebant de processione Spiritus a Filio per creationem, quod dicimus tertium caput haereseos. Propriae rationi errorum accommodandus erat oppositus modus expositionis et defensionis fidei catholicae. Quod primum et praecipue spectabant Patres in illa controversia, erat demonstratio deitatis Spiritus Sancti, et ideo demonstratio processionis ex substantia Patris. Alterum caput, quod Spiritus est a Filio, ss. Doctores numquam simpliciter negabant; sed immo ex communi hoc principio inferbant, Spiritum quia est ex Filio, esse etiam ex Patre. At sensus, quo catholici Doctores et quo haeretici intelligebant processionem a Filio, diversissimus est. Catholici

infide divinitatis Spiritus Sancti videbant, processionem a Filio esse non per creationem sed ex substantia Filii, et hanc processionem intelligebant esse aequae ex Patris ac Filii substantia, quae una est; haeretici contra in negatione processionis a Patre excludebant processionem ex substantia Filii, et includebant processionem a Filio per creationem.

Hunc igitur dicimus, ad praesens quod adinet, fuisse statum quaestionis et modum disputandi contra Pneumatomachos. SS. Patres processionem Spiritus Sancti a Filio (in significatione generica, quod Spiritus est a Filio) semper asserunt ut dogma et principium commune utrique parti (cf. Bessarion. orat. dogm. Hard. Concil. T. IX. p. 343). Inde vero ad expositionem fidei catholicae et confutationem duplicis erroris, quo haeretici docebant Spiritum non esse ex Patre, et esse a Filio per creationem, ss. Doctores progrediuntur tribus modis.

Γ. Ex communi principio, quod Spiritus procedit a Filio, inferunt et demonstrant, necessario etiam procedere a Patre, tum ex insito ordine relationum, quia Filius ipse est a Patre, tum ex disserta doctrina Scripturae, quia sicut dicitur Spiritus Filii ita dicitur Spiritus Patris et Spiritus Dei. Haec argumentatio ubivis obvia est apud Patres in illa controversia praecipuos defensores doctrinae catholicae, Athanasium, Basilium, Nyssenum, Cyrillum. Ne testimonia coacervemus, revocentur in memoriam solum ea, quae citavimus in superioribus thesibus. « Patris est Spiritus, qui dictus est Filii, siquidem ipse Filius ait: Spiritus veritatis (i. e. Filii iuxta Athanasium et multos alios Patres), qui a Patre procedit » Athan. ad Serap. ep. 3. η. 1. « Ex Patre procedere dicitur, quia a Verbo quod ex Patre esse conceditur, effulget » id. ad Serap. ep. 1. n. 20. « Dei quidem Verbum Filius est, Verbum autem Filii Spiritus... et cum Verbum sit Filii, proinde Dei (Patris) est » Basii, contra Eunom. V. p. 304. « Spiritus Sanctus et ex Patre dicitur, et ex Filio esse attestatione confirmatur; si quis enim Spiritum Christi non habet, hic non est eius: igitur Spiritus ex Deo et Dei Spiritus est » Greg. Nyss. serm. HI.

in or. domin. « Sicut proprius est Filii Spiritus, naturaliter et in ipso existens et per ipsum procedens, ita et Patris » Cyrill. in Io. p. 910. etc. Porro ut convincant, modum processionis esse per communicationem naturae non per creationem, assumunt praeter processionem Spiritus a Filio principium aliud a Semiarianis concessum, quod Filius procedit a Patre non per creationem, sed ut Deus de Deo. Hoc posito ostendunt ex Scripturis, ordinem Spiritus ad Filium esse eundem qui est Filii ad Patrem, et proinde processionem Spiritus a Filio esse per communicationem naturae : si ergo adversarii confitentur vere Filium esse Deum, Deum etiam fateantur Spiritum Sanctum. Ita Athanas. ep. I. ad Serap. et Basilius l. V. contr. Eunom. (1) et alibi.

In toto hoc disputandi modo Patribus solemni duo animadvertenda sunt maxime opportuna, si quid schismaticorum ingenio intolerabiliter sophistico mederi posset. Primum quod haeretici supponunt et Patres assumunt ut principium commune et certum penes omnes Christianos, est processio *personae Spiritus Sancti* a Filio, h. e. quod ipsa persona Spiritus a Filio existentiam et esse habet; non autem agitur de donis, de missione, de effectibus Spiritus Sancti ad extra, quae dicantur esse etiam a Filio. Neque dicitur processio etiam a Filio vel ex substantia Filii eo solum sensu, quod (ut schismatici absurdissime dicunt) Spiritus est Filio consubstantialis; hanc enim consubstantialitatem Pneumatomachi negant, Catholici vero ex processione substantiali tamquam ex ratione et causa consubstantialitatem demonstrant, eodem modo quo ex generatione Filii demonstrant eum esse *γεννητόν* Patri. Alterum animadversione dignissimum est, quod in hac diuturna et gravissima pugna pro fide catholica contra Pneumatomachos,

(1) Ex hoc modo argumentandi aliqui in dubium vocare coeperant, utrum duo libri postremi IV. et V. contra Eunom. sint genuini foetus Basilii. At Iiaranus recte monet, hac disputandi ratione non aliud convinci, quam quod Basilius hos libros addidit appendicis instar, in qua praeter Eunoium invalescentes tunc Pneumatomachos Semiarianos prae oculis habuit (Op. s. Basilii T. III. in Vita c. 43. n. 7.).

processio Spiritus Sancti a Filio assumebatur a Patribus ut notissima nec indigens demonstratione polemica, quamvis ad abundantiam eam soleant confirmare et illustrare ex locis s. Scripturae. Directe enim demonstrare intendunt processionem a Patre et inde divinitatem Spiritus Sancti, atque ad hanc demonstrationem assumunt processionem Spiritus a Filio ut principium notius et sensu generico concessum ab ipsis adversariis.

2°. Modus alter disputandi is est, ut PP. data quidem opera demonstrent processionem Spiritus Sancti a Patre, de qua directe erat quaestio, simul vero velut inclusam et ex illa facile intelligendam coniungant processionem a Filio. Ad argumentum haereticorum, quod Spiritus Sanctus vel est Filius Dei vel creatura, responsionem audivimus s. Basilii. «Cur Spiritus non dicatur Filius Filii? Non quod non sit *ex Deo per Filium*, sed ne Trinitas putetur multitudo infinita (in qua sint Filii ex Filiis).... Propterea ex Deo esse Apostolus aperte quidem praedicavit, quoniam Spiritum qui ex Deo est, accepimus; et quod per Filium effulsit, manifestum reddidit, *Spiritum Filii ipsum nominando sicut et Dei*, et appellando mentem Christi sicut *Spiritum Dein* Basii, contr. Eunom. V. p. 305. « Quandoquidem Spiritus Sanctus *procedit ex Patre et Filio*, manifestum est, ipsum *divinae esse essentiae, essentialiter in ipsa et ex ipsa procedentem* » Cyrill. Thesaur. p. 345. Sed hoc adferri possent testimonia fere omnia citata, ubi expressam Patrum doctrinam proposuimus.

3°. In eo quem diximus statu quaestionis, praesertim quando scopus Ecclesiae erat non argumentando confutare sed solum directa oppositione doctrinae catholicae errores authentice condemnare, ut in symbolis et definitionibus Conciliorum, nihil opus erat explicita declaratione processionis a Filio; sed imo directa oppositio postulabat solummodo professionem duplicis capitis negati a Pneumatomachis: professionem videlicet processionis ex Patre, et divinitatis Spiritus Sancti. Ita Concilium oecumenicum II. anno 381. adversus Pneumatomachos celebratum professionem symboli Nicaeni «credimus... et in Spiritum Sanctum, » declaravit hac altera

formula directe opposita duplici illi errori: «credimus in Spiritum Sanctum, *Dominum et vivificantem, qui ex Patre procedit, qui cum Patre et Filio simul adoratur et glorificatur*, qui locutus est per Prophetas, » vel retenta constructione graeca, ut vertit Dionysius Exiguus: «credimus... et in Spiritum Sanctum, Dominum et vivificantem, ex Patre procedentem, cum Patre et Filio adorandum et glorificandum, qui locutus est per sanctos Prophetas » (1).

Patres itaque in hoc symbolo contra primum caput haereticorum, quod Spiritus Sanctus non procedit ex Patre, explicite definiunt dogma: «qui ex Patre procedit. n Duplici alteri capiti, quod Spiritus procedit a Filio et procedit creatus, solum opponunt professionem divinitatis: «in Spiritum Sanctum Dominum, vivificantem, qui cum Patre et Filio simul adoratur; n hoc ipso ergo partem alteram, processionem inquam a Filio, cui nihil contrarium statuunt, suscipiunt ut verissimam, dummodo intelligatur processio quae Deum decet (θε^ς᾿ἰφερω), ut loquitur s. Cyrillus (in Ioan. p. 929). Res est manifesta, si attendatur ad indolem haereseos, cui symbolum opponitur. Eam descripsi-

(1) Πιστευομεν ... και ει; το πνεο/χα το αγ<ον, το κιφιον, το ^ωιοιο», το εκ του Τrαγοζ εκπορευόμενο?, το συν πατρ» και υιω συμπροσκυνουμή;» και συνδοξαζομινον, το λαλησαν δια των προφητών.

Symbolum Constantinopolitanum iam aliquamdiu ante hoc Concilium in Ecclesia catholica in nsu fuisse, adeoque a Patribus Concilii non compositum, sed susceptum et approbatum esse, ex s. Epiphanio (Aneor. n. 119. T. II. p. 122. 123.) constare visum est viris doctis Petavio (Incarn. l. XII. c. 18. n. 10), Tillemontio, Hahnio (Bibi. symb. p. 57), cl. Hefele (Hiat. Cone. Tom. II. p. 10). Sane Epiphanius l. c. omnino idem symbolum (nisi quod duobus locis addita sunt explicationis causa aliquot verba) recitat velut receptum in s. Dei Ecclesia ut catechumenis tradendum. Ancoratum vero Epiphanius se scripsisse testatur (n. 60.121), anno X. Valentiniani et Valentis, VI. Gratiani, XC. post tyrannum Diocletianum h. e. anno 373. vel 374., saltem septennio ante Concilium Constantinopolitanum oecumenicum II. Sed ego nondum video, cur istam appendicem symbolorum Epiphanius superstes usque ad annum 403. non potuerit Ancorato addere post Concilium Constantinopolitanum: nam computatio temporis altera quam instituit n. 121., facile intelligi potest de tempore insurgentium haereseon non de tempore, quo edita sint duo symbola, quae recitat unum identicum cum Constantinopolitano alterum paulo proluxius.

mus paulo ante ex Patrum testimoniis, eodemque modo declarat Patriarcha Joannes Beccus. Interrogatio erat schismaticorum: «cur ss. Patres II. Concilii sacrum symbolum Nicaenum explicantes, divinitatem quidem Spiritus Sancti expresse posuerunt; de processione vero eius dixerunt consona Evangelic: qui ex Patre procedit, et non addiderunt etiam illud *ex Filio?* n Respondet Beccus post alia plura: «verissima causa, cur ss. Patres in processione Spiritus Sancti non addiderunt Filium, illa est, quod quidem haeretici (illi ipsi quippe, contra quos symbolum opponitur) aiebant et sentiebant, Spiritum Sanctum ex solo Filio procedere. (Hunc sensum haereticorum probat deinde Beccus ex testimonio s. Basilii et Iustini Episcopi Siciliae). Igitur haeretici asserebant Spiritum ex Filio et non ex Patre. Sancti vero id quod negabant haeretici, explicite praedicarunt in symbolo, dicentes: qui ex Patre procedit; nam procedere ex Filio, haeretici concedebant, nec erat in hoc cum ipsis controversia » (Becc. in dictis SS. inter opusc. aurea p. 155. sqq.).

Ceterum in professione processionis ex Patre intellectam fuisse processionem simul ex Filio, ut Pater et Filius spiratione unum sunt, satis constat ex doctrina et testimoniis Patrum, quae adduximus. Immo discimus ex Epiphanio, ipsi symbolo Constantinopolitano uberiores explanationem in multis Ecclesiis orientis addi consuevisse, in qua explicita mentio fieret, quod Spiritus Sanctus sicut procedit ex Patre ita credendus sit etiam esse ex Filio. Post expositam enim symboli formulam, quam eandem esse diximus cum Constantinopolitana, Epiphanius adfert aliam paulo explicatorem (cf. Tract. de Incarnatione th. XVII.), de qua ita loquitur. «Vos (in Ecclesia Suedrorum Pamphiliae) et nos et omnes orthodoxi Episcopi et summatim tota sancta Ecclesia catholica adversus ingruentes haereses consentaneae cura fide illorum ss. Patrum (Nicaenos intelligit) paulo ante exposita, ita iniungimus praesertim ad sanctum lavacrum accedentibus, ut profiteantur et dicant: «Credimus in unum Deum » etc. In hoc iam symbolo professio Constantinopolitana de Spiritu Sancto ita declaratur: « et in

Spiritum Sanctum credimus, qui locutus est in lege, et praedicavit in prophetis, et descendit ad Iordanem, loquitur in Apostolis, habitat in Sanctis. Ita vero in ipsum credimus, quod scilicet est Spiritus Sanctus, Spiritus Dei, Spiritus perfectus, Spiritus Paracletus, increatus, *q̄t̄i ex Patre procedit, et accipit atque esse creditur ex Filio* n (1) An-
corat. n. 121. p. 124. Quo sensu Spiritus dicatur accipere ex Filio iuxta Io. XVI. 14. 15. declarat alterum incisum: *ex Filio esse creditur i/*, τῷ vicv -ισζ-.v μενω. Hic igitur in symbolo quod saec. IV. in oriente institutioni catechumenorum et confirmationi fidelium adversus artes haereticorum destinatum erat et in multis Ecclesiis usurpatum, habemus expressam declarationem : Spiritus procedit ex Patre, et ex Filio esse creditur fide revelata et ab omnibus profitenda. Insuper professio haec est in symbolo, quod exhibetur velut uberius et sine controversiis recepta explanatio formulae simplicioris: qui ex Patre procedit; in hac ergo ipsa tam Pastores quam fideles processione ex Filio non exclusam sed inclusam intelligebant et disserte profitebantur.

II. Exposita iam indole controversiae et secundum hanc considerato modo disputandi ss. Patrum adversus Pneumatomachos, locus hic proprius esse videtur examinandi, utrum et quo sensu aetate vigentis illius haereseos scriptores aliqui ecclesiastici negaverint, Spiritum Sanctum procedere aut esse ex Filio. Usque ad VIII. saeculum nullum est vestigium talis negationis in monumento aliquo, quod non aliunde tam a Photianis quam a Catholicis haberi debeat pro haeretico vel suspecto. Nominantur tamen qui primi negaverint processionem a Filio, Theodorus Mopsuestenus huiusque discipuli Nestorius et Theodoretus, quando hic contra s. Cyrillum causae Nestorii patrocinebatur. Possemus sane sine dispendio haec prima initia hosque natales haeresi Photianae concedere; neque enim auctoritate homi-

(1) Οὗτ' ἐστὶ τὸ πιστῖνον/χιν ἐ? ἀοτῶ, ὅτι ἰστί ττ-, 'οαα ἀγιο-/ι, zι/fo«a θ«ου...
ex 709 ττατρο «XTOgcuo^csvon. χαι ex του υιου λαμ,βανομ,ξϊον >αι πιστξνομΜκ
Illud ex του υιου λαμβανμενον (al. λα/χβακοντα qnod coniicio corr̄ptum
pro) est ex Io. XVI. 14. 15. του ij/ov λν;φεται ... <χ του
λαμEavii (cf. th. XXXII.).

num, quorum vel nomina ipsa vel saltem scripta totius Ecclesiae anathemate infamata sunt, neque ex silentio Ecclesiae cum primum talis negatio audita est, infirmabitur umquam communis sensus et consensus, qui tum illo ipso tempore tum antecedente ac subsēquente aetate ex universo modo loquendi et disputandi ss. Patrum de relatione Spiritus Sancti ad Filium sicut ad Patrem manifestissime constat. Silentium Ecclesiae in hypothesis qua loquimur, ad hoc unum revocaretur, quod dum tota attentio et contentio Patrum et Conciliorum unice dirigebatur ad proscribendam haeresim negantem Verbi incarnationem et unitatem hypostaticam Dei hominis, obiter iniectus error in alio omnino dogmate, de quo nulla adhuc audita fuerat controversia et ideo nulla specialis instituta inquisitio, tunc a Patribus transmissus esset sine directa oppugnatione et explicita damnatione, ne attentio ab objecto principe, quod adversarii maxime voluissent, ad aliud diverteretur. Non igitur necessitas aliqua ad defensionem catholicae doctrinae seu ratio dogmatica, sed eruenda veritas in historia dogmatum seu potius haereseon nos inducit ad examinandum sensum, quo tres illi seu potius duo scriptores saeculi V. negaverint, Spiritum Sanctum procedere ex Filio seu per Filium. Quoniam tamen viri gravissimi iique multi omnino opinantur, Theodorum et consequenter Nestorium ac Theodoretum (saltem quamdiu Nestorio favebat) praeformasse istam haeresim, quam deinde Photius in sua factione diffudit et obfirmavit, omnia quae in hac parte historiae theologicae dicturi sumus, per modum quaestionis examini ac arbitrio lectorum subiecta volumus.

1" Theodori et Nestorii (I) fuisse hanc sententiam, non

(1) Quando Cyrillus ad demonstrandam unitatem hypostaseos Christi Dei hominis Nestorio opposuit anathematisinum IX., quod - unus est Dominus Noster Iesus Christus.... et proprius eius Spiritus Sanctus, per quem signa operatus est, » Nestorius non negabat Spiritum Sanctum proprium Dei Verbi, sed pro sua haeresi dividente Christum in duas personas, Deum et hominem seorsum, negavit Spiritum Sanctum proprium Iesu hominis per se subsistentis: « per Spiritus Sancti mediationem, inquit, habuit eam, quae est ad Deum Verbum ab ipsa con-

aliunde eruitur quam ex symbolo, quod a Charisio presbytero delatum ad Concilium Ephesinum ab hoc ipso et ab aliis deinceps Conciliis ac Patribus damnatum est nominatim ob haeresim Nestorianam de Verbi incarnatione in eo comprehensam. Professio ista Theodorum habuit auctorem, a Nestorio vero eiusque sectatoribus usurpabatur ad suam haeresim propagandam, de qua re satis diximus in Tract, de Incarnat, th. XXIV.

Porro in prima parte symboli, quae agens de Trinitate ad quaestionem praesentem pertinet, contextus ita habet. Primum brevis est expositio fidei de Patre et Filio omnino orthodoxa; tum sequitur multo prolixior et manifesto polemica declaratio de Spiritu Sancto in hunc modum. «Et in Spiritum Sanctum (credimus), qui est ex Dei substantia, non tamen est Filius; est vero Deus existens essentia, utpote qui est eiusdem essentiae, cuius est Deus et Pater, ex quo secundum essentiam est; nos enim, inquit (Apostolus), non spiritum mundi accepimus sed Spiritum qui ex Beo est, separans (Apostolus) illum ab universa creatura, Deoque coniungens, *ex quo secundum essentiam est peculiari sibi ratione et diversa ab omnibus creaturis, quas non secundum essentiam sed causalitate creationis ex Deo esse credimus; et neque Filium eum credimus, neque per Filium existentiam accepisse* (1). Profitemur autem Patrem perfectum persona, et Filium similiter, parique modo Spiritum Sanctum (2), retenta doctrina pietatis, ut Patrem et Filium

ceptione coninncionem (forma servi per se subsistens, vid. Tract, de Incarnat, th. XXL), per quam (mediationem) curationes exercuit et ex qua fugandorum spirituum eveniebat esse potestatem. » Hoc est totum quod in suo anathematismo IX. haereticus opposuit illi doctrinae Cyrilli (Marii Mercatoris Opp. T. II. p. 121).

(1) Καὶ ἐπὶ τὸ πνεῦμα ὅς το ἅγιον, <2 τη; οἰοῦ τυγγανον ουσία, ἰνυ ὕιον, Θεον ὅς ὄντα, τη ὁοσία, ὡ ἐχεινη ὄν τη ουσία, ὡσμίζ ἐστιν ὁ ὅς; χαι πατηζ, ἐξ ὀυπιρ χατ' ουσίαν ἐστιν. ημεί γαζ, ζνtriv, ὄν το πν/υμα ἰλαβνμεν του χοσμου ἀλλὰ το πνεῦμα το ἐχ Θεον, τη μεν χτισεω ἀπὸ χωζίσσα ἀπαση. Οἱω ὅς σὺναψα; ἐξ ὀυπεζ χατ' ουσίαν ἐστιν ἰδιαζοντι λογω ταρα πασαν την χτισιν, ἣν ὄν χατ' ουσίαν ἀλλ' αἷτια σημιουργια ἐχ Θεον νομιζομεν εἶναι, χαι ὄντε ὕιον νομιζομεν εἶναι ὄντε Sta ὕιον την ὑπαρξιν εἰλη'ο.

(2) Nulla hic causa suspicandi Sabellianismnm cnm auctore libri a Facundo Herm. impugnati (vide Facund. l. III. c. 5.).

pariterque Spiritum Sanctum non tres aliquas differentes essentias credamus, sed unam identitate deitatis agnoscendam » (Cone. Mansi T. IV. p. 1348).

In hac expositione nemo non videt, auctorem symboli ob oculos habuisse et directe oppugnare doctrinam Pneumatomachorum illius aetatis. Negabant illi, ut paulo ante ostendimus, processionem Spiritus Sancti ex Patre, et ideo simul negabant eius divinitatem; hoc ergo caput utrumque sicut ss. Patres vindicaverant, ita et Theodorus in primis proponit et maxime urget. Immo ne de scopo symboli in hac parte dubium ullum supersit, evidenter in eo spectatur ipse proprius ac peculiaris modus argumentandi Pneumatomachorum. Vidimus hunc modum peculiaris sophismatis a s. Basilio descriptum. Spiritus Sanctus, aiebant, si est ex substantia Dei, eo ipso est Filius; si vero, ut ipsi Catholici fatentur, non est Filius, remanet ut sit creatura. Huic ipsi dilemmati symbolum, de quo agimus, opponit doctrinam catholicam sententiis et paene verbis iisdem, quibus Basilius contr. Eunom. l.V. l. c. Gregorius Naz. or. 31. (al. 37.) n. 7-11. aliique usi sunt. Alterum modum peculiarem argumentandi, cui Origenes occasionem praebuit (supra p.489), deducebant illi haeretici ex verbis Io. I. 3 : „ omnia per ipsum facta sunt, „ inter quae omnia comprehensum aiebant etiam Spiritum Sanctum. Ita referunt Basilius contra Eunom. V. p. 308., Ambrosius, Philastrius, Damasus locis citatis initio huius theseos. Exemplum huius argumentationis habes penes Eusebium loco, quem ibidem citavimus. Spiritum Sanctum itaque, dicebant, sicut cetera omnia creata a Filio et per Filium existentiam accepisse. Iam vero (pii huic propositioni simpliciter contradictoriam statuit : Spiritus Sanctus non accepit existentiam per Filium; is non iam universim negat processionem Spiritus ex Filio, sed solum negat acceptionem existentiae in sensu adversariorum, h. e. productionem per creationem. Cum igitur haec prima pars symboli, maxime vero professio de Spiritu Sancto ex tota sua conformatione et ex peculiari modo enuntiationum evidenter spectet haeresim Eunomianam et Semiarianam, eique directe opponatur; nulla est ratio, cur in-

cisum hoc ultimum aliter iutelligatur quam ut contradictorium haeresi, contra quam dirigitur; adeoque ut negans existentiae acceptionem modo, quo Pneumatomachi eam affirmabant, non autem illo sensu quo Patres omnes huius aetatis in eadem hac controversia contra haereticos pro-
cessionem Spiritus Sancti a Filio supponebant et dissertissime docebant. Non sine ratione igitur Emmanuel Calceas (Bibi. Max. PP. T. XXVI. p.409.) in hoc capite de Spiritu Sancto orthodoxum censuit istud symbolum, cuius ipse auctorem Nestorium putavit; nec nisi neglecto statu quaestionis et modo disputandi contra Pneumatomachos saec. IV. et V. Patribus communissimo Garnerius potuit Calecae interpretationem dicere violentam (Opp. Marii Mercatoris T. II. p. 256.).

Theodorum, quem alibi (in Tract, de Incarnat, th.XXIV.) certissime huius symboli auctorem esse demonstravimus, in doctrina de pro-
cessionem Spiritus Sancti a Filio orthodoxum fuisse, nunc post edita eius commentaria in epp. Pauli liquido constare sentit et contendit Card. Mai, quamvis ipse symbolum de quo agimus, in hac ipsa doctrina censeat haereticum esse et ideo Theodoro abiudicandum (Card. Mai Spicileg. Roman. T. IV. p. 525.). Ad Rom.VIII. 11. ita commentatur Theodorus, « Si quis Spiritum Christi non habet, hic non est eius... quod si Spiritus eius qui suscitavit lesum a mortuis, habitat in vobis... Prius dicens (Apostolus) *Spiritum Christi*, rursum dicit: *Spiritus suscitantis Christum* habitat in vobis, *progrediens a Christo ad Patrem*, non aliud quam hoc manifeste docens, *quod ex Filio etiam Spiritus non alienus a paterna deitate est* (1); et quibus (Filio et Spiritui Filii) *τιηα est virtus*, his omnino etiam essentia cum Patre coaeterna est. Congruenter enim vero ait, inhabitante Spiritu Sancto et mortificato peccato proposita esse certantibus praemia, quorum primum et maximum fuerit resurrectio a mortuis, n Non quidem affirmo,

(1) Προειπων πνεύμα Χριστου, παλιν ^ησΓ το πνεύμα του εγειραντο Χριστον οιχει εν υμιν, αναγαγων απο του Χριστου επι τον πατέρα, οuisf Ζτέρον αλλ'η διδάσκων, ©π εκ του υιου και το πνεύμα ουχ αλλοτριον τη πατρική θεοτητο εστι.

his verbis immediate et disserte enuntiari: *ex Filio est Spiritus*, quamvis Eminentissimus editor ita locum intellexisse videatur, cum hanc subiicit notam: « animadvertite testimonium satis, ut spero, evidens de processione Spiritus Sancti a Filio, praesertim si conferatur aliud Nysseni a me editum Script. Vet. T. VII. p. 6. » Sed ad confutandos Pneumatomachos, quorum doctrinam ex superioribus novimus, ita argumentatur Theodorus: Paulus docet, Spiritum Filii hoc ipso, quod est Filii, esse etiam Spiritum Patris (*progrediens a Christo ad Patrem*). At Spiritus est Filii, quia est *a Filio*, ut concedunt et contendunt Pneumatomachi; est autem a Filio ita, ut sit *una virtus*, et proinde *una essentia*, quod probatur quia Spiritus inhabitat iustis, et est causa remissionis peccati et gloriosae resurrectionis. Iam vero Paulus docet, eodem modo esse *Spiritum Patris*, quo est *Spiritus Filii*. Ergo sicut est Filii, quia est *a Filio in unitate virtutis et essentiae*, ita est *a Patre in unitate virtutis et essentiae*, cum alioquin concedentibus adversariis Pneumatomachis una sit virtus et essentia Patris ac Filii. Igitur spectata doctrina, quam Theodorus impugnat, sensus verborum: « Paulus manifesto docet, quod *ex Filio etiam Spiritus non est alienus a deitate paterna*, » ultimatim revocatur ad hunc: *ex Filio qui non est alienus a deitate paterna et cuius est Spiritus, habet Spiritus, ut etiam ipse non sit alienus a deitate paterna*, czi èz zcv vtov v.ai zo πνεύμα cùz άλλοτριον τη πατρική θεζζηζο εσζι. Hoc eodem modo vidimus superius (p. 553.554), etiam ss. Patres illius aetatis assumere processionem a Filio ut argumentum, quo demonstrant contra Pneumatomachos processionem a Patre et divinitatem Spiritus Sancti. Merito itaque Card. Mai ex hoc loco potuit inferre consensum Theodori cum Patribus pugnantibus adversus Pneumatomachos. Non tamen dissimulo, ab hac sive Eini Maii sive nostra interpretatione dissentire alios, inter quos est cl. Professor Dr. Hergenroether (*Photius* T. I. p. 687.).

2° In eundem sensum intelligi posse videtur Theodoretus. Locus qui proferri solet, ut ostendatur, processionem Spiritus Sancti ex Filio simpliciter a Theodoreto fuisse

negatam, exstat in eius oppugnatione anathematismorum Cyrilli ad anath. IX. Cum s. Cyrillus ibi dixisset, Spiritum Sanctum esse *Spiritum proprium Iesu Christi*, Theodoretus sane inique et sophistice agens in tota illa impugnatione suspicionem iniecit, utrum Cyrillus forte sensu Macedoniano Spiritum dixerit *proprium Filii*, quod scilicet non a Patre sed a Filio tantummodo esset, idque ita. ut non esset eiusdem essentiae cum Patre et Filio. Indicat hanc suam iniquissimam opinionem seu potius calumniam Theodoretus ipsemet in ep. ad monasteria contra Cyrillum (quae recitata est in synodo V. Act. V.), ubi agens de illo anathematismo IX. Cyrilli ait: « blasphematur vero et Sanctum Spiritum, *non ex Patre ipsum procedere dicens* secundum Domini vocem, sed ex Filio esse; iste *Apollinarii seminum fructus est* (1), *appropinquat vero Macedonii malignae culturae* Auctuar. Garnerii Opp. Theodreti T. V. p. 62. Hac iam suspitione praestructa anathematismuni IX. ita impugnat: a siquidem Spiritum proprium Filii ut eiusdem cum eo naturae et ex Patre procedentem dixit, simul confitebimur et tamquam piam suscipiemus vocem; si vero, tamquam *ex Filio aut per Filium existentiam habeat* (2),

(1) In doctrina de incarnatione saepe Nestorius et eius fautores Cyrillum accusabant Apollinarianae haerescos, quasi negasset duas Christi naturas; hic vero videtur Theodoretus indicare errorem Apollinarii de Spiritu Sancto, et in eiusdem suspicionem vocare Cyrillum. Apollinarius diversis temporibus diversa docuit; ad rem praesentem memorat Gregor. Naz. (ep. I. ad Cledon. T. II. n. 92.) eius librum, in quo « ex magno, maiori et maximo Trinitatem constituit quasi splendore, radio, et sole; Spiritu Sancto, Filio et Patre, » Quae quidem coinciderent cum haeresi Ariana. Theodoretus ipse narrat (Hist. Eccl. I. V. c. 3.): « Apollinarius Laodiceus de divina natura perverse ratiocinatus est, quosdam in ea dignitatum gradus constituens. »

(2) 'Εἰ δὲ ὁ ἐξ οἰοῦ ἡ δὲ τοῦ τοῦ ὑπαρξίν εἶναι, ὡς ἑλᾶσ ἡμῶν τοῦ τῆς χαί ὡς δύσσεβε ἀπορριπόμεν.

Unus ex defensoribus « trium capitulorum » et proinde etiam lucubrationum Theodreti contra Cyrillum, Rusticus diaconus, qui ab avunculo suo Vigilio Pontifice anathemate percussus tandem in schisma incidit, verba citata Theodreti fortasse intellexit simpliciter velut negationem processione Spiritus Sancti a Filio. Unde in acri illa concertatione de « tribus capitulis » studio partium incensus ipse inter

hoc ut blasphemum et impium reiiciamus. Credimus enim Domino dicenti: Spiritus qui ex Patre procedit, et sacratissimo Paulo dicenti similiter: nos autem... accepimus Spiritum qui ex Deo est » (Opp. T. IV. p. 718.). Videlicet blasphemum erit, si negetur Spiritus procedere ex Patre,

omnes Latinos unicus a viris doctis putatur dubitasse de processione Spiritus Sancti a Filio (Petav. l. VII. c. 8. n. 7; Lequien Damascen. disert. I. n. 4.). Fateor me adduci non posse, ut haec credam de latino scriptore eruditissimo quantumvis schismatico saeculi VI., cuiusmodi fuit Rusticus diaconus Ecclesiae Icomanae. Quomodo enim in disertissima doctrina omnium Patrum et in consensu universali Ecclesiae praesertim Latinae illa aetate dicere potuit, sibi de processione ipsa nondum constare? Verba autem Rustici alium sensum non solum patiuntur, sed omnino praesefere videntur. « Quidam antiquorum, inquit, et hoc proprietatibus (personarum) adiecerunt, quia sicut Spiritus cum Patre Filium sempiternae non genuit, *sic nec procedit Spiritus a Filio, sicut a Patre*. Ego vero quia Spiritus quidem Filium non genuit sempiternae, confiteor, nec enim duos dicimus Patres; utrum vero a Filio *eodem modo, quo a Patre procedat*, nondum perfecte habeo satisfactum. Quoniam vero ad id, quod nunc quaeritur, nihil attinet, signandum quidem est sed transeundum » Rust. contr. Acephal. (Galland. T. XII. p. 69.). Nullus umquam « antiquorum proprietatibus personarum adiecit, » quod Spiritus simpliciter non procedat a Filio, neque id Rusticus dicit; sed utique quamplurimi de characteribus personarum ita loquuntur, ut *de modo processionis* Rustico potuerit nondum perfecte esse satisfactum; utrum scilicet Spiritus *eodem modo* procedat a Filio, quo a Patre. Dixerant Basilii et Nysseni, proprietatem esse Filii, quod ipse solus procedit *μονογενῶς*, ab una scilicet persona; proprietatem esse Spiritus, quod per Filium effulget ex Patre; item quod Spiritus est a Patre non *προσχω* (proxime) sed per Filium, qui est proxime a primo, et esso ex Patre interposito Filio (*μεστέτα τοῦ ὄντος*); dixerat Augustinus, Spiritum *principaliter* esse ex Patre, licet sit etiam ex Filio; dixerant plures, solum Patrem esse principium primordiale (*τῶ ἀρχαρχῆς αἰῶνος*) et fontem Trinitatis; dixerant plerique, Spiritum esse ex Patre per Filium. (De his satis dictum est in superioribus, cf. Petav. l. VII. cc. 6. 11.). Quae quidem omnia non aliud sibi volunt, quam quod sicut natura ita vis spiratrix a Patre communicatur Filio; sicque Spiritus Sanctus non nisi supposita generatione Filii procedit a Patre Filioque. Sunt tamen sententiae illae antiquorum huiusmodi, quae nullum quidem dubium relinquebant de processione Spiritus a Filio, sed maiori inquisitione dignae Rustico videri poterant, utrum in iis dicatur Spiritus procedere « a Filio eodem modo, quo a Patre. »

et si dicatur a Filio aut per Filium creatione habere existentiam, quod utrumque pertinet *u* ad Macedonii malignam culturam.» Alibi distinctius ait Theodoretus : *u* secundum execrandos haereticos Spiritus Sanctus ex Deo *per Filium creatus est n oia ~cn bicv oeótpiovγγ.τα.ι* (in *Rora*.VIII.il.).

Ita etiam s. Cyrillus intellexit Theodoreti calumniam. In apologia enim huius anathematis scripta contra Theodoretum, in primis quidem insistit dogmati, de quo directe agebatur, quod una hypostasis est Iesus Christus Deus et homo; huius proprius est Spiritus Sanctus, per quem tamquam per suam non per alienam virtutem perfecit miracula. Tum vero *a*) indignabundus reiicit calumniam, quasi ipse umquam putasset *Spiritum Sanctum non consubstantialem Patri et Filio* : *u* nam quod S. Trinitas est consubstantialis, uniusque virtutis et operationis, non per vestrum demum sermonem didicimus, sed plenissime edocti sumus ex divinitus inspirata Scriptura. » *F*) Contra alteram calumniam, quasi suspectus ipse esset cum Macedonianis *de negata processione Spiritus Sancti a Patre*, quando dixit in anathematismo Spiritum Sanctum proprium Filii Iesu Christi, respondet: *u* proprius est ipsius (Iesu Christi Filii) Spiritus Sanctus sicut utique etiam Dei ac Patris; operatur enim per Spiritum sicut Pater ita et ipse (Io. X. 32.; XIV. 10.; Matth. XII. 28.)..., operationem per Spiritum ad se et ad Patrem referens propter identitatem essentiae» (Mansi T.V. p.58.). Cyrillus igitur in verbis illis Theodoreti: «*Spiritum ex Filio aut per Filium existentiam habere*, ut blasphemum reiicimus, » non aliud intellexit, quam quod sibi strueretur calumnia, quasi cum Macedonianis Spiritum Sanctum dixisset creatum a Filio, atque ita cum iisdem haereticis negasset Spiritum consubstantialem Patri et procedentem ex substantia Patris; non autem verba Theodoreti intellexit ita, quasi is communem omnium Patrum illius et antecedentis aetatis doctrinam de processione Spiritus ex Filio et per Filium dixisset blasphemam.

Ex his autem nunc obiter fiat indicium de intolerabili sophismate schismaticorum, qui dicunt, Cyrillum monitu Theodoreti a sententia de processione Spiritus Sancti ei

Filio discessisse. Ut nihil dicam de eo, quod s. Pater in operibus scriptis post calumnias Theodoreti dissertissime profitetur processionem a Patre Filioque (vide Lequien *Daniasenic. dissert.* I. n. 5. 6.); inspiciatur sola apologia anathematis. Dixerat Spiritum Sanctum *proprium Filii*; Theodoretus movet suspicionem, ne forte id dixerit sensu accedente ad «Macedonii malignam culturam,» quod scilicet Spiritus procedat a solo Filio, et non sit consubstantialis Patri et Filio. Cyrillus in apologia reiicit primum calumniam negatae consubstantialitatis; tum inter pauca comata quinquies repetit, quod dixerat in anathematismo, Spiritum Sanctum esse *proprium Iesu Christi Filii Dei*; sed ad repellendam suspicionem, quasi putaret illum a solo Filio procedere, addit, *eodem modo esse Spiritum proprium Filii sicut est proprius Patris*. Ubi evidenter supponit, etiam ab adversario illud *esse proprium* intelligi relative dictum ratione processionis. Quod ad abundantiam Cyrillus adhuc ipse disserte declaravit. Post apologiam contra Theodoretum scriptam ante Concilium Ephesinum (vid. Garnerium in *Opp. Marii Mercatoris* T.II. p. 132.), in Concilio ipso postulantibus Patribus suos anathematis exposuit. Iam ibi, quod anath. IX. dixerat, Iesum Christum Filium Dei *per Spiritum Sanctum proprium* divina signa (miracula) patrasse, ita explicat: «*unigenitum Dei Verbum homo factum etiam sic mansit Deus, estque omnia quae Pater, eo solo excepto, quod est esse Patrem; et Spiritum Sanctum qui ex ipso est et ei essentialiter immanet, habens proprium divina signa operabatur* » (1). Spiritum itaque, ait Cyrillus, *esse proprium Filii, quia ex ipso est processione immanente* et communicatione essentiae. Id vero inde probat, quod Filius omnia habet communia cum Patre excepta sola formali ratione paternitatis; est ergo Spiritus Sanctus ex Filio sicut ex Patre, quatenus Patris et Filii una communis est virtus spirandi.

(1) Ανορωττοσ ο /xovoyeyv?; του οζον λογο; αρο/zs/x'vTjxs και οντω
Oso; παντα οσα και ο πατηζ, διχα //o>ον υναι πατη , και ιδιον
b/isy το e; αυτου και οναιντε; ιμπζ νχο; αντω πνζνμα άγιον υζγαζζτο τα;
Οζοσημα .

Quamvis vero is, quem ostendimus, videatur esse sensus Theodori et Theodoreti, non ideo negamus modum eorum loquendi hac in re esse obscurum, ex quo appareat, in eorum mente nondum fuisse claram et distinctam notionem processionis Spiritus Sancti a Filio sicut a Patre, quatenus Pater et Filius unum sunt spiratione. Hic tamen defectus profundioris intelligentiae dogmatis multum differt ab eius explicita negatione, et pro ea aetate, ubi nulla adhuc subtilior polemica inquisitio fuerat necessaria, excusari posset. At simul manifestum est, quantopere hisce hominibus eruditis quidem sed in aliis certe capitibus ingenio nimis praefidenti a sana doctrina deviis praestiterint. Doctores segura ac limpida fide et explicatione intimorum penetralium mysterii SS. Trinitatis in relatione Spiritus Sancti ad Patrem et Filium, Athanasius, inquam, Basilius, Nyssenus, Epiphanius, Cyrillus, ut nihil dicam de Patribus Jatinis, Hilario, Augustino, Leone, Fulgentio et ceteris deinceps.

THESIS XXXIX.

De oppositis argumentis Photianorum.

«. Photiani pro sua doctrina, qua negant Filium cum Patre esse
» unum principium Spiritus Sancti, nullum omnino habent sive Scripturae
» sive Traditionis testimonium. Quatenus vero doctrinam penes Patres
» tres tam graecos quam latinos universalem eludere conantur, niani-
* festis cavillationibus utuntur. »

In hac thesi examinamus fundamenta, quibus schismatici suum dogma confirmare nituntur, ut in comparatione cum veritate quam hucusque demonstravimus, non solani eorum infirmitas intelligatur, sed ex ipsa omnimoda inanitate et sophistica indole argumentorum, ad quae se illi recipiunt, doctrinae catholicae lux maior accedat. Duplex ex ipsa rei natura esse deberet argumentorum classis; postulatur argumenta, quae possumus dicere alia *positiva* et directa, alia *polemica*. Primo enim eis suum dogma perse et absolute demonstrandum esset in revelatione contentum; deinde demonstrandum esset comparetate cum doctrina Eccle-

siae catholicae, h. e. solvenda eis essent argumenta, quibus doctrinam catholicam ostendimus in universa praedicatione ecclesiastica comprehensam. Revera schismaticorum velitationes ad hunc duplicem ordinem revocari possunt. Primum ergo dicemus de argumentis positivis, quibus utuntur vel uti possunt ad demonstrationem sui dogmatis, tum de impugnatione polemica, qua impetunt Catholicorum fundamenta.

I. Doctrina de qua quaeritur, potest spectari dupliciter:

«) quod Spiritus Sanctus procedit ex Patre; 7) quod procedit ex Patre solo ad exclusionem Filii ita, ut non procedat ex Patre et Filio, quatenus virtute et actu spirationis unum sint. De illo priori controversia erat cum Pneumatomachis Arianis et Semiarianis, illudque ex Scripturis, ex definitionibus Conciliorum, ex constanti et universali doctrina totius antiquitatis christianae, ex intima oeconomia Trinitatis, ut ea in revelatione proponitur, manifestissimum est. Non igitur hac affirmatione, quod Spiritus Sanctus a Patre procedit, continetur doctrina, quam Catholici negent et quae schismaticis defendenda sit velut dogma sibi speciale, quo discrepent a Catholicis; sed doctrina, qua Catholicis opponuntur, et quam suis argumentis contra Catholicos defendere conantur, longe est alia, ea scilicet quae enuntiatur in altero capite, *quod Spiritus Sanctus procedat a Patre ita, ut non procedat simul a Filio*. Quamdiu ergo solum demonstrant affirmationem, Spiritum Sanctum procedere a Patre, argumenta eorum sunt invicta et omnibus Catholicis communia adversus Pneumatomachos; sed nihil omnino pertinent ad ostendendam veritatem doctrinae, cuius ipsi defensionem contra Catholicos susceperunt. Fodem fere modo Ariani et Sabelliani demonstrabant evidenter ex Scripturis, unum esse Deum, et Patrem esse hunc unum verum Deum; at non haec affirmatio erat, qua discrepabant a Catholicis, sed demonstrandum fuisset Arianis quidem, Patrem esse unum verum Deum ita, ut Filius non sit idem unus verus Deus; Sabellianis autem, Patrem esse unum verum Deum ita, ut Filius hoc ipso quod naturà non distinguitur, neque hypostasi distinguatur a Patre.

Atqui 1' facto ipso et inspectis disputationibus schismaticorum patet ipsis oculis, totam demonstrationem positivam sui dogmatis tandem revocari ad hoc unum et solum, ut ex Scriptura, ex Conciliorum definitionibus et Patrum consensu proponant et expoliant affirmantem doctrinam, *Spiritum Sanctum procedere a Patre*. At hoc dogma ex fontibus revelationis testatissimum et in confesso apud omnes Catholicos nec explicite enuntiat, ut per se constat, nec implicite continet ullo modo doctrinam peculiarem illam, qua schismatici dissident ab Ecclesia catholica. Sane enim ex hoc fidei articulo, quod Pater est principium Spiritus Sancti, non magis consequitur, Filium non esse unum cum Patre principium eiusdem Spiritus, quam ex eo quod Patrem credimus Deum, credimus creatorem coeli et terrae, credimus mittere Spiritum Sanctum etc., consequens sit, Filium non esse unum cum Patre Deum et creatorem universi et principium missionis Spiritus Sancti, ut sane schismatici ipsi sine haeresi Ariana negare non possunt.

Revera Macarius, qui hac nostra aetate omnia schismaticorum argumenta in suum usum convertit, et forma qua potuit efficaciori, adornavit, in toto prolixo tractatu de Spiritus S. processione nihil prorsus aliud demonstravit quam hoc unum, *Spiritum S. procedere a Patre*. Ex Scripturis (p. 127 sq.) non profert nec potest proferre testimonium ullum praeter istud: « Spiritus veritatis qui a Patre procedit. » Atqui non hoc erat demonstrandum; sed testimonium quaeritur, in quo dicatur Spiritus Sanctus *non procedere a Filio*, cuiusmodi nullum exstat. Quod vero deinceps (p. 330 sq.) conatur in alienum sensum detorquere textus Scripturae, quibus dicitur Spiritus accipere omnia a Filio, esse Spiritus Filii, mitti sicut a Patre ita a Filio; hoc artificium, etiamsi concederentur omnia quae comminiscitur, non constitueret positivam demonstrationem dogmatis Photiani, de qua nunc quaerimus. Si enim concederemus id quod falsissimum esse demonstravimus, *in Scripturis* non contineri doctrinam de processione Spiritus ex Filio, inde perperam inferretur quod Macarius et generatim Photiani contendunt, hanc doctrinam non esse veram aut revelatam;

sed tantummodo consequens foret, *ex Scripturis* neque negationem, ut est evidens, neque affirmationem, ut ex hypothesi et *ad hominem* nos concederemus, posse desumi; adeoque consulendam esse traditionem, quam et Photiani thesaurum revelatae doctrinae agnoscunt aut saltem ex suis principiis agnoscere deberent. Revera Macarius cum non potuerit non videre Photianam exclusionem argumento ex Scripturis plane destitutam, tentavit demonstrandi artem ex traditione, ut doctrina in monumentis antiquitatis Christianae nobis conservata est. Hic saepe quidem suis verbis repetit thesim demonstrandam: Spiritus S. *a solo Patre* procedit. At in testimoniis quae per quinquaginta fere paginas (p. 345-390) ex symbolis, Conciliis, Patribus congerit licet avulsa ex contextu, quandoque fraudulenter truncata, aut falsa interpretatione in alium sensum detorta, nullum est vestigium istius processione *a solo Patre*, ad quam probandam adferuntur; sed (si excipias tria ex Damasceno, Maximo et Theodoreto, de quorum sensu diximus suis locis) in iis omnibus sola enuntiatur thesis catholica: Spiritus Sanctus *procedit a Patre*; Pater est *fons ac principium* non Filii dumtaxat sed etiam *Spiritus Sancti*. Hanc autem veritatem certissimam proponere velut probationem dogmatis Photiani, quo Spiritum *a solo Patre et non a Filio* (ut Pater et Filius unum sunt) procedere contra professionem catholicam statuunt; profecto perinde est quod paulo ante dixi, ac quando Ariani probationem veritatis quod Pater est Deus et Deus unus est, venditabant velut demonstrationem suae haereseos, qua Filium et Spiritum Sanctum negabant esse Deum. Res est ita per se evidens, ut Macarius ceterique theologi Photiani potius farragine citationum nihil ad scopum spectantium suis sectatoribus imponere quam probationem instituere voluisse videantur. Quid enimvero faciant, quum se promittunt consensum antiquitatis cum sua doctrina probaturos testimoniis, et testimonia pro eadem suppetunt nulla, sed tantummodo pro dogmate minime controverso de Spiritus Sancti *processione a Patre*?

Hinc etiam in Concilio Plorentino, ubi ante unionem

omnibus collectis viribus Graeci suam sententiam probare conabantur, totam vim demonstrationis ad hoc tandem unum argumentum revocatam esse nec aliud ullum suppetere, testatur Bessarion. *a* Obtendebamus igitur argumentum, inquit, incipientes ab ipsis Apostolis et omnibus sacris Conciliis, horumque et omnium orientalium Sanctorum dictis usi sumus, quibus ostenditur, non quidem Spiritum a Filio non procedere; huiusmodi enim dictum nullum habemus, ut ipse nosti, nisi unicum illud Damasceni ubi ait: Spiritum Filii dicimus, ex Filio autem non dicimus; aliis vero omnibus dictis hoc tantum ostenditur, Spiritum Sanctum ex Patre procedere, non autem ex Filio non procedere. His itaque prolatis putabamus demonstrasse, falsum esse ex Filio Spiritum Sanctum procedere. Latini vero ad haec omnia unum et commune dederunt responsum: omnia esse vera, seque idem sentire. Namque credunt etiam ipsi, Sanctum Spiritum ex Patre procedere; hoc enimvero non est contrarium eorum dogmati. Hoc enim quod est ex Patre procedere, neque contradictorium neque contrarium est ei, quod est procedere ex Filio. Si enim horum alterutrum esset, tunc uno affirmato alterum tolli necesse esset; nunc vero nihil obstat, quominus et procedere ex Patre verum sit, et verum procedere ex Filio. Veluti si dicamus, Spiritum Sanctum mitti a Patre, alius vero quispiam dicat, Spiritum mitti a Patre et Filio, et utrumque verum est, nec unum alteri repugnat. Si igitur Sancti dicerent, Spiritum ex Patre solo procedere vel ex Filio non procedere, posset esse aliqua ratio dicendi, nos (Catholicos) falsum sentire; cum vero neutrum horum ullus unquam dixerit, illud quod dicitur procedere ex Patre, non tollit processionem ex Filio *7*) Bessar. de Spiritu Sancto (opusc. aur. p. 208. 294.), cf. Hug. Etherian. l. II. c. 16. sqq.

Iam quoniam et verissimum est, Spiritum Sanctum procedere ex Patre, et -in hoc ipso, ut in th. XXXIV ostendimus, implicite continetur processio etiam ex Filio, qui Patri consubstantialis unum est cum Patre in omnibus, ubi non obviat relationis oppositio; idcirco potuit Ecclesia per plura saecula in symbolo profiteri adversus Pneumatoma-

olios processionem ex Patre sine explicita mentione processionis ex Filio, et potuit eandem formam symboli Graecis permittere in ipso Concilio Florentino, postquam fidem suam in processionem ex Patre et Filio publice et authentice declaraverant. Ceterum quod in duplici dogmate (processionis a Patre et unitatis Filii cum Patre in omnibus excepta paternitate et filiatione, simul assumpto revelato ordine personarum) implicitum est, id vidimus in Scripturis ipsis et in intellectu catholico etiam explicitum, atque in praedicatione ecclesiastica orientis non minus quam occidentis declaratum et disserta professione sancitum. Quid ergo absurdius et impudentius fingi potest, quam hanc totam consensionem et professionem processionis ex Patre et Filio exclusam velle per sententiam verissimam quidem processionis a Patre, in qua ipsa illa prior ac distinctior professio iam continetur implicita?

2' Quod spectat paucissima illa documenta, in quibus solis *aliquo sensu* dicitur, Spiritum non procedere *ex Filio*, vel non *accepisse existentiam a Filio aut per Filium*; ex iis, si omnia concederentur schismaticis quae velint, nihil umquam aliud confici posset, quam haec duo, incunabula haeresis Photianae fuisse coniuncta cum Nestorianismo, in eodem errore fuisse unum alterumve doctorem catholicum, cui nec solemnis aliqua definitio innotuerat nec ante diligentiore polemicam inquisitionem sensus dogmatis satis adhuc liquidus erat. Hoc utrumque plures theologi catholici omnino concedunt; at ex iis quomodo quaeso Photiani, traditionem divinam sui dogmatis demonstrabunt? Imo quomodo haec communem consensum orientalium et occidentalium in doctrina de processione Spiritus Sancti a Patre et Filio, et in isto consensu traditionem ac explicationem catholicam labefactare aut obscurare possent? Ceterum si non per concessionem *ad hominem* sed ex rei veritate agatur, documentum in quo negatio processionis ex Filio in sensu schismaticis peculiari enuntiaretur, nullum omnino exstat ante schisma Photianum editum, saltem quod non schismatici ipsi aliunde agnoscere debeant pro haeretico vel suspecto. Documenta huiusmodi damnata, in quibus aliquo

quidem sensu negatur, Spiritum Sanctum vel a Filio aut per Filium existentiam accepisse vel procedere ex Filio, sunt symbolum Theodori adoptatum a Nestorianis, contradictio Theodoreti adversus anathematismos Cyrilli, Monothetarum impugnatio epistolae synodicae Romani Pontificis (1), de quorum omnium valore et sensu diximus in

(1) Saeculo VIII videntur etiam Iconoclastae aliquam quaestionem movisse de processione Spiritus Sancti ex Patre et Filio; sed cum monumenta desint, non possumus certo scire, quo sensu controversia habita fuerit. Solum novimus, Constantinum Copronymum ferocem Iconoclastam legatos misisse ad Pipinum regem Francorum; tumque in conventu habito in villa Gentiliaco « anno 767 quaestionem ventilatam esse inter Graecos et Romanos de Trinitate, et utrum Spiritus Sanctus sicut a Patre ita procedat a Filio, et de sacris imaginibus » Mansi T. XII. p. 677; Lequien Damasc. I. n. 12; Hefele Hist. Cone. T. III. §.341. Fortasse disputatio solum erat de modo loquendi, utrum dicendus sit Spiritus Sanctus procedere ex Patre per Filium, an vero ex Patre et Filio. Ita decem annis post Concilium Gentiliacense Pipini filius Carolus M. reprehendit formulam Tarasii Patriarchae Constantinopolitani, qui, in praeclara confessione fidei lecta et approbata in Cone. Nicaeno II. dixit: « Credo... in Spiritum Sanctum, Dominum et vivificantem, *ex Patre per Filium procedentem* » το εν. του πατ ο Zi υιον szrogsuoptsvo » (Mansi XII. p. 1121). Volebat enim Carolus, ut Spiritus Sanctus non ex Patre per Filium, sed ex Patre et Filio procedere diceretur. Hadrianus vero Pontifex in ep. ad Carolum regem multis demonstrat, professionem Tarasii orthodoxam esse, et sicut opera ad extra licet sint utique Patris et Filii, recte dicuntur edita a Patre per Filium, ita etiam Spiritus Sancti processionem a pluribus Patribus orientalibus et occidentalibus dici ex Patre per Filium (Mansi XIII. p. 760 sq.).

Unicum adhuc vestigium impugnatae processionis ex Filio ante Photium reperitur saeculo IX. ineunte, sed ita ut ex ipsa illa unius fanatici hominis contradictione appareat consensio orientis et occidentis in fidem communem. Monachi latini Hierosolymis in monte Oliveti consistentes in symbolo addebant particulam *Filioque*, ut in sacello palatino Caroli M. illud cantari audiverant. Monachus quidam graecus Ioannes propter hanc additionem et alias discrepantes caerimonias in sacra liturgia coepit contra Latinos velut haereticos turbas excitare ita, ut Latinis haud leve periculum immineret a plebe imperita; et sane videtur monachus ille graecus non solum insertionem in symbolo sed ipsum dogma impugnasse. Latini appellabant ad Patriarcham et ad universum Clerum Hierosolymitanum atque ad ipsum Pontificem Leonem III. Sacerdotes Hierosolymitani scripserunt eis « chartam fidei, * et « ipse archidiaconus (narrant monachi latini in cp. ad Pontificem) in sancto

thesibus XXXVI. et XXXVIII. Quid vero censendum sit de sophistica contorsione schismaticorum, quando asserere audent, Cyrillum et Concilium Ephesinum approbasse in sensu Photiano negationem Theodoreti. quatenus Spiritus Sanctus dicatur existentiam accepisse ex Filio vel per Filium, constat ex dictis p. 566. seqq. Lege opusculum Leonis Allatii inscriptum: Vindiciae Synodi Ephes, et S. Cyrilli.

Inter scriptores catholicos vidimus duos tantummodo esse, unum VII. alterum VIII. saeculi qui, non ut ex eis aliquid contra communem ceterorum consensum probetur, sed ut explicentur et cum reliquis in concordiam redigantur, in medium adduci possunt. S. Maximus fatetur, ex es. Patrum doctrina demonstrari processionem ex Patre et Filio; declarat vero, non ideo negari Patrem solum esse fontem primordiale Trinitatis, atque habito respectu ordinis personarum formulam, qua dicitur procedere Spiritus Sanctus ex Patre et Filio, eundem habere sensum ac alteram, qua dicitur procedere ex Patre per Filium (supra th. XXXVI. η. II). Unicus inter omnes est Ioannes Damascenus saeculo VIII., qui hunc modum loquendi negantem adhibuit, Spiritum Sanctum non procedere *ex Filio*, sed ita ut constanter docuerit procedere *ex Patre per Filium*. At quid quaeso lucrarentur adversarii, si fateremur, s. Damascenum nulla adhuc solemni definitione praecedente aut ei

Constantino (ecclesia) una nobiscum ascendit in pergo et legit ipsam chartam in populo, et nos servi vestri anathematizavimus omnem haeresim et omnes, qui de s. Sede Apostolica Romana dixerint haeresim ». Inde missi sunt Latinorum aliqui cum litteris commendatitiis Thomae Patriarchae (utique graeci) ad Leonem Pontificem, a quo postulabant, « nt dignaretur certissimum mandatum dirigere. » Leo scripsit professionem fidei « omnibus orientalibus Ecclesiis », in qua dicitur: « credimus... Spiritum Sanctum a Patre et Filio aequaliter procedentem.... Spiritus Sanctus plenus Deus a Patre et Filio procedens » etc. Sic lis illa et turbae sedatae sunt in oriente. Ex quibus omnibus manifestum est, nullum fuisse dissidium circa ipsum dogma inter Ecclesiam orientalem et occidentalem. In occidente hac occasione missa est legatio ex Concilio Aquisgrancensi ad Leonem III Pontificem pro impetranda sanctione insertionis particulae *Filioque* in ipso symbolo inter liturgiam cantando, de qua re paulo post aliqua dicemus. De turbis illis Hierosolymitanis lege Lequien Damasc. I. n. 13-18.

comperta nec perspecto consensu omnium Doctorum occidentalium nec satis inter se comparatis sententiis Doctorum orientalium in hac quaestione errasse, quia magis adtendit ad verba materialiter spectata, quam ad rem ipsam quae enuntiatur ab iis Patribus, qui frequentius dicunt Spiritum *ex Patre per Filium* procedere? Ab uno Doctore contra doctrinam communem ceterorum velle demonstrationem dogmatis petere, absurdum est; eidem autem negationi adhuc post plenissime eliquatam quaestionem velle insistere, impudentissimum et impium. Ex rei porro veritate s. Damascenum eandem cum ceteris PP. tradere doctrinam, quod Filius virtute spiratrice communicata a Patre sit principium Spiritus Sancti, qui ideo *a Patre per Filium* procedat, constat ex verbis clarissimis ipsius Damasceni, et a Graecis catholicis aliisque theologis deinceps demonstratum est (vide supra l. c.).

II. Confirmationem dogmatis catholici insignem reperiet, quisquis attentius expenderit argumenta, quibus schismatici illud impugnant; ea enim omnia non solum non everunt aut labefactant probationem catholicam, sed apertissima sunt sophismata inventa ab hominibus, qui cum suam defectionem a doctrina antiquitatis fateri nolint, inanibus fallaciis clarum et manifestum sensum verborum et sententiarum Scripturae ac Patrum tenebris involvere conantur. Habes illa fideliter exposita et pro merito contrita ab Hugone Etheriano (Bibi. Max. T. XXII. p. 1201. sqq.); Becco (de process. Spiritus Sancti c. 4. sqq.; de unione Eccles, in *Graecia orthod.* T. I. p. 154. sqq.); Bessarione (de process. Spiritus Sancti ad Alex. Lascarim, et in orat, dogm.) et ab aliis Graecis, quos citant Petavius (l. VII. cc. 15-18) multoque copiosius cl. Hergenroether (in Animadvers. ad mystagog. Photii apud Migne Bibi. PP. Graec. T. CII). Ambages istae omnes revocari possunt ad hanc fere summam.

1°. Quando PP. docent, Spiritum Sanctum esse ex Patre et Filio et esse ex ambobus, schismatici alterutrum ex duobus respondent; vel sermonem esse non de processione aeterna sed de missione in tempore, vel non personam sed dona Spiritus Sancti dici ex Patre et Filio.

2°. Spiritum Sanctum aiunt esse procedentem ex Patre ut hypostasi, at non dici ex hypostasi sed ex substantia Filii *ἐκ τῆς οὐσίας τοῦ υἱοῦ*; hoc vero non aliud sibi velle, quam quod Spiritus est Filio consubstantialis. Quod ita explicant, ut per illud *ex substantia Filii* non significetur principium processionis, unde sit Spiritus Sanctus; sed velut causa formalis, quod Spiritus Deus est ex eadem substantia, ex qua Deus est Filius.

3°. Diligentius notant, Spiritum Sanctum a graecis Patribus non dici *ἐν-πορευεσθαι* *procedere*, quod verbum proprie exprimit notionalem characterem Spiritus Sancti, sed aliis verbis dici, *πῦθ' ἐναι*, *ἰ/j.ap.r.ziv*, *πεγγ,εναι*, *τ.ροχεισῖαι*, *ἀναπλζ-(a)j prodire, effulgere, apparuisse, profundi, scaturire* ex lilio vel per Filium. Haec autem omnia, inquiunt, non de processione interna, quae est *ἐξπορευσι*, sed de donis Spiritus Sancti vel de missione ad extra intelliguntur.

4°. Quod PP. graeci communi consensu docent, Spiritum Sanctum esse *ex Patre per Filium*, id schismatici alii aliter quadruplici modo interpretantur. Spiritus Sanctus est ex Patre per Filium, i. e. procedit ex eo, qui per Filium seu generatione Filii Pater est; vel Spiritus dicitur ex Patre per Filium, quia Pater formaliter ut Pater immediate refertur ad Filium, ad Spiritum Sanctum vero refertur non ut Pater sed ut spirator *τ.ρφολενζ-*, adeoque nominando Patrem prius mente nostra concipimus Filium ex Patre et deinde Spiritum Sanctum ex spiratore, hocque solum sensu aiunt, a Nysseno et Basilio Filium dici proxime ex Patre, Spiritum vero non proxime sed per eum qui proxime est ex Patre et interposito Filio. Si haec non placent, in promptu est aliud commentum; namque, aiunt, particula *dia per* in personis divinis idem valet ac *cum*, adeoque significatur processio Spiritus Sancti cum Filio ex Patre et consubstantialitas Filii ac Spiritus. Id ita esse serio probant verbis s. Basilii (de Spiritu Sancto c. 8.) a nobis p. 531. citatis, quibus dicit ex modo loquendi Scripturae, quod Pater creat *per Filium*, ostendi « unitatem voluntatis. » Si hoc etiam rideas, ut revera ridiculum est, ultimum superest effugium locus ille Graeculis communi»,

quod ex Patre per Filium non persona Spiritus Sancti, sed eius dona procedere dicantur.

5°. Porro in sacris Scripturis quod Christus ipse docet Io. XVI. 14. 15.; Spiritus veritatis de meo accipiet; id Photius ait intelligi oportere : de meo Patre accipiet (vide apud Hugonem Etherian. l. II. c. 18. in fine et c. 19.; Bessarion. de Spiritu Sancto p. 241; Petav. l. VII. c. 19. n. 1; Hergenroether Animadv. §.II. n.9.). Alterum quod sicut Patris ita *Filii Spiritus* praedicatur, nihil ad processionem pertinere aiunt, sed significare tantummodo Spiritum ob consubstantialitatem non alienum esse a Filio; vel etiam dici *Spiritum Filii*, quia a Filio mittitur in tempore. Missionem vero, cum sit quaedam operatio dumtaxat ad extra, nullatenus supponere processionem, atque idcirco non minus Filium a Spiritu quam Spiritum a Filio missum praedicari in Scripturis; imo apud Chrysostomum etiam Patrem dici missum a Filio et Spiritu Sancto.

6°. Hisce interpretandi artibus coniungunt rationes theologicas ex ipsa natura mysterii Trinitatis. Si Spiritus Sanctus ex Patre et Filio procedit, duo sunt principia Spiritus Sancti; atque ita vel utrumque principium est perfectum, tum vero duae erunt processionem et duo Spiritus Sancti procedentes; vel si processio una est ex duobus principiis. Pater solus non erit sufficiens et proinde imperfectum principium supplendum a Filio tamquam a principio concurrente et partiali. Si autem Pater et Filius dicantur unum principium, contrahuntur in unam personam, sicque Latini incidunt in Sabellianismum.

Praeterea quidquid in Trinitate est, id omne est commune vel proprium, ut res ipsa et SS. PP. frequenter docent. Ergo etiam spiratio vel est propria Patri vel est communis tribus personis, adeoque ex Latinorum doctrina Spiritus Sanctus procederet a se ipso; «sicque Spiritus Sanctus, inquit Photius, erit simul *αἰών* et *ἀπαιτόν*, quod est ipsis gentiliis fabulis monstruosius» (apud Beccum *Graec. orthod.* I. p. 166),

Insuper « Nicomediae Praesul» (1) (cum aliis) exclamat:

(1) **Praeter hunc « Nicomediensem, » cuius nomen non exprimit,**

«si ex Patre est Filius, ex Patre autem et Filio Spiritus, nepos utique Spiritus Patris est, quia et apud nos nepos proxime quidem est ex quo ducitur, per quem medium ab avo derivatur» (apud Hug. Ether. l. I. c. 17).

Macarius (p. 415) eadem suis verbis refricat; addit vero aliam inextricabilem ineptiam, cuius sensum ipsemet non videtur intellexisse (saltem si ita scripsit, ut est in versione Gallica p. 417). Occidentales doctores, inquit, praeter unitatem essentiae et Trinitatem personarum « inducunt duplicitem, quoniam docent, Patrem et Filium esse unum aeternum et indivisibile principium in relatione ad Spiritum Sanctum, et ipsum Spiritum Sanctum constitui secundum (principium?), quatenus ab illo principio (Patre et Filio ut unum sunt virtute et actu spirationis) procedit» (1). Videtur Macarius sophisma, quod Photius in sua *Mystagogia* n. 12. confinxit, paulum inflectere voluisse; verum hac inflexione omnem sensum intelligibilem ei ademit. Photius, ut fere solent omnes eius sectatores, supponit, a Catholicis admitti Patrem et Filium *duplex principium* Spiritus Sancti; «quando vero, inquit, iam istud principium sine principio et supereminens ab impiis *in duplicitem* discissum est, haec divisio maiori temeritate etiam ad triplicitatem principii progredietur (asseretur nempe Spiritus Sanctus tertium principium), cum alioquin in supereminenti et indivisibili et una natura deitatis trinum potius quam dualitas refulgeat» (2). Ait nempe, si non solus Pater asseritur principium sed Filius est principium secundum, ex quo utroque procedit Spiritus Sanctus, iam nulla erit ratio, cur non

Etherianus in suis libris inducit ex schismaticis Photium, Theophylactum, Nicetain Constantinopolitanum et Thessalonicensem, Naeolaum Methonensem.

(1) « Les docteurs d'Occident reconnaissent l'unité et la trinité, mais en même-temps ils y introduisent la duplicité; car ils enseignent que le Père et le Fils forment un principe éternel et indivisible par rapport au S. Esprit, en tant que son principe, mais que le S. Esprit, par rapport à Eux forme un second, en tant que procédant de ce principe. »

(2) **Ἀτὰρ γὰρ τῇ ἀναρχοῦ καὶ ἀγενεστοῦ ἀρχῇ ... Ἄ; δυαδὴ διαμυ-**
νησῇ, ὡς ἀπαιτόν καὶ προτὴν τριάδα ἢ κατατομή τῇ ἀρχῇ, ὥς ὁ ἐλ' υἱο-
ταί. ἵπτι' ἁὲν τρ ... τῇ ὕποτακτο *ζυαὶ το τριαδικόν μάλλον ἢ το δναδικόν*
αναφαίνεται.

dicatur Spiritus Sanctus principium tertium, ita ut quemadmodum ex duabus personis persona tertia, sic ex tribus persona quarta et ulterius aliae in infinitum procedere dicantur.

Responsio ad haec omnia continetur plenissima in antecedentibus. Sufficit legisse testimonia Scripturae et Patrum, quae citavimus, ut cuivis evidens fiat, in quinque primis capitibus non interpretationem testimoniorum specie saltem probabilem, sed aliam omnino diversam et contrariam doctrinam enuntiari. Quae vero in capite 6^o dicuntur, non sunt aliud quam ignoratio elenchi, seu deductiones ex perversa expositione doctrinae catholicae. Quare cum nec vacet nec opus sit pluribus haec confutare, brevissime expediemus singula capita.

Ad 1^{um}. Ut nihil dicamus de evidenti doctrina PP. latinorum, Epiphanius, Cyrillus et reliqui Graeci in locis omnibus citatis in thesi XXXV manifesto agunt de internis relationibus divinarum personarum, non autem de donis vel de missione ad extra, quamvis utique ex immanente aeterna processione Spiritus a Patre et Filio sit consequens, ut etiam missio Spiritus sit a Patre et Filio, et dona creata a Patre, Filio, et Spiritu Sancto. Tum vero ita ex Filio sicut ex Patre esse docent ipsum Spiritum Sanctum personam divinam tertiam: «lux est Pater, lux de luce Filius, Spiritus vero ab ambobus, Spiritus ex spiritu; spiritus enim Deus est» Epiph. «Filius proprius est Spiritus Sanctus, qui in ipso est et ex ipso, sicut id intelligitur etiam de Deo et Patre» Cyrillus. Vide ibi reliqua.

Ad 2^{um}. Quando Patribus Nicaenis haec sufficere videbatur definitio, Filium esse ex Patre; Ariani id suo errori accommodabant, esse ex Patre scilicet per creationem. Unde ad hanc haeresim excludendam PP. efficacissimam formulam constituebant, quod Filius est *ex substantia Patris* ἐκ τῆ οὐσίας τοῦ πατρὸς. Ita scilicet processio intelligitur per communicationem essentiae, et Filius Patri consubstantialis esse docetur. Iam vero illud ipsum quod Ariani docebant de ordine Filii ad Patrem, deinceps Pneumatomachi repetebant de ordine Spiritus Sancti ad Filium, esse sci-

licet Spiritum Sanctum a Filio et per Filium actione creatrice. Ad eundem ergo errorem excludendum ss. Patres eadem formula expresserunt relationem Spiritus Sancti ad Filium, qua Cone. Nicaenum expressit relationem Filii ad Patrem. Spiritum Sanctum itaque non solum dixerunt esse ex Filio, ex Patre et Filio, sed ad declarandam processionem per communicationem eiusdem naturae ac substantiae definiverunt, Spiritum esse *ex substantia Filii, ex ipsa substantia Patris et Filii* ἡ, ἡ αὐτῆς, οὐσία πατρὸς υἱοῦ. Vide 11. cc. Sine ullo igitur dubio sicut per definitionem generationis Filii ex substantia Patris, ita per hanc alteram processionis Spiritus Sancti ex substantia Patris et Filii exprimitur tum principium *quod* videlicet persona producens (in generatione *Pater*, in spiratione *Pater et Filius*), tum principium *quo* videlicet essentia *οὐσία*, cuius communicatione est tum generatio Filii tum spiratio Spiritus Sancti. Inde vero utique consequens est, ut causa velut formalis qua Deus est Spiritus Sanctus, sit ipsamet communicata una natura Patris ac Filii, quod exprimimus confitentes Spiritum Sanctum Patri et Filio consubstantialem. Lege quae diximus de definitione Nicaena in th. VIII. η. II.

Ad 3^{um} respondetur: a) illis iisdem vocabulis Patres utuntur ad exprimendam tum generationem Filii tum aeternam processionem Spiritus Sancti ex Patre, a Spiritus omnia habet sempiternae, utpote Dei Spiritus et *ex Deo effulgens* (πεφηνό), principium ipsum habens sicut fontem sui et *ab eo scaturiens* (πυχλαζο)... *ex Deo scaturiens* (τῆς γαζοῦς) in se subsistens est» s. Basil, contr. Eunom. 1. V. T. I. p. 322. Vide superius p. 469 in nota; cf. Petav. VII. c. IS. n. 7. 8. Tum b) non solum dicunt PP. Spiritum Sanctum *effulgere, apparere* etc. ex Filio seu per Filium*, sed in contextibus ubi evidenter agunt de relationibus internis, dicunt *effulgere, apparere* etc. *ex Patre et Filio* vel *ambobus*, ubi sane sicut *effulsio, promanatio* etc. ex Patre non est aliud quam aeterna *processio* Spiritus Sancti, ita etiam de Filio non aliter intelligi potest. Sic e. g. Cyrillus probat Spiritum Sanctum esse divinae essentiae, quia *«procedit ῥοιῖαι ex Patre et Filio»* (supra p. 464.520); Athanasius Spiritum

Sanctum dicit unius Filii unam sanctificantem et illuminantem virtutem , « quae ex Patre procedere (ἐξπρῆνεσθαι) docetur, quia a Verbo, quod ex Patre esse in confesso est, elucet (φωτίζεται) » (supra p. 468.). c) Si hisce verbis *promanationis*, *effulsionis* etc. exprimitur relatio interna personae Spiritus Sancti, necessario idem significant ac *processio*. Atqui PP. ipsi frequentissime et luculentissime declarant, se intelligere *promanationem* immanentem, dum aiunt Spiritum ex Filio et per Filium effulgere, promanare, prodire *Ἰνσιωω*, *ζατα φυνσιν*, etc. quae superius indicavimus p. 480. Imo ipsam rem huius aeternae promanationis definiunt, quod *u* essentialis bonitas et secundum naturam sanctitas et regalis dignitas ex Patre per unigenitum in Spiritum promanat *n* (*ow.zi*) Basii.; eodemque sensu Spiritum dicunt a Filio procedere ita, ut Spiritus quidquid perfectionis habet, habeat a Filio Athanas. Cyrill. (supra p. 454. 455. 465).

Ad 4^{um}. Absurditas harum omnium detorsionum intelligitur ex dictis in thesi XXXVI.

Ad 5^{im}. Doctrinam Scripturae tum per se tum ex Patrum explicatione satis vindicavimus in th. XXXII-XXXIV. De Photii commento lege Bessarionem l. de Spirit. Sanct. p. 241, ubi demonstrat illud non solum esse contrarium manifesto contextui orationis Christi Domini et interpretationi Patrum; sed etiam verbis ipsis *u* de meo accipiet» *ἐξ τοῦ ἐμοῦ λαμβάνεται* solum grammatice spectatis repugnare. Generatim de Photianis fallaciis, quibus clara Scripturarum testimonia eludere conantur, confer etiam cl. Hergenroether Animadvers. §. II. n. 9. sqq.

Ad 6^m. In eo quod dicitur de communi et proprio, assumitur tamquam concessum et velut principium demonstrationis id, quod Catholici negant velut haeresim et demonstrant contrarium Scripturae ac universae doctrinae Patrum, et quod schismatici vellent demonstrare. Qua nulla manifestior petitio principii committi potest. Spiratio certe etiam concedentibus schismaticis non est proprietas constituens personam, secus induceretur personarum quaternitas. At ex natura mysterii Trinitatis in Scriptura et Patrum

doctrina *proprietates constituentes* sunt quidem singulae unius tantum personae; si vero idem affirmetur de spiratione activa, quod ea uni Patri sit propria, hoc utique idem est ac dicere, Spiritum Sanctum a solo Patre procedere; at hoc ipsum esset schismaticis demonstrandum. Omnia itaque capita doctrinae ex Scriptura et praedicatione ecclesiastica, quibus demonstravimus processionem Spiritus Sancti ex Patre et Filio seu ex Patre per Filium, eodem modo demonstrant, spirationem activam esse communem Patri ac Filio non autem Spiritui Sancto, quia Spiritus Sanctus per ipsam communem Patris et Filii spirationem producit; tamque est contraria Scripturae et Patribus assertio, quod spiratio activa propria est uni personae, quam contraria eisdem esse demonstratur negatio processionis ex Patre Filioque. Si igitur *proprietates* stricto sensu dicitur id, quod uni personae est proprium, negamus spirationem activam esse proprietatem; si sensu latiori dicitur proprietas, quod est relatio ad intra et non commune tribus personis, spiratio potest dici proprietas non constituens neque distinguens Patrem et Filium inter se, sed distinguens utrumque a persona tertia, cuius sunt unum principium per spirationem unam eis communem. Cf. th. XXV. η. I. et ibi Scholion p. 392.

Beliqua omnia quae velut rationes theologicae a schismaticis producuntur, fundantur in ignorantia vel dissimulatione verae doctrinae circa distinctionem et unitatem inter divinas personas. Sane si fundamenta, quibus innititur obiectio de duobus principiis, de imperfectione et partitione spirationis, de confusione personarum Patris et Filii, applicarentur operationi ad extra e. g. creationi, vel missioni Spiritus Sancti, quam unam et communem esse Patri ac Filio etiam schismatici fateri coguntur; si inquam Photiani hisce capitibus illa sua principia applicarent, incidendum eis esset in Sabellianismum, ne tria principia et tres operationes partiales et imperfectae inducerentur, vel in Arianismum aut tritheismum, ne admissio uno creationis aut missionis principio confunderentur personae. Dicent fortasse, aliam esse rationem processionis personae divinae

et aliam operationum ad extra. Novimus esse rationem infinite diversam; sed quoad unitatem et distinctionem inter Patrem et Filium et quoad perfectionem singularum personarum omnino perinde est, ut iam Augustinus animadvertit, sive de creatione sive de aeterna spiratione agatur. Si vis spiratrix, qua Pater et Filius minime ad se invicem referuntur, eadem numero utrique personae communis esse nequit, quin distinctio quae est ex sola generatione, tollatur et personae confundantur; aut si vis spiratrix in duabus distinctis personis esse nequit, quin vel in singulis sit imperfecta, vel personae sint divisae et iam duo spiratores ac duo principia; prorsus eadem omnia valent de vi creatrice aut de virtute missionis. Non poterit nempe una numero vis et actio creationis aut missionis admitti in personis distinctis, (quin per eam unitatem tollatur distinctio; aut si personae manent distinctae, illa in singulis erit imperfecta, vel erit separata ita, ut constituentur totidem principia creationis vel missionis, quot sint personae creantes aut mittentes. Cum vero haec omnia non solum haeretica sint, sed etiam mirum quantum absurda, eodem modo haeretica et absurda intelliguntur Photiana principia conficta ad impugnandam processionem Spiritus Sancti a Patre et Filio ut uno principio eiusdem Sancti Spiritus.

Quod deinde obiicitur de avo et nepote, est blasphemia Pneumatomachorum a PP. frequentissime confutata. Sicut Photiani supponentes processionem ex Patre dicunt Spiritum Sanctum fore nepotem, si procedat etiam ex Filio; ita Pneumatomachi Semiariani supponentes processionem a Filio idem inferebant consequi, si iuxta doctrinam catholicam Spiritus Sanctus etiam ex Patre atque ex substantia Patris et Filii, ex Patre per Filium procedat. Ratio cur illatio Photiana et Semiariana absurda sit, patet ex omnibus dictis, et explicatur a Patribus; quia nimirum personae divinae non divisae sunt (iuxta Arianum et tritheisticum commentum), quasi vero primum Pater generaret Filium, et deinde solus Filius generaret Spiritum Sanctum; sed sicut personae divinae una numero virtute creatrice creant universum, ita Pater et Filius una numero virtute spira-

trice atque ideo ut unum principium spirant Spiritum Sanctum: « non avus non nepos, sed ex eadem substantia Patris ac Filii Spiritus Sanctus » Epiphan. supra p. 518.

Postremo in Macarianis nugis de nescio qua *dualitate*, quae praeter unitatem essentiae et Trinitatem personarum a Catholicis induci narratur, anceps haereas quid respondeas; tam insulsa sunt omnia et quovis destituta sensu. *Dialitas* nulla est, ubi non est realis distinctio, quae ipsamet nulla concipi potest in Deo uno nisi in relativis ratione realis processionis, inter principium nempe et procedentem a principio. Unde Pater et Filius realiter inter se distincti sunt sola generatione, qua Filius procedit a Patre, spiratione vero qua non producitur Filius, non minus unum sunt quam essentia et quovis attributo absoluto aut operatione ad extra. Hac spiratione una communi, seu quod idem est, hac una dilectione producente Spiritum Sanctum sunt principium ipsius Spiritus, qui procedens a Patre et Filio ut a suo principio realiter distinguitur ipsa relatione processionis, essentiam autem eandem et unam numero habet communicatam a Patre et Filio. Est ergo una essentia divina incommunicata in Patre ut in prima persona, fonte et principio primordiali SS. Trinitatis; per generationem a Patre communicata in Filio, persona secunda; a Patre et Filio per unam communem spirationem communicata in Spiritu Sancto, persona tertia; atque adeo est non multiplicabilis unitas essentiae, et personarum Trinitas. *Dualitas* vero non est alia, nisi quod Filius et Spiritus non sunt personae a se sed procedentes a principio sui, atque ita *duae sunt processionis*; et quod in numero trium continentur utique etiam duo, cuiusmodi *dualitatem* puto ne Macarius quidem negabit. Egregie haec omnia expressit s. Gregorius Nyssenus. *a* Sicut sine principio esse cum solius sit Patris, Filio et Spiritui aptari nequit; ita vicissim esse ex principio, quod Filii et Spiritus proprium est, ex ipsa sua natura non potest intelligi in Patre. Cum vero *non esse ingenum* (rs tr/i αχενν/τω; ειναι) commune sit Filio et Spiritui, ne qua confusio in re subiecta cogitetur, rursus in ipsorum (Filii et Spiritus) proprietatibus oportet repe-

rire impermixtam differentiam, ut tum commune (esse ex principio) custodiatur, tum proprium (singulis) non confundatur. Unigenitus enim Filius *ex Patre* a sacra Scriptura dicitur, et in hoc sacra doctrina sistit eius proprietatem; Spiritus Sanctus vero *et ex Patre dicitur et ex Filio esse* simul testimonio confirmatur (vide th. XXXV. n. III.) (1). Etenim si quis, inquit (Apostolus), *Spiritum Christi* non habet, hic non est eius *n* Nyss. serm. 3. in orat. domin. Duabus itaque personis *inter se commune*, sed in comparatione cum prima persona *proprium* est, quod non sunt sine principio (ἀχεννητω); oportet ergo etiam inter has duas personas reperire *proprium* singulis et distinguens. Hoc autem Nyssenus non novit aliud, nisi quod Filius est *ex solo Patre*, Spiritus Sanctus non ex solo Patre sed iuxta Scripturarum doctrinam *ex Patre et ex Filio* (2), sive (in alia lectione recentiori) *Spiritus ex Patre et Spiritus Filii*, quod ex constanti PP. explicatione prorsus idem significat (th. XXXII. η. II). Hoc ipsum aliis verbis dixit Nyssenus, *U* Filium non nisi ratione principii praeintelligi Spiritui,» ac proinde non nisi ut principium Spiritus Sancti ab ipso Spiritu procedente distingui (vide superius p. 473). Cum

(1) Ὡς ττερ το ἀνεο αἰτία εἶναι ἱζονου του πατζο ον, τω νίω γαι τω πνευ/ζατι εἰς αζμοΟηναι ου δυναται, ούτω το εἰζπαλιν το εἰς αἰτία εἶναι, ὅπεξ ἱζιον εστι του υιου και του πνεύματο τω πατρι εἰς τπΟεαφηΟηναι ζῴσιν ουκ εχει' κοινοῦ δε οντο τω ὕιω και τω πνευμ.ατι του ἱζη αγεννητω εἶναι, ὥ αν μη τι συγχυσι τε ι το υποκείμενον θεωρηθεῖ, πάλιν εστιν αζικτον την εν τοι ιδιωμασιν αυτών διαφοράν εξεν εἶν, ὥ αν και το κοινον φυλα/Οειη, και το ιδιον μη συγχυΟειη' ο γαρ μονογενή νίο εκ του πατ'ο παρα τη άγια; γραφή ονομάζεται, και μέχρι τουτου ο λογο ιστησιν άνω το ιδίωμα, τάδε άγιον πνεύμα και εκ του πατζο λεγεται και εκ του ὕιου εἶναι προσμαρτυρεῖται.

(2) Proprietas nempe Filii prae Spiritu Sancto est, quod est *loltu* ex *io*lo *mono* εκ *μονού*, vel solus procedit *μονογενω*, vel solus *προσεχώ* εκ του πατζο, ut non tantum Nyssenus saepius, sed etiam Origenes in Ioan. tom. 2. η. 6, Gregorius Thauiuaturgus (in symbolo), Basilius (ep. 38, al. 43. n. 4.), Epiphanius (haeres. 73. p. 382) docent; Spiritus autem non est ex solo Patre; sed ex Patre per Filium, vel ex Patre et Filio, vel ex ambobus, vel ex Patre itant simul accipiat a Filio, ut simul sit Spiritus Filii, ut pendeat origine a Filio, ut omnes suas perfectiones habeat a i ilio, quas omues locutiones ex Patribus graecis descriptas habes in superioribus thesibus.

vero Photiani hanc relationem principii inter Filium et Spiritum reiecerint, repudiarunt id quod ex ss. Patrum doctrina unice constituit distinctionem inconfusam (rw iuizTsv ὡαφοραν) inter Filium et Spiritum, atque adeo ex eorum principiis, quamvis id fateri nolint, consequitur contractio Trinitatis in *dualitatem*, de qua Macarius contra dogma catholicum mutire audet. De hac personarum confusione dicemus in thesi sequenti.

Ex his quae modo dicta sunt et alibi saepe demonstrata, calumniae etiam Photii de duobus principiis, Patre et Filio manent refutatae. Sicut enim tres personae quia naturâ unum sunt, non tres Dii sed unus intelliguntur Deus; ita personae duae, quas spiratione ac productione personae tertiae non minus quam naturâ unum esse constat, non duo principia sed unum sunt principium et unus spirator in relatione ad tertiam personam. Persona tertia per hanc spirationem unam (principium *quo*) procedit a duabus personis, quae non spiratione sed sola generatione sunt duae inter se distinctae (principium *quod*) adeoque etiam ambae per eandem unam spirationem distinguuntur a tertia procedente.

Quod denique spectat rationem principii in Spiritu Sancto, de qua Photius et fortasse etiam Macarius loquuntur, ex revelatione novimus in Deo duas tantummodo esse processiones immanentes. Per revelationem vero illuminata fides potest quaerere etiam aliquem intellectum, cur in spiritu infinito non nisi unum Verbum infinitum procedens ex mente paterna, et supposita generatione Verbi non nisi unus infinitus amor subsistens procedens per dilectionem unam Patris et Filii esse queat (vide th. XXVIII. η. II.).

Profecto quo attentius considerantur probationes pro doctrina Photiana, quae tandem revocantur ad affirmationem processionis a Patre a Catholicis ultro concessam et adversus Arianos operosius defensam; et quo sincerius examinantur schismaticorum argumenta contra dogma catholicum conquisita, quae omnia partim in dissimulatione aut manifesta detorsione testimoniorum ex Scriptura et traditione, partim in falsis suppositis et calumniis fundantur:

eo firmior et illustrior veritas catholica consistit et omnium oculis sese ingerit, qui sine praeconcepta in errore semel hausto pervicacia indicare velint.

Hinc Graeci in Concilio oecumenico Florentino, quamdiu manifestae veritati resistere conabantur, teste Bessarione ad eas incitas redacti sunt, ut cogerentur vel stultissime Patrum omnium testimonia corrupta dicere vel omnino eorundem doctrinam erroris insimulare, u Latini ex alio principio exordientes per plures continenter dies multa ac varia argumenta protulerunt demonstrantia Spiritum Sanctum procedere ex Patre et Filio, innixi Scripturae sacrae atque inde facile promentes subsumptiones probationum. Postremo dicta Patrum attulerunt, quibus manifesto et dissertis verbis huius dogmatis veritas ostenditur. Protulerunt autem non solum occidentalium sed non minus etiam orientalium Doctorum testimonia... Ad quae nos responsionem nullam habebamus, nisi quod spuria essent et a Latinis corrupta. Produxerunt nostrum Epiphanium in multis locis clare docentem, Spiritum Sanctum esse ex Patre et Filio: respondimus, adulterina esse. Legerunt sententiam magni Basilii ex libris contra Eunomium (l. III. n. 1), de qua antea dixi: interpolata nobis videbatur. Adduxerunt doctrinam occidentalium Sanctorum: tota nostra apologia erat, omnia esse spuria, et nihil aliud (*πασα τῶων ἀπολογία το ν&ο'j, ν.αι ἑτερον*). Per multos igitur dies inter nos considerantes et consultantes, quid ad haec responderemus, nullum praeter hoc inveniebamus responsum. Hoc vero rursus tamquam omnino absurdum, non bonum nobis videbatur; primum quidem, quia ex consequentibus et antecedentibus apparebat, hunc esse sensum doctrinae Sanctorum; deinde cum plurimi codices et vetustissimi ita haberent, non poteramus contra eos velut interpolatos excipere. Et alioquin cum nos nullum librum ostendere possemus, non graece non latine scriptum, qui aliter haberet quam Latini produxissent, quomodo iure contra eos exciperemus?... Nos alios Sanctos contrarium dicentes non poteramus proferre, ipsos occidentales alibi aliter docentes nullo modo ostendebamus, naturalibus rationibus probare eos falsa dixisse omnium minime

poteramus; cum igitur nullam rationabilem causam nobis relictam esse videremus, propterea et conticuimus. Attamen non deerant, quibus alia responsio in promptu esset, videlicet errasse Sanctos occidentales et in hoc deceptos esse. Hoc vero universim nobis fidem evertere, manifestum est; si enim fides nostra pendet a doctrina Sanctorum (consentientium in fidei doctrina), hi vero errant circa veritatem, fides eversa est. Propterea igitur recte unio cum Latinis consecuta est, et omnes nulla vi coacti, ut Deus testis est, consenserunt. Qui vero consentire nolebant, erant ii duo non plures (1), nullam vim passi in sua libertate et in sua sententia manserunt » Bessar. de process. Spiritus Sancti p. 221. sqq. cf. ibid. p. 207.

THESIS XL.

De distinctione Filii et Spiritus Sancti per solam relationem originis.

“ Cum ex certissima doctrina in divinis non possit esse realis distinctionis nisi secundum relationem principii et procedentis a principio, » Filius et Spiritus Sanctus distinctae personae non essent, nisi una » procederet ab altera. »

Omnes fere theologi Scholastici ad 1. dist. 11. et ad S. Th. 1. q. 36. a. 2. multis sed saepe non parum obscure habent quaestionem, utrum Spiritus Sanctus si a Filio non procederet, nihilominus ab eo distingueretur. Non desunt etiam post Concilium Florentinum, qui affirmando respondeant; longe tamen communior et ex argumentis theologicis vera sententia est (2), nullam esse aut intelligi posse dis-

(1) Qui praeter Marcum Ephesium ex Graecis praesentibus Concilio subscriptionem recusaverit, cl. Canonicus Eugenijs Cecconi ex codice Florentino me docuit fuisse Episcopum Staupopolitanum, qui in catalogo Metropolitaram praefixo Γ* sessioni vocatur Isaias, et in memorato codice hoc elogio celebratur: « vir litterarum nescius, cui nihil omnino constat, »

(2) Claudius Frassen in suo Scoto Academico statuit thesim: « Etsi per impossibile Spiritus Sanctus non procederet a Filio, revera tamen ab eo distingueretur realiter. Haec est Doctoris (Scoti) et omnium eius discipulorum » Frass. Tract. III. disp. III. a. 2. q. 2. n. 4. Aliqui theologi

inctionem inter personas divinas adeoque etiam inter Filium et Spiritum Sanctum, nisi ratione principii et procedentis a principio.

Quaestio proposita non potest intelligi de obiectiva realitate, sed de nostro modo concipiendi et probandi; fere dixerim, quaestio non est ontologica sed dialectica. Namque in re ipsa constat per infallibilem revelationem profundorum Dei, Spiritum Sanctum procedere etiam a Filio intima et absoluta necessitate ac exigentia naturae et vitae divinae; procedit, inquam, Spiritus Sanctus etiam a Filio eadem necessitate, qua existit ipse, qua existit Filius, qua existit Pater, qua Deus *est qui est*. Hoc ergo sensu ad quaestionem propositam respondendum esset: ex absurdo sequitur absurdum; si Spiritus Sanctus non procederet a Filio, neque existeret; imo neque existeret Filius, quia Verbum eadem necessitate est spirans Spiritum Sanctum, qua Verbum est; et si non spirat, neque est Verbum. Idem dicendum de Patre, qui generat Verbum communicando vim spiratricem, et non nisi cum Verbo est unum principium Spiritus Sancti eadem necessitate, qua Pater est. In hoc ergo sensu, nulla amplius posset esse quaestio de distinctione Spiritus Sancti a Filio, sed *mutata entitate divina* sequuntur contradictoria omnia, et evertitur omnis ordo rerum, ^λ ut loquitur Pallavicinus (l. VIII. c. 60. n. 449.). Sic acceperunt hanc quaestionem illi veteres theologi, qui eam totam inutilem et absurdam esse putarunt.

non parcunt consuiis contra hanc sententiam, quia Ioannes theologus Latinorum in Cone. Florent, (sess. XVIII) contra Graecos usus est argumento, quod si Spiritus Sanctus non procederet a Filio, neque ab eo distingueretur. Ruiz aiens se velle vitare extrema nimiae severitatis et nimiae indulgentiae, opinionem Scoti appellat « non probabilem nec in fide tutam » disp. 68. sect. 5. n. 45. Sed rectissime monet Viva (disp. V. q. 6.11. 6.): « ab his censuris omnino abstinendum, tum quia ab Innoc. XI. in virtute sanctae obedientiae interdicitur in diplomate thesium confixarum, ne censura ulla notentur opiniones, quae hinc inde apud Catholicos controvertuntur, tum etiam quia sacra Congregatio Panli V. iussu declaravit, immunem esse a censuris doctrinam Scoti, edixitque, ne quis librorum censor prohibere typis auderet, quod certo constaret ex Scoto depromptum esse. » (Cf. Vasquez disp. 147. c. 3.; Franc, de Lugo disp. 17. c. 3. n. 20.).

At status quaestionis est longe diversus. Photiani cum Catholicis consentiunt, Spiritum Sanctum realiter distinguere a Filio, sed negant procedere a Filio; hocque ipso affirmant, praeter relationem originis unius personae ab altera admittendam esse in divinis aliam rationem distinctionis realis inter duas personas, diversum scilicet modum processioneis, quod, licet utraque persona procedat a solo Patre, una tamen procedit generatione ut Filius, altera spiratione ut Spiritus Sanctus. Quaeritur ergo, utrum vel immediate ex revelatione demonstrari vel ex iis, quae tum ratione de Deo evidenter intelliguntur tum revelatione de personis divinis innotescunt, certo deduci queat, nullam in Deo esse distinctionem realem nisi *per relationem originis*, qua divinae personae realiter distinctae constituuntur. Hoc si demonstrari potest. vera erit illatio et evidens conclusio: Spiritus Sanctus est persona realiter distincta non solum a Patre sed etiam a Filio; ergo (quoniam Filius non procedit a Spiritu Sancto omnibus fatentibus et iuxta internam revelatam oeconomiam SS. Trinitatis), Spiritus Sanctus procedit etiam a Filio; proindeque ex opposito: *si negatur Spiritus Sanctus procedere etiam a Filio, virtualiter negatur realis distinctio Filii et Spiritus Sancti*. Hunc sensum quem diximus *dialecticum*, habet illa propositio: si Spiritus Sanctus non procederet a Filio, ab eo non realiter distingueretur. Theologi nonnulli catholici, ut diximus, id negant, quia censent praeter relationem originis unius personae ab altera, esse adhuc aliam rationem distinctionis realis, relationes scilicet non quidem oppositas sed diversas ac *disparatas*; attamen iidem utique fatentur id quod est de fide, actu distinguere Spiritum Sanctum a Filio relatione etiam originis. Schismatici contra et negant sola relatione originis personas distinguere, et affirmant sola relatione *disparata* seu diverso modo procedendi a Patre, et nullatenus processione etiam a Filio Spiritum Sanctum distinguere a Filio. Uno itaque verbo illa quaestio, utrum Spiritus Sanctus si non procederet a Filio, adhuc tamen realiter ab eo distingueretur, reducitur ad hanc alteram generaliore: utrum personae divinae solis relatio-

nibus originis quod una ab altera procedit, realiter inter se distinguantur. Quae profecto quaestio non inutilis est et sensu vacua, sed opportunissima tum universim ad oeconomiam Trinitatis distinctius cognoscendam tum nominatim ad intelligentiam relationis inter Filium et Spiritum Sanctum et, siquidem vera probatur responsio affirmans, ad demonstrationem processionis Spiritus Sancti etiam a Filio, ut hoc argumento in Cone. Florentino Ioannes theologus ceteris consentientibus sess. XVIII. et Bessarion in orat. dogm. c. 6. usi sunt.

Porro de veritate instar principii theologici habenda, quod in Deo omnia sunt unum, ubi non obviat *relationis oppositio*, quae constituitur in ipsa origine unius personae ab altera (supra p. 207), nullum potest esse dubium postea omnia, quae de unitate et distinctione in Deo passim in superioribus demonstrata sunt.

1^o Sane in Deo licet multae perfectiones et rationes formales possint mentis consideratione inter se distingui, realiter tamen omnia unum sunt sine reali distinctione, nisi quatenus est formalis ratio principii producentis ad intra et procedentis a principio producente; idque verum est non solum de absolutis, sed etiam de formalibus rationibus relativis. Sic non solum essentia, sapientia, bonitas etc. unum sunt simplicissimum *Esse* sine distinctione reali, quia una non realiter procedit ab altera; sed etiam essentia, generatio, et spiratio (activa) eodem modo unum sunt sine reali distinctione propter eandem rationem, quia nec generatio et spiratio ab essentia nec a generatione spiratio realiter procedit. Sed Pater sub formali ratione Patris realiter distinguitur a Filio sub formali ratione Filii, et quidem unice sub hac formali ratione, quatenus unus est principium alter realiter procedens per modum geniti a principio; in reliquis vero omnibus formalitatibus Pater et Filius unum sunt. Eodem modo, ut patet, sentiendum est de unitate ac distinctione spirantis et procedentis per spirationem.

Fundamentum huius rei est divina simplicitas, quae coincidit cum infinita perfectione Dei (vide Tract. de Deo

th. XXVII.) Quia scilicet simplicissima essentia Dei est tota plenitudo entis perfecti, possumus quidem nos illam essentiam considerare sub diversis rationibus perfectionum et relationum, quae tamen omnes sunt ipsa divina essentia et inter se nullo modo realiter distinguuntur, nisi unice quatenus realis est processio unius ab altero; sub qua formali ratione unius procedentis relativi ad alterum ut ad suum principium producem constituitur alius et alius, non tamen aliud et aliud.

Sicut ergo tolleretur infinitas perfectionis et perfectiones ponerentur limitatae, si perfectiones absolutae e. g. sapientia et potentia assumerentur velut realiter distinctae, quia iam neutra comprehenderet totam entis perfecti plenitudinem; ita non minus eadem induceretur limitatio, si inter relationes disparatas, ut vocant h. e. quae non sunt relationes originis unius ab altero, poneretur in Deo realis distinctio; puta si in Patre generatio et spiratio, quarum una non oritur ex altera, ponerentur realiter inter se distinctae. Huiusmodi enim formalitates sunt relationes solum in ordine ad suum terminum productum (generatio ad Filium, spiratio ad Spiritum Sanctum); inter se vero comparatae eo ipso, quod non habent rationem principii et procedentis a principio, iam non sunt relationes ad invicem sed, si ita loqui fas est, sequuntur legem absolutorum; adeoque sunt realiter omnino unum, sicut unum sunt intellectio et volitio divina, quae est in se absoluta, et relativa solum ad suum terminum intrinsecus productum, ad Verbum scilicet et ad Spiritum Sanctum.

2^o. Hinc ss. Patres ubi declarant, nullam esse distinctionem realem in Deo nisi tantummodo ratione relationum, semper intelligunt relationes ad invicem, videlicet relationes principii et procedentis a principio, « Sicut coniungitur Patri Filius ex illo esse habens... sic pariter ab unigenito pendet Spiritus Sanctus, ita ut sola cogitatione *secundum rationem principii* Filius praeintelligatur subsistentiae Spiritus Sancti... adeoque *excepta ratione principii S. Trinitas nulla re in se ipsa discernitur* (ὥστε του λόγου τη αίτια υπεξαρτησεν εν ρησεν την άγιαν τριάδα προ

εαυτην ἀσυμγωνω εχειν) Nysa, (supra p. 473). In omnibus aliis inquit Gregorius Nazianzenus, personas divinas esse omnino unum, quia unus est Deus; sed distinctionem et distinctorum diversa nomina unice esse « ex diversitate *relationis ad invicem* η [το πτ, προ αΠλνάα σχεσεω διαφορον αυτου -/αι πτ,ν 'Ατ.σιν πεποιηκε) orat. 31. al. 37. η. 9. Augustinus et alii Patres latini saepissime id inculcant, « Diximus alibi, ea dici proprie in illa Trinitate distincte ad singulas personas pertinentia, *quae relative dicuntur ad invicem*, sicut Pater et Filius et utriusque donum Spiritus Sanctus... Quod vero ad se dicuntur singuli, non dici pluraliter tres sed unum ipsam Trinitatem » Aug. Trin. VIII. n. 1. Unde etiam pro ipsis relationibus, quibus solis est ibi distinctio realis, simpliciter dicunt *principium* et *quod est ex principio*, το αἰτιον ν.αι το ἀιτιατον. Sic Nyssenus: « incommutabilem unitatem naturae confitentes, non negamus *distinctionem secundum id quod est principium et ex principio* [πτ,ν ν.ατα το αἰτιον γ.αι ἀιτιατον διαφοράν), in quo solo unum ab altero distinguere admittimus, quod credimus unum quidem principium, alterum vero ex principio. » Quoniam vero et Filius et Spiritus Sanctus ambo sunt ex principio et non sunt ἀχεννητω hocque eis commune est, quo non distinguerentur ab invicem, distinctionem inter eos ponit Gregorius pariter ex relatione originis, quia Filius est ex solo Patre, Spiritus Sanctus ex Patre et Filio aut per Filium (sup.p.541).

Porro sicut nomine *Filii* exprimitur relativus ad Patrem sicque relatione originis distinctus a Patre, eodem modo nomen *Spiritus* est relativum, ac si dicatur spiratione procedens [t.vgo). Vide th. XXXII. η. II. Dicitur ergo relative *Spiritus alicuius*, et hac relatione quod est alicuius h. e. ab alio spiratione procedens, constituitur distinctus ab alio. Propterea etiam in Scripturis et apud Patres synonyma sunt, quod est *Spiritus Patris* ac *Spiritus Filii* h. e. *spiratus Patris ac Filii*, et quod procedit a Patre et Filio; ut l. c. ostendimus. Unde nisi relative *Spiritus Filii* esset h. e. *spiratus Filii*, itvan τον υἱον, iam Spiritus unice ad Patrem non vero ad Filium aliquid relativum esset; compare ergo cum Filio esset spiritus significatione absoluta,

non relativa ad ipsum Filium. At spiritus dictus non relative ad Filium, non est persona distincta a Filio. In hac enim hypothesis procedens charitas diceretur relative ad solum Patrem et producta a solo Patre, nullo autem modo esset relativa ad Filium aut producta a Filio. At haec esset realiter idem et persona eadem cum sapientia producta seu genita a solo Patre i. e. cum Verbo. Persona distincta a Filio est tantummodo is, qui in Scripturis revelatur *Spiritus Filii* i. e. *spiratus Filii*, et dilectione a Filio productus amor.

Quae cum ita sint, distinctio realis inter Filium et Spiritum Sanctum non aliunde est, quam quod unus est principium, alter ex eo procedens ut ex suo principio. Qui ergo negat processionem Spiritus Sancti ex Filio, eo ipso tollit rationem distinctionis inter Filium et Spiritum Sanctum, quae in divinis nulla est alia quam relatio originis unius ab altero. Sicut Pater et spirator non sunt duae personae sed una, quia formalis ratio generantis et spirantis non sibi opponuntur per originem unius ab altero atque ideo realiter non distinguuntur, ut paulo ante diximus ; ita in hypothesis assumpta ratio procedentis per generationem et per spirationem non sibi opponerentur, atque ideo neque realiter inter se distinguerentur, eoque ipso non essent duae personae procedentes realiter distinctae, sed persona procedens ut terminus expressus intellectionis simul ac volitionis esset una.

Quare in duplici hac veritate, quod Filius et Spiritus Sanctus sunt personae distinctae, et quod distinctio inter divinas personas est solum ex relationibus originis unius ab altero, continetur implicite veritas, quod Spiritus Sanctus procedit sicut ex Patre ita ex Filio, et quod Pater ac Filius spiratione activa non inter se sed a Spiritu Sancto per spirationem ab eis procedente realiter distinguuntur. Propositio prior explicite revelata est, ut confitentur nobiscum schismatici ; propositio altera contra eos demonstratur tum ex communi Patrum doctrina tum ex principiis certis de unitate et simplicitate divinae perfectionis in personis, quae solis relationibus constituuntur distinctae.

3". Difficultas unica indigens aliqua illustratione illa est, quod ss. Patres ex ipso diverso modo processioneis repetere solent distinctionem Filii et Spiritus Sancti. Filius nempe *generatione*, Spiritus Sanctus alio diverso modo procedit, qui *spiratio* aut retento nomine velut generico *processio* dici potest. «Differentia eradiationis {το δια^οοεν τη εχγανσεω } diversa nomina ipsis fecit, n Naz. or. 31. n. 9. «•Exit Spiritus Sanctus non quomodo natus sed quomodo datus, et ideo non dicitur Filius, quia nec natus est sicut unigenitus. » Aug. Trin. V. c. 14. Et sane, quam obiectionem difficilem appellat Pallavicinus, « de facto spiratio passiva non solum distinguitur a spiratione activa sed etiam a filiatione ; ergo sublata spiratione activa (in Filio) adhuc remaneret sufficiens distinctio inter Spiritum Sanctum et Filium » Pallav. 1. c. n. 454.

At vero a) Patres *differentiam processioneis*, ex qua sit distinctio inter Filium et Spiritum Sanctum, ex hac ipsa velut radice repetunt, quod Filius solus ex solo (πενεγ πε* νογενω) procedit, Spiritus Sanctus vero non ex solo sed ex Patre per Filium Basilius , Gregorius Nyss. etc. (vide p. 586.woia 2.). Gregorius Nazianzenus in eo ipso loco, qui obiicitur et quem paulo ante citavimus, « differentiam eradiationis n collocat in *relatione ad invicem* {το διοαρεπευ τη ε'γανσεω ναι τη προ αλληλα σχεσεω). δ) Duae sunt quaestiones valde diversae , utrum si non obviaret *relationis oppositio* inter Filium et Spiritum Sanctum, nihilominus distinguerentur realiter inter se ; et altera, utrum supposita processione Spiritus Sancti etiam ex Filio atque ita supposita relationis oppositione et reali distinctione duarum personarum, persona utraque diverso modo procedat ita , ut una vere sit Filius Patris , altera non sit Filius Filii, quemadmodum Patres aiunt (supra p. 470. sq.), seu Filius Patris ac Filii. Ad quaestionem priorem negative respondendum esse demonstravimus; ad alteram ex doctrina manifesta Scripturae et Patrum constat et a nobis pridem demonstrata est responsio affirmativa (th. XXX. XXXI.).

Hoc altero sensu loquitur Augustinus in testimonio alato, quo Frassenius suam thesim probare voluit. Quoties

Augustinus quaerit, quomodo personae divinae et proinde etiam Filius ac Spiritus Sanctus inter se distinguantur, semper respondet, ut initio diximus, realem distinctionem in divinis nullam esse posse nisi *ex relatione ad invicem*. In loco citato autem non de distinctione agit, sed illam supponit et etiam enuntiat esse ex eo, quod Spiritus per modum doni, li. e. per dilectionem procedit *sicut a Patre ita a Filio*. Quaestio enim Augustini ibi est, utrum licet Spiritus Sanctus procedat a Patre et Filio ut datus et non ut natus, nihilominus Pater et Filius vere dici possit principium Spiritus Sancti. Affirmat: « fatendum est, Patrem et Filium principium esse Spiritus Sancti non duo principia; sed sicut Pater et Filius unus Deus et ad creaturam relative unus creator et unus Dominus, sic relative ad Spiritum Sanctum unum principium; ad creaturam vero Pater et Filius et Spiritus Sanctus unum principium sicut unus creator et unus Deus, » Incidenter deinde animadvertit, ideo quia ut datus et non ut natus procedit, Spiritum non habere rationem Filii, non quasi inde per se sit ratio distinctionis a Filio unico, sed quod distinctione iam supposita ex hoc modo processione per dilectionem apparet, cur Spiritus non habeat etiam ipse rationem Filii et ita non sint duo Filii.

Ex his etiam patet responsio ad objectionem, quae velut «difficilis » proposita est. Spiratio passiva unice propterea realiter distinguitur a filiatione, quia intercedit *relationis oppositio*, h. e. quia Spiritus spiratur a Filio; citra hanc enim processionem realem unius ab altero in divinis nulla datur distinctio realis. Aliis verbis: ratio Filii (filiatio) identificatur in Filio cum spiratione activa, et propterea filiatio quatenus simul est spiratio activa est principium processione et opponitur rationi spirati seu spirationi passivae, atque ideo una ab altera realiter distinguitur. Si vero Spiritus Sanctus non procederet a Filio, nulla esset oppositio inter processionem per modum generationis et per modum spirationis, et ideo nulla esset realis distinctio inter has duas rationes, sicut in Patre generatio et spiratio activa non distinguuntur realiter. Vide s. Thom., de potent., q. 10, a. 5. et Petav. 1. VII. c. 9.

THESIS XLI.

*De professione processionis etiam ex Filio inserta
in symbolum fidei.*

„ Ius est nativum ac perpetuum infallibili magisterio ecclesiastico
» doctrinam catholicam formulis ac *symbolis fidei* proponendi: quare non
» minus ex ipsa rei natura quam ex historia evidens est, in Ephesino
r sequentibusque Conciliis symbola haeretica quidem proscripta, et etiam
vetita fuisse privata quae publicis substituenda producerentur; sed
» absurda est Marci Eugenici eiusque sectatorum contentio, qua propter
n insertam in symbolo particulam *Filioque* Latinos, etiam supposita
» huius professionis veritate, violatorum canonum et corrupti symboli
» fidei reos esse volunt. »

Antequam in Cone. Florentino veniretur ad disputationem de veritate processionis ex Patre Filioque, primis sessionibus omnino quatuordecim (a II. ad XV.) Ferrariae celebratis Graeci pertinacissime contendebant, nefas fuisse in symbolo addere particulam *Filioque*, quidquid sit de dogmate ipso, adeoque etiamsi verum esset et revelatum, quod illis verbis edicitur. Bessarion quidem prudenter suadebat suis Graecis, ut secundum ordinem quem res ipsae postulabant, primum ageretur de veritate doctrinae, utrum vere Spiritus Sanctus procedat ex Patre et Filio. Namque, aiebat, „ ostensa falsitate dogmatis, quaestio de illo non addendo non amplius habebit locum. n Si autem ordine inverso contenderetur, etiam supposita veritate additionem in symbolo illicitam esse; „ ostendi, inquit, infirmitatem propositionis, quodque ridiculum sit existimare, non licere veritatem symbolo addere » (Bessar. de process. Spiritus Sancti p. 185. 187). Illi nihilominus in suo consilio semel suscepto perstiterunt; et quod sane in re tam manifesta aliter fieri non potuit, ita victi sunt teste eodem Bessarione (ib. p. 207), „ ut non habentes quod responderent, obmutuerint; quid enim aliquis contra tantam veritatem impudens responderet? r

Argumentum unicum, quo Graeci sibi initio persuaserant rem tam incredibilem evinci posse, erat decretum Concilii Ephesini Act. VI. Charisius presbyter symbolum

Theodori Mopsuesteni, quo manifestissime haeresim Nestorianam continente fautores Nestorii utebantur et cui Quartodecimanos Lydiae subscribere iusserant, detulit ad Patres Ephesinos, ut ab eis damnaretur (cf. supra p. 560 sqq.). Patres cum audissent „impiorum dogmatum expositionem in symboli formam redactam“, ut eam appellavit Petrus notariorum primicerius, hanc tulere sententiam. « Definit sancta synodus, aliam fidem (εἴφαν πίστιν) nemini licere proferre aut conscribere aut componere praeter definitam a ss. Patribus, qui in Nicaea cum Spiritu Sancto congregati fuerunt. Qui vero ausi fuerint aut componere fidem aliam aut proferre aut offerre converti volentibus ad agnitionem veritatis... hos quidem, si sunt Episcopi aut Clerici, alienos esse Episcopos ab episcopatu, Clericos a clericatu decrevit; si vero laici fuerint, anathemati subiici. Simili etiam modo, si qui inveni fuerint vel Episcopi vel Clerici vel laici sentire sive docere ea, quae continentur in oblata expositione a Charisio presbytero de unigeniti Filii Dei incarnatione, sive scelerata et perversa Nestorii dogmata quae et subnexa sunt, subiaceant sententiae sanctae huius et universalis synodi; ut videlicet Episcopus quidem removeatur ab episcopatu et sit depositus; Clericus vero similiter excidat a clericatu; si vero laicus sit, et ipse anathematizetur, sicut superius dictum est » Mansi T. IV. p. 1362.

Si Photianis credimus, Patres Ephesini ipsa verba symboli Nicaeni ita consecrassent et immutabiliter fixissent[^] ut Ecclesiae ipsi ius abrogassent vel easdem veritates explicatius in symbolo proponendi, vel veritates alias quantumvis revelatas inserendi eidem fidei professioni. Examinemus rem hanc incredibilem primum theologicę, deinde historice.

1° Si theologicę et in se res spectetur, a) quoad determinationem symboli seu sollemnis formulae qua fides catholica exprimatur, aliqua sunt iuris divini incommutabilis, alia subjacent dispositioni Ecclesiae. Iuris divini est, ut symbolo *fidei credendae* nihil inseratur, quod sit contra vel praeter fidem revelatam. Ecclesia veritates fidei non

ipsa facit, sed eas a Deo revelatas infallibiliter custodit, explicat, in suo vero sensu contra multiplices errorum formas definit, et ut revelatas fidelibus proponit; unde si symbolo, quod proponatur tamquam complexus aliquis *veritatum revelatarum et fide divina profitendarum*, insererentur credendae non solum propositiones contra fidem adeoque haereticas, sed etiam praeter fidem h. e. quae in revelatione non continentur, hoc ipso fides violaretur.

ℤ) In ipso illo munere custodiae, explicationis et strictioris definitionis veritatum fidei continetur ius et pro rei necessitate ac opportunitate officium Ecclesiae condendi symbola fidei; h. e. determinandi, quatenus ex veritatibus revelatis et qua verborum forma in oppositione directa adversus errores ingruentes comprehendendae et explicite profitendae sint in huiusmodi tesseris professionis catholicae. Hoc ius et officium est intestinum divino et per assistentiam Spiritus veritatis infallibili magisterio. Non ergo minus Ecclesiae competit posteriori quam priori aetate, idque ex ipsa rei de qua agitur natura; non ex dispositione aliqua aut lege mutabili, sed ex divina et essentiali proprietate ac nativa constitutione ipsius Ecclesiae. Repugnat ergo naturae ac indoli magisterii divinitus instituti, ut decreto, quo vetitum est « aliam fidem proferre », Ecclesia sibi ipsi ius abrogaverit veritates revelatas, etiam quae hactenus in symbolo explicite non continerentur, pro rerum et oppositorum errorum indole aut symbolo distincto proponendi fidelibus aut inserendi in formula praexistente. Decretum itaque prohibens a aliam fidem proferre », necessario intelligendum est vel ut decretum fidei proscribens symbola aliena a professione catholica, vel ita ut ius determinandi formulam solemnem professionis fidei declaretur non singulis sed ipsi dumtaxat universali et supremo in Ecclesia magisterio competere.

Utrumque hoc ius violatum erat a Theodoro, in cuius damnatione decretum hoc editum est; illud enim symbolum et contrarium erat fidei divinae, et hoc ipso etiam citra et contra auctoritatem Ecclesiae tum primo conditum tum deinceps a presbyteris Nestorianis oblatum iis, qui ab hae-

resi Quartodecimanorum converti volebant. Prius illud, ut proscriberentur scilicet symbola haeretica, erat certe in directa intentione Concilii; ad symbolum enim Nestoriana haeresi infectum immediate respiciebat condemnatio, et proinde cautio ac poenarum comminatio pertinebat ad symbola isti gemina quae essent *contrarie* praeter fidem Nicaenam. Quod vero apostata Theophanes Prokopowicz hanc Catholicorum interpretationem ridiculam esse dicit, profecto ipsum ridendum est. Ait enim, contraria fidei inserere symbolo, non potuisse prohiberi a Concilio, quia id iam antea et ex sese erat illicitum; et quia Ecclesia pro Catholicis statuit suos canones, haeticis vero non magis quam Mohametanis leges ferre potest. Haec si sensit Theophanes, oportuit ei « ridiculos » videri omnes canones fidei; in iis enim semper non minus haereses et haeretici qui sunt vel fuerunt, condemnantur, quam anathematis ac poenarum intentione in futurum praecaventur: « si quis *dixerit* (hanc illamve haeresim), anathema sit. » Quod deinde addit Theophanes, Episcopis et Clericis corrumpentibus symbolum intentari tantummodo poenam *depositionis* adeoque eos manere membra Ecclesiae (1), potuisset legere iisdem verbis ibi in uno contextu eandem

(1) Ita disserit Photianus. « Verba ipsius sanctionis (Ephesinae) prohibent, *ne* proferatur fides alia; alia, inquam, non contraria. Et ridiculum esset canonem figere ne quid contrarium Nicaenae fidei proferretur, quasi hactenus hoc ignorabatur, aut quasi antea licuit etiam contrarium proferre, sed abhinc iam non licere amplius. Quibus vero additio illa, et ulla symboli immutatio prohibetur? haeticisne? minime sed orthodoxis Episcopis, Clericis, laicis. Ad haeticos canonem cudere, et illis leges ferre Ecclesia non solet, non debet, non potest. Num poterimus melius nugari, quam si coacta synodo praescribamus Mahometanis, quid facere, quid non facere debeant (probat hoc sane novum ius canonicum ex 1 Cor. V. 12)... Maxime vero id ipsum ostendunt poenae, quae transgressoribus sanctionis ibidem irrogantur. Nam laicis quidem intentatur anathema, Episcopis vero et clericis adimitur tantum honor suus. Itane? si Episcopus symbolo inserat haeresim, episcopali dumtaxat officio spoliabitur, et erit tamen membrum Ecclesiae? quis hoc dicat, quis credat? Ergo patet, mentem sanctionis esse, ne verum etiam addatur symbolo * Theophanis Prokopowicz Archiep. Novogrod. Tractatus de processione Spiritus S. c. 19. §.321.

depositionem statutam sectatoribus haeresis Nestoriana. Imo in ipsa sententia contra haeresiarcham Nestorium s. synodus expressit solum remotionem ab Episcopatu et a toto collegio sacerdotali (*ἀλλοτριον εἶναι καὶ τὸ ἐπίσκοπον ἀξιωματοῦ καὶ πάντα σύλλογον ἱερατικοῦ*), et in sententiae denuntiatione ad Clerum et populum CP. simpliciter aiunt Patres Concilii: « amotus est a sacerdotio Nestorius *ἡ (πεπαυ-
ρατὴ τῆ ἱερῶσυνῃ)* » Mansi ib. p. 1295. 1303. Nimirum pro indole talis causae in sententia depositionis continebatur etiam expulsio a communione fidelium, ut aliis exemplis pluribus facile ostendi posset, et Ephesi a legatis s. Sedis praesertim ab Arcadio Episcopo in sua *a* interpretatione depositionis » disserte declaratum est (Mansi ib. p. 1298).

Maneat itaque quod diximus, Patres Ephesinos primo loco intendisse praecavere corruptionem symboli Nicaeni. In hoc tamen ipso velut medium ad finem includebatur alterum, quod indicavimus. Prohibita nempe est singulis sive Episcopis sive aliis Clericis vel laicis conscriptio symbolorum pro usu publico, quatenus haec res spectabat ad integritatem fidei a periculo perversionis tuendam. Hinc secluso tali periculo Concilium sine ulla animadversione ratum habuit symbolum, quod velut Nicaenum ad suam orthodoxiam attestandam Charisius pro se obtulit, licet verbis non plene responderet sive Nicaenae sive Constantinopolitanae formulae (1) (Hard. T. I. p. 1515).

2° Quae diximus, non minus evidentia sunt ex historia symbolorum.

a) Iure doctoratus authentici insito Ecclesiae synodus ipsa Nicaena symbolum fidei catholicae constituit in directa oppositione contra haeresim Arianam. Sicut Plotiani contendunt fixam esse symboli formam, ut ne Ecclesiae quidem fas sit verbis aliis fidem veram profiteri; ita Ariani ex pari sophismate conquerebantur, quod PP. Nicaeni formulis aliis quam in sacra Scriptura consignatis fidem

(1) In articulo de Spiritu Sancto Charisius habet: * in Spiritum veritatis, Paracletum, Patri et Filio consubstantialem », quae hisce verbis nec in Nicaeno nec in Constantinopolitano exstant,

definivissent (1). SS. Patres vero constanter hoc ius et officium Ecclesiae asseruerunt, ut fidem revelatam tesseris directe oppositis adversus errores exorientes declaret ac definiat. Vide Athanas. de decret. Nicaen. n. 18-21. 32.

In Concilio II. plura inserta sunt symbolo Nicaeno nominatim de Spiritu Sancto adversus Pneumatomachos (supra p. 556). Num ideo quisquam dicet, Patres Constantinopolitanos contra ius et fas *u* aliam fidem » edidisse? Inuno semper dictum est, fidem Nicaenam a synodo II. explicatam et strictius adversus novos errores definitam fuisse, et symbolum ita auctum habitum ab universa Ecclesia in eodem gradu infallibilis auctoritatis, qua ipsum Nicaenum sancitum erat.

Hic autem advertatur, symbolum quod PP. Ephesini retinendum esse sanciverunt et cui opposuerunt symbola alia proscripta, non esse Constantinopolitanum sed omnino Nicaenum: *u* nemini licere aliam fidem proferre praeter definitam *a ss. Patribus, qui in Nicaea cum Spiritu S. congregati sunt*. *n* Hinc si symbolum, de quo Ephesi sermo erat, non solum tamquam *norma positiva* rectae fidei iterum inculcatum fuisset, ut nos dicimus; sed materialiter spectatum tamquam unica legitima formula fuisset sancitum, ut Macarius aliique Photiani persuadere conantur; in hac inquam hypothesis ex decreto Ephesino iam formula sola legitime usurpanda foret Nicaena, Constantinopolitana autem saltem ab usu publico fuisset exclusa et proscripta; nec proinde in symbolo aliud e. g. de Spiritu Sancto profiteri liceret nisi hoc unum: *u* credimus in Spiritum Sanctum *n*, ut est in Nicaeno. Atqui haec et per sese et ex historia symbolorum prorsus absurda sunt. Absurda ergo est hypothesis Photianorum de sensu decreti Ephesini.

(1) Merito indignatur Bessarion contra stultitiam Marci Ephesii, qui ex Scripturis probare conabatur, nefas esse symbolo quidquam addere, licet additio verum ac revelatum dogma esset. Si omnis additio, inquit Bessarion, in Scripturis iam prohibita est, - sub anathemate erunt PP. secundae synodi, qui tot additionibus et demptionibus symbolum primae immutarunt, sub anathemate PP. primae synodi, qui symbolum quod erat ante primam synodum, in plurimis mutaverunt » De process. Spiritus Sancti p. 187. 189.

In Conciliis subsequentibus IV. V. VI. VII. recitatis non modo symbolis Nicaeno et Constantinopolitano sed aliis etiam Conciliorum omnium antecedentium sanctionibus adversus novos errores Nestorianorum, Eutychianorum, Monothetarum, Iconoclastarum, et adoptatis epistolis Cyrilli, Leonis, Agathonis etc., tum demum in relatione ad has omnes praecedentes definitiones fidei verbis fere iisdem, quibus Ephesini Patres usi erant, subiungitur: definivit sancta et universalis synodus (Chalcedonensis, Constantinopolitana II. III.), *aliam fidem* nemini licere proferre aut conscribere aut componere *aut sentire* aut alios docere. Eos autem qui ausi fuerint componere *fidem aliam...* aut tradere aliud symbolum converti volentibus ad cognitionem veritatis, hos si Episcopi fuerint aut Clerici, Episcopos alienos esse ab episcopatu, Clericos a clericatu, si vero monachi aut laici fuerint, anathematizari eos » Hard. T. II. p. 455.; T. III. p. 202. 1402; T. IV. p. 454. 455. Concilia itaque nomine *fidei* non solum comprehendunt formulam symboli Nicaeni aut Constantinopolitani sed omnes fidei definitiones. Quare dum definiunt, ut nemo *aliam fidem* audeat componere *vel sentire*, non possunt intelligi sensu Photiano, ac si Ecclesiae ipsi ius abrogarent fidem veram aliis verbis concipiendi et declarandi; hoc enim sensu prohiberetur Ecclesia non solum novum symbolum sed etiam novas definitiones veritatis adversus novos errores edere, quod evidenter absurdum est et implicaret omnia Concilia in manifestam contradictionem, dum singula hoc sensu *aliam fidem* et conscripsissent et conscribi prohibuissent. Certissime igitur sicut Conciliorum subsequentium ita et Ephesini definitio in omnibus identica, « ut nemo *aliam fidem* audeat conscribere », nihil omnino pertinet ad prohibendam explicationem fidei sive in symbolo ipso sive extra symbolum, quae fiat ab ipso authentico magisterio Ecclesiae; sed tum ex ipsa natura Ecclesiae et symbolorum scopo tum ex manifestis contextibus Conciliorum in illa definitione, quatenus *dogmatica* est et immutabilis, primum ac directe proscribuntur doctrinae haereticæ; altero deinde loco est coercitio abusus proponendi symbola fidei arbitrio

singulorum sive Episcoporum sive aliorum neglectis ac praetermissis formulis solemniter ab Ecclesia sancitis atque in usum universalem adoptatis. Vide in Cone. Florentino Card. Iuliani demonstrationem (Hard. IX. p. 138. sq.).

6) *Hoc* quo diximus, non autem Photiano sensu decretam esse aut decerni potuisse immutabilitatem symboli, plenissime confirmatur et illustratur ex aliis monumentis.

Eutyches in Conciliabulo Ephesino (latrociniali) sub Dioscuro decretum Concilii III omnino sensu interpretatus est Photiano, permanere se aiebat in professione Nicaena, et sicut demere ita nec addere ei quidquam licere. « Hanc fidem et memorata hic (Ephesi) anterior sancta et universalis synodus confirmavit, cuius praesul fuit Cyrillus... et definitionem protulit, eum qui praeter istam *addiderit aliquid* aut minuerit (al. adinvenerit, graeca versio: *zvj ~apa tavtēv πρoστ&εvτα τι η επινοουντχ*) aut docuerit, damnationibus quae tunc scriptae sunt, subiacere. » Eundem sensum in Chalcedonensi Concilio defenderunt Dioscorus et eius Episcopi Aegyptii: « nemo suscipit additionem, nemo diminutionem; quae in Nicaea constituta sunt, teneant. » At reclamarunt Episcopi catholici, « Mentitus est, non est definitio talis, non est regula », aiebat Eusebius Dorylaei. Hoc explicuit Diogenes Cyzici, « Dolose proposuit synodum ss. Patrum; accepit enim additamenta propter perversum intellectum Apollinaris et Valentini et Macedonii et qui eis similes sunt » (Mansi VI. p. 631. sq.). Haec Dioscori appellatio ad decretum Ephesinum structa erat contra epistolam dogmaticam s. Leonis, in qua aiebant propositum esse novum symbolum.

Hinc Concilium ipsum Chalcedonense in sua allocutione ad Marcianum imperatorem declaravit sensum illius decreti Ephesini. Primum indicant Patres querelas adversarii, qui epistolam Leonis accusat « asserens, quod non liceat cuiquam exponere fidem praeter Patres, qui apud Nicaeam concorditer convenerunt » (1). Respondent vero, professionem Nicaenam ex lege Ecclesiae esse utique ha-

(1) Ω; οJx εζον τιναί χτιυυ, txSffiv r»ya jriffrtwç rapa, τη» Νιζαία ffarsçMy vixισθαί.

bendam « velut principali loco, » hancque tradi catechumenis. Porro, aiunt, si haeretici suis innovationibus non turbarent pietatis semitam, « deceret Ecclesiae filios nihil amplius excogitare, quam symbolo constat esse declaratum.» Contra novos autem haereticorum errores, « necesse nobis est commenta quoque eorum devia salutaribus adjectionibus (al. oppositionibus) refutare, non ut novum ad pietatem, quasi fidei desit (al. quod fidei desit), semper aliquid exquirentes, sed ut contra ea quae ab illis innovata sunt, excogitantes quae salubria iudicantur » (1). Ostendunt deinde explicationes veritatis adversus novos errores insertas esse in ipsum symbolum, Conciliorum definitionibus et ss. Patrum declarationibus vindicatas. Huiusmodi vero explicationes numquam absolute conclusae sunt ita, ut novis haeresibus a magistra Ecclesia non possint novae opponi definitiones ac fidei professiones, *a* Si quis autem censet, hucusque consistere debere eos qui fidem pro facultate defendere cupiunt, maxime quidem hoc praeceptum haereticis promulgare debebit, illos ab impugnatione removens, non avergens a protectione pastores. *Omnis enim lex iniustos a delictis cohibet, non indices a potestate disiungit* (2). Alias autem doceantur indociles, *quia et nunc licet ut ambiguitate quaestionis exorta, Patrum interpretationibus nostram confessionem coaptemus* *n* (3) (Mansi VII. p. 455 sqq.).

Verbis ipsis quibus in Concilio Florentino et a catholicis theologis lex Ephesina explicatur, iam praeiverat Cyrilli in sede episcopali successor saeculo VI. Eulogius Alexandrinus, verbis inquam ab ipso Photio in sua Bibliotheca nobis conservatis. Calumniam quam Chalcedone Dioscori sectatores inferebant contra epistolam Leonis, eandem Monophysitae postea repetebant contra ipsam syno-

(1) Ἀναγζη και νj/ζα ται ακτών ἴζτινοιαι, ἀντιταττί* το* ἰλίγχο», οἶχ ω τι ληζτον τη πιστει χαινονργουντα αει προ; ευσεβεια*/, ἀλλ' ω ·οἷζ παρ' sxe/ων χαινοτομουμενοίζ επνοουντα τα προσφορά.

(2) Hisce verbis plenissima decreti Ephesinx declaratio continetur.

(3) Πα γαρ νο/ζο τοι; πονηροί; απαγορεύει την αμαρτίαν, ου του χριτα απειργ-ι τη; εκούσια: ἄλλα; τε 'λ.ανθανετωσα./, ύ; χα: ε ἴστιν, αμ^ι* πρητησε^; ^υειση;. τα.* των χτατιρων ερμηνζίαι; την ημετεραν επισύναπταν ομολογίαν.

dum Chalcedonensera, « quod definitionem exposuerit (synodus), tale facinus a prima synodo Ephesi habita omnino prohibitum fuisse. » Videbant Monophysitae non minus quam Catholici, Concilium Chalcedonense (sicut postea factum esse ostendimus ab aliis synodis) suas definitiones potuisse, ut explicationes symboli et parisi cum symbolo auctoritatis. Hinc Eulogius non respondet adversariorum obiectioni ex Ephesino decreto petita, quod Photiani dicunt, Patres Chalcedonenses nihil mutasse in symbolo, sed imo denuo eius immutabilitatem decrevisse; verum totam defensionem contra calumniam Monophysitarum constituit in explicando genuino sensu decreti Ephesini, additiones nimirum *contrarias fidei Nicaenae* fuisse proscriptas, minime vero eidem fidei congruentes, quas et rerum natura et perpetua Ecclesiae traditio ac consuetudo semper licitas esse demonstrat; hoc nisi ita esset, Ephesini Patres et synodum oecumenicam II et seipsos damnassent, quippe qui et ipsi novas symbolo profitendo addiderunt definitiones, « Si secundum istorum delirium synodus (Ephesina) aliam definitionem omnino producere vetuit, haec ante alios contra se ipsam tulit condemnationis sententiam. Nam hoc ipsum decretum condens (de immutabilitate symboli) definit, quod nulla ante ipsam definiverat (h. e. ipsum iam decretum in se involveret contradictionem). Insuper eius definitio est *unio secundum hypostasim*, quam antiquiores synodi non definiverant. *Certe secundum ea, quae isti delirant, condemnat synodum centum quinquaginta ss. Patrum Constantinopoli habitam (oecumenicam II); haec enim Pneumatomachum proscribens, definitioni Nicaenae doctrinam de divinitate Spiritus Sancti congrua additione coaptavit.* Si autem Concilia antecedentia propter suas additiones reprehensioni obnoxia non sunt, *neque subsequencia in causis similibus dissimiliter poterunt condemnari.* Ita stultitia omnia commiscet ac pervertit. *Ephesina namque synodus fidem aliam, cuius dogmata sint contraria synodo Nicaenae, omnino exponi vetuit; sincerorum vero in illa (Nicaena synodo) servatorum dogmatum expositionem quae tempus postulet, et ipsamet (synodus) addidit, et rerum magistra natura et*

Ecclesiae traditio hoc semper adamare dignoscitur » (1). Eulog. in Photii Bibi. cod. 230. (Migne, T. CUI. p. 1049). His simillima habet s. Maximus adversus Monophysitas calumniatores synodi Chalcedonensis « ob additas definitioni Nicaenae voces » (Migne T. XCI. p. 258. 259).

c) Imo vero diu ante Photiana tempora videmus cum proclamatione definitionum immutabilium in Ephesino et sequentibus Conciliis sancitarum, simul coniungi explicationem symboli Constantinopolitani per additam particulam *Filioque*. Adeo certum erat ac ratum, huiusmodi coaptationem nostrae confessionis cum interpretationibus Patrum, ut ait Concilium Chalcedonense, non esse additionem aut subtractionem, quae in Conciliis adversus haereticos proscripta est.

« Concilium generale » Angliae Hedefeldense anno 680 celebratum sub Archiepiscopo Theodoro (natione graeco) professionem fidei edidit, in qua praeter alia haec leguntur. « Suscipimus sanctas et universales quinque synodos beatorum et Deo acceptabilium Patrum (enumerantur singulae)... et synodum quae facta est in urbe Roma tempore Martini papae beatissimi:... Suscipimus et glorificamus D. N. Iesum Christum sicut isti glorificaverunt, *nihil addentes vel subtrahentes*.... glorificantes Deum Patrem sine initio, et Filium eius unigenitum ex Patre generatum ante saecula, et *Spiritum Sanctum procedentem ex Patre et Filio inenarrabiliter, sicut praedicaverunt hi quos memoravimus supra, sancti Apostoli et prophetae et doctores*; et nos

(1) Ναι δη και την εν Κωνσταντινοουπολει των ρ' αγιων πατερων, ιξ ων αυτοι ληροϋσι, παραγράφεται' τον πνευματομαχον γαρ αυτη χαθελοουσα, τω χατα την Νικαιαν εκφωνηθεντι ορω την περι του αγιου πνεύματος θεολογίαν προσ^εισα συνηρμωσε ... και γαρ η' εν Ε^εσω σύνοδο πιστιν μεν έτεραν, ή εναντία τα δόγματα προ την εν Νικαια καθεστηκε σύνοδον, παντελώ έχπι-θεσθαι δϊίκωλυσεν άν.ηρατων δε των εν αυτη σοζομενων (εκθεσιν vel πιστιν), άπερ ο χαιρο απαιτεί, προστιζεναι αυτη τε γεγονεν εργον, και των πραγ-μάτων η' φυσι διδάσκαλο και τη εκκλησία οράται τούτο στεργουσα δια παντό ή παραδοσι .

Caecus sit qui pon videat, quando de auctoritate agitur, qua legitimae fiant additiones, tam catholicos quam haereticos in eodem censu habuisse additiones in symbolo et alias definitiones fidei.

omnes subscribimus, «qui cum Theodoro Archiepiscopo fidem catholicam exposuimus n Mansi XI. p. 176.

Data opera s. Paulinus Aquileiensis in Concilio Foroiuliensi anni 796 declarat sensum decreti Ephesini, nomine scilicet «additionis et diminutionis, » quae proscripta sit, nequaquam intelligi insertam etiam in ipsum symbolum ulteriorem explicationem fidei Nicaenae sed proscribi tantummodo ipsius fidei perversionem. Secundum hanc declarationem Paulini prolixa ibi disputatione probatam, ab eadem synodo non solum adoptatum est symbolum cum particula *Fdioque*, ut iam pridem in regnis Caroli M. in quibus Aquileiensis provincia comprehendebatur, recitari consueverat; sed etiam prolixior ibi adiungitur fidei eiusdem expositio, quae cum professione bis repetita processionis *a Patre et Filio* iubetur integra memoria retineri. Incredibili impudentia Adamus Zoernikaw (Czernikow), Theophanes Prokopowicz, Macarius Bulgakow audent s. Paulinum hocque eius Concilium truncatis textibus citare, ut demonstrent Patres Foroiulienses ex decreto Ephesino absolute prohibitam declarasse insertionem particulae *Filioque* in symbolum fidei. Quare operae pretium erit contextum ipsum paulo diligentius inspexisse.

Paulinus cum sua synodo solam tractat *quaestionem dogmaticam*, quatenus decreto Ephesino absolute proscribatur « alia fidei expositio, » atque hoc sensu non explicationem fidei veram prohibitam esse ait, quod postea schismatici in Concilio etiam Florentino et nunc Macarius aliique praefracte contendunt; sed decretum intelligi debere de expositione contraria fidei catholicae. Partem vero *disciplinarem*, quam post duodecennium Leo III simul cum parte dogmatica respexit, Paulinus non attingit; sed sicut alii Episcopi et theologi Carolo M. familiares ita etiam Foroiulienses obsecundabant regis desiderio, qui recitationem symboli cum explicatione *Filioque* perurgebat. Difficultatibus autem Romanorum, quae disciplinares erant et non dogmaticae, Foroiulienses sicut generatim familiares Caroli respondebant solum ex parte dogmatica, in qua revera omnes Catholici consentiebant, per se nempe et abso-

lute nec Ephesino nec ullo alio decreto insertionem veritatis fidei esse aut posse esse vetitam. Unde eorum declarationes non valent quidem contra usum disciplinarem Ecclesiae Romanae tum temporis contrarium, ut postea Leo Pontifex explicuit; at continent egregiam expositionem decreti Ephesini contra posteriores absurdas interpretationes Photianorum.

Primum Paulinus indicat oppositionem adversariorum, qui appellantes ad decretum Epliesinum dixerint non licere aliam fidem h. e. aliud symbolum componere, atque idcirco non esse admittendam insertionem particulae *Filioque*. Respondet vero, *aliam fidem intelligi fidem contrariam veritati*, cuiusmodi erat Nestorii et Eutychetis, non autem *explicationem veritatis*. Hoc probat ex insertionibus factis in symbolo a PP. Constantinopolitani Concilii. Unde infert, eodem iure a posterioribus additam esse explicitant professionem processionis Spiritus Sancti a Patre et Filio.

« De mysterio sanctae et mirabilis Trinitatis planiore me repromisisse profiteor sermone dicturum... Propter varios videlicet haereticorum errores, *diversasque quorundam simplicium suspensiones*, non alteram componere vel docere fidem consentio, sed eam quam a ss. Patribus traditam omnia sinceriter saecula susceperunt. Scio namque quibusdam in synodalibus foliis (Ephesinis et Chalcedonensibus) esse sancitum, ad refellendas siquidem novas et multiplices haereses, praesertim propter fraudulentam fictamque Nestorii vel Eutychis falsidicorum pestilentiumque virorum non fidem dicam sed potius perfidiam (1), non licere cuiquam *alterius fidei symbolum* docere vel componere. Sed absit a nobis *proculque sit ab omni corde fideli alterum*

(1) Symbolum Nestorianum a Charisio delatum et damnatum Ephesi et in sequentibus Conciliis, contra quod decretum de non componenda alia fide directe opponitur. Macarius (Introduction à la Théologie orthodoxe p. 582) hacc caute suppressit; et quod Paulinus dicit *alterius fidei symbolum* ipse vertit *un autre symbole de foi*. Mox iterum explicat Paulinus, illud esse *aliud vel aliter compositum symbolum*, quod procul debet abesse *ab omni corde fideli*. An forte schismatici veritates fidei revelatas non solum a formula'symboli, sed etiam *ab omni corde fideli* procul esse inbent?

vel aliter quam illi instituerunt, symbolum, vel fidem componere vel docere; sed iuxta eorum sensum ea fortasse, quae propter brevitatis compendium minus quam decet a simplicibus intelliguntur, exponendum decrevimus tradere, ac memoria mandavimus eam (fidei expositionem) ipsumque textum symboli retinere, quatenus iuxta Apostolum idoneus sit homo Dei, ad omne opus bonum paratus.... *Enimvero non est in argumento fidei addere vel minuere ea, quae a ss. PP. bene salubriterque sunt promulgata* (1), *secundum*

(1) Hic Macarius et suum Theophanem Prokopowicz et se ipsum superavit fide vere graeca. Theophanes textum ipsum latinum describens, satis habuit eum in unico loco ad suum scopum mutare. Paulinus nempe dicit, se mandasse ut tum expositio fidei amplior tum textus symboli memoria retineatur, quae duo documenta huic orationi ibi subiuncta sunt, ambo cum declaratione explicita processionis *a Patre Filioque*; hocque ipsum mandatum repetit in fine orationis, et post descriptam formulam symboli et expositionis iterum inculcat: « hanc catholicae fidei sincerissimam puritatem volumus omnes Dei sacerdotes omnesque gradus Ecclesiae... distincte et sensatim discendo memoria retinere »; quod si non praestiterint, in proximo Concilio (inquit) « difficile vos vitare ecclesiasticas ferulas existimate. » Theophanes vero locum mutavit ita: « ea fortasse quae propter brevitatis compendium minus quam decet a simplicibus vel indoctis intelliguntur, exponendum decrevimus tradere, *ac memoriae mandavimus, eam ipsumque textum symboli retinere*, » Sensus, qui iam nullus est, Theophanes pro suo lubitu affigit: « vides, inquit, ut cavet symbolo ab omni additione, et expositionem quidem symboli non prohibet, *textum tamen eius retinendum esse docet* » (Theophanes Tract, de Sp.S. p. 21.). At Paulinus dicit, textum symboli una cum ampliori fidei expositione esse *memoria retinendum*, sed ut utramque formulam ibi describit cum professione processionis *a Patre Filioque*. Sequentia, ubi Paulinus ait prohibitam additionem vel diminutionem consistere in *compositione perversi dogmatis*, nullatenus vero vetitum esse promulgata a Patribus (ipsum nempe symbolum) vera explicatione supplere, Theophanes noster fideliter recitat; sed confusus suos lectores verba Paulini non intellecturos, fronte imperterrita pronuntiat, haec dixisse Paulinum contra additamentum *Filioque*: « occurrebat igitur eorum audaciae, qui etiam symbolo eam (expositionem) inserere non verebantur ». Atqui evidens est, haec a Paulino dicta esse ad defensionem insertionis, ut ea in regnis Caroli iam obtinuerat, adversus contradictores; evidens, inquam, est ex ipsis verbis, et ex sequenti probatione, qua comparat insertiones in symbolo Nicaeno factas a PP. Concilii II. At hanc comparisonem Theophanes silentio premit. Et quid faciet dissertae, quae subiungitur, defensioni pro additione particulae *Filioque*, et quid ipsi

eorum sensum recte sentire, et exponendum eorum subtile supplere ingenium; sed addere vel minuere est subdole contra sacrosanctum eorum sensum, aliter quam illi, callida tergiversatione sentire, et confuso stilo perversum dogma componere, ac per hoc impio ore potius iactanter garrere quam docere praesumere, n

Hactenus dixit, quid non sit et quid sit *aliam fidem componere vel docere*. Sequitur probatio ex comparatione symboli Constantinopolitani, quod licet per explicationes

huic insertioni tum in formula symboli, ut eam Panlinus tradidit memoria retinendam, tum in ampliori expositione fidei? Facile apostata Theophanes se expedit, prae-fracte suis affirmans: haec omnia esse spuria, et a Latinis interpolata! Quo argumento, qua editione, quo codice adiutus tam incredibilia asserit? Nullum habet codicem, nullam editionem, nullum testem; sed argumentum hoc unum et solnm: quia Paulinus paulo ante dixerat, non licere *symbolum alterius fidei* componere. Sed nonne simul longa disputatione demonstraverat, symbolum alterius fidei esse dumtaxat illud, quod contineat *perversum dogma** Evidentia quidem haec sunt in contextu Paulini, sed Photianis studiose occultanda.

Xie

Macarius l. c., ut dixi, magistrum Theophanem longe superat. Praecisis tricis molestis levi mahu totum negotium componit. Cum non textum latinum Paulini proferat, sed suam adornet versionem, truncando et mutando transvertit omnia in sensum contrarium, qua in re iam alibi Macarium mirati sumus artificem insignem. Quisque videt substantiam totius sententiae Paulini reperiri in illa periodo, ubi explicat, quid non sit et quid sit *additio vel diminutio*, quae prohibita est ab Ephesino ceterisque Conciliis: « Enimvero non est in argumento fidei addere vel minuere ea, quae a ss. PP. sunt promulgata, secundum eorum sensum recte sentire, et exponendum eorum subtile supplere ingenium (exponere explicite quae ipsi subtili suo ingenio intelligebant implicita); sed addere vel minuere est subdole.... perversum dogma componere.» Iam Macarius non per paraphrasim, ut quandoque fit ab impostoribus, sed omnino ut versionem verbalem totum istum locum ita reddit: «car ajouter on retrancher quoi que ce soit à ce que les ss. Pères ont légué pieusement (intellige *in symbolo*, ut apud Macarium immediate ante legitur), est un act incompatible avec la foi.» Habes Paulinum Iacarianum! Primum nempe incisum «*enimvero non est in argumento fidei addere vel minuere ea, quae a ss. PP. sunt promulgata,** ex contextu avulsum suo modo vertit, reliquis omnibus eiusdem periodi ingeniose suppressis. Hisce artibus probata est thesis Macarii: «ainsi dans le Concile d'Italie (sic) Paulin patriarche d'Aquilée rejeta positivement cette addition» (*Filioque*), et sano absurda quaelibet alia non minus expedite probari possent.

auctum non tamen habet *fidem aliam* quam Nicaenum, cuius fidem ipsi PP. Constantinopolitani ubique voluerunt inviolatam perenniter permanere, *u* Plurimorum etenim catholicorum virorum, Ecclesiarumque Dei cultorum sacrae fidei compositum venerabile legimus opus (symbolum), *aliis quidem verbis dissimilique calamo resonante, sed eundem sensum eundemque ingenii intellectum* concorditer inviolatae fidei uno assertionis redolere probantur documento. Nam si recenseatur Nicaeni symboli series veneranda, nihil aliud de Spiritu S. in ea, nisi hoc modo reperiri poterit promulgatum : *et in Sanctum, inquit, Spiritum* (credimus), *n* Ostendit deinde, ipsa connumeratione cum Patre et Filio in Nicaeno satis doceri Spiritum Sanctum esse Deum, «quemadmodum postea (docebatur) a sanctis Patribus centum quinquaginta (Concilii II), *qui contestati sunt symboli fidem Nicaeni Concilii inviolatam perenniter permanere. Suppleverunt tamen, quasi exponendo eorum sensum* ; et in Spiritum Sanctum profitentur se credere, Dominum et vivificatorem, ex Patre procedentem, cum Patre et Filio adorandum et conglorificandum. Haec enim et cetera quae sequuntur, in Nicaeni symboli sacro dogmate non habentur, *n* Nunc ex praemissis infert Paulinus illud, cuius deiensionem maxime spectabat, recte nimirum iam pridem in multis Ecclesiis particularibus fuisse insertam explicitam declarationem processionis *a Patre Filioque*, contra haereticos, qui dixerint Spiritum procedere ex solo Patre. De hoc dogmate Carolus M. ipse, cui Paulinus acta suae synodi transmisit ac veluti dicavit, nec minus Episcopi et theologi in eius regnis admodum sollicitos se ostenderunt, et quandoque haeresim contrariam, quae a Photio demum confirmata est, adseribebant etiam orthodoxis orientalibus, qui Spiritum, profitebantur procedere *a Patre per Filium*, quae omnia constant luculenter ex libris Carolinis (1. III. c. 3. et 8.), ex libro Alcuini de Processione Spiritus Sancti, ex epistola Hadriani I. ad Carolum, ex iis quae paulo post acta sunt in Concilio Aquisgranensi et Romae a legatis Caroli coram Pontifice Leone III. Alioquin iam inde a Concilio Gentiliaco anni 767, in quo legati Constantini Co-

pronymi iconoclastae de hoc dogmate quaestiones excitarant, Graecorum fides quoad hunc articulum in regnis Francorum saltem suspecta habebatur.

Progreditur itaque Paulinus ad hoc pro suo scopo caput praecipuum, *u* Sed et postmodum propter eos videlicet haereticos, qui *susurrant* (nulla nimirum ante Photium clara prostabant testimonia pro existentia huius haereseos), Spiritum Sanctum solius esse Patris et a solo procedere Patre, *additum est: qui ex Patre Filioque procedit. Et tamen non sunt hi sancti Patres culpandi, quasi addidissent aliquid vel minuissent de fide trecentorum decem et octo Patrum, quia non contra eorum sensum diversa senserunt, sed inculpatum eorum intellectum sanis moribus (i. e. modis) supplere studuerunt.* *n*

Haec non est nisi legitima illatio ex principiis, quae Paulinus ad hoc ipsum demonstrandum praestruxerat, supponens nimirum veritatem ipsius dogmatis symbolo inserti, de qua consensu universali constabat. Nihilominus ad complendam demonstrationem pro insertione legitime facta, quamdiu nempe *dogmatice* tantum non vero *ex legibus disciplinaribus* quaestio spectatur, subdit Paulinus prolixam probationem ipsius veritatis revelatae, quam depromit ex consubstantialitate Patris et Filii, *qua unum sunt spiratione* non minus quam natura et operatione; ex symbolica insufflatione Filii in Apostolos Io. XX. 22; ex una communi missione Spiritus Sancti a Patre et Filio; ex eo quod sicut Patris ita Filii Spiritus in Scripturis praedicatur; ex eo quod nominata in Scripturis processione a Patre necessario intelligitur eadem processio a Filio, sicut baptismus in nomine Iesu propter consubstantialitatem personarum intelligitur baptismus in nomine trium personarum. Unde concludit hanc orationis partem, exclamans: « quam catholice et ss. Patres in hac fidei stabilitate (de Patre et Filio *consubstantiali*) solidati, *a Patre* Sanctum Spiritum procedere sunt professi! quam gloriose et illi, qui eum *a Patre Filioque* procedere confitentur *n* (Mansi XIII. p. 833. sqq.). Adversus Photianos ipsos his Paulini demonstrationibus simillima disputavit Ratramnus 1. II. c. 2.

310. Posset quispiam fortasse dicere, hac in re Photianos quoad rei summam non dissentire; neque enim negant posse *a synodo oecumenica* veritates fidei inseri symbolo. Verum qui hoc generatim assereret, monstraret se Graecorum disputationes nominatim in primis congregationibus Concilii Florentini (Ferrariae) non habere perspectas. Illi enim omnino contendebant, hunc esse sensum hancque vim decreti Ephesini, ut ipsi Ecclesiae universali sive congregatae in synodo sive extra illam abrogata sit facultas non minus in symbolo quam in Scriptura sacra quidquam addendi aut mutandi per modum etiam explicationis ac sensu quantumvis vero et in divina revelatione comprehenso. Hac ratione in congregationibus tertia, quinta, septima, octava, nona, duodecima Marcus Ephesius et Bessarion Nicaenus ceterorum nomine ac consensu disputabant (Mansi T. XXXI. p. 519. 534. 583. 584. 603. 607. 610. 615. 626. 678. 679.) - Statutum fuit a Patribus (Ephesinis), nulli deinceps patere licentiam immutandi quovis modo symbolum Nicaenum, quod idem est ac dicere Constantinopolitanum... Eam porro licentiam quae usque ad ea tempora patuerat, *sibi ipsis praecludunt et reliquis omnibus* η (ταυτῶν τῶν ἀδειαν γ.αι εαυτῶν α.φαφβυνται και πάντων των άλλων). Idque, subdit, facto ipso Concilium demonstrasse; huius enim prohibitionis causa vocem θεοτοκο licet pernecessariam symbolo non addidisse. Ita Marcus l. c. p. 534. Eadem repetiit Bessarion verbis etiam expressioribus, « Nosse volumus Reverentiam vestram, a nobis facultatem hanc negari universae Ecclesiae et synodo etiam oecumenicae.... negamus autem non ipsi a nobis, sed arbitramur hoc Patrum decretis negatum » (1) Ibid. p. 610. 626. Quodsi nunc Macarius et ante istum Theophanes Prokopowicz ex ipsa rei evidentia et argumentis catholicorum constricti fateri coguntur, oecumenico Concilio etiam post decretum Ephesinum fore potestatem dogmata revelatu inserendi symbolo, hac sua concessione in primis desciscunt a doctrina suorum praecessorum in schis-

(1) ΤαΥΤΗΝ η/ζπ; τη» αίπα» ἀπο τταση; ἰχχλησ»αί 'i ><**
 συνοξου χα« cîutij; τη; οίχου/ωιχη; ... ἀφαίξου/xeν Se ουχ ἀf'εαυτ» t άλλα
 »ο//.ιξο/αî> τούτο rot; όροι; Τίν ζατιρχν χίΛωλυσΟαι.

mate, ut ex dictis constat; tum haec confessio velut aliud agendo ab his auctoribus hinc inde iniecta repugnat toti reliquae eorum disputandi rationi, quae eadem est iisdemque nixa argumentis ac penes vetustiores illos suos doctores; postremo hac sententia admissa etiam fateantur oportet, Ecclesiam occidentalem ex suis principiis catholicis de valore consensus Ecclesiae et de auctoritate suprema, universali et infallibili Romani Pontificis in definitionibus fidei et morum, iure optimo dogma de processione Spiritus Sancti a Patre *Filioque* in ipso symbolo profiteri. Scio haereticos Photianos hanc auctoritatem tum consensus Ecclesiae catholicae tum capitis Ecclesiae negare; at si res ita habet, iam de sola auctoritate Ecclesiae catholicae eiusque capitis in definitionibus fidei generatim disputatio esse poterit, nulla autem lis de iure, quo professio processionis *a Filio* sit adiecta symbolo. Ius enim definiendi fidei dogmata, et ius definitiones ipsi symbolo inserendi unum idemque esse ipsimet Photiani fateantur necesse est, si sincera est illa Macarii et Theophanis, quam dixi, sententia; quando ergo constiterit de illo priori iure definiendi dogmata, constabit etiam ipsis Photianis de iure dogmata eadem inserendi symbolo. Perspexerunt hunc rerum nexum Graeci in Concilio Florentino, ac propterea viderunt ad demonstrandam illegitimam insertionem articuli quantumvis veri ac definiti, sibi necessariam esse absurdam illam contentionem, toti Ecclesiae cui ius certe est definiendi dogmata, non tamen fas esse mutandi vel unam vocem in symbolo semel sancito ac prorsus incommutabili.

4". Quaestio *dogmatica* de insertionem dogmatis in textum symboli, quam inepte excitarunt Photiani et de qua hactenus diximus, omnino distinguenda est, et mirum quantum diversa a quaestione *disciplinari*, licet haec quoque intime nexa sit cum custodia depositi, quibus in rerum adiunctis, qua auctoritate veritatum fidei, de quibus certo constet, insertio in formulam symboli tolerari, permitti, approbari, iuberi possit vel quandoque etiam debeat.

Hac in re magnum est discrimen inter particulares formulas fidei, quae pro specialibus adiunctis quarundam re-

gionum et Ecclesiarum aliquando ab Episcopis vel singulis vel unius aut plurium provinciarum praescribebantur, et inter solennia symbola quae ab universa Ecclesia sancita in usum communem velut tesserae fidei recepta sunt. In haec posteriora, de quibus maxime nunc agimus, tum ob specialem venerationem quae antiquitati christianae debetur et semper habita est, tum ob universalitatem quod sunt tesserae totius Ecclesiae, tum ob auctoritatem supremam qua sancita sunt, commutationes per insertionem veritatum fidei quae prius in eis explicite non continebantur, induci legitime non possunt nisi eâdem suprema auctoritate, cui subsit Ecclesia universa, auctoritate scilicet Romani Pontificis vel oecumenici Concilii saltem annuentis et usum invalescentem iam ratum habentis (cf. S. Th. 1. q. 36. a. 2. ad 2.). Attamen huius iuris transgressio per se, nisi forte ipsa negaretur ecclesiastica auctoritas, non erit error dogmaticus (ut somniarunt schismatici), sed violatio disciplinae, eaque magis aut minus gravis, prout vel ius tantum implicitum in generali disciplina hierarchica vel lex expressa obstiterit. Imo suprema auctoritate Romani Pontificis licet nec approbante nec expresse permittente attamen scienter ac tacite *connivente* potuit evadere, et in pluribus Ecclesiis a VI ad IX saeculum videtur evasisse consuetudo insertionis quadamtenus legitima.

Quanta vero cautione in ipsa, de qua agitur, additione particulae *Filioque* in symbolo Constantinopolitano processum sit, historia demonstrat. Primum saeculo VI explicita illa professio inserta est in Hispania et in Gallia Narbonensi (supra p. 512); inde propagata in regnum Francorum, in Germaniam, Illyricum etc. At Pontifices Romani fidem quidem hanc constanter docebant; additionem verp in ipso symbolo Constantinopolitano licet non disserte improbarent, neque tamen admittebant in Ecclesia Romana. Habito anno 809 Aquisgrani Concilio occasione turbarum, quae contra professionem processionis ex Filio insertam in symbolum excitatae erant a monacho Hierosolymitano (supra]). 574. *nota*), Carolus M. ad impetrandam sanctionem additionis legatos misit ad Pontificem Leonem 111. At vero Leo

hunc articulum in ipsa professione fidei eadem occasione missa « ad omnes Ecclesias orientales, » et coram legatis Caroli utique asseruit et confirmavit (1); sed additionem in solemni et antiquitus sancito symbolo noluit approbare (2), imo *suasit* ut consuetudo inducta penes Francos paulatim corrigeretur, quantum fieri posset absque dispendio verae doctrinae (3). Postquam autem additio huius explicationis in symbolo per totum occidentem fere iam universalis evaserat, simulque inde a Photio post medium saeculum IX contradictio schismaticorum contra ipsum dogma necessitatem vel certe opportunitatem illius explicitae professionis adduxerat, Pontifices Romani facto ipso eam ratam

(1) Cum legati recitassent testimonia ad probandam processionem Spiritus Sancti ex Patre et Filio, Pontifex respondit: « ita sentio, ita teneo cum his auctoribus et s. Scripturae auctoritatibus. Si quis aliter de hac re sentire vel docere voluerit, defendo; et nisi conversus fuerit et secundum hunc sensum tenere voluerit, contraria sentientem penitus abiicio... Quisquis ad hoc sensu subtiliore pertingere potest, et id scire aut ita sciens credere noluerit, salvus esse non poterit » Hard. IV. p. 969. sqq. Mansi XIV. p. 18. sqq.

(2) Cum ex commemorata responsione inferrent legati: « si ergo ita est, immo quia ita est, quod non credere non licet: et non tacendo docere licet, cur non licet cantare vel cantando docere? reposuit Leo: « licet inquam, licet docendo cantare, et cantando docere; sed *illicite in prohibitis nec scribendo nec cantando licet inserere* » l. c. Appellavit ibidem Pontifex ad decretum veterum Conciliorum, quae in symbolo « quidquam inserere prohibuerunt », adeoque certe illud decretum ita intellexit, ut supra explicuimus, quod non solum corruptio per falsam doctrinam sed etiam insertio doctrinae verae ac revelatae sit prohibita, nisi fiat auctoritate pari, qua symbolum sancitum est, videlicet auctoritate suprema Pontificis vel Concilii oecumenici, qua ipse Leo tunc uti noluit. Est nimirum, ut diximus, haec res disciplinae sed disciplinae pertinentis ad universam Ecclesiam, et ideo non nisi suprema ac universalis auctoritate moderandae.

(3) « Si priusquam ita cantaretur, interrogatus essem; ne insereretur, utique respondissem. At nunc, quod tamen non affirmando sed vobiscum pariter tractando dico, quantum menti occurrit, ita mihi videtur posse utrumque fleri: ut paulatim in palatio, quia in nostra sancta Ecclesia non cantatur, cantandi consuetudo eiusdem symboli intermittatur.... Si dimittatur a vobis, dimittetur ab omnibus; et ita fortasse... utrumque fleri possit, ut quod iam nunc a quibusque prius nescientibus recte creditur, credatur, et tamen illicita cantandi consuetudo sine cuiusque fidei laesione tollatur » ibid.

habuerunt et in Romana atque in universa Ecclesia latina adoptarunt ac suprema auctoritate sanciverunt. Quod quia non solemni aliquo decreto sed usu ipso factum est, de tempore quo primum usus coeperit esse universalis, non liquido constat variantibus eruditorum sententiis inter medium saeculum IX. et saec. XI. a Nicolao I. ad Benedictum VIII. Vide Lequien Damasc. I. n. 28. (qui ultra adhuc ad aliquem Benedicti VIII. successorem usque ad Leonem IX. ex rationibus non valde probabilibus moram protrahit); de Rubeis ad vitam Georgii Cyprii dissert, dogm. II. c.4. n. 5. p. 190. sqq.; c. 5.; cl. Hergenroether in suo *Photio* T. I. p. 705. sqq.

SECTIO IV.

DE MISSIONE DIVINARUM PERSONARUM ET SINGILLATIM DE MISSIONE SPIRITUS SANCTI

CAPUT I.

DE MISSIONE VISIBILI ET INVISIBILI, ET DE INHABITATIONE PERSONARUM DIVINARUM CONSIDERATA EX PARTE CREATURAE SANCTIFICATAE

THESIS XLII.

*De notione missionis in persona divina, et de distinctione
inter missionem visibilem ac invisibilem.*

„ Missio generatim includit ordinem aliquem missi tum ad perso-
» nam a qua mittitur, tum ad terminum quo mittitur; unde missio in
» personis divinis non quidem diversitatem naturae, sed tum aeternam
» processionem missi a mittente tum efficientiam in tempore ac personae
» manifestationem includit, prae cuius efficientiae et manifestationis di-
» versitate distinguitur missio visibilis et invisibilis. »

I. Missio (passive accepta) significat unius ab altero egressionem secundum aliquam rationem principii (physicam vel moralem) ad aliquem terminum. Dicit ergo a) distinctionem realem mittentis et missi; b) aliquam vel propriam vel impropriam dependentiam missi a mittente secundum auctoritatem vel consilium vel originem (S. Th. 1. q. 43. a. 1.); c) habitudinem ad terminum; sive iste terminus sit locus, ut missus ibi sit, ubi antea non erat, vel novo modo sit; sive sit aliquis effectus, ut illum operetur. Ergo missio necessario infert habitudinem missi ad duplicem terminum, ad mittentem *a quo*, et ad terminum seu effectum, *ad quem* mittitur.

Cum haec missionis notio sit essentialis, etiam in divinis missio secundum eam intelligenda est seclusis imperfectionibus, quas sane non missio per se sed creatura missa includit. Has imperfectiones Ariani transferebant a creaturis ad missionem per se spectatam, sicque Filium Patre, Spiritum Sanctum etiam Filio inferiorem esse asserebant,

quia in Scripturis Filius a Patre, Spiritus Sanctus a Patre et Filio dicitur missus. Immo vero quia Pater est et Filius, atque Filius nihil potest a se facere sed facit similiter, quaecumque facit Pater, ex hac unitate essentiae et distinctione per originem Christus Dominus ipse infert missionem Filii a Patre esse talem, ut postulet aequalitatem honoris, quo colendus est missus cum mittente: *u* ut omnes honorificent Filium, sicut honorificant Patrem; qui non honorificat Filium, non honorificat Patrem qui misit illum » Io. V. 18-23. Patres frequenter refellunt illam fallaciam Arianam; inter alios Augustinus indicat rationem, qua imperfectiones illae excludantur in missione personae divinae, *u* Non ideo minorem Filium quia missus est a Patre, nec ideo minorem Spiritum Sanctum quia et Pater eum misit et Filius, sufficienter demonstratum est. Sive enim propter visibilem creaturam sive potius propter principii commendationem, non propter inaequalitatem vel imparitatem vel dissimilitudinem substantiae in Scripturis haec posita intelliguntur; quia, etiamsi voluisset Deus Pater per subiectam creaturam visibiliter apparere, absurdissime tamen aut a Filio quem genuit, aut a Spiritu Sancto qui de illo procedit, missus diceretur » Aug. Trin. IV. n. 32.; S. Th. 1. q. 43. a. 1. ad 1. et 2. Cf. th. XXXIII.

Missio itaque in divinis duo includit, velut fundamentum est origo personae missae a mittente, formalis autem ratio missionis completur in efficientia aliqua externa, qua persona ab alia procedens vel manifestetur vel novo modo incipiat esse praesens in creatura. Vide s. Aug. Trin. IV. n. 27. 28. Nisi enim persona quae mitti dicitur, procedat a mittente, non potest intelligi ordo essentialiter inclusus in notione mittentis et missi. Propter perfectionem enim personae divinae et propter unitatem naturae dependentia missi a mittente non potest esse proprie dicta, sed solum sicut essentiae ita virtutis, consilii, operationis communicatio ab una persona in aliam, quod ipsum est processio unius ab alia.

Porro quoad terminum, *ad quem* fiat missio, propter eandem personae missae perfectionem non potest esse sermo

de mutatione sive locali sive quavis alia in ipsa persona, sed mutatio necessario sistit in creatura, cui divina persona vel speciali modo praesens manifestatur, vel speciali modo coniungitur. Dixi *speciali modo* persona praesens manifestatur vel coniungitur creaturae. Nam missio sicut donatio personae divinae secundum linguam sanctam Scripturae et Patrum sensu saltem magis proprio non dicitur nisi ad *inhabitandum* et *manendum* in creatura (ἐνπύζει, ὡς Io. XIV. 16. 23.; 1. Cor. III. 16.; VI. 19.; 2. Cor. VI. 16. etc.); *inhabitatio* autem haec est Dei amantis et amati in supernaturaliter amato et amante. Unde missio omnis personae divinae saltem ordinem habet ad hanc inhabitationem et supernaturalem sanctificationem. Sed de hac re paulo post dicemus.

Ex his consequitur, a) fundamentum missionis esse quidem aeternum et necessarium, missionem vero ipsam fieri in tempore et esse liberam libertate utique unius numero voluntatis in persona mittente et missa (cf. S. Th. 1. q.43. a. 2.); b) latius patere, quod personae divinae dicuntur venire vel dari creaturae, quam quod dicuntur mitti. Venire enim et dari dici potest secundum aliquem effectum aut aliquod charisma Deus absolute spectatus aut quaevis persona divina absque respectu ad processionem a principio; at mitti non intelligitur ex dictis nisi persona procedens ab altera, quae mittit (1). Lege Suarez 1. XII. c. 2. et 3.; Petav. 1. VIII. c. 1. De ratione, qua Deus venire et discedere dicitur, egimus in Tractatu de Deo th.XXXIV. Consequitur c) ex dictis, missionem personae divinae non esse nisi ad creaturam rationalem, et non nisi secundum effectus atque in ordine ad effectus supernaturales.

II. Diximus, personae missionem esse vel per manifestationem praesentiae vel per specialem coniunctionem cum creatura. In hoc ipso indicata est distinctio duplicis missionis visibilis scilicet et invisibilis.

(1) Aliud est, quando Filius factus homo dicitur in Scripturis secundum humanam naturam mitti a Spiritu Sancto ad aliquod munus, vel Patres quandoque etiam dicunt eum mitti a SS. Trinitate et a se ipso, quod videlicet, quatenus Deus est, mittit se ipsum ut hominem. Vide supra th. XXXIII. q. II. et cf. Tract, de Incarnat. th.XLVII.

Missio itaque visibilis est, quando persona divina procedens ab alia vel fit visibilis in natura visibili sibi facta propria, vel quando cum habitudine aliqua ad supernaturalem inhabitationem et sanctificationem specialiter praesens exhibetur per ostenta aliqua producta ad talem personam distinctam significandam. Unde missio visibilis recte distinguitur ea quae dici potest *substantialis*, cuiusmodi sola erat Verbi incarnatio: « ubi venit plenitudo temporis, misit Deus Filium suum factum ex muliere » Gal. IV. 4. etc.; altera deinde potest appellari missio *in symbolis* vel *repraesentativa*, cuiusmodi erat Christo baptizato « descendens Spiritus Sanctus quasi columba, » et super Apostolos in « linguis tamquam ignis. »

De missione hac visibili personarum divinarum multis disserit Augustinus Trin. II. « Si ergo missus dicitur (Filius), in quantum apparuit foris in creatura corporali, qui intus in natura spirituali oculis mortalium semper occultus est, iam in promptu est intelligere etiam de Spiritu Sancto, cur missus et ipse dicatur. Facta est enim quaedam creaturae species ex tempore, in qua visibiliter ostendebatur Spiritus Sanctus, sive cum in ipsum Dominum corporali specie velut columba descendit, sive cum die Pentecostes... visae sunt illis linguae divisae tamquam ignis... Haec operatio visibiliter expressa et oculis oblata mortalibus missio Spiritus Sancti dicta est (visibilis), non ut appareret eius ipsa substantia, qua et ipse invisibilis et incommutabilis est sicut Pater et Filius, sed ut exterioribus visis hominum corda commota a temporali manifestatione venientis ad occultam aeternitatem semper praesentis converterentur... Apparuerunt ista, sicut opportune apparere debuerunt, creatura serviente creatori et ad nutum eius incommutabiliter in se ipso permanentis, ad eum significandum et demonstrandum, sicut significari et demonstrari mortalibus oportebat, mutatft atque conversa » Aug. 1. c. n. 10. 11. vide ibi reliqua. Cf. thesim VI.

Quoniam missio visibilis *repraesentativa* ordinem habet ad missionem invisibilem per sanctificationem, ideo docent aliqui theologi (cf. Suarez 1. XII. c. 4. n. 5. sqq.; Ruiz

disp. 109. sect. 8. η. 9. sqq.), missionem visibilem esse manifestationem missionis invisibilis praesentis, ut quando Spiritus Sanctus missus est Apostolis; vel iam factae, ut quando facta est visibilis missio in Christum baptizatum. Propterea theophanias veteris Testamenti de quibus egimus th. VI., etiamsi *a* Angelus Domini *n* dicatur esse ipsum Verbum, verentur appellare *missiones Filii* et malunt dicere *apparitiones*. Ratio est, quia illae apparitiones non ordinabantur ad significandam sanctificationem et missionem invisibilem, quae tum fieret aut antea iam facta esset (cf. S. Th. 1. q. 43. a. 7. ad 6.; Suarez 1. XII. c. 6. n. 23.; Ruiz disp. 109. sect. 9. n. 10. sqq.). Sed quoniam theophaniae pertinebant utique ad ordinem supernaturalem, et ita mediate saltem connexionem habebant cum sanctificatione, lis de modo loquendi ex hac parte non est magni momenti. Potius dicendum est, quod missio Filii Dei erat principalis in ipsa incarnatione, theophaniae vero illae, ut l. c. ostendimus, erant quaedam prolusiones et praeparationes ad hanc missionem visibilem in natura hypostatice assumpta; propterea illae in comparatione cum hac non dicuntur et sine addito dicendae non sunt *missio Filii Dei*. Eodem fere modo dicendum esset de missione Spiritus Sancti in veteri Testamento, si quae visibilis ibi facta est (cf. p. 100.101), in comparatione cum missione visibili eiusdem Spiritus in novo Testamento.

Corollarium. Ex dictis intelligitur, a) missionem divinae personae non fieri ad illam rem sensibilem, per quam praesens significatur; illa enim res non est terminus inissionis sed medium assumptum ad sensibilem reddendam missionem hominibus tum illis ad quos fit missio, tum aliis propter quos saltem mediate fit; b) visibilem missionem Spiritus Sancti posse fieri et factam esse sine missione (passiva) Filii, et vicissim; licet missio invisibilis, ut postea dicemus, necessario sit coniuncta utriusque personae et inhabitatio totius Trinitatis. Quamvis enim efficientia signi visibilis sit communis tribus personis, significatio tamen referri potest ad unam distinctam personam (p. 102.), quomodo etiam in incarnatione *ejjicienter* et *terminative* spec-

tata distinctione opus esse, alibi demonstravimus (Tract, de Incarnat, th. XXXII.). c) Sacramenta sunt quidem signa visibilia et efficacia gratiae sanctificantis et consequenter invisibilis missionis Spiritus-Sancti, non tamen sunt ostenta tunc a Deo effecta ad significandam Spiritus Sancti praesentiam; sed res in se humanae vel naturales a Deo elevantur ad significationem et efficaciam conferendae gratiae (non loquimur de Sacramento Eucharistiae permanente); propterea in Sacramentis non potest intelligi visibilis sed tantum invisibilis missio Spiritus Sancti. Cf. August. Trin. 1. II. n. 11.; S. Th. 1. q. 43. a. 7.; Ruiz disp. 109. sect. 12. Apparet etiam ex omnibus quae hactenus dicta sunt, non solum missionem invisibilem esse principaliter a Deo intentam praesertim in comparatione cum missione *repraesentativa*, sed etiam hanc sine illa plene intelligi non posse. Quare iam de ea nobis agendum, cuius declaratio est praecipuus scopus praesentis disputationis.

THESIS XLIII.

De missione invisibili et inhabitatione Spiritus Sancti in sanctificatis ex doctrina Scripturae et Patrum.

« Tam in Scripturis docetur quam a ss. Patribus distinctissime declaratur invisibilis missio Spiritus Sancti ad sanctificationem nostram, » et *inhabitatio* in sanctificatis atque inde *consortium divinae naturae*, » ita ut *formalis* participatio divinae naturae intelligenda sit assimilatio per gratiam infusam, tamquam effectus inhabitantis Spiritus Sancti, » participatio *relativa* autem sit coniunctio cum ipsa persona divina inhabitante. »

Supponimus ut certum, sanctificationem fieri per supernaturalia dona gratiae creatae, quae sint aliquid ontologicum animae inhaerens eamque in se et in omnibus suis facultatibus nobilitans, et elevans ad modum sui *esse* supernaturalem (1) et ad supernaturalem statum ac virtutem operandi, ita ut creatura rationalis per haec dona referat similitudinem naturae ac vitae divinae supra omnes exigentias et vires omnium creaturarum substantialium, na-

(1) Dionysius Hierarch, eccles. c. 2. §. 1. appellat το *tirai Ouw* et το *exQsw*;

turae scilicet tam angelicae quam humanae. De his nunc non est dicendi locus, sed ea assumimus ex Tractatu de Justificatione (vide Suarez de Gratia 1. VI. VII.; Ripaldam de Ente supernatur. I. λΠI. disp. 132. et ceteros). At vero vi gratiae sanctificantis ipsum Spiritum Sanctum communicari et speciali modo coniungi cum instis, indubitatum etiam est ex doctrina Scripturarum, ex intellectu catholico ss. Patrum, ac theologorum consensu.

I. Scriptura disserte docet: 1^a. ipsam personam Spiritus Sancti nobis communicari. Nam ex una parte exhibet a Patre et Filio distinctum Paracletum, qui nobis datur ut maneat in nobis; ex parte altera coniunctam quidem sed distinctam ostendit internam communicationem Spiritus Sancti tamquam causae et communicationem donorum gratiae tamquam effectum, *u* Et ego rogabo Patrem et *alium Paracletum* dabit vobis, ut maneat vobiscum in aeternum.... vos autem cognoscetis eum, quia *apud vos manebit et in vobis erit* (παρ' υ/ztv πενει ν.αι εν υμ.ιv εσχαί) η Io. XIV. 16. *a Charitas Dei diffusa est in cordibus nostris per Spiritum Sanctum, qui datus est nobis* n (r, αγαπν \$εov εν.χευζαι ε' χο.ι καρδιαι τρων οια τζνευραχο άγιου του όο^ενχο ipiv} Rom. V. 5. Quamvis itaque *spiritus* saepe significet habitalem animae dispositionem, et *spiritus bonus* dispositionem supernaturalem per dona gratiae, in his tamen locis evidenter significat ipsam personam quae est auctor gratiarum, nobis communicatam. Praeterea in omnibus locis adferendis prae oculis habeatur, quod alibi ostensum est, *Spiritum* cum epithetis *Spiritus Sanctus*, *Spiritus Patris*, *Spiritus Filii* etc. nomen esse non absolutum sed personale ac proprium tertiae personae in Trinitate (supra p. 14. 401.).

2^a. Haec missio in corda nostra et communicatio est huiusmodi, ut persona divina *in nobis mansionem faciat* et in nobis *habitet* tamquam amator ac amatus in amato et amante, tamquam protector ac tutor et largitor donorum gratiae, tamquam Spiritus adoptionis nostrae in filios Dei, tamquam causa ac fons vitae supernaturalis, tamquam sigillum et arrha promissae possessionis Dei plenae ac beatificae, tamquam Deus in templo rationali sibi consecrato

secundum totam naturam hominis. « Qui autem diligit me, diligetur a Patre meo, et ego diligam eum et manifestabo ei meipsum. » Modum huius dilectionis et manifestationis Christus Dominus interrogatus ab Apostolis declarat ita: « Pater meus diliget eum, et *ad eum veniemus et mansionem apud eum faciemus* η (ζαι πcyр.ν παρ' αυτω τζατ.σορεν) Io. XIV. 21. sqq.; 1. Io. III. 24. (cf. supra p. 15. vide Athanas. ad Serap. 1. n. 31; Cyrill. in Io. p. 830. 831.). *u* Vos autem in carne non estis sed in spiritu, si tamen *Spiritus Dei habitat in vobis* foiy.ii εν vp.iv} ... Si Spiritus eius qui suscitavit Iesum a mortuis *habitat in vobis*... vivificabit et mortalia corpora vestra *propter inhabitantem Spiritum eius in vobis* (fio: του εναν.ουvχο άvζου τ.ν-vραχο; εν υριν) ... quicunque *Spiritu Dei aguntur*, ii sunt filii Dei... *accepistis Spiritum adoptionis filiorum*, in quo clamamus: Abba (Pater); ipse enim *Spiritus testimonium perhibet spiritui nostro*, quod sumus filii Dei,,. Similiter autem et *Spiritus adiuvat infirmitatem, nostram*; nam quid oremus sicut oportet, nescimus; sed ipse Spiritus postulat pro nobis gemitibus innarrabilibus n Rom. VIII. 9-27. « Quoniam estis filii, *misit Deus Spiritum. Filii sui in corda vestra* clamantem: Abba, Pater n Gal. IV. 6. « In quo (Christo) credentes *signati estis Spiritu promissionis Sancto* (έσ^ρογισ^τ,χε τω -νεvμαχι χτ έπαχ/ελια τω άχιω), qui est *pignus* (άppαβων) (1) hereditatis nostrae n Eph. I. 13. 14.; 2. Cor. I. 22.; V. 5. *u* An nescitis, quoniam *membra vestra templum sunt Spiritus Sancti, qui in vobis est, quem habetis a Deo* (του εν υριν άγιου πνευραχο, eu εχεχε ά~ο 5ε:v), et non estis vestri η 1. Cor. VI. 19. *u* Vos estis *templum Dei vivi* sicut dicit Deus: quoniam *inhabitabo in eis et inambulabo inter eos* (exi ενοιχησω εν άνχοι ν.&.ι επεπιπατισω), et ero illorum Deus et ipsi erunt mihi populus... et ero vobis in patrem et vos eritis mihi in filios et filias, dicit Dominus omnipotens » 2. Cor. VII. 16. sq.; 1. Cor. III. 16. 17.

3^{io}. Iam si haec ita sunt, si Spiritus Sanctus nobis communicatus distinguitur a donis gratiae ut auctor ab effe-

(1) De arrha, quae est inchoatio complenda in visione beata, vide Basil, de Spiritu Sancto n.36.40. et PP. alios apud Petav. 1. VIII. c. 4. n.6.

ctu , et si est ipsa divina persona in se , quae modo quo Scripturae ipsae declarant, nobis datur et mittitur et inhabitat; ex his ipsis intelligitur nostrum *consortium* (*κοινωνία*) divinae naturae, quod Scripturae etiam disserte enuntiant: *u* per quem (di ὧν) maxima et pretiosa nobis promissa donavit , ut per haec efficiamini *divinae consortes naturae* n (iya o'ia τουζων γζνί,σζε ^ζιο. κοινωνοι εϋουζοζ] 2. Pet. I. 4. Communicatio et participatio zcivowa, pzzcyn , ad praesens quod adtinet, tripliciter considerata est. a) Communicatio dicitur intima cOniunctio et possessio rei alicuius modo, quo ex natura sua possideri potest, ut est communicatio *κοινωνία* corporis et sanguinis Christi in fidelibus 1. Cor. X. 16.; sensu analogo amici atque arctius maritus et uxor dicuntur *κωνογοΓ.* *u* particeps tua et uxor foederis tui; » LXX. *κοινωνο σου* (1) zat γυντ, δια&ηκτιζ σου Mal. II. 24. Proxime sequitur significatio, qua ζ») κοινωνία dicitur participatio ex bonis alterius. Omne *esse* creatum aliquo sensu est participatio divini *esse*, quatenus a Deo est ut causa exemplari et efficiente, seu quatenus tum a Deo creatione originem habet tum est aliqua adumbratio divinae perfectionis; sed tali participatione naturali supposita, et quidem suprema quae est. in spiritibus creatis, revelatio nobis manifestat participationem supra omnem dignitatem et exigentiam substantiarum creaturarum. Huiusmodi participatio supernaturalis est assimilatio perfecta ad ipsam naturam divinam per gratiam sanctificantem , quae animam afficit et ut supernaturalis qualitas transformat. Duo igitur complectitur *a* consortium naturae divinae , » participationem divinae naturae *formalem sed analogicam* h. e. supernaturalem assimilationem ad naturam divinam (2), et hac

(1) In LXX. saepius Ι3ΓΤ *socius* vertitur zor/avo; h. 1.

(2) « Donum gratiae excedit omnem facultatem naturae creatae, cum nihil aliud sit quam quaedam participatio divinae naturae, quae excedit omnem aliam naturam.... Sic necesse est quod solus Deus deificet, communicando consortium divinae naturae per qtfamdā similitudinis participationem ; sicut impossibile est, quod aliquid igniat nisi solus ignis » S. Th. I. 2. q. 112. a. 1. Vide Basii, cont. Eunom. V. p. 321; Cyrill. dialog. VII. T. V. p. 644.

dispositione supposita ac per hoc veluti vinculum participationem σχετιζην (Cyrill. dialog. VII. T.V.P.I. p.643), videlicet intimam unionem cum ipsa substantia divinae naturae. *a* Deificatio, inquit Dionysius, est ad Deum, quanta fieri potest, *assimilatio et unio* » i, twcc Σεεν άρψαωσι ζζ. ζνωσι Hierarch, eccles. c. 1. §. 3.; c. 2. §. 1. Hoc utroque sensu sicut sumus consortes zowwvst divinae naturae, ita dicitur communicatio zcizorxa Spiritus Sancti 2. Cor. XIII. 13. ; et dicimur participes Spiritus Sancti Heb. VI. 4. Distinctior rei declaratio est, quod sicut sensibilibiter vultus Moysis splendorem induit ex conversatione cum Deo, ita nos per Spiritum Sanctum transformamur in imaginem Dei 2. Cor. III. 7. 18.; et quod cum apparuerit, similes ei erimus, quoniam videbimus eum sicuti est, tuncque nostra divina filiatio quae nondum apparet, manifesta erit 1. Io. III. 2. Eodem etiam pertinet sigillatio ac expressio imaginis Dei per Spiritum Sanctum, quam paulo ante commemoravimus. Vide Athanas. ad Serap. ep. I. n. 23. His addi potest c) significatio, quod multi, videlicet sancti omnes, dicto modo consortes sunt naturae divinae, atque ita cum Deo et in Deo inter se invicem uniuntur , ut principium unitatis sit Deus Pater et Filius et Spiritus Sanctus fidelibus et vivis membris Christi inhabitans Io. XVII. 21. 23. Vid. Gregor. Nyss. T. I. p. 849. 850; conf. s. Bunavent. comp. theologiae verit. c. 9.

In omnibus Scripturae locis inhabitatio Spiritus sanctificatoris connexa quidem exhibetur cum donis sanctificantibus sed ab eis distincta tamquam supremum fastigium dilectionis Dei erga suam creaturam. Porro Dei seu personae divinae distinctim spectatae *inhabitatio* ac *mansio* in sua creatura non designat simpliciter praesentiam Dei, sed (omnipraesentia supposita) semper significat specialem relationem et conjunctionem Dei cum creatura, quae conjunctio non utique in Deo sed in creatura aliquid reale ponit (cf. de Incani. th. XXXIII). Omnipraesentia in hypotesi existentis creaturae consequitur necessario ex divina immensitate , inhabitatio autem est ex libera dilectione.

II. Cum Scripturis conferenda iam est explicatio ss. Patrum et catholicus intellectus veritatis, de qua agimus. Pauca ex multis adferemus, non tam ut rem ipsam in confuso probemus, quam ut sicut hactenus ex testimoniis Scripturae ita etiam ex Patrum doctrina fundamenta praestruamus ad aliquam intelligentiam huius inhabitationis et unionis.

Frequenter ss. Patres docent in sanctificatis *participationem* Spiritus Sancti et *participationem* divinae naturae. Distinguunt vero disserte ipsius personae divinae participationem velut *terminative* spectatam, quae est specialis coniunctio et relatio ad divinam personam, et participationem naturae divinae *formalem sed analogicam* per inhaerentia dona gratiae, quae a Spiritu inhabitante promanant in animam eamque exornant, et sunt tum effectus tum vinculum coniungens eiusdem inhabitantis Spiritus (1). Allato textu Pauli 1. Cor. XII. 4: *a* divisiones gratiarum sunt, idem autem Spiritus» etc., ita commentatur Athanasius, « Quae Spiritus singulis distribuit, ea a Patre per Verbum dantur; nam omnia quae Patris sunt, sunt etiam Filii, unde ea quae a Filio in Spiritu dantur, Patris sunt munera. Et cum Spiritus in nobis est, etiam Verbum illum dans in nobis est et in Verbo est Pater, atque ita fit illud: veniemus ego et Pater et mansionem apud eum faciemus, sicut dictum est. Ubi enim lux est, ibi est et splendor (απαν/ασμα); et ubi splendor, ibi etiam huius est virtus et splendida gratia (ἡ ζcνζcν ενεργεια v.ai ανχαει&β χαρι). Quod iterum Paulus docens in 2. Cor. epistola-scripsit: gratia Domini Nostri Iesu Christi et charitas Dei et communicatio Sancti Spiritus cum omnibus vobis. Gratia enim et donum quod in Trinitate datur, datur a Patre per Filium in Spiritu

(1) « Com diabolus creatura sit... non implet aliquem participatione sui, neque potest mentem inhabitare sui participatione. vel per suam substantiam... Spiritus autem Sanctus cum Deus sit, per suam substantiam mentem inhabitat et sui participatione bonos facit; ipse enim est sua bonitas... Nec tamen per hoc removetur, quin per effectum suae virtutis sanctorum impleat mentes » S. Th. c. gent. IV. 18. cf/Didymum (interprete s. Hieronymo) de Spir. S. u. 62.

Sancto. Sicut namque gratia data ex Patre est per Filium, ita communicatio doni in nobis fieri non potest nisi in Spiritu Sancto. *Huius (Spiritus Sancti) siquidem participes effecti* (rcvzov yag πεζεχοζε] *habemus Patris charitatem et Filii gratiam et Spiritus communicationem*. Ex his igitur una Trinitatis virtus (ἐνεργεια) ostenditur. Non enim velut a singulis personis diversa ac divisa donata Apostolus significat, sed quod dona in Trinitate dantur, et omnia ab uno Deo sunt... Profecto cum Dominus ait: *veniemus ego et Pater, simul venit Spiritus non alio modo piam ut Filius in nobis habitaturus* 'σ'ὑνεογεζαι ζc πνεψα cw á'λ).ω n ω c vió i'j 'hpjy cv/XGWjf.. Cum vero Filius in nobis est, Pater quoque simul est, dicente Filio: ego in Patre et Pater in me » Athanas. ad Serap. ep. I. n. 30. 31. Habes hic descriptam et personarum inhabitationem et personarum inhabitantium aliquem ordinem (proxime enim in nobis dicitur esse participatio Spiritus Sancti), de quo paulo post dicemus, et distincte gratiam ac dona ut effectum unius communis efficientiae trium personarum.

Adhuc clarius connexionem inhabitantis Spiritus et gratiae infusae describit s. Basilius. « Virtus et natura Spiritus, qualis sit, manifestior et patentior fiet, si consideraverimus, quomodo contineat et sua voluntate agat sanctos et totam rationalem naturam. Etenim toti multitudini coelestium Virtutum et multitudini iustorum *dedit se ipsum*, et omnis hypostasis iustorum tum magnorum tum parvorum tum angelorum tum archangelorum sanctificata est... Et per hunc quilibet sanctorum deus est, dictum est enim ad eos a Deo: ego dixi, dii estis... Necesse est autem eum qui diis causa est ut dii sint, Spiritum esse divinum et ex Deo. Ut enim quod cremantibus causa est ut sint cremantia, id cremans esse necesse est, et quod sanctis causa est ut sint sancti, id necessario sanctum est; ita et eum qui diis causa est ut dii sint, Deum esse necesse est (1).

(1) Confer quae paulo ante citavimus ex S. Th.: « necesse est quod solus Deus deificet, communicando consortium divinae naturae per quamdam similitudinis participationem, sicut impossibile est quod aliquid igniat nisi solus ignis » 1. 2. q. 112. a. 1.

Sic neāpe tantum bonum et *divina possessio est Spiritus* (Seicv χτήματο οντο ταν πνεύματο)... Et quam vitam indit Spiritus in alterius hypostasin, ea ab ipso non separatur. *Sed sicut ignis calor alius est qui ipsi inest, alius quem aquae aut alteri huiusmodi rei impertit, ita etiam Spiritus et in se habet ipsam vitam* (mv. ζωπν); *et qui eius sunt participes, divine* (εαπρεπω) *vivunt, vitam* (ζωτ,ν) *divinam et coelestem habentes...* Nihil Spiritus in se habet adventitium, sed habet omnia sempiternae tamquam *Dei Spiritus* et ex ipso effulgens (πείνα), principium ipsum habens sicut fontem sui, et inde scaturiens (ππγσ.ζον). Eons autem et ipse est praedictorum bonorum (donorum gratiae): at ipse ex *Deo* scaturiens (ππγαζαν) *est* in se subsistens (cf. th. XL.); quae vero ex ipso profluunt, efficientiae eius sunt. Hunc Spiritum Sanctum effudit in nos abunde Deus per Iesum Christum, effudit non creavit, largitus est non fecit, dedit non condidit *n* s. Basii, contr. Eunom. 1. V. T. I. p. 321. sq. Similia habet alibi, *u* Spiritus cum anima coniunctio (οιχειωσι προ ψυχτῖν) non iit appropinquando secundum locum... Hic eis qui ab omni sorde purgati sunt *illucescens* (ελλαμπον) *per communionem cum ipso spirituales reddit; et quemadmodum corpora nitida ac pellucida incidente eis radio fiunt et ipsa splendentia, et alium fulgorem ex sese profundunt; ita animae quae Spiritum in se habent* (πνευ-pccrcqopi) *illustranturque a Spiritu, fiunt et ipsae spirituales*, et in alios (suo modo) gratiam emittunt: hinc futurorum praescientia, occultorum comprehensio, donorum distributiones (ministeriales), coelestis conversatio, cum angelis chorea, gaudium numquam finiendum, mansio in Deo, ad Deum assimilatio, et quod est desiderabilium supremum, ut (analogice) deus fias *n* de Spiritu Sancto c. 9. n. 23. cf. ibid. n. 22. 38. Innuo Basilius Spiritum Sanctum quatenus nobis inest et nos perficit ac spirituales reddit, comparat cum *forma licet* magis ibi respiciat operationes et effectus Spiritus Sancti, qui vere nobis inhaerent ut *formae*, *u* Quatenus Spiritus Sanctus vim habet perficiendi rationales creaturas absolvens fastigium earum perfectionis *fnv* άν.ρανητσ. cf. Cyrill. dial. VII. p. 666. W άχρατατον τη

eulc/ta?), *formae rationem habet*. Nam qui iam non vivit secundum carnem sed Spiritu Dei agitur et filius Dei nominatur et conformis imagini Eilii Dei factus est, *spiritualis* dicitur. Et sicut vis videndi in sano oculo, ita est *efficacia Spiritus* (h ενεργεί?. του πνεύματο) in anima inunda... *Gratia ab eo manans, dum Spiritus habitat in dignis et sua ibi operatur*, recte dicitur inesse iis qui Spiritus sunt capaces... Ubi gratia quae ab ipso est, accedere ac rursus recedere potest, proprie et vere inesse dicitur » de Spiritu Sancto c. 26. n. 61. 63.

S. Cyrillus multis in locis de hac participatione loquitur, sed et ipse non minus clare distinguit participationem *σχετικήν* seu unionem amicitiae, qua nobis unitur ipsa persona divina, et participationem formalem sed analogicam divinae naturae per donum inhaerentis gratiae. Pneumatomachi negantes divinitatem Spiritus Sancti, eo ipso negabant nobis communicari ipsam personam Spiritus Sancti ita, ut ratione huius unionis possimus dici consortes divinae naturae, h. e. coniuncti Deo, eo quod simus coniuncti Spiritui Sancto; negabant etiam gratiam et sanctificationem esse a Spiritu tamquam essentialiter Sancto, adeoque ut a causa principe; sed affirmabant, solam gratiam nobis communicari, et communicari a Spiritu Sancto tamquam a causa externa et non nobis inhabitante et tamquam a causa ministerial!. Contra eos Cyrillus toto dialogo λ II. et alibi non utique negat communicationem gratiae; sed probat, ipsam personam Spiritus Sancti nobis inhabitare et per hanc inhabitationem nos esse *σχετιχω* participes divinae naturae h. e. cum Deo ipso coniunctos, et a Spiritu Sancto inhabitante esse sanctificationem nostram ex propria Spiritus virtute non vero ut a causa ministerial].

Collocutores sunt Cyrillus *A* et Hermias *B*, qui inter cetera ita disputant, *u* *A*. Quod divinam nobis imprimit imaginem et signaculi instar supramundanam pulchritudinem inserit (1), nonne Spiritus est? *B*. At non tamquam

(1) Το δη TW γ»Mly i7ZaCarroy hoxva xai σήμαντρον Sixvñv 'μποιουν το ύκίζχοσμιον ζαλλο;. Distinguitur clare signaculum σήμαντρο* efficienter imprimens et imago impressa ut effectus. Eodem sensu et cum funda-

Deus aiunt, sed ut subministrator (*υπουργό*) divinae gratiae. *A.* Igitur non ipse sed gratia quae per ipsum est, nobis imprimitur? *B.* Ita videtur. *A.* Oportet igitur imaginem gratiae non imaginem Dei vocari hominem! » Interpretatur deinde illud Gen. 51. 7: « inspiravit spiraculum vitae » de communicatione Spiritus Sancti, et ei comparat Io. XX. 22: « insufflavimus et diximus, accipite Spiritum Sanctum. » Tum prosequitur: « *A.* At si a substantia Spiritus Sancti disiuncta (1) esset gratia quae per ipsum est, quidni clare dixit beatus Moyses, producto in lucem animali inspirasse universi creatorem gratiam per Spiritum vitae; Christus autem nobis: accipite gratiam per ministerium Spiritus Sancti? Atqui nuncupatus est illic quidem (in Genesi) Spiritus vitae... per Salvatoris vero vocem Spiritus Sanctus dictus est, quoniam *ipsummet revera Spiritum in credentium animabus inhabitare facit et immittit, atque per ipsum et in ipso reformat in formam primitivam*, hoc est in se ipsum sive in sui similitudinem *per sanctificationem*, sic nos revocans ad archetypum imaginis, hoc est ad characterem Patris. Character enim verus et perfecte similitudinem exprimens ipse est Filius, similitudo autem pura et naturalis Filii est Spiritus, *ad quem (Spiritum) et nos configurati per sanctificationem*, ad ipsam Dei formam configuramur. Hoc nobis persuadebit apostolicus sermo: filioli, inquit, quos iterum parturio, donec formetur in vobis Christus Gal. IV. 19. Formatur autem per Spiritum, qui nos reformat ad Deum (Deo similes) per se ipsum. Quando igitur ad Christum formamur, ipse nobis imprimitur et pulchra similitudine formatur (in nobis) utpote per naturaliter ei mento in ipsis Scripturis PP. alii Spiritum Sanctum appellant signaculum quoad imaginem Christi reformamur, unguentum quo ungimur ac consecramur, fragrantiam qua Christi bonus odor effluunt. Vide Athanas. ad Serap. ep. 1. n. 23; Basii, contr. Eunom. 1. V. p. 301; Cyrill. dialog, p. 530. 554. 675; in Io. p. 932. etc. Clarissime s. Hieronymus in Eph. IV. 30. T. VII. p. 632. Spiritum Sanctum ut signaculum imprimens distinguit a signaculo impresso.

(1) Τῆς οὐσίας τοῦ β' γιν/λατο; χαρις. gratia dissoluta non colligata cum substantia Spiritus (σχοινο; funis, ligamen). Sensus ergo non is est, quod gratia sit ipsamet substantia Spiritus Sancti, sed quod gratia colligata est cum inhabitatione ipsius Spiritus Sancti.

similem Spiritum (1) ; Deus ergo est Spiritus et ad Deum conformans, non tamquam per ministerialem gratiam sed tamquam *participationem divinae naturae in se ipso donans iis qui digni sunt... Ileformamur in similitudinem, quae est ad Spiritum Sanctum sive ad Deum per fidem et sanctificationem et relationem ad ipsum; sed, ut clarum est, relatione secundum participationem et adventitiae*. licet divinae naturae nuncupati simus consortes (2)... Tempia autem Dei immo etiam dii vocamur et sumus. Interroga adversarios, quare id tandem, si revera sumus nudae et subsistentia carentis gratiae participes? At non ita res se habet. *Tempia enim sumus vere existentis et subsistentis Spiritus; vocati autem sumus propter ipsum etiam dii, quatenus divinae et ineffabilis naturae consortes sumus per coniunctionem ad ipsum* n (3) Cyrill. dial. VII. T. V. P. 1. p. 638. sq. Vide ibid. p. 594. 644. 657. 669. 672. 673; in Io. p. 93. 810. 832.; Thesaur. 352. Brevissime eandem doctrinam complectitur Cyrillus : *u* quod in *alium quemdam habitum* (εἰ ἕτερον τινα ἔξιν) transformet eos, in quibus fuerit et inhabitaverit Spiritus, eosque ip *novitatem vitae* restauret, nonne facile est cuivis ex testimoniis tum veteris tum novae Scripturae ostendere? » in Io. p. 919.

Cyrillus itaque non secus ac alii Patres ad demonstrandam divinitatem Spiritus Sancti utitur hoc argumento, quod *d*) non solum gratia et effectus Spiritus Sancti in nobis producuntur sed Spiritus Sanctus ipse intime et modo speciali unitur iustis ita, ut propter unionem cum Spiritu Sancto dicantur et sint *relatione coniunctionis consortes divinae naturae*, *b*) Probat divinitatem inde, quod Spiritus inhabitans non ut minister (*υπουργός*) sed sua virtute (*αὐτῶν**) gratiam confert et sanctificat, *u* Quatenus igitur gratia perfecta est, nisi omnino Spiritus Sancti in cordibus

(1) 'O_{RS} τοινῦν πζο; Xfitr_{ron} και duro; ημιν ἰνσημαῖνεται
και ειδοποιεῖται χαλῶ; ω; Si ὁμοιον ἄυσιχω; του πνεύματο .

(2) 'λναπλαττομε^α γαρ ει; εικονισμον τον πζο; το πνεύμα το άγιον ήτοι π^ον Sson Sia πιστεω; και αγιασμού και τη προ; άντο σχεσεω;, δηλον Ss ότι τη χατα μεζεξιν και εισχεχ ιμμενω , **η** και ^υσεω; ονομασ- μένα χοινωνοι.

3) Τη *τε και άπορρητω φύσει, τη προ; αυτό συνάφεια, χεχοινωνηχοτε ;.*

nostris facta infusio iuxta Pauli sententiam? Quomodo itaque erit vera in nobis gratia, si sanctificatio nobis subministrata est per creaturam, sicut et lex per angelos? Nam sz *Spiritus Sanctus non propria virtute operatur* (ἀντὶς ὑπὲρ in nobis, sed per participationem sanctitatis a divina essentia repletus gratiam sibi datam in nos emittit, manifestum est, gratiam Spiritus Sancti nobis per creaturam conferri. At hoc falsum est.... Spiritus itaque Sanctus sua virtute in nobis operatur [αὐτοῦργον ἅπα το πνεῦμα ἐν ἡμῖν] vere sanctificans atque uniens nos sibi ipsi per conjunctionem ad ipsum [ἐνοῦν ῥαζ ἐαυτῶ δια ττ, προ αὐτο συνάφεια), atque reddens nos divinae naturae consortes » Thesaur. T. V. P. I. p. 352. Itaque c) poterit sensu verissimo dici, « Spiritum Sanctum per se ac per communicationem substantiae suae nos sanctos efficere, n ut loquitur Petavius l. VIII. c. 4. n. 8. (1). Id vero *intelligi* debet ita, ut Spiritus Sanctus primo *efficienter* sanctificet per diffusionem eliaritatis Dei in cordibus nostris, et deinde velut *terminative* ipse sit, cui coniungimur vinculo gratiae, charitatis et amicitiae, atque adeo inhabitans Spiritus Sanctus sit supremum ac divinum fastigium nostrae sanctificationis, ut ss. Basilius et Cyrillus loquuntur (2). Cavendum tamen est nostra hac

(1) Quatenus ab interpretatione Petavii dissentiamus, paulo inferius propositis dissensus rationibus explicabimus.

(2) Plures theologi putant, distingui iustitiam quae est per gratiam sanctificantem infusam, et filiationem adoptivam ita, ut filiatio a gratia absolute loquendo sit separabilis. Porro hoc supposito censent Lessius I. c. et Petavius (l. VIII. c. 5. n. 9. 12; c. 6. n. 3; c. 7. n. 8), propriam formalem rationem filiationis adoptivae non esse gratiam sanctificantem sed ipsam substantiam Spiritus Sancti nobis applicatam. Hoc quidem non putamus verum; sed dicimus Spiritum Sanctum inhabitantem « fastigium perfectionis » tum sanctitatis scilicet tum adoptionis non nt causam formalem, sed ut causam efficientem et ut terminum cui coniungimur (vide Cornel, a Lapide in 2. Pet. I. 4.). At vero non ideo minus explodemus censuram arbitrariam Hipaldae, qui in opinionem Lessii invehitur velut « suspectam, quae proxime accedat sententiae haereticorum asserentium nos justificari per formam extrinsecam, quam Cone. Trid. anathemate percellit » (Kipalda de ente snpernat. l. VI. disp. 132. sect. 8. n. 94. sq.; sect. 10. n. 127. cf. Viva de Grat. disp. IV. q. 3. n. 3. sq.). Solum posset esse dubium de eo, quod dicimus *inhabitantem* Spiritum

aetate, ne obscuro modo loquendi ansa praebeatur considerandi ipsum Spiritum Sanctum velut *formalem* sanctificationem nostram. Iustificationis causa « efficiens est misericors Deus qui gratuito abluit et sanctificat *signans et ungens Spiritu promissionis Sancto*, qui est pignus hereditatis nostrae... demum *unica formalis causa* est iustitia Dei, non qua ipse iustus est sed qua nos iustos facit: qua videlicet ab eo donati renovamur... *iustitiam in nobis recipientes unusquisque suam* » Cone. Trid. sess. VI. c. 7. Porro ex omnibus hactenus dictis facile apparet, quo sensu intelligendum sit, quod etiam PP. quandoque aiunt, Spiritum Sanctum οὐσιῶσθαι i. e. substantive in iustis habitare eisque coniungi. Vide Basii, contr. Eunom. V. p. 297. cf. Gregor. Naz. or. 41. al. 44. η. 11. Verissime id dicitur, dum adverbium refertur ad subrectum, seu ratione terminorum qui uniuntur, sed falsum esset, si referretur ad ipsum modum unionis; hoc enim sensu unio substantiva non est nisi unio substantiarum ad unitatem naturae, cuiusmodi coniunctio creaturae cum Deo repugnat, vel ad unitatem hypostaseos, cuiusmodi est unio humanae naturae cum Verbo (cf. Tract. de Incarn. th. XX). Patres alios vide apud Petav. l. VIII. c. 4-7.; Thomassinum de Incarnat. l. VI. c. 10-20.

Theologi scholastici communi consensu doctrinam hanc tradunt eamque distinctius explicant. Inter ceteros consuli possunt s. Thom. 1. q. 43. a. 3. et praesertim 1. dist. 14. q. 2; Alexander Halens. 1. q. 73. m. 4; s. Bonavent. 1. dist. 14. a. 2.; Oompend. theolog. veritat. c. 9.; tum Molina in 1. q. 43. a. 3.; Suarez l. XII. c. 5. qui rem hanc optime declarat; Lessius de perfect. divin. l. XII. c. 11.; de summo bono l. II. c. 1. n. 4.; Ruiz disp. 109. sect. 1. sqq.; Ysambert in 1. q. 43. a. 3.; Cornel, a Lapide in 2, Pet. I. 4. et in epp. Pauli passim.

Sanctum *efficienter* sanctificare, cum ratione prior videatur gratia ut dispositio ad inhabitationem Spiritus. Ad hoc respondet s. Thomas: ex parte recipientis ratione priorem esse receptionem donorum nt dispositionem, sed ex parte finis et agentis « per prius recipimus Spiritum Sanctum quam dona eius... et hoc est simpliciter esse prius - S. Th. 1. dist. 14. q. 2. a. 1. solnt. 2,

THESIS XLIV.

*Explicatio aliqua huius inhabitationis divinae
ex parte termini.*

« Si ad aliquam mirabilis huius unionis intelligentiam spectetur im-
n primis terminus missionis et inhabitationis; *inhabitatio* dici debet
n animae elevatae per gratiam unio amicitiae cum Deo *ad fruitionem*
r hic inchoatam, in altera vita consummatam per cognitionem et amorem
» (per charitatem in fide, per charitatem in visione)^ita ut Deus amando
n faciat amantem, et *possideatur* charitate; ac propterea in anima sanc-
» tificata Deus maneat *secundum essentiam* novo titulo amicitiae, *lecwn-*
n *dum potentiam*, et *praesentiam* novo modo. »

Praeeuntibus theologis possumus distinctiorem aliquem intellectum huius inhabitationis et unionis ex Scriptura et ss. Patrum declarationibus atque ex *fidei analogia* deducere, qua in re habentes prae oculis normam certam catholicae doctrinae possumus utique ac debemus eo pertinere, ut nihil dicatur quod verum non sit; sed non eo pertingemus, ut huius mysterii divinae dilectionis totam profunditatem et altitudinem intelligamus, et explicare valeamus totum verum, quamdiu nobis dicitur: nunc filii Hei sumus, et nondum apparuit, quid erimus (1. Io. III. 2.).

Supponitur ratione immensitatis Dei unius et trini intima inexistencia in omnibus creaturis secundum essentiam, potentiam, et praesentiam. Sed ex hac necessaria inexistencia non dicitur Deus *habitare* in creatura secundum modum, quo Scriptura et PP. nobis exhibent inhabitationem, neque haec potest dici *unio* creaturae cum Deo. Praeter unionem hypostaticam proprie dicta unio cum Deo ex parte creaturae est solum possessio Dei *ad fruendum Deo* tamquam ultimo fine. Ad fruitionem completam quidem possidebimus Deum unum et trinum in lumine gloriae, quod gratiam sanctificantem supponit; nunc vero in hac vita sanctificati gratia et charitate possidemus Deum Patrem, Filium, Spiritum Sanctum ad fruendum inchoate et dispositive. Sicut ergo secundum dona naturalia progredimur a Deo ut a principio, quae non est propria unio cum Deo; ita per donum supernaturale gratiae et charitatis ac

tandem gloriae reducimur in Deum ut ultimum finem, et vere unimur Deo uni et trino ut fruendo. « In exitu creaturarum a primo principio attenditur quaedam circulatio vel regyratio, eo quod omnia revertuntur sicut in finem in id, a quo sicut a principio prodierunt... Secundum hoc ergo processio divinarum personarum *in creaturas* potest considerari dupliciter: aut in quantum est ratio exeundi a principio, et sic talis processio (in creaturas) attenditur secundum dona naturalia, in quibus subsistimus...; potest etiam attendi (processio in creaturas), in quantum est ratio redeundi in finem, et est *secundum illa dona tantum quae proxime coniungunt nos fini ultimo scilicet Deo, quae sunt gratia gratum faciens et gloria... Etenim in participationibus divinae bonitatis non est immediata coniunctio ad, Deum per primos effectus quibus in e*se creaturae subsistimus, sed per ultimos quibus -fini adhaeremus*, et ideo concedimus Spiritum Sanctum non dari nisi secundum dona gratum facientia... Ad dationem Spiritus Sancti non sufficit quod sit nova relatio, qualiscumque est, creaturae ad Deum; *sed oportet quod referatur in ipsum sicut ad habitum, quia quod datur alicui, habetur aliquo modo ab illo. Persona autem divina non potest haberi a nobis nisi vel ad fructum perfectum, et sic habetur per donum gloriae; aut secundum fructum imperfectum, et sic habetur per donum gratiae gratum facientis* » S. Th. 1. d. 14. q. 2. a. 2.

Porro haec possessio et fruitio Dei ultimi finis est per habitum simul et actum, vel saltem per habitum *cognitionis et amoris* (coniunctim utique non divisim per cognitionem tantum quae non sufficit ad fruendum, nec amoris tantum qui seiunctus a cognitione esse non potest). Unde « supra communem modum, quo Deus est in omnibus rebus, est unus specialis qui convenit naturae rationali, in qua Deus dicitur esse *sicut cognitum in cognoscente et amatum in amante*; et quia cognoscendo et amando creatura rationalis sua operatione attingit ad ipsum Deum, secundum istum specialem modum Deus non solum dicitur esse in creatura rationali sed etiam *habitare* in ea sicut in templo suo » S. Th. 1. q. 43. a. 3.

Verum ut hoc rite intelligatur, attendendum est, esse hunc *amorem mutuae amicitiae perfectissimae*, qua Dominus Deus, ut loquitur s. Ignatius (Contemplat, ad amor, spiritual.), « non solum dat ex iis quae habet sed etiam seipsum, quantum potest, iuxta divinam suam ordinationem; » creatura vero per charitateni sibi datam attingit Deum amore ad fruendum. Unde hic amor amicitiae non solum est unio secundum affectum sed ex sese postulat etiam ac appetit unionem realem, ut explicat s. Thomas 1. 2. q. 28. a. 1. ¹ « quaedam unio est effectus amoris, et haec est unio realis, quam amans quaerit de re amata. » Cum iam charitas ex parte Dei omnipotens id, quod appetit, etiam faciat; recte dici potest, gratiam sanctificantem, quae vel includit charitateni vel est ipsa charitas « quasi iunctura quaedam duo aliqua copulans aut copulare appetens » (Aug. Trin. VIII. c. 10; S. Th. 1. c.), esse tamquam novum titulum, qui postulet Dei conjunctionem cum anima sanctificata ita, ut si Deus ratione immensitatis non ubique praesens esset, fieret praesens secundum essentiam et conjungeretur cum sanctificatis (Suarez 1. c. n. 12. 13.). Hoc vero ipsum habet suum fundamentum in eo, quod amor ordinatus est ad fruendum Deo.

Si igitur haec unio comparetur cum Dei existentia in omnibus creaturis secundum *essentiam*, *potentiam* et *praesentiam*; unio et inhabitatio, ut iam supra ex Scripturis deduximus, est ex novo titulo et morali exigentia postulante praesentiam Dei secundum *essentiam* non ut immensi sed ut amantis et amati, communicantis se amato ad fruendum; est deinde novus modus inexistentialis secundum *potentiam* et operationem effectuum supernaturalium, et novus modus secundum *praesentiam* per tutelam et supernaturalem providentiam patris erga filium adoptivum. « Ad fruendum eo quo fruendum est, requiritur *praesentia fruibilis* et etiam *dispositio debita fruientis*; unde requiritur praesentia Spiritus Sancti et eius donum, scilicet amor quo inhaereatur ei. Verumtamen cum datur nobis Spiritus Sanctus, non incipit esse in novo loco, sed novo modo per productionem novi effectus et novi respectus, quo creatura se

aliter habet ad Spiritum Sanctum quam prius, propter quod et ipse dicitur aliter esse in creatura quam prius, quia est in ipsa ut in cognoscente et amante ipsum, quod non fuit prius. Ex iam dictis patet, quod in iustificatione duplex charitas nobis datur scilicet creata et increata, illa qua diligimus, et illa qua diligimur... Ex his colligitur, quod licet Deus sit in omnibus per essentiam, praesentiam et potentiam, *non tamen habetur* ab omnibus hominibus per gratiam » s. Bonavent. compend. theol. verit. c. 9.

Consequitur ex dictis corollarii instar, quod a) unio de qua loquimur, est nova relatio creaturae ad Deum, ex parte creaturae maxime realis fundata in donis gratiae et supernaturali elevatione ontologica; in Deo autem incommutabili bono nihil quidem reale ponens sed vera tamen est unio per mutationem non in utroque sed in altero tantum termino unitorum, qui est creatura. Quae Dei incommutabilitas hic longe facilius intelligitur quam in unione hypostatica, ubi tamen aequae certa est et ex eodem principio concilianda per mutationem factam in unita natura humana (de Incarn. th. XXXIII.). Consequitur b) falsum esse, quod aliqui ex Scholasticis dicebant, posse Spiritum Sanctum invisibiliter mitti absque donis supernaturalibus creaturae collatis. Missio invisibilis est ad unionem et inhabitationem personae procedentis; haec autem unio et inhabitatio absque mutatione supernaturali in creatura unita concipi non potest.

CAPUT II.

DE INHABITATIONE SPECTATA EX PARTE DIVINARUM PERSONARUM

QUAE UNUM SUNT NATURA

ET DISTINCTAE CHARACTERIBUS PERSONALIBUS

THESIS XLV.

*De inhabitatione communi tribus personis,
quia unum sunt natura.*

«Si spectentur personae divinae, quae sanctis inhabitant; ex ipsa
« oeconomia intima SS. Trinitatis, quam fides catholica docet, atque
» ex disserta Scripturae et Patrum doctrina, haec inhabitatio personarum
» est ut unum sunt, atque ideo omnino una communis tribus personis.
* Unde non videtur asserendum quod pauci aliqui theologi ex quibus-
» dam Patrum praesertim s. Cyrilli sententiis collegerunt, peculiarem
» esse modum uni personae proprium et non communem tribus personis,
» quo Spiritus Sanctus unione suae personae nos sanctificet. »

Declarandum hic suscipimus, quomodo unio Spiritus Sancti cum sanctificatis quam demonstravimus, sese habeat in comparatione cum inhabitatione aliarum personarum divinarum. Repugnat ut una persona eo quo dictum est modo, inhabitet, quin sit inhabitatio Dei unius et trini ac proinde omnium trium personarum.

1°. Id constat universim ex interna oeconomia SS. Trinitatis. Non solum enim vi unitatis essentiae sunt omnes personae in singulis secundum ea, quae diximus de *circumincessione* (th. XIV.); sed etiam operatio ad extra necessario est una trium sicut una est natura (th. XII). Unde sicut ad intra omnia attributa et omnes formales rationes sunt quid unum commune tribus personis praeter relationes invicem oppositas, quibus personae constituuntur et distinguuntur; ita respectus omnes ad extra communes sunt tribus personis, seu sunt Dei unius et trini praeter solum respectum illum, qui fundatur in *functione hypostatica*; is enim potest esse proprius uni personae, quia personae formaliter ut personae realiter inter se distinguuntur. Functio autem hypostatica sub formali ratione hypostaseos, secundum quam est realis distinctio,

nec fide cognoscitur nec supposita fide intelligitur alia quam sustentare naturam, ut dici solet, seu habere naturam ut suam. Sic incarnatio Verbi *efficienter* spectata est Dei unius et trini, *terminative* autem est solius Verbi, quia scilicet, ut dixi, ipsum *habere naturam* ut suam est functio hypostaseos sub formali ratione ut hypostasis est; Verbum autem sub hac formali ratione hypostaseos realiter distinguitur a Patre et Spiritu Sancto. Ad summam: una persona divina non potest referri ad extra functione sibi propria et non communi tribus, nisi functio illa sit hypostatica, quia sub sola formali ratione hypostaseos una persona distinguitur ab aliis in SS. Trinitate; functio autem hypostatica ad extra nulla alia nobis revelata est nec intelligi potest, nisi hypostaticae virtutis velut extensio ad sustentandam naturam creatam, quae est unio hypostatica (vide supra th. XII. η. II.; de Incarnat, th. XXXIII.). At sane coniunctio Spiritus Sancti cum iustis, de qua agitur, non est unio hypostatica; ergo coniunctio necessario eadem est Patris ac Filii.

2°. In Scripturis explicite docetur una distinctarum personarum inhabitatio, « Ad eum veniemus et mansionem apud eum faciemus » Io. XIV. 23. etc. SS. Patres sicut ex inhabitatione Spiritus Sancti, ut thesi XLIII. vidimus, ita ex communitate huius inhabitationis cum Patre et Filio probant divinitatem Spiritus Sancti, quod inhabitatio et participatio unius personae necessario propter unitatem naturae est trium communis, « Sicut Patris et Filii ita et Spiritus Sancti sumus templum, non multa templa sed unum templum, quia unius templum est potestatis » s. Ambros. de Spiritu Sancto l. III. c. 12. n. 91.; c. 16. n. 112. vide ibi reliqua. S. Cyrillus quem existimavit Petavius maxime docuisse non quidem separatam sed tamen aliam diversam inhabitationem Spiritus Sancti, quam sit inhabitatio Patris et Filii, non minus clare docet inhabitationem divinarum personarum, ut sunt unus Deus unitate naturae, « Veniemus, inquit Christus, ad eum ego et Pateret mansionem apud eum faciemus. Habitante quippe in nobis Salvatore nostro Christo per Spiritum Sanctum, erit quoque omnino

nobiscum et genitor, nam Spiritus Christi idem est et Patris... Inhabitante itaque in cordibus nostris unigenito nequaquam abest Pater; habet enim Filius in se ipso genitorem *unius existens cum eo substantiae*, sed et ipse est in Patre naturaliter... Libenter autem interrogaverim eos, qui prae multa inscitia haeresim complexi adversus gloriam Spiritus linguam armant... si creatus est Spiritus et a Dei substantia, ut vultis, alienus, quomodo habitat in nobis per ipsum Deus?... Non ergo creatus est Spiritus. Quod si verum est, ut certe est, Deus et ex Deo est Spiritus, sicut diximus; nihil enim umquam putabitur increatum esse nisi solus natura Deus, *ex quo videlicet ineffabiliter procedens Spiritus Sanctus, sicut ipse ex quo est, habitat in nobis; proprius enim eius substantiae est, et veluti qualitas sanctitatis eius* (1). Adversus Anomoeos autem qui Lilio bellum indixerunt... nonnihil opportune dicam. Ad eum veniemus et mansionem apud eum faciemus... Si natura diversus est omnino Filius et in propria quadam natura intelligitur, quomodo necesse non est duos Deos in nobis esse credere mandata servantibus? *Quod si unius non duorum Deorum templa dicimur, Patre ac Filio in nobis habitantibus*, quaenam ratio in nobis duos illos in unitatem redigit, cum iuxta vestram dementiam identitati substantiae non sit locus? Vel enim necesse est dicere Christum falsa nobis esse locutum, et inhabitare tantum in nobis Patrem per Spiritum, vel inhabitare quidem ipsum (Christum), abesse vero Patrem. At hoc absurdum: *unus quippe Deus est in nobis, cum quibus suscepimus*... Et quidem divinus Paulus non duorum Deorum templa nos appellavit sed unius: templum Dei estis, et Spiritus Dei habitat in vobis. Vides, *ut in substantiae identitatem Patre et Filio collatis templa nos factos esse ait non Deorum sed Dei* » Cyrill. in Io. XIV. 23. T. IV. p. 831. 832. Expressissime loquitur in dialog. VII. qui est de divinitate Spiritus Sancti. Post multa allata Scripturae testimonia concludit: *u num-*

(1) Ἐξ ου δηλονότι ἰργοῖοι ἀρρητω το πνεῦμα· ἅγιον ὡ αὐτό ἔξ ὧν ἴσιν, ἰδὲ ἡμῶν χατοιχι, ἰδιον γὰρ ἴστι τη οὐσία αὐτου, χαι ποιότη ὕσσιρ τη αγιότητα αὐτου.

quid manifestum est demum, a nobis utique agnosci, quid sit Pater, quid Filius, quid Spiritus, distinctione hypostatica; verumtamen *unitatis naturalis copulâ omnia utique sunt omnium*, adventus *ρχροσιχ*), sermones, *participatio* (*πε^εζι*), *operatio* (*ενεργεια*) et gloria, et quaecumque divinam ornant naturam » T. V. P. I. p. 642. Vide etiam Cyrill. in thesaur. p. 336.; et Athanasium ad Serapion, ep. I. n. 20. 30. 31.; ep. III. n. 6.; ep. IV. n. 4.

3^a Itaque cum inhabitatio sit ex gratuita dilectione (1), ut superius declaravimus, Deus unus et trinus inhabitat sub forihali ratione ut Deus charitas est, sub qua sicut sub quovis attributo absoluto Pater, Filius et Spiritus Sanctus non distinguuntur; sed haec charitas est realiter tres simul personae et quaelibet earumdem. Unde nos quidem (salva auctoritate tanti viri. quantus est Dionysius Petavius) non possumus nec ex Scriptura et Patribus demonstratum reperire nec cum principiis certis componere specialem modum unionis Spiritus Sancti cum iustis, qui soli tertiae personae sit proprius non autem communis tribus.

Petavius (l. VIII. c. 6. n. 5-8.) probandam suscepit hanc cum iustis unionem propriam uni personae Spiritus Sancti, quae cuiusmodi sit et quomodo concipi queat, ipse dicere noluit, quia, ut ait, rem nondum satis compertam habuit (ib. n. 6). Argumentum eius fundamentale est, quod Spiritus Sanctus personaliter est ac dicitur *donum* et *vis sanctificatrix*. Verum cum haec nihil significant aliud quam *amorem procedentem*, ostendunt quidem peculiarem velut exigentiam in personali caractere Spiritus Sancti, non autem ei soli proprium modum unionis, ut mox declarabimus; secus etiam *Verbum* modo sibi uni proprio cum intellectu nostro uniri, et alia multa parum consentanea unitati ac simplicitati Dei excogitabimus. Argumenta reliqua addit ex s. Cyrillo, quod Spiritus dicatur *αυτοργό* nostrae sanctificationis; aurum, quo deauramur; et denique veluti qua-

(1) « Quomodo amicis suis illucescere velit (*ῥιλαμψ*) et quomodo in eis habitaturus sit, declarat dicens: Pater meus diliget eum » Cyr. in Io. p. 830.

litas in nobis, ut quidem Petavius s. Doctorem interpretatus est.

At haec omnia non videntur probare, quod vir doctissimus sibi proposuerat. Quod a) Spiritum Sanctum in nobis *dvzevpyev* intelligit ut sanctificantem per applicationem ipsius substantiae suae, is non videtur esse sensus saltem immediatus Cyrilli; nam *ἀντισυρ/εZv* i. e. operationem virtute propria opponit Cyrillus haeticorum *ὑπερχω τη χαριτ\$,* quasi nempe Spiritus Sanctus esset solum ministerialis causa gratiae, fluito minus *αντεν^χεϊν* significat sanctificationem distinctam ab ea Patris et Filii, ut vult Petav. c. 6. n. 7. i) Quod Cyrillus in Thesauro p. 352. et alibi ait, sanctificationem nostram non esse per aliud medium creatum, sed immediate a Deo per Spiritum Sanctum nos sanctificari, id non dicit in comparatione cum gratia creata, sed ut neget Spiritum Sanctum esse inter nos et Deum creaturam mediam, per cuius ministerium sanctificemur. (Cf. Petav. c. 4. n. 10.). c) Quod Petavius ait, ex doctrina Cyrilli Spiritum Sanctum *a velut qualitatem* sanctis inesse, » non est nimis urgendum. Cyrillus saepius dicit Spiritum Sanctum esse *a veluti qualitatem Dei v* (Patris ac Filii); sicut eum aliquando appellat fragrantiam ex substantia Dei, ut significet eius divinitatem et adsignificet processionem ac distinctionem. Vide dialog. VII. p. 673. 674.; in Io. p. 810. 832. etc. Si quando Spiritum in nobis comparat cum humore vivifico in palmite et cum qualitate; ibi vel nomine *spiritus* non persona sed gratia Spiritus Sancti intelligitur, vel in contextu haud difficulter explicatur de Spiritu inhabitante ut causa est efficiens vitae supernaturalis, in qua ratione efficientiae Spiritus non distinguitur a Patre et Filio. Utramque explicationem admittunt verba Cyrilli in Io. p. 867. 868. Si ut palmites infructuosi, inquit, ex vite Christo exscindimur, igni trademur, *u* eo quem *olini* a vite habebamus *vivifico humore*, id est Spiritu amisso. Quemadmodum enim ab illo talentum aufertur (qui infoderat in terra), sic opinor et ex palmite *humoris aut qualitatis instar*, Spiritus. » Qui a principibus puniuntur, prius exuuntur dignitatibus, sic et

anima a supremo iudice punienda, *u* necesse est ut antea privetur et exuatur *gratia Spiritus*, n d) Quod Petavius c. 4. n. 10. ait, iuxta Cyrillura *a* iustos Spiritu Sancto velut inaurari, » est quidem verissimum et pulcherrime dictum in sensu supra exposito, dummodo non intelligatur proprie dicta *formalis* causa justificationis; verum Cyrillus in loco a Petavio citato ex dialogo VII. non dicit *u* nos deaurari Spiritu Sancto; » sed ait: Spiritus Sanctus *u* nos deaurat *gloria filiationis*. n

THESIS XLVI.

Ωβ proprio caractere Spiritus Sancti in ratione doni.

u Secundum doctrinam Patrum ex Scripturis deductam Spiritus Sancti ' proprius character personalis censi debet, quod procedat tamquam ' *donabilis* atque ideo peculiari aliqua ratione sit *donum*; quae ratio » tandem revocatur ad processionem per modum *amoris subsistentis*. »

Sunt duae quaestiones diversae, utrum persona Spiritus Sancti coniungatur cum sanctis modo aliquo ipsi soli proprio et non communi omnibus tribus personis, et utrum in persona Spiritus Sancti secundum proprium eius characterem personalem sit peculiaris ratio et velut habitudo (in radice) ad hanc unionem sanctificantem. Hoc alterum potest esse et demonstratur esse verum, quin inde sequatur etiam veritas illius proprii modi unionis, quem in superioribus negandum esse diximus. Sic in mysterio incarnationis, quocum haec inhabitatio divina analogiam habet, longe aliud est quaerere, utrum in personali proprietate Verbi sit ratio aliqua, cur ipsum potius quam aliam personam SS. Trinitatis unione hypostatica cum natura humana hominem fieri decuerit, quod ss. Patres et theologi affirmant (Petav. de Incarnat. l. II. c. 15; S. Th. 3. q. 3. a. 8.); et aliud est quaerere, utrum propter illam proprietatem personalem unio Verbi cum humana natura habeat ita modum proprium, ut si alia persona divina homo fieret, modus unionis foret alius quam est unio hypostatica Verbi, ad quod negative respondendum est. Immo in distinctis proprietatibus personalibus est peculiaris analogia et velut habitudo unius per-

sonae prae aliis ad quasdam operationes externas, qua in re fundatur *appropriatio* operum uni personae prae aliis (th. XIII.); neque tamen ideo fas est tribuere uni personae prae aliis peculiarem ac proprium modum operationis, quae omnino una est trium et indistincta sicut ipsa natura divina (th. XII.).

Postquam igitur consideravimus *inhabitationem* communem tribus personis, nunc quaerimus, utrum et quomodo sit peculiaris aliqua ratio huius coniunctionis cum sanctificatis in proprio caractere personali Spiritus Sancti. Affirmatio huius peculiaris rationis immo etiam eius declaratio continetur in eo, quod tertia persona Trinitatis docetur procedere ut *donum*.

Spiritui Sancto ex ipso suo caractere personali propriam esse rationem *doni*, ex Scripturis deduci potest non tam eo quod *datus* saepe dicitur (cf. S. Aug. Trin. XV. c. 19.), quam potius iis argumentis, quibus ostendimus eius processionem per modum *amoris* terminantis dilectionem in Patre et Filio (th. XXVI.); haec enim duo, quod Spiritus Sanctus *procedit per modum amoris* ut terminus dilectionis producentis, et quod ex proprio caractere personali est *donum*, non differunt nisi ut definitio et definitum, quemadmodum in progressu declarationis patebit. Unde Augustinus id quod saepissime docet, Spiritum Sanctum procedere ut amorem Patris ac Filii, aliis verbis dicit: *u* exiit non quomodo natus sed quomodo *datus*, et ideo non est Filius *n* Trin. V. c. 14.

Patres diu ante Augustinum intellexerunt hanc proprietatem Spiritus Sancti; immo testatur Augustinus ipse, hoc caractere distinctionem Spiritus Sancti declarari « a doctis et magnis divinarum Scripturarum tractatoribus, quod eum *donum Dei* esse praedicant *n* Aug. de fid. et symbol, n. 19. (T. VI.). Sane Patres antiquissimi hoc nomine tamquam proprio designant Spiritum Sanctum in connumeratione personarum SS. Trinitatis, ut Iustinus cohortat, ad Graec. n. 32.; Hippolytus contra Noet. n. 14. Vide alios apud Ruiz disp. 75. sect. 1. et Petav. 1. VIII. c. 3. Rem vero ipsam demonstrant Patres, quorum sententias adduximus. ubi egimus de processione per dilectionem. Luculentius tamen hanc

proprietatem declaravit Augustinus multis in locis, post Augustinum deinde Patres alii et omnes theologi Scholae in 1. dist. 18.; et in S. Th. 1. q. 38. Augustinus inter cetera ita disserit, « In eo quod proprie dicitur Spiritus Sanctus, relative dicitur, cum et ad Patrem et Filium refertur, quia Spiritus Sanctus et Patris et Filii Spiritus est. Sed ipsa relatio non apparet in hoc nomine; apparet autem, cum dicitur donum Dei. Donum enim est Patris et Filii, quia et a Patre procedit, sicut Dominus dicit; et quod Apostolus ait, qui Spiritum Christi non habet non est eius, de ipso utique Spiritu Sancto ait. Donum ergo donatoris et donator doni, cum dicimus, relative utrumque ad invicem dicimus. Ergo Spiritus Sanctus ineffabilis est quaedam Patris Filiique communio.. Ut ergo ex nomine quod utrique convenit (i. e, Pater et Filius, uterque et spiritus est et sanctus), utriusque communio significetur, vocatur donum amborum (is qui est donum amborum) Spiritus Sanctus... Ulterius autem quaeritur, utrum quemadmodum Filius non hoc tantum habet nascendo, ut Filius sit sed omnino ut sit, sic et Spiritus Sanctus eo quo datur, habeat non tantum, ut donum sit sed omnino ut sit?.. An semper procedit Spiritus Sanctus et non ex tempore sed ab aeternitate procedit; *sed quia sic procedebat, ut esset donabile, iam donum erat, et antequam esset cui daretur* Aliter enim intelligitur cum dicitur donum, aliter cum dicitur donatum; nam donum potest esse et antequam detur, donatum autem nisi datum fuerit, nullo modo dici potest... Sempiternae Spiritus donum, temporaliter autem donatum, r Aug. Trin. 1. V. n. 12-17.

Itaque *donum* quatenus proprium est et personale nomen Spiritus Sancti, relativum est ad donatorem Patrem ac Filium, cuius est donum non ut dominio possidentis, sed ut principii a quo procedit; at processio non solum indeterminate sed ita designatur, ut procedens ex ipso modo processione habeat rationem *donabilis*. Iam vero omne donum habet propriam rationem doni ex gratuita liberalitate, qua donatur vel est donabile (1), adeoque *ex amore*;

(1) « Donum non dicitur ex eo quod actu datur, sed in quantum habet aptitudinem ut possit dari » S. Th. 1. q. 38. a. 1. ad 4.

unde amor ex intima sua ratione est primum donum, ex quo omnia reliqua donantur, quae rationem doni non ex sese sed velut extrinsecus habent, quatenus dantur ex amore. Hinc in SS. Trinitate Filius procedit quidem a Patre et est etiam donabilis; verum quia donabilis est non ex interno suo caractere personali, quo est Verbum intellectus paterni, sed solum quatenus in Deo est amor, ex quo etiam Filius donatur: *u* sic Deus dilexit mundum, ut Filium suum unigenitum daret η Io. III. 16.; propterea nomen *doni* non designat proprium characterem personalem Filii (cf. S. Th. 1. dist. 18. q. 1. a. 3. ad 3.). Spiritus autem Sanctus, cuius character personalis constituens est, ut sit *amor productus* dilectione Patris et Filii, ex hoc ipso suo caractere personali est *donum* Patris et Filii.

Ex his apparet, nomen *doni* relative et stricte sumptum significatione coincidere cum appellatione *amoris procedentis*, et hanc iterum cum *virtute sanctificatrice* (*οὐανιζ ἀγιασζιν.τ.*'), quam ut proprium characterem Spiritus Sancti exhibent plures Patres (th. XXVI. η . II.), nisi quod *donum et vis sanctificatrix* clarius exprimit respectum (rationis) ad creaturas. « Dilectio quae ex Deo est et Deus est, proprie (1) Spiritus Sanctus est, per quem diffunditur in cordibus nostris Dei charitas, per quam nos tota inhabitat Trinitas. Quocirca rectissime Spiritus Sanctus, cum sit Deus, vocatur etiam *donum Dei*. Quod *donum* proprie quid nisi charitas intelligenda est, quae perducit ad Deum (2), et sine qua quodlibet aliud donum Dei non perducit ad Deum?» Aug. Trin. 1. XV. c. 18.

Quoniam tamen nomen *doni* non semper hac stricta significatione accipitur, a) sensu non relativo ad personam distinctam a qua detur, potest dici donum etiam Pater et

(1) Quando ab Aug. Spiritus Sanctus dicitur *proprie dilectio, proprie charitas*, opponit *proprium* communi et absoluto, ut ipsemet ibi multis declarat.

(2) Explicationem vide apud s. Bonaventuram in compend. theol. verit. c. 9. Spiritus Sanctus est charitas, qua diligimus Deum, efficienter et exemplariter, non tamen formaliter ut habitus inhaerens vel actus noster charitatis.

Deus absolute spectatus seu essentia divina, quia et Pater et Deus absolute spectatus dat seipsum ; neque enim verbum *dare* et *donatio* eodem rigore sicut *missio* exprimit distinctionem realem inter dantem et datum (1), quod iam supra animadvertimus, δ) Magis proprie et sensu relativo dicitur donum cum distinctione reali dantis ac dati sed absque determinatione personalis characteris, quo sit donabile. Hoc sensu eadem est ratio *dati* ac *missi*, et proinde Filius potest dici donum Patris, Spiritus Sanctus donum Patris et Filii. Denique c) accipitur sensu strictiori designante tum distinctionem personalem tum propriam rationem processionis per modum *primi doni*, h. e. per modum amoris; hoc sensu proprietatis notionalis, ut declaravimus, solus Spiritus Sanctus donum est. Cf. Ruiz disp. 75. sect. 2. num. 8.

THESIS XLVII.

Explicatio aliqua huius velut habitudinis peculiaris in Spiritu Sancto ad inhabitationem sanctificantem.

« Quod igitur Scripturae et Patres *inhabitationum* in sanctificatis
* singulariter tribuere videntur Spiritui Sancto, id explicandum est ex
» ipsa eius proprietate personali. Cum enim Deus inhabitet tamquam
» *charitas* increata, 1^o in proprietate *amoris procedentis* est peculiaris
» ratio ad hanc inhabitationem, quae tamen propter unitatem naturae
» communis est toti Trinitati; 2^o ex eadem proprietate dicuntur Pater
» et Filius sicut amare ita *inhabitare Spiritu Sancto* tamquam termino
» immanente suae dilectionis, quod non diversam relationem unionis *ad*
» *extra* sed ordinem personarum *ad intra* designat; 3^o licet causa *effi-*
» *ciens* et *exemplaris* sanctificationis sit Deus Trinitas secundum attri-
» buta absoluta, nihilominus spectatis personis distinctis in characterem
* personali Spiritus Sancti est *exemplar* expressius sanctitatis partici-
» patae quam in proprietate aliarum personarum, atque per hoc ipsum
» constituitur ratio in ordine *causae efficientis* appropriandi Spiritui
» Sancto effectus gratiae et sanctificationis. »

Quamvis inhabitatio ipsa atque modus unionis sit communis tribus personis, potest tamen in characterem perso-

(1) « Donum oportet esse aliquo modo dantis ; sed hoc esse huius dicitur multipliciter: uno modo *per modum identitatis*... et sic donum non distinguitur a dante » S. Th. 1. q. 38. a. 1. Cf. tamen s. Bonavent. 1. dist. 18. q. 4.

nali unius personae esse specialis ratio exigens talem unionem j quae ratio non sit in caractere personali aliarum personarum, ut paulo ante dictum est.

Sane ad distinctionem characterum personalium tum Scripturae indicant tum Patres frequenter dicunt, Patrem et Filium in nobis habitare Spiritu Sancto, et in Spiritu Sancto nos participes fieri Patris ac Filii, per Spiritum Patri et Filio coniungi. « Creatura quaevis (sanctificata rationalis) *Verbi particeps fit in Spiritu*. Omnes similiter *per Spiritum participes Dei dicimur*. . . Nunc vero cum Christi et Dei participes dicamur, utique constat, unguentum et sigillum quod in nobis est, non ad rerum factarum sed ad Filii naturam pertinere, *qui nos per Spiritum, qui in ipso est, Patri coniungit* » Athan. ad Serap. ep. I. n. 23. 24. Gemina fere apud Basil, de Spiritu Sancto n. 47. Pariter s. Cyrillus: « quomodo creatus est Spiritus, *si participes Patris et Filii per ipsum ejjicimur*... Igitur Deus est in nobis per Deum Spiritum » Cyrill. append. ad dialog. VII. p. 666. Immo s. Basilius etiam locutione negante dicit, Deum (Patrem et Filium) non habitare in nobis nisi per Spiritum, « Video et Dei et Spiritus praesentiam in unum idemque concurrentem, cum ea dicatur universalis in omnibus. At tu (Eunomi) cum in talibus non possis non intelligere aut dicere Spiritum increatum, ais Deum ipsum (Patrem) vocari Spiritum. *Verum nec inhabitat per se ipsum in creatura Deus*, nec quisquam possit Deum (Patrem) pro Dei Spiritu intelligere, cum clare Apostolum'audiat talia de eo, qui in nobis habitat, scribentem: nobis revelavit Deus per Spiritum suum;... nos autem non spiritum mundi accepimus, sed Spiritum qui ex Deo est » Basii, contr. Eunom. l. V. T. I. p. 309. Huiusmodi dicta apud Patres frequentia et universim doctrina Scripturae et Patrum de unionem Spiritus Sancti cum iustis, quae in th. XLIII-XLVI. est exposita, sine dubio ostendunt aliquid esse proprium ac personale Spiritui Sancto, quod refertur ad unionem et inhabitationem sanctificantem. Ex altera vero parte hoc proprium non potest esse eiusmodi, ut violetur unitas trium personarum in operatione ac rela-

tionibus ad extra, quae secundum declarata in th. XLV. intelligi debent. Conciliatio videtur nobis sequens certe vera, licet in tanta mysterii profunditate non possit esse plena.

In Spiritu Sancto ex eius caractere personali, quatenus est *amor procedens*, intelligimus *propriam et personalem rationem, non ut solus Spiritus Sanctus nec modo sibi proprio, sed ut Trinitas uno indistincto modo inhabitet et uniatur* sanctis ad diffundendam charitatem et diffusa charitate in cordibus eorum, « Dilectio quae ex Deo est et Deus est, proprie (i. e. ex proprietate personali) Spiritus Sanctus est, per quem (non utique divisim sed unite cum Patre et Filio) diffunditur in cordibus nostris Dei charitas (substantialis ad inhabitandum, accidentalis ad informandum), *per quam nos tota inhabitat Trinitas* » Aug. Trin. XV. 18. Videlicet Spiritus Sanctus, ut pridem demonstravimus, est immanens terminus dilectionis communis in Patre et Filio ut amor productus, sicque ratio amoris seu, ut loquitur Augustinus, *proprie charitas* est character personalis Spiritus Sancti; quoniam vero amor habet velut in radice respectum ad extra, nominatim ad sanctificandam creaturam rationalem, propterea a Patribus dicitur Spiritus Sanctus procedere non solum ut *amor subsistens* sed ut *donum* et ut *vis sanctificatrix* (th. XLVL).

Hisce positis 1°. recte potest dici, in caractere personali Spiritus Sancti esse specialem rationem ad inhabitationem sanctificantem, quae est inhabitatio Dei, quatenus Deus est charitas. Unde quemadmodum Suarez, Lessius II. ee. et alii theologi declarant inhabitationem universim, quod si Deus per immensitatem non esset ubique, exigeretur tamen Dei praesentia in sanctis ratione charitatis et amicitiae; possumus similiter hanc exigentiam personalem explicare: si ratione unitatis naturae inhabitatio non esset indivisibilis trium personarum, et si Pater et Filius non inhabitarent, esset tamen specialis ratio ad inhabitationem Spiritus Sancti in ipso eius caractere personali, quo est amor subsistens et ideo *donum* ac *vis sanctificatrix*.

2°. Quoniam SS. Trinitas inhabitat iustis ut charitas

j
|
I I
!
t' I
I

I
, '
II|
[
I
IfI
g f
† I
u|
r
I
' 0

I
HI

H

II

I

|
II

H

diligendo, et quoniam Pater et Filius ut una dilectio mutua aeternaliter semper in actu spirant amorem productum qui est Spiritus Sanctus; Pater et Filius *inspirando* Spiritum Sanctum, et Spiritus Sanctus *inspiratus* iustis coniungi et inhabitare dici possunt: quod perinde est, ac quando Pater et Filius dicuntur nobis mittere Spiritum Sanctum, nec diversitatem coniunctionis significat sed distinctionem et ordinem internum personarum, quibus coniungimur. Hoc ulterius declarari potest:

3°. Dilectio divina quatenus est in Patre et Filio, producit necessario immanentem terminum *amorem* qui est Spiritus Sanctus, nec sine hoc potest esse dilectio in actu, ac proinde non potest esse simpliciter. Etenim, ut rem declarat Ruiz disp. 109. sect. 2. n. 6., *u* Spiritus Sancti persona requiritur ad quamlibet operationem transeuntem, *quatenus ex sua quidditate personali sic terminat divinum amorem, ut Deus spirator non possit esse complete atque perfecte donator respectu creaturarum, nisi producendo Spiritum Sanctum qui est personaliter donum, immo nec amor ipse possit existere, si careat intrinseco termino qui est Spiritus Sanctus, n* Hoc sensu alibi diximus, Patrem et Filium omnia quae diligunt, *diligere Spiritu Sancto* (vide th. XXIX.); non quasi Spiritus Sanctus esset formalis amor, quo Pater et Filius diligunt, sed *diligunt Spiritu Sancto tamquam termino immanente dilectionis*, ut arbor floret floribus (S. Th. 1. q. 37. a. 2.). Spiritus Sanctus vero terminus dilectionis et amor procedens non producit diligendo adhuc alium amorem procedentem (th. XXVIII.). Unde Pater et Filius diligunt formaliter suâ essentia, et diligunt Spiritu Sancto ut amore terminante actum suae dilectionis, Spiritus Sanctus diligit suâ essentia et seipso ut amore subsistente.

Iam si loquimur de inhabitatione Dei unius et trini in sanctis per modum dilectionis, patet eodem sensu Patrem et Filium *inhabitare seipsis*, ut sunt charitas absoluta, et *inhabitare Spiritu Sancto* ut termino producto suae dilectionis, qui per unam utriusque dilectionem procedit ut *amor subsistens*, atque ideo ut *donum et vis sanctificalrix*.

Spiritus Sanctus vero non vicissim dici potest sanctos inhabitare Patre et Filio, sed inhabitat se ipso tum ut charitas absoluta (quatenus unum est cum Patre et Filio) tum ut amor procedens. Unitur igitur anima sanctificata Deo uni ut charitati absolutae; et quoniam Deus amator est Pater et Filius et Spiritus Sanctus, unitur personis amantibus tum omnibus tum singulis, Patri et Filio ut amando spirantibus amorem subsistentem, Spiritui Sancto ut amori spirato. Hoc autem significat, personas etiam in unione, de qua loquimur, manere inter se distinctas, atque notionales characteres spiratoris per dilectionem et amoris spirati non confundi; at non ideo solus Spiritus unitur animae sanctificatae modo aliquo, quo ei Pater et Filius non uniatur.

4n. Denique si participationem divinae naturae formalem et analogicam seu supernaturalem assimilationem ad divinam naturam consideremus, quae est necessaria dispositio et fundamentum realis relationis ad Deum inhabitantem (th. XLIV.), atque ideo dicitur esse veluti vinculum uniens Deum amantem et amatum cum anima amata et amante; in hac participatione duo distinguenda sunt, videlicet ut Deus est effector sanctificationis et gratiae, atque ut est exemplar, cui per gratiam infusam assimilamur. Haec enim duo includit *participatio formalis*, ut participatus sit exemplar et causa efficiens, in participante sit origo et assimilatio. *Efficientia* omnis est Dei quatenus unus est naturâ, non ergo vel proprie vel singulariter vel magis aut alio modo effectus donorum gratiae est a Spiritu Sancto prae Patre et Filio, quia Deus ad extra operatur sub formali ratione absoluti non vero quatenus est Pater generans, Filius genitus et Spiritus Sanctus procedens (th. XII.). At *exemplar* cui creatura supernaturaliter assimilatur, Deus est tum sub ratione naturae absolutae tum sub ratione distinctarum hypostaseon et characterum personalium. Unde per charitatem diffusam in cordibus nostris assimilamur Deo tum quatenus est *charitas absoluta* atque ita Deus unus et trinus, tum quatenus (iuxta expressionem Augustini) est *charitas proprie*, h. e. *amor procedens*

et ideo *ex proprio caractere personali sanctitas* (th. XXVI. η. II.). Quare si personae distinctae considerentur, Spiritus Sanctus est exemplar, cuius characteri personali sanctificati per gratiam expressius assimilantur quam characteri Patris et Verbi, « Deus sanctorum animabus immittit suae proprietatis *illam per Spiritum participationem* » τη ἰδία ἰδιότητις την δια πνεύματος μεξιν Cyrill. Dialog. VII. pag. 644. Haec vero ipsa ratio exemplaris et assimilationis praebet fundamentum, ut etiam in ordine causae efficientis omnes effectus gratiae Spiritui Sancto approprientur (th. XIII.). « Ea quae a Deo in nobis sunt, reducuntur in Deum sicut causam efficientem et exemplarem ; in causam quidem efficientem, in quantum virtute operativa divina aliquid in nobis efficitur; in causam vero exemplarem, secundum quod id quod in nobis a Deo est, aliquo modo Deum imitatur. Cum ergo eadem virtus sit Patris et Filii et Spiritus Sancti sicut et eadem essentia, oportet quod id quod Deus in nobis efficit, sit sicut a causa efficiente simul a Patre et Filio et Spiritu Sancto. Verbum tamen sapientiae quo Deum cognoscimus, nobis a Deo immissum est proprie repraesentativum Filii, et similiter amor quo Deum diligimus, est *proprium repraesentativum Spiritus Sancti*. Et sic charitas quae in nobis est, licet sit effectus Patris et Filii et Spiritus Sancti, tamen quadam speciali ratione dicitur esse in nobis per Spiritum Sanctum » S. Th. contr. gent. IV. c. 21. Cf. s. Bonavent. 1. dist. 17. P. I. q. 1.; Compend. theol. verit. c. 9.

THESIS XLVIII.

De inhabitatione Spiritus Sancti in iustis veteris Testamenti.

» Secundum diversitatem et perfectionem donorum sanctificantium, admittendi etiam sunt gradus diversi in invisibili missione et inhabitatione Spiritus Sancti. Secundum hanc diversitatem graduum aliqui ss. Patres distinxerunt missionem et inhabitationem Spiritus Sancti pro novo Testamento nominatim in sanctificatis per gratiam baptismi a participatione eiusdem Spiritus in sanctis veteris Testamenti; non autem potest admitti, a ss. Patribus communi sententia inhabitationem Spiritus et adoptionem filiorum pro tempore veteris Testamenti simpliciter fuisse negatam. »

In hac thesi quam appendicis instar haberi volumus, quaerimus, utrum et quomodo discrimen inter sanctificationem in veteri et in novo Testamento admitti debeat. Visa autem est inquisitio opportuna propter opinionem Petavii theologi sane gravissimi, qui inhabitationem Spiritus Sancti et, quod adhuc durius est, adoptionem filiorum in iustis veteris Testamenti negandam esse putavit. Sententiam iam per se cum natura ac indole inhabitationis sanctificantis vix conciliandam confutabimus explicatione testimoniorum, quibus Petavius unice innititur.

Sicut in naturali omnipraesentia Dei quae ex attributo immensitatis consequitur, inexistencia in omnibus creaturis, si simpliciter secundum *essentiam* divinam spectetur, potest dici eadem; est vero diversissima inexistencia secundum *potentiam* et *praesentiam* seu secundum operationem et gubernationem; ita supernaturalis inhabitatio Spiritus Sancti in sanctificatis per gratiam est quidem in iis omnibus; sed habet gradus tam diversos, quam diversi sunt gradus sanctitatis et donorum gratiae. Quod utrumque patet ex ipsa, quam declaravimus natura inhabitationis. Quanta enim vero est diversitas non modo inter inhabitationem Dei in beatis comprehensoribus ad visionem et fruitionem iam completam atque in viatoribus ad fruitionem inchoatam et in dispositione; sed etiam in multiplicibus gradibus visionis beatificae, et in viatoribus ab infimo gradu gratiae

sanctificantis usque ad perfectionem sanctitatis et charismatum maiorem ac maiorem in indefinitum ?

Hinc Ie. Spiritus Sanctus invisibiliter mittitur non solum in collatione primae gratiae seu in iustificatione peccatoris, sed etiam in collatione gratiae secundae seu in augmento gratiae sanctificantis. Est enim in secunda gratia novus titulus et novum veluti vinculum praesentiae amantis in amato (Siiarez l. XII. c. 5. n. 16. sqq.). Hanc *missionem* in simplici augmento gratiae proprie dici, nonnulli quidem negant (Ruiz disp. 109. sect. 4.); omnes vero fatentur, in sanctificatione etiam secunda peculiari, qua quis licet iam filius adoptivus inferioris gradus in novo velut ordine ac statu filiorum Dei ac regni gratiae constituitur, proprie mitti et novo modo inhabitare Spiritum Sanctum (1). Hinc nominatim in sacramentis, quae vocantur a Dionysio consecratoria, specialiter Christo consecrantibus et constituentibus in peculiari dignitate membri, militis, ministri Christi sacerdotis atque ideo caractere indelebili obsignantibus (vid. Tract, de Sacram, in genere th. XIII.) peculiaris est missio et nova inhabitatio Spiritus Sancti per gratiam sacramentalem. Ideo Patres agnoscunt in regeneratis et illuminatis per baptismum Spiritum Sanctum inhabitantem modo aliquo, quo non habitat in catechumenis, licet iam iustificati essent; et quo neque habitavit in sanctis veteris Testamenti. In sacramento autem Chrismatis est quaedam continuatio missionis Spiritus Sancti factae primum discipulis in prima Pentecoste novi Testamenti. In sacra Ordinatione est missio Spiritus Sancti ex fine quidem principali sacramenti ad potestatem sacerdotalem, hoc vero ipso ad inhabitationem etiam per respondentem gratiam sacramentalem. Ex hoc fundamento diversitatis graduum et donorum possumus explicare inhabitationem in sanctis veteris Testamenti et conciliare dicta

(1) De trina missione Spiritus Sancti ad Apostolos ante passionem Christi, post resurrectionem et demum post ascensionem in coelum secundum diversos gradus communicationis agunt tum Patres alii, Chrysostomus, Cyrillus, Augustinus, tum praeclare Gregorius Naz. or. 31. al. 37. η. 26. et expressius or. 41. al. 44. η. 11.

quaedam ss. Patrum, ex quibus inhabitatio Spiritus et adoptio in filios pro veteri Testamento simpliciter neganda visa est Petavio.

2°. Verum quidem est, missionem ac inhabitationem Spiritus Sancti pertinere ad novum Testamentum, ad legem gratiae, eodem modo ut gratia ad novum Testamentum pertinet, non autem ad vetus, si hoc spectetur praecise ut oeconomia Sinaitica, quae erat *„in servitutem generans“* et tantummodo *„paedagogus“* ad legem gratiae (Gal. III. 24.; IV. 24.): sed sane falsum est, tempore veteris Testamenti non fuisse sperantibus in Christum intuitu meritorum Christi futuri praeparatam et datam gratiam pertinentem ad indolem propriam novi Testamenti; adeoque etiam concedendum omnino est, Spiritum Sanctum missione invisibili missum fuisse et inhabitasse sanctis veteris Testamenti (1). Pariter verum est, gratiam in veteri Testamento veluti praeerogatam ante pretium actu persolutum et ante meritum completum sacrificio crucis generatim loquendo fuisse parciorem et minus universalem quam post meritum iam actu completum; adeoque etiam universim loquendo potest dici communicatio et inhabitatio Spiritus Sancti in veteri Testamento pro mensura donorum gratiae fuisse gradu inferiori quam in novo Testamento. Nominatim utique non fuit ibi missio et inhabitatio Spiritus Sancti per regenerationem et consecrationem sacramentali gratia ex opere operato. At non possumus concedere, discrimen in hoc esse, quod in veteri Testamento soli effectus Spi-

(1) « Quamvis nec lex per Moyseu data potuerit a quoquam homine regnum mortis auferre, erant tamen et legis tempore homines Dei, non sub lege terrente, convincente, puniente, sed sub gratia delectante, sanante, liberante. Erant qui dicerent:... cor mundum crea in me Deus et Spiritum rectum innova in visceribus meis, et Spiritu principali confirma me, et Spiritum Sanctum tuum ne auferas a me.... Neque enim qui nobis ista fidei dilectione prophetare potuerunt, eorum ipsi participes non fuerunt.... et illi per gratiam D. N. Iesu Christi salvi facti sunt non per legem Moysi, per quam non sanatio sed cognitio est facta peccati. Nunc autem sine lege iustitia Dei manifestata est. Si ergo nunc manifestata est, etiam tunc erat, sed occulta. Aug. de peccat. orig. contr. Pelag. n. 29.

ritus Sancti fuerint in sanctis , non autem ipsa persona seu ἰσῳω ipse Spiritus Sanctus eis fuerit coniunctus, sicut inhabitat in sanctis novi Testamenti.

Petavius l. VHT. c. 7. η. 1 -11 conatur persuadere, ex sententia vix non universali ss. Patrum discrimen hoc esse, quod « ante Christi adventum et obitum in sanctis fuerit Spiritus Sanctus κατ' ἐνεργειαν i. e. operatione tenus, deinceps autem ἰσῳω i. e. substantialiter, ⁿ Hinc ex illa sua opinione superius commemorata , quod non gratia creata sed substantia Spiritus Sancti nobis coniuncta sit formalis causa filiationis adoptivae, ulterius censet, iuxta doctrinam Patrum sanctos veteris Testamenti non fuisse filios Dei adoptivos. Quae sane omnia valde difficilia videntur.

Profecto si sermo sit de communi sententia Patrum, nec Petavius nec quisquam alius demonstraverit, eos agnovisse aliud reale discrimen inter inhabitationem in sanctis veteris ac novi Testamenti praeter illud, quod diximus, secundum diversitatem graduum et secundum proprietates ac mensuram donorum, *a Cum in die Pentecostes discipulos Domini Spiritus Sanctus implevit* (utique ἁρῳω iuxta expressionem Petavii), *non fuit inchoatio muneris sed adiectio largitatis*; quoniam et patriarchae et prophetae et sacerdotes omnesque sancti qui prioribus fuere temporibus, *eiusdem sunt Spiritus Sancti sanctificatione vegetati....* ut eadem semper fuerit virtus charismatum, quamvis non eadem semper fuerit mensura donorum ⁿ s. Leo M. semi. II. de Pentec. c. 3. Quaerit Augustinus , quomodo sit intelligendum, quod dicitur Io. VII. 39: Spiritus nondum erat datus, quia Iesus nondum erat glorificatus? « Quomodo intelligitur, nisi quia certa illa Spiritus Sancti datio vel missio post clarificationem Christi futura erat, qualis nunquam antea fuerat? Neque enim antea nulla erat, sed talis non fuerat. Si enim antea Spiritus Sanctus non dabatur, quo impleti locuti sunt prophetae?... cum et de Ioanne Baptista dictum sit: Spiritu Sancto replebitur inde ab utero matris suae; et Spiritu repletus Zacharias pater eius invenitur... et Spiritu Sancto Maria... Spiritu Sancto Simeon et Anna. » Dicetne Petavius , in his omnibus non

ipsam intelligi personam sed solum effectum Spiritus Sancti, et in die Pentecosten primum missam fuisse tandem ipsam personam ? At Augustinus nihil novit de hoc discrimine, sed memorat unice diversitatem donorum: « *illa datio vel donatio vel missio Spiritus Sancti* (comparata ergo cum dationibus vel donationibus vel missionibus Spiritus Sancti, quae etiam antea erant) habitura erat quamdam proprietatem suam in ipso adventu, qualis antea numquain fuit; nusquam enim legimus linguis, quas non noverant, homines locutos veniente in se Spiritu Sancto, sicut tunc factum est » Aug. Trin. IV. n. 29. Vide Athanas. contra Arian, or. IV. al. V. η. 29. (quem citat ipse Petav. n. 9. et frustra conatur alio sensu explicare); Hieronym. ad Hedib. q. 9. etc.

Ex Patribus quorum testimoniis Petavius nititur, Athanasius or. 2. contr. Arian, (in ed. Maurina or. I. η. 47. 50. T. I. p. 451. 455.); Chrysostomus in Act. horn. 4. η. 2.; in Rom. horn. 14. n. 2. 3.; Augustinus in Ps. 81. n. 1.; serm. de tempore 126. 182. 185. (qui ceterum sermones omnes nunc ut spurii in appendicem reiecti sunt) nihil omnino aliud dicunt, quam quod Spiritum Sanctum non potuimus recipere nisi per merita Iesu Christi, quod Apostolis abundantius communicatus est quam prophetis, quod filiatio adoptiva non pertinet ad synagogam, ad populum Iudaicum ex vi scilicet legis veteris, sed ad gratiam novi Testamenti, quae vero ipsa gratia tempore veteris Testamenti non deerat. Gregorius Naz. or. 41. al. 44. n. 11. nequaquam « *disserte praedicat*, » quod Petavius ait, ante Christum Spiritum Sanctum « *operatione tenus*, nunc vero *ουσιωδω* i. e. substantialiter » communicatum esse. Sed verba Gregorii haec sunt, « *Spiritus Sanctus semper quidem erat et est et erit... Erat igitur semper participatus non participans, perficiens non ab alio perfectus, replens non repletus, sanctificans non sanctificatus, deificans non deificatus* (1), ipse semper unum et secum et cum iis, quibus connumeratur (cum Patre et Filio)... bonitas ipsa et fons bonitatis, Spiritus rectus, principalis (Ps. 50.)... gratias

(1) 'Ib as» ^sraX^rro» ôw μβαλιυττιχο», τῖληόυν οό t »Xs»owus>o>. πληροὺν ον πληρον^ίνο», «γιαξο> όνχ αγια^ομ<ζο./, Oe>ον> θ'v üsio vmo ov.

dividens, *Spiritus adoptionis*, veritatis, sapientiae, intellectus, scientiae, pietatis, consilii, fortitudinis, timoris, quemadmodum numerantur (Is. XI. 12.)... Hic priusquidem *operabatur* (*ενηγορει*) *in angelicis et coelestibus virtutibus*, et quotquot sunt primae post Deum et penes Deum ; non enim aliunde eis est perfectio et illuminatio et ad malitiam difficilis aut impossibilis mutatio , *quam a Spiritu Sancto*; deinde in patriarchis et prophetis , quorum alii Deum viderunt in imaginibus aut cognoverunt, alii et futura praescierunt *in mente sua signati Spiritu Sancto* (1).... postea in Christi discipulis , Christum enim praetermitto cui aderat non ut operans (*βυχ ὡ ενεργούν*) sed ut aequalem concomitans; atque in his (discipulis Christi) tripliciter, quantum capere poterant, et secundum tria tempora. *u* Distinguit deinde tempus ante passionem Domini, ubi Spiritus aderat Apostolis ad morbos et daemones pellendos; post mortem et resurrectionem , quando Christus insufflavit Apostolis dicens: accipite Spiritum Sanctum ; demum tertio *u* est hodierna divisio ignearum linguarum (hac scilicet die Pentecostes, quando orationem habuit Gregorius), quam celebramus. Primum obscure, secundo expressius, hodie vero perfectius non amplius operatione praesens sicut prius (in morbis sanandis, et in sufflatione Christi); sed *substantialiter* , *ut quis dicere posset, advenit et conversatur*. Decebat enim , postquam Filius corporaliter nobiscum versatus est, etiam illum (Spiritus) *apparere corporaliter* *n* (2). Profecto Nazianzenus nihil dicit de diverso modo sanctificationis per Spiritum Sanctum in veteri et in novo Testamento: inmo indicat, hunc modum fuisse semper eundem per participationem Spiritus Sancti; eiusdem Spiritus operationem fuisse in angelis, patriarchis veteris Testamenti, et in Apostolis. Tum declarat differentiam non inter communicationes in veteri et in novo Testamento, sed inter duas priores communicationes Apostolis factas ad dae-

(1) ἡ τοῦ ἁγίου πνεύματος ἡμετέρας ἐνέργειαι. .. J

(2) Ὁ δὲ νῦν τελεωτέον. οὐκ ἐστὶ ἐνεργεῖα παρὸν ὡς προτερον, οὐαίνοα; Cι, ὡς ἀντι . συγγινώσκοντες τὰ καὶ συζήτησις νομίζοντες. ἐπρεπε γὰρ, ὡς τμινὸς ἀλλήλων . καὶ αὐτοὶ ἀνῆλθαι σὺν Μάρκῳ.

mones expellendos et ad remittenda peccata, atque inter tertiam in die Pentecostes. Priores dicit fuisse huiusmodi ut Spiritus adfuerit operatione, altera ut *quodammodo* *cu-σ᾽οοω* advenerit et conversatus sit cum Apostolis; hoc autem declarat sibi velle, quod Spiritus Sanctus in die Pentecostes *σω/χατικω* *i. e. corporali specie et visibili missione advenerit*. Distinguit ergo inter missionem solis effectibus subsequentibus manifestatam, et missionem visibilem in linguis ignitis. Quae omnia certe nihil pertinent ad negationem inhabitationis Spiritus Sancti in iustis veteris Testamenti.

Rupertum Abbatem saeculi XII., cuius verba citat Petavius ex 1. I. cc. 11.18.19.; 1. II. c. 6. de glorificatione Trin. et process. Sancti Spiritus (Opp. T. III.), possemus transmittere; quomodocumque enim intelligatur, numquam ex eo demonstrabitur, eam quam impugnamus, fuisse sententiam ss. Patrum. Ceterum videamus, quid tandem ille doceat. Triplicem ait esse Spiritus Sancti processionem ad extra, ad creationem, ad charismata gratis data nominatim ad prophetiam, ad remissionem peccatorum. « Ante adventum Filii Dei dabatur quidem in divisionem gratiarum (prophetiae etc.), sed non etiam in remissionem peccatorum. *n* Quomodo iam id intelligitur? Profecto enim evidenter falsum est, in veteri Testamento peccata nulla fuisse remissa, aut non fuisse remissa per gratiam Spiritus Sancti. Sensus Ruperti colligitur ex tribus, quae ibidem docet, a) *u Sine Spiritu Sancto dato nullus umquam hominum salvari potuit aut poterit* *n* c. 18. Tum b) non solum hominibus viventibus in novo Testamento sed etiam iustis defunctis in veteri Testamento Spiritus in remissionem peccatorum dabatur completa demum passione Christi. *u* Cum Christus dicit: si enim non abiero, Paracletus non veniet ad vos, sic intelligi vult, ac si dixisset: *si enim per passionem mortis non transiero ex hoc mundo*, neque vobis, *neque antiquioribus*, neque venturis post vos dabitur Spiritus Sanctus secundum hoc datum, quod est peccatorum remissio » c. 19. Denique c) hanc donationem Spiritus Sancti propriam novi Testamenti quae est in re-

missionem peccatorum , probat ex verbis Christi : « postquam abiit, rediens et stans in medio discipulorum suorum insufflans et dicens: accipite Spiritum Sanctum, statim subiunxit: quorum remiseritis peccata, remittuntur eis » c. 19. Rupertus itaque non dicit in veteri Testamento nemini culpam fuisse remissam, vel id factum esse alite]quam « dato Spiritu Sancto , » sed dicit contrarium. At post meritum Christi actu completum Spiritus Sanctus datur in remissionem peccatorum duplici modo , quo antea non dabatur : primo in remissionem omnium privationum boni et poenarum , quae consequencebantur ex peccato ; sic non dabatur nisi post completam Christi passionem ac mortem etiam iustis *antiquioribus*, qui eo usque exulabant a patria beatae visionis Dei cf. S. Th. 1. dist. 15. q. o. a. 2. ad 2. Deinde datur Spiritus Sanctus in novo Testamento Apostolis et successoribus ad potestatem remittendi peccata, adeoque in remissionem peccatorum velut activam. Haec vero quid ad rem, de qua agimus?

Ex omnibus a Petavio allatis Patribus remanet unus s. Cyrillus in Io. T. IV. p. 474. 475.; Thesaur. T. V. P. I. p. 104-106. Fateor unicum Cyrillum , si seorsum absque prudenti collatione legatur et aliqua eius verba pressius accipiantur, videri id dicere, quod Petavius velut communem Patrum sententiam urget. Nihilominus ex canone hermeneutico alibi a nobis demonstrato (Tract, de Tradit, th. XV.), ut Patres non facile interpretemur in sensum a doctrina communi alienum, penitus inspiciendus est s. Doctoris contextus; praesertim cum, si singula verba 11. cc. nimis premerentur, sensus sequeretur non parum absurdus. Contextus hic est. « Postquam ex humanitate aufugit et evolavit Spiritus Sanctus (corrupta natura per peccatum primi parentis), qui nos ad divinum characterem conformare ac servare poterat, rursus hunc nobis Salvator elargitur in primitivam illam restituens dignitatem , *et in suam ipsius imaginem transformans*

εἰ εἰς. οὐα. ττ,ν ἐαντζυ).,.

Sed si ita res habet, quomodo erat in prophetis? Consideremus ergo , in ss. prophetis uberem quamdam velut irradiationem et praelustrationem Spiritus fuisse, quae de-

ducere posset ad futurorum comprehensionem et occultorum notitiam; in iis autem, qui in Christum credunt, non simpliciter illustrationem, quae sit a Spiritu, *sed ipsum*, *Spin'tum inhabitare et hospitari confidimus. Unde iure Dei* *templa dicimur, licet nullus umquam* *ss. prophetarum templum Dei appellatus sit.* *n* Evidenter hic statuit discrimen inter inhabitationem Spiritus Sancti in fidelibus novi Testamenti et inter irradiationem in sanctis prophetis veteris Testamenti. Hoc autem magis urget et confirmat comparatione fidelium baptismo Christi regeneratorum cum Ioanne Baptista ex verbis Christi: *u* non surrexit inter natos mulierum maior Ioanne Baptista, qui autem minor est in regno coelorum, maior est illo *n* Matth. XI. 11. Regnum coelorum, inquit, *u* est donatio Spiritus Sancti iuxta illud: regnum coelorum intra vos est; inhabitat enim per fidem in nobis Spiritus, *n* Unde quamvis perfectione iustitiae non esset inter natos mulierum maior Ioanne, tamen ipsi deerat certus aliquis modus sanctitatis, qui est per regenerationem ex aqua et Spiritu Sancto; et eatenus minor inter baptizatos et per lavacrum regenerationis ex Deo natos maior est Ioanne nato ex muliere, *u* Magnus erat revera beatus Baptista in omni virtute praestantissimus ad ipsos usque fines, ut nihil esset amplius, pertingens iustitiae, quae in nobis est; sed cum ita se haberet, tamen rogabat Christum dicens: ego a te debeo (χρεῖαν ἔχω) baptizari, et tu venis ad me? Vides, quomodo licet perfectus, quantum in homines et in natos mulierum cadebat, rogat recreari (ἀνακπῆσθαι) quodam modo et regenerari per Spiritum Sanctum? Vides, ut profiteatur *m* *regeneratis maius aliquid, cum hoc adhuc se indigere ait...* Maiorem igitur etiam ipso Ioanne Christus ait esse minimum regni coelorum, hoc est, et recens baptizatum nondum vero operibus praestantem, *secundum hoc solum quatenus beatus Baptista erat natus ex muliere, hic vero ex Deo natus est iuxta Scripturam, et divinae naturae factus est consors inhabitantem habens in se Spiritum Sanctum, et appellatus templum Dei...* Cum ergo divinus Evangelista nobis ait: nondum enim erat Spiritus (datus), quia Iesus nondum erat

I
 ŷ
 1
 M
 ||
 !
 'I
 B
 I
 |
 I
 .Î
 fi
 }|
 II
 'j
 (j
 ||
 'I
 Hl
 H

glorificatus (Io. VII. 37), *integram et numeris omnibus perfectam inhabitationem Spiritus Sancti in hominibus* (1) *eum significare colligamus*, n Ita in Io. 1. c. et iisdem sentiis in Thesaur. 1. c. %

Animadvertimus sequentia, a) Nullibi Cyrillus dicit, in veteri Testamento non inhabitasse ipsum Spiritum Sanctum in sanctificatis.

Immo 3) in his ipsis locis docet contrarium, u Cum Baptista *Spiritus Sancti particeps esset* (πνεύματο ἁγίῳ μέτοχο ων) et gratia prophetica repletus inde ab utero matris suae . . . satagebat suos discipulos confirmare fide in Christum Salvatorem » Thesaur. p. 102. « Facile intellectu est, regnum coelorum *priscis etiam patribus* paratum fuisse utpote *conformibus imaginis Filii sui* (Rom. VIII. 29.), atque ideo a Deo et Patre praecognitis » ibid. p. 106. Pariter inhabitationem Spiritus et transformationem per Spiritum probat simul ex 1. Reg. X. 6.: u insiliet in te Spiritus Domini et mutaberis in virum alium », quod pertinet ad vetus Testamentum , et in eodem contextu ex 2. Cor. III. 18.: u in eandem imaginem transformamur tamquam a Domini Spiritu », quod dictum est pro novo Testamento. Cyr. in Io. p. 919. 920.

Iam vero conformitatem ad imaginem Filii, qualis nominatur Rom. VIII. 29., Cyrillus non agnoscit aliam nisi per inhabitantem Spiritum Sanctum; immo censet *imaginem Filii* ab Apostolo nominatam ipsum esse Spiritum Sanctum, atque ita Spiritu Sancto inhabitante iustos veluti imprimente sigillo conformari Christo, u Similitudo pura et naturalis Filii est Spiritus, ad quem etiam nos configurati per sanctificationem, ad ipsam Dei formam configuramur... Quod autem similitudo vera Filii est Spiritus, audi Paulum scribentem: quos praescivit et praedestinavit *conformes fieri imaginis Filii sui* (Rom. VIII. 29.) » Dialog. VII. T.V. p.639. Vide reliqua a nobis descripta (supra p.633.sq.). Certe igitur Cyrillus sensit, ipsum Spiritum Sanctum in

(1») οΧνr/.ior, χαί ολοζληρσχ ζατοιχησι? *y àνSçuKoiç t &u άγιββ
rrvrj]Aaror.

patriarchis et prophetis et in Ioanne Baptista ad sanctificationem et impressionem imaginis Filii inhabitasse.

Nihilominus c) Cyrillus agnoscit specialem missionem et inhabitationem Spiritus Sancti per regenerationem et consecrationem fidelium in baptismo, de qua paulo ante diximus, et secundum hanc specialem consecrationem putat solos sanctos novi Testamenti appellari templum Dei. Unde in comparatione iustorum veteris Testamenti et re-generatorum baptismo in novo Testamento Cyrillus non simpliciter negat Spiritus Sancti personam inhabitasse iustis veteribus, nec simpliciter negat eis dignitatem filiorum adoptionis; sed tamen agnoscit in regeneratis per baptismum Christi specialem dignitatem gratiae et specialem titulum ad illam inhabitationem et adoptionem. Quod tandem revocatur ad distinctionem inhabitationis secundum diversos gradus et pro diversa non solum mensura sed etiam proprietate gratiarum ac donorum; non vero pertinet ad statuendum discrimen coniunctionis per solam operationem pro tempore veteris Testamenti et inhabitationis secundum substantiam pro oeconomia novi Testamenti. Cf. S. Th. 1. dist. 15. q. 5. a. 2.

**GRATIA DOMINI NOSTRI IESU CHRISTI
ET CHARITAS DEI ET COMMUNICATIO SANCTI SPIRITUS
SIT CUM OMNIBUS NOBIS. AMEN.**

INDEX THESIUM

SECTIO I.

REVELATA DOCTRINA DE UNITATE NATURAE
ET REALI DISTINCTIONE PERSONARUM DIVINARUM

Th. I.	Numerica unitas deitatis in universa revelatione sicut veteris ita novi Testamenti docetur. <i>pag.</i> 5	
Th. II.	Complexus doctrinae in Scripturis novi Testamenti de unitate et distinctione	r 12
Th. III.	Distinctio personarum et unitas naturae ex specialibus testimoniis novi Te- stamenti demonstratur.....»	18
Th. IV.	Ex principiis theologicis textus 1. Io. V. 7. genuinus demonstratur . . . »	41
Th. V.	Demonstratio SS. Trinitatis ex 1. Io. V. 7.....»	80
Th. VI.	Doctrina veteris Testamenti de distinc- tis personis divinis.....»	97
Th. VII.	Distinctio personarum divinarum exhi- bita in veteri Testamento descriptio- nibus Sapientiae genitae »	111
Th. VIII.	Communis fides christiano saeculo IV. ineunte in distinctas personas unius divinae naturae demonstratur ex hi- storia haeresis Arianae eiusque con- demnatione in Concilio Nicaeno . . »	118
Th. IX.	Unitas naturae in distinctis personis tam a Concilio Nicaeno quam a Patribus subsequentibus intellecta est unitas singularitatis.....,,	127

Tn. X.	De SS. Trinitate professio catholica eadem ante Cone. Nicaenum demonstratur ex Patribus III et II saeculi, <i>pag.</i> 145	
Th. XI.	De difficilioribus concipiendi et loquendi modis, quibus Patres vetusti distinctionem realem divinarum personarum significant..... <i>n</i> 167	
Tn. XII.	De communitate reali attributorum et omnis operationis <i>ad extra</i> in tribus personis divinis» 206	
Th. XIII.	De ratione qua attributa quaedam et operationes <i>appropriantur</i> uni personae prae alia <i>n</i> 216	
Th. XIV.	De mutua divinarum personarum <i>circuminsessione</i> <i>r</i> 225	
Th. XV.	De unitate perfectionis in personis sive singulis sive tribus simul spectatis * 239	
Th. XVI.	De aequalitate et similitudine divinarum personarum..... <i>n</i> 253	

SECTIO II.

DE ANALOGICO NOSTRO CONCEPTU MYSTERII SS. TRINITATIS.

Tn. XVII.	In revelatione ipsa docetur, dogma SS. Trinitatis esse mysterium proprie dictum excedens vim rationis humanae.....» 258	
Th. XVIII.	De fallacia et periculo tentaminum ad demonstrationem mere rationalem mysterii <i>v</i> 278	
Th. XIX.	Supernaturalis eminentia mysterii non impedit, quominus illud supposita revelatione conceptu analogico apprehendi possit» 307	
Th. XX.	Mysterium SS. Trinitatis quod est supra rationem, non tamen potest convinci esse contra rationem - - - >> 322	

Th. XXI.	De identitate reali et distinctione in SS. Trinitate per distinctionem absoluti ac relativi pag. 337	
Th. XXII.	Relationes divinae sunt reales et ideo substantiales.....» 347	
Th. XXIII.	Declaratio , quomodo divinae personae relationibus constitui intelligantur..... » 353	
Th. XXIV.	De modo significandi , quem habet nomen <i>persona</i> , et de opinione theologorum asserentium in Deo subsistentiam absolutam r 372	
Th. XXV.	De notionibus <i>spirationis activae</i> et <i>ingeniti</i> - - - - - r 382	
Th. XXVI.	Modus processionis Verbi per intellectum, Spiritus Sancti per voluntatem ex Scriptura et Patrum doctrina demonstratur..... r 395	
Th. XXVII.	Supposita revelatione deducitur aliqua analogica intellectio processionum divinarum.....» 408	
Th. XXVIII.	De intellectione et dilectione notionali comparata cum attributis absolutis , et de numero processionum in Deo.....» 416	
Th. XXIX.	De obiectis, quorum intellectione et dilectione sint processionem divinae; et quomodo Pater Verbo sapiens, Pater et Filius Spiritu Sancto amans dici possit.....» 421	
Th. XXX.	De modo quo processio secundae personae ut <i>generatio</i> , processio vero tertiae personae ut alia distincta manifestatur in revelatione . . . * 433	
Th. XXXI.	De ratione, cur processio tertiae personae non sit <i>generatio</i> . . . » 444	

SECTIO III.

DE PROCESSIONE SPIRITUS SANCTI EX PATRE ET FILIO

Th. XXXII.	Processio Spiritus Sancti etiam a Filio demonstratur ex disserta doctrina Scripturarum.....	<i>pag</i> 459
Th. XXXIII.	Eiusdem veritatis demonstratio ex necessario personarum ordine originis, et ex missione Spiritus a Filio.....	464
Th. XXXIV.	Explicatio dogmatis affirmantis, quod Spiritus a Patre procedit . »	480
Th. XXXV.	Demonstratio ex disserta doctrina Patrum.....»	487
Th. XXXVI.	De sensu catholico formulae, qua dicitur Spiritus Sanctus procedere a Patre per Filium.....	
Th. XXXVII.	De comparatione relationis Spiritus Sancti ad Filium cum relatione Filii ad Patrem	543
Tu. XXXVIII.	De sensu ac modo, quo in oppositione adversus Pneumatomachos explicite declarata est Spiritus Sancti processio a Patre . . . »	551
Th. XXXIX.	De oppositis argumentis Photianorum.....	
Th. XL.	De distinctione Filii et Spiritus Sancti per solam relationem originis	589
	De professione processionis etiam ex Filio inserta in symbolum fidei	598

SECTIO IV.

DE MISSIONE DIVINARUM PERSONARUM
ET SINGILLATIM DE MISSIONE SPIRITUS SANCTI

Tu. XLII.	De notione missionis in persona divina, et de distinctione inter missionem visibilem ac invisibilem .	<i>pag.</i> 620
Th. XLIII.	De missione invisibili et inhabitatione Spiritus Sancti in sanctificatis ex doctrina Scripturae et Patrum. . »	625
Tn. XLIV.	Explicatio aliqua huius inhabitationis divinae ex parte termini . . »	635
Th. XLV.	De inhabitatione communi tribus personis, quia unum sunt natura. . «	642
Th. XLVI.	De proprio caractere Spiritus Sancti in ratione doni.....n	647
Th. XLVII.	Explicatio aliqua huius velut habitudinis peculiaris in Spiritu Sancto ad inhabitationem sanctificantemn	651
Th. XLVIII.	De inhabitatione Spiritus Sancti in iustis veteris Testamenti. - - - ”	657

r e i m p r i m a t u r

p. Fr. Vincenlius Maria Gatti Ord. Praedicat.

S. P. A. M.

